

धम्मगिरि-पालि-गन्थमाला

[देवनागरी]

दीघनिकाये

साधुविलासिनी

नाम

सीलखन्धवग्गअभिनवटीका

पठमो भागो

गन्थकारो

महाथेरो जाणाभिवंसधम्मसेनापति



विपश्यना विशोधन विन्यास

इगतपुरी

१९९८

धम्मगिरि-पालि-गन्थमाला - १०

[देवनागरी]

दीघनिकाय एवं तत्संबंधित पालि साहित्य ग्यारह ग्रंथों में प्रकाशित किया गया है।

प्रथम आवृत्ति: १९९८

ताइवान में मुद्रित, १२०० प्रतियां

मूल्य : अनमोल

यह ग्रंथ निःशुल्क वितरण हेतु है, विक्रयार्थ नहीं।

सर्वाधिकार मुक्त। पुनर्मुद्रण का स्वागत है।

इस ग्रंथ के किसी भी अंश के पुनर्प्रकाशन के लिए लिखित अनुमति आवश्यक नहीं।

ISBN 81-7414-059-X

यह ग्रंथ छद्म संगायन संस्करण के पालि ग्रंथ से लिप्यंतरित है।

इस ग्रंथ को विषयना विशोधन विन्यास के भारत एवं म्यांमा स्थित पालि विद्वानों ने देवनागरी में लिप्यंतरित कर संपादित किया। कंप्यूटर में निवेशन और पेज-सेटिंग का कार्य विषयना विशोधन विन्यास, भारत में हुआ।

प्रकाशक :

विषयना विशोधन विन्यास

धम्मगिरि, इगतपुरी, महाराष्ट्र - ४२२४०३, भारत

फोन : (९१-२५५३) ८४०७६, ८४०८६ फैक्स : (९१-२५५३) ८४१७६

सह-प्रकाशक, मुद्रक एवं दायक :

दि कारपोरेट बॉडी ऑफ दि बुद्ध एज्युकेशनल फाउंडेशन

११ वीं मंजिल, ५५ हंग चाउ एस. रोड, सेक्टर १, ताइपे, ताइवान आर.ओ.सी.

फोन : (८८६-२) २३९५-११९८, फैक्स : (८८६-२) २३९१-३४१५

Dhammagiri-Pāli-Ganthamālā

[Devanāgarī]

**Dīghanikāye
Sādhuvilāsini
nāma**

**Sīlakkhandhavagga-Abhinavaṭikā
Paṭhamo Bhāgo**

Ganthakāro
Mahāthero Ñāṇabhivamsadhammasenāpati

**Devanāgarī edition of
the Pāli text of the Chatṭha Saṅgāyana**



Published by
Vipassana Research Institute
Dhammagiri, Igatpuri -422403, India

Co-published, Printed and Donated by
The Corporate Body of the Buddha Educational Foundation
11th Floor, 55 Hang Chow S. Rd. Sec 1, Taipei, Taiwan R.O.C.
Tel: (886-2)23951198, Fax: (886-2)23913415

Dhammagiri-Pāli-Ganthamālā—10
[Devanāgarī]

The Dīgha Nikāya and related literature is being published together in eleven volumes.

First Edition: 1998

Printed in Taiwan, 1200 copies

Price: Priceless

This set of books is for free distribution, not to be sold.

No Copyright—Reproduction Welcome.

All parts of this set of books may be freely reproduced without prior permission.

ISBN 81-7414-059-X

*This volume is prepared from the Pāli text of the Chattha Saṅgāyana edition.
Typing and typesetting on computers have been done by Vipassana Research Institute,
India. MS was transcribed into Devanāgarī and thoroughly examined by the scholars of
Vipassana Research Institute in Myanmar and India.*

Publisher:

Vipassana Research Institute

Dhammagiri, Igatpuri, Maharashtra - 422 403, India

Tel: (91-2553) 84076, 84086, 84302 Fax: (91-2553) 84176

Co-publisher, Printer and Donor:

The Corporate Body of the Buddha Educational Foundation

11th Floor, 55 Hang Chow S. Rd. Sec 1, Taipei, Taiwan R.O.C.

Tel: (886-2)23951198, Fax: (886-2)23913415

विसय-सूची

प्रस्तुत ग्रंथ
Present Text
संकेत-सूची

गन्थारम्भकथा	१
गन्थारम्भकथावण्णना	२
निदानकथावण्णना	३१
पठममहासङ्गीतिकथावण्णना	३२
१. ब्रह्मजालसुत्तं	१२३
परिव्वाजककथावण्णना	१२३
चूलसीलवण्णना	२०१
मज्झिमसीलवण्णना	३१२
महासीलवण्णना	३२५
पुब्बन्तकप्पिकसस्सतवादवण्णना	३३२
एकच्चसस्सतवादवण्णना	३६०
अन्तानन्तवादवण्णना	३७३
अमराविकखेपवादवण्णना	३७६
अधिच्चसमुप्पन्नवादवण्णना	३८१
अपरन्तकप्पिकवादवण्णना	३८५
सज्जीवादवण्णना	३८५
असज्जीनेवसज्जीनासज्जीवादवण्णना	३८९
उच्छेदवादवण्णना	३८९
दिट्ठधम्मनिब्बानवादवण्णना	३९३

परितस्सितविप्फन्दितवारवण्णना	४००
फस्सपच्चयवारवण्णना	४०२
दिट्ठिगतिकाधिट्ठानवट्ठकथावण्णना	४०३
विवट्ठकथादिवण्णना	४०९
पकरणनयवण्णना	४१६
सोलसहारवण्णना	४२०
देसनाहारवण्णना	४२०
विचयहारवण्णना	४२१
युत्तिहारसंवण्णना	४२३
पदट्ठानहारवण्णना	४२४
लक्खणहारवण्णना	४२५
चतुब्बूहहारवण्णना	४२५
आवत्तहारवण्णना	४२९
विभत्तिहारवण्णना	४२९
परिवत्तनहारवण्णना	४३०
वेवचनहारवण्णना	४३१
पञ्चत्तिहारवण्णना	४३२
ओतरणहारवण्णना	४३२
सोधनहारवण्णना	४३३
अधिट्ठानहारवण्णना	४३४
परिक्खारहारवण्णना	४३४
समारोपनहारवण्णना	४३५
पञ्चविधनयवण्णना	४३६
नन्दियावट्ठनयवण्णना	४३६

तिपुक्खलनयवण्णना
सीहविक्कीळितनयवण्णना
दिसालोचनअङ्कुसनयद्वयवण्णना
सासनपट्टानवण्णना

४३६
४३७
४३८
४३९

सद्धानुक्कमणिका
गाथानुक्कमणिका

[१]
[४३]

चिरं तिष्ठतु सद्धम्मो !

चिरस्थायी हो सद्धर्म !

द्वेमे, भिक्खवे, धम्मा सद्धम्मस्स ठितिया
असम्मोसाय अनन्तरधानाय संवत्तन्ति। कतमे द्वे ?
सुनिक्खित्तञ्च पदव्यञ्जनं अत्थो च सुनीतो।
सुनिक्खित्तस्स, भिक्खवे, पदव्यञ्जनस्स अत्थोपि सुनयो
होति।

अ० नि० १.२.२१, अधिकरणवग्ग

भिक्षुओ, दो बातें हैं जो कि सद्धर्म के
कायम रहने का, उसके विकृत न होने का, उसके
अंतर्धान न होने का कारण बनती हैं। कौनसी दो
बातें ? धर्म वाणी सुव्यवस्थित, सुरक्षित रखी जाय
और उसके सही, स्वाभाविक, मौलिक अर्थ कायम
रखे जाय। भिक्षुओ, सुव्यवस्थित, सुरक्षित वाणी से
अर्थ भी स्पष्ट, सही कायम रहते हैं।

...ये वो मया धम्मा अभिज्जा देसिता, तत्थ
सब्बेहेव सद्धम्म समागम्म अत्थेन अत्थं व्यञ्जनेन
व्यञ्जनं सङ्गायितव्वं न विवदितव्वं, यथयिदं ब्रह्मचरियं
अद्धनियं अस्स चिरट्ठितिकं...।

दी० नि० ३.१७७, पासादिकसुत्त

...जिन धर्मों को तुम्हारे लिए मैंने स्वयं
अभिज्ञात करके उपदेशित किया है, उसे अर्थ और
व्यंजन सहित सब मिल-जुल कर, बिना विवाद
किये संगायन करो, जिससे कि यह धर्माचरण चिर
स्थायी हो...।

प्रस्तुत ग्रंथ

दीघनिकाय साधना की दृष्टि से महत्वपूर्ण ग्रंथ है। इसके सीलकखन्धवग्ग में शील, समाधि तथा प्रज्ञा पर सरल ढंग से प्रचुर सामग्री उपलब्ध है। व्यावहारिक जीवन में आगत वस्तुओं एवं घटनाओं से जुड़ी हुई उपमाओं के सहारे इसमें साधना के विभिन्न अंगों पर प्रकाश डाला गया है।

बुद्ध की देशना सरल तथा हृदयस्पर्शी हुआ करती थी। उनकी यह शैली व्याख्यात्मिका थी पर कभी कभी धर्म को सुबोध बनाने के लिये 'चूलनिद्देस' एवं 'महानिद्देस' जैसी अट्ठकथाओं का उन्होंने सृजन किया। प्रथम धर्मसंगीति में बुद्धवचन के संगायन के साथ इनका भी संगायन हुआ। तदनंतर उनके अन्य वचनों पर भी अट्ठकथाएं तैयार हुईं। जब स्थविर महेन्द्र बुद्ध वचन को लेकर श्रीलंका गये, तो वे अपने साथ इन अट्ठकथाओं को भी ले गये। श्रीलंकावासियों ने इन अट्ठकथाओं को सिंहली भाषा में सुरक्षित रखा। कालांतर में बुद्धघोष ने उनका पालि में पुनः परिवर्तन किया।

दीघनिकाय के अर्थों को प्रकाश में लाते हुए बुद्धघोष ने 'सुमङ्गलविलासिनी' नामक अट्ठकथा का प्रणयन किया। पुनः भदंत धम्मपाल ने उस पर 'लीनत्थप्पकासना' नामक टीका लिखी। अठ्ठारहवीं सदी के उत्तरार्द्ध में महाथेर जाणाभिवंसधम्मसेनापति द्वारा 'साधुविलासिनी' नामक अभिनवटीका की रचना की गयी। यह टीका प्रौढ, व्याख्यामूलक तथा धर्म के विभिन्न अंगों पर प्रकाशक रूप है। इसका मुद्रित संस्करण आपके सम्मुख है।

हमें पूर्ण विश्वास है कि यह प्रकाशन विपश्यी साधकों और विशोधकों के लिए अत्यधिक लाभदायक सिद्ध होगा।

निदेशक,
विपश्यना विशोधन विन्यास

Dīghanikāye
Sādhuvilāsinī
nāma

Sīlakkhandhavagga-Abhinavaṭīkā

Paṭhamo Bhāgo

Ciraṃ Tiṭṭhatu Saddhammo!

*May the Truth-based Dhamma
Endure for A Long Time !*

*“Dveme, Bhikkhave, Dhammā
saddhammassa tṭhiyā asammosāya
anantaradhānāya saṃvattanti.
Katame dve? Sunikkhittaṇṇa
padabyañjanam attho ca sunīto.
Sunikkhittassa, Bhikkhave,
padabyañjanassa atthopi sunayo
hoti.”*

A. N. 1. 2. 21, Adhikaraṇavagga

“There are two things, O monks, which make the Truth-based Dhamma endure for a long time, without any distortion and without (fear of) eclipse. Which two? Proper placement of words and their natural interpretation. Words properly placed help also in their natural interpretation.”

*...ye vo mayā dhammā abhiññā
desitā, tattha sabbeheva saṅgama
samāgama atthena atthaṃ
byañjanena byañjanam
saṅgāyitabbam na vivaditabbam,
yathayidaṃ brahmacariyaṃ
addhaniyaṃ assa ciratṭhitikaṃ...*

D. N. 3.177, Pāsādikasutta

...the dhammas (truths) which I have taught to you after realizing them with my super-knowledge, should be recited by all, in concert and without dissension, in a uniform version collating meaning with meaning and wording with wording. In this way, this teaching with pure practice will last long and endure for a long time...

Present Text

Sīlakkhandhavagga-Abhinavaṭṭikā (vol. 1)

The *Dīgha Nikāya* is an important collection from the perspective of meditation practice. In the first book, the *Sīlakkhandhavagga-pāli*, there is a particular abundance of material related to *sīla*, *samādhi* and *pañña*. Various aspects of practice have been elucidated by means of similes drawn from familiar objects and the everyday life of the times.

The Buddha's teachings were simple and endearing. His distinctive style was self-explanatory but, still, in order to make the Dhamma all the more lucid, he introduced the use of *aṭṭhakathā* (commentaries), such as the *Cūlaniddesa* and the *Mahāniddesa*. These were recited, along with the discourses of the Buddha, at the first Dhamma Council. In time the other *aṭṭhakathā* commenting on all his discourses came into being.

When Ven. Mahinda conveyed the words of the Buddha to Sri Lanka he also took the *aṭṭhakathā* with him. The Sinhalese monks preserved these *aṭṭhakathā* in their own language. Later on, when they had been lost in India, Ven. Buddhaghosa was able to translate them back to Pāli.

Ven. Buddhaghosa composed the *Sumaṅgalavilāsinī* to clarify the meaning of the *Dīgha Nikāya* and Ven. Dhammapāla wrote a sub-commentary on Buddhaghosa's work, known as *Linatthappakāsanā*. Another sub-commentary on Buddhaghosa's work, named *Sādhuvilāsinī* (*Sīlakkhandhavagga-Abhinavaṭṭikā*), was written by Mahāthera Ṇāṇābhivamsadhammasenāpati in the later half of the eighteenth century. It is profound and illustrative, throwing light on various aspects of the Dhamma. This is the book which is presented here.

We sincerely hope that this will provide immense benefit to practitioners of Vipassana as well as research scholars.

Director,
Vipassana Research Institute,
Igatpuri, India.

The Pāli alphabets in Devanāgarī and Roman characters:

Vowels:

अ a आ ā इ i ई ī उ u ऊ ū ए e ओ o

Consonants with Vowel अ (a):

क ka ख kha ग ga घ gha ङ ṅa
 च ca छ cha ज ja झ jha ञ ṇa
 ट ṭa ठ ṭha ड ḍa ढ ḍha ण ṇa
 त ta थ tha द da ध dha न na
 प pa फ pha ब ba भ bha म ma
 य ya र ra ल la व va स sa ह ha ङ ṅa

One nasal sound (niggahita): अं am

Vowels in combination with consonants “k” and “kh”: (exceptions: रु ru, रू rū)

क ka का kā कि ki की ki कु ku कू kū के ke को ko
 ख kha खा khā खि khi खी khī खु khu खू khū खे khe खो kho

Conjunct-consonants:

क्क kka	क्ख kkha	क्य kya	क्र kra	क्ल kla	क्व kva
ख्य khya	ख्व khva	ग gga	घ gggha	ग्य gya	ग्र gra
ग्व gva	ङ ṅka	ङ्ग ṅkha	ङ्घ ṅkhyā	ङ्ग ṅga	ङ्ग ṅgha
च्य cca	छ्य ccha	ज्ज jja	ज्झ jjha	ज्ज ṇṇa	ञ ṇha
ज्य ṇca	ञ्य ṇcha	ञ्ज ṇja	ञ्झ ṇjha	ट ṭṭa	ड ḍḍha
ड्य ḍḍa	ढ्य ḍḍha	ण्ट ṇṭa	ण्ठ ṇṭha	ण्ड ṇḍa	ण्ण ṇṇa
ण्य ṇya	ण्ह ṇha	त tta	त्थ ttha	त्य tya	त्र tra
त्य tva	द dda	ढ ddha	ध dma	द्य dya	द्र dra
ढ्य dva	ध्य dhya	ध्व dhva	न्त nta	न्त्व ntva	न्थ nthā
न्द nda	न्द्र ndra	न्ध ndha	न्न nna	न्य nya	न्व nva
न्ह nha	प्प ppa	प्फ ppha	प्य pya	प्ल pla	ब bba
ब्भ bbha	ब्य bya	ब्र bra	म्प mpa	म्फ mpha	म्ब mba
म्भ mbha	म्य mya	म्य mya	म्ह mha	य्य yya	व्य vya
य्य yha	ल्ल lla	ल्य lya	ल्ल lha	व्ह vha	स्त sta
स्त्र stra	स्न sna	स्य sya	स्स ssa	स्म sma	स्व sva
ह्य hma	ह्य hya	ह्व hva	ह्ह ḷha		

१ 1 २ 2 ३ 3 ४ 4 ५ 5 ६ 6 ७ 7 ८ 8 ९ 9 ० 0

Notes on the pronunciation of Pāli

Pāli was a dialect of northern India in the time of Gotama the Buddha. The earliest known script in which it was written was the Brāhmi script of the third century B.C. After that it was preserved in the scripts of the various countries where Pāli was maintained. In Roman script, the following set of diacritical marks has been established to indicate the proper pronunciation.

The alphabet consists of forty-one characters: eight vowels, thirty-two consonants and one nasal sound (niggahīta).

Vowels (a line over a vowel indicates that it is a long vowel):

a - as the "a" in about ā - as the "a" in father
i - as the "i" in mint ī - as the "ee" in see
u - as the "u" in put ū - as the "oo" in cool

e is pronounced as the "ay" in day, except before double consonants when it is pronounced as the "e" in bed: *deva, mettā*;

o is pronounced as the "o" in no, except before double consonants when it is pronounced slightly shorter: *loka, phoṭṭhabba*.

Consonants are pronounced mostly as in English.

g - as the "g" in get
c - soft like the "ch" in church
v - a very soft -v- or -w-

All aspirated consonants are pronounced with an audible expulsion of breath following the normal unaspirated sound.

th - not as in 'three'; rather 't' followed by 'h' (outbreath)
ph - not as in 'photo'; rather 'p' followed by 'h' (outbreath)

The retroflex consonants: ṭ, ṭh, ḍ, ḍh, ṇ are pronounced with the tip of the tongue turned back; and ḷ is pronounced with the tongue retroflexed, almost a combined 'rl' sound.

The dental consonants: t, th, d, dh, n are pronounced with the tongue touching the upper front teeth.

The nasal sounds:

ṇ - guttural nasal, like -ng- as in singer
ṅ - as in Spanish señor
ṇ - with tongue retroflexed
ṁ - as in hung, ring

Double consonants are very frequent in Pāli and must be strictly pronounced as long consonants, thus -nn- is like the English 'nn' in "unnecessary".

संकेत-सूची

अ० नि० = अङ्गुत्तरनिकाय
 अङ्क० = अङ्ककथा
 अनु टी० = अनुटीका
 अप० = अपदान
 अभि० टी० = अभिनवटीका
 इतिवु० = इतिवुत्तक
 उदा० = उदान
 कङ्का० टी० = कङ्कावितरणी टीका
 कथाव० = कथावत्थु
 खु० नि० = खुद्वकनिकाय
 खु० पा० = खुद्वकपाठ
 चरिया० पि० = चरियापिटक
 चूळनि० = चूळनिद्देस
 चूळव० = चूळवग्ग
 जा० = जातक
 टी० = टीका
 थेरगा० = थेरगाथा
 थेरीगा० = थेरीगाथा
 दी० नि० = दीघनिकाय
 ध० प० = धम्मपद
 ध० स० = धम्मसङ्गणी
 धातु० = धातुकथा
 नेत्ति० = नेत्तिपकरण
 पटि० म० = पटिसम्भिदामग्ग

पट्टा० = पट्टान
 परि० = परिवार
 पाचि० = पाचित्तिय
 पारा० = पाराजिक
 पु० टी० = पुराणटीका
 पु० प० = पुग्गलपञ्जत्ति
 पे० व० = पेतवत्थु
 पेटको० = पेटकोपदेस
 बु० वं० = बुद्धवंस
 म० नि० = मज्झिमनिकाय
 महाव० = महावग्ग
 महानि० = महानिद्देस
 मि० प० = मिलिन्दपञ्च
 मूल टी० = मूलटीका
 यम० = यमक
 वि० व० = विमानवत्थु
 वि० वि० टी० = विमतिविनोदनी टीका
 वि० सङ्ग० अङ्क० = विनयसङ्गह अङ्ककथा
 विनय वि० टी० = विनयविनिच्छय टीका
 विभं० = विभङ्ग
 विसुद्धि० = विसुद्धिमग्ग
 सं० नि० = संयुत्तनिकाय
 सारत्थ० टी० = सारत्थदीपनी टीका
 सु० नि० = सुत्तनिपात

दीघनिकाये
साधुविलासिनी
नाम
सीलवखन्धवग्गअभिनवटीका
पठ्यो भागो

॥ नमो तस्स भगवतो अरहतो सम्मासम्बुद्धस्स ॥

दीघनिकाये

सीलक्खन्धवग्गअभिनवटीका

गन्थारम्भकथा

यो देसेत्वान सद्धम्मं, गम्भीरं दुद्दसं वरं ।
दीघदस्सी चिरं कालं, पतिट्ठापेसि सासनं ॥१॥

विनेय्यज्झासये छेकं, महामतिं महादयं ।
नत्वान तं ससद्धम्मगणं गारवभाजनं ॥२॥

सङ्गीतित्तयमारुह्हा, दीघागमवरस्स या ।
संवण्णना या च तस्सा, वण्णना साधुवण्णिता ॥३॥

आचरियधम्मपाल-त्थेरेनेवाभिसङ्घता ।

सम्मा निपुणगम्भीर-दुद्दसत्थप्पकासना ॥४॥

कामञ्च सा तथाभूता, परम्पराभता पन ।

पाठतो अत्थतो चापि, बहुप्पमादलेखना ॥५॥

सङ्क्षेपत्ता च सोतूहि, सम्मा जातुं सुदुक्करा ।

तस्मा सब्रह्मचारीनं, याचनं समनुस्सरं ॥६॥

यो'नेकसेतनागिन्दो, राजा नानारट्टिस्सरो ।

सासनसोधने दळ्हं, सदा उस्साहमानसो ॥७॥

तं निस्साय “ममेसोपि, सत्थुसासनजोतने ।

अप्पेव नामुपत्थम्भो, भवेय्या”ति विचिन्तयं ॥८॥

वण्णनं आरभिस्सामि, साधिप्पायमहापयं ।

अत्थं तमुपनिस्साय, अञ्जञ्चापि यथारहं ॥९॥

चक्काभिवुट्ठिकामानं, धीरानं चित्ततोसनं ।

साधुविलासिनिं नाम, तं सुणाथ समाहिताति ॥१०॥

गन्थारम्भकथावण्णना

नानानयनिपुणगम्भीरविचित्रसिक्खत्तयसङ्गहस्स बुद्धानुबुद्धसंवण्णितस्स सद्धावह-
गुणसम्पन्नस्स दीघागमवरस्स गम्भीरदुरनुबोधत्थदीपकं संवण्णनमिमं करोन्तो
सकसमयसमयन्तरगहनज्झोगाहनसमत्थो महावेय्याकरणोयमाचरियो संवण्णनारम्भे
रतनत्तयपणामपयोजनादिविधानानि करोन्तो पठमं ताव रतनत्तयपणामं कातुं
“करुणासीतलहदय”न्तिआदिमाह । एत्थ च संवण्णनारम्भे रतनत्तयपणामकरणप्पयोजनं तत्थ
तत्थ बहुधा पपञ्चेन्ति आचरिया । तथा हि वण्णयन्ति -

“संवण्णनारम्भे सत्थरि पणामकरणं धम्मस्स स्वाक्खातभावेन सत्थरि पसादजननत्थं, सत्थु च अवितथदेसनभावप्पकासनेन धम्मे पसादजननत्थं । तदुभयप्पसादा हि महतो अत्थस्स सिद्धि होती”ति (ध० स० टी० १-१) ।

अथ वा “रतनत्तयपणामवचनं अत्तनो रतनत्तयप्पसादस्स विञ्जापनत्थं, तं पन विञ्जूनं चित्ताराधनत्थं, तं अट्ठकथाय गाहणत्थं, तं सब्बसम्पत्तिनिष्पादनत्थं”न्ति । अथ वा “संवण्णनारम्भे रतनत्तयवन्दना संवण्णेतब्बस्स धम्मस्स पभवनिस्सयविसुद्धिपटिवेदनत्थं, तं पन धम्मसंवण्णनासु विञ्जूनं बहुमानुष्पादनत्थं, तं सम्मदेव तेसं उग्गहणधारणादिकमलद्धब्बाय सम्मापटिपत्तिया सब्बहितसुखनिष्पादनत्थं”न्ति । अथ वा “मङ्गलभावतो, सब्बकिरियासु पुब्बकिच्चभावतो, पण्डितेहि समाचरितभावतो, आयतिं परेसं दिट्ठानुगतिआपज्जनतो च संवण्णनायं रतनत्तयपणामकिरिया”ति । अथ वा “चतुगम्भीरभावयुत्तं धम्मविनयं संवण्णेतुकामस्स महासमुद्दं ओगाहन्तस्स विय पञ्जादेय्यत्तियसमन्नागतस्सापि महन्तं भयं सम्भवति, भयक्खयावहञ्चेतं रतनत्तयगुणानुस्सरणजनित्तं पणामपूजाविधानं, ततो च संवण्णनायं रतनत्तयपणामकिरिया”ति । अथ वा “असत्थरिपि सत्थाभिनिवेसस्स लोकस्स यथाभूतं सत्थरि एव सम्मासम्बुद्धे सत्थुसम्भावनत्थं, असत्थरि च सत्थुसम्भावनपरिच्चजापनत्थं, ‘तथागतप्पवेदितं धम्मविनयं परियापुणित्वा अत्तनो दहती’ति (पारा० १९५) च वुत्तदोसपरिहरणत्थं संवण्णनायं पणामकिरिया”ति । अथ वा “बुद्धस्स भगवतो पणामविधानेन सम्मासम्बुद्धभावाधिगमाय बुद्धयानं पटिपज्जन्तानं उस्साहजननत्थं, सद्धम्मस्स च पणामविधानेन पच्चेकबुद्धभावाधिगमाय पच्चेकबुद्धयानं पटिपज्जन्तानं उस्साहजननत्थं, सङ्घस्स च पणामविधानेन परमत्थसङ्घभावाधिगमाय सावकयानं पटिपज्जन्तानं उस्साहजननत्थं संवण्णनायं पणामकिरिया”ति । अथ वा “मङ्गलादिकानि सत्थानि अनन्तरायानि, चिरट्ठितिकानि, बहुमतानि च भवन्तीति एवंलद्धिकानं चित्तपरितोसनत्थं संवण्णनायं पणामकिरिया”ति । अथ वा “सोतुजनानं यथावुत्तपणामेन अनन्तरायेन उग्गहणधारणादिनिष्पादनत्थं संवण्णनायं पणामकिरिया । सोतुजनानुग्गहमेव हि पधानं कत्वा आचरियेहि संवण्णनारम्भे थुत्तिपणामपरिदीपकानि वाक्यानि निक्खिपीयन्ति, इतरथा विनापि तं निक्खेपं कायमनोपणामेनेव यथाधिप्पेतप्पयोजनसिद्धितो किमेतेन गन्धगारवकरणेना”ति च एवमादिना । मयं पन इधाधिप्पेतमेव पयोजनं दस्सयिस्साम, तस्मा संवण्णनारम्भे रतनत्तयपणामकरणं यथापटिञ्जातसंवण्णनाय अनन्तरायेन परिसमापनत्थन्ति वेदितब्बं । इदमेव च पयोजनं आचरियेन इधाधिप्पेतं । तथा हि वक्खति “इति मे

पसन्नमतिनो...पे०... तस्सानुभावेना”ति । रतनत्तयपणामकरणञ्चि यथापटिज्जातसंवण्णनाय अनन्तरायेन परिसमापनत्थं रतनत्तयपूजाय पज्जापाटवभावतो, ताय च पज्जापाटवं रागादिमलविधमनतो । वुत्तञ्जेतं –

“यस्मिं महानाम समये अरियसावको तथागतं अनुस्सरति, नेवस्स तस्मिं समये रागपरियुद्धितं चित्तं होति, न दोसपरियुद्धितं चित्तं होति, न मोहपरियुद्धितं चित्तं होति, उज्जुगतमेवस्स तस्मिं समये चित्तं होती”तिआदि (अ० नि० २.६.१०; अ० नि० ३.११.११) ।

तस्मा रतनत्तयपूजाय विक्खालितमलाय पज्जाय पाटवसिद्धि । अथ वा रतनत्तयपूजाय पज्जापदद्वानसमाधिहेतुत्ता पज्जापाटवं । वुत्तञ्जेतं –

“उज्जुगतचित्तो खो पन महानाम अरियसावको लभति अत्थवेदं, लभति धम्मवेदं, लभति धम्मोपसंहितं पामोज्जं, पमुदितस्स पीति जायति, पीतिमनस्स कायो पस्सम्भति, पस्सद्धकायो सुखं वेदयति, सुखिनो चित्तं समाधियती”ति (अ० नि० २.६.१०; अ० नि० ३.११.११) ।

समाधिस्स च पज्जाय पदद्वानभावो “समाहितो यथाभूतं पजानाती”ति (सं० नि० २.३.५; ४.९९; ३.५.१०७१; नेत्ति० ४०; पेटको० ६६; मि० प० १४) वुत्तोयेव । ततो एवं पटुभूताय पज्जाय खेदमभिभुय्य पटिज्जातं संवण्णनं समापयिस्सति । तेन वुत्तं “रतनत्तयपणामकरणञ्चि...पे०... पज्जापाटवभावतो”ति । अथ वा रतनत्तयपूजाय आयुवण्णसुखबलवद्हनतो अनन्तरायेन परिसमापनं वेदितब्बं । रतनत्तयपणामेन हि आयुवण्णसुखबलानि वद्हन्ति । वुत्तञ्जेतं –

“अभिवादनसीलिस्स, निच्चं वुद्धापचायिनो ।

चत्तारो धम्मा वद्हन्ति, आयु वण्णो सुखं बल”न्ति ।। (ध० प० १०९) ।

ततो आयुवण्णसुखबलवुद्धिया होत्वेव कारियनिष्ठानन्ति वुत्तं “रतनत्तयपूजाय आयु...पे०... वेदितब्ब”न्ति । अथ वा रतनत्तयपूजाय पटिभानापरिहानावहत्ता अनन्तरायेन परिसमापनं वेदितब्बं । अपरिहानावहा हि रतनत्तयपूजा । वुत्तञ्जेतं –

“सत्तिमे भिक्खवे, अपरिहानीया धम्मा, कतमे सत्त ? सत्थुगारवता, धम्मगारवता, सङ्गगारवता, सिक्खागारवता, समाधिगारवता, कल्याणमित्तता, सोवचस्सता”ति (अ० नि० २.७.३४) ततो पटिभानापरिहानेन होत्वेव यथापटिज्जातपरिसमापनन्ति वुत्तं “रतनत्तय...पे०... वेदितब्ब”न्ति। अथ वा पसादवत्थूसु पूजाय पुज्जातिसयभावतो अनन्तरायेन परिसमापनं वेदितब्बं। पुज्जातिसया हि पसादवत्थूसु पूजा। वुत्तज्जेतं –

“पूजारहे पूजयतो, बुद्धे यदिव सावके।
पपञ्चसमतिक्कन्ते, तिण्णसोकपरिद्वे।।

ते तादिसे पूजयतो, निब्बुते अकुतोभये।
न सक्का पुज्जं सङ्गातुं, इमेत्तमपि केनची”ति।। (खु० पा० १९६; अप० १.१०.२)।

पुज्जातिसयो च यथाधिप्पेतपरिसमापनुपायो। यथाह –

“एस देवमनुस्सानं, सब्बकामददो निधि।
यं यदेवाभिपत्थेन्ति, सब्बमेतेन लब्भती”ति।। (खु० पा० ८.१०)।

उपायेसु च पटिपन्नस्स होत्वेव कारियनिष्ठानन्ति वुत्तं “पसादवत्थूसु...पे०... वेदितब्ब”न्ति। एवं रतनत्तयपूजा निरतिसयपुज्जक्खेत्तसम्बुद्धिया अपरिमेय्यप्पभावो पुज्जातिसयोति बहुविधन्तरायेपि लोकसन्निवासे अन्तरायनिबन्धनसकलसंकिलेसविद्धंसनाय पहीति, भयादिउपद्दवच्च निवारति। तस्मा सुवुत्तं “संवण्णनारम्भे रतनत्तयपणामकरणं यथापटिज्जातसंवण्णनाय अनन्तरायेन परिसमापनत्थन्ति वेदितब्ब”न्ति।

एवं पन सपयोजनं रतनत्तयपणामं कत्तुकामो बुद्धरतनमूलकत्ता सेसरतनानं पठमं तस्स पणामं कातुमाह – “करुणासीतलहदयं...पे०... गतिविमुत्त”न्ति। बुद्धरतनमूलकानि हि धम्मसङ्घरतनानि, तेसु च धम्मरतनमूलकं सङ्घरतनं, तथाभावो च “पुण्णचन्दो विय भगवा, चन्दकिरणनिकरो विय तेन देसितो धम्मो, चन्दकिरणसमुप्पादितपीणिती लोको विय सङ्घो”ति एवमादीहि अट्ठकथायमागतउपमाहि विभावेत्तब्बो। अथ वा सब्बसत्तानं अगोति कत्वा पठमं बुद्धो, तप्पभवतो, तदुपदेसिततो च तदनन्तरं धम्मो, तस्स धम्मस्स

साधारणतो, तदासेवनतो च तदनन्तरं सङ्घो वुत्तो । “सब्बसत्तानं वा हिते विनियोजकोति कत्वा पठमं बुद्धो, सब्बसत्तहितत्ता तदनन्तरं धम्मो, हिताधिगमाय पटिपन्नो अधिगतहितो चाति कत्वा तदनन्तरं सङ्घो वुत्तो”ति अट्ठकथागतनयेन अनुपुब्बता वेदितव्वा ।

बुद्धरतनपणामञ्च करोन्तो केवलपणामतो थोमनापुब्बङ्गमोवसातिसयोति “करुणासीतलहदय”न्तिआदिपदेहि थोमनापुब्बङ्गमतं दस्सेति । थोमनापुब्बङ्गमेन हि पणामेन सत्थु गुणातिसययोगो, ततो चस्स अनुत्तरवन्दनीयभावो, तेन च अत्तनो पणामस्स खेत्तङ्गतभावो, तेन चस्स खेत्तङ्गतस्स पणामस्स यथाधिप्पेतनिष्फत्तिहेतुभावो दस्सितोति । थोमनापुब्बङ्गमतञ्च दस्सेन्तो यस्सा संवण्णनं कतुकामो, सा सुत्तन्तदेसना करुणापञ्जाप्पधानायेव, न विनयदेसना विय करुणाप्पधाना, नापि अभिधम्मदेसना विय पञ्जाप्पधानाति तदुभयप्पधानमेव थोमनमारभति । एसा हि आचरियस्स पकति, यदिदं आरम्भानुरूपथोमना । तेनेव च विनयदेसनाय संवण्णनारम्भे “यो कप्पकोटीहि पि...पे०... महाकारुणिकस्स तस्सा”ति (पारा० अट्ठ० गन्थारम्भकथा) करुणाप्पधानं, अभिधम्मदेसनाय संवण्णनारम्भे “करुणा विय...पे०... यथारुची”ति (ध० स० अट्ठ० १) पञ्जाप्पधानञ्च थोमनमारब्धं । विनयदेसना हि आसयादिनिरपेक्खकेवलकरुणाय पाकतिकसत्तेनापि असोतब्बारहं सुणन्तो, अपुच्छितब्बारहं पुच्छन्तो, अवत्तब्बारहञ्च वदन्तो सिक्खापदं पञ्जपेसीति करुणाप्पधाना । तथा हि उक्कंसपरियन्तगतहिरोत्तप्पोपि भगवा लोकियसाधुजनेहिपि परिहरितब्बानि “सिखरणी, सम्भिन्ना”तिआदिवचनानि, (पारा० १८५) यथापराधञ्च गरहवचनानि महाकरुणासञ्चोदितमानसो महापरिसमज्झे अभासि, तंतंसिक्खापदपञ्जति कारणापेक्खाय च वेरज्जादीसु सारीरिकं खेदमनुभोसि । तस्मा किञ्चापि भूमन्तरपच्चयाकारसमयन्तरकथानं विय विनयपञ्जत्तियापि समुट्ठापिका पञ्जा अनज्जसाधारणताय अतिसयकिच्चवती, करुणाय किच्चं पन ततोपि अधिकन्ति विनयदेसनाय करुणाप्पधानता वुत्ता । करुणाब्बापाराधिकताय हि देसनाय करुणापधानता, अभिधम्मदेसना पन केवलपञ्जाप्पधाना परमत्थधम्मानं यथासभावपटिवेधसमत्थाय पञ्जाय तत्थ सातिसयप्पवत्तितो । सुत्तन्तदेसना पन करुणापञ्जाप्पधाना तेसं तेसं सत्तानं आसयानुसयाधिमुत्तिचरितादिभेदपरिच्छिन्दनसमत्थाय पञ्जाय सत्तेसु च महाकरुणाय तत्थ सातिसयप्पवत्तितो । सुत्तन्तदेसनाय हि महाकरुणाय समापत्तिबहुलो विनेय्यसन्ताने तदज्झासयानुलोमेन गम्भीरमत्थपदं पतिट्ठपेसि । तस्मा आरम्भानुरूपं करुणापञ्जाप्पधानमेव थोमनं कतन्ति वेदितव्वं, अयमेत्थ समुदायत्थो ।

अयं पन अवयवत्थो – किरतीति **करुणा**, परदुक्खं विक्खिपति पच्चयवेकल्लकरणेन अपनेतीति अत्थो। दुक्खित्तेसु वा किरियति पसारियतीति **करुणा**। अथ वा किणातीति **करुणा**, परदुक्खे सति कारुणिकं हिंसति विबाधति, परदुक्खं वा विनासेतीति अत्थो। परदुक्खे सति साधूनं कम्पनं हृदयखेदं करोतीति वा **करुणा**। अथ वा कमिति सुखं, तं रुन्धतीति **करुणा**। एसा हि परदुक्खापनयनकामतालक्खणा अत्तसुखनिरपेक्खताय कारुणिकानं सुखं रुन्धति विबन्धतीति, सब्बत्थ सदसत्थानुसारेण पदनिष्फत्ति वेदितब्बा। उण्हाभितत्तेहि सेवीयतीति सीतं, उण्हाभिसमनं। तं लाति गण्हातीति **सीतलं**, “चित्तं वा ते खिपिस्सामि, हृदयं वा ते फालेस्सामी”ति (सं० नि० १.१.२४६; सु० नि० आळवकसुत्त) एत्थ उरो “हृदय”न्ति वुत्तं, “वक्कं हृदय”न्ति (म० नि० १.११०; २.११४; ३.१५४) एत्थ हृदयवत्थु, “हृदया हृदयं मज्जे अज्जाय तच्छती”ति (म० नि० १.६३) एत्थ चित्तं, इधापि चित्तमेव अब्भन्तरङ्गेन **हृदयं**। अत्तनो सभावं वा हरतीति **हृदयं**, र-कारस्स द-कारं कत्वाति नेरुत्तिका। करुणाय सीतलं हृदयमस्साति करुणासीतलहृदयो, तं **करुणासीतलहृदयं**।

कामञ्चेत्थ परेसं हितोपसंहारसुखादिअपरिहानिज्झानसभावताय, ब्यापादादीनं उजुविपच्चनीकताय च सत्तसन्तानगतसन्तापविच्छेदनाकारप्पवत्तिया मेत्तामुदितानम्पि चित्तसीतलभावकारणता उपलब्धति, तथापि परदुक्खापनयनाकारप्पवत्तिया परूपापासहनरसा अविहिंसाभूता करुणाव विसेसेन भगवतो चित्तस्स चित्तपस्सद्धि विय सीतिभावनिमित्तन्ति तस्सायेव चित्तसीतलभावकारणता वुत्ता। करुणामुखेन वा मेत्तामुदितानम्पि हृदयसीतलभावकारणता वुत्ताति दट्ठब्बं। न हि सब्बत्थ निरवसेसत्थो उपदिसीयति, पधानसहचरणाविनाभावादिनयेहिपि यथालब्भमानं गय्हमानत्ता। अपिचेत्थ तंसम्पयुत्तजाणस्स छअसाधारणजाणपरियापन्नताय असाधारणजाणविसेसनिबन्धनभूता सातिसयं, निरवसेसञ्च सब्बज्जुत्तजाणं विय सविसयब्यापिताय महाकरुणाभावमुपगता अनज्जअसाधारणसातिसयभावप्पत्ता करुणाव हृदयसीतलत्तहेतुभावेन वुत्ता। अथ वा सतिपि मेत्तामुदितानं परेसं हितोपसंहारसुखादिअपरिहानिज्झानसभावताय सातिसये हृदयसीतलभावनिबन्धनत्ते सकलबुद्धगुणविसेसकारणताय तासम्पि कारणन्ति करुणाय एव हृदयसीतलभावकारणता वुत्ता। करुणानिदाना हि सब्बेपि बुद्धगुणा। करुणानुभावनिब्बापियमानसंसारदुक्खसन्तापस्स हि भगवतो परदुक्खापनयनकामताय अनेकानिपि कप्पानमसङ्खयेय्यानि अकिलन्तरूपस्सेव निरवसेसबुद्धकरधम्मसम्भरणनिरतस्स समधिगतधम्माधिपतेय्यस्स च सन्निहितेसुपि सत्तसङ्घातसमुपनीतहृदयूपतापनिमित्तेसु न

ईसकम्पि चित्तसीतिभावस्स अञ्जथत्तमहोसीति । तीसु चेत्थ विकप्पेसु पठमे विकप्पे अविसेसभूता बुद्धभूमिगता, दुतिये तथेव महाकरुणाभावूपगता, ततिये पठमाभिनीहारतो पट्ठाय तीसुपि अवत्थासु पवत्ता भगवतो करुणा सङ्गहिताति दट्ठब्बं ।

पजानातीति पज्जा, यथासभावं पकारेहि पटिविज्झतीति अत्थो । पज्जपेतीति वा पज्जा, तं तदत्थं पाकटं करोतीति अत्थो । सायेव जेय्यावरणप्पहानतो पकारेहि धम्मसभावजोतनट्ठेन पज्जोतोति पज्जापज्जोतो । पज्जवतो हि एकपल्लङ्केनपि निसिन्नस्स दससहसिलोकधातु एकपज्जोता होति । वुत्तञ्हेतं भगवता “चत्तारोमे भिक्खवे, पज्जोता । कतमे चत्तारो ? चन्दपज्जोतो, सूरियपज्जोतो, अग्निपज्जोतो, पज्जापज्जोतो, इमे खो भिक्खवे, चत्तारो पज्जोता । एतदग्गं भिक्खवे, इमेसं चतुत्रं पज्जोतानं यदिदं पज्जापज्जोतो”ति (अ० नि० १.४.१४५) । तेन विहतो विसेसेन समुग्घाटितोति पज्जापज्जोतविहतो, विसेसता चेत्थ उपरि आवि भविस्सति । मुहन्ति तेन, सयं वा मुहति, मुहन्मत्तमेव वा तन्ति मोहो, अविज्जा । स्वेव विसयसभावपटिच्छादनतो अन्धकारसरिक्खताय तमो वियाति मोहतमो । सतिपि तमसद्दस्स सदिसकप्पनमन्तरेन अविज्जावाचकत्ते मोहसद्दसन्निधानेन तब्बिसेसकतावेत्थ युत्ताति सदिसकप्पना । पज्जापज्जोतविहतो मोहतमो यस्साति पज्जापज्जोतविहतमोहतमो, तं पज्जापज्जोतविहतमोहतमं ।

ननु च सब्बेसम्पि खीणासवानं पज्जापज्जोतेन अविज्जन्धकारहतता सम्भवति, अथ कस्मा अञ्जसाधारणाविसेसगुणेन भगवतो थोमना वुत्ताति ? सवासनप्पहानेन अनञ्जसाधारणविसेसतासम्भवतो । सब्बेसम्पि हि खीणासवानं पज्जापज्जोतहताविज्जन्धकारत्तेपि सति सद्धाधिमुत्तेहि विय दिट्ठिप्पत्तानं सावकपच्चेकबुद्धेहि सम्मासम्बुद्धानं सवासनप्पहानेन किलेसप्पहानस्स विसेसो विज्जतेवाति । अथ वा परोपदेसमन्तरेन अत्तनो सन्ताने अच्चन्तं अविज्जन्धकारविगमस्स निष्फादितत्ता (निब्बत्तितत्ता म० नि० टी० १.१), तत्थ च सब्बञ्जुताय बलेसु च वसीभावस्स समधिगतत्ता, परसन्ततियञ्च धम्मदेसनातिसयानुभावेन सम्मदेव तस्स पवत्तितत्ता, भगवायेव विसेसतो पज्जापज्जोतविहतमोहतमभावेन थोमेतब्बोति । इमस्मिञ्च अत्थविकप्पे पज्जापज्जोतपदेन ससन्तानगतमोहविधमना पटिवेधपज्जा चेव परसन्तानगतमोहविधमना देसनापज्जा च सामञ्जनिद्देसेन, एकसेसनयेन वा सङ्गहिता । न तु पुरिमस्मिं अत्थविकप्पे विय पटिवेधपज्जायेवाति वेदितब्बं ।

अपरो नयो – भगवतो जाणस्स ज्ञेय्यपरियन्तिकत्ता
 सकलज्ञेय्यधम्मसभावावबोधनसमत्थेन अनावरणजाणसङ्घातेन पञ्ञापज्जोतेन
 सकलज्ञेय्यधम्मसभावच्छादकमोहतमस्स विहतत्ता अनावरणजाणभूतेन
 अनञ्ञसाधारणपञ्ञापज्जोतविहतमोहतमभावेन भगवतो थोमना वेदितब्बा । इमस्मिं पन
 अत्थविकप्पे मोहतमविधमनन्ते अधिगतत्ता अनावरणजाणं कारणूपचारेन सकसन्ताने
 मोहतमविधमनन्ति वेदितब्बं । अभिनीहारसम्पत्तिया सवासनप्पहानमेव हि किलेसानं
 ज्ञेय्यावरणप्पहानन्ति, परसन्ताने पन मोहतमविधमनस्स कारणभावतो फलूपचारेन
 अनावरणजाणमेव मोहतमविधमनन्ति वुच्चति । **अनावरणजाणन्ति** च सब्बञ्जुतञ्ञाणमेव,
 येन धम्मदेसनापच्चवेक्खणानि करोति । तदिदञ्जि जाणद्वयं अत्थतो एकमेव ।
 अनवसेससङ्घतासङ्घतसम्मुतिधम्मरम्मणताय सब्बञ्जुतञ्ञाणं तत्थावरणाभावतो
 निस्सङ्गचारमुपादाय अनावरणजाणन्ति, विसयप्पवत्तिमुखेन पन अञ्ञेहि
 असाधारणभावदस्सनत्थं द्विधा कत्वा छळासाधारणजाणभेदे वुत्तं ।

किं पनेत्थ कारणं अविज्जासमुग्घातोयेवेको पहानसम्पत्तिवसेन भगवतो थोमनाय
 ग्हति, न पन सातिसयं निरवसेसकिलेसप्पहानन्ति ? वुच्चते – तप्पहानवचनेनेव हि
 तदेकद्वताय सकलसंकिलेससमुग्घातस्स जोतितभावतो निरवसेसकिलेसप्पहानमेत्थ ग्हति । न
 हि सो संकिलेसो अत्थि, यो निरवसेसाविज्जासमुग्घातनेन न पहीयतीति । अथ वा
 सकलकुसलधम्मपुत्तिया, संसारनिवत्तिया च विज्जा विय निरवसेसाकुसलधम्मपुत्तिया,
 संसारप्पवत्तिया च अविज्जायेव पधानकारणन्ति तब्बिधातवचनेनेव
 सकलसंकिलेससमुग्घातवचनसिद्धितो सोयेवेको ग्हतीति । अथ वा सकलसंकिलेसधम्मनं
 मुद्धभूतत्ता अविज्जाय तं समुग्घातोयेवेको ग्हति । यथाह –

“अविज्जा मुद्धाति जानाहि, विज्जा मुद्धाधिपातिनी ।

सद्धासतिसमाधीहि, छन्दवीरियेन संयुता’ति ।। (सु० नि० १०३२; चूळ०
 नि० ५१) ।

सनरामरलोकगरुन्ति एत्थ पन पठमपकतिया अविभागेन सत्तोपि नरोति वुच्चति, इध
 पन दुतियपकतिया मनुजपुरिसोयेव, इतरथा लोकसदस्स अवत्तब्बता सिया । “यथा हि
 पठमपकतिभूतो सत्तो इतराय पकतिया सेट्ठेन पुरे उच्चट्टाने सेति पवत्ततीति **पुरिसो**ति
 वुच्चति, एवं जेड्ढभावं नेतीति **नरोति** । पुत्तभातुभूतोपि हि पुग्गलो मातुजेड्ढभिगीनीनं

पितुद्धाने तिष्ठति, पगेव भत्तुभूतो इतरास'न्ति (वि० अट्ट० ४३-४६)
 नावाविमानवण्णनायं वुत्तं । एकसेसप्पकप्पनेन पुथुवचनन्तविग्गहेन वा नरा, मरणं मरो,
 सो नत्थि येसन्ति अमरा, सह नरेहि, अमरेहि चाति सनरामरो । गरति उग्गच्छति उग्गतो
 पाकटो भवतीति गरु, गरसद्दो हि उग्गमे । अपिच पासाणच्छत्तं विय भारियद्देन
 “गरू”ति वुच्चति ।

मातापिताचरियेसु, दुज्जरे अलहुम्हि च ।
 महन्ते चुग्गते चेव, निछेकादिकरेसु च ।
 तथा वण्णविसेसेसु, गरुसद्दो पवत्तति ॥

इध पन सब्बलोकाचरिये तथागते । केचि पन “गरु, गुरुति च द्विधा गहेत्वा
 भारियवाचकत्ते गरुसद्दो, आचरियवाचकत्ते तु गुरुसद्दो”ति वदन्ति, तं न गहेतब्बं ।
 पाळिविसये हि सब्बेसम्पि यथावुत्तानमत्थानं वाचकत्ते गरुसद्दोयेविच्छित्तब्बो अकारस्स
 आकारभावेन “गारव”न्ति तद्धितन्तपदस्स सवुद्धिकस्स दस्सनतो । सक्कतभासाविसये पन
 गुरुसद्दोयेविच्छित्तब्बो उकारस्स बुद्धिभावेन अज्जथा तद्धितन्तपदस्स दस्सनतोति । सनरामरो
 च सो लोको चाति सनरामरलोको, तस्स गरुति तथा, तं सनरामरलोकगरुं ।
 “सनरमरूलोकगरु”न्तिपि पठन्ति, तदपि अरियागाथत्ता वुत्तिलक्खणतो, अत्थतो च
 युत्तमेव । अत्थतो हि दीघायुकापि समाना यथापरिच्छेदं मरणसभावत्ता मरुति देवा
 वुच्चन्ति । एतेन देवमनुस्सानं विय तदवसिद्धसत्तानम्पि यथारहं गुणविसेसावहताय भगवतो
 उपकारकत्तं दस्सेति । ननु चेत्थ देवमनुस्सा पधानभूता, अथ कस्मा तेसं अप्पधानता
 निद्दिसीयतीति ? अत्थतो पधानताय गहेतब्बत्ता । अज्जो हि सद्दक्कमो, अज्जो
 अत्थक्कमोति सद्दक्कमानुसारेण पधानापधानभावो न चोदेतब्बो । एदिसेसु हि समासपदेसु
 पधानम्पि अप्पधानं विय निद्दिसीयति यथा तं “सराजिकाय परिसाया”ति, तस्मा सब्बत्थ
 अत्थतोव अधिप्पायो गवेसितब्बो, न ब्यज्जनमत्तेन । यथाहु पोराना –

“अत्थज्झि नाथो सरणं अवोच,
 न ब्यज्जनं लोकहितो महेसि ॥

तस्मा अकत्वा रतिमक्खरेसु,
 अत्थे निवेसेय्य मतिं मतिमा”ति ॥ (कङ्का० अट्ट०
 पठमपाराजिककण्डवण्णना) ।

कामञ्चेत्थ सत्तसङ्खारभाजनवसेन तिविधो लोको, गरुभावस्स पन अधिप्पेतत्ता गरुकरणसमत्थस्सेव युज्जनतो सत्तलोकवसेन अत्थो गहेतब्बो। सो हि लोकीयन्ति एत्थ पुज्जापुज्जानि, तब्बिपाको चाति **लोको**, दस्सनत्थे च लोकसद्दमिच्छन्ति सद्दविदू। अमरगगहणेन चेत्थ उपपत्तिदेवा अधिप्पेता। अपरो नयो – समूहत्यो एत्थ लोकसद्दो समुदायवसेन लोकीयति पज्जापीयतीति कत्वा। सह नरेहीति **सनरा**, तेयेव अमराति **सनरामरा**, तेसं लोको तथा, पुरिमनयेनेव योजेतब्बं। अमरसद्देन चेत्थ उपपत्तिदेवा विय विसुद्धिदेवापि सङ्गहन्ति। तेपि हि परमत्थतो मरणाभावतो **अमरा**। इमस्मिं पन अत्थविकप्पे नरामरानमेव गहणं उक्कट्टनिद्देसवसेन यथा “सत्था देवमनुस्सान”न्ति (दी० नि० १.१५७, २५५)। तथा हि सब्बानत्थपरिहानपुब्बङ्गमाय निरवसेसहितसुखविधानतप्पराय निरतिसयाय पयोगसम्पत्तिया, सदेवमनुस्साय पजाय अच्चन्तमुपकारिताय अपरिमितनिरुपमप्पभावगुणसमङ्गिताय च सब्बसत्तुत्तमो भगवा अपरिमाणसु लोकधातूसु अपरिमाणानं सत्तानं उत्तममनज्जसाधारणं गारवट्टानन्ति। कामञ्च इत्थीनम्पि तथाउपकारत्ता भगवा गरुयेव, पधानभूतं पन लोकं दस्सेतुं पुरिसलिङ्गेन वुत्तन्ति दट्ठब्बं। नेरुत्तिका पन अविसेसनिच्छित्तट्टाने तथा निद्दिट्ठमिच्छन्ति यथा “नरा नागा च गन्धब्बा, अभिवादेत्वान पक्कमु”न्ति (अप० १.१.४८)। तथा चाहु –

“नपुंसकेन लिङ्गेन, सद्दोदाहु पुमेन वा।
निद्दिस्सतीति जातब्बमविसेसविनिच्छित्ते”ति॥

वन्देति एत्थ पन –

वत्तमानाय पज्जम्यं, सत्तम्यञ्च विभत्तियं।
एतेसु तीसु ठानेसु, वन्देसद्दो पवत्तति॥

इध पन वत्तमानाय अज्जासमसम्भवतो। तत्थ च उत्तमपुरिसवसेनत्थो गहेतब्बो “अहं वन्दामी”ति। नमनथुतियत्थेसु च वन्दसद्दमिच्छन्ति आचरिया, तेन च सुगतपदं, नाथपदं वा अज्झाहरित्वा योजेतब्बं। सोभनं गतं गमनं एतस्साति **सुगतो**। गमनञ्चेत्थ कायगमनं, जाणगमनञ्च, कायगमनम्पि विनेय्यजनोपसङ्कमनं, पकतिगमनञ्चाति दुब्बिधं। भगवतो हि विनेय्यजनोपसङ्कमनं एकन्तेन तेसं हितसुखनिप्फादनतो सोभनं, तथा लक्खणानुब्यञ्जनपटिमण्डितरूपकायताय दुतविलम्बितखलितानुकट्टननिप्पीळनुक्कुटिक-

कुटिलाकुलतादिदोसरहितमवहसितराजहंस वसभवारणमिगराजगमनं पकतिगमनञ्च, विमल-
विपुलकरुणासतिवीरियादिगुणविसेससहितम्पि जाणगमनं अभिनीहारतो पट्टाय याव
महाबोधि, ताव निरवज्जताय सोभनमेवाति । अथ वा “सयम्भूजाणेन सकलम्पि लोकं
परिज्जाभिसमयवसेन परिजानन्तो सम्मा गतो अवगतोति सुगतो । यो हि गत्यत्थो, सो
बुद्धयत्थो । यो च बुद्धयत्थो, सो गत्यत्थोति । तथा लोकसमुदयं पहानाभिसमयवसेन
पजहन्तो अनुप्पत्तिधम्मतमापादेन्तो सम्मा गतो अतीतोति सुगतो । लोकनिरोधं
सच्छिकिरियाभिसमयवसेन सम्मा गतो अधिगतोति सुगतो । लोकनिरोधगामिनिं पटिपदं
भावनाभिसमयवसेन सम्मा गतो पटिपन्नोति सुगतो, अयञ्चत्थो ‘सोतापत्तिमग्गेन ये
किलेसा पहीना, ते किलेसे न पुनेति न पच्चेति न पच्चागच्छती’ति (महा० नि० ३८;
चूळ० नि० २७) सुगतो”तिआदिना निद्देसनयेन विभावेतब्बो ।

अपरो नयो – सुन्दरं सम्मासम्बोधिं, निब्बानमेव वा गतो अधिगतोति सुगतो । भूतं
तच्छं अत्थसंहितं यथारहं कालयुत्तमेव वाचं विनेय्यानं सम्मा गदतीति वा सुगतो, द-
कारस्स त-कारं कत्वा, तं सुगतं । पुज्जापुज्जकम्मेहि उपपज्जनवसेन गन्तब्बाति गतियो,
उपपत्तिभवविसेसा । ता पन निरयादिभेदेन पञ्चविधा, सकलस्सापि भवगामिकम्मस्स
अरियमग्गाधिगमेन अविपाकारहभावकरणेन निवत्तितत्ता पञ्चहिपि ताहि विसंयुत्तो हुत्वा
मुत्तोति गतिविमुत्तो । उद्धमुद्धभवगामिनो हि देवा तंतंकम्मविपाकदानकालानुरूपेण ततो
ततो भवतो मुत्तापि मुत्तमत्ताव, न पन विसज्जोगवसेन मुत्ता, गतिपरियापन्ना च
तंतंभवगामिकम्मस्स अरियमग्गेन अनिवत्तितत्ता, न तथा भगवा । भगवा पन
यथावुत्तप्पकारेण विसंयुत्तो हुत्वा मुत्तोति । तस्मा अनेन भगवतो कत्थचिपि गतिया
अपरियापन्नं दस्सेति । यतो च भगवा “देवातिदेवो”ति वुच्चति । तेनेवाह –

“येन देवूपपत्यस्स, गन्धब्बो वा विहङ्गमो ।

यक्खत्तं येन गच्छेय्यं, मनुस्सत्तञ्च अब्बजे ।

ते मय्हं आसवा खीणा, विद्धस्ता विनलीकता”ति ।। (अ० नि०
१.४.३६) ।

तंतंगतिसंवत्तनकानज्झि कम्मकिलेसानं महाबोधिमूलेयेव अग्गमग्गेन पहीनत्ता नत्थि भगवतो
तंतंगतिपरियापन्नताति अच्चन्तमेव भगवा सब्बभवयोनिगतिविज्जाणद्धिति-
सत्तावाससत्तनिकायेहि परिमुत्तोति । अथ वा कामं सउपादिसेसायपि निब्बानधातुया ताहि

गतीहि विमुतो, एसा पन “पञ्जापज्जोतविहतमोहतम”न्ति एत्थेवन्तो गधाति इमिना पदेन अनुपादिसेसाय निब्बानधातुयाव थोमेतीति दट्ठब्बं ।

एत्थ पन अत्तहितसम्पत्तिपरहितपटिपत्तिवसेन द्वीहाकारेहि भगवतो थोमना कता होति । तेसु अनावरणजाणाधिगमो, सह वासनाय किलेसानमच्चन्तप्पहानं, अनुपादिसेसनिब्बानप्पत्ति च अत्तहितसम्पत्ति नाम, लाभसक्कारादिनिरपेक्खचित्तस्स पन सब्बदुक्खनिय्यानिकधम्मदेसनापयोगतो देवदत्तादीसुपि विरुद्धसत्तेसु निच्चं हितज्झासयता, विनीतब्बसत्तानं जाणपरिपाककालागमनञ्च आसयतो परहितपटिपत्ति नाम । सा पन आसयपयोगतो दुविधा, परहितपटिपत्ति तिविधा च अत्तहितसम्पत्ति इमाय गाथाय यथारहं पकासिता होति । “करुणासीतलहदय”न्ति हि एतेन आसयतो परहितपटिपत्ति, सम्मा गदनत्थेन सुगतसद्देन पयोगतो परहितपटिपत्ति । “पञ्जापज्जोतविहतमोहतमं गतिविमुत्त”न्ति एतेहि, चतुसच्चपटिवेधत्थेन च सुगतसद्देन तिविधापि अत्तहितसम्पत्ति, अवसिद्धेन पन तेन, “सनरामरलोकगरु”न्ति च एतेन सब्बापि अत्तहितसम्पत्ति, परहितपटिपत्ति च पकासिता होति ।

अथ वा हेतुफलसत्तूपकारवसेन तीहाकारेहि थोमना कता । तत्थ हेतु नाम महाकरुणासमायोगो, बोधिसम्भारसम्भरणञ्च, तदुभयम्पि पठमपदेन यथारुततो, सामत्थियतो च पकासितं । फलं पन जाणप्पहानआनुभावरूपकायसम्पदावसेन चतुब्बिधं । तत्थ सब्बज्जुतजाणपदद्धानं मग्गजाणं, तम्मूलकानि च दसबलादिजाणानि जाणसम्पदा, सवासनसकलसंकिलेसानमच्चन्तमनुप्पादधम्मतापादनं पहानसम्पदा, यथिच्छित्तनिष्फादने आधिपच्चं आनुभावसम्पदा, सकललोकनयनाभिसेकभूता पन लक्खणानुब्यञ्जनपटिमण्डिता अत्तभावसम्पत्ति रूपकायसम्पदा । तासु जाणप्पहानसम्पदा दुतियपदेन, सच्चपटिवेधत्थेन च सुगतसद्देन पकासिता, आनुभावसम्पदा ततियपदेन, रूपकायसम्पदा सोभनकायगमनत्थेन सुगतसद्देन लक्खणानुब्यञ्जनपारिपूरिया विना तदभावतो । यथावुत्ता दुविधापि परहितपटिपत्ति सत्तूपकारसम्पदा, सा पन सम्मा गदनत्थेन सुगतसद्देन पकासिताति वेदितब्बा ।

अपिच इमाय गाथाय सम्मासम्बोधि तम्मूल – तप्पटिपत्तियादयो अनेके बुद्धगुणा आचरियेन पकासिता होन्ति । एसा हि आचरियानं पकत्ति, यदिदं येन केनचि पकारेन अत्थन्तरविज्जापनं । कथं ? “करुणासीतलहदय”न्ति हि एतेन सम्मासम्बोधिया मूलं

दस्सेति । महाकरुणासञ्चोदितमानसो हि भगवा संसारपङ्क्तो सत्तानं समुद्धरणत्थं कताभिनीहारो अनुपुब्बेन पारमियो पूरेत्वा अनुत्तरं सम्मासम्बोधिमधिगतोति करुणा सम्मासम्बोधिया मूलं । “पञ्जापज्जोतविहतमोहतम”न्ति एतेन सम्मासम्बोधिं दस्सेति । सब्बञ्जुतजाणपदद्वानञ्जि अग्गमग्गजाणं, अग्गमग्गजाणपदद्वानञ्च सब्बञ्जुतजाणं “सम्मासम्बोधी”ति वुच्चति । सम्मा गमनत्थेन सुगतसद्देन सम्मासम्बोधिया पटिपत्तिं दस्सेति लीनुद्धच्चपतिद्वानयूहनकामसुखत्तकिलमथानुयोगसस्सतुच्छेदाभिनिवेसादिअन्तद्वयरहिताय करुणापञ्जापरिग्गहिताय मज्झिमाय पटिपत्तिया पकासनतो, इतरेहि सम्मासम्बोधिया पधानापपधानपपभेदं पयोजनं दस्सेति । संसारमहोघतो सत्तसन्तारणज्हेत्थ पधानं, तदञ्जमपपधानं । तेसु च पधानेन पयोजनेन परहितपटिपत्तिं दस्सेति, इतरेन अत्तहितसम्पत्तिं, तदुभयेन च अत्तहितपटिपत्तिपन्नादीसु चतूसु पुग्गलेसु भगवतो चतुत्थपुग्गलभावं पकासेति । तेन च अनुत्तरं दक्खिणेय्यभावं, उत्तमञ्च वन्दनीयभावं, अत्तनो च वन्दनाय खेत्तङ्गतभावं विभावेति ।

अपिच करुणाग्गहणेन लोकियेसु महग्गतभावप्पत्तासाधारणगुणदीपनतो सब्बलोकियगुणसम्पत्तिं दस्सिता, पञ्जाग्गहणेन सब्बञ्जुतजाणपदद्वानमग्गजाणदीपनतो सब्बलोक्तरगुणसम्पत्तिं । तदुभयग्गहणसिद्धो हि अत्थो “सनरामरलोकगरु”न्तिआदिना विपञ्चीयतीति । करुणाग्गहणेन च निरुपक्किलेसमुपगमनं दस्सेति, पञ्जाग्गहणेन अपगमनं । तथा करुणाग्गहणेन लोकसमञ्जानुरूपं भगवतो पवत्तिं दस्सेति लोकवोहारविसयत्ता करुणाय, पञ्जाग्गहणेन लोकसमञ्जाय अनतिधावनं । सभावानवबोधेन हि धम्मनं सभावं अतिधावित्वा सत्तादिपरामसनं होति । तथा करुणाग्गहणेन महाकरुणासमापत्तिविहारं दस्सेति, पञ्जाग्गहणेन तीसु कालेसु अप्पटिहतजाणं, चतुसच्चजाणं, चतुपटिसम्भिदाजाणं, चतुवेसारज्जजाणं, करुणाग्गहणेन महाकरुणासमापत्तिजाणस्स गहितत्ता सेसासाधारणजाणानि, छ अभिञ्जा, अट्ठसु परिसासु अकम्पनजाणानि, दस बलानि, चुट्ठस बुद्धगुणा, सोळस जाणचरिया, अट्ठारस बुद्धधम्मा, चतुचत्तारीस जाणवत्थूनि, सत्तसत्तति जाणवत्थूनीति एवमादीनं अनेकेसं पञ्जापभेदानं वसेन जाणचारं दस्सेति । तथा करुणाग्गहणेन चरणसम्पत्तिं, पञ्जाग्गहणेन विज्जासम्पत्तिं । करुणाग्गहणेन अत्ताधिपतिता, पञ्जाग्गहणेन धम्माधिपतिता । करुणाग्गहणेन लोकनाथभावो, पञ्जाग्गहणेन अत्तनाथभावो । तथा करुणाग्गहणेन पुब्बकारीभावो, पञ्जाग्गहणेन कतञ्जुता । करुणाग्गहणेन अपरन्तपता, पञ्जाग्गहणेन अनत्तन्तपता । करुणाग्गहणेन वा बुद्धकरधम्मसिद्धिं, पञ्जाग्गहणेन बुद्धभावसिद्धिं । तथा करुणाग्गहणेन परसन्तारणं,

पञ्चागहणेन अत्तसन्तारणं । तथा करुणागहणेन सब्बसत्तेसु अनुगहचित्ता, पञ्चागहणेन सब्बधम्मेषु विरत्तचित्ता दस्सिता होति सब्बेसञ्च बुद्धगुणानं करुणा आदि तन्निदानभावतो, पञ्चा परियोसानं ततो उत्तरि करणीयाभावतो । इति आदिपरियोसानदस्सनेन सब्बे बुद्धगुणा दस्सिता होन्ति । तथा करुणागहणेन सीलक्खन्धपुब्बङ्गमो समाधिक्खन्धो दस्सितो होति । करुणानिदानञ्चि सीलं ततो पाणातिपातादिविरतिप्पवत्तितो, सा च ज्ञानत्तयसम्पयोगिनीति, पञ्चावचनेन पञ्चाक्खन्धो । सीलञ्च सब्बबुद्धगुणानं आदि, समाधि मज्झे, पञ्चा परियोसानन्ति एवम्पि आदिमज्झपरियोसानकल्याणा सब्बे बुद्धगुणा दस्सिता होन्ति नयतो दस्सितत्ता । एसो एव हि निरवसेसतो बुद्धगुणानं दस्सनुपायो, यदिदं नयग्गाहणं, अञ्जथा को नाम समत्थो भगवतो गुणे अनुपदं निरवसेसतो दस्सेतुं । तेनेवाह –

“बुद्धोपि बुद्धस्स भण्येय वण्णं,
कप्पम्पि चे अञ्जमभासमानो ।।
खीयेथ कप्पो चिरदीघमन्तरे,
वण्णो न खीयेथ तथागतस्सा”ति ।।

तेनेव च आयस्मता सारिपुत्तथेरेनापि बुद्धगुणपरिच्छेदनं पति भगवता अनुयुत्तेन “नो हेतं भन्ते”ति पटिक्खपित्वा “अपि च मे भन्ते धम्मन्वयो विदितो”ति सम्पसादनीयसुत्ते वुत्तं ।

एवं सङ्क्षेपेन सकलसब्बञ्जुगुणेहि भगवतो थोमनापुब्बङ्गमं पणामं कत्वा इदानीं सद्धम्मस्सापि थोमनापुब्बङ्गमं पणामं करोन्तो “बुद्धोपी”तिआदिमाह । तथायं सह पदसम्बन्धेन सङ्क्षेपत्थो – यथावुत्तविविधगुणगणसमन्नागतो बुद्धोपि यं अरियमग्गसङ्घातं धम्मं, सह पुब्बभागपटिपत्तिधम्मेन वा अरियमग्गभूतं धम्मं भावेत्वा चेव यं फलनिब्बानसङ्घातं धम्मं, परियत्तिधम्मपटिपत्तिधम्मेहि वा सह फलनिब्बानभूतं धम्मं सच्छिकत्वा च सम्मासम्बोधिसङ्घातं बुद्धभावमुपगतो, वीतमलमनुत्तरं तं धम्मम्पि वन्देति ।

तथ बुद्धसदस्स ताव “बुज्झिता सच्चानीति बुद्धो । बोधेता पजायाति बुद्धो”तिआदिना निद्देसनयेन अत्थो वेदितव्वो । अथ वा अग्गमग्गजाणाधिगमेन सवासनाय सम्मोहनिद्दाय अच्चन्तविगमनतो, अपरिमितगुणगणालङ्कृतसब्बञ्जुतञ्जाणप्पत्तिया

विकसितभावतो च बुद्धवाति बुद्धो जागरणविकसनत्थवसेन । अथ वा कस्सचिपि जेय्यधम्मस्स अनवबुद्धस्स अभावेन जेय्यविसेसस्स कम्मभावागहणतो कम्मवचनिच्छायाभावेन अवगमनत्थवसेन कत्तुनिद्वेसोव लब्भति, तस्मा बुद्धवाति बुद्धोतिपि वत्तब्बो । पदेसग्गहणे हि असति गहेतब्बस्स निप्पदेसताव विज्जायति यथा “दिक्खितो न ददाती”ति । एवञ्च कत्वा कम्मविसेसानपेक्खा कत्तरि एव बुद्धसद्वसिद्धि वेदितब्बा, अत्थतो पन पारमितापरिभावितो सयम्भुजाणेन सह वासनाय विहतविद्धस्तनिरवसेसकिलेसोमहाकरुणासब्बज्जुतज्जाणादिअपरिमेय्यगुणगणाधारो खन्धसन्तानो बुद्धो, यथाह –

“बुद्धोति यो सो भगवा सयम्भू अनाचरियको पुब्बे अननुस्सुतेसु धम्मेसु सामं सच्चानि अभिसम्बुज्झि, तत्थ च सब्बज्जुतं पत्तो, बलेसु च वसीभाव”न्ति (महा० नि० १९२; चूळ० नि० ९७; पटि० म० १६१) ।

अपिसद्दो सम्भावने, तेन एवं गुणविसेसयुत्तो सोपि नाम भगवा ईदिसं धम्मं भावेत्वा, सच्छिकत्वा च बुद्धभावमुपगतो, का नाम कथा अज्जेसं सावकादिभावमुपगमनेति धम्मे सम्भावनं दीपेति । बुद्धभावंति सम्मासम्बोधिं । येन हि निमित्तभूतेन सब्बज्जुतज्जाणपदद्वानेन अगमग्गजाणेन, अगमग्गजाणपदद्वानेन च सब्बज्जुतज्जाणेन भगवति “बुद्धो”ति नामं, तदारम्भणञ्च जाणं पवत्तति, तमेविध “भावो”ति वुच्चति । भवन्ति बुद्धिसद्दा एतेनाति हि भावो । तथा हि वदन्ति –

“येन येन निमित्तेन, बुद्धि सद्दो च वत्तते ।
तंतंनिमित्तकं भावपच्चयेहि उदीरित”न्ति ।।

भावेत्वाति उप्पादेत्वा, वहेत्वा वा । सच्छिकत्वाति पच्चक्खं कत्वा । चेव-सद्दो च-सद्दो च तदुभयत्थ समुच्चये । तेन हि सद्द्वयेन न केवलं भगवा धम्मस्स भावनामत्तेन बुद्धभावमुपगतो, नापि सच्छिकिरियामत्तेन, अथ खो तदुभयेनेवाति समुच्चिनोति । उपगतोति पत्तो, अधिगतोति अत्थो । एतस्स “बुद्धभाव”न्ति पदेन सम्बन्धो । वीतमलन्ति एत्थ विरहवसेन एति पवत्ततीति वीतो, मलतो वीतो, वीतं वा मलं यस्साति वीतमलो, तं वीतमलं । “गतमल”न्तिपि पाठो दिस्सति, एवं सति सउपसग्गो विय अनुपसग्गोपि गतसद्दो विरहत्थवाचको वेदितब्बो धातूनमनेकत्थत्ता । गच्छति अपगच्छतीति हि गतो,

धम्मो । गतं वा मलं, पुरिमनयेन समासो । अनुत्तरन्ति उत्तरविरहितं । यथानुसिद्धं पटिपज्जमाने अपायतो, संसारतो च अपतमाने कत्वा धारेतीति धम्मो, नवविधो लोकुत्तरधम्मो । तप्पकासनत्ता, सच्छिकिरियासम्मसनपरियायस्स च लब्भमानत्ता परियत्तिधम्मोपि इध सङ्गहितो । तथा हि “अभिधम्मनयसमुदं अधिगच्छि, तीणि पिटकानि सम्मसी”ति च अड्ढकथायं वुत्तं, तथा “यं धम्मं भावेत्वा सच्छिकत्वा”ति च वुत्तत्ता भावनासच्छिकिरियायोग्यताय बुद्धकधम्मभूताहि पारमिताहि सह पुब्बभागअधिसीलसिक्खादयोपि इध सङ्गहिताति वेदितब्बा । तापि हि विगतपटिपक्खताय वीतमल, अनञ्जसाधारणताय अनुत्तरा च । कथं पन ता भावेत्वा, सच्छिकत्वा च भगवा बुद्धभावमुपगतोति ? वुच्चते – सत्तानज्झि संसारवट्टदुक्खनिस्सरणाय [निस्सरणत्थाय (पण्णास टी०) निस्सरणे (कथचि)] कतमहाभिनीहारो महाकरुणाधिवासनपेसलज्झासयो पञ्जाविसेसपरियोदातनिम्मलानं दानदमसञ्जमादीनं उत्तमधम्मानं कप्पानं सतसहस्साधिकानि चत्तारि असङ्खयेय्यानि सक्कच्चं निरन्तरं निरवसेसं भावनासच्छिकिरियाहि कम्मादीसु अधिगतवसीभावो अच्छरियाचिन्तेय्यमहानुभावो अधिसीलाधित्तानं परमुक्कंसपारमिप्पत्तो भगवा पच्चयाकारे चतुवीसतिकोटिसतसहस्समुखेन महावजिरजाणं पेसेत्वा अनुत्तरं सम्मासम्बोधिसङ्घातं बुद्धभावमुपगतोति ।

इमाय पन गाथाय विज्जाविमुत्तिसम्पदादीहि अनेकेहि गुणेहि यथारहं सद्धम्मं थोमेति । कथं ? एत्थ हि “भावेत्वा”ति एतेन विज्जासम्पदाय थोमेति, “सच्छिकत्वा”ति एतेन विमुत्तिसम्पदाय । तथा पठमेन ज्ञानसम्पदाय, दुतियेन विमोक्खसम्पदाय । पठमेन वा समाधिसम्पदाय, दुतियेन समापत्तिसम्पदाय । अथ वा पठमेन खयजाणभावेन, दुतियेन अनुप्पादजाणभावेन । पठमेन वा विज्जूपमताय, दुतियेन वजिरूपमताय । पठमेन वा विरागसम्पत्तिया, दुतियेन निरोधसम्पत्तिया । तथा पठमेन निय्यानभावेन, दुतियेन निस्सरणभावेन । पठमेन वा हेतुभावेन, दुतियेन असङ्गतभावेन । पठमेन वा दस्सनभावेन, दुतियेन विवेकभावेन । पठमेन वा अधिपत्तिभावेन, दुतियेन अमतभावेन धम्मं थोमेति । अथ वा “यं धम्मं भावेत्वा बुद्धभावं उपगतो”ति एतेन स्वाक्खातताय धम्मं थोमेति, “सच्छिकत्वा”ति एतेन सन्दिद्धिकताय । तथा पठमेन अकालिकताय, दुतियेन एहिपस्सिकताय । पठमेन वा ओपनेय्यिकताय, दुतियेन पच्चत्तंवेदितब्बताय । पठमेन वा सह पुब्बभागसीलादीहि सेक्खेहि सीलसमाधिपञ्जाक्खन्धेहि, दुतियेन सह असङ्गतधातुया असेक्खेहि धम्मं थोमेति ।

“वीतमल”न्ति इमिना पन संकिलेसाभावदीपनेन विसुद्धताय धम्मं थोमेति, “अनुत्तर”न्ति एतेन अञ्जस्स विसिद्धस्स अभावदीपनेन परिपुण्णताय । पठमेन वा पहानसम्पदाय, दुतियेन सभावसम्पदाय । पठमेन वा भावनाफलयोग्यताय । भावनागुणेन हि सो संकिलेसमलसमुग्धातको, तस्मानेन भावनाकिरियाय फलमाह । दुतियेन सच्छिकिरियाफलयोग्यताय । तदुत्तरिकरणीयाभावतो हि अनञ्जसाधारणताय अनुत्तरभावो सच्छिकिरियानिब्वत्तितो, तस्मानेन सच्छिकिरियाफलमाहाति ।

एवं सङ्केपेनेव सब्बसद्धम्मगुणेहि सद्धम्मस्सापि थोमनापुब्बङ्गमं पणामं कत्वा इदानि अरियसङ्घस्सापि थोमनापुब्बङ्गमं पणामं करोन्तो “सुगतस्स ओरसान”न्तिआदिमाह । तत्थ सुगतस्साति सम्बन्धनिद्वेसो, “पुत्तान”न्ति एतेन सम्बज्झितब्बो । उरसि भवा, जाता, संवुद्धा वा ओरसा, अत्तजो खेत्तजो अन्तेवासिको दिन्नकोति चतुब्बिधेसु पुत्तेसु अत्तजा, तंसरिक्खताय पन अरियपुग्गला “ओरसा”ति वुच्चन्ति । यथा हि मनुस्सानं ओरसपुत्ता अत्तजातताय पितुसन्तकस्स दायज्जस्स विसेसभागिनो होन्ति, एवमेतेपि सद्धम्मसवनन्ते अरियाय जातिया जातताय भगवतो सन्तकस्स विमुत्तिसुखस्स धम्मरतनस्स च दायज्जस्स विसेसभागिनोति । अथ वा भगवतो धम्मदेसनानुभावेन अरियभूमिं ओक्कममाना, ओक्कन्ता च अरियसावका भगवतो उरे वायामजनिताभिजातताय सदिसकप्पनमन्तरेन निप्परियायेनेव “ओरसा”ति वत्तब्बतमरहन्ति । तथा हि ते भगवता आसयानुसयचरियाधिमुत्तिआदिओलोकनेन, वज्जानुचिन्तनेन च हृदये कत्वा वज्जतो निवारेत्वा अनवज्जे पतिट्ठापेन्तेन सीलादिधम्मसरीरपोसनेन संवट्ठापिता । यथाह भगवा इतिवुत्तके “अहमस्मि भिक्खवे ब्राह्मणो...पे०... तस्स मे तुम्हे पुत्ता ओरसा मुखतो जाता”तिआदि (इतिवु० १००) । ननु सावकदेसितापि देसना अरियभावावहाति ? सच्चं, सा पन तम्मूलिकत्ता, लक्खणादिविसेसाभावतो च “भगवतो धम्मदेसना” इच्चेव सङ्खयं गता, तस्मा भगवतो ओरसपुत्तभावोयेव तेसं वत्तब्बोति, एतेन चतुब्बिधेसु पुत्तेसु अरियसङ्घस्स अत्तजपुत्तभावं दस्सेति । अत्तनो कुलं पुनेन्ति सोधेन्ति, मातापितूनं वा हृदयं पूरेन्तीति पुत्ता, अत्तजादयो । अरिया पन धम्मतन्तिविसोधनेन, धम्मानुधम्मपटिपत्तिया चित्तराधनेन च तप्पटिभागताय भगवतो पुत्ता नाम, तेसं । तस्स “समूह”न्ति पदेन सम्बन्धो ।

संकिलेसनिमित्तं हुत्वा गुणं मारेति विबाधतीति मारो, देवपुत्तमारो । सिनाति परे बन्धति एतायाति सेना, मारस्स सेना तथा, मारज्ज मारसेनज्ज मथेन्ति विलोथेन्तीति

मारसेनमथना, तेसं । “मारमारसेनमथनान”न्ति हि वत्तब्बेपि एकदेससरूपेकसेसवसेन एवं वुत्तं । मारसदसन्निधानेन वा सेनासदेन मारसेना गहेतब्बा, गाथाबन्धवसेन चेत्थ रस्सो । “मारसेनमदनान”न्तिपि कत्थचि पाठो, सो अयुत्तोव अरियाजातिकत्ता इमिस्सा गाथाय । ननु च अरियसावकानं मग्गाधिगमसमये भगवतो विय तदन्तरायकरणत्थं देवपुत्तमारो वा मारसेना वा न अपसादेति, अथ कस्मा एवं वुत्तन्ति ? अपसादेतब्बभावकारणस्स विमथितत्ता । तेसज्झि अपसादेतब्बताय कारणे संकिलेसे विमथिते तेपि विमथिता नाम होन्तीति । अथ वा खन्धाभिसङ्खारमारानं विय देवपुत्तमारस्सापि गुणमारणे सहायभावूपगमनतो किलेसबलकायो इध “मारसेना”ति वुच्चति यथाह भगवा –

“कामा ते पठमा सेना, दुतिया अरति वुच्चति ।
ततिया खुप्पिपासा ते, चतुत्थी तण्हा पवुच्चति ।।

पञ्चमं थिनमिद्धं ते, छट्ठा भीरू पवुच्चति ।
सत्तमी विचिकिच्छा ते, मक्खो थम्भो ते अट्ठमो ।।

लाभो सिलोको सक्कारो,
मिच्छालब्धो च यो यसो ।
यो चत्तानं समुक्कंसे,
परे च अवजानति ।।

एसा नमुचि ते सेना, कण्हस्साभिप्पहारिनी ।
न नं असूरो जिनाति, जेत्वा च लभते सुख”न्ति ।। (सु० नि० ४३८;
महा० नि० २८; चूल० नि० ४७) ।

सा च तेहि अरियसावकेहि दियद्वसहस्सभेदा, अनन्तभेदा वा किलेसवाहिनी सतिधम्मविचयवीरियसमथादिगुणपहरणीहि ओधिसो मथिता, विद्धंसिता, विहता च, तस्मा “मारसेनमथना”ति वुच्चन्ति । विलोथनज्वेत्थ विद्धंसनं, विहननं वा । अपिच खन्धाभिसङ्खारमच्चुदेवपुत्तमारानं तेसं सहायभावूपगमनताय सेनासङ्घातस्स किलेसमारस्स च मथनतो “मारसेनमथना”तिपि अत्थो गहेतब्बो । एवञ्च सति पञ्चमारनिम्मथनभावेन अत्थो परिपुण्णो होति । अरियसावकापि हि समुदयप्पहानपरिज्जावसेन खन्धमारं,

सहायवेकल्लकरणेन सब्बथा, अप्पवत्तिकरणेन च अभिसङ्घारमारं, बलविधमनविसयातिक्कमनवसेन मच्चुमारं, देवपुत्तमारञ्च समुच्छेदप्पहानवसेन सब्बसो अप्पवत्तिकरणेन किलेसमारं मथेन्तीति, इमिना पन तेसं ओरसपुत्तभावे कारणं, तीसु पुत्तेसु च अनुजाततं दस्सेति । मारसेनमथनताय हि ते भगवतो ओरसपुत्ता, अनुजाता चाति ।

अट्ठन्नन्ति गणनपरिच्छेदो, तेनसतिपि तेसं तंतंभेदेन अनेकसतसहस्ससङ्ख्याभेदे अरियभावकरमग्गफलधम्मभेदेन इमं गणनपरिच्छेदं नातिवत्तन्ति मग्गट्ठफलट्ठभावानतिवत्तनतोति दस्सेति । पि-सट्ठो, अपि-सट्ठो वा पदलीळादिना कारणेन अट्ठाने पयुत्तो, सो “अरियसङ्घ”न्ति एत्थ योजेतब्बो, तेन न केवलं बुद्धधम्मयेव, अथ खो अरियसङ्घम्पीति सम्पिण्डेति । यदिपि अवयवविनिमुत्तो समुदायो नाम कोचि नत्थि अवयवं उपादाय समुदायस्स वत्तब्बत्ता, अविज्जायमानसमुदायं पन विज्जायमानसमुदायेन विसेसितुमरहतीति आह “अट्ठन्नम्पि समूह”न्ति, एतेन “अरियसङ्घ”न्ति एत्थ न येन केनचि सण्ठानादिना, कायसामग्गिया वा समुदायभावो, अपि तु मग्गट्ठफलट्ठभावेनेवाति विसेसेति । अवयवमेव सम्पिण्डेत्वा ऊहितब्बो वितक्केतब्बो, संऊहनितब्बो वा सङ्घटितब्बोति समूहो, सोयेव समोहो वचनसिलिडुतादिना । द्विधापि हि पाठो युज्जति । आरकत्ता किलेसेहि, अनये न इरियनतो, अये च इरियनतो अरिया निरुत्तिनयेन । अथ वा सदेवकेन लोकेन सरणन्ति अरणीयतो उपगन्तब्बतो, उपगतानञ्च तदत्थसिद्धितो अरिया, दिट्ठिसीलसामञ्जेन संहतो, समग्गं वा कम्मं समुदायवसेन समुपगतोति सङ्घो, अरियानं सङ्घो, अरियो च सो सङ्घो च यथावुत्तनयेनाति वा अरियसङ्घो, तं अरियसङ्घं । भगवतो अपरभागे बुद्धधम्मरतनानम्पि समधिगमो सङ्घरतनाधीनोति अरियसङ्घस्स बहूपकारतं दस्सेतुं इधेव “सिरसा वन्दे”ति वुत्तं । अवस्सञ्चायमत्थो सम्पटिच्छित्तब्बो विनयट्ठकथादीसुपि (पारा० अट्ठ० गन्धारम्भकथा) तथा वुत्तत्ता । केचि पन पुरिमगाथासुपि तं पदमानेत्वा योजेन्ति, तदयुत्तमेव रतनत्तयस्स असाधारणगुणप्पकासनट्ठानत्ता, यथावुत्तकारणस्स च सब्बेसम्पि संवण्णनाकारानमधिप्पेतत्ताति ।

इमाय पन गाथाय अरियसङ्घस्स पभवसम्पदा पहानसम्पदादयो अनेके गुणा दस्सिता होन्ति । कथं ? “सुगतस्स ओरसानं पुत्तान”न्ति हि एतेन अरियसङ्घस्स पभवसम्पदं दस्सेति सम्मासम्बुद्धपभवतादीपनतो । “मारसेनमथनान”न्ति एतेन पहानसम्पदं सकलसंकिलेसप्पहानदीपनतो । “अट्ठन्नम्पि समूह”न्ति एतेन जाणसम्पदं

मग्गडुफलद्वभावदीपनतो । “अरियसङ्घ”न्ति एतेन सभावसम्पदं सब्बसङ्घानं अग्गभावदीपनतो । अथ वा “सुगतस्स ओरसानं पुत्तान”न्ति अरियसङ्घस्स विसुद्धनिस्सयभावदीपनं । “मारसेनमथनान”न्ति सम्माउजुजायसामीचिपटिपन्नभावदीपनं । “अट्ठन्नम्पि समूह”न्ति आहुनेय्यादिभावदीपनं । “अरियसङ्घ”न्ति अनुत्तरपुञ्जक्खेत्तभावदीपनं । तथा “सुगतस्स ओरसानं पुत्तान”न्ति एतेन अरियसङ्घस्स लोकुत्तरसरणगमनसम्भावं दस्सेति । लोकुत्तरसरणगमनेन हि ते भगवतो ओरसपुत्ता जाता । “मारसेनमथनान”न्ति एतेन अभिनीहारसम्पदासिद्धं पुब्बभागसम्मापटिपत्तिं दस्सेति । कताभिनीहारा हि सम्मापटिपन्ना मारं, मारसेनं वा अभिविजिनन्ति । “अट्ठन्नम्पि समूह”न्ति एतेन विद्धस्तविपक्खे सेक्खासेक्खधम्मे दस्सेति पुग्गलाधिद्वानेन मग्गफलधम्मानं दस्सितत्ता । “अरियसङ्घ”न्ति एतेन अग्गदक्खिण्येय्यभावं दस्सेति अनुत्तरपुञ्जक्खेत्तभावस्स दस्सितत्ता । सरणगमनञ्च सावकानं सब्बगुणस्स आदि, सपुब्बभागपटिपदा सेक्खा सीलक्खन्धादयो मज्झे, असेक्खा सीलक्खन्धादयो परियोसानन्तिआदिमज्झपरियोसानकल्याणा सङ्केपतो सब्बेपि अरियसङ्घगुणा दस्सिता होन्तीति ।

एवं गाथात्तयेन सङ्केपतो सकलगुणसंकित्तनमुखेन रतनत्तयस्स पणामं कत्वा इदानीं तं निपच्चकारं यथाधिष्येतपयोजने परिणामेन्तो “इति मे”तिआदिमाह । तत्थ इति-सद्दो निदस्सने । तेन गाथात्तयेन यथावुत्तनयं निदस्सेति । मेति अत्तानं करणवचनेन कत्तुभावेन निद्विसति । तस्स “यं पुज्जं मया लब्ध”न्ति पाठसेसेन सम्बन्धो, सम्पदाननिद्देशो वा एसो, “अत्थी”ति पाठसेसो, सामिनिद्देशो वा “यं मम पुज्जं वन्दनामय”न्ति । पसीदीयते पसन्ना, तादिसा मति पज्जा, चित्तं वा यस्साति पसन्नमति, अज्जपदलिङ्गप्पधानत्ता इमस्स समासपदस्स “पसन्नमतिनो”ति वुत्तं । रतिं नयति, जनेति, वहतीति वा रतनं, सत्तविधं, दसविधं वा रतनं, तमिव इमानीति नेरुत्तिका । सदिसकप्पनमज्जत्र पन यथावुत्तवचनत्थेनेव बुद्धादीनं रतनभावो युज्जति । तेसज्झि “इतिपि सो भगवा”तिआदिना (दी० नि० १.१५७, २५५) यथाभूतगुणे आवज्जन्तस्स अमताधिगमहेतुभूतं अनप्पकं पीतिपामोज्जं उप्पज्जति । यथाह –

“यस्मिं महानाम समये अरियसावको तथागतं अनुस्सरति, नेवस्स तस्मिं समये रागपरियुद्धितं चित्तं होति, न दोस...पे०... न मोह...पे०... उजुगतमेवस्स तस्मिं समये चित्तं होति तथागतं आरब्भ । उजुगतचित्तो खो पन महानाम

अरियसावको लभति अत्थवेदं, लभति धम्मवेदं, लभति धम्मूपसंहितं पामोज्जं,
पमुदितस्स पीति जायती”तिआदि (अ० नि० २.६.१०; ३.११.११)।

चिक्तीकतादिभावो वा रतनद्वो । वुत्तज्हेतं अट्ठकथासु –

“चिक्तीकतं महग्घञ्च, अतुलं दुल्लभदस्सनं ।

अनोमसत्तपरिभोगं, रतनं तेन वुच्चती”ति ।। (खु० पा० अट्ठ० ६.३;
उदान० अट्ठ० ४७; दी० नि० अट्ठ० २.३३; सु० नि० १.२२६; महा०
नि० अट्ठ० १.२२६) ।

चिक्तीकतभावादयो च अनञ्जसाधारणा सातिसयतो बुद्धादीसुयेव लब्भन्तीति ।
वित्थारो रतनसुत्तवण्णनायं (खु० पा० अट्ठ० ६.३; सु० नि० अट्ठ० १.२२६) गहेतब्बो ।
अयमत्थो पन निब्बचनत्थवसेन न वुत्तो, अथ केनाति चे ? लोके रतनसम्मतस्स वत्थुनो
गरुकातब्बतादिअत्थवसेनाति सद्दविदू । साधूनञ्च रमनतो, संसारण्णवा च तरणतो,
सुगतिनिब्बानञ्च नयनतो रतनं तुल्यत्थसमासवसेन, अलमतिपपञ्चेन । एकसेसपकप्पनेन,
पुत्थुवचननिब्बचनेन वा रतनानि । तिण्णं समूहो, तीणि वा समाहटानि, तयो वा अवयवा
अस्साति तयं, रतनानमेव तयं, नाज्जेसन्ति रतनत्तयं । अवयवविनिमुत्तस्स पन समुदायस्स
अभावतो तीणि एव रतनानि तथा वुच्चन्ति, न समुदायमतं, समुदायापेक्खाय पन
एकवचनं कतं । वन्दीयते वन्दना, साव वन्दनामयं यथा “दानमयं सीलमय”न्ति (दी०
नि० ३.३०५; इतिवु० ६०; नेत्ति० ३३) । वन्दना चेत्थ कायवाचाचित्तेहि तिण्णं
रतनानं गुणनिन्नता, थोमना वा । अपिच तस्सा चेतनाय सहजातादोपकारेको
सद्धापञ्जासतिवीरियादिसम्पयुत्तधम्मो वन्दना, ताय पकतन्ति वन्दनामयं यथा “सोवण्णमयं
रूपियमय”न्ति, अत्थतो पन यथावुत्तचेतनाव । रतनत्तये, रतनत्तयस्स वा वन्दनामयं
रतनत्तयवन्दनामयं । पुज्जभवफलनिब्बत्तनतो पुज्जं निरुत्तिनयेन, अत्तनो कारकं, सन्तानं वा
पुनाति विसोधेतीति पुज्जं, सकम्मकत्ता धातुस्स कारितवसेन अत्थविवरणं लब्भति,
सद्दनिप्फत्ति पन सुद्धवसेनेवाति सद्दविदू ।

ततंसम्पत्तिया विबन्धनवसेन सत्तसन्तानस्स अन्तरे वेमज्झे एति आगच्छतीति
अन्तरायो, दिट्ठधम्मिकादिअनत्थो । पणामपयोजने वुत्तविधिना सुद्धु विहतो विद्धस्तो
अन्तरायो अस्साति सुविहतन्तरायो । विहननञ्चेत्थ तदुप्पादकहेतुपरिहरणवसेन तेसं

अन्तरायानमनुष्पत्तिकरणन्ति ददृब्धं । हुत्वाति पुब्बकालकिरिया, तस्स “अत्थं पकासयिस्सामी”ति एतेन सम्बन्धो । तस्साति यंसद्देन उद्दिट्ठस्स वन्दनामयपुञ्जस्स । आनुभावेनाति बलेन ।

“तेजो उस्साहमन्ता च, पभू सत्तीति पञ्चिमे ।

‘आनुभावो’ति वुच्चन्ति, ‘पभावो’ति च ते वदे”ति ।।-

वुत्तेसु हि अत्थेसु इध सत्तियं वत्तति । अनु पुनप्पुनं तंसमङ्गिं भावेति वट्ठेतीति हि अनुभावो, सोयेव आनुभावोति उदानङ्कथायं, अत्थतो पन यथालब्धसम्पत्तिनिमित्तकस्स पुरिमकम्मस्स बलानुप्पदानवससङ्घाता वन्दनामयपुञ्जस्स सत्तियेव, सा च सुविहतन्तरायताय करणं, हेतु वा सम्भवति ।

एत्थ पन “पसन्नमतिनो”ति एतेन अत्तनो पसादसम्पत्तिं दस्सेति । “रतनत्तयवन्दनामय”न्ति एतेन रतनत्तयस्स खेत्तभावसम्पत्तिं, ततो च तस्स पुञ्जस्स अत्तनो पसादसम्पत्तिया, रतनत्तयस्स च खेत्तभावसम्पत्तियाति द्वीहि अङ्गेहि अत्थसंवण्णनाय उपघातकउपद्धानं विहनने समत्थतं दीपेति । चतुरङ्गसम्पत्तिया दानचेतना विद्य हि द्वयङ्गसम्पत्तिया पणामचेतनापि अन्तरायविहननेन दिट्ठधम्मिकाति ।

एवं रतनत्तयस्स निपच्चकारकरणे पयोजनं दस्सेत्वा इदानी यस्सा धम्मदेसनाय अत्थं संवण्णेतुकामो, तदपि संवण्णेतब्बधम्मभावेन दस्सेत्वा गुणाभित्थवनविसेसेन अभित्थवेतुं “दीघस्सा”तिआदिमाह । अयङ्गि आचरियस्स पकति, यदिदं तंतंसंवण्णनासु आदितो तस्स तस्स संवण्णेतब्बधम्मस्स विसेसगुणकित्तनेन थोमना । तथा हि तेसु तेसु पपञ्चसूदनीसारत्थपकासनीमनोरथपूरणीअट्ठसालिनीआदीसु यथाक्कमं “परवादमथनस्स, जाणप्पभेदजननस्स, धम्मकथिकपुङ्गवानं विचित्तपटिभानजननस्स,

तस्स गम्भीरजाणेहि, ओगाळहस्स अभिण्हसो ।

नानानयविचित्तस्स, अभिधम्मस्स आदितो”ति ।। आदिना -

थोमना कता । तत्थ दीघस्साति दीघनामकस्स । दीघसुत्तङ्गितस्साति दीघेहि अभिआयतवचनप्पबन्धवन्तेहि सुत्तेहि लक्खितस्स, अनेन “दीघो”ति अयं इमस्स

आगमस्स अथानुगता समञ्जाति दस्सेति । ननु च सुत्तानियेव आगमो, कथं सो तेहि अङ्कीयतीति ? सच्चमेतं परमत्थतो, पञ्जत्तितो पन सुत्तानि उपादाय आगमभावस्स पञ्जत्तत्ता अवयवेहि सुतेहि अवयवीभूतो आगमो अङ्कीयति । यथेव हि अत्थब्यञ्जनसमुदाये “सुत्त”न्ति वोहारो, एवं सुत्तसमुदाये आगमवोहारोति । पटिच्चसमुप्पादादिनिपुणत्थभावतो निपुणस्स । आगच्छन्ति अत्तत्थपरत्थादयो एत्थ, एतेन, एतस्माति वा आगमो, उत्तमट्ठेन, पत्थनीयट्ठेन च सो वरोति आगमवरो । अपिच आगमसम्मतेहि बाहिरकपवेदितेहि भारतपुराणकथानरसीहपुराणकथादीहि वरोतिपि आगमवरो, तस्स । बुद्धानमनुबुद्धा बुद्धानुबुद्धा, बुद्धानं सच्चपटिवेधं अनुगम्म पटिविद्धसच्चा अग्गसावकादयो अरिया, तेहि अत्थसंवण्णनावसेन, गुणसंवण्णनावसेन च संवण्णितोति तथा । अथ वा बुद्धा च अनुबुद्धा च, तेहि संवण्णितो यथावुत्तनयेनाति तथा, तस्स । सम्मासम्बुद्धेनेव हि तिण्णम्पि पिटकानं अत्थसंवण्णनावकमो भासितो, ततो परं सङ्गायनादिवसेन सावकेहीति आचरिया वदन्ति । वुत्तञ्च मज्झिमागमट्ठकथाय उपालिसुत्तवण्णनायं “वेय्याकरणस्साति वित्थारेत्वा अत्थदीपकस्स । भगवता हि अब्बाकतं तन्तिपदं नाम नत्थि, सब्बेसंयेव अत्थो कथितो”ति (म० नि० अट्ठ० ३.७६) । सद्भावहगुणस्साति बुद्धादीसु पसादावहगुणस्स । ननु च सब्बम्पि बुद्धवचनं तेपिटकं सद्भावहगुणमेव, अथ कस्मा अयमञ्जसाधारणगुणेन थोमितोति ? सातिसयतो इमस्स तग्गुणसम्पन्नत्ता । अयज्हि आगमो ब्रह्मजालादीसु सीलविद्धादीनं अनवसेसनिद्देसादिवसेन, महापदानादीसु (दी० नि० २.३) पुरिमबुद्धानम्पि गुणनिद्देसादिवसेन, पाथिकसुत्तादीसु (दी० नि० ३.१.४) तित्थिये मदित्वा अप्पटिवत्तियसीहनादनदनादिवसेन, अनुत्तरियसुत्तादीसु विसेसतो बुद्धगुणविभावनेन रतनत्तये सातिसयं सद्धं आवहतीति ।

एवं संवण्णेतब्बधम्मस्स अभित्थवनम्पि कत्वा इदानीं संवण्णनाय सम्पत्ति वक्खमानाय आगमनविसुद्धिं दस्सेतुं “अत्थप्पकासनत्थ”न्तिआदिमाह । इमाय हि गाथाय सङ्गीतित्तयमारुहदीघागमट्ठकथातोव सीहलभासामत्तं विना अयं वक्खमानसंवण्णना आगता, नाञ्जतो, तदेव कारणं कत्वा वत्तब्बा, नाञ्जन्ति अत्तनो संवण्णनाय आगमनविसुद्धिं दस्सेति । अपरो नयो – परमनिपुणगम्भीरं बुद्धविसयमागमवरं अत्तनो बलेनेव वण्णयिस्सामीति अज्जेहि वत्तुम्पि असक्कुण्येयत्ता संवण्णनानिस्सयं दस्सेतुमाह “अत्थप्पकासनत्थ”न्तिआदि । इमाय हि पुब्बाचरियानुभावं निस्सायेव तस्स अत्थं वण्णयिस्सामीति अत्तनो संवण्णनानिस्सयं दस्सेति । तत्थ अत्थप्पकासनत्थ”न्ति पाठत्थो, सभावत्थो, जेय्यत्थो, पाठानुरूपत्थो, तदनुरूपत्थो, सावसेसत्थो, निवरसेसत्थो, नीतत्थो,

नेय्यत्थोतिआदिना अनेकप्पकारस्स अत्थस्स पकासनत्थाय, पकासनाय वा । गाथाबन्धसम्पत्तिया द्विभावो । अत्थो कथीयति एतायाति अत्थकथा, सायेव अट्ठकथा त्थ-कारस्स ङ्क-कारं कत्वा यथा “दुक्खस्स पीळनट्ठो”ति (पटि० म० १.१७; २.८), अयञ्च ससञ्जोगविधि अरियाजातिभावतो । अक्खरचिन्तकापि हि “तथानंढ युग”न्ति लक्खणं वत्वा इदमेवुदाहरन्ति ।

याय’त्थमभिवण्णेन्ति, व्यञ्जनत्थपदानुगं ।
निदानवत्थुसम्बन्धं, एसा अट्ठकथा मता ।।

आदितोतिआदिस्मि पठमसङ्गीतियं । छलभिञ्जताय परमेन चित्तवसीभावेन समन्नागतत्ता, ज्ञानादीसु पञ्चवसिता सब्भावतो च वसिनो, थेरा महाकस्सपादयो, तेसं सतेहि पञ्चहि । या सङ्गीताति या अट्ठकथा अत्थं पकासेतुं युत्तट्ठाने “अयमेतस्स अत्थो, अयमेतस्स अत्थो”ति सङ्गहेत्वा वुत्ता । अनुसङ्गीता च पच्छापीति न केवलं पठमसङ्गीतियमेव, अत्थं खो पच्छा दुतियततियसङ्गीतीसुपि । न च पञ्चहि वसिसतेहि आदितो सङ्गीतायेव, अपि तु यसत्थेरादीहि अनुसङ्गीता चाति सह समुच्चयेन अत्थो वेदितब्बो । समुच्चयद्वयञ्हि पच्चेकं किरियाकालं समुच्चिनोति ।

अथ पोरणट्ठकथाय विज्जमानाय किमेताय अधुना पुन कताय संवण्णनायाति पुनरुत्तिया, निरत्थकताय च दोसं समनुस्सरित्वा तं परिहरन्तो “सीहळदीप”न्तिआदिमाह । तं परिहरणेनेव हि इमिस्सा संवण्णनाय निमित्तं दस्सेति । तत्थ सीहं लाति गण्हातीति सीहळो ल-कारस्स ङ्क-कारं कत्वा यथा “गरुळो”ति । तस्मिं वंसे आदिपुरिसो सीहकुमारो, तब्बंसजाता पन तम्बपण्णिदीपे खत्तिया, सब्बेपि च जना तद्धितवसेन, सदिसवोहारेन वा सीहळा, तेसं निवासदीपोपि तद्धितवसेन, ठानीनामेन वा “सीहळो”ति वेदितब्बो । जलमज्जे दिप्पति, द्विधा वा आपो एत्थ सन्दतीति दीपो, सोयेव दीपो, भेदापेक्खाय तेसं दीपोति तथा । पनसद्दो अरुचिसंसूचने, तेन कामञ्च सा सङ्गीतित्तयमारुळ्हा, तथापि पुन एवंभूताति अरुचियभावं संसूचेति । तदत्थसम्बन्धताय पन पुरिमगाथाय “कामञ्च सङ्गीता अनुसङ्गीता चा”ति सानुगहत्थयोजना सम्भवति । अञ्जत्थापि हि तथा दिस्सतीति । आभताति जम्बुदीपतो आनीता । अथाति सङ्गीतिकालतो पच्छा, एवं सति आभतपदेन सम्बन्धो । अथाति वा महामहिन्दत्थेरेनाभतकालतो पच्छा, एवं सति ठपितपदेन सम्बन्धो । सा हि धम्मसङ्गाहकत्थेरेहि पठमं तीणि पिटकानि सङ्गायित्वा तस्स अत्थसंवण्णनानुरूपेनेव

वाचनामग्गं आरोपितत्ता तिस्सो सङ्गीतियो आरुळ्हायेव, ततो पच्छा च महामहिन्दत्थेरेन तम्बपण्णिदीपमाभता, पच्छा पन तम्बपण्णियेहि महात्थेरेहि निकायन्तरलद्धिसङ्करपरिहरणत्थं **सीहळभासाय ठपिताति**। आचरियधम्मपालत्थेरो पन पच्छिमसम्बन्धमेव दुद्दसत्ता पकासेति। तथा “**दीपवासीनमत्थाया**”ति इदम्पि “ठपिता”ति च “अपनेत्वा आरोपेन्तो”ति च एतेहि पदेहि सम्बज्झितब्बं। एकपदम्पि हि आवुत्तियादिनयेहि अनेकत्थसम्बन्धमुपगच्छति। पुरिमसम्बन्धेन चेत्थ सीहळदीपवासीनमत्थाय निकायन्तरलद्धिसङ्करपरिहरणेन सीहळभासाय ठपिताति तम्बपण्णियत्थेरेहि ठपनपयोजनं दस्सेति। पच्छिमसम्बन्धेन पन इमाय संवण्णनाय जम्बुदीपवासीनं, अज्जदीपवासीनञ्च अत्थाय सीहळभासापनयनस्स, तन्तिनयानुच्छविकभासारोपनस्स च पयोजनन्ति। महाइस्सरियत्ता **महिन्दो**ति राजकुमारकाले नामं, पच्छा पन गुणमहन्तताय **महामहिन्दो**ति वुच्चति। **सीहळभासा** नाम अनेकक्खरेहि एकत्थस्सापि वोहरणतो परेसं वोहरितुं अतिदुक्करा कञ्चुकसदिसा सीहळानं समुदाचिण्णा भासा।

एवं होतु पोराणट्ठकथाय, अधुना करियमाना पन अट्ठकथा कथं करीयतीति अनुयोगे सति इमिस्सा अट्ठकथाय करणप्पकारं दस्सेतुमाह “**अपनेत्त्वाना**”तिआदि। तत्थ ततो मूलट्ठकथातो सीहळभासं अपनेत्वा पोत्थके अनारोपितभावेन निरङ्करित्वाति सम्बन्धो, एतेन अयं वक्खमाना अट्ठकथा सङ्गीतित्तयमारोपिताय मूलट्ठकथाय सीहळभासापनयनमत्तमज्जत्र अत्थतो संसन्दति चेव समेति च यथा “गङ्गोदकेन यमुनोदक”न्ति दस्सेति। “**मनोरम**” मिच्चादीनि “भास”न्ति एतस्स सभावनिरुत्तिभावदीपकानि विसेसनानि। सभावनिरुत्तिभावेन हि पण्डितानं मनं रमयतीति **मनोरमा**। तनोति अत्थमेताय, तनीयति वा अत्थवसेन विवरीयति, वट्ठतो वा सत्ते तारेति, नानात्थविसयं वा कङ्कं तरन्ति एतायाति **तन्ति**, पाळि। तस्सा नयसङ्घाताय गतिया छविं छायं अनुगताति **तन्तिनयानुच्छविका**। असभावनिरुत्तिभासन्तरसंकिण्णदोसविरहितताय **विगतदोसा**, तादिसं सभावनिरुत्तिभूतं –

“सा मागधी मूलभासा, नरा यायादिकप्पिका।
ब्रह्मानो चस्सुतालापा, सम्बुद्धा चापि भासरे”ति।।-

वुत्तं पाळिगतिभासं पोत्थके लिखनवसेन आरोपेन्तोति अत्थो, इमिना सद्वदोसाभावमाह।

समयं अविलोमेन्तोति सिद्धन्तमविरोधेन्तो, इमिना पन अत्थदोसाभावमाह । अविरुद्धता एव हि ते थेरवादापि इध पकासयिस्सन्ति । केसं पन समयन्ति आह “**थेरान**”न्तिआदि, एतेन राहुलाचरियादीनं जेतवनवासीअभयगिरिवासीनिकायानं समयं निवत्तेति । थिरेहि सीलसुतज्ञानविमुत्तिसङ्घातेहि गुणेहि समन्नागताति थेरा । यथाह “चत्तारोमे भिक्खवे थेरकरणा धम्मा । कतमे चत्तारो ? इध भिक्खवे भिक्खु सीलवा होती”तिआदि (अ० नि० १.४.२२) । अपिच सच्चधम्मादीहि थिरकरणेहि समन्नागतत्ता थेरा । यथाह धम्मराजाधम्मपदे –

“यम्हि सच्चञ्च धम्मो च, अहिंसा संयमो दमो ।

स वे वन्तमलो धीरो, **‘थेरो’**इति पवुच्चती”ति ।। (ध० प० २६०) ।

तेसं । महाकस्सपत्थेरादीहि आगता आचरियपरम्परा थेरवंसो, तप्परियापन्ना हुत्वा आगमाधिगमसम्पन्नत्ता पञ्चापज्जोतेन तस्स समुज्जलनतो तं पकारेन दीपेन्ति, तस्मिं वा पदीपसदिसाति **थेरवंसपदिपा** । विविधेन आकारेन निच्छीयतीति **विनिच्छयो**, गण्ठिद्वानेसु खीलमद्दनाकारेन पवत्ता विमतिच्छेदनीकथा, सुद्ध निपुणो सण्हो विनिच्छयो एतेसन्ति **सुनिपुणविनिच्छया** । अथ वा विनिच्छिनोतीति **विनिच्छयो**, यथावुत्तविसयं जाणं, सुद्ध निपुणो छेको विनिच्छयो एतेसन्ति **सुनिपुणविनिच्छया** । महामेघवने ठितो विहारो **महाविहारो**, यो सत्थु महाबोधिना विरोचति, तस्मिं वसनसील **महाविहारवासिनो**, तादिसानं समयं अविलोमेन्तोति अत्थो, एतेन महाकस्सपादिथेरपरम्परागतो, ततोयेव अविपरितो सण्हसुखुमो विनिच्छयोति महाविहारवासीनं समयस्स पमाणभूतं पुग्गलाधिद्वानवसेन दस्सेति ।

हित्वा पुनप्पुनभतमत्थन्ति एकत्थ वुत्तम्पि पुन अञ्जत्थ आभतमत्थं पुनरुत्तिभावतो, गन्थगरुकभावतो च चजित्वा तस्स आगमवरस्स अत्थं पकासयिस्सामीति अत्थो ।

एवं करणप्पकारम्पि दस्सेत्वा “दीपवासीनमत्थाया”ति वुत्तप्पयोजनतो अञ्जम्पि संवण्णनाय पयोजनं दस्सेतुं “**सुजनस्स चा**”तिआदिमाह । तत्थ **सुजनस्स चाति च-सद्दो** समुच्चयत्थो, तेन न केवलं जम्बुदीपवासीनमेव अत्थाय, अथ खो साधुजनतोसनत्थञ्चाति समुच्चिनोति । तेनेव च तम्बपण्णिदीपवासीनम्पि अत्थायाति अयमत्थो सिद्धो होति उग्गहणादिसुकरताय तेसम्पि बहूपकारत्ता । **चिरडितत्थञ्चाति** एत्थापि च-सद्दो न केवलं तदुभयत्थमेव, अपि तु तिविधस्सापि सासनधम्मस्स, परियत्तिधम्मस्स वा

पञ्चवस्ससहस्सपरिमाणं चिरकालं ठितत्थञ्चाति समुच्चयत्थमेव दस्सेति । परियत्तिधम्मस्स हि ठितिया पटिपत्तिधम्मपटिवेधधम्मानम्पिठिति होति तस्सेव तेसं मूलभावतो । परियत्तिधम्मो पन सुनिक्खित्तेन पदव्यञ्जनेन, तदत्थेन च चिरं सम्मा पतिट्ठाति, संवण्णनाय च पदव्यञ्जनं अविपरीतं सुनिक्खित्तं, तदत्थोपि अविपरीतो सुनिक्खित्तो होति, तस्मा संवण्णनाय अविपरीतस्स पदव्यञ्जनस्स, तदत्थस्स च सुनिक्खित्तस्स उपायभावमुपादाय वुत्तं “चिरट्ठितत्थञ्च धम्मस्सा”ति । वुत्तञ्हेतं भगवता –

“द्वेमे भिक्खवे धम्मा सद्धम्मस्स ठितिया असम्मोसाय अनन्तरधानाय संवत्तन्ति । कतमे द्वे ? सुनिक्खित्तञ्च पदव्यञ्जनं, अत्थो च सुनीतो, इमे खो...पे०... संवत्तन्ती”तिआदि (अ० नि० १.२.२१) ।

एवं पयोजनम्पि दस्सेत्वा वक्खमानाय संवण्णनाय महत्तपरिच्चागेन गन्थगरुकभावं परिहरितुमाह “सीलकथा”तिआदि । तथा हि वुत्तं “न तं विचरयिस्सामी”ति । अपरो नयो – यदट्ठकथं कत्तुकामो, तदेकदेसभावेन विसुद्धिमग्गो गहेतब्बोति कथिकानं उपदेसं करोन्तो तत्थ विचारितधम्मे उद्देसवसेन दस्सेतुमाह “सीलकथा”तिआदि । तत्थ सीलकथाति चारित्तवारित्तादिवसेन सीलवित्थारकथा । धुतधम्माति पिण्डपातिकङ्गादयो तेरस किलेसधुननकधम्मा । कम्मट्ठानानीति भावनासङ्घातस्स योगकम्मस्स पवत्तिट्ठानत्ता कम्मट्ठाननामानि धम्मजातानि । तानि पन पाळियमागतानि अट्ठति सेव न गहेतब्बानि, अथ खो अट्ठकथायमागतानिपि द्वेति आपेतुं “सब्बानिपी”ति वुत्तं । चरि याविधानसहितोति रागचरितादीनं सभावादिविधानेन सह पवत्तो, इदं पन “ज्ञानसमापत्तिवित्थारो”ति इमस्स विसेसनं । एत्थ च रूपावचरज्झानानि ज्ञानं, अरूपावचरज्झानानि समापत्ति । तदुभयम्पि वा पटिलद्धमत्तं ज्ञानं, समापज्जनवसीभावप्पत्तं समापत्ति । अपिच तदपि उभयं ज्ञानमेव, फलसमापत्तिनिरोधसमापत्तियो पन समापत्ति, तासं वित्थारोति अत्थो ।

लोकियलोकुत्तरभेदानं छन्नम्पि अभिज्ज्ञानं गहणत्थं “सब्बा च अभिज्ज्ञायो”ति वुत्तं । जाणविभङ्गादीसु (विभं० ७५१) आगतनयेन एकविधादिना भेदेन पज्जाय सङ्कलयित्वा सम्पिण्डेत्वा, गणेत्वा वा विनिच्छयनं पज्जासङ्कलनविनिच्छयो । अरियानीति बुद्धादीहि अरियेहि पटिविज्झितवत्ता, अरियभावसाधकत्ता वा अरियानि उत्तरपदलोपेन । अवितथभावेन वा अरणीयत्ता, अवगन्तवत्ता अरियानि, “सच्चानी”तिमस्स विसेसनं ।

हेतादिपच्चयधम्मानं हेतुपच्चयादिभावेन पच्चयुप्पन्नधम्मानमुपकारकता पच्चयाकारो, तस्स देसना तथा, पटिच्चसमुप्पादकथाति अत्थो । सा पन निकायन्तरलल्लिसङ्कररहितताय सुद्धु परिसुद्धा, घनविनिब्भोगस्स च सुदुक्करताय निपुणा, एकत्तादिनयसहिता च तत्थ विचारिताति आह “**सुपरिसुद्धनिपुणनया**”ति । पदत्तयम्पि हेतं पच्चयाकारदेसनाय विसेसनं । पटिसम्भिदादीसु आगतनयं अविस्सज्जित्वाव विचारितत्ता अविमुत्तो तन्तिमग्गो यस्साति **अविमुत्ततन्ति मग्गा** । **मग्गो**ति चेत्थ पाळिसङ्घातो उपायो तंतदत्थानं अवबोधस्स, सच्चपटिवेधस्स वा उपायभावतो । पबन्धो वा दीघभावेन पकतिमग्गसदिसत्ता, इदं पन “**विपत्सना, भावना**”ति पदद्वयस्स विसेसनं ।

इति पन सब्बन्ति एत्थ **इति-सद्दो** परिसमापने यथाउद्दिट्ठउद्देसस्स परिनिट्ठितत्ता, एत्तकं सब्बन्ति अत्थो । **पना**ति वचनालङ्कारमतं विसुं अत्थाभावतो । पदत्थसंकिण्णस्स, वत्तब्बस्स च अवुत्तस्स अवसेसस्स अभावतो सुविज्जेय्यभावेन **सुपरिसुद्धं**, “**सब्ब**”न्ति इमिना सम्बन्धो, भावनपुंसकं वा एतं “**वुत्त**”न्ति इमिना सम्बज्जनतो । **भिय्यो**ति अतिरेकं, अतिवित्थारन्ति अत्थो, एतेन पदत्थमत्तमेव विचारयिस्सामीति दस्सेति । एतं सब्बं इध अट्ठकथाय न विचारयिस्सामि पुनरुत्तिभावतो, गन्थगरुकभावतो चाति अधिप्पायो । **विचारयिस्सामी**ति च गाथाभावतो न बुद्धिभावोति दट्ठब्बं ।

एवम्पि एस विसुद्धिमग्गो आगमानमत्थं न पकासेय्य, अथ सब्बोपेसो इध विचारितब्बोयेवाति चोदनाय तथा अविचारणस्स एकन्तकारणं निद्धारेत्वा तं परिहरन्तो “**मज्झे विसुद्धिमग्गो**”तिआदिमाह । तत्थ **मज्जे**ति खुद्दकतो अज्जेसं चतुन्नम्पि आगमानं अब्भन्तरे । **हि-सद्दो** कारणे, तेन यथावुत्तं कारणं जोतेति । **तत्था**ति तेसु चतूसु आगमेसु । **यथाभासितन्ति** भगवता यं यं देसितं, देसितानुरूपं वा । अपि च संवण्णकेहि संवण्णनावसेन यं यं भासितं, भासितानुरूपन्तिपि अत्थो । **इच्चेवा**ति एत्थ **इति-सद्देन** यथावुत्तं कारणं निदस्सेति, इमिनाव कारणेन, इदमेव वा कारणं मनसि सन्निधायाति अत्थो । **कतो**ति एत्थापि “**विसुद्धिमग्गो एसा**”ति पदं कम्मभावेन सम्बज्जति आवुत्तियादिनयेनाति दट्ठब्बं । **तम्पी**ति तं विसुद्धिमग्गम्पि जाणेन गहेत्वान । **एताया**ति सुमङ्गलविलासिनिया नाम एताय अट्ठकथाय । एत्थ च “**मज्झे ठत्वा**”ति एतेन मज्जत्तभावदीपनेन विसेसतो चतुन्नम्पि आगमानं साधारणट्ठकथा विसुद्धिमग्गो, न सुमङ्गलविलासिनीआदयो विय असाधारणट्ठकथाति दस्सेति । अविसेसतो पन विनयाभिधम्मानम्पि यथारहं साधारणट्ठकथा होतियेव, तेहि सम्मिस्सताय च तदवसेसस्स

खुद्दकागमस्स विसेसतो साधारणा समानापि तं ठपेत्वा चतुन्नमेव आगमानं साधारणात्वेव वुत्ताति ।

इति सोळसगाथावण्णना ।

गन्थारम्भकथावण्णना निद्धिता ।

निदानकथावण्णना

एवं यथावुत्तेन विविधेन नयेन पणामादिकं पकरणारम्भविधानं कत्वा इदानीं विभागवन्तानं सभावविभावनं विभागदस्सनवसेनेव सुविभावितां, सुविज्जापितञ्च होतीति पठमं ताव वग्गसुत्तवसेन विभागं दस्सेतुं “तत्थ दीघागमो नामा”तिआदिमाह । तत्थ तत्थाति “दीघस्स आगमवरस्स अत्थं पकासयिस्सामी”ति यदिदं वुत्तं, तस्मिं वचने । “यस्स अत्थं पकासयिस्सामी”ति पटिज्जातं, सो दीघागमो नाम वग्गसुत्तवसेन एवं वेदितब्बो, एवं विभागोति वा अत्थो । अथ वा तत्थाति “दीघागमनिस्सित”न्ति यं वुत्तं, एतस्मिं वचने । यो दीघागमो वुत्तो, सो दीघागमो नाम वग्गसुत्तवसेन । एवं विभजितब्बो, एदिसोति वा अत्थो । “दीघस्सा”तिआदिना हि वुत्तं दूरवचनं तं-सद्देन पटिनिद्दिसति विय “दीघागमनिस्सित”न्ति वुत्तं आसन्नवचनम्पि तं-सद्देन पटिनिद्दिसति अत्तनो बुद्धियं परम्मुखं विय परिवत्तमानं हुत्वा पवत्तनतो । एदिसेसु हि ठानेसु अत्तनो बुद्धियं सम्मुखं वा परम्मुखं वा परिवत्तमानं यथा तथा वा पटिनिद्दिसितुं वट्ठति सद्धमत्तपटिनिद्देसेन अत्थस्साविरोधनतो । वग्गसुत्तादीनं निब्बचनं परतो आवि भविस्सति । तयो वग्गा यस्साति तिक्कगो । चतुत्तिसं सुत्तानि एत्थ सङ्गहन्ति, तेसं वा सङ्गहो गणना एत्थाति चतुत्तिसं सुत्तसङ्गहो ।

अत्तनो संवण्णनाय पठमसङ्गीतियं निक्खित्तानुक्कमेनेव पवत्तभावं दस्सेतुं “तस्स...पे०... निदानमादी”ति वुत्तं । आदिभावो हेत्थ सङ्गीतिकमेनेव वेदितब्बो । कस्मा पन चतूसु आगमेसु दीघागमो पठमं सङ्गीतो, तत्थ च सीलक्खन्धवग्गो पठमं निक्खित्तो, तस्मिञ्च ब्रह्मजालसुत्तं, तत्थापि निदानन्ति ? नायमनुयोगो कत्थचिपि न पवत्तति सब्बत्थेव वचनक्कममत्तं पटिच्च अनुयुज्जितब्बतो । अपिच सद्धावहगुणत्ता दीघागमोव पठमं सङ्गीतो । सद्धा हि कुसलधम्मानं बीजं । यथाह “सद्धा बीजं तपो वुट्ठी”ति (सं० नि० १.२.१९७; सु० नि० ७७) । सद्धावहगुणता चस्स हेट्ठा दस्सितायेव । किञ्च भिय्यो—

कतिपयसुत्तसङ्गहताय चेव अप्पपरिमाणताय च उग्गहणधारणादिसुखतो पठमं सङ्गीतो । तथा हेस चतुत्तिसुत्तसङ्गहो, चतुसट्ठिभाणवारपरिमाणो च । सीलकथाबाहुल्लतो पन **सीलखन्धवग्गो** पठमं निक्खित्तो । सीलज्झि सासनस्स आदि सीलपतिट्ठानत्ता सब्बगुणानं । तेनेवाह “तस्मा तिह त्वं भिक्खु आदिमेव विसोधेहि कुसलेसु धम्मेसु । को चादि कुसलानं धम्मानं ? सीलज्ज सुविसुद्ध”न्तिआदि (सं० नि० ३.५.४६९) । सीलखन्धकथाबाहुल्लतो हि सो “सीलखन्धवग्गो”ति वुत्तो । दिट्ठिविनिवेठनकथाभावतो पन सुत्तन्तपिटकस्स निरवसेसदिट्ठिविभजनं **ब्रह्मजालसुत्तं** पठमं निक्खित्तन्ति वेदितब्बं । तेपिटके हि बुद्धवचने ब्रह्मजालसदिसं दिट्ठिगतानि निग्गुम्बं निज्जटं कत्वा विभत्तसुत्तं नत्थि । **निदानं** पन पठमसङ्गीतियं महाकस्सपत्थेरेन पुट्ठेन आयस्मता आनन्देन देसकालादिनिदस्सनत्थं पठमं निक्खित्तन्ति । तेनाह “**ब्रह्मजालस्सापी**”तिआदि । तत्थ च “**आयस्मता**”तिआदिना देसकं नियमेति, **पठमसङ्गीतिकाले**ति पन कालन्ति, अयमत्थो उपरि आवि भविस्सति ।

पठममहासङ्गीतिकथावण्णना

इदानी “पठममहासङ्गीतिकाले”ति वचनप्पसङ्गेन तं पठममहासङ्गीतिं दस्सेन्तो, यस्सं वा पठममहासङ्गीतियं निक्खित्तानुक्कमेन संवण्णनं कत्तुकामत्ता तं विभावेन्तो तस्सा तन्तिया आरुळ्हायपि इध वचने कारणं दस्सेतुं “**पठममहासङ्गीति नाम चेसा**”तिआदिमाह । एत्थ हि **किञ्चापि...पे०... मारुळ्हा**ति एतेन ननु सा सङ्गीतिकखन्धके तन्तिमारुळ्हा, कस्मा इध पुन वुत्ता, यदि च वुत्ता अस्स निरत्थकता, गन्थगरुता च सियाति चोदनालेसं दस्सेति । “**निदान...पे०... वेदितब्बा**”ति पन एतेन निदानकोसल्लत्थभावतो यथावुत्तदोसता न सियाति विसेसकारणदस्सेनेन परिहरति । “पठममहासङ्गीति नाम चेसा”ति एत्थ च-सद्दो ईदिसेसु ठानेसु वत्तब्बसम्पिण्डनत्थो । तेन हि पठममहासङ्गीतिकाले वुत्तं निदानज्ज आदि, एसा च पठममहासङ्गीति नाम एवं वेदितब्बाति इममत्थं सम्पिण्डेति । उपज्जासत्थो वा च-सद्दो, उपज्जासोति च वाक्यारम्भो वुच्चति । एसा हि गन्थकारानं पकति, यदिदं किञ्चि वत्वा पुन अपरं वत्तुमारभन्तानं च-सद्दपयोगो । यं पन वजिरबुद्धित्थेरेन वुत्तं “एत्थ च-सद्दो अतिरेकत्थो, तेन अज्जापि अत्थीति दीपेती”ति (वजिर टी० बाहिरनिदानकथावण्णना), तदयुत्तमेव । न हेत्थ च-सद्देन तदत्थो विज्जायति । यदि चेत्थ तदत्थदस्सनत्थमेव च-कारो अधिप्पेतो सिया, एवं सति सो न कत्तब्बोयेव पठमसद्देनेव अज्जासं दुत्तियादिसङ्गीतीनम्पि अत्थिभावस्स दस्सितत्ता । दुत्तियादिमुपादाय हि

पठमसद्वपयोगो दीघादिमुपादाय रस्सादिसद्वपयोगो विय । यथापच्चयं तत्थ तत्थ देसितत्ता, पञ्चत्ता च विप्पकिण्णानं धम्मविनयानं सङ्गहेत्वा गायनं कथनं सङ्गीति, एतेन तं तं सिक्खापदानं, तंतंसुत्तानञ्च आदिपरियोसानेसु, अन्तरन्तरा च सम्बन्धवसेन ठपितं सङ्गीतिकारकवचनं सङ्गहितं होति । महाविसयत्ता, पूजितत्ता च महती सङ्गीति महासङ्गीति, पठमा महासङ्गीति पठममहासङ्गीति । किञ्चापीति अनुग्गहत्थो, तेन पाळियम्पि सा सङ्गीतिमारुह्वावाति अनुग्गहं करोति, एवम्पि तत्थारुह्मतेन इध सोतूनं निदानकोसल्लं न होतीति पन-सद्देन अरुचियत्थं दस्सेति । निददाति देसनं देसकालादिवसेन अविदितं विदितं कत्वा निदस्सेतीति निदानं, तस्मिं कोसल्लं, तदत्थायाति अत्थो ।

इदानीं तं विथारेत्वा दस्सेतुं “धम्मचक्कपवत्तनञ्जी”तिआदि वुत्तं । तत्थ सत्तानं दस्सनानुत्तरियसरणादिपटिलाभहेतुभूतासु विज्जमानासुपि अज्जासु भगवतो किरियासु “बुद्धो बोधेय्य”न्ति (बु० वं० अट्ठ० अब्भन्तरनिदान १; च० पि० अट्ठ० पकिण्णककथा; उदान अट्ठ० १८) पटिज्जाय अनुलोमनतो विनेय्यानं मग्गफलुप्पत्तिहेतुभूता किरियाव निप्परियायेन बुद्धकिच्चं नामाति तं सरूपतो दस्सेतुं “धम्मचक्कपवत्तनञ्जे...पे०... विनयना”ति वुत्तं । धम्मचक्कपवत्तनतो पन पुब्बभागे भगवता भासितं सुणन्तानम्पि वासनाभागियमेव जातं, न सेक्खभागियं, न निब्बेधभागियं तपुस्सभल्लिकानं सरणदानं विय । एसा हि धम्मता, तस्मा तमेव मरियादभावेन वुत्तन्ति वेदितब्बं । सद्धिन्धियादि धम्मोयेव पवत्तनट्ठेन चक्कन्ति धम्मचक्कं । अथ वा चक्कन्ति आणा, धम्मतो अनपेतत्ता धम्मञ्च तं चक्कञ्चाति धम्मचक्कं । धम्मेन जायेन चक्कन्तिपि धम्मचक्कं । वुत्तञ्हि पटिसम्भिदायं -

“धम्मञ्च पवत्तेति चक्कञ्चाति धम्मचक्कं । चक्कञ्च पवत्तेति धम्मञ्चाति धम्मचक्कं, धम्मेन पवत्तेतीति धम्मचक्कं, धम्मचरियाय पवत्तेतीति धम्मचक्क”न्तिआदि (पटि० म० २.४०, ४१) ।

तस्स पवत्तनं तथा । पवत्तन्ति च पवत्तयमानं, पवत्तितन्ति पच्चुप्पन्नातीतवसेन द्विधा अत्थो । यं सन्धाय अट्ठकथासु वुत्तं “धम्मचक्कपवत्तनसुत्तन्तं देसेन्तो धम्मचक्कं पवत्तेति नाम, अज्जासिकोण्डज्जत्थेरस्स मग्गफलाधिगततो पट्ठाय पवत्तितं नामा”ति (सं० नि० अट्ठ० ३.५.१०८१-१०८८; पटि० म० अट्ठ० २.२.४०) । इध पन पच्चुप्पन्नवसेनेव अत्थो युत्तो । यावाति परिच्छेदत्थे निपातो, सुभद्दस्स नाम परिब्बाजकस्स

विनयनं अन्तोपरिच्छेदं कत्वाति अभिविधिवसेन अत्थो वेदितब्बो। तज्झि भगवा परिनिब्बानमञ्चे निपन्नोयेव विनेसीति। कतं परिनिट्ठापितं बुद्धकिच्चं येनाति तथा, तस्मिं। कतबुद्धकिच्चे भगवति लोकनाथे परिनिब्बुतेति सम्बन्धो, एतेन बुद्धकत्तब्बस्स किच्चस्स कस्सचिपि असेसितभावं दीपेति। ततोयेव हि भगवा परिनिब्बुतोति। ननु च सावकेहि विनीतापि विनेय्या भगवतायेव विनीता नाम। तथा हि सावकभासितं सुत्तं “बुद्धभासित”न्ति वुच्चति। सावकविनेय्या च न ताव विनीता, तस्मा “कतबुद्धकिच्चे”ति न वत्तब्बन्ति? नायं दोसो तेसं विनयनुपायस्स सावकेसु ठपितत्ता। तेनेवाह -

“न तावाहं पापिम परिनिब्बायिस्सामि, याव मे भिक्खू न सावका भविस्सन्ति वियत्ता विनीता विसारदा बहुस्सुता धम्मधरा...पे०... उप्पन्नं परप्पवादं सह धम्मेन सुनिग्गहितं निग्गहेत्वा सपाटिहारियं धम्मं देसेस्सन्ती”तिआदि (दी० नि० २.१६८; उदा० ५१)।

“कुसिनाराय”न्तिआदिना भगवतो परिनिब्बुतदेसकालविसेसवचनं “अपरिनिब्बुतो भगवा”ति गाहस्स मिच्छाभावदस्सनत्थं, लोके जातसंवद्धादिभावदस्सनत्थञ्च। तथा हि मनुस्सभावस्स सुपाकटकरणत्थं महाबोधिसत्ता चरिमभवे दारपरिग्गहादीनिपि करोन्तीति। **कुसिनारायन्ति** एवं नामके नगरे। तज्झि नगरं कुसहत्थं पुरिसं दस्सनट्ठाने मापितत्ता “कुसिनार”न्ति वुच्चति, समीपत्थे चेतं भुम्मं। **उपवत्तने मल्लानं सालवने**ति तस्स नगरस्स उपवत्तनभूते मल्लराजूनं सालवने। तज्झि सालवनं नगरं पविसितुकामा उय्यानतो उपच्च वत्तन्ति गच्छन्ति एतेनाति **उपवत्तनं**। यथा हि अनुराधपुरस्स दक्खिणपच्छिमदिसायं थूपारामो, एवं तं उय्यानं कुसिनाराय दक्खिणपच्छिमदिसायं होति। यथा च थूपारामतो दक्खिणद्वारेन नगरं पविसनमग्गो पाचीनमुखो गन्त्वा उत्तरेन निवत्तति, एवं उय्यानतो सालपन्ति पाचीनमुखा गन्त्वा उत्तरेन निवत्ता, तस्मा तं “उपवत्तन”न्ति वुच्चति। अपरे पन “तं सालवनमुपगन्त्वा मित्तसुहज्जे अपलोकेत्वा निवत्तनतो उपवत्तनन्ति पाकटं जातं किरा”ति वदन्ति। **यमकसालानमन्तरे**ति यमकसालानं वेमज्झे। तत्थ किर भगवतो पञ्चत्तस्स परिनिब्बानमञ्चस्स सीसभागे एका सालपन्ति होति, पादभागे एका। तत्रापि एको तरुणसालो सीसभागस्स आसन्नो होति, एको पादभागस्स। तस्मा “यमकसालानमन्तरे”ति वुत्तं। अपिच “यमकसाला नाम मूलखन्धविटपपत्तेहि अज्जमज्जं संसिब्बेत्वा टितसाला”तिपि महाअट्ठकथायं वुत्तं। मा इति चन्दो वुच्चति तस्स गतिया

दिवसस्स मिनितब्बतो, तदा सब्बकलापरिपूरिया पुण्णो एव माति **पुण्णमा**। सद्दविदू पन “मो सिवो चन्दिमा चेवा”ति वुत्तं सक्कतभासानयं गहेत्वा ओकारन्तम्पि चन्दिमवाचक म-सद्दमिच्छन्ति। विसाखाय युत्तो पुण्णमा यत्थाति **विसाखापुण्णमो**, सोयेव दिवसो तथा, तस्मिं। पच्चूसति तिमिरं विनासेतीति **पच्चूसो**, पति-पुब्बो उस-सद्दो रुजायन्ति हि नेरुत्तिका, सोयेव समयोति रत्तिया पच्छिमयामपरियापन्नो कालविसेसो वुच्चति, तस्मिं। विसाखापुण्णमदिवसे ईदिसे रत्तिया पच्छिमसमयेति वुत्तं होति।

उपादीयते कम्मकिलेसेहीति **उपादि**, विपाककखन्धा, कटत्ता च रूपं। सो पन उपादि किलेसाभिसङ्खारमारनिम्मथने अनोस्सद्दो, इध खन्धमच्चुमारनिम्मथने ओस्सद्दो न सेसितो, तस्मा नत्थि एतिस्सा उपादिसङ्घातो सेसो, उपादिस्स वा सेसोति कत्वा “**अनुपादिसेसा**”ति वुच्चति। **निब्बानधातू**ति चेत्थ निब्बुतिमत्तं अधिप्पेतं, निब्बानञ्च तं सभावधारणतो धातु चाति कत्वा। निब्बुतिया हि कारणपरियायेन असङ्घतधातु तथा वुच्चति। इत्थम्भूतलक्खणे चायं करणनिद्देसो। अनुपादिसेसतासङ्घातं इमं पकारं भूतस्स पत्तस्स परिनिब्बुतस्स भगवतो लक्खणे निब्बानधातुसङ्घाते अत्थे ततियाति वुत्तं होति। ननु च “अनुपादिसेसाया”ति निब्बानधातुयाव विसेसनं होति, न परिनिब्बुतस्स भगवतो, अथ कस्मा तं भगवा पत्तोति वुत्तोति? निब्बानधातुया सहचरणतो। तंसहचरणेन हि भगवापि अनुपादिसेसभावं पत्तोति वुच्चति। अथ वा अनुपादिसेसभावसङ्घातं इमं पकारं पत्ताय निब्बानधातुया लक्खणे सज्जननकिरियाय ततियातिपि वत्तुं युज्जति। **अनुपादिसेसाय निब्बानधातुया**ति च अनुपादिसेसनिब्बानधातु हुत्वाति अत्थो। “ऊनपञ्चबन्धनेन पत्तेना”ति (पारा० ६१२)। एत्थ हि ऊनपञ्चबन्धनपत्तो हुत्वाति अत्थं वदन्ति। अपिच निब्बानधातुया अनुपादिसेसाय अनुपादिसेसा हुत्वा भूतायातिपि युज्जति। वुत्तञ्चि उदानट्टकथाय **नन्दसुत्तवण्णनायं** “उपड्डुल्लिखितेहि केसेहीति इत्थम्भूतलक्खणे करणवचनं विप्पकतुल्लिखितेहि केसेहि उपलक्खिताति अत्थो”ति (उदा० अट्ट० २२) एसनयो ईदिसेसु। **धातुभाजनदिवसे**ति जेड्ढमासस्स सुक्कपक्खपञ्चमीदिवसं सन्धाय वुत्तं, तञ्च न “सन्निपतितान”न्ति एतस्स विसेसनं, “उस्साहं जनेसी”ति एतस्स पन विसेसनं “धातुभाजनदिवसे भिक्खूनं उस्साहं जनेसी”ति उस्साहजननस्स कालवसेन भिन्नाधिकरणविसेसनभावतो। धातुभाजनदिवसतो हि पुरिमतरदिवसेसुपि भिक्खू सन्निपतितान्ति। अथ वा “सन्निपतितान”न्ति इदं कायसामगिवसेन सन्निपतनमेव सन्धाय वुत्तं, न समागमनमत्तेन। तस्मा “धातुभाजनदिवसे”ति इदं “सन्निपतितान”न्ति एतस्स विसेसनं सम्भवति, इदञ्च **भिक्खूनं उस्साहं जनेसी**ति एत्थ “**भिक्खून**”न्ति एतेनपि

सम्बज्जनीयं। सङ्खस्स थेरो सङ्खत्थेरो। सो पन सङ्खो किं परिमाणोति आह “सत्तन्नं भिक्खुसतसहस्सान”न्ति। सङ्खसद्देन हि अविज्जायमानस्स परिमाणस्स विज्जापनत्थमेवेतं पुन वुत्तं। सद्दविदू पन वदन्ति -

“समासो च तद्धितो च, वाक्यत्थेसु विसेसका।
पसिद्धियन्तु सामञ्जं, तेलं सुगतचीवरं॥

तस्मा नाममत्तभूतस्स सङ्खत्थेरस्स विसेसनत्थमेवेतं पुन वुत्तन्ति, निच्चसापेक्खताय च एदिसेसु समासो यथा “देवदत्तस्स गरुकुल”न्ति। निच्चसापेक्खता चेत्थ सङ्खसद्दस्स भिक्खुसतसहस्ससद्दं सापेक्खत्तेपि अज्जपदन्तराभावेन वाक्ये विय अपेक्खितब्बत्थस्स गमकत्ता। “सत्तन्नं भिक्खुसतसहस्सान”न्ति हि एतस्स सङ्खसद्दे अवयवीभावेन सम्बन्धो, तस्सापि सामिभावेन थेरसद्देति। “सत्तन्नं भिक्खुसतसहस्सान”न्ति च गणपामोक्खभिक्खूयेव सन्धाय वुत्तं। तदा हि सन्निपतिता भिक्खू एत्तकाति गणनपथमतिक्कन्ता। तथा हि वेळुवगामे वेदनाविक्खम्भनतो पट्टाय “नचिरेनेव भगवा परिनिब्बायिस्सती”ति सुत्वा ततो ततो आगतेसु भिक्खूसु एकभिक्खुपि पक्कन्तो नाम नत्थि। यथाहु -

“सत्तसतसहस्सानि, तेसु पामोक्खभिक्खवो।
थेरो महाकस्सपोव, सङ्खत्थेरो तदा अहू”ति॥

आयस्मा महाकस्सपो अनुस्सरन्तो मज्जमानो चिन्तयन्तो हुत्वा उस्साहं जनेसि, अनुस्सरन्तो मज्जमानो चिन्तयन्तो आयस्मा महाकस्सपो उस्साहं जनेसीति वा सम्बन्धो। महन्तेहि सीलक्खन्धादीहि समन्नागतत्ता महन्तो कस्सपोति महाकस्सपो। अपिच “महाकस्सपो”ति उरुवेलकस्सपो नदीकस्सपो गयाकस्सपो कुमारकस्सपोति इमे खुद्धानुखुद्दके थेरे उपादाय वुच्चति। कस्मा पनायस्मा महाकस्सपो उस्साहं जनेसीति अनुयोगे सति तं कारणं विभावेन्तो आह “सत्ताहपरिनिब्बुते”तिआदि। सत्त अहानि समाहटानि सत्ताहं। सत्ताहं परिनिब्बुतस्स अस्साति तथा यथा “अचिरपक्कन्तो, मासजातो”ति, अन्तत्थअज्जपदसमासोयं, तस्मिं। भगवतो परिनिब्बानदिवसतो पट्टाय सत्ताहे वीतिवत्तेति वुत्तं होति, एतस्स “वुत्तवचन”न्ति पदेन सम्बन्धो, तथा “सुभदेन वुद्धपब्बजितेना”ति एतस्सपि। तत्थ सुभदोति तस्स नाममत्तं, वुद्धकाले पन पब्बजितत्ता “वुद्धपब्बजितेना”ति वुत्तं, एतेन सुभदपरिब्बाजकादीहि तं विसेसं करोति। “अलं

आवुसो”तिआदिना तेन वुत्तवचनं निदस्सेति । सो हि सत्ताहपरिनिब्बुते भगवति आयस्मता महाकस्सपत्थेरेन सद्धिं पावाय कुसिनारं अद्धानमग्गपटिपन्नेसु पञ्चमत्तेसु भिक्खुसतेसु अवीतरागे भिक्खू अन्तरामग्गे दिट्ठआजीवकस्स सन्तिका भगवतो परिनिब्बानं सुत्वा पत्तचीवरानि छड्ढेत्वा बाहा पग्गहं नानप्पकारं परिदेवन्ते दिस्वा एवमाह ।

कस्मा पन सो एवमाहाति ? भगवति आघातेन । अयं किरसो खन्धके आगते आतुमावत्थुस्मिं (महा० व० ३०३) नहापितपुब्बको वुड्ढपब्बजितो भगवति कुसिनारतो निक्खमित्वा अट्ठतेळसेहि भिक्खुसतेहि सद्धिं आतुमं गच्छन्ते “भगवा आगच्छती”ति सुत्वा “आगतकालेयागुदानं करिस्सामी”ति सामणेरभूमियं ठिते द्वे पुत्ते एतदवोच “भगवा किर ताता आतुमं आगच्छति महता भिक्खुसङ्घेन सद्धिं अट्ठतेळसेहि भिक्खुसतेहि, गच्छथ तुम्हे ताता, खुरभण्डं आदाय नाळिया वा पसिब्बकेन वा अनुघरकं आहिण्डथ, लोणप्पि तेलप्पि तण्डुलप्पि खादनीयप्पि संहरथ, भगवतो आगतस्स यागुदानं करिस्सामी”ति । ते तथा अकंसु । अथ भगवति आतुमं आगत्त्वा भुसागारकं पविट्ठे सुभदो सायन्हसमयं गामद्वारं गत्त्वा मनुस्से आमन्तेत्वा “हत्थकम्ममत्तं मे देथा”ति हत्थकम्मं याचित्वा “किं भन्ते करोमा”ति वुत्ते “इदञ्चिदञ्च गणहथा”ति सब्बूपकरणानि गाहापेत्वा विहारे उद्धनानि कारेत्वा एकं काळकं कासावं निवासेत्वा तादिसमेव पारुपित्वा “इदं करोथ, इदं करोथा”ति सब्बरत्तिं विचारेन्तो सतसहस्सं विस्सज्जेत्वा भोज्जयागुच्च मधुगोलकञ्च पटियादापेसि । भोज्जयागु नाम भुज्जित्वा पातब्बयागु, तत्थ सप्पिमधुफाणितमच्छमंसपुप्फफलरसादि यं किञ्चि खादनीयं नाम अत्थि, तं सब्बं पविसति । कीळितुकामानं सीसमक्खनयोग्गा होति सुगन्धगन्धा ।

अथ भगवा कालस्सेव सरीरपटिजग्नं कत्वा भिक्खुसङ्घपरिवुतो पिण्डाय चरितुं आतुमाभिमुखो पायासि । अथ तस्स आरोचेसुं “भगवा पिण्डाय गामं पविसति, तया कस्स यागु पटियादिता”ति । सो यथानिवत्थपारुतेहेव तेहि काळककासावेहि एकेन हत्थेन दब्बिञ्च कटच्छुञ्च गहेत्वा ब्रह्मा विय दक्खिणं जाणुमण्डलं भूमियं पतिट्ठपेत्वा वन्दित्वा “पटिग्गण्हातु मे भन्ते भगवा यागु”न्ति आह । ततो “जानन्तापि तथागता पुच्छन्ती”ति खन्धके (महा० व० ३०४) आगतनयेन भगवा पुच्छित्वा च सुत्वा च तं वुड्ढपब्बजितं विगरहित्वा तस्मिं वत्थुस्मिं अकप्पियसमादानसिक्खापदं, खुरभण्डपरिहरणसिक्खापदञ्चाति द्वे सिक्खापदानि पञ्जपेत्वा “अनेककप्पकोटियो भिक्खवे भोजनं परियेसन्तेहेव

वीतिनामिता, इदं पन तुम्हाकं अकप्पियं, अधम्मेन उप्पन्नं भोजनं इमं परिभुज्जित्वा अनेकानि अत्तभावसहस्सानि अपायेस्वेव निब्बत्तिस्सन्ति, अपेथ मा गण्हथा'ति वत्वा भिक्खाचाराभिमुखो अगमासि, एकभिक्षुनापि न किञ्चि गहितं। सुभद्दो अनत्तमनो हुत्वा “अयं सब्बं जानामी”ति आहिण्डति, सचे न गहेतुकामो पेसेत्वा आरोचेतब्बं अस्स, पक्काहारो नाम सब्बचिरं तिडुन्तो सत्ताहमत्तं तिडुय्य, इदञ्च मम यावजीवं परियत्तं अस्स, सब्बं तेन नासितं, अहितकामो अयं मय्ह”न्ति भगवति आघातं बन्धित्वा दसबले धरमाने किञ्चि वत्तुं नासक्खि। एवं किरस्स अहोसि “अयं उच्चा कुला पब्बजितो महापुरिसो, सचे किञ्चि धरन्तस्स वक्खामि, ममयेव सन्तज्जेस्सती”ति।

स्वायं अज्ज महाकस्सपत्थेरेन सद्धिं गच्छन्तो “परिनिब्बुतो भगवा”ति सुत्वा लद्धस्सासो विय हट्ठुडो एवमाह। थेरो पन तं सुत्वा हृदये पहारं विय, मत्थके पतितसुक्खासनिं विय (सुक्खासनि विय दी० नि० अट्ठ० ३.२३२) मज्झि, धम्मसंवेगो चस्स उप्पज्जि “सत्ताहमत्तपरिनिब्बुतो भगवा, अज्जापिस्स सुवण्णवण्णं सरीरं धरतियेव, दुक्खेन भगवता आराधितसासने नाम एवं लहुं महन्तं पापं कसटं कण्टको उप्पन्नो, अलं खो पनेस पापो वड्डमानो अज्जेपि एवरूपे सहाये लभित्वा सासनं ओसक्कापेतु”न्ति।

ततो थेरो चिन्तेसि “सचे खो पनाहं इमं महल्लकं इधेव पिलोतिकं निवासेत्वा छारिकाय ओकिरापेत्वा नीहरापेस्सामि, मनुस्सा ‘समणस्स गौतमस्स सरीरे धरमानेयेव सावका विवदन्ती’ति अम्हाकं दोसं दस्सेस्सन्ति, अधिवासेमि ताव। भगवता हि देसितधम्मो असङ्गहितपुप्फरासिसदिसो, तत्थ यथा वातेन पढटपुप्फानि यतो वा ततो वा गच्छन्ति, एवमेव एवरूपानं वसेन गच्छन्ते गच्छन्ते काले विनये एकं द्वे सिक्खापदानि नस्सिस्सन्ति, सुत्ते एको द्वे पज्जावारा नस्सिस्सन्ति, अभिधम्मे एकं द्वे भूमन्तरानि नस्सिस्सन्ति, एवं अनुक्कमेन मूले नट्टे पिसाचसदिसा भविस्साम, तस्मा धम्मविनयसङ्गहं करिस्सामि, एवं सति दळ्हसुत्तेन सङ्गहितपुप्फानि विय अयं धम्मविनयो निच्चलो भविस्सति। एतदत्थञ्चि भगवा मय्हं तीणि गावुतानि पच्चुग्गमनं अकासि, तीहि ओवादेहि (सं० नि० १.२.१४९, १५०, १५१) उपसम्पदं अकासि, कायतो चीवरपरिवत्तनं अकासि, आकासे पाणिं चालेत्वा चन्दोपमपटिपदं कथेन्तो मज्जेव सक्खिं कत्वा कथेसि, तिक्खत्तुं सकलसासनरतनं पटिच्छापेसि, मादिसे भिक्षुम्हि तिड्डमाने अयं पापो सासने वड्डिं मा अलत्थ, याव अधम्मो न दिप्पति, धम्मो न पटिबाहिय्यति, अविनयो न दिप्पति, विनयो न पटिबाहिय्यति, अधम्मवादिनो न बलवन्तो होन्ति,

धम्मवादिनो न दुब्बला होन्ति, अविनयवादिनो न बलवन्तो होन्ति, विनयवादिनो न दुब्बला होन्ति, ताव धम्मञ्च विनयञ्च सङ्गायिस्सामि, ततो भिक्खू अत्तनो अत्तनो पहीनकं गहेत्वा कप्पियाकप्पिये कथेस्सन्ति, अथायं पापो सयमेव निग्गहं पापुणिस्सति, पुन सीसं उक्खिपितुं न सक्खिस्सति, सासनं इद्धञ्चेव फीत्तञ्च भविस्सती”ति चिन्तेत्वा सो “एवं नाम मय्हं चित्तं उप्पन्न”न्ति कस्सचिपि अनारोचेत्वा भिक्खुसङ्घं समस्सासेत्वा अथ पच्छ धातुभाजनदिवसे धम्मविनयसङ्गायनत्थं भिक्खून् उस्साहं जनेसि। तेन वुत्तं “आयस्सा महाकस्सपो सत्ताहपरिनिब्बुते...पे०... धम्मविनयसङ्गायनत्थं भिक्खून् उस्साहं जनेसी”ति।

तथ अलन्ति पटिक्खेपवचनं, न युत्तन्ति अत्थो। आवुसोति परिदेवन्ते भिक्खू आलपति। मा सोचित्थाति चित्ते उप्पन्नबलवसोकेन मा सोकमकत्थ। मा परिदेवित्थाति वाचाय मा विलापमकत्थ। “परिदेवनं विलापो”ति हि वुत्तं। असोचनादीनं कारणमाह “सुमुत्ता”तिआदिना। तेन महासमणेनाति निस्सक्के करणवचनं, स्मावचनस्स वा नाव्यप्पदेसो। “उपहुता”ति पदे पन कत्तरि ततियावसेन सम्बन्धो। उभयापेक्खज्हेतं पदं। उपहुता च होमाति तंकालपेक्खवत्तमानवचनं, “तदा”ति सेसो। अतीतत्थे वा वत्तमानवचनं, अहुम्हाति अत्थो। अनुस्सरन्तो धम्मसंवेगवसेनेव, न पन कोधादिवसेन। धम्मसभावचिन्तावसेन हि पवत्तं सहोत्तप्पजाणं धम्मसंवेगो। वुत्तज्हेतं—

“सब्बसङ्गतधम्मेसु, ओत्तप्पाकारसण्ठितं।

जाणमोहितभारानं, धम्मसंवेगसज्जित”न्ति॥ (सारथ टी०
१.पठममहासङ्गीतिकथावण्णना)।

अज्जं उस्साहजननकारणं दस्सेतुं “ईदिसस्सा”तिआदि वुत्तं। तथ ईदिसस्स च सङ्घसन्निपातस्साति सत्तसतसहस्सगणपामोक्खत्थेरप्पमुखगणनपथातिक्कन्तसङ्घसन्निपातं सन्धाय वदति। “ठानं खो पनेतं विज्जती”तिआदिनापि अज्जं कारणं दस्सेति। तिद्वति एत्थ फलं तदायत्तवुत्तितायाति ठानं, हेतु। खोति अवधारणे। पनाति वचनालङ्कारे, एतं ठानं विज्जतेव, नो न विज्जतीति अत्थो। किं पन तन्ति आह “यं पापभिक्खू”तिआदि। यन्ति निपातमत्तं, कारणनिद्देशो वा, येन ठानेन अन्तरधापेय्युं, तदेतं ठानं विज्जतियेवाति। पापेन लामकेन इच्छावचरेण समन्नागता भिक्खू पापभिक्खू। अतीतो सत्था एत्थ, एतस्साति वा अतीतसत्थुकं यथा “बहुकत्तुको”ति। पधानं वचनं पावचनं।

पा-सद्दो चेत्थ निपातो “पा एव वुत्थस्सा”तिआदीसु विय। उपसग्गपदं वा एतं, दीघं कत्वा पन तथा वुत्तं यथा “पावदती”तिपि वदन्ति। पक्खन्ति अलज्जिपक्खं। “याव चा”तिआदिना सङ्गीतिया सासनचिरट्टितिकभावे कारणं, साधकञ्च दस्सेति। “तस्मा”ति हि पदमज्झाहरित्वा “सङ्गायेय्य”न्ति पदेन सम्बन्धनीयं।

तत्थ याव च धम्मविनयो तिड्ढतीति यत्तकं कालं धम्मो च विनयो च लज्जिपुग्गलेसु तिड्ढति। परिनिब्बानमञ्चके निपन्नेन भगवता महापरिनिब्बानसुत्ते (दी० नि० २.२१६) वुत्तं सन्धाय “वुत्तज्जेत”न्तिआदिमाह। हि-सद्दो आगमवसेन दळ्हिजोतको। देसितो पञ्जत्तोति धम्मोपि देसितो चेव पञ्जत्तो च। सुत्ताभिधम्मसङ्गहितस्स हि धम्मस्स अतिसज्जनं पबोधनं देसना, तस्सेव पकारतो आपनं विनेय्यसन्ताने ठपनं पञ्जापनं। विनयोपि देसितो चेव पञ्जत्तो च। विनयतन्तिसङ्गहितस्स हि अत्थस्स अतिसज्जनं पबोधनं देसना, तस्सेव पकारतो आपनं असङ्करतो ठपनं पञ्जापनं, तस्मा कम्मद्वयम्पि किरियाद्वयेन सम्बज्जनं युज्जतीति वेदितब्बं।

सोति सो धम्मो च विनयो च। ममच्चयेनाति मम अच्चयकाले। “भुम्मत्थे करणनिद्देसो”ति हि अक्खरचिन्तका वदन्ति। हेत्वत्थे वा करणवचनं, मम अच्चयहेतु तुम्हाकं सत्था नाम भविस्सतीति अत्थो। वुत्तज्झि महापरिनिब्बानसुत्तवण्णनायं “मयि परिनिब्बुते तुम्हाकं सत्थुकिच्चं साधेस्सती”ति (दी० नि० अट्ठ० २.२१६)। लक्खणवचनज्जेत्थ हेत्वत्थसाधकं यथा “नेत्ते उजुं गते सती”ति (अ० नि० १.४.७०; नेत्ति० १०.९०, ९३)। इदं वुत्तं होति— मया वो ठितेनेव “इदं लहुकं, इदं गरुकं, इदं सतेकिच्चं, इदं अतेकिच्चं, इदं लोकवज्जं, इदं पण्णत्तिवज्जं, अयं आपत्ति पुग्गलस्स सन्तिके वुट्ठाति, अयं गणस्स, अयं सङ्गस्स सन्तिके वुट्ठाती”ति सत्तन्नं आपत्तिक्खन्धानं अवीतिक्कमनीयतावसेन ओत्तिण्णवत्थुस्मिं सखन्धकपरिवारो उभतोविभङ्गो महाविनयो नाम देसितो, तं सकलम्पि विनयपिटकं मयि परिनिब्बुते तुम्हाकं सत्थुकिच्चं साधेस्सति “इदं वो कत्तब्बं, इदं वो न कत्तब्ब”न्ति कत्तब्बाकत्तब्बस्स विभागेन अनुसासनतो। ठितेनेव च मया “इमे चत्तारो सतिपट्ठाना, चत्तारो सम्मप्पधाना, चत्तारो इद्धिपादा, पच्चिन्द्रियानि, पच्च बलानि, सत्त बोज्झङ्गा, अरियो अट्ठङ्गिको मग्गो”ति तेन तेन विनेय्यानां अज्झासयानुरूपेण पकारेण इमे सत्तत्तिस बोधिपक्खियधम्मे विभजित्वा विभजित्वा सुत्तन्तपिटकं देसितं, तं सकलम्पि सुत्तन्तपिटकं मयि परिनिब्बुते तुम्हाकं सत्थुकिच्चं साधेस्सति तंतंचरियानुरूपं सम्मापटिपत्तिया अनुसासनतो, ठितेनेव च मया

“इमे पञ्चक्खन्धा (दी० नि० अट्ठ० २.२१६), द्वादसायतनानि, अट्ठारस धातुयो, चत्तारि सच्चानि, बावीसतिन्द्रियानि, नव हेतू, चत्तारो आहारा, सत्त फस्सा, सत्त वेदना, सत्त सञ्जा, सत्त चेतना, सत्त चित्तानि। तत्रापि एत्तका धम्मा कामावचरा, एत्तका रूपावचरा, एत्तका अरूपावचरा, एत्तका परियापन्ना, एत्तका अपरियापन्ना, एत्तका लोकिया, एत्तका लोकुत्तरा”ति इमे धम्मे विभजित्वा विभजित्वा अभिधम्मपिटकं देसितं, तं सकलम्पि अभिधम्मपिटकं मयि परिनिब्बुते तुम्हाकं सत्थुकिच्चं साधेस्सति खन्धादिविभागेन जायमानं चतुसच्चसम्बोधावहत्ता। इति सब्बम्पेतं अभिसम्बोधितो याव परिनिब्बाना पञ्चचत्तालीस वस्सानि भासितं लपितं “तीणि पिटकानि, पञ्च निकाया, नवङ्गानि, चतुरासीति धम्मक्खन्धसहस्सानी”ति एवं महप्पभेदं होति। इमानि चतुरासीति धम्मक्खन्धसहस्सानि तिष्ठन्ति, अहं एकोव परिनिब्बायिस्सामि, अहज्ज पनिदानि एकोव ओवदामि अनुसासामि, मयि परिनिब्बुते इमानि चतुरासीति बुद्धसहस्सानि तुम्हे ओवदिस्सन्ति अनुसासिस्सन्ति ओवादानुसासनकिच्चस्स निष्फादनतोति।

सासनन्ति परियत्तिपटिपत्तिपटिवेधवसेन तिविधम्पि सासनं, निप्परियायतो पन सत्तत्तिस बोधिपक्खियधम्मा। अद्धानं गमितुमलन्ति **अद्धनियं**, अद्धानगामि अद्धानक्खमन्ति अत्थो। चिरं ठिति एतस्साति **चिरट्ठितिकं**। इदं वुत्तं होति— येन पकारेण इदं सासनं अद्धनियं, ततोयेव च चिरट्ठितिकं भवेय्य, तेन पकारेण धम्मज्ज विनयज्ज यदि पनाहं सङ्गायेय्यं, साधु वताति।

इदानि सम्मासम्बुद्धेन अत्तनो कतं अनुग्गहविसेसं समनुस्सरित्वा चिन्तनाकारम्पि दस्सेन्तो “**यज्वाहं भगवता**”तिआदिमाह। तत्थ “यज्वाह”न्ति एतस्स “अनुग्गहितो, पसंसितो”ति एतेहि सम्बन्धो। यन्ति यस्मा, किरियापरामसनं वा एतं, तेन “अनुग्गहितो, पसंसितो”ति एत्थ अनुग्गहणं, पसंसनज्ज परामसति। “**धारेस्ससी**”तिआदिकं पन वचनं भगवा अज्जतरस्मिं रुक्खमूले महाकस्सपत्थेरेण पज्जत्तसङ्घाटियं निसिन्नो तं सङ्घाटिं पदुमपुष्पवण्णेन पाणिना अन्तन्तेन परामसन्तो आह। वुत्तज्हेतं कस्सपसंयुत्ते (सं० नि० १.२.१५४) महाकस्सपत्थेरेनेव आनन्दत्थेरं आमन्तेत्वा कथेन्तेन—

“अथ खो आवुसो भगवा मग्गा ओक्कम्म येन अज्जतरं रुक्खमूलं तेनुपसङ्कमि, अथ ख्वाहं आवुसो पटपिलोत्तिकानं सङ्घाटिं चतुग्गुणं पज्जपेत्वा भगवन्तं एतदवोचं ‘इध भन्ते भगवा निसीदतु, यं ममस्स दीघरत्तं हिताय

सुखाया'ति । निसीदि खो आवुसो भगवा पज्जत्ते आसने, निसज्ज खो मं आवुसो भगवा एतदवोच 'मुदुका खो त्यायं कस्सप पटपिलोतिकानं सङ्घाटी'ति । पटिगण्हातु मे भन्ते भगवा पटपिलोतिकानं सङ्घाटिं अनुकम्पं उपादायाति । धारेस्ससि पन मे त्वं कस्सप साणानि पंसुकूलानि निब्बसनानीति । धारेस्सामहं भन्ते भगवतो साणानि पंसुकूलानि निब्बसनानीति । सो ख्वाहं आवुसो पटपिलोतिकानं सङ्घाटिं भगवतो पादासिं, अहं पन भगवतो साणानि पंसुकूलानि निब्बसनानि पटिपज्जि'न्ति (सं० नि० १.२.१५४) ।

तथ मुदुका खो त्यायन्ति मुदुका खो ते अयं । कस्मा पन भगवा एवमाहाति ? थेरेन सह चीवरं परिवत्तेतुकामताय । कस्मा परिवत्तेतुकामो जातोति ? थेरं अत्तनो ठाने ठपेतुकामताय । किं सारिपुत्तमोग्गल्लाना नत्थीति ? अत्थि, एवं पनस्स अहोसि "इमे न चिरं ठस्सन्ति, 'कस्सपो पन वीसवस्ससतायुको, सो मयि परिनिब्बुते सत्तपण्णिगुहायं वसित्वा धम्मविनयसङ्गहं कत्वा मम सासनं पञ्चवस्ससहस्सपरिमाणकालं पवत्तनकं करिस्सती"ति अत्तनो नं ठाने ठपेसि, एवं भिक्खू कस्सपरस्स सुस्सुसितब्बं मज्जिस्सन्ती"ति तस्मा एवमाह । थेरो पन यस्मा चीवरस्स वा पत्तस्स वा वण्णे कथिते "इमं तुम्हे गण्हथा"ति वचनं चारित्तमेव, तस्मा "पटिगण्हातु मे भन्ते भगवा"ति आह ।

धारेस्ससि पन मे त्वं कस्सपाति कस्सप त्वं इमानि परिभोगजिण्णानि पंसुकूलानि पारुपितुं सक्खिस्ससीति वदति । तज्ज खो न कायबलं सन्धाय, पटिपत्तिपूरणं पन सन्धाय एवमाह । अयज्हेत्थ अधिप्पायो— अहं इमं चीवरं पुण्णं नाम दासिं पारुपित्वा आमकसुसाने छड्डितं सुसानं पविसित्वा तुम्बमत्तेहि पाणकेहि सम्परिकिण्णं ते पाणके विधुनित्वा महाअरियवंसे ठत्वा अग्गहेसिं, तस्स मे इमं चीवरं गहितदिवसे दससहस्सचक्कवाले महापथवी महाविरवं विरवमाना कम्पित्थ, आकासं तटतटायि, चक्कवाले देवता साधुकारं अदंसु, इमं चीवरं गण्हन्तेन भिक्खुना जातिपंसुकूलिकेन जातिआरज्जिकेन जातिएकासनिकेन जातिसपदानचारिकेन भवितुं वट्ठति, त्वं इमस्स चीवरस्स अनुच्छविकं कातुं सक्खिस्ससीति । थेरोपि अत्तना पञ्चन्नं हत्थिनं बलं धारेति, सो तं अतक्कयित्वा "अहमेतं पटिपत्तिं पूरेस्सामी"ति उस्साहेन सुगतचीवरस्स अनुच्छविकं कातुकामो "धारेस्सामहं भन्ते"ति आह । पटिपज्जिन्ति पटिपन्नोसि । एवं पन

चीवरपरिवत्तनं कत्वा थेरेन पारुपितचीवरं भगवा पारुपि, सत्थु चीवरं थेरो । तस्मिं समये महापथवी उदकपरियन्तं कत्वा उन्नदन्ती कम्पित्थ ।

साणानि पंसुकूलानीति मतकळेवरं परिवेठेत्वा छड्डितानि तुम्बमत्ते किमी पप्फोटेत्वा गहितानि साणवाकमयानि पंसुकूलचीवरानि । **निब्बसनानीति** निड्डितवसनकिच्चानि, परिभोगजिण्णानीति अत्थो । एत्थ च किञ्चापि एकमेव तं चीवरं, अनेकावयवत्ता पन बहुवचनं कतन्ति **मज्झिमगण्ठपदे** वुत्तं । **चीवरे साधारणपरिभोगेनाति** एत्थ अत्तना साधारणपरिभोगेनाति अत्थस्स विज्जायमानत्ता, विज्जायमानत्थस्स च सदस्स पयोगे कामाचारत्ता “अत्तना”ति न वुत्तं । “धारेस्ससि पन मे त्वं कस्सप साणानि पंसुकूलानी”ति (सं० नि० १.२.१५४) हि वुत्तत्ता “अत्तनाव साधारणपरिभोगेना”ति विज्जायति, नाञ्जेन । न हि केवलं सदतोयेव सब्बत्थ अत्थनिच्छयो, अत्थपकरणादिनापि येभुय्येन अत्थस्स नियमितत्ता । आचरियधम्मपालत्थेरेन पनेत्थ एवं वुत्तं “चीवरे साधारणपरिभोगेनाति एत्थ ‘अत्तना समसमद्वपनेना’ति इध वुत्तं अत्तना – सदमानेत्वा ‘चीवरे अत्तना साधारणपरिभोगेना’ति योजेतब्बं ।

यस्स येन हि सम्बन्धो, दूरद्वम्पि च तस्स तं ।

अत्थतो ह्यसमानानं, आसन्नत्तमकारणन्ति ।।

अथ वा भगवता चीवरे साधारणपरिभोगेन भगवता अनुगगहितोति योजनीयं । एकस्सापि हि करणनिद्वेसस्स सहादियोगकतुत्थजोतकत्तसम्भवतो”ति । समानं धारणमेतस्साति **साधारणो**, तादिसो परिभोगोति **साधारणपरिभोगो**, तेन । साधारणपरिभोगेन च समसमद्वपनेन च अनुगगहितोति सम्बन्धो ।

इदानी –

“अहं भिक्खवे, यावदे आकङ्कामि विविच्चेव कामेहि विविच्च अकुसलेहि धम्मेहि सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरामि, कस्सपोपि भिक्खवे यावदे आकङ्कति विविच्चेव कामेहि विविच्च अकुसलेहि धम्मेहि सवितक्कं सविचारं विवेकजं पीतिसुखं पठमं ज्ञानं उपसम्पज्ज विहरती”तिआदिना (सं० नि० १.२.१५२) –

नवानुपुब्बविहारछळभिज्जापभेदे उत्तरिमनुस्सधम्मो अत्तना समसमद्वपनत्थाय भगवता वुत्तं कस्सपसंयुत्ते (सं० नि० १.२.१५१) आगतं पाळिमिं पेय्यालमुखेन, आदिग्गहणेन च सङ्घिपित्वा दस्सेन्तो आह “अहं भिक्खवे”तिआदि ।

तथ यावदेति यावदेव, यत्तकं कालं आकङ्कामि, तत्तकं कालं विहरामीति अत्थो । ततोयेव हि मज्झिमगण्ठिपदे, चूळगण्ठिपदे च “यावदेति यावदेवाति वुत्तं होती”ति लिखितं । संयुत्तद्वकथायम्पि “यावदे आकङ्कामीति यावदेव इच्छामी”ति (सं० नि० अट्ठ० १.२.१५२) अत्थो वुत्तो । तथा हि तत्थ लीनत्थपकासनियं आचरियधम्मपालत्थेरेन “यावदेवाति इमिना समानत्थं ‘यावदे’ति इदं पद”न्ति वुत्तं । पोत्थकेसु पन कत्थचि “यावदेवा”ति अयमेव पाठो दिस्सति । अपि च यावदेति यत्तकं समापत्तिविहारं विहरितुं आकङ्कामि, तत्तकं समापत्तिविहारं विहरामीति समापत्तिद्वाने, यत्तकं अभिज्जावोहारं वोहरितुं आकङ्कामि, तत्तकं अभिज्जावोहारं वोहरामीति अभिज्जाठाने च सह पाठसेसेन अत्थो वेदितब्बो । आचरियधम्मपालत्थेरेनापि तदेवत्थं यथालाभनयेन दस्सेतुं “यत्तके समापत्तिविहारे, अभिज्जावोहारे वा आकङ्कन्तो विहारामि चेव वोहरामि च, तथा कस्सपोपीति अत्थो”ति वुत्तं । अपरे पन “यावदेति ‘यं पठमज्झानं आकङ्कामि, तं पठमज्झानं उपसम्पज्ज विहारामी”तिआदिना समापत्तिद्वाने, इद्धिविधाभिज्जाठाने च अज्झाहरितस्स त-सद्वस्स कम्मवसेन ‘यं दिव्वसोतं आकङ्कामि, तेन दिव्वसोतेन सद्दे सुणामी”तिआदिना सेसाभिज्जाठाने करणवसेन योजना वत्तब्बा”ति वदन्ति । विविच्चेव कामेहीति एत्थ एव-सद्दो नियमत्थो, उभयत्थ योजेतब्बो । यमेत्थ वत्तब्बं, तदुपरि आवि भविस्सति ।

नवानुपुब्बविहारछळभिज्जापभेदेति एत्थ नवानुपुब्बविहारा नाम अनुपटिपाटिया समापज्जितत्तब्बत्ता एवंसज्जिता निरोधसमापत्तिया सह अट्ठ समापत्तियो । छळभिज्जा नाम आसवकखयजाणेन सह पञ्चाभिज्जायो । कत्थचि पोत्थके चेत्थ आदिसद्दो दिस्सति । सो अनधिप्पेतो यथावुत्ताय पाळिया गहेतब्बस्स अत्थस्स अनवसेसत्ता । मनुस्सेसु, मनुस्सानं वा उत्तरिभूतानं, उत्तरीनं वा मनुस्सानं ज्ञायीनज्जेव अरियानज्ज धम्मोति उत्तरिमनुस्सधम्मो, मनुस्सधम्मा वा उत्तरीति उत्तरिमनुस्सधम्मो । दस कुसलकम्मपथा चेत्थ विना भावनामनसिकारेन पकतियाव मनुस्सेहि निव्वत्तेतब्बतो, मनुस्सत्तभावावहनतो च मनुस्सधम्मो नाम, ततो उत्तरि पन ज्ञानादि उत्तरिमनुस्सधम्मोति वेदितब्बो । समसमद्वपनेनाति “अहं यत्तकं कालं, यत्तके वा समापत्तिविहारे, यत्तका अभिज्जायो च

वळ्जेमि, तथा कस्सपोपी”ति एवं समसमं कत्वा ठपनेन । अनेकद्वानेसु ठपनं, कस्सचिपि उत्तरिमनुस्सधम्मस्स असेसभावेन एकन्तसमद्वपनं वा सन्धाय “समसमद्वपनेना”ति वुत्तं, इदञ्च नवानुपुब्बविहारछलभिज्जाभावसामञ्जेन पसंसामत्तन्ति दट्ठब्बं । न हि आयस्मा महाकस्सपो भगवा विय देवसिकं चतुवीसतिकोटिसतसहस्ससङ्ख्या समापत्तियो समापज्जति, यमकपाटिहारियादिवसेन च अभिज्जायो वळ्जेतीति । एत्थ च उत्तरिमनुस्सधम्मे अत्तना समसमद्वपनेना”ति इदं निदस्सनमत्तन्ति वेदितब्बं । तथा हि –

“ओवद कस्सप भिक्खू, करोहि कस्सप भिक्खूनं धम्मिं कथं, अहं वा कस्सप भिक्खू ओवदेय्यं, त्वं वा । अहं वा कस्सप भिक्खूनं धम्मिं कथं करेय्यं, त्वं वा”ति –

एवम्पि अत्तना समसमद्वपनमकासियेवाति ।

तथाति रूपूपसंहारो यथा अनुगगहितो, तथा पसंसितोति । आकासे पाणिं चालेत्वाति भगवता अत्तनोयेव पाणिं आकासे चालेत्वा कुलेसु अलग्गचित्ताय चैव करणभूताय पसंसितोति सम्बन्धो । अलग्गचित्तायाति वा आधारे भुम्मं, आकासे पाणिं चालेत्वा कुलूपकस्स भिक्खुनो अलग्गचित्ताय कुलेसु अलग्गनचित्तेन भवितुं युत्तताय चैव मज्जेव सक्खिं कत्वा पसंसितोति अत्थो । यथाह –

“अथ खो भगवा आकासे पाणिं चालेसि सेय्यथापि भिक्खवे, अयं आकासे पाणि न सज्जति न गय्हति न बज्झति, एवमेव खो भिक्खवे यस्स कस्सचि भिक्खुनो कुलानि उपसङ्कमतो कुलेसु चित्तं न सज्जति न गय्हति न बज्झति ‘लभन्तु लाभकामा, पुज्जकामा करोन्तु पुज्जानी’ति । यथा सकेन लाभेन अत्तमनो होति सुमनो, एवं परेसं लाभेन अत्तमनो होति सुमनो । एवरूपो खो भिक्खवे भिक्खु अरहति कुलानि उपसङ्कमितुं । कस्सपस्स भिक्खवे कुलानि उपसङ्कमतो कुलेसु चित्तं न सज्जति न गय्हति न बज्झति ‘लभन्तु लाभकामा, पुज्जकामा करोन्तु पुज्जानी’ति । यथा सकेन लाभेन अत्तमनो होति सुमनो, एवं परेसं लाभेन अत्तमनो होति सुमनो”ति (सं० नि० १.२.१४६) ।

तत्थ आकासे पाणिं चालेसीति नीले गगनन्तरे यमकविज्जुकं सञ्चालयमानो विय

हेट्ठाभागे, उपरिभागे, उभतो च पस्सेसु पाणिं सञ्चालेसि, इदञ्च पन तेपिटके बुद्धवचने असम्भिन्नपदं नाम । अत्तमनोति सकमनो, न दोमनस्सेन पच्छिन्दित्वा गहितमनो । सुमनोति तुट्टमनो, इदानीं यो हीनाधिमुत्तिको मिच्छापटिपन्नो एवं वदेय्य “सम्मासम्बुद्धो ‘अलग्गचित्तताय आकासे चालितपाणूपमा कुलानि उपसङ्कमथा’ति वदन्तो अट्टाने ठपेति, असय्हभारं आरोपेति, यं न सक्का कातुं, तं कारेही”ति, तस्स वादपथं पच्छिन्दित्वा “सक्का च खो एवं कातुं, अत्थि एवरूपो भिक्खू”ति आयस्मन्तं महाकस्सपत्थेरमेव सक्खिं कत्वा दस्सेन्तो “कस्सपस्स भिक्खवे”तिआदिमाह ।

अञ्जमि पसंसनमाह “चन्दोपमपटिपदाय चा”ति, चन्दपटिभागाय पटिपदाय च करणभूताय पसंसितो, तस्सं वा आधारभूताय मज्जेव सक्खिं कत्वा पसंसितोति अत्थो । यथाह —

“चन्दूपमा भिक्खवे कुलानि उपसङ्कमथ अपकस्सेव कायं, अपकस्स चित्तं निच्चनवका कुलेसु अप्पगब्भा । सेय्यथापि भिक्खवे पुरिसो जरुदपानं वा ओलोकेय्य पब्बतविसमं वा नदीविदुगं वा अपकस्सेव कायं, अपकस्स चित्तं, एवमेव खो भिक्खवे चन्दूपमा कुलानि उपसङ्कमथ अपकस्सेव कायं, अपकस्स चित्तं निच्चनवका कुलेसु अप्पगब्भा । कस्सपो भिक्खवे चन्दूपमो कुलानि उपसङ्कमति अपकस्सेव कायं, अपकस्स चित्तं निच्चनवको कुलेसु अप्पगब्भो”ति (सं० नि० १.२.१४६) ।

तत्थ चन्दूपमाति चन्दसदिसा हुत्वा । किं परिमण्डलताय सदिसाति ? नो, अपिच खो यथा चन्दो गगनतलं पक्खन्दमानो न केनचि सद्धिं सन्थवं वा सिनेहं वा आलयं वा निकन्तिं वा पत्थनं वा परियुट्ठानं वा करोति, न च न होति महाजनस्स पियो मनापो, तुम्हेपि एवं केनचि सद्धिं सन्थवादीनं अकरणेन बहुजनस्स पिया मनापा चन्दूपमा हुत्वा खत्तियकुलादीनि चत्तारि कुलानि उपसङ्कमथाति अत्थो । अपिच यथा चन्दो अन्धकारं विधमति, आलोकं फरति, एवं किलेसन्धकारविधमनेन, आणालोकफरणेन च चन्दूपमा हुत्वाति एवमादीहिपि नयेहि अत्थो दट्ठब्बो ।

अपकस्सेव कायं, अपकस्स चित्तन्ति तेनेव सन्थवादीनमकरणेन कायञ्च चित्तञ्च अपकस्सित्वा, अकट्ठित्वा अपनेत्वाति अत्थो । निच्चनवकाति निच्चं नविकाव,

आगन्तुकसदिसा एव हुत्वाति अत्थो । आगन्तुको हि पटिपाटिया सम्पत्तगेहं पविसित्वा सचे नं घरसामिका दिस्वा “अम्हाकं पुत्तभातरोपि विप्पवासगता एवं विचरिंसू”ति अनुकम्पमाना निसीदापेत्वा भोजेन्ति, भुत्तमतोयेव “तुम्हाकं भाजनं गण्हथा”ति उट्ठाय पक्कमति, न तेहि सद्धिं सन्थवं वा करोति, किच्चकरणीयानि वा संविदहति, एवं तुम्हेपि पटिपाटिया सम्पत्तघरं पविसित्वा यं इरियापथेसु पसन्ना मनुस्सा देन्ति, तं गहेत्वा पच्छिन्नसन्थवा तेसं किच्चकरणीये अब्यावटा हुत्वा निक्खमथाति दीपेति । अप्पगब्भाति न पगब्भा, अट्ठट्ठानेन कायपागब्भियेन, चतुट्ठानेन वचीपागब्भियेन, अनेकट्ठानेन मनोपागब्भियेन च विरहिता कुलानि उपसङ्कमथाति अत्थो ।

जरुदपानन्ति जिण्णकूपं । पब्बतविसमन्ति पब्बते विसमं पपातट्ठानं । नदीविदुगन्ति नदिया विदुगं छिन्नतट्ठानं । एवमेव खोति एत्थ इदं ओपम्मसंसन्दनं – जरुदपानादयो विय हि चत्तारि कुलानि, ओलोकनपुरिसो विय भिक्खु, यथा पन अनपकट्टकायचित्तो तानि ओलोकेन्तो पुरिसो तत्थ पतति, एवं अरक्खितेहि कायादीहि कुलानि उपसङ्कमन्तो भिक्खु कुलेसु बज्झति, ततो नानप्पकारं सीलपादभज्जनादिकं अनत्थं पापुणाति । यथा पन अपकट्टकायचित्तो पुरिसो तत्थ न पतति, एवं रक्खितेनेव कायेन, रक्खिताय वाचाय, रक्खितेहि चित्तेहि, सूपट्ठिताय सतिया अपकट्टकायचित्तो हुत्वा कुलानि उपसङ्कमन्तो भिक्खु कुलेसु न बज्झति, अथस्स सीलसद्धासमाधिपञ्चासङ्घातानि पादहत्थकुच्छिसीसानि न भज्जन्ति, रागकण्टकादयो न विज्झन्ति, सुखितो येनकामं अगतपुब्बं निब्बानदिसं गच्छति, एवरूपो अयं महाकस्सपोति हीनाधिमुत्तिकस्स मिच्छापटिपन्नस्स वादपथपच्छिन्दनत्थं महाकस्सपत्थेरं एव सक्खिं कत्वा दस्सेन्तो “कस्सपो भिक्खवे”तिआदिमाहाति । एवम्पेत्य अत्थमिच्छन्तिअलग्गचित्ततासङ्घाताय चन्दोपमपटिपदाय करणभूताय पसंसितो, तस्सं वा आधारभूताय मज्जेव सक्खिं कत्वा पसंसितोति, एवं सति चेव-सद्दो, च-सद्दो च न पयुज्जितब्बो द्वित्रं पदानं तुल्याधिकरणत्ता, अयमेव अत्थो पाठो च युत्ततरो विय दिस्सति परिनिब्बानसुत्तवण्णनायं “आकासे पाणिं चालेत्वा चन्दूपमं पटिपदं कथेन्तो मं कायसक्खिं कत्वा कथेसी”ति (दी० नि० अट्ठ० २.२३२) वुत्तत्ताति ।

तस्स किमज्जं आणण्यं भविस्सति, अज्जत्र धम्मविनयसङ्गायनाति अधिप्पायो । तत्थ तस्साति यंसद्दस्स कारणनिदस्सने “तस्मा”ति अज्झाहरित्वा तस्स मेति अत्थो, किरियापरामसने पन तस्स अनुगगहणस्स, पसंसनस्स चाति । पोत्थकेसुपि कत्थचि “तस्स मे”ति पाठो दिस्सति, एवं सति किरियापरामसने “तस्सा”ति अपरं पदमज्झाहरितब्बं ।

नत्थि इणं यस्साति अणणो, तस्स भावो आणण्यं। धम्मविनयसङ्गायनं ठपेत्वा अज्जं किं नाम तस्स इणविरहितत्तं भविस्सति, न भविस्सति एवाति अत्थो। “ननु मं भगवा”तिआदिना वुत्तमेवत्थं उपमावसेन विभावेति। सककवचइस्सरियानुप्पदानेनाति एत्थ कवचो नाम उरच्छदो, येन उरो छादीयते, तस्स च चीवरनिदस्सनेन गहणं, इस्सरियस्स पन अभिज्जासमापत्तिनिदस्सनेनाति दट्ठब्बं। कुलवंसप्पतिट्ठापकन्ति कुलवंसस्स कुलपवेणिया पतिट्ठापकं। “मे”ति पदस्स निच्चसापेक्खत्ता सद्धम्मवंसप्पतिट्ठापकोति समासो। इदं वुत्तं होति – सत्तुसङ्घनिम्महनेन अत्तनो कुलवंसप्पतिट्ठापनत्थं सककवचइस्सरियानुप्पदानेन कुलवंसप्पतिट्ठापकं पुत्तं राजा विय भगवापि मं दीघदस्सी “सद्धम्मवंसप्पतिट्ठापको मे अयं भविस्सती”ति मन्त्वा सासनपच्चत्थिकगणनिम्महनेन सद्धम्मवंसप्पतिट्ठापनत्थं चीवरदानसमसमट्ठपनसङ्घातेन इमिना असाधारणानुगहेन अनुगहेसि ननु, इमाय च उच्चाराय पसंसाय पसंसि ननूति। इति चिन्तयन्तोति एत्थ इतिसद्देन “अन्तरधापेय्युं, सङ्गायेय्यं, किमज्जं आणण्यं भविस्सती”ति वचनपुब्बङ्गमं, “ठानं खो पनेतं विज्जती”तिआदि वाक्यत्तयं निदस्सेति।

इदानी यथावुत्तमत्थं सङ्गीतिक्खन्धकपाळिया साधेन्तो आह “यथाहा”तिआदि। तत्थ यथाहाति किं आह, मया वुत्तस्स अत्थस्स साधकं किं आहाति वुत्तं होति। यथा वा येन पकारेण मया वुत्तं, तथा तेन पकारेण पाळियम्पि आहाति अत्थो। यथा वा यं वचनं पाळियं आह, तथा तेन वचनेन मया वुत्तवचनं संसन्दति चेव समेति च यथा तं गङ्गोदकेन यमुनोदकन्तिपि वत्तब्बो पाळिया साधनत्थं उदाहरितभावस्स पच्चक्खतो विज्जायमानत्ता, विज्जायमानत्थस्स च सदस्स पयोगे कामाचारत्ता। अधिप्पायविभावनत्था हि अत्थयोजना। यथा वा येन पकारेण धम्मविनयसङ्गायनत्थं भिक्खून् उस्साहं जनेसि, तथा तेन पकारेण पाळियम्पि आहाति अत्थो। एवमीदिसेसु।

एकमिदाहन्ति एत्थ इदन्ति निपातमत्तं। एकं समयन्ति च भुम्मत्थे उपयोगवचनं, एकस्मिं समयेति अत्थो। पावायाति पावानगरतो, तत्थ पिण्डाय चरित्वा “कुसिनारं गमिस्सामी”ति अद्धानमगगप्पटिपञ्चोति वुत्तं होति। अद्धानमगगोति च दीघमग्गो वुच्चति, दीघपरियायो हेत्थ अद्धानसद्दो। महताति गुणमहत्तेनपि सङ्घयामहत्तेनपि महता। “पञ्चमत्तेही”तिआदिना सङ्घयामहत्तं दस्सेति, मत्तसद्दो च पमाणवचनो “भोजने मत्तञ्जुता”तिआदीसु (अ० नि० १.३.१६) विय। “धम्मविनयसङ्गायनत्थं उस्साहं जनेसी”ति एतस्सत्थस्स साधनत्थं आहता “अथ खो”तिआदिका पाळि यथावुत्तमत्थं न

साधेति । न हेत्थ उस्साहजननप्पकारो आगतोति चोदनं परिहरितुमाह “सब्बं सुभद्दकण्डं वित्थारतो वेदितब्ब”न्ति । एवम्पेसा चोदना तदवत्थायेवाति वुत्तं “ततो परं आहा”तिआदि । अपिच यथावुत्तत्थसाधिका पाळि महतराति गन्थगरुत्तापरिहरणत्थं मज्झे पेय्यालमुखेन आदिअन्तमेव पाळिं दस्सेन्तो “सब्बं सुभद्दकण्डं वित्थारतो वेदितब्ब”न्ति आह । तेन हि “अथ ख्वाहं आवुसो मग्गा ओक्कम्म अज्जतरस्मिं रुक्खमूले निसीदी”ति (चूळ० व० ४३७) वुत्तपाळितो पट्टाय “यं न इच्छिस्साम, न तं करिस्सामा”ति (चूळ० व० ४३७) वुत्तपाळिपरियोसानं सुभद्दकण्डं दस्सेति ।

“ततो पर”न्तिआदिना पन तदवसेसं “हन्द मयं आवुसो”तिआदिकं उस्साहजननप्पकारदस्सनपाळिं । तस्मा ततो परं आहाति एत्थ सुभद्दकण्डतो परं उस्साहजननप्पकारदस्सनवचनमाहाति अत्थो वेदितब्बो । महागण्डिपदेपि हि सोयेवत्थो वुत्तो । आचरियसारिपुत्तत्थेरेनापि (सारत्थ टी० १.पठममहासङ्गीतिकथावण्णना) तथेव अधिप्पेत्तो । आचरियधम्मपालत्थेरेन पन “ततो परन्ति ततो भिक्खून् उस्साहजननतो परतो”ति (दी० नि० टी० १.पठममहासङ्गीतिकथावण्णना) वुत्तं, तदेतं विचारेतब्बं हेट्ठा उस्साहजननप्पकारस्स पाळियं अवुत्तत्ता । अयमेव हि उस्साहजननप्पकारो यदिदं “हन्द मयं आवुसो धम्मञ्च विनयञ्च सङ्गायेय्याम, पुरे अधम्मो दिप्पती”तिआदि । यदि पन सुभद्दकण्डमेव उस्साहजननहेतुभूतस्स सुभद्देन वुत्तवचनस्स पकासनत्ता उस्साहजननन्ति वदेय्य, नत्थेवेत्थ विचारेतब्बताति । पुरे अधम्मो दिप्पतीति एत्थ अधम्मो नाम दसकुसलकम्मपथपटिपक्खभूतो अधम्मो । धम्मविनयसङ्गायनत्थं उस्साहजननप्पसङ्गत्ता वा तदसङ्गायनहेतुको दोसगणोपि सम्भवति, “अधम्मवादिनो बलवन्तो होन्ति, धम्मवादिनो दुब्बला होन्ती”ति वुत्तत्ता सीलविपत्तिआदिहेतुको पापिच्छतादिदोसगणो अधम्मोतिपि वदन्ति । पुरे दिप्पतीति अपि नाम दिप्पति । संसयत्थे हि पुरे-सद्दो । अथ वा याव अधम्मो धम्मं पटिबाहितुं समत्थो होति, ततो पुरेतरमेवाति अत्थो । आसन्ने हि अनधिप्पेते अयं पुरे-सद्दो । दिप्पतीति दिप्पिस्सति, पुरे-सद्दयोगेन हि अनागतत्थे अयं वत्तमानपयोगो यथा “पुरा वस्सति देवो”ति । तथा हि वुत्तं –

“अनागते सन्निच्छये, तथातीते चिरतने ।

कालद्वयेपि कवीहि, पुरेसद्दो पयुज्जते”ति ।। (वजिर टी० बाहिरनिदानकथावण्णना) ।

“पुरेयावपुरायोगे, निच्चं वा करहि कदा ।
लच्छायमपि किं वुत्ते, वत्तमाना भविस्सती”ति च ॥

केचि पनेत्थ एवं वण्णयन्ति – पुरेति पच्छा अनागते, यथा अद्धानं गच्छन्तस्स गन्तब्बमग्गो “पुरे”ति वुच्चति, तथा इथापि मग्गगमननयेन अनागतकालो “पुरे”ति वुच्चतीति । एवं सति तंकालापेक्खाय चेत्थ वत्तमानपयोगो सम्भवति । धम्मो पटिबाहिय्यतीति एत्थापि पुरे-सद्देन योजेत्वा वुत्तनयेन अत्थो वेदितब्बो, तथा धम्मोपि अधम्मविपरीतवसेन, इतो परम्पि एसेव नयो । अविनयोति पहानविनयसंवरविनयानं पटिपक्खभूतो अविनयो । विनयवादिनो दुब्बला होन्तीति एवं इति-सद्देन पाठो, सो “ततो परं आहा”ति एत्थ आह-सद्देन सम्बज्झितब्बो ।

तेन हीति उय्योजनत्थे निपातो । उच्चिनने उय्योजेन्ता हि महाकस्सपत्थेरं एवमाहंसु “भिक्षू उच्चिनतू”ति, सङ्गीतिया अनुरूपे भिक्षू उच्चिनित्वा उपधारेत्वा गण्हातूति अत्थो । “सकल...पे०... परिग्गहेसी”ति एतेन सुक्खविपस्सकखीणासवपरियन्तानं यथावुत्तपुग्गलानं सतिपि आगमाधिगमसम्भवे सह पटिसम्भिदाहि पन तेविज्जादिगुणयुत्तानं आगमाधिगमसम्पत्तिया उक्कंसगतत्ता सङ्गीतिया बहूपकारतं दस्सेति । सकलं सुत्तगेय्यादिकं नवङ्गं एत्थ, एतस्साति वा सकलनवङ्गं, सत्थु भगवतो सासनं सत्थुसासनं सासीयति एतेनाति कत्वा, तदेव सत्थुसासनन्ति सकलनवङ्गसत्थुसासनं । नव वा सुत्तगेय्यादीनि अङ्गानि एत्थ, एतस्साति वा नवङ्गं, तमेव सत्थुसासनं, तज्ज्व सकलमेव, न एकदेसन्ति तथा । अत्थकामेन परियापुणितब्बा सिक्खितब्बा, दिट्ठधम्मिकादिपुरिसत्थं वा निष्फादेतुं परियत्ता समत्थाति परियत्ति, तीणि पिटकानि, सकलनवङ्गसत्थुसासनसङ्घाता परियत्ति, तं धारेन्तीति तथा, तादिसेति अत्थो । पुथुज्जन...पे०... सुक्खविपस्सकखीणासवभिक्षूति एत्थ –

“दुवे पुथुज्जना वुत्ता, बुद्धेनादिच्चबन्धुना ।

अन्धो पुथुज्जनो एको, कल्याणेको पुथुज्जनो”ति ॥ (दी० नि० अट्ठ० १.७; म० नि० अट्ठ० १.२; सं० नि० अट्ठ० २.६१; अ० नि० अट्ठ० १.५१; चूल० नि० अट्ठ० ८८; पटि० म० अट्ठ० २.१३०) । –

वुत्तेसु कल्याणपुथुज्जनाव अधिप्पेता सदन्तरसन्निधानेनपि अत्थविसेस्स विज्जातब्बत्ता ।

समथभावनासिनेहाभावेन सुक्खा लूखा असिनिद्धा विपस्सना एतेसन्ति सुक्खविपस्सका, तेयेव खीणासवाति तथा । “भिक्खू”ति पन सब्बत्थ योजेतब्बं । वुत्तञ्जि –

“यञ्चत्थवतो सद्देकसेसतो वापि सुय्यते ।
तं सम्बज्जते पच्चेकं, यथालाभं कदाचिपी”ति ।।

तिपिटकसब्बपरियत्तिप्पभेदधरेति एत्थ तिण्णं पिटकानं समाहारो तिपिटकं, तंसङ्घातं नवङ्गादिवसेन अनेकभेदभिन्नं सब्बं परियत्तिप्पभेदं धारेन्तीति तथा, तादिसे । अनु अनु तं समङ्गिनं भावेति वड्ढेतीति अनुभावो, सोयेव आनुभावो, पभावो, महन्तो आनुभावो येसं ते महानुभावा । “एतदग्गं भिक्खवे”ति भगवता वुत्तवचनमुपादाय पवत्तत्ता “एतदग्ग”न्ति पदं अनुकरणजनामं नाम यथा “येवापनक”न्ति, तब्बसेन वुत्तद्धानन्तरमिध एतदग्गं, तमारोपितेति अत्थो । एतदग्गं एसो भिक्खु अग्गोति वा आरोपितेपि वट्ठति । तदनारोपितापि अवसेसगुणसम्पन्नत्ता उच्चिनिता तत्थ सन्तीति दस्सेतुं “येभुय्येना”ति वुत्तं । तिस्सो विज्जा तेविज्जा, ता आदि येसं छल्लभिज्जादीनन्ति तेविज्जादयो, ते भेदा अनेकप्पकारा येसन्ति तेविज्जादिभेदा । अथ वा तिस्सो विज्जा अस्स खीणासवस्साति तेविज्जो, सो आदि येसं छल्लभिज्जादीनन्ति तेविज्जादयो, तेयेव भेदा येसन्ति तेविज्जादिभेदा । तेविज्जछल्लभिज्जादिवसेन अनेकभेदभिन्ने खीणासवभिक्खूयेवाति वुत्तं होति । ये सन्धाय वुत्तन्ति ये भिक्खू सन्धाय इदं “अथ खो”तिआदिवचनं सङ्गीतिक्खन्धके वुत्तं । इमिना किञ्चापि पाळियं अविसेसतोव वुत्तं, तथापि विसेसेन यथावुत्तखीणासवभिक्खूयेव सन्धाय वुत्तन्ति पाळिया संसन्दनं करोति ।

ननु च सकलनवङ्गसत्थुसासनपरियत्तिधरा खीणासवा अनेकसता, अनेकसहस्सा च, कस्मा थेरो एकेनूनमकासीति चोदनं उद्धरित्वा विसेसकारणदस्सनेन तं परिहरितुं “किस्स पना”तिआदि वुत्तं । तत्थ किस्साति कस्मा । पक्खन्तरजोतको पन-सद्दो । ओकासकरणत्थन्ति ओकासकरणनिमित्तं ओकासकरणहेतु । अत्थ-सद्दो हि “छणत्थञ्च नगरतो निक्खमित्वा मिस्सकपब्बतं अभिरुहत्”तिआदीसु विय कारणवचनो, “किस्स हेतू”तिआदीसु (म० नि० १.२३८) विय च हेत्वत्थे पच्चेत्तवचनं । तथा हि वण्णयन्ति “छणत्थन्ति छणनिमित्तं छणहेतूति अत्थो”ति । एवञ्च सति पुच्छासभागताविस्सज्जनाय होति, एस नयो ईदिसेसु ।

कस्मा पनस्स ओकासमकासीति आह “तेना”तिआदि । हि-सद्दो कारणत्थे । “सो

हायस्मा”तिआदिना “सहापि विनापि न सक्का”ति वुत्तवचने पच्चेकं कारणं दस्सेति । केचि पन “तमत्थं विवरती”ति वदन्ति, तदयुत्तं “तस्मा”ति कारणवचनदस्सनतो । “तस्मा”तिआदिना हि कारणदस्सनट्टाने कारणजोतकोयेव हि-सट्ठो । सञ्जाणमत्तजोतका साखाभङ्गोपमा हि निपाताति, एवमीदिसेसु । सिक्खतीति **सेक्खो**, सिक्खनं वा **सिक्खा**, सायेव तस्स सीलन्ति **सेक्खो** । सो हि अपरियोसितसिक्खत्ता, तदधिमुत्तत्ता च एकन्तेन सिक्खनसीलो, न असेक्खो विय परिनिट्ठितसिक्खो तत्थ पटिप्पस्सद्धुस्साहो, नापि विस्सट्ठसिक्खो पचुरजनो विय तत्थ अनधिमुत्तो, कितवसेन विय च तद्धितवसेनिध तप्पकतियत्थो गच्छति यथा “कारुणिको”ति । अथ वा अरियाय जातिया तीसुपि सिक्खासु जातो, तत्थ वा भवोति **सेक्खो** । अपिच इक्खति एतायाति **इक्खा**, मग्गफलसम्मादिट्ठि, सह इक्खायाति **सेक्खो** । उपरिमग्गतयकिच्चस्स अपरियोसितत्ता सह करणीयेनाति **सकरणीयो** । अस्साति अनेन, “अप्पच्चक्खं नामा”ति एतेन सम्बन्धो । अस्साति वा “नत्थी”ति एत्थ किरियापटिग्गहकवचनं । पगुणप्पवत्तिभावतो **अप्पच्चक्खं** नाम नत्थि । विनयट्ठकथायं पन “असम्मुखा पटिग्गहितं नाम नत्थी”ति (पारा० अट्ठ० १.पठममहासङ्गीतिकथावण्णना) वुत्तं, तं “द्वे सहस्सानि भिक्खुतो”ति वुत्तम्पि भगवतो सन्तिके पटिग्गहितमेव नामाति कत्वा वुत्तं । तथा हि सावकभासितम्पि सुत्तं “बुद्धभासित”न्ति वुच्चतीति ।

“यथाहा”तिआदिना आयस्मता आनन्देन वुत्तगाथमेव साधकभावेन दस्सेति । अयज्झि गाथा गोपकमोग्गल्लानेन नाम ब्राह्मणेन “बुद्धसासने त्वं बहुस्सुतोति पाकटो, कित्तका धम्मा ते सत्थारा भासिता, तया च धारिता”ति पुच्छितेन तस्स पटिवचनं देन्तेन आयस्मता आनन्देनेव गोपकमोग्गल्लानसुत्ते, अत्तनो गुणदस्सनवसेन वा धेरगाथायम्पि भासिता । तत्थायं सङ्केपत्थो – **बुद्धतो सत्थु सन्तिका द्वासीतिधम्मक्खन्धसहस्सानि** अहं **गण्हिं** अधिगण्हिं, **देधम्मक्खन्धसहस्सानि भिक्खुतो** धम्मसेनापतिआदीनं भिक्खूनं सन्तिका **गण्हिं** । **ये धम्मा मे** जिह्वागे, हृदये वा **पवत्तिनो** पगुणा वाचुग्गता, ते धम्मा तदुभयं सम्पिण्डेत्वा **चतुरासीतिधम्मक्खन्धसहस्सानीति** । केचि पन “येमेति एत्थ ‘ये इमे’ति पदच्छेदं कत्वा ये इमे धम्मा बुद्धस्स, भिक्खूनञ्च पवत्तिनो पवत्तिता, तेसु धम्मेसु बुद्धतो द्वासीति सहस्सानि अहं गण्हिं, द्वे सहस्सानि भिक्खुतो गण्हिं, एवं चतुरासीति धम्मक्खन्धसहस्सानी”ति सम्बन्धं वदन्ति, अयञ्च सम्बन्धो “एत्तकायेव धम्मक्खन्धा”ति सन्निट्ठानस्स अविज्जायमानत्ता केचिवादो नाम कतो ।

“सहापि न सक्का”ति वत्तब्बहेतुतो “विनापि न सक्का”ति वत्तब्बहेतुयेव बलवतरो सङ्गीतिया बहुकारत्ता। तस्मा तत्थ चोदनं दस्सेत्वा परिहरितुं “यदि एव”न्तिआदि वुत्तं। तत्थ यदि एवन्ति एवं विना यदि न सक्का, तथा सतीति अत्थो। सेक्खोपि समानोति सेक्खपुग्गलो समानोपि। मान-सद्दो हेत्थ लक्खणे। बहुकारत्ताति बहूपकारत्ता। उपकारवचनो हि कार-सद्दो “अप्पकम्पि कतं कारं, पुज्जं होति महप्फल”न्तिआदीसु विय। अस्साति भवेय्य। अथ-सद्दो पुच्छायं। पज्जे “अथ त्वं केन वण्णेना”ति हि पयोगमुदाहरन्ति। “एवं सन्ते”ति पन अत्थो वत्तब्बो। परूपवादविज्जनतोति यथावुत्तकारणं अजानन्तानं परेसं आरोपितउपवादतो विवज्जितुकामत्ता। तं विवरति “थेरो ही”तिआदिना। अतिविय विस्सत्थोति अतिरेकं विस्सासिको। केन विज्जायतीति आह “तथा ही”तिआदि। दळ्हीकरणं वा एतं वचनं। “वुत्तञ्जि, तथा हि इच्चेते दळ्हीकरणत्थे”ति हि वदन्ति सद्दविदू। नन्ति आनन्दत्थेरं। “ओवदती”ति इमिना सम्बन्धो। आनन्दत्थेरस्स येभुय्येन नवकाय परिसाय विब्भमने महाकस्सपत्थेरो “न वायं कुमारको मत्तमज्जासी”ति (सं० नि० २.१५४) आह। तथा हि परिनिब्बुते भगवति महाकस्सपत्थेरो भगवतो परिनिब्बाने सन्निपतितस्स भिक्खुसङ्घस्स मज्झे निसीदित्वा धम्मविनयसङ्गायनत्थं पज्जसते भिक्खू उच्चिनित्वा “राजगहे आवुसो वस्सं वसन्ता धम्मविनयं सङ्गायिस्साम, तुम्हे पुरे वस्सूपनायिकाय अत्तनो अत्तनो पलिबोधं पच्छिन्दित्वा राजगहे सन्निपतथा”ति वत्ता अत्तना राजगहं गतो।

आनन्दत्थेरोपि भगवतो पत्तचीवरमादाय महाजनं सज्जापेत्तो सावत्थिं गत्वा ततो निक्खम्म राजगहं गच्छन्तो दक्खिणागिरिस्मिं चारिकं चरि। तस्मिं समये आनन्दत्थेरस्स तिसमत्ता सद्धिविहारिका येभुय्येन कुमारका एकवस्सिकदुवस्सिकभिक्खू चेव अनुपसम्पन्ना च विब्भमिंसु। कस्मा पनेते पब्बजिता, कस्मा च विब्भमिंसूति? तेसं किर मातापितरो चिन्तेसुं “आनन्दत्थेरो सत्थुविस्सासिको अट्ठ वरे याचित्वा उपट्ठहति, इच्छितिच्छितट्ठानं सत्थारं गहेत्वा गन्तुं सक्कोति, अम्हाकं दारके एतस्स सन्तिके पब्बजेय्याम, एवं सो सत्थारं गहेत्वा आगमिस्सति, तस्मिं आगते मयं महासक्कारं कातुं लभिस्सामा”ति। इमिना ताव कारणेन नेसं जातका ते पब्बाजेसुं, सत्थरि पन परिनिब्बुते तेसं सा पत्थना उपच्छिन्ना, अथ ने एकदिवसेनेव उप्पब्बाजेसुं। अथ आनन्दत्थेरं दक्खिणागिरिस्मिं चारिकं चरित्वा राजगहमागतं दिस्वा महाकस्सपत्थेरो एवमाहाति। वुत्तज्जेतं कस्सपसंयुते—

“अथ किञ्चरहि त्वं आवुसो आनन्द इमेहि नवेहि भिक्खूहि इन्द्रियेसु

अगुत्तद्वारेहि भोजने अमत्तञ्जूहि जागरियं अननुयुत्तेहि सद्धिं चारिकं चरसि, सस्सघातं मज्जे चरसि, कुलूपघातं मज्जे चरसि, ओलुज्जति खो ते आवुसो आनन्द परिसा, पलुज्जन्ति खो ते आवुसो नवप्पाया, न वायं कुमारको मत्तमज्जासीति ।

अपि मे भन्ते कस्सप सिरस्मिं पलितानि जातानि, अथ च पन मयं अज्जापि आयस्मतो महाकस्सपस्स कुमारकवादा न मुच्चामाति । तथा हि पन त्वं आवुसो आनन्द इमेहि नवेहि भिक्खूहि इन्द्रियेसु अगुत्तद्वारेहि भोजने अमत्तञ्जूहि जागरियं अननुयुत्तेहि सद्धिं चारिकं चरसि, सस्सघातं मज्जे चरसि, कुलूपघातं मज्जे चरसि, ओलुज्जति खो ते आवुसो आनन्द परिसा, पलुज्जन्ति खो ते आवुसो नवप्पाया, न वायं कुमारको मत्तमज्जासी”ति (सं० नि० २.१५४) ।

तथ सस्सघातं मज्जे चरसीति सस्सं घातेन्तो विय आहिण्डसि । कुलूपघातं मज्जे चरसीति कुलानि उपघातेन्तो विय आहिण्डसि । ओलुज्जतीति पलुज्जति भिज्जति । पलुज्जन्ति खो ते आवुसो नवप्पायाति आवुसो आनन्द एते तुय्हं पायेन येभुय्येन नवका एकवस्सिकदुवस्सिकदहरा चैव सामणेरा च पलुज्जन्ति । न वायं कुमारको मत्तमज्जासीति अयं कुमारको अत्तनो पमाणं न वत जानातीति थेरं तज्जेन्तो आह । कुमारकवादा न मुच्चामाति कुमारकवादतो न मुच्चाम । तथा हि पन त्वन्ति इदमस्स एवं वत्तब्बताय कारणदस्सनत्थं वुत्तं । अयज्जेत्थ अधिप्पायो – यस्मा त्वं इमेहि नवेहि इन्द्रियसंवरविरहितेहि भोजने अमत्तञ्जूहि सद्धिं विचरसि, तस्मा कुमारकेहि सद्धिं विचरन्तो “कुमारको”ति वत्तब्बतं अरहसीति ।

न वायं कुमारको मत्तमज्जासीति एत्थ वा-सद्दो पदपूरणे । वा-सद्दो हि उपमानसमुच्चयसंसयविस्सग्गविकप्पपदपूरणादीसु बहूसु अत्थेसु दिस्सति । तथा हेस “पण्डितो वापि तेन सो”तिआदीसु (ध० प० ६३) उपमाने दिस्सति, सदिसभावेति अत्थो । “तं वापि धीरा मुनि वेदयन्ती”तिआदीसु (सु० नि० २१३) समुच्चये । “के वा इमे कस्स वा”तिआदीसु (पारा० २९६) संसये । “अयं वा इमेसं समणब्राह्मणानं सब्बबालो सब्बमूळ्हो”तिआदीसु (दी० नि० १८१) ववस्सग्गे । “ये हि केचि भिक्खवे समणा वा ब्राह्मणा वा”तिआदीसुपि (म० नि० १.१७०; सं० नि० १.२.१३) विकप्पे । “न वाहं पण्णं भुज्जामि, न हेतं मय्ह भोजन”न्तिआदीसु पदपूरणे । इधापि

पदपूरणे दट्ठब्बो । तेनेव च आचरियधम्मपालत्थेरेन वा-सदस्स अत्थुद्धारं करोन्तेन वुत्तं “न वायं कुमारको मत्तमज्जासी”तिआदीसु पदपूरणे”ति । संयुत्तट्ठकथायम्पि इदमेव वुत्तं “न वायं कुमारको मत्तमज्जासीति अयं कुमारको अत्तनो पमाणं न वत जानासीति थेरं तज्जेन्तो आहा”ति (सं० नि० अट्ठ० २.१५४) । एत्थापि “वता”ति वचनसिलिङ्गताय वुत्तं । “न वाय”न्ति एतस्स वा “न वे अय”न्ति पदच्छेदं कत्वा वे-सदस्सत्थं दस्सेन्तेन “वता”ति वुत्तं । तथा हि वे-सदस्स एकसत्थभावे तदेव पाळिं पयोगं कत्वा उदाहरन्ति नेरुत्तिका । वजिरबुद्धित्थेरो पन एवं वदति “न वायन्ति एत्थ च वाति विभासा, अज्जासिपि न अज्जासिपी”ति, (वजिर टी० पठममहासङ्गीतिकथावण्णना) तं तस्स मतिमत्तं संयुत्तट्ठकथाय तथा अवुत्तत्ता । इदमेकं परूपवादसम्भवकारणं “तत्थ केची”तिआदिना सम्बज्झितब्बं ।

अज्जम्पि कारणमाह “सक्ककुलप्पसुतो चायस्मा”ति । साकियकुले जातो, साकियकुलभावेन वा पाकटो च आयस्मा आनन्दो । तत्थ...पे०... उपवदेय्युन्ति सम्बन्धो । अज्जम्पि कारणं वदति “तथागतस्स भाता चूळपितुपुत्तो”ति । भाताति चेत्थ कनिट्ठभाता चूळपितुपुत्तभावेन, न पन वयसा सहजातभावतो ।

“सुद्धोदनो धोतोदनो, सक्कसुक्कामितोदना ।
अमिता पालिता चाति, इमे पञ्च इमा दुवे”ति ।।

वुत्तेसु हि सब्बकनिट्ठस्स अमितोदनसक्कस्स पुत्तो आयस्मा आनन्दो । वुत्तञ्चि मनोरथपूरणियं —

“कप्पसतसहस्सं पन दानं ददमानो अम्हाकं बोधिसत्तेन सद्धिं तुसितपुरे निब्बत्तित्वा ततो चुतो अमितोदनसक्कस्स गेहे निब्बत्ति, अत्थस्स सब्बे जातके आनन्दिते पमोदिते करोन्तो जातोति ‘आनन्दो’त्वेव नाममकंसू”ति ।

तथायेव वुत्तं पपञ्चसूदनियम्पि —

“अज्जे पन वदन्ति — नायस्मा आनन्दो भगवता सहजातो, वयसा च

चूळपितुपुत्तताय च भगवतो कनिट्टभातायेव । तथा हि मनोरथपूरणियं
एकनिपातवण्णनायं सहजातगणने सो न वुतो”ति ।

यं वुच्चति, तं गहेतब्बं । तत्थाति तस्मिं विस्सत्थादिभावे सति ।
अतिविस्सत्थसक्यकुलप्पसुततथागतभातुभावतोति वुत्तं होति । भावेनभावलक्खणे हि कत्थचि
हेत्वत्थो सम्पज्जति । तथा हि आचरियधम्मपालत्थेरेन नेत्तिट्ठकथायं “गुन्नञ्चे तरमानान”न्ति
गाथावण्णनायं वुत्तं –

“सब्बा ता जिम्हं गच्छन्तीति सब्बा ता गावियो कुटिलमेव गच्छन्ति,
कस्मा ? नेत्ते जिम्हगते सति नेत्ते कुटिलं गते सति, नेत्तस्स कुटिलं गतत्ताति
अत्थो”ति ।

उदानट्ठकथायम्पि “इति इमस्मिं सति इदं होती”ति सुत्तपदवण्णनायं “हेतुअत्थता
भुम्मवचनस्स कारणस्स भावेन तदविनाभावी फलस्स भावो लक्खीयतीति वेदितब्बा”ति
(उदा० अट्ठ० १.१) । तत्थाति वा निमित्तभूते विस्सत्थादिम्हीति अत्थो, तस्मिं
उच्चिननेतिपि वदन्ति । छन्दागमनं वियाति एत्थ छन्दा आगमनं वियाति पदच्छेदो । छन्दाति
च हेतुम्हि निस्सक्कवचनं, छन्देन आगमनं पवत्तनं वियाति अत्थो, छन्देन
अकत्तब्बकरणमिवाति वुत्तं होति, छन्दं वा आगच्छति सम्पयोगवसेनाति छन्दागमनं, तथा
पवत्तो अपायगमनीयो अकुसलचित्तुप्पादो । अथ वा अननुरूपं गमनं अगमनं । छन्देन
अगमनं छन्दागमनं, छन्देन सिनेहेन अननुरूपं गमनं पवत्तनं विय अकत्तब्बकरणं वियाति
वुत्तं होति । असेक्खभूता पटिसम्भिदा, तं पत्ताति तथा, असेक्खा च ते पटिसम्भिदाप्पत्ता
चाति वा तथा, तादिसे । सेक्खपटिसम्भिदाप्पत्तन्ति एत्थापि एस नयो । परिवज्जेन्तोति हेत्वत्थे
अन्तसद्दो, परिवज्जनहेतूति अत्थो । अनुमतियाति अनुज्जाय, याचनायाति वुत्तं होति ।

“किञ्चापि सेक्खो”ति इदं असेक्खानयेव उच्चिनितत्ता वुत्तं, न सेक्खानं
अगतिगमनसम्भवेन । पठममग्गेनेव हि चत्तारि अगतिगमनानि पहीयन्ति, तस्मा किञ्चापि
सेक्खो, तथापि थेरो आयस्मन्तं आनन्दं उच्चिनतूति सम्बन्धो । न पन किञ्चापि सेक्खो,
तथापि अभब्बो अगतिं गन्तुन्ति । “अभब्बो”तिआदिना पन धम्मसङ्गीतिया तस्स अरहभावं
दस्सेन्तो विज्जमानगुणे कथेति, तेन सङ्गीतिया धम्मविनयविनिच्छये सम्पत्ते छन्दादिवसेन

अञ्जथा अकथेत्वा यथाभूतमेव कथेस्सतीति दस्सेति । न गन्तब्बा, अननुरूपा वा गतीति अगति, तं । परियत्तोति अधिगतो उग्गहितो ।

“एव”न्तिआदिना सन्निधानगणनं दस्सेति । उच्चिनितेनाति उच्चिनित्वा गहितेन । अपिच एवं...पे०... उच्चिनीति निगमनं, “तेनायस्मता”तिआदि पन सन्निधानगणनदस्सनन्तिपि वदन्ति ।

एवं सङ्गायकविचिननप्पकारं दस्सेत्वा अञ्जम्पि सङ्गायनत्थं देसविचिननादिप्पकारं दस्सेन्तो “अथ खो”तिआदिमाह । तत्थ एतदहोसीति एतं परिवितक्कनं अहोसि । नु-सद्देन हि परिवितक्कनं दस्सेति । राजगहन्ति “राजगहसामन्तं गहेत्वा वुत्त”न्ति गण्डिपदेसु वदन्ति । गावो चरन्ति एत्थाति गोचरो, गुत्रं चरणद्वानं, सो वियाति गोचरो, भिक्खून् चरणद्वानं, महन्तो सो अस्स, एत्थाति वा महागोचरं । अद्वारसन्नं महाविहारानम्पि अत्थिताय पहतसेनासनं ।

थावरकम्मन्ति चिरद्वायिकम्मं । विसभागपुग्गलो सुभद्दसदिसो । उक्कोटेय्याति निवारेय्य । इति-सद्दो इदमत्थे, इमिना मनसिकारेन हेतुभूतेन एतदहोसीति अत्थो । गरुभावजननत्थं जत्तिदुतियेन कम्पेन सङ्गं सावेसि, न अपलोकनजत्तिकम्ममत्तेनाति अधिप्पायो ।

कदा पनायं कताति आह “अयं पना”तिआदि । एवं कतभावो च इमाय गणनाय विज्जायतीति दस्सेति “भगवा ही”तिआदिना । अथाति अनन्तरत्थे निपातो, परिनिब्बानन्तरमेवाति अत्थो । सत्ताहन्ति हि परिनिब्बानदिवसम्पि सङ्गण्हित्वा वुत्तं । अस्साति भगवतो, “सरीर”न्ति इमिना सम्बन्धो । संवेगवत्थुं कित्तेत्वा कित्तेत्वा अनिच्चतापटिसञ्जुत्तानि गीतानि गायित्वा पूजावसेन कीळनतो सुन्दरं कीळनदिवसा साधुकीळनदिवसा नाम, सपरहितसाधनद्वेन वा साधूति वुत्तानं सप्पुरिसानं संवेगवत्थुं कित्तेत्वा कित्तेत्वा कीळनदिवसातिपि युज्जति । इमस्मिञ्च पुरिमसत्ताहे एकदेसेनेव साधुकीळनमकंसु । विसेसतो पन धातुपूजादिवसेसुयेव । तथा हि वुत्तं महापरिनिब्बानसुत्तइकथायं (दी० नि० अट्ठ० २.२३५) –

“इतो पुरिमेसु हि द्वीसु सत्ताहेसु ते भिक्खू सङ्गस्स ठाननिसज्जोकासं करोन्ता खादनीयं भोजनीयं संविदहन्ता साधुकीळिकाय ओकासं न लभिसु, ततो

नेसं अहोसि 'इमं सत्ताहं साधुकीळितं कीळिस्साम, ठानं खो पनेतं विज्जति, यं अम्हाकं पमत्तभावं जत्वा कोचिदेव आगन्त्वा धातुयो गणहेय्य, तस्मा आरक्खं ठपेत्वा कीळिस्सामा'ति, तेन ते एवमकंसू'ति ।

तथापि ते धातुपूजायपि कतत्ता धातुपूजादिवसा नाम । इमेयेव विसेसेन भगवति कत्तब्बस्स अज्जस्स अभावतो एकदेसेन कतम्पि साधुकीळनं उपादाय "साधुकीळनदिवसा"ति पाकटा जाताति आह "एवं सत्ताहं साधुकीळनदिवसा नाम अहेसु"न्ति ।

चितकायाति वीससतरतनुच्चाय चन्दनदारुचितकाय, पधानकिच्चवसेनेव च सत्ताहं चितकायं अग्निना ज्ञायीति वुत्तं । न हि अच्चन्तसंयोगवसेन निरन्तरं सत्ताहमेव अग्निना ज्ञायि तथ पच्छिमदिवसेयेव ज्ञायितत्ता, तस्मा सत्ताहस्मिन्ति अत्थो वेदितब्बो । पुरिमपच्छिमानज्झि द्विजं सत्ताहानमन्तरे सत्ताहे यत्थ कत्थचिपि दिवसे ज्ञायमाने सति "सत्ताहे ज्ञायी"ति वत्तुं युज्जति । यथाह —

“तेन खो पन समयेन चत्तारो मल्लपामोक्खा सीसं न्हात्ता अहतानि वत्थानि निवत्था 'मयं भगवतो चितकं आळिम्पेस्सामा'ति न सक्कोन्ति आळिम्पेतु"न्तिआदि (दी० नि० २.२३३) ।

सत्तिपज्जरं कत्वाति सत्तिखग्गादिहत्थेहि पुरिसेहि मल्लराजूनं भगवतो धातुआरक्खकरणं उपलक्खणवसेनाह । सत्तिहत्था पुरिसा हि सत्तियो यथा "कुन्ता पचरन्ती"ति, ताहि समन्ततो रक्खापनवसेन पज्जरपटिभागत्ता सत्तिपज्जरं । **सन्धागारं** नाम राजूनं एका महासाला । उय्योगकालादीसु हि राजानो तथ ठत्वा "एत्तका पुरतो गच्छन्तु, एत्तका पच्छतो, एत्तका उभोहि पस्सेहि, एत्तका हत्थीसु अभिरुहन्तु, एत्तका अस्सेसु, एत्तका रथेसू"ति एवं सन्धिं करोन्ति मरियादं बन्धन्ति, तस्मा तं ठानं "सन्धागार"न्ति वुच्चति । अपिच उय्योगद्वानतो आगन्त्वापि याव गेहेसु अल्लगोमयपरिभण्डादीनि करोन्ति, ताव द्वे तीणि दिवसानि राजानो तथ सन्धम्भन्ति विस्समन्ति परिस्सयं विनोदेन्तीतिपि **सन्धागारं**, राजूनं वा सह अत्थानुसासनं अगारन्तिपि **सन्धागारं** ह-कारस्स ध-कारं, अनुसरागमज्ज कत्वा, यस्मा वा राजानो तथ सन्निपतित्वा "इमस्मिं काले कसितुं वट्ठति, इमस्मिं काले वपितु"न्ति एवमादिना नयेन घरावासकिच्चाणि सम्मन्तयन्ति, तस्मा छिन्नविच्छिन्नं घरावासं तथ सन्धारेन्तीतिपि **सन्धागारं** ।

विसाखपुण्णमितो पढाय याव विसाखमासस्स अमावासी, ताव सोळस दिवसा सीहळवोहारवसेन गहितत्ता, जेडूमूलमासस्स सुक्कपक्खे च पच्च दिवसाति आह “**इति एकवीसति दिवसा गता**”ति। तत्थ चरिमदिवसेयेव धातुयो भाजयिंसु, तस्मिंयेव च दिवसे अयं कम्मवाचा कता। तेन वुत्तं “**जेडूमूलसुक्कपक्खपच्चमिय**”न्तिआदि। तत्थ जेडूनक्खत्तं वा मूलनक्खत्तं वा तस्स मासस्स पुण्णमियं चन्देन युत्तं, तस्मा सो मासो “जेडूमूलमासो”ति वुच्चति। **अनाचारन्ति** हेड्डा वुत्तं अनाचारं।

यदि एवं कस्मा **विनयडुकथायं**, (पारा० अड्ड० १.पठममहासङ्गीतिकथावण्णना) **मङ्गलसुत्तडुकथायञ्च** (खु० पा० अड्ड० मङ्गलसुत्तवण्णना) “सत्तसु साधुकीळनदिवसेसु, सत्तसु च धातुपूजादिवसेसु वीतिवत्तेसू”ति वुत्तन्ति? सत्तसु धातुपूजादिवसेसु गहितेसु तदविनाभावतो मज्झे चितकाय झायनसत्ताहम्पि गहितमेवाति कत्वा विसुं न वुत्तं विय दिस्सति। यदि एवं कस्मा “अड्डमासो अतिक्कन्तो, दियड्डमासो सेसो”ति च वुत्तन्ति? नायं दोसो। अप्पकज्झि ऊनमधिकं वा गणनूपगं न होति, तस्मा अप्पकेन अधिकोपि समुदायो अनधिको विय होतीति कत्वा अड्डमासतो अधिकेपि पच्चदिवसे “अड्डमासो अतिक्कन्तो”ति वुत्तं द्वासीतिखन्धकवत्तानं कत्थचि “असीति खन्धकवत्तानी”ति वचनं विय, तथा अप्पकेन ऊनोपि समुदायो अनूनी विय होतीति कत्वा दियड्डमासतो ऊनेपि पच्चदिवसे “दियड्डमासो सेसो”ति वुत्तं **सतिपट्टानविभङ्गडुकथायं** (विभं० ३५६) छमासतो ऊनेपि अड्डमासे “छमासं सज्झायो कातब्बो”ति वचनं विय, अज्जथा अड्डकथानं अज्जमज्जविरोधो सिया। अपिच दीघभाणकानं मतेन तिण्णं सत्ताहानं वसेन “एकवीसति दिवसा गता”ति इध वुत्तं। विनयसुत्तनिपातखुद्दकपाठडुकथासु पन खुद्दकभाणकानं मतेन एकमेव झायनदिवसं कत्वा तदवसेसानं द्वित्रं सत्ताहानं वसेन “अड्डमासो अतिक्कन्तो, दियड्डमासो सेसो”ति च वुत्तं। पठमबुद्धवचनादीसु विय तं तं भाणकानं मतेन अड्डकथासुपि वचनभेदो होतीति गहेतब्बं। एवम्पेत्य वदन्ति – परिनिब्बानदिवसतो पढाय आदिहि चत्तारो साधुकीळनदिवसायेव, ततो परं तयो साधुकीळनदिवसा चेव चितकझायनदिवसा च, ततो परं एको चितकझायनदिवसोयेव, ततो परं तयो चितकझायनदिवसा चेव धातुपूजादिवसा च, ततो परं चत्तारो धातुपूजादिवसायेव, इति तं तं किच्चानुरूपगणनवसेन तीणि सत्ताहानि परिपूरेन्ति, अगहितगगहणेन पन अड्डमासोव होति। “एकवीसति दिवसा गता”ति इध वुत्तवचनञ्च तं तं किच्चानुरूपगणनेनेव। एवज्झि चतूसुपि अड्डकथासु वुत्तवचनं समेतीति विचारेत्वा गहेतब्बं। **वजिरबुद्धित्थेरेन** पन वुत्तं “अड्डमासो अतिक्कन्तोति एत्थ एको दिवसो नड्डो, सो पाटिपददिवसो,

कोलाहलदिवसो नाम सो, तस्मा इध न गहितो'ति, (वजिर टी० पठममहासङ्गीतिकथावण्णना) तं न सुन्दरं **परिनिब्बानसुत्तन्तापाळियं** (दी० नि० २.२२७) पाटिपददिवसतोयेव पट्टाय सत्ताहस्स वुत्तत्ता, अट्ठकथायञ्च परिनिब्बानदिवसेन सद्धिं तिण्णं सत्ताहानं गणितत्ता। तथा हि परिनिब्बानदिवसेन सद्धिं तिण्णं सत्ताहानं गणनेनेव जेड्ढमूलसुक्कपक्खपञ्चमी एकवीसतिमो दिवसो होति।

चत्तालीस दिवसाति जेड्ढमूलसुक्कपक्खछट्ठदिवसतो याव आसळ्ही पुण्णमी, ताव गणेत्वा वुत्तं। **एत्थन्तरेति** चत्तालीसदिवसब्भन्तरे। **रोगो एव रोगपलिबोधो।** आचरियुपज्झायेसु कत्तब्बकिच्चमेव **आचरियुपज्झायपलिबोधो**, तथा **मातापितुपलिबोधो।** यथाधिपेतं अत्थं, कम्मं वा परिबुन्धेति उपरोधेति पवत्तितुं न देतीति **पलिबोधो** र-कारस्स ल-कारं कत्वा। तं **पलिबोधं छिन्दित्वा तं करणीयं करोतु**ति सङ्गाहकेन छिन्दितब्बं तं सब्बं पलिबोधं छिन्दित्वा धम्मविनयसङ्गायनसङ्घातं तदेव करणीयं करोतु।

अञ्जेपि महाथेराति अनुरुद्धत्थेरादयो। **सोकसल्लसमप्पितन्ति** सोकसङ्घातेन सल्लेन अनुपविट्ठं पटिविद्धं। असमुच्छिन्नअविज्जातण्हानुसयत्ता अविज्जातण्हाभिसङ्घातेन कम्मुना भवयोनिगतिट्ठितिसत्तावासेसु खन्धपञ्चकसङ्घातं अत्तभावं जनेति अभिनिब्बत्तेतीति **जनो।** किलेसे जनेति, अजनि, जनिस्सतीति वा **जनो**, महन्तो जनो तथा, तं। **आगतागतन्ति** आगतमागतं यथा “एकेको”ति। एत्थ सिया – “थेरो अत्तनो पञ्चसताय परिसाय परिवुत्तो राजगहं गतो, अञ्जेपि महाथेरा अत्तनो अत्तनो परिवारे गहेत्वा सोकसल्लसमप्पितं महाजनं अस्सासेतुकामा तं तं दिसं पक्कन्ता”ति इध वुत्तवचनं समन्तपासादिकाय “महाकस्सपत्थेरो ‘राजगहं आवुसो गच्छामा’ति उपट्ठं भिक्खुसङ्घं गहेत्वा एकं मग्गं गतो, अनुरुद्धत्थेरोपि उपट्ठं गहेत्वा एकं मग्गं गतो”ति (पारा० अट्ठ० पठममहासङ्गीतिकथावण्णना) वुत्तवचनञ्च अञ्जमञ्जं विरुद्धं होति। इध हि महाकस्सपत्थेरादयो अत्तनो अत्तनो परिवारभिक्खूहियेव सद्धिं तं तं दिसं गताति अत्थो आपज्जति, तत्थ पन महाकस्सपत्थेरानुरुद्धत्थेरायेव पच्चेकमुपट्ठसङ्घेन सद्धिं एकेकं मग्गं गताति? वुच्चते – तदुभयमपि हि वचनं न विरुज्जति अत्थतो संसन्दनत्ता। इध हि निरवसेसेन थेरानं पच्चेकगमनवचनमेव तत्थ नयवसेन दस्सेति, इध अत्तनो अत्तनो परिसाय गमनवचनञ्च तत्थ उपट्ठसङ्घेन सद्धिं गमनवचनेन। **उपट्ठसङ्घोति** हि सकसकपरिसाभूतो भिक्खुगणो गट्ठति उपट्ठसङ्घस्स असमेपि भागे पवत्तत्ता। यदि हि सन्निपतिते सङ्घे उपट्ठसङ्घेन सद्धिन्ति अत्थं गणहेय्य, तदा सङ्घस्स गणनपथमतीतत्ता न

युज्जतेव, यदि च सङ्गायनत्थं उच्चिनितानं पञ्चन्नं भिक्खुसतानं मज्झे उपड्डसङ्गेन सद्धिन्ति अत्थं गणहेय्य, एवम्पि तेसं गणपामोक्खानयेव उच्चिनितत्ता न युज्जतेव । पच्चेकगणिनो हेते । वुत्तञ्चि “सत्तसत्तसहस्सानि, तेसु पामोक्खभिक्खवो”ति, इति अत्थतो संसन्दनत्ता तदेतं उभयम्पि वचनं अज्जमज्जं न विरुज्झतीति । तंतंभाणकानं मतेनेवं वुत्तन्तिपि वदन्ति ।

“अपरिनिब्बुतस्स भगवतो”तिआदिना योजेतब्बं । पत्तचीवरमादायाति एत्थ चतुमहाराजदत्तियसेलमयपत्तं, सुगतचीवरञ्च गण्हित्वाति अत्थो । सोयेव हि पत्तो भगवता सदा परिभुत्तो । वुत्तञ्चि **समचित्तपटिपदासुत्तङ्कथायं** “वस्संवुत्थानुसारेण अतिरेकवीसतिवस्सकालेपि तस्सेव परिभुत्तभावं दीपेतुकामेन पातोव सरीरपटिजग्गनं कत्वा सुनिवत्थनिवासनो सुगतचीवरं पारुपित्वा सेलमयपत्तमादाय भिक्खुसङ्घपरिवृतो दक्खिणद्वारेण नगरं पविसित्वा पिण्डाय चरन्तो”ति (अ० नि० अट्ठ० २.३७) गन्धमालादयो नेसं हत्थेति **गन्धमालादिहत्था** ।

तत्राति तिस्रं सावत्थियं । सुदन्ति निपातमत्तं । अनिच्चतादिपटिसंयुत्तायाति “सब्बे सङ्कारा अनिच्चा”तिआदिना (ध० प० २७७) अनिच्चसभावपटिसञ्जुत्ताय । धम्मेण युत्ता, धम्मस्स वा पतिरूपाति **धम्मी**, तादिसाय । **सञ्जापेत्वा**ति सुट्ठु जानापेत्वा, समस्सासेत्वाति वुत्तं होति । **वसितगन्धकुटिन्ति** निच्चसापेक्खत्ता समासो । परिभोगचेतियभावतो “**गन्धकुटिं वन्दित्वा**”ति वुत्तं । “वन्दित्वा”ति च “विवरित्वा”ति एत्थ पुब्बकालकिरिया । तथा हि आचरियसारिपुत्तत्थेरेण वुत्तं “गन्धकुटिया द्वारं विवरित्वाति परिभोगचेतियभावतो गन्धकुटिं वन्दित्वा गन्धकुटिया द्वारं विवरीति वेदितब्ब”न्ति (सारत्थ० टी० १.पठममहासङ्गीतिकथा) मिलाता माला, सायेव कचवरं, मिलातं वा मालासङ्घतं कचवरं तथा । **अतिहरित्वा**ति पठमं ठपितद्वानमभिमुखं हरित्वा । **यथाठाने ठपेत्वा**ति पठमं ठपितद्वानं अनतिक्रमत्वा यथाठितद्वानेयेव ठपेत्वा । **भगवतो ठितकाले करणीयं वत्तं सब्बमकासीति** सेनासने कत्तब्बवत्तं सन्धाय वुत्तं । **कुरुमानो चाति** तं सब्बं वत्तं करोन्तो च । लक्खणे हि अयं मान-सद्दो । न्हानकोट्टकस्स सम्मज्जनञ्च तस्मिं उदकस्स उपट्ठापनञ्च, तानि आदीनि येसं धम्मदेसनाओवादादीनन्ति तथा, तेसं कालेसूति अत्थो । सीहस्स मिगराजस्स सेय्या **सीहसेय्या**, तद्धितवसेन, सदिसवोहारेण वा भगवतो सेय्यापि “सीहसेय्या”ति वुच्चति । तेजुस्सदइरियापथत्ता उत्तमसेय्या वा, यं सन्धाय वुत्तं “अथ खो भगवा दक्खिणेण पस्सेन

सीहसेय्यं कप्पेसि पादे पादं अच्चाधाय सतो सम्पजानो'ति, (दी० नि० २.१९८) तं । कप्पनकालो करणकालो ननूति योजेतब्बं ।

“यथा त”न्तिआदिना यथावुत्तमत्थं उपमाय आवि करोति । तत्थ यथा अज्जोपि भगवतो...पे०... पतिट्ठितपेमो चेव अखीणासवो च अनेकेसु...पे०... उपकारसज्जनितचित्तमद्दवो च अकासि, एवं आयस्मापि आनन्दो भगवतो गुण...पे०... मद्दवो च हुत्वा अकासीति योजना । तन्ति निपातमत्तं । अपिच एतेन तथाकरणहेतुं दस्सेति, यथा अज्जेपि यथावुत्तसभावा अकंसु, तथा आयस्मापि आनन्दो भगवतो...पे०... पतिट्ठितपेमत्ता चेव अखीणासवत्ता च अनेकेसु...पे०... उपकारसज्जनितचित्तमद्दवत्ता चाति हेतुअत्थस्स लब्भमानत्ता । हेतुगब्भानि हि एतानि पदानि तदत्थस्सेव तथाकरणहेतुभावतो । धनपालदमन, (चूळ० व० ३४२) सुवण्णकक्कट, (जा० १.५.९४) चूळहंस (जा० १.१५.१३३) -महाहंसजातकादीहि (जा० २.२१.८९) चेत्थ विभावेतब्बो । गुणानं गणो, सोयेव अमतनिष्फादकरससदिसताय अमतरसो । तं जाननपकतितायाति पतिट्ठितपदे हेतु । उपकार...पे०... मद्दवोति उपकारपुब्बभावेन सम्माजनितचित्तमुदुको । एवम्पि सो इमिना कारणेन अधिवासेसीति दस्सेन्तो “तमेन”न्तिआदिमाह । तत्थ तमेनन्ति तं आयस्मन्तं आनन्दं । एत-सद्दो हि पदालङ्कारमत्तं । अयज्झि सद्दपकति, यदिदं द्वीसु सब्बनामेसु पुब्बपदस्सेव अत्थपदता । संवेजेसीति “ननु भगवता पटिकच्चेव अक्खातं ‘सब्बेहेव पियेहि मनापेहि नानाभावो विनाभावो’तिआदिना (दी० नि० २.१८३; सं० नि० ३.५.३७९; अ० नि० ३.१०.४८) संवेगं जनेसी’ति (दी० नि० टी० पठममहासङ्गीतिकथावण्णना) आचरियधम्मपालत्थेरेन वुत्तं, एवं सति “भन्ते...पे०... अस्सासेस्सथाति पठमं वत्ता’ति सह पाठसेसेन योजना अस्स । यथारुततो पन आद्यत्थेन इति-सद्देन “एवमादिना संवेजेसी’ति योजनापि युज्जतेव । येन केनचि हि वचनेन संवेगं जनेसि, तं सब्बम्पि संवेजनस्स करणं सम्भवतीति । सन्थम्भित्वाति परिदेवनादिविरहेन अत्तानं पटिबन्धेत्वा पतिट्ठापेत्वा । उस्सत्रधातुकन्ति उपचितपित्तसेम्हादिदोसं । पित्तसेम्हवातवसेन हि तिस्रो धातुयो इध भेसज्जकरणयोग्यताय अधिप्पेत्ता, या “दोसा, मला’ति च लोके वुच्चन्ति, पथवी आपो तेजो वायो आकासोति च भेदेन पच्चेकं पञ्चविधा । वुत्तज्झि -

“वायुपित्तकफा दोसा, धातवो च मला तथा ।
तत्थापि पञ्चधाख्याता, पच्चेकं देहधारणा ।।

सरीरदूसना दोसा, मलीनकरणा मला ।
धारणा धातवो ते तु, इत्थमन्वत्थसञ्जका”ति ।।

समस्सासेतुन्ति सन्तप्पेतुं । देवताय संवेजितदिवसतो, जेतवनविहारं पविट्ठदिवसतो वा दुतियदिवसे । विरिच्चति एतेनाति विरेचनं, ओसधपरिभावितं खीरमेव विरेचनं तथा । यं सन्धायाति यं भेसज्जपानं सन्धाय । अङ्गपच्चङ्गेन सोभतीति सुभो, मनुनो अपच्चं मानवो, न-कारस्स पन ण-कारे कते माणवो । मनूति हि पठमकप्पिककाले मनुस्सानं मातापितुद्धाने ठितो पुरिसो, यो सासने “महासम्मतराजा”ति वुत्तो । सो हि सकललोकस्स हितं मनभि जानातीति मनूति वुच्चति । एवम्पेत्थ वदन्ति “दन्तज न-कारसहितो मानवसद्दो सब्बसत्तसाधारणवचनो, मुद्धज ण-कारसहितो पन माणवसद्दो कुच्छितमूळहापच्चवचनो”ति । चूळकम्मविभङ्गसुत्तङ्कथायम्पि (म० नि० अट्ठ० ४.२८९) हि मुद्धज ण-कारसहितस्सेव माणवसद्दस्स अत्थो वण्णितो । तट्ठीकायम्पि “यं अपच्चं कुच्छितं मूळहं वा, तत्थ लोके माणववोहारो, येभ्य्येन च सत्ता दहरकाले मूळहधातुका होन्तीति तस्सेवत्थो पकासितो”ति वदन्ति आचरिया । अज्जत्थ च वीसतिवस्सब्भन्तरो युवा माणवो, इध पन तब्बोहारेन महल्लकोपि । वुत्तज्जि चूळकम्मविभङ्गसुत्तवण्णनायं “माणवोति पन तं तरुणकाले वोहरिंसु, सो महल्लककालेपि तेनेव वोहारेन वोहरीयती”ति, (म० नि० अट्ठ० ४.२८९) सुभनामकेन लद्धमाणववोहारेनाति अत्थो । सो पन “सत्था परिनिब्बुतो, आनन्दत्थेरो किरस्स पत्तचीवरमादाय आगतो, महाजनो तं दस्सनाय उपसङ्कमती”ति सुत्वा “विहारं खो पन गन्त्वा महाजनमज्जे न सक्का सुखेन पटिसन्थारं वा कातुं, धम्मकथं वा सोतुं, गेहमागतंयेव नं दिस्वा सुखेन पटिसन्थारं करिस्सामि, एका च मे कङ्का अत्थि, तम्पि नं पुच्छिस्सामी”ति चिन्तेत्वा एकं माणवकं पेसेसि, तं सन्धायाह “पहितं माणवक”न्ति खुट्ठके चेत्थ कपच्चयो । एतदवोचाति एतं “अकालो”तिआदिकं वचनं आनन्दत्थेरो अवोच ।

अकालोति अज्ज गन्तुं अयुत्तकालो । कस्माति चे “अत्थि मे”तिआदिमाह । भेसज्जमत्ताति अप्पकं भेसज्जं । अप्पत्थो हेत्थ मत्तासद्दो “मत्ता सुखपरिच्चागा”तिआदीसु (ध० प० २९०) विय । पीताति पिविता । स्वेपीति एत्थ “अपि-सद्दो अपेक्खो मन्ता नुज्जाया”ति (वजिर टी० पठममहासङ्गीतिकथावण्णना) वजिरबुद्धित्थेरेन वुत्तं । अयं पन तस्साधिप्पायो – “अप्पेव नामा”ति संसयमते वुत्ते अनुज्जातभावो न सिद्धो, तस्मा तं

साधनत्थं “अपी”ति वुत्तं, तेन इममत्थं दीपेति “अप्पेव नाम स्वे मयं उपसङ्कमेय्याम, उपसङ्कमितुं पटिबला समाना उपसङ्कमिस्साम चा”ति ।

दुतियदिवसेति खीरविरेचनपीतदिवसतो दुतियदिवसे । **चेतकत्थेरेनाति** चेतियरट्ठे जातत्ता **चेतकोति** एवं लद्धनामेन थेरेन । **पच्छासमणेनाति** पच्छानुगतेन समणेन । सहत्थे चेतं करणवचनं । **सुभेन माणवेन पुट्ठेति** “येसु धम्मेषु भवं गोतमो इमं लोकं पतिट्ठपेसि, ते तस्स अच्चयेन नट्ठा नु खो, धरन्ति नु खो, सचे धरन्ति, भवं (नत्थि दी० नि० अट्ठ० १.४४८) आनन्दो जानिस्सति, हन्द नं पुच्छामी”ति एवं चिन्तेत्वा “येसं सो भवं गोतमो धम्मानं वण्णवादी अहोसि, यत्थ च इमं जनतं समादपेसि निवेसेसि पतिट्ठपेसि, कतमेसानं खो भो आनन्द धम्मानं सो भवं गोतमो वण्णवादी अहोसी”तिआदिना (दी० नि० १.४४८) पुट्ठो, अथस्स थेरो तीणि पिट्ठकानि सीलखन्धादीहि तीहि खन्धेहि सङ्गहेत्वा दस्सेन्तो “तिण्णं खो माणव खन्धानं सो भगवा वण्णवादी”तिआदिना (दी० नि० १.४४९) इध सीलखन्धवग्गे दसमं सुत्तमभासि, तं सन्धायाह “इमस्मिं...पे०... मभासी”ति ।

खण्डन्ति छिन्नं । फुल्लन्ति भिन्नं, सेवालाहिछत्तकादिविकस्सनं वा, तेसं **पटिसङ्करणं** सम्मा पाकतिककरणं, अभिनवपटिकरणन्ति वुत्तं होति । **उपकट्ठायाति** आसन्नाय । वस्सं उपनेन्ति उपगच्छन्ति एत्थाति **वस्सूपनायिका**, वस्सूपगतकालो, ताय । **सङ्गीतिपाळियं** (चूळ० व० ४४०) सामञ्जेन वुत्तम्पि वचनं एवं गतेयेव सन्धाय वुत्तन्ति संसन्देतुं साधेतुं वा आह “**एवञ्ही**”तिआदि ।

राजगहं परिवारेत्वाति बहिनगरे ठितभावेन वुत्तं । **छड्ढितपतितउक्लापाति** छड्ढिता च पतिता च उक्लापा च । इदं वुत्तं होति - भगवतो परिनिब्बानड्डानं गच्छन्तेहि भिक्खूहि छड्ढिता विस्सट्ठा, ततोयेव च उपचिकादीहि खादितत्ता इतो चितो च पतिता, सम्मज्जनाभावेन आकिण्णकचवरत्ता उक्लापा चाति । तदेवत्थं “**भगवतो ही**”तिआदिना विभावेति । अवकुथि पूतिभावमगमासीति **उक्लापो** थ-कारस्स ल-कारं कत्वा, उज्झिट्ठो वा कलापोसमूहोति **उक्लापो**, वण्णसङ्गमनवसेनेवं वुत्तं यथा “उपक्लेसो, स्नेहो” - इच्चादि, तेन युत्ताति तथा । परिच्छेदवसेन वेणीयन्ति दिस्सन्तीति **परिवेणा** । **कुरुमानाति** कत्तुकामा । सेनासनवत्तानं पञ्चत्तत्ता, सेनासनखन्धके च सेनासनपटिबद्धानं बहूनम्पि वचनानं वुत्तत्ता सेनासनपटिसङ्करणम्पि तस्स पूजायेव नामाति आह “**भगवतो वचनपूजनत्थ**”न्ति । **पठमं**

मासन्ति वस्सानस्स पठमं मासं। अच्चन्तसंयोगे चेतं उपयोगवचनं।
“तिथियवादपरिमोचनत्थञ्चा”ति वुत्तमत्थं पाकटं कातुं “तिथिया ही”तिआदि वुत्तं।

यन्ति कतिकवत्तकरणं। एदिसेसु हि ठानेसु यंसद्धो तंसद्धानपेक्खो तेनेव अत्थस्स परिपुण्णत्ता। यं वा कतिकवत्तं सन्धाय “अथ खो”तिआदि वुत्तं, तदेव मयापि वुत्तन्ति अत्थो। एस नयो ईदिसेसु भगवता...पे०... वण्णितन्ति सेनासनवत्तं पञ्जपेन्तेन सेनासनक्खन्धके (चूळ व० ३०८) च सेनासनपटिबद्धवचनं कथेन्तेन वण्णितं। सङ्गायिस्सामाति एत्थ इति-सद्दस्स “वुत्तं अहोसी”ति च उभयत्थ सम्बन्धो, एकस्स वा इति-सद्दस्स लेपो।

दुतियदिवसेति एवं चिन्तितदिवसतो दुतियदिवसे, सो च खो वस्सूपनायिकदिवसतो दुतियदिवसोव। थेरा हि आसळिहपुण्णमितो पाटिपददिवसेयेव सन्निपतित्वा वस्समुपगन्त्वा एवं चिन्तेसुन्ति। राजद्वारेति राजगेहद्वारे। हत्थकम्मन्ति हत्थकिरियं, हत्थकम्मस्स करणन्ति वुत्तं होति। पटिवेदेसुन्ति जानापेसुं। विसद्वाति निरासङ्कचित्ता। आणायेव अप्पटिहतवुत्तिया पवत्तनट्टेन चक्कन्ति आणाचक्कं। तथा धम्मोयेव चक्कन्ति धम्मचक्कं, तं पनिध देसनाजाणपटिवेधजाणवसेन दुविधम्मि युज्जति तदुभयेनेव सङ्गीतिया पवत्तनतो। “धम्मचक्कन्ति चेतं देसनाजाणस्सापि नामं, पटिवेधजाणस्सापी”ति (सं० नि० अट्ठ० २.३.७८) हि अट्ठकथासु वुत्तं। सन्निसज्जट्टानन्ति सन्निपतित्वा निसीदनट्टानं। सत्त पण्णानि यस्साति सत्तपण्णी, यो “छत्तपण्णो, विसमच्छदो” तिपि वुच्चति, तस्स जातगुहद्वारेति अत्थो।

विस्सकम्मुनाति सक्कस्स देवानभिन्दस्स कम्माकम्मविधायकं देवपुत्तं सन्धायाह। सुविभत्तभित्तिथम्भसोपानन्ति एत्थ सुविभत्तपदस्स द्वन्दतो पुब्बे सुय्यमानत्ता सब्बेहि द्वन्दपदेहि सम्बन्धो, तथा “नानाविध...पे०... विचित्त”न्तिआदीसुपि। राजभवनविभूतिन्ति राजभवनसम्पत्तिं, राजभवनसोभं वा। अवहसन्तमिवाति अवहासं कुरुमानं विय। सिरियाति सोभासङ्घाताय लक्खिया। निकेतनमिवाति वसनट्टानमिव, “जलन्तमिवा”तिपि पाठो। एकस्मिंयेव पानीयतिल्ले निपतन्तो पक्खिनो विय सब्बेसम्मि जनानं चक्खूनि मण्डपेयेव निपतन्तीति वुत्तं “एकनिपात...पे०... विहङ्गान”न्ति। नयनविहङ्गानन्ति नयनसङ्घातविहङ्गानं। लोकरामण्येय्यकमिव सम्पिण्डितन्ति यदि लोके विज्जमानं रामण्येय्यकं सब्बमेव आनेत्वा एकत्थ सम्पिण्डितं सिया, तं वियाति वुत्तं होति, यं यं वा लोके रमितुमरहति, तं सब्बं

सम्पिण्डितमिवातिपि अत्थो । **ददुब्बसारमण्डं**न्ति फेगुरहितं सारं विय, कसटविनिमुत्तं पसन्नं विय च ददुमरहरूपेसु सारभूतं, पसन्नभूतञ्च । अपिच ददुब्बो दस्सनीयो सारभूतो विसिद्धतरो मण्डो मण्डनं अलङ्कारो एतस्साति **ददुब्बसारमण्डो**, तं । मण्डं सूरियरस्मिं पाति निवारेलि, सब्बेसं वा जनानं मण्डं पसन्नं पाति रक्खति, मण्डनमलङ्कारं वा पाति पिवति अलङ्कुरितुं युत्तभावेनाति **मण्डपो**, तं ।

कुसुमदामानि च तानि ओलम्बकानि चेति **कुसुमदामोलम्बकानि** । विसेसनस्स चेत्य परनिपातो यथा “अग्याहितो”ति । विविधानियेव कुसुमदामोलम्बकानि तथा, तानि विनिगलन्तं विसेसेन वमेन्तं निक्खामेन्तमिव चारु सोभनं वितानं एत्थाति तथा । कुट्टेन गहितो समं कतोति **कुट्टिमो**, **कोट्टिमो** वा, तादिसोयेव मणीति **मणिकोट्टिमो**, नानारतनेहि विचित्तो मणिकोट्टिमो, तस्स तलं तथा । अथ वा मणियो कोट्टेत्वा कततलत्ता मणिकोट्टेन निष्फत्तन्ति **मणिकोट्टिमं**, तमेव तलं, नानारतनविचित्तं मणिकोट्टिमतलं तथा । तमिव च नानापुष्पपहारविचित्तं सुपरिनिद्धितभूमिकम्मन्ति सम्बन्धो । पुष्पपूजा **पुष्पपहारो** । एत्थ हि नानारतनविचित्तगहणं नानापुष्पपहारविचित्ततायनिदस्सनं, मणिकोट्टिमतलग्गहणं सुपरिनिद्धितभूमिकम्मतायाति ददुब्बं । नन्ति मण्डपं । **ब्रह्मविमानसदिसन्ति** भावनपुंसकं, यथा ब्रह्मविमानं सोभति, तथा अलङ्कुरित्वाति अत्थो । विसेसेन मानेतब्बन्ति **विमानं** । सद्दुविदू पन “विहे आकासे मायन्ति गच्छन्ति देवा येनाति विमान”न्ति वदन्ति । विसेसेन वा सुचरितकम्मुना मीयति निम्मीयतीति **विमानं**, वीति वा सकुणो वुच्चति, तं सण्ठानेन मीयति निम्मीयतीति **विमानन्ति**आदिनापि वत्तब्बो । **विमानद्वकथायं** पन “एकयोजनद्वियोजनादिभावेन पमाणविसेसयुत्तताय, सोभातिसययोगेन च विसेसतो माननीयताय विमान”न्ति (वि० व० अट्ठ० गन्धारम्भकथा) वुत्तं । नत्थि अग्घमेतेसन्ति **अनग्घानि**, अपरिमाणग्घानि अग्घितुमसक्कुण्य्यानीति वुत्तं होति । पतिरूपं, पच्चेकं वा अत्थरितब्बानीति **पच्चत्थरणानि**, तेसं सतानि तथा । **उत्तराभिमुखन्ति** उत्तरदिसाभिमुखं । धम्मोपि सत्थायेव सत्थुकिच्चनिष्फादनतोति वुत्तं “**बुद्धस्स भगवतो आसनारहं धम्मासनं पञ्जपेत्वा**”ति । यथाह “यो खो...पे०... ममच्चयेन सत्था”तिआदि, (दी० नि० २.२१६) तथागतप्पवेदितधम्मदेसकस्स वा सत्थुकिच्चावहत्ता तथारूपे आसने निसीदितुमरहतीति दस्सेतुम्पि एवं वुत्तं । **आसनारहन्ति** निसीदनारहं । **धम्मासनन्ति** धम्मदेसकासनं, धम्मं वा कथेतुं युत्तासनं । **दन्तखचितन्ति** दन्तेहि खचितं, हत्थिदन्तेहि कतन्ति वुत्तं होति । “दन्तो नाम हत्थिदन्तो वुच्चती”ति हि वुत्तं । एत्थाति एतस्मिं धम्मासने । **मम किच्चन्ति** मम कम्मं, मया वा करणीयं ।

इदानीं आयस्मतो आनन्दस्स असेक्खभूमिसमापज्जनं दस्सेन्तो “तस्मिञ्च पना”तिआदिमाह । तत्थ तस्मिञ्च पन दिवसेति तथा रज्जा आरोचापितदिवसे, सावणमासस्स कालपक्खचतुत्थदिवसेति वुत्तं होति । अनत्थजननतो विससङ्कासताय किलेसो विसं, तस्स खीणासवभावतो अज्जथाभावसङ्घाता सत्ति गन्धो । तथा हि सो भगवतो परिनिब्बानादीसु विलापादिमकासि । अपिच विसजननकपुष्पादिगन्धपटिभागताय नानाविधदुक्खहेतुकिरियाजननको किलेसोव “विसगन्धो”ति वुच्चति । तथा हि सो “विसं हरतीति विसत्तिका, विसमूलाति विसत्तिका, विसफलाति विसत्तिका, विसपरिभोगाति विसत्तिका”तिआदिना (महा० नि० ३) वुत्तोति । अपिच विसगन्धो नाम विरूपो मंसादिगन्धो, तंसदिसताय पन किलेसो । “विस्ससद्दो हि विरूपे”ति (ध० स० टी० ६२४) अभिधम्मटीकायं वुत्तं । अद्वाति एकंसतो । संवेगन्ति धम्मसंवेगं । “ओहितभारान”न्ति हि येभुय्येन, पधानेन च वुत्तं । एदिसेसु पन ठानेसु तदज्जेसम्पि धम्मसंवेगोयेव अधिप्पेतो । तथा हि “संवेगो नाम सहोत्तप्पं जाणं, सो तस्सा भगवतो दस्सने उप्पज्जी”ति (वि० व० अट्ठ० ८३८) रज्जुमालाविमानवण्णनायं वुत्तं, सा च तदा अविज्जातसासना अनागतफलाति । इतरथा हि चित्तुत्रासवसेन दोसोयेव संवेगोति आपज्जति, एवञ्च सति सो तस्स असेक्खभूमिसमापज्जनस्स एकंसकारणं न सिया । एवमभूतो च सो इध न वत्तब्बोयेवाति अलमतिपपज्जेन । तेनाति तस्मा स्वे सङ्खसन्निपातस्स वत्तमानता, सेक्खसकरणीयता वा । ते न युत्तन्ति तव न युत्तं, तथा वा सन्निपातं गन्तुं न पतिरूपं ।

मेतन्ति मम एतं गमनं । ग्राहन्ति यो अहं, यन्ति वा किरियापरामसनं, तेन “गच्छेय्य”न्ति एत्थ गमनकिरियं परामसति, किरियापरामसनस्स च यं तं-सद्दस्स अयं पकति, यदिदं नपुंसकलिङ्गेन, एकवचनेन च योग्यता तथायेव तत्थ तत्थ दस्सनतो । किरियाय हि सभावतो नपुंसकत्तमेकत्तज्ज्य इच्छन्ति सद्दविदू । आवज्जेसीति उपनामेसि । मुत्ताति मुच्चिता । अप्पत्तज्जाति अगतज्ज्य, बिम्बोहने न ताव ठपितन्ति वुत्तं होति । एतस्मिं अन्तरेति एत्थन्तरे, इमिना पदद्वयेन दस्सितकालानं वेमज्झक्खणे, तथादस्सितकालद्वयस्स वा विवरेति वुत्तं होति ।

“कारणे चेव चित्ते च, खणस्मिं विवरेपि च ।
वेमज्झादीसु अत्थेसु ‘अन्तरा’ति रवो गतो”ति ।।

हि वुत्तं। **अनुपादायाति** तण्हादिद्विवसेन कञ्चि धम्मं अग्गहेत्वा, येहि वा किलेसेहि मुच्चति, तेसं लेसमत्तम्पि अग्गहेत्वा। **आसवेहीति** भवतो आ भवग्गं, धम्मतो च आ गोत्रभुं सवनतो पवत्तनतो आसवसज्जितेहि किलेसेहि। उपलक्खणवचनमत्तज्वेतं। तदेकद्विताय हि सब्बेहिपि किलेसेहि सब्बेहिपि पापधम्मेहि चित्तं विमुच्चतियेव। **चित्तं विमुच्चीति** चित्तं अरहत्तमग्गक्खणे आसवेहि विमुच्चमानं हुत्वा अरहत्तफलक्खणे विमुच्चि। तदत्थं विवरति “**अयज्ही**”तिआदिना। **चङ्कमेनाति** चङ्कमनकिरियाय। **विसेसन्ति** अत्तना लद्धमग्गफलतो विसेसमग्गफलं। विवट्ठपनिस्सयभूतं कतं उपचितं पुज्जं येनाति **कतपुज्जो**, अरहत्ताधिगमाय कताधिकारोति अत्थो। **पधानमनुयुज्जाति** वीरियमनुयुज्जाहि, अरहत्तसमापत्तिया अनुयोगं करोहीति वुत्तं होति। **होहिसीति** भविस्ससि। **कथादोसोति** कथाय दोसो वितथभावो। **अच्चारद्धन्ति** अतिविय आरद्धं। **उद्धच्चायाति** उद्धतभावाय। **हन्दाति** वोस्सग्गवचनं। तेन हि अधुनायेव योजेमि, न पनाहं पपज्जं करोमीति वोस्सग्गं करोति। **वीरियसमतं योजेमीति** चङ्कमनवीरियस्स अधिमत्तत्ता तस्स हापनवसेन समाधिना समतापादनेन वीरियस्स समतं समभावं योजेमि, वीरियेन वा समथसङ्घातं समाधिं योजेमीतिपि अत्थो। द्विधापि हि पाठो दिस्सति। **विस्समिस्सामीति** अस्ससिस्सामि। इदानी तस्स विसेसतो पसंसनारहभावं दस्सेतुं “**तेना**”तिआदि वुत्तं। **तेनाति** चतुइरियापथविरहितताकारणेन। “**अनिपन्नो**”तिआदीनि पच्चुप्पन्नवचनानेव। परिनिब्बुतोपि सो आकासेयेव परिनिब्बायि। तस्मा थेरस्स किलेसपरिनिब्बानं, खन्धपरिनिब्बानञ्च विसेसेन पसंसारहं अच्छरियभुतमेवाति।

दुतियदिवसेति थेरेन अरहत्तपत्तदिवसतो दुतियदिवसे। **पज्जमियन्ति** तिथीपेक्खाय वुत्तं, “दुतियदिवसे”ति इमिना तुल्याधिकरणं। भिन्नलिङ्गम्पि हि तुल्यत्थपदं दिस्सति यथा “गुणो पमाणं, वीसति चित्तानि” इच्चादि। **काळपक्खस्साति** सावणमासकाळपक्खस्स। पठमज्झि मासं खण्डफुल्लपटिसङ्घरणमकंसु, पठममासभावो च मज्झिमप्पदेसवोहारेन। तत्थ हि पुरिमपुण्णमितो याव अपरा पुण्णमी, ताव एको मासोति वोहरन्ति। ततो तीणि दिवसानि राजा मण्डपमकासि, ततो दुतियदिवसे थेरो अरहत्तं सच्छाकासि, ततियदिवसे पन सन्निपतित्वा थेरा सङ्गीतिमकंसु, तस्मा आसळिहमासकाळपक्खपाटिपदतो याव सावणमासकाळपक्खपज्जमी, ताव पज्जदिवसाधिको एकमासो होति। **समानोति** उप्पज्जमानो। **हट्ठुद्वचित्तोति** अतिविय सोमनस्सचित्तो, पामोज्जेन वा हट्ठचित्तो पीतिया तुद्वचित्तो। **एकंसन्ति** एकस्मिं असे, वामंसेति अत्थो। तथा हि **वङ्गीससुत्तवण्णनायं** वुत्तं –

“एकंसं चीवरन्ति एत्थ पुन सण्ठापनवसेन एवं वुत्तं, एकंसन्ति च वामंसं पारुपित्वा ठितस्सेतं अधिवचनं। यतो यथा वामंसं पारुपित्वा ठितं होति, तथा चीवरं कत्वाति एवमस्सत्थो वेदितब्बो”ति (सु० नि० अट्ठ० २.३४५)।

बन्ध...पे०... वियाति वण्टतो पवुत्तसुपरिपक्कतालफलमिव। **पण्डु...पे०... वियाति** सितपीतपभायुत्तपण्डुरोमजकम्बले ठपितो जातिमा मणि विय, जातिवचनेन चेत्थ कुत्तिमं निवत्तेति। **समुग्गतपुण्णचन्दो वियाति** जुण्हपक्खपन्नरसुपोसथे समुग्गतो सोळसकलापरिपुण्णो चन्दो विय। **बाला...पे०... वियाति** तरुणसूरियपभासम्फस्सेन फुल्लितसुवण्णवण्णपरागगब्भं सतपत्तपद्धं विय। “पिञ्जरसद्दो हि हेमवण्णपरियायो”ति (सारथ टी० १.२२) **सारथदीपनियं वुत्तो। परियोदातेनाति** पभस्सेन। **सण्णभेनाति** वण्णप्पभाय, सीलप्पभाय च समन्नागतेन। **सस्सिरिकेनाति** सीरसोभग्गादिसङ्घाताय सिरिया अतिविय सिरिमता। **मुखवरेनाति** यथावुत्तसोभासमलङ्कतत्ता उत्तममुखेन। कामं “अहमस्मि अरहत्तं पत्तो”ति नारोवेसि, तथारूपाय पन उत्तमलीलाय गमनतो पस्सन्ता सब्बेपि तमत्थं जानन्ति, तस्मा आरोचेन्तो विय होतीति आह “अत्तनो अरहत्तप्पत्तिं आरोचयमानो विय अगमासी”ति।

किमत्थं पनायं एवमारोचयमानो विय अगमासीति? वुच्चते – सो हि “अत्तुपनायिकं अकत्वा अञ्जब्याकरणं भगवता संवण्णित”न्ति मनसि करित्वा “सेक्खताय धम्मविनयसङ्गीतिया गहेतुमयुत्तम्पि बहुस्सुत्ता गण्हिस्सामा”ति निसिन्नानं थेराणं अरहत्तप्पत्तिविजाननेन सोमनस्सुप्पादनत्थं, “अप्पमत्तो होही”ति भगवता दिन्नओवादस्स च सफलतादीपनत्थं एवमारोचयमानो विय अगमासीति। **आयस्मतो महाकस्सपस्स एतदहोसि** समसमट्ठपनादिना यथावुत्तकारणेन सत्थुकप्पत्ता। **धरेय्याति** विज्जमानो भवेय्य। “सोभति वत ते आवुसो आनन्द अरहत्तसमधिगमता”तिआदिना साधुकारमदासि। अयमिध दीघभाणकानं वादो। खुद्दकभाणकेसु च सुत्तनिपातखुद्दकपाठभाणकानं वादोतिपि युज्जति तदट्ठकथासुपि तथा वुत्तत्ता।

मज्झिमं निकायं भणन्ति सीलेनाति **मज्झिमभाणका**, तप्पगुणा आचरिया। **यथावुद्दन्ति** वुद्दपटिपाटिं, तदनतिक्कमित्वा वा। **तत्थाति** तस्मिं भिक्खुसङ्घे। आनन्दस्स एतमासनन्ति सम्बन्धो। **तस्मिं समयेति** तस्मिं एवकथनसमये। **थेरो चिन्तेसि** “कुहिं गतो”ति पुच्छन्तानं अत्तानं दस्सेन्ते अतिविय पाकटभावेन भविस्समानत्ता, अयम्पि मज्झिमभाणकेस्वेव एकच्चानं वादो, तस्मा इतिपि एके वदन्तीति सम्बन्धो। आकासेन आगन्त्वा अत्तनो

आसनेयेव अत्तानं दस्सेसीतिपि तेसमेव एकच्चे वदन्ति । पुल्लिङ्गविसये हि “एके”ति वुत्ते सब्बत्थ “एकच्चे”ति अत्थो वेदितब्बो । तीसुपि चेत्थ वादेसु तेसं तेसं भाणकानं तेन तेनाकारेण आगतमत्तं ठपेत्वा विसुं विसुं वचने अज्जं विसेसकारणं नत्थि । सत्तमासं कताय हि धम्मविनयसङ्गीतिया कदाचि पकतियाव, कदाचि पथवियं निमुज्जित्वा, कदाचि आकासेन आगतत्ता तं तदागमनमुपादाय तथा तथा वदन्ति । अपिच सङ्गीतिया आदिदिवसेयेव पठमं पकतिया आगन्त्वा ततो परं आकासमब्भुग्गन्त्वा परिसं पत्तकाले ततो ओतरित्वा भिक्खुपन्तिं अपीलेन्तो पथवियं निमुज्जित्वा आसने अत्तानं दस्सेसीतिपि वदन्ति । यथा वा तथा वा आगच्छतु, आगमनाकारमत्तं न पमाणं, आगन्त्वा गतकाले आयस्मतो महाकस्सपस्स साधुकारदानमेव पमाणं सत्थारा दातब्बसाधुकारदानेनेव अरहत्तप्पत्तिया अज्जेसम्पि जापितत्ता, भगवति धरमाने पटिग्गहेतब्बाय च पसंसाय थेरस्स पटिग्गहितत्ता । तस्मा तमत्थं दस्सेन्तो “यथा वा”तिआदिमाह । सब्बत्थापीति सब्बेसुपि तीसु वादेसु ।

भिक्खू आमन्तेसीति भिक्खू आलपीति अयमेत्थ अत्थो, अज्जत्र पन जापनेपि दिस्सति यथा “आमन्तयामि वो भिक्खवे, (दी० नि० २.२१८) पटिवेदयामि वो भिक्खवे”ति (अ० नि० २.७.७२) पक्कोसनेपि दिस्सति यथा “एहि त्वं भिक्खु मम वचनेन सारिपुत्तं आमन्तेही”ति (अ० नि० ३.९.११) आलपनेपि दिस्सति यथा “तत्र खो भगवा भिक्खू आमन्तेसि ‘भिक्खवो’ति”, (सं० नि० १.२४९) इधापि आलपनेति सारत्थदीपनियं (सारत्थ टी० १.पठममहासङ्गीतिकथावण्णना) वुत्तं । आलपनमत्तस्स पन अभावतो “किं पठमं सङ्गायामा”तिआदिना वुत्तेन विज्जापियमानत्थन्तरेण च सहचरणतो जापनेव वट्ठति, तस्मा **आमन्तेसीति** पटिवेदेसि विज्जापेसीति अत्थो वत्तब्बो । “तत्र खो भगवा भिक्खू आमन्तेसि ‘भिक्खवो’ति, ‘भदन्ते’ति ते भिक्खू भगवतो पच्चस्सोसु”न्तिआदीसु (सं० नि० १.१.२४९) हि आलपनमत्तमेव दिस्सति, न विज्जापियमानत्थन्तरं, तं पन “भूतपुब्बं भिक्खवे”तिआदिना (सं० नि० १.१.२४९) पच्चेकमेव आरद्धं । तस्मा तादिसेस्वेव आलपने वट्ठतीति नो तक्को । सहविदू पन वदन्ति “आमन्तयित्वा देविन्दो, विस्सकम्मं महिद्धिक”न्तिआदीसु (चरि० पि० १०७) विय मन्तसद्दो गुत्तभासने । तस्मा ‘आमन्तेसी’ति एतस्स सम्मन्तयीति अत्थो”ति । “आवुसो”तिआदि आमन्तनाकारदीपनं । धम्मं वा विनयं वाति एत्थ वा-सद्दो विकप्पने, तेन “किमेकं तेसु पठमं सङ्गायामा”ति दस्सेति । कस्मा आयूति आह “विनये ठिते”तिआदि । “यस्मा, तस्मा”ति च अज्झाहरित्वा योजेतब्बं । तस्माति ताय

आयुसरिक्खताय । धुरन्ति जेड्ढकं । नो नण्होतीति प्होतियेव । द्विपटिसेधो हि सह अतिसयेन पकत्थदीपको ।

एतदग्गन्ति एसो अग्गो । लिङ्गविपल्लासेन हि अयं निदेसो । यदिदन्ति च यो अयं, यदिदं खन्धपञ्चकन्ति वा योजेतब्बं । एवञ्चि सति “एतदग्ग”न्ति यथारुतलिङ्गमेव । “यदिद”न्ति पदस्स च अयं सभावो, या तस्स तस्स अत्थस्स वत्तब्बस्स लिङ्गानुरूपेन “यो अय”न्ति वा “या अय”न्ति वा “यं इद”न्ति वा योजेतब्बता तथायेवस्स तत्थ तत्थ दस्सितत्ता । भिक्खून् विनयधरानन्ति निद्धारणछट्ठीनिदेसो ।

अत्तनाव अत्तानं सम्मन्नीति सयमेव अत्तानं सम्मतं अकासि । “अत्तना”ति हि इदं ततियाविसेसनं भवति, तच्च परेहि सम्मन्नं निवत्तेति, “अत्तना”ति वा अयं विभत्यन्तपतिरूपको अब्बयसद्दो । केचि पन “लिङ्गत्थे ततिया अभिहितकत्तुभावतो”ति वदन्ति । तदयुत्तमेव “थेरो”ति कत्तुनो विज्जमानत्ता । विस्सज्जनत्थाय अत्तनाव अत्तानं सम्मन्नीति योजेतब्बं । पुच्छधातुस्स द्विकम्मिकत्ता “उपालिं विनय”न्ति कम्मद्वयं वुत्तं ।

बीजनि गहेत्वाति एत्थ बीजनीगहणं धम्मकथिकानं धम्मताति वेदितब्बं । ताय हि धम्मकथिकानं परिसाय हत्थकुक्कुच्चमुखविकारादि पटिच्छादीयति । भगवा च धम्मकथिकानं धम्मतादस्सनत्थमेव विचित्रबीजनिं गण्हाति । अज्जथा हि सब्बस्सपि लोकस्स अलङ्कारभूतं परमुक्कंसगतसिक्खासंयमानं बुद्धानं मुखचन्दमण्डलं पटिच्छादेतब्बं न सिया । “पठमं आवुसो उपालि पाराजिकं कत्थ पज्जत्त”न्ति कस्मा वुत्तं, ननु तस्स सङ्गीतिया पुरिमकाले पठमभावो न युत्तोति ? नो न युत्तो भगवता पज्जत्तानुक्कमेन, पातिमोक्खुद्देसानुक्कमेन च पठमभावस्स सिद्धत्ता । येभ्य्येन हि तीणि पिटकानि भगवतो धरमानकाले ठितानुक्कमेनेव सङ्गीतानि, विसेसतो विनयाभिधम्मपिटकानीति दड्ढब्बं । किस्मिं वत्थुस्मिन्ति, मेथुनधम्मि च निमित्तत्थे भुम्मवचनं । “कत्थ पज्जत्त”न्तिआदिना दस्सितेन सह तदवसिद्धिम्पि सङ्गहेत्वा दस्सेतुं “वत्थुम्पि पुच्छी”तिआदि वुत्तं ।

सङ्गीतिकारकवचनसम्मिस्सं वा नु खो, सुद्धं वा बुद्धवचनन्ति आसङ्कापरिहरणत्थं, यथासङ्गीतस्सेव पमाणभावं दस्सनत्थञ्च पुच्छं समुद्धरित्वा विस्सज्जेन्तो “किं पनेत्था”तिआदिमाह । एत्थ पठमपाराजिकेति एतस्सं तथासङ्गीताय पठमपाराजिकपाळियं । तेनेवाह “न हि तथागता एकव्यज्जनम्पि निरत्थकं वदन्ती”ति । अपनेतब्बन्ति

अतिरेकभावेन निरर्थकताय, वितथभावेन वा अयुक्तताय छड्ढेतब्बवचनं । पक्खिपितब्बन्ति असम्पुण्णताय उपनेतब्बवचनं । कस्माति आह “न ही”तिआदि । सावकानं पन देवतानं वा भासितेति भगवतो पुच्छाथोमनादिवसेन भासितं सन्धायाह । सब्बत्थापीति भगवतो सावकानं देवतानञ्च भासितेपि । तं पन पक्खिपनं सम्बन्धवचनमत्तस्सेव, न सभावायुत्तिया अत्थस्साति दस्सेति “किं पन त”न्तिआदिना सम्बन्धवचनमत्तन्ति पुब्बापरसम्बन्धवचनमेव । इदं पठमपाराजिकन्ति ववत्थपेत्वा ठपेसुं इमिनाव वाचनामग्गेन उग्गहणधारणादिकिच्चनिप्फादनत्थं, तदत्थमेव च गणसज्झायमकंसु “तेन...पे०... विहरती”ति । सज्झायारम्भकालेयेव पथवी अकम्पित्थाति वदन्ति, तदिदं पन पथवीकम्पनं थेरानं धम्मसज्झायानुभावेनाति जापेतुं “साधुकारं ददमाना विया”ति वुत्तं । उदकपरियन्तन्ति पथवीसन्धारकउदकपरियन्तं । तस्मिञ्चि चलितेयेव सापि चलति, एतेन च पदेसपथवीकम्पनं निवत्तेति ।

किञ्चापि पाळियं गणना नत्थि, सङ्गीतिमारोपितानि पन एत्तकानेवाति दीपेतुं “पञ्चसत्तति सिक्खापदानी”ति वुत्तं “पुरिमनयेनेवा”ति एतेन साधुकारं ददमाना वियाति अत्थमाह । न केवलं सिक्खापदकण्डविभङ्गनियमेनेव, अथ खो पमाणनियमेनापीति दस्सेतुं “चतुसङ्गिभाणवारा”ति वुत्तं । एत्थ च भाणवारोति—

“अट्ठक्खरा एकपदं, एकगाथा चतुप्पदं ।
गाथा चेका मतो गन्थो, गन्थो बात्तिसत्तक्खरो ।।

बात्तिसक्खरगन्थानं, पज्जासद्विसत्तं पन ।
भाणवारो मतो एको, स्वट्ठक्खरसहस्सको”ति ।।

एवं अट्ठक्खरसहस्सपरिमाणो पाठो वुच्चति । भणितब्बो वारो यस्साति हि भाणवारो, एकेन सज्झायनमग्गेन कथेतब्बवारोति अत्थो । खन्धकन्ति महावग्गचूलवग्गं । खन्धानं समूहतो, पकासनतो वा खन्धकोति हि वुच्चति, खन्धाति चेत्य पब्बज्जूपसम्पदादिविनयकम्मसङ्घाता, चारित्तवारित्तसिक्खापदसङ्घाता च पञ्चत्तियो अधिप्पेता । पब्बज्जादीनि हि भगवता पञ्चत्तत्ता पञ्चत्तियोति वुच्चन्ति । पञ्चत्तियञ्च खन्धसद्दो दिस्सति “दारुक्खन्धो, (अ० नि० २.६.४१) अग्गिक्खन्धो, (अ० नि० २.७.७२) उदकक्खन्धो”तिआदीसु (अ० नि० २.५.४५; ६.३७) विय । अपिच

भागरासद्वतापि युज्जतियेव तासं पञ्जत्तीनं भागतो, रासितो च विभत्तत्ता, तं पन विनयपिटकं भाणकेहि रक्खितं गोपितं सङ्गहारुह्मनयेनेव चिरकालं अनस्समानं हुत्वा पतिद्वहिस्सतीति आयस्मन्तं उपालित्थेरं पटिच्छापेसुं “आवुसो इमं तुहं निस्सितके वाचेही”ति ।

धम्मं सङ्गायितुकामोति सुत्तन्ताभिधम्मसङ्गीतिं कत्तुकामो “धम्मो च विनयो च देसितो पञ्जत्तो”तिआदीसु (दी० नि० २.२१६) विय पारिसेसनयेन धम्मसदस्स सुत्तन्ताभिधम्मेस्वेव पवत्तनतो । अयमत्थो उपरि आवि भविस्सति ।

सङ्गं जापेसीति एत्थ हेट्ठा वुत्तनयेन अत्थो वेदितब्बो । **कतरं आवुसो पिटकन्ति** विनयावसेसेसु द्वीसु पिटकेसु कतरं पिटकं । विनयाभिधम्मानम्पि खुद्दकसङ्गीतिपरियापन्नत्ता तमन्तरेण वुत्तं “**सुत्तन्तपिटके चतस्सो सङ्गीतियो**”ति । **सङ्गीतियो**ति च सङ्गायनकाले दीघादिवसेन विसुं विसुं नियमेत्वा सङ्गय्हमानत्ता निकायाव वुच्चन्ति । तेनाह “**दीघसङ्गीति**”न्तिआदि । सुत्तानेव सम्पिण्डेत्वा वग्गकरणवसेन तयो वग्गा, नाञ्जानीति दस्सेतुं “**चतुत्तिसं सुत्तानि तयो वग्गा**”ति वुत्तं । तस्मा चतुत्तिसं सुत्तानि तयो वग्गा होन्ति, सुत्तानि वा चतुत्तिसं, तेसं वग्गकरणवसेन तयो वग्गा, तेसु तीसु वग्गेसूति योजेतब्बं । “ब्रह्मजालसुत्तं नाम अत्थि, तं पठमं सङ्गायामा”ति वुत्ते कस्माति चोदनासम्भवतो “**तिविधसीलालङ्कृत**”न्तिआदिमाह । हेतुगब्भानि हि एतानि । चूलमज्झिममहासीलवसेन तिविधस्सापि सीलस्स पकासनत्ता तेन अलङ्कृतं विभूसितं तथा नानाविधे मिच्छाजीवभूते कुहनलपनादयो विव्द्धंसेतीति **नानाविधमिच्छाजीवकुहनलपनादिविव्द्धंसनं** । तत्थ **कुहनाति** कुहायना, पच्चयपटिसेवनसामन्तजप्पनइरियापथसन्निस्सितसङ्घातेन तिविधेन वत्थुना विम्हापनाति अत्थो । **लपनाति** विहारं आगते मनुस्से दिस्वा “किमत्थाय भोन्तो आगता, किं भिक्खू निमन्तेतुं । यदि एवं गच्छथ, अहं पच्छतो भिक्खू गहेत्वा आगच्छामी”ति एवमादिना भासना । आदिसद्देन पुप्फदानादयो, नेमित्तिकतादयो च सङ्गण्हाति । अपिचेत्थ मिच्छाजीवसद्देन कुहनलपनाहि सेसं अनेसनं गण्हाति । आदिसद्देन पन तदवसेसं महिच्छतादिकं दुस्सिल्यन्ति दद्वब्बं । द्वासद्वि दिट्ठियो एव पलिवेठनद्देन जालसरिक्खताय **जालं**, तस्स विनिवेठनं अपलिवेठकरणं तथा ।

अन्तरा च भन्ते राजगहं अन्तरा च नालन्दन्ति एत्थ अन्तरासद्दो विवरे “अपिचायं

भिक्षवे तपोदाद्वित्रं महानिरयानं अन्तरिकाय आगच्छती'तिआदीसु (पारा० २३१) विय। तस्मा राजगहस्स च नाळन्दस्स च विवरेति अत्थो दट्ठब्बो। अन्तरासद्देन पन युत्तत्ता उपयोगवचनं कतं। ईदिसेसु ठानेसु अक्खरचिन्तका "अन्तरा गामञ्च नदिञ्च याती'ति एवं एकमेव अन्तरासद्दं पयुज्जन्ति, सो दुतियपदेनपि योजेतब्बो होति। अयोजियमाने हि उपयोगवचनं न पापुणाति सामिवचनस्स पसङ्गे अन्तरासद्दयोगेन उपयोगवचनस्स इच्छितत्ता। तत्थ रज्जो कीळनत्थं पटिभानचित्तविचित्रअगारमकंसु, तं "राजागारक"न्ति वुच्चति, तस्मिं। **अम्बलट्टिका**ति रज्जो उय्यानं। तस्स किर द्वारसमीपे तरुणो अम्बरुक्खो अत्थि, तं "अम्बलट्टिका"ति वदन्ति, तस्स समीपे पवत्तत्ता उय्यानमपि "अम्बलट्टिका" त्वेव सङ्ख्यं गतं यथा "वरुणनगर"न्ति, तस्मा अम्बलट्टिकायं नाम उय्याने राजागारकेति अत्थो। अविज्जायमानस्स हि विज्जापनत्थं एतं आधारद्वयं वुत्तं राजागारमेतस्साति वा **राजागारकं**, उय्यानं, राजागारवति अम्बलट्टिकायं नाम उय्यानेति अत्थो। भिन्नलिङ्गमपि हि विसेसनपदमत्थी'ति केचि वदन्ति, एवं सति राजागारं आधारो न सिया। "राजागारकेति एवंनामके उय्याने अभिरमनारहं किर राजागारमपि। तत्थ, यस्स वसेनेतं एवं नामं लभती'ति (वजिर टी० पठममहासङ्गीतिकथावण्णना) **वजिरबुद्धित्थेरो**। एवं सति "अम्बलट्टिकाय"न्ति आसन्नतरुणम्बरुक्खेन विसेसेत्वा "राजागारके"ति उय्यानमेव नामवसेन वुत्तन्ति अत्थो आपज्जति, तथा च वुत्तदोसोव सिया। **सुप्पियञ्च परिब्बाजकन्ति** सुप्पियं नाम सञ्चयस्स अन्तेवासिं छन्नपरिब्बाजकञ्च। ब्रह्मदत्तञ्च **माणवन्ति** एत्थ तरुणो "माणवो"ति वुत्तो "अम्बट्ठो माणवो, अङ्गको माणवो"तिआदीसु (दी० नि० १.२५९, २११) विय, तस्मा ब्रह्मदत्तं नाम तरुणपुरिसञ्च आरब्भाति अत्थो। **वण्णावण्णे**ति पसंसाय चेव गरहाय च। अथ वा गुणो वण्णो, अगुणो अवण्णो, तेसं भासनं उत्तरपदलोपेन तथा वुत्तं यथा "रूपभवो रूप"न्ति।

"ततो पर"न्तिआदिमि अयं वचनक्कमो – सामञ्जफलं पनावुसो आनन्द कथं भासितन्ति? राजगहे भन्ते जीवकम्बवनेति। केन सद्धिन्ति? अजातसत्तुना वेदेहिपुत्तेन सद्धिन्ति। अथ खो आयस्मा महाकस्सपो आयस्मन्तं आनन्दं सामञ्जफलस्स निदानमपि पुच्छि, पुग्गलमपि पुच्छीति। एत्थ हि "कं आरब्भा"ति अवत्वा "केन सद्धि"न्ति वत्तब्बं। कस्माति चे? न भगवता एव एतं सुत्तं भासितं, रज्जापि "यथा नु खो इमानि पुथुसिप्पायतनानी"तिआदिना (दी० नि० १.१६३) किञ्चि किञ्चि वुत्तमत्थि, तस्मा एवमेव वत्तब्बन्ति। इमिनाव नयेन सब्बत्थ "कं आरब्भा"ति वा "केन सद्धि"न्ति वा यथारहं वत्वा सङ्गीतिमकासीति दट्ठब्बं। तन्तिन्ति सुत्तवग्गसमुदायवसेन ववत्थितं पाळिं।

एवञ्च कत्वा “तिवग्गसङ्गहं चतुत्तिससुत्तपटिमण्डित”न्ति वचनं उपपन्नं होति । परिहरथाति उग्गहणवाचनादिवसेन धारेथ । ततो अनन्तरं सङ्गायित्वाति सम्बन्धो ।

“धम्मसङ्गहो चा”तिआदिना समासो । एवं संवण्णितं पोरणकेहीति अत्थो । एतेन “महाधम्महदयेन, महाधातुकथाय वा सद्धिं सत्तप्पकरणं अभिधम्मपिटकं नामा”ति वुत्तं वितण्डवादिमतं पटिक्खित्वा “कथावत्थुनाव सद्धि”न्ति वुत्तं समानवादिमतं दस्सेति । सण्हजाणस्स, सण्हजाणवन्तानं वा विसयभावतो **सुखुमजाणगोचरं** ।

चूलनिद्देसमहानिद्देसवसेन दुविधोपि निद्देसो । जातकादिके खुद्दकनिकायपरियापन्ने, येभ्येन च धम्मनिद्देसभूते तादिसे अभिधम्मपिटकेव सङ्गण्हितुं युत्तं, न पन दीघनिकायादिप्पकारे सुत्तन्तपिटके, नापि पञ्जत्तिनिद्देसभूते विनयपिटकेति **दीघभाणका** जातकादीनं अभिधम्मपिटके सङ्गहं वदन्ति । चरियापिटकबुद्धवंसानञ्चेत्थ अग्गहणं जातकगतिकत्ता, नेत्तिपेटकोपदेसादीनञ्च निद्देसपटिसम्भिदामग्गगतिकत्ता । **मज्झिमभाणका** पन अट्ठप्पत्तिवसेन देसितानं जातकादीनं यथानुलोमदेसनाभावतो तादिसे सुत्तन्तपिटके सङ्गहो युत्तो, न पन सभावधम्मनिद्देसभूते यथाधम्मसासने अभिधम्मपिटके, नापि पञ्जत्तिनिद्देसभूते यथापराधसासने विनयपिटकेति जातकादीनं सुत्तन्तपिटकपरियापन्नतं वदन्ति । युत्तमेत्थ विचारेत्वा गहेतब्बं ।

एवं निमित्तपयोजनकालदेसकारककरणप्पकारेहि पठमं सङ्गीतिं दस्सेत्वा इदानीं तत्थ ववत्थापितेसु धम्मविनयेसु नानप्पकारकोसल्लत्थं एकविधादिभेदं दस्सेतुं “**एवमेत**”न्तिआदिमाह । तत्थ “**एव**”न्ति इमिना एतसद्देन परामसितब्बं यथावुत्तसङ्गीतिप्पकारं निदस्सेति । “**यज्जी**”तिआदि वित्थारो । **अनुत्तरं सम्मासम्बोधिन्ति** अनावरणजाणपदद्वानं मग्गजाणं, मग्गजाणपदद्वानञ्च अनावरणजाणं । **एत्थन्तरेति** अभिसम्बुज्जनस्स, परिनिब्बायनस्स च विवरे । तदेतं **पञ्चचत्तालीस वस्सानीति** कालवसेन नियमेति । **पच्चवेक्खन्तेन** वाति उदानादिवसेन पवत्तधम्मं सन्धायाह । यं वचनं वुत्तं, सब्बं तन्ति सम्बन्धो । किं पनेतन्ति आह “**विमुत्तिरसमेवा**”ति, न तदञ्जरसन्ति वुत्तं होति । विमुच्चित्थाति **विमुत्ति**, रसितब्बं अस्सादेतब्बन्ति रसं, विमुत्तिसङ्घातं रसमेतस्साति **विमुत्तिरसं**, अरहत्तफलस्सादन्ति अत्थो । अयं **आचरियसारिपुत्तत्थेरस्स** मति (सारत्थ टी० पठममहासङ्गीतिकथावण्णना) । **आचरियधम्मपालत्थेरो** पन तं केचिवादं कत्वा इममत्थमाह “विमुच्चति विमुच्चित्थाति **विमुत्ति**, यथारहं मग्गो फलञ्च । रसन्ति गुणो, सम्पत्तिकिच्चं

वा, वुत्तनयेन समासो। विमुत्तानिसंसं, विमुत्तिसम्पत्तिकं वा मग्गफलनिष्पादनतो, विमुत्तिकिच्चं वा किलेसानमच्चन्तविमुत्तिसम्पादनतोति अत्थो”ति (दी० नि० टी० १.पठममहासङ्गीतिकथावण्णना)। **अङ्गुत्तरदुक्कथायं** पन “अत्थरसस्सादीसु अत्थरसो नाम चत्तारि सामञ्जफलानि, धम्मरसो नाम चत्तारो मग्गा, विमुत्तिरसो नाम अमतनिब्बान”न्ति (अ० नि० अट्ठ० १.१.३३५) वुत्तं।

किञ्चापि अविसेसेन सब्बम्पि बुद्धवचनं किलेसविनयनेन **विनयो**, यथानुसिद्धं पटिपज्जमाने अपायपतनादितो धारणेन **धम्मो** च होति, तथापि इधाधिप्पेतेयेव धम्मविनये वत्तिच्छावसेन सरूपतो निद्धारेतुं “**तत्थ विनयपिटक**”न्तिआदिमाह। **अवसेसं बुद्धवचनं धम्मो** खन्धादिवसेन सभावधम्मदेसनाबाहुल्लतो। अथ वा यदिपि विनयो च धम्मोयेव परियत्तियादिभावतो, तथापि विनयसद्वसन्निधाने भिन्नाधिकरणभावेन पयुत्तो धम्मसद्वो विनयतन्ति विपरीतं तन्तिमेव दीपेति यथा “पुञ्जजाणसम्भारा, गोबलीबद्द”न्ति। पयोगवसेन तं दस्सेन्तेन “**तेनेवाहा**”तिआदि वुत्तं। येन विनय...पे०... धम्मो, तेनेव तेसं तथाभावं **सङ्गीतिकखन्धके** (चूळ० व० ३४७) आहाति अत्थो।

“**अनेकजातिसंसार**”न्ति अयं गाथा भगवता अत्तनो सब्बञ्जुतञ्जाणपदद्वानं अरहत्तप्पत्तिं पच्चवेक्खन्तेन एकूनवीसतिमस्स पच्चवेक्खणजाणस्स अनन्तरं भासिता, तस्मा “**पठमबुद्धवचन**”न्ति वुत्ता। इदं किर सब्बबुद्धेहि अविजहितं उदानं। अयमस्स सङ्खेपत्थो – अहं इमस्स अत्तभावसङ्घातस्स गेहस्स कारकं तण्हावद्दकिं **गवेसन्तो** येन जाणेन तं दट्ठुं सक्का, तस्स बोधिजाणस्सत्थाय दीपङ्करपादमूले कताभिनीहारो एत्तकं कालं **अनेकजातिसंसारं** अनेकजातिसतसहस्ससङ्ख्यं संसारवट्ठं **अनिब्बिसं** अनिब्बिसन्तो तं जाणं अविन्दन्तो अलभन्तोयेव **सन्धाविस्सं** संसरिं। यस्मा जराब्बाधिमरणमिस्सताय **जाति** नामेसा **पुनप्पुनं** उपगन्तुं **दुक्खा**, न च सा तस्मिं अदिट्ठे निवत्तति, तस्मा तं गवेसन्तो सन्धाविस्सन्ति अत्थो। इदानि भो अत्तभावसङ्घातस्स गेहस्स कारकं तण्हावद्दकिं त्वं मया सब्बञ्जुतञ्जाणं पटिविज्झन्तेन **दिट्ठो असि। पुन** इमं अत्तभावसङ्घातं मम **गेहं न काहसि** न करिस्ससि। तव **सब्बा** अवसेसकिलेस **फासुका** मया **भग्गा** भज्जिता। इमस्स तथा कतस्स अत्तभावसङ्घातस्स गेहस्स **कूटं** अविज्जासङ्घातं कण्णिकमण्डलं **विसङ्गतं** विद्धंसितं। इदानि मम **चित्तं विसङ्गरं** निब्बानं आरम्भणकरणवसेन **गतं** अनुपविट्ठुं। अहञ्च **तण्हानं खय** सङ्घातं अरहत्तमग्गं, अरहत्तफलं वा **अज्झगा** अधिगतो पत्तोस्मीति। **गण्ठिपदेसु** पन

विसङ्घारगतं चित्तमेव तण्हानं खयसङ्घातं अरहत्तमग्गं, अरहत्तफलं वा अज्झगा अधिगतन्ति अत्थो वुत्तो ।

“सन्धाविस्स”न्ति एत्थ च “गाथायमतीतत्थे इमिस्स”न्ति नेरुत्तिका । “तंकालवचनिच्छायमतीतेपि भविस्सन्ती”ति केचि । पुनपुनन्ति अभिण्हत्थे निपातो । पातब्बा रक्खितब्बाति फासु प-कारस्स फ-कारं कत्वा, फुसितब्बाति वा फासु, सायेव फासुका । अज्झगाति च “अज्जतनियमात्तमिं वा अं वा”ति वदन्ति । यदि पन चित्तमेव कत्ता, तदा परोक्खायेव । अन्तो जप्पनवसेन किर भग्वा “अनेकजातिसंसार”न्ति गाथाद्वयमाह, तस्मा एसा मनसा पवत्तितधम्मानमादि । “यदा हवे पातुभवन्ति धम्मा”ति अयं पन वाचाय पवत्तितधम्मानन्ति वदन्ति ।

केचीति खन्धकभाणका । पठमं वुत्तो पन धम्मपदभाणकानं वादो । यदा...पे०... धम्माति एत्थ निदस्सन्त्थो, आद्यत्थो च इति-सद्दो लुत्तनिद्धिट्ठो । निदस्सनेन हि मरियादवचनेन विना पदत्थविपल्लासकारिनाव अत्थो परिपुण्णो न होति । तत्थ आद्यत्थमेव इति-सद्दं गहेत्वा इति-सद्दो आदिअत्थो, “तेन आतापिनो...पे०... सहेतुधम्म”न्तिआदिगाथात्तयं सङ्गणहाती”ति (सारत्थ टी० पठममहासङ्गीतिकथावण्णना) आचरियसारिपुत्तत्थेरेन वुत्तं । खन्धकेति महावग्गे । उदानगाथन्ति जातिया एकवचनं, तत्थापि वा पठमगाथमेव गहेत्वा वुत्तन्ति वेदितब्बं ।

एत्थ च खन्धकभाणका एवं वदन्ति “धम्मपदभाणकानं गाथा मनसाव देसितत्ता तदा महतो जनस्स उपकाराय नाहोसि, अम्हाकं पन गाथा वचीभेदं कत्वा देसितत्ता तदा सुणन्तानं देवब्रह्मानं उपकाराय अहोसि, तस्मा इदमेव पठमबुद्धवचन”न्ति । धम्मपदभाणका पन “देसनाय जनस्स उपकारानुपकारभावो पठमभावे लक्खणं न होति, भगवता मनसा पठमं देसितत्ता इदमेव पठमबुद्धवचन”न्ति वदन्ति । तस्मा उभयम्पि उभयथा युज्जतीति वेदितब्बं । ननु च यदि “अनेकजातिसंसार”न्ति गाथा मनसाव देसिता, अथ कस्मा धम्मपदद्वकथायं “अनेकजातिसंसार”न्ति इमं धम्मदेसनं सत्था बोधिरुक्खमूले निसिन्नो उदानवसेन उदानेत्वा अपरभागे आनन्दत्थेरेन पुट्ठो कथेसी”ति (ध० प० अट्ठ० २.१५२ उदानवत्थु) वुत्तन्ति ? अत्थवसेन तथायेव गहेतब्बत्ता । तत्थापि हि मनसा उदानेत्वाति अत्थोयेव गहेतब्बो । देसना विय हि उदानम्पि मनसा उदानं, वचसा उदानन्ति द्विधा विज्जायति । यदि चायं वचसा उदानं सिया, उदानपाळियमारुळ्हा

भवेय्य, तस्मा उदानपाळियमनारुहभावायेव वचसा अनुदानेत्वा मनसा उदानभावे कारणन्ति दट्ठब्बं। “पाटिपददिवसे”ति इदं “सब्बञ्जुभावप्पत्तस्सा”ति एतेन न सम्बज्झितब्बं, “पच्चवेक्खन्तस्स उप्पन्ना”ति एतेन पन सम्बज्झितब्बं। विसाखपुण्णमायमेव हि भगवा पच्चूससमये सब्बञ्जुतं पत्तो। लोकियसमये पन एवम्पि सम्बज्झनं भवति, तथापि नेस सासनसमयोति न गहेतब्बं। सोमनस्समेव **सोमनस्समयं** यथा “दानमयं, सीलमयं”न्ति, (दी० नि० ३.३०५; इतिवु० ६०; नेति० ३४) तंसम्पयुत्तजाणेनाति अत्थो। सोमनस्सेन वा सहजातादिसत्तिया पकतं, तादिसेन जाणेनातिपि वट्ठति।

हन्दाति चोदनत्थे निपातो। इच्च सम्पादेथाति हि चोदेति। **आमन्तयामी**ति पटिवेदयामि, बोधेमीति अत्थो। **बो**ति पन “आमन्तयामी”ति एतस्स कम्मपदं। “आमन्तनत्थे दुतियायेव, न चतुत्थी”ति हि वत्वा तमेवुदाहरन्ति अक्खरचित्ताका। **वयधम्मा**ति अनिच्चलक्खणमुखेन सङ्घारानं दुक्खानत्तलक्खणम्पि विभावेति “यदनिच्चं, तं दुक्खं। यं दुक्खं, तदनत्ता”ति (सं० नि० २.२.१५, ४५, ७६, ७७; २.३.१, ४; पटि० म० २.१०) वचनतो। लक्खणत्तयविभावनयेनेव च तदारम्मणं विपस्सनं दस्सेन्तो सब्बतिथियानं अविशयभूतं बुद्धावेणिकं चतुसच्चकम्मट्टानाधिट्टानं अविपरीतं निब्बानगामिनिपटिपदं पकासेतीति दट्ठब्बं। इदानि तत्थ सम्मापटिपत्तियं नियोजेति “अप्पमादेन सम्पादेथा”ति, ताय चतुसच्चकम्मट्टानाधिट्टानाय अविपरीतनिब्बानगामिनिपटिपदाय अप्पमादेन सम्पादेथाति अत्थो। अपिच “**वयधम्मा सङ्घारा**”ति एतेन सङ्घेपेन संवेजेत्वा “**अप्पमादेन सम्पादेथा**”ति सङ्घेपेनेव निरवसेसं सम्मापटिपत्तिं दस्सेति। अप्पमादपदज्झि सिक्खत्तयसङ्गहितं केवलपरिपुण्णं सासनं परियादियित्वा तिट्ठति, सिक्खत्तयसङ्गहिताय केवलपरिपुण्णाय सासनसङ्घाताय सम्मापटिपत्तिया अप्पमादेन सम्पादेथाति अत्थो। **उभिन्नमन्तरे**ति द्विन्नं वचनानमन्तराले वेमज्झे। एत्थ हि कालवत्ता कालोपि निदस्सितो तदविनाभावित्ताति वेदितब्बो।

सुत्तन्तपिटकन्ति एत्थ सुत्तमेव सुत्तन्तं यथा “कम्मन्तं, वनन्त”न्ति। **सङ्गीतञ्च असङ्गीतञ्चा**ति सब्बसरूपमाह। “**असङ्गीतन्ति** च सङ्गीतिकखन्धककथावत्थुप्पकरणादि। केचि पन ‘सुभसुत्तं (दी० नि० १.४४४) पठमसङ्गीतियमसङ्गीत’न्ति वदन्ति, तं न युज्जति। पठमसङ्गीतितो पुरेतरमेव हि आयस्मता आनन्दत्थेरेन जेतवने विहरन्तेन सुभस्स माणवस्स भासित”न्ति (दी० नि० टी० पठममहासङ्गीतिकथावण्णना) **आचरियधम्मपालत्थेरेन** वुत्तं। सुभसुत्तं पन “एवं मे सुत्तं एकं समयं आयस्मा आनन्दो सावत्थियं विहरति जेतवने

अनाथपिण्डिकस्स आरामे अचिरपरिनिब्बुते भगवती'तिआदिना (दी० नि० १.४४४) आगतं। तत्थ “एवं मे सुत”न्तिआदिवचनं पठमसङ्गीतियं आयस्मता आनन्दत्थेरेनेव वत्तुं युत्तरूपं न होति। न हि आनन्दत्थेरो सयमेव सुभसुत्तं देसेत्वा “एवं मे सुत”न्तिआदीनि वदति। एवं पन वत्तब्बं सिया “एकमिदाहं भन्ते समयं सावत्थियं विहरामि जेतवने अनाथपिण्डिकस्स आरामे”तिआदि। तस्मा दुतियततियसङ्गीतिकारकेहि “एवं मे सुत”न्तिआदिना सुभसुत्तं सङ्गीतिमारोपितं विय दिस्सति। अथाचरियधम्मपालत्थेरस्स एवमधिप्पायो सिया “आनन्दत्थेरेनेव वुत्तम्पि सुभसुत्तं पठमसङ्गीतिमारोपेत्वा तन्तिं ठपेतुकामेहि महाकस्सपत्थेरादीहि अज्जेसु सुत्तेसु आगतनयेनेव ‘एवं मे सुत’न्तिआदिना तन्तिं ठपिता’ति। एवं सति युज्जेय्य। अथ वा आयस्मा आनन्दो सुभसुत्तं सयं देसेन्तोपि सामज्जफलादीसु भगवता देसितनयेनेव देसेसीति भगवतो सम्मुखा लद्धनये ठत्वा देसितत्ता भगवता देसितं धम्मं अत्तनि अदहन्तो “एवं मे सुत”न्तिआदिमाहाति एवमधिप्पायेपि सति युज्जतेव। “अनुसङ्गीतज्वा”तिपि पाठो। दुतियततियसङ्गीतीसु पुन सङ्गीतज्वाति अत्थवसेन निन्नानाकरणमेव। समोधानेत्वा विनयपिटकं नाम वेदितब्बं, सुत्त...पे०... अभिधम्मपिटकं नाम वेदितब्बन्ति योजना।

भिक्षुभिक्षुनीपातिमोक्खवसेन उभयानि पातिमोक्खानि। भिक्षुभिक्षुनीविभङ्गवसेन द्वे विभङ्गा। महावग्गचूलवग्गेसु आगता द्वावीसति खन्धका। पच्चेकं सोळसहि वारेहि उपलक्खितत्ता सोळस परिवाराति वुत्तं। परिवारपाळियज्झि महाविभङ्गे सोळस वारा, भिक्षुनीविभङ्गे सोळस वारा चाति बात्तिंस वारा आगता। पोत्थकेसु पन कत्थचि “परिवारा”ति एत्तकमेव दिस्सति, बहूसु पन पोत्थकेसु विनयङ्कथायं, अभिधम्मङ्कथायज्ज “सोळस परिवारा”ति एवमेव दिस्समानत्ता अयम्पि पाठो न सक्का पटिबाहितुन्ति तस्सेवत्थो वुत्तो। “इती”ति यथावुत्तं बुद्धवचनं निदस्सेत्वा “इद”न्ति तं परामसति। इति-सद्दो वा इदमत्थे, इदन्ति वचनसिलिङ्गतामत्तं, इति इदन्ति वा परियायद्वयं इदमत्थेयेव वत्तति “इदानेतरहि विज्जती”तिआदीसु विय। एस नयो ईदिसेसु। ब्रह्मजालादीनि चतुत्तिंस सुत्तानि सङ्गहन्ति एत्थ, एतेन वा, तेसं वा सङ्गहो गणना एतस्साति ब्रह्मजालादिचतुत्तिंससुत्तसङ्गहो। एवमितरेसुपि। हेद्वा वुत्तेसु दीघभाणकमज्झिमभाणकानं वादेसु मज्झिमभाणकानज्जेव वादस्स युत्तरत्ता खुद्दकपाठादयोपि सुत्तन्तपिटकेयेव सङ्गहेत्वा दस्सेन्तो “खुद्दक...पे०... सुत्तन्तपिटकं नामा”ति आह। तत्थ “सुणाथ भावितत्तानं, गाथा अत्थूपनायिकाति (थेर० गा० निदानगाथा) वुत्तत्ता “थेरगाथा थेरीगाथा”ति च पाठो युत्तो।

एवं सरूपतो पिटकत्तयं नियमेत्वा इदानीं निब्बचनं दस्सेतुं “तत्था”तिआदि वुत्तं । तत्थाति तेषु तिब्बिधेषु पिटकेसु । **विविधविसेसनयत्ता**ति विविधनयत्ता, विसेसनयत्ता च । **विनयनतो**ति विनयनभावतो, भावप्पधाननिद्वेसोयं, भावलोपो वा, इतरथा दब्बमेव पधानं सिया, तथा च सति विनयनतागुणसमङ्गिना विनयदब्बेनेव हेतुभूतेन विनयोति अक्खातो, न पन विनयनतागुणेनाति अनधिप्पेतत्थप्पसङ्को भवेय्य । अयं नयो एदिसेसु । विनीयते वा **विनयनं**, ततोति अत्थो । अयं **विनयो**ति अत्थपञ्जत्तिभूतो सज्जीसङ्घातो अयं तन्ति विनयो । **विनयो**ति **अक्खातो**ति सद्दपञ्जत्तिभूतो सज्जासङ्घातो विनयो नामाति कथितो । अत्थपञ्जत्तिया हि नामपञ्जत्तिविभावनं निब्बचनन्ति ।

इदानीं इमिस्सा गाथाय अत्थं विभावेन्तो आह “**विविधा ही**”तिआदि । “विविधा एत्थ नया, तस्मा विविधनयत्ता विनयोति अक्खातो”तिआदिना योजेतब्बं । विविधत्तं सरूपतो दस्सेति “**पञ्चविधा**”तिआदिना, तथा विसेसत्तम्पि “**दळ्हीकम्मा**”तिआदिना । लोकवज्जेसु सिक्खापदेसु **दळ्हीकम्मपयोजना**, पण्णत्तिवज्जेसु **सिथिलकरणपयोजना** । सज्जमवेलं अभिभवित्वा पवत्तो आचारो **अज्झाचारो**, वीतिक्कमो, काये, वाचाय च पवत्तो सो, तस्स निसेधनं तथा, तेन तथानिसेधनमेव परियायेन कायवाचाविनयनं नामाति दस्सेति । “**तस्मा**”ति वत्वा तस्सानेकधा परामसनमाह “**विविधनयत्ता**”तिआदि । यथावुत्ता च गाथा ईदिसस्स निब्बचनस्स पकासनत्थं वुत्ताति दस्सेतुं “**तेना**”तिआदि वुत्तं । **तेना**ति विविधनयत्तादिहेतुना करणभूतेनाति वदन्ति । अपिच “विविधा ही”तिआदिवाक्यस्स यथावुत्तस्स गुणं दस्सेन्तो “**तेना**”तिआदिमाहातिपि सम्बन्धं वदन्ति । एवं सति **तेना**ति विविधनयत्तादिना हेतुभूतेनाति अत्थो । अथ वा यथावुत्तवचनमेव सन्धाय पोरणेहि अयं गाथा वुत्ताति संसन्देतुं “**तेना**”तिआदि वुत्तन्तिपि वदन्ति, दुतियनथे विय “**तेना**”ति पदस्स अत्थो । **एतन्ति** गाथावचनं । **एतस्सा**ति विनयसद्वस्स, “वचनत्था”ति पदेन सम्बन्धो । “वचनस्स अत्थो”ति हि सम्बन्धे वुत्तेपि तस्स वचनसामञ्जतो विसेसं दस्सेतुं “**एतस्सा**”ति पुन वुत्तं । नेरुत्तिका पन समासतद्धितेसु सिद्धेसु सामञ्जत्ता, नामसद्वत्ता च एदिसेसु सदन्तरेन विसेसितभावं इच्छन्ति ।

“अत्थान”न्ति पदं “सूचनतो...पे०... सुत्ताणा”ति पदेहि यथारहं कम्मसम्बन्धवसेन योजेतब्बं । तमत्थं विवरति “**तज्जी**”तिआदिना । **अत्तत्थपरत्थादिभेदे** अत्थेति यो तं सुत्तं सज्झायति, सुणाति, वाचेति, चिन्तेति, देसेति च, सुत्तेन सङ्गहितो सीलादिअत्थो तस्सपि होति, तेन परस्स साधेतब्बतो परस्सपीति तदुभयं तं सुत्तं सूचेति दीपेति, तथा

दिद्वधम्मिकसम्परायिकत्थे लोकियलोकुत्तरत्थे चाति एवमादिभेदे अत्थे आदि-सद्देन सङ्गण्हाति । अत्थसद्दो चायं हितपरियायो, न भासितत्थवचनो । यदि सिया, सुत्तं अत्तनोपि भासितत्थं सूचेति, परस्सपीति अयमनधिप्पेतत्थो वुत्तो सिया । सुत्तेन हि यो अत्थो पकासितो, सो तस्सेव पकासकस्स सुत्तस्स होति, तस्मा न तेन परत्थो सूचितो, तेन सूचेतब्बस्स परत्थस्स निवत्तेतब्बस्स अभावा अत्तत्थग्गहणञ्च न कत्तब्बं । अत्तत्थपरत्थविनिमुत्तस्स भासितत्थस्स अभावा आदिग्गहणञ्च न कत्तब्बं, तस्मा यथावुत्तस्स हितपरियायस्स अत्थस्स सुत्ते असम्भवतो सुत्ताधारस्स पुगलस्स वसेन अत्तत्थपरत्था वुत्ता ।

अथ वा सुत्तं अनपेक्खित्वा ये अत्तत्थादयो अत्थप्पभेदा “न ह’ञ्जदत्थ’त्थि पसंसलाभा”ति एतस्स पदस्स निद्देसे (पहा० नि० ६३) वुत्ता “अत्तत्थो, परत्थो, उभयत्थो, दिद्वधम्मिको अत्थो, सम्परायिको अत्थो, उत्तानो अत्थो, गम्भीरो अत्थो, गूळ्हो अत्थो, पटिच्छन्नो अत्थो, नेय्यो अत्थो, नीतो अत्थो, अनवज्जो अत्थो, निक्किलेसो अत्थो, वोदानो अत्थो, परमत्थो”ति, (महा० नि० ६३) ते अत्थप्पभेदे सूचेतीति अत्थो गहेतब्बो । किञ्चापि हि सुत्तनिरपेक्खं अत्तत्थादयो वुत्ता सुत्तत्थभावेन अनिदिद्वत्ता, तेसु पन एकोपि अत्थप्पभेदो सुत्तेन दीपेतब्बतं नातिवत्ततीति । इमस्मिञ्च अत्थविकप्पे अत्थसद्दो भासितत्थपरियायोपि होति । एत्थ हि पुरिमका पञ्च अत्थप्पभेदा हितपरियाया, ततो परे छ भासितत्थप्पभेदा, पच्छिमका चत्तारो उभयसभावा । तत्थ सुविज्जेय्यताय विभावेन अनगाधभावो उत्तानो । दुरधिगमताय विभावेन अगाधभावो गम्भीरो । अविवटो गूळ्हो । मूलुदकादयो विय पंसुना अक्खरसन्निवेसादिना तिरोहितो पटिच्छन्नो । निद्धारेत्वा आपेतब्बो नेय्यो । यथारुतवसेन वेदितब्बो नीतो । अनवज्जनिक्किलेसवोदाना परियायवसेन वुत्ता, कुसलविपाककिरियाधम्मवसेन वा यथाक्कमं योजेतब्बा । परमत्थो निब्बानं, धम्मनं अविपरीतसभावो एव वा ।

अथ वा “अत्तना च अप्पिच्छो होती”ति अत्तत्थं, “अप्पिच्छकथञ्च परेसं कत्ता होती”ति परत्थं सूचेति । एवं “अत्तना च पाणातिपाता पटिविरतो होति, परञ्च पाणातिपाता वेरमणिया समादपेती”ति आदिसुत्तानि (अ० नि० १.४.९९, २६५) योजेतब्बानि । अपरे पन “यथासभावं भासितं अत्तत्थं, पूरणकस्सपादीनमज्जतित्थियानं समयभूतं परत्थं सूचेति, सुत्तेन वा सङ्गहितं अत्तत्थं, सुत्तानुलोमभूतं परत्थं, सुत्तन्तनयभूतं वा अत्तत्थं, विनयाभिधम्मनयभूतं परत्थं सूचेती”तिपि वदन्ति । विनयाभिधम्मोहि च विसेसेत्वा सुत्तसद्दस्स अत्थो वत्तब्बो, तस्मा वेनेय्यज्झासयवसप्पवत्ताय देसनाय सातिसयं

अत्तहितपरहितादीनि पकासितानि होन्ति तप्पधानभावतो, न पन आणाधम्मसभाव-
वसप्पवत्तायाति इदमेव “अत्थानं सूचनतो सुत्त”न्ति वुत्तं। सूच-सद्वस्स चेत्य रस्सो।
“एवञ्च कत्वा ‘एत्तकं तस्स भगवतो सुत्तागतं सुत्तपरियापन्न’न्ति (पाचि० ६५५,
१२४२) च सकवादे पञ्च सुत्तसतानी”ति (अट्ठ० सा० निदानकथा, कथा० व० अट्ठ०
निदानकथा) च एवमादीसु सुत्तसद्वो उपचरितोति गहेत्तब्बो”ति (सारत्थ टी०
पठममहासङ्गीतिकथावण्णना) **आचरियसारिपुत्तत्थेरेन** वुत्तं। अञ्जे पन यथावुत्तसदिसेनेव
निब्बचनेन सुत्तसद्वस्स विनयाभिधम्मानम्पि वाचकत्तं वदन्ति।

सुत्ते च आणाधम्मसभावो वेनेय्यज्झासयमनुवत्तति, न विनयाभिधम्मेसु विय
वेनेय्यज्झासयो आणाधम्मसभावे, तस्मा वेनेय्यानं एकन्तहितपटिलाभसंवत्तनिका
सुत्तन्तदेसनाति आह **“सुवुत्ता चेत्य अत्था”**तिआदि। **“एकन्तहितपटिलाभसंवत्तनिका
सुत्तन्तदेसना”**ति इदम्पि वेनेय्यानं हितसम्पादने सुत्तन्तदेसनाय तप्परभावमेव सन्धाय वुत्तं।
तप्परभावो च वेनेय्यज्झासयानुलोमतो दट्ठब्बो। तेनेवाह **“वेनेय्यज्झासयानुलोमेन वुत्तता”**ति।
एतेन च हेतुना ननु विनयाभिधम्मापि सुवुत्ता, अथ कस्मा इदमेव एवं वुत्तन्ति अनुयोगं
परिहरति।

अनुपुब्बसिक्खादिवसेन कालन्तरेन अत्थाभिनिष्फत्तिं दस्सेतुं **“सस्समिव फल”**न्ति
वुत्तं। इदं वुत्तं होति – यथा सस्सं नाम वपनरोपनादिक्खणेयेव फलं न पसवति,
अनुपुब्बजग्गनादिवसेन कालन्तरेनेव पसवति, तथा इदम्पि सवनधारणादिक्खणेयेव अत्थे न
पसवति, अनुपुब्बसिक्खादिवसेन कालन्तरेनेव पसवतीति। **पसवतीति** च फलति,
अभिनिष्फादेतीति अत्थो। अभिनिष्फादनमेव हि फलनं। उपायसमङ्गीनञ्जेव
अत्थाभिनिष्फत्तिं दस्सेन्तो **“धेनु विय खीर”**न्ति आह। अयमेत्थ अधिप्पायो – यथा धेनु
नाम काले जातवच्छा थनं गहेत्वा दुहतं उपायवन्तानमेव खीरं पग्घरापेति, न अकाले
अजातवच्छा। कालेपि वा विसाणादिकं गहेत्वा दुहतं अनुपायवन्तानं, तथा इदम्पि
निस्सरणादिना सवनधारणादीनि कुरुतं उपायवन्तानमेव सीलादिअत्थे पग्घरापेति, न
अलगद्वूपमाय सवनधारणादीनि कुरुतं अनुपायवन्तानन्ति। यदिपि **“सूदती”**ति एतस्स
घरति सिञ्चतीति अत्थो, तथापि सकम्मिकधातुत्ता **पग्घरापेतीति** कारितवसेन अत्थो वुत्तो
यथा **“तरती”**ति एतस्स निपातेतीति अत्थो”ति। **“सुत्ताणा”**ति एतस्स अत्थमाह **“सुदु च
ने तायती”**ति। नेति अत्थे।

सुत्तसभागन्ति सुत्तसदिसं । तब्भावं दस्सेति “यथा ही”तिआदिना । तच्छकानं सुत्तन्ति वड्ढकीनं काळसुत्तं । पमाणं होति तदनुसारेण तच्छनतो । इदं वुत्तं होति – यथा काळसुत्तं पसारेत्वा सज्जाणे कते गहेतब्बं, विस्सज्जेतब्बञ्च पज्जायति, तस्मा तं तच्छकानं पमाणं होति, एवं विवादेसु उप्पन्नेसु सुत्ते आनीतमत्ते “इदं गहेतब्बं, इदं विस्सज्जेतब्ब”न्ति पाकटत्ता विवादो वूपसम्मति, तस्मा एतं विज्जूनं पमाणन्ति । इदानीं अज्जथापि सुत्तसभागतं विभावेन्तो “यथा चा”तिआदिमाह । सुत्तेनाति पुप्फावुत्तेन येन केनचि थिरसुत्तेन । सङ्गहितानीति सुद्ध, समं वा गहितानि, आवुतानीति अत्थो । न विकिरियन्तीति इतो चितो च विप्पकिण्णाभावमाह, न विद्धंसीयन्तीति छेज्जभेज्जाभावं । अयमेत्थाधिप्पायो – यथा थिरसुत्तेन सङ्गहितानि पुप्फानि वातेन न विकिरियन्ति न विद्धंसीयन्ति, एवं सुत्तेन सङ्गहिता अत्था मिच्छावादेन न विकिरियन्ति न विद्धंसीयन्तीति । वेनेय्यज्झासयवसप्पवत्ताय च देसनाय अत्तत्थपरत्थादीनं सातिसयप्पकासनतो आणाधम्मसभावेहि विनयाभिधम्मेहि विसेसेत्वा इमस्सेव सुत्तसभागता वुत्ता । “तेना”तिआदीसु वुत्तनयानुसारेण सम्बन्धो चेव अत्थो च यथारहं वत्तब्बो । एत्थ च “सुत्तन्तपिटक”न्ति हेट्ठा वुत्तेपि अन्तसद्दस्स अवचनं तस्स विसुं अत्थाभावदस्सनत्थं तब्भाववुत्तितो । सहयोगस्स हि सद्दस्स अवचनेन सेसता तस्स तुल्याधिकरणतं, अनत्थकतं वा आपेति ।

यन्ति एस निपातो कारणे, येनाति अत्थो । एत्थ अभिधम्मे वुड्ढिमन्तो धम्मा येन वुत्ता, तेन अभिधम्मो नाम अक्खातोति पच्चेकं योजेतब्बं । अभि-सद्दस्स अत्थवसेनायं पभेदोति तस्स तदत्थप्पवत्ततादस्सनेन तमत्थं साधेन्तो “अयज्ही”तिआदिमाह । अभि-सद्दो कमनकिरियाय वुड्ढिभावसङ्घातमतिरेकत्थं दीपेतीति वुत्तं “अभिक्कमन्तीतिआदीसु वुड्ढियं आगतो”ति । अभिज्जाताति अट्ठचन्दादिना केनचि सज्जाणेन जाता, पज्जाता पाकटाति वुत्तं होति । अट्ठचन्दादिभावो हि रत्तिया उपलक्खणवसेन पज्जाणं होति “यस्मा अट्ठो, तस्मा अट्ठमी । यस्मा ऊनो, तस्मा चातुहसी । यस्मा पुण्णो, तस्मा पन्नरसी”ति । अभिलक्खिताति एत्थापि अयमेवत्थो वेदितब्बो, इदं पन मूलपण्णासके भयभेवसुत्ते (म० नि० १.३४) अभिलक्खितसद्दपरियायो अभिज्जातसद्दोति आह “अभिज्जाता अभिलक्खितातिआदीसु लक्खणे”ति । यज्जेवं लक्खितसद्दस्सेव लक्खणत्थदीपनतो अभि-सद्दो अनत्थकोव सियाति ? नेवं दट्ठब्बं तस्सापि तदत्थजोतनतो । वाचकसद्दसन्निधाने हि उपसगगनिपाता तदत्थजोतकमत्ताति लक्खितसद्देन वाचकभावेन पकासितस्स लक्खणत्थस्सेव जोतकभावेन पकासनतो अभि-सद्दोपि लक्खणे पवत्ततीति वुत्तोति दट्ठब्बं । राजाभिराजाति

परेहि राजूहि पूजितुमरहो राजा । पूजितेति पूजारहे । इदं पन सुत्तनिपाते सेलसुत्ते (सु० नि० ५५३ आदयो) ।

अभिधम्मोति “सुपिनन्तेन सुक्कविसट्ठिया अनापत्तिभावेपि अकुसलचेतना उपलब्धती”तिआदिना (सारथ टी० पठममहासङ्गीतिकथावण्णना) विनयपञ्जत्तिया सङ्करविरहिते धम्मो । पुब्बापरविरोधाभावेन यथावुत्तधम्मानमेव अञ्जमञ्जसङ्करविरहतो अञ्जमञ्जसङ्करविरहिते धम्मोतिपि वदन्ति । “पाणातिपातो अकुसल”न्ति (म० नि० २.१९२) एवमादीसु वा मरणाधिप्पायस्स जीवितिन्द्रियुपच्छेदकपयोगसमुद्वापिका चेतना अकुसलो, न पाणसङ्घातजीवितिन्द्रियस्स उपच्छेदसङ्घातो अतिपातो । तथा “अदिन्नस्स परसन्तकस्स आदानसङ्घाता विज्जन्ति अब्बाकतो धम्मो, तंविज्जत्तिसमुद्वापिका थेय्यचेतना अकुसलो धम्मो”ति एवमादिनापि अञ्जमञ्जसङ्करविरहिते धम्मोति अत्थो वेदितब्बो । **अभिविनये**ति एत्थ पन “जातरूपरजतं न पटिग्गहेतब्ब”न्ति वदन्तो विनये विनेति नाम । एत्थ च “एवं पटिग्गहन्तो पाचित्तियं, एवं पन दुक्कट”न्ति वदन्तो अभिविनये विनेति नामाति वदन्ति । तस्मा जातरूपरजतं परसन्तकं थेय्यचित्तेन गणहन्तस्स यथावत्थुं पाराजिकथुल्लच्चयदुक्कटेसु अञ्जतरं, भण्डागारिकसीसेन गणहन्तस्स पाचित्तियं, अत्तनो अत्थाय गणहन्तस्स निस्सग्गियं पाचित्तियं, केवलं लोलताय गणहन्तस्स अनामासदुक्कटं, रूपियछड्डुकसम्मत्तस्स अनापत्तीति एवं अञ्जमञ्जसङ्करविरहिते विनयेपि पटिबलो विनेतुन्ति अत्थो दट्ठब्बो । एवं पन परिच्छिन्नतं सरूपतो सङ्केपेनेव दस्सेन्तो “अञ्जमञ्ज...पे०... होती”ति आह ।

अभिवक्कन्तेनाति एत्थ कन्तिया अधिकत्तं अभि-सद्दो दीपेतीति वुत्तं “अधिके”ति । ननु च “अभिवक्कमन्ती”ति एत्थ अभि-सद्दो कमनकिरियाय वुद्धिभावं अतिरेकत्तं दीपेति, “अभिज्जाता अभिलक्खिता”ति एत्थ जाणलक्खणकिरियानं सुपाकटत्तं विसेसं, “अभिवक्कन्तेना”ति एत्थ कन्तिया अधिकत्तं विसिद्धिभावं दीपेतीति इदं ताव युत्तं किरियाविसेसकत्ता उपसग्गस्स । “पादयो किरियायोगे उपसग्गा”ति हि सहसत्थे वुत्तं । “अभिराजा, अभिविनये”ति पन पूजितपरिच्छिन्नेसु राजविनयेसु अभि-सद्दो वत्ततीति कथमेतं युज्जेय्य । न हि असत्ववाची सद्दो सत्ववाचको सम्भवतीति ? नत्थि अत्र दोसो पूजनपरिच्छेदनकिरियानम्पि दीपनतो, ताहि च किरियाहि युत्तेसु राजविनयेसुपि पवत्तता । अभिपूजितो राजाति हि अत्थेन किरियाकारकसम्बन्धं निमित्तं कत्वा कम्मसाधनभूतं राजदब्बं अभि-सद्दो पधानतो वदति, पूजनकिरियं पन अप्पधानतो । तथा अभिपरिच्छिन्नो

विनयोति अत्थेन किरियाकारकसम्बन्धं निमित्तं कत्वा कम्मसाधनभूतं विनयदब्बं अभि-सद्दो पधानतो वदति, परिच्छिन्दनकिरियं पन अप्पधानतो । तस्मा अतिमालादीसु अति-सद्दो विय अभि-सद्दो एत्थ सह साधनेन किरियं वदतीति अभिराजअभिविनयसद्दा सोपसग्गाव सिद्धा । एवं अभिधम्मसद्देपि अभिसद्दो सह साधनेन बुद्धियादिकिरियं वदतीति अयमत्थो दस्सितोति वेदितब्बं ।

हेतु अभि-सद्दो यथावुत्तेसु अत्थेसु, तप्पयोगेन पन धम्मसद्देन दीपिता बुद्धिमन्तादयो धम्मा एत्थ वुत्ता न भवेय्युं, कथं अयमत्थो युज्जेय्याति अनुयोगे सति तं परिहरन्तो “एत्थ चा”तिआदिमाह । तत्थ एत्थाति एतस्मिं अभिधम्मे । उपन्यासे च-सद्दो । भावेतीति चित्तस्स वट्ठनं वुत्तं, फरित्वाति आरम्मणस्स वट्ठनं, तस्मा ताहि भावनाफरणवुट्ठीहि बुद्धिमन्तोपि धम्मा वुत्ताति अत्थो । आरम्मणादीहीति आरम्मणसम्पयुत्तकम्मद्वारपटिपदादीहि । एकन्ततो लोकुत्तरधम्मानज्जेव पूजारहत्ता “सेक्खा धम्मा”तिआदिना तेयेव पूजिताति दस्सिता । “पूजारहा”ति एतेन कत्तादिसाधनं, अतीतादिकालं, सक्कुणेय्यत्थं वा निवत्तेति । पूजितब्बायेव हि धम्मा कालविसेसनियमरहिता पूजारहा एत्थ वुत्ताति अधिप्पायो दस्सितो । सभावपरिच्छिन्नत्ताति फुसनादिसभावेन परिच्छिन्नत्ता । कामावचरेहि महन्तभावतो महग्गता धम्मा अधिका, ततोपि उत्तरविरहतो अनुत्तरा धम्माति दस्सेति “महग्गता”तिआदिना । तेनाति “बुद्धिमन्तो”तिआदिना वचनेन करणभूतेन, हेतुभूतेन वा ।

यं पनेत्थाति एतेसु विनयादीसु तीसु अज्जमज्जविसिद्धेसु यं अविसिद्धं समानं, तं पिटकन्ति अत्थो । विनयादयो हि तयो सद्दा अज्जमज्जासाधारणत्ता विसिद्धा नाम, पिटकसद्दो पन तेहि तीहिपि साधारणत्ता “अविसिद्धो”ति वुच्चति । परियत्तिभाजनत्थतोति परियापुणितब्बत्थपटिठानत्थेहि करणभूतेहि, विसेसनभूतेहि वा । अपिच परियत्तिभाजनत्थतो परियत्तिभाजनत्थन्ति आहूति अत्थो दट्ठब्बो । पच्चत्तत्थे हि तो-सद्दो इति-सद्देन निद्विसितब्बत्ता । इतिना निद्विसितब्बे हि तो- सद्दमिच्छन्ति नेरुत्तिका यथा “अनिच्चतो दुक्खतो अनत्ततो विपस्सन्ती”ति (पट्ठ० १.१.४०६, ४०८, ४११) एतेन परियापुणितब्बतो, तंतदत्थानं भाजनतो च पिटकं नामाति दस्सेति । अनिप्फन्नपाटिपदिकपदज्जेतं । सद्दविदू पन “पिट सद्दसद्दाटेसू”ति वत्वा इध वुत्तमेव पयोगमुदाहरन्ति, तस्मा तेसं मतेन पिटीयति सद्दीयति परियापुणीयतीति पिटकं, पिटीयति वा सद्दाटीयति तंतदत्थो एत्थाति पिटकन्ति निब्बचनं कातब्बं । “तेना”तिआदिना समासं दस्सेति ।

मा **पिटकसम्पदानेनाति** कालामसुत्ते, (अ० नि० १.३.६६) साळ्हसुत्ते (अ० नि० १.३.६७) च आगतं पाळिमाह । तदङ्कथायञ्च “अम्हाकं पिटकतन्तिया सद्धिं समेतीति मा गण्हित्था”ति (अ० नि० अङ्क २.३.६६) अत्थो वुत्तो । **आचरियसारिपुत्तत्थेन** पन “पाळिसम्पदानवसेन मा गण्हित्था”ति (सारथ टी० पठममहासङ्गीतिकथावण्णना) वुत्तं । **कुदालपिटकमादायाति** कुदालञ्च पिटकञ्च आदाय । **कु** वुच्चति पथवी, तस्सा दालनतो विदालनतो अयोमयउपकरणविसेसो **कुदालं** नाम । तेसं तेसं वत्थूनं भाजनभावतो तालपण्णवेत्तलतादीहि कतो भाजनविसेसो **पिटकं** नाम । इदं पन मूलपण्णासके **ककचूपमसुत्ते** (म० नि० १.२२७) ।

“तेन...पे०... जेय्या”ति गाथापदं उल्लिङ्गत्वा “**तेना**”तिआदिना विवरति । सब्बादीहि सब्बनामेहि वुत्तस्स वा लिङ्गमादियते, वुच्चमानस्स वा, इध पन वत्तिच्छाय वुत्तस्सेवाति कत्वा “**विनयो च सो पिटकञ्चा**”ति वुत्तं । “**यथावुत्तेनेव नयेना**”ति इमिना “एवं दुविधत्थेन...पे०... कत्वा”ति च “परियत्तिभावतो, तस्स तस्स अत्थस्स भाजनतो चा”ति च वुत्तं सब्बमतिदिसति । **तयोपीति** एत्थ अपिसद्दो, **पि**-सद्दो वा अवयवसम्पिण्डनत्थो । “अपी”ति अवत्वा “पी”ति वदन्तो हि अपि-सद्दो विय पि-सद्दोपि विसुं निपातो अत्थीति दस्सेति ।

कथेतब्बानं अत्थानं देसकायत्तेन आणादिविधिना अतिसज्जनं पबोधनं **देसना** । सासितब्बपुग्गलगतेन यथापराधादिसासितब्बभावेन अनुसासनं विनयनं **सासनं** । कथेतब्बस्स संवरासंवरादिनो अत्थस्स कथनं वचनपटिबद्धताकरणं **कथा**, इदं वुत्तं होति – देसितारं भगवन्तमपेक्खित्वा **देसना**, सासितब्बपुग्गलवसेन **सासनं**, कथेतब्बस्स अत्थस्स वसेन **कथा**ति एवमिमसं नानाकरणं वेदितब्बन्ति । एत्थ च किञ्चापि देसनादयो देसेतब्बादिनिरपेक्खा न होन्ति, आणादयो पन विसेसतो देसकादिअधीनाति तं तं विसेसयोगवसेन देसनादीनं भेदो वुत्तो । यथा हि आणाविधानं विसेसतो आणारहाधीनं तत्थ कोसल्लयोगतो, एवं वोहारपरमत्थविधानानि च विधायकाधीनानीति आणादिविधिना देसकायत्तता वुत्ता । अपराधज्झासयानुरूपं विय च धम्मानुरूपम्पि सासनं विसेसतो, तथा विनेतब्बपुग्गलपेक्खन्ति सासितब्बपुग्गलवसेन सासनं वुत्तं । संवरासंवरनामरूपानं विय च विनिब्बेटेत्तब्बाय दिट्ठिया कथनं सति वाचावत्थुस्मिं, नासतीति विसेसतो तदधीनं, तस्मा कथेतब्बस्स अत्थस्स वसेन कथा वुत्ता । होन्ति चेत्थ –

“देसकस्स वसेनेत्थ, देसना पिटकत्तयं ।
सासितब्बवसेनेतं, सासनन्ति पवुच्चति ।।

कथेतब्बस्स अत्थस्स, वसेनापि कथाति च ।
देसनासासनकथा-भेदम्पेवं पकासये”ति ।।

पदत्तयम्पेतं समोधानेत्वा तासं भेदोति कत्वा भेदसद्दो विसुं विसुं योजेतब्बो
द्वन्द्वपदतो परं सुय्यमानत्ता “देसनाभेदं, सासनभेदं, कथाभेदञ्च यथारहं परिदीपये”ति ।
भेदन्ति च नानत्तं, विसेसं वा । तेसु पिटकेसु । सिक्खा च पहानञ्च गम्भीरभावो च,
तञ्च यथारहं परिदीपये ।

दुतियगाथाय परियत्तिभेदं परियापुणनस्स पकारं, विसेसञ्च विभावये । यहिं
विनयादिके पिटके । यं सम्पत्तिं, विपत्तिञ्च यथा भिक्खु पापुणाति, तथा तम्पि सब्बं
तहिं विभावयेति सम्बन्धो । अथ वा यं परियत्तिभेदं सम्पत्तिं, विपत्तिञ्च यहिं यथा भिक्खु
पापुणाति, तथा तम्पि सब्बं तहिं विभावयेति योजेतब्बं । यथाति च येहि
उपारम्भादिहेतुपरियापुणनादिप्पकारेहि, उपारम्भनिस्सरणधम्मकोसरक्खणहेतुपरियापुणनं
सुप्पटिपत्तिदुप्पटिपत्तीति एतेहि पकारेहीति वुत्तं होति । सन्तेसुपि च अज्जेसु तथा
पापुणन्तेसु जेद्धसेट्ठासन्नसदासन्निहितभावतो, यथानुसिद्धं सम्पापटिपज्जनेन धम्माधिष्ठानभावतो
च भिक्खूति वुत्तं ।

तत्राति तासु गाथासु । अयन्ति अधुना वक्खमाना कथा । परिदीपनाति समन्ततो
पकासना, किञ्चिमतम्पि असेसेत्वा विभज्जनाति वुत्तं होति । विभावनाति एवं
परिदीपनायपि सति गूळ्हं पटिच्छन्नमकत्वा सोतूनं सुविज्जेय्यभावेन आविभावना । सङ्खेपेन
परिदीपना, विथारेन विभावनातिपि वदन्ति । अपिच एतं पदद्वयं हेट्ठा वुत्तानुरूपतो
कथितं, अत्थतो पन एकमेव । तस्मा परिदीपना पठमगाथाय, विभावना दुतियगाथायाति
योजेतब्बं । च-सद्देन उभयत्थं अज्जमज्जं समुच्चेति । कस्मा, वुच्चन्तीति आह “एत्थ
ही”तिआदि । हीति कारणे निपातो “अक्खरविपत्तियं ही”तिआदीसु विय । यस्मा,
कस्माति वा अत्थो । आपणं पणेतुं [ठपेतुं (सारत्थ टी० १.पठममहासङ्गीतिकथावण्णना)]
अरहतीति आणारहो, सम्पासम्बुद्धत्ता, महाकारुणिकताय च अविपरीतहितोपदेसकभावेन
पमाणवचनत्ता आणारहेन भगवताति अत्थो । वोहारपरमत्थधम्मनम्पि तत्थ सब्भावतो

“आणाबाहुल्लतो”ति वुत्तं, तेन येभुय्यनयं दस्सेति । इतो परेसुपि एसेव नयो । विसेसेन सत्तानं मनं अवहरतीति वोहारो, पज्जत्ति, तस्मिं कुसलो, तेन ।

पचुरो बहुलो अपराधो दोसो वीतिक्कमो येसं ते पचुरापराधा, सेय्यसकत्थेरादयो । यथापराधन्ति दोसानुरूपं । “अनेकज्झासया”तिआदीसु आसयोव अज्झासयो, सो अत्थतो दिट्ठि, जाणञ्च, पभेदतो पन चतुब्बिधो होति । वुत्तञ्च –

“सस्सतुच्छेददिट्ठी च, खन्ति चेवानुलोमिका ।
यथाभूतञ्च यं जाणं, एतं आसयसद्धित”न्ति ।।

तत्थ सब्बदिट्ठिनं सस्सतुच्छेददिट्ठीहि सङ्गहितत्ता सब्बेपि दिट्ठिगतिका सत्ता इमा एव द्वे दिट्ठियो सन्निस्सिता । यथाह “द्वयनिस्सितो खो पनायं कच्चान लोको येभुय्येन अत्थितञ्च नत्थितञ्चा”ति, (सं० नि० १.२.१५) अत्थिताति हि सस्सतग्गाहो अधिप्पेतो, नत्थिताति उच्छेदग्गाहो । अयं ताव वट्ठनिस्सितानं पुथुज्जनानं आसयो । विवट्ठनिस्सितानं पन सुद्धसत्तानं अनुलोमिका खन्ति, यथाभूतजाणन्ति दुविधो आसयो । तत्थ च अनुलोमिका खन्ति विपस्सनाजाणं । यथाभूतजाणं पन कम्मसकताजाणं । चतुब्बिधो पेसो आसयन्ति सत्ता एत्थ निवसन्ति, चित्तं वा आगम्म सेति एत्थाति आसयो मिगासयो विय । यथा मिगो गोचराय गन्त्वापि पच्चागन्त्वा तत्थेव वनगहने सयतीति तं तस्स “आसयो”ति वुच्चति, तथा चित्तं अज्जथापि पवत्तित्वा यत्थ पच्चागम्म सेति, तस्स सो “आसयो”ति । कामरागादयो सत्त अनुसया । मूसिकविसं विय कारणलाभे उप्पज्जमानाराहा अनागता, अतीता, पच्चुप्पन्ना च तंसभावत्ता तथा वुच्चन्ति । न हि धम्मानं कालभेदेन सभावभेदोति । चरियाति रागचरियादिका छ मूलचरिया, अन्तरभेदेन अनेकविधा, संसग्गवसेन पन तेसद्धि होन्ति । अथ वा चरियाति सुचरितदुच्चरितवसेन दुविधं चरितं । तज्झि विभङ्गे चरितनिद्देसे निद्धिं ।

“अधिमुत्ति नाम ‘अज्जेव पब्बजिस्सामि, अज्जेव अरहत्तं गण्हिस्सामी’तिआदिना तन्निभभावेन पवत्तमानं सन्निट्ठान”न्ति (सारत्थ टी० पठममहासङ्गीतिकथावण्णना) गण्ठिपदेसु वुत्तं । आचरियधम्मपालत्थेन पन “अधिमुत्ति नाम सत्तानं पुब्बचरियवसेन अभिरुचि, सा दुविधा हीनपणीतभेदेना”ति (दी० नि० टी० पठममहासङ्गीतिकथावण्णना) वुत्तं । तथा हि याय हीनाधिमुत्तिका सत्ता हीनाधिमुत्तिकेयेव सत्ते सेवन्ति, पणीताधिमुत्तिका

पणीताधिमुत्तिकेयेव । सचे हि आचरियुपज्झाया सीलवन्तो न होन्ति, सद्धिविहारिका सीलवन्तो, ते अत्तनो आचरियुपज्झायेपि न उपसङ्कमन्ति, अत्तना सदिसे सारुप्पभिकखूयेव उपसङ्कमन्ति । सचे आचरियुपज्झाया सारुप्पभिकखू, इतरे असारुप्पा, तेपि न आचरियुपज्झाये उपसङ्कमन्ति, अत्तना सदिसे असारुप्पभिकखूयेव उपसङ्कमन्ति । धातुसंयुत्तवसेन (सं० नि० १.२.८५ आदयो) चेस अत्थो दीपेतब्बो । एवमयं हीनाधिमुत्तिकादीनं अञ्जमञ्जो पसेवनादिनियमिता अभिरुचि अज्झासयधातु “अधिमुत्ती”ति वेदितब्बा । अनेका अज्झासयादयो ते येसं अत्थि, अनेका वा अज्झासयादयो येसन्ति तथा यथा “बहुकत्तुको, बहुनदिको”ति । यथानुलोमन्ति अज्झासयादीनं अनुलोमं अनतिक्कम्म, ये ये वा अज्झासयादयो अनुलोमा, तेहि तेहीति अत्थो । आसयादीनं अनुलोमस्स वा अनुरूपन्तिपि वदन्ति । घनविनिब्भोगाभावतो दिट्ठिमानतण्हावसेन “अहं मम सन्तक”न्ति एवं पवत्तसज्जिनो । यथाधम्मन्ति “नत्थेत्थ अत्ता, अत्तनियं वा, केवलं धम्ममत्तमेवेत”न्ति एवमादिना धम्मसभावानुरूपन्ति अत्थो ।

संवरणं संवरो, कायवाचाहि अवीतिक्कमो । महन्तो संवरो असंवरो । वुट्ठिअत्थो हि अयं अ-कारो यथा “असेक्खा धम्मा”ति (ध० स० तिकमातिका २१) तंयोगताय च खुद्दको संवरो पारिसेसादिनयेन संवरो, तस्मा खुद्दको, महन्तो च संवरोति अत्थो । तेनाह “संवरा संवरो”तिआदि । दिट्ठिविनिवेठनाति दिट्ठिया विमोचनं, अत्थतो पन तस्स उजुविपच्चनिका सम्मादिट्ठिआदयो धम्मा । तथा चाह “द्वासट्ठिदिट्ठिपटिपक्खभूता”ति । नामस्स, रूपस्स, नामरूपस्स च परिच्छिन्दनं नामरूपपरिच्छेदो, सो पन “रागादिपटिपक्खभूतो”ति वचनतो तथापवत्तमेव जाणं ।

“तीसुपी”तिआदिना अपरहं विवरति । तीसुपि तासं वचनसम्भवतो “विसेसेना”ति वुत्तं । तदेतं सब्बत्थ योजेतब्बं । तत्र “यायं अधिसीलसिक्खा, अयं इमस्मिं अत्थे अधिप्पेता सिक्खा”ति वचनतो आह “विनयपिटके अधिसीलसिक्खा”ति । सुत्तन्तपाळियं “विविच्चेव कामेही”तिआदिना (दी० नि० १.२२६; सं० नि० १.१५२; अ० नि० १.४.१२३) समाधिदेसनाबाहुल्लतो “सुत्तन्त पिटके अधिचित्तसिक्खा”ति वुत्तं । नामरूपपरिच्छेदस्स अधिपज्जापदद्धानतो, अधिपज्जाय च अत्थाय तदवसेसनामरूपधम्मकथनतो आह “अधिधम्मपिटके अधिपज्जासिक्खा”ति ।

किलेसानन्ति संक्लेसधम्मानं, कम्मकिलेसानं वा, उभयापेक्खच्चेतं “यो

कायवचीद्वारेहि किलेसानं वीतिक्कमो, तस्स पहानं, तस्स पटिपक्खत्ता'ति च । “वीतिक्कमो'ति अयं “पटिपक्ख'न्ति भावयोगे सम्बन्धो, “सीलस्सा'ति पन भावपच्चये । एवं सब्बत्थ । अनुसयवसेन सन्ताने अनुवत्तन्ता किलेसा कारणलाभे परियुट्ठितापि सीलभेदभयवसेन वीतिक्कमितुं न लभन्तीति आह “वीतिक्कमपटिपक्खत्ता सीलस्सा'ति । ओकासादानवसेन किलेसानं चित्ते कुसलप्पवत्तिं परियादियित्वा उट्ठानं परियुट्ठानं, तस्स पहानं, चित्तसन्ताने उप्पत्तिवसेन किलेसानं परियुट्ठानस्स पहानन्ति वुत्तं होति । “किलेसान'न्ति हि अधिकारो, तं पन परियुट्ठानपहानं चित्तसमादहनवसेन भवतीति आह “परियुट्ठानपटिपक्खत्ता समाधिस्सा'ति । अप्पहीनभावेन सन्ताने अनु अनु सयनका अनुरूपकारणलाभे उप्पज्जनारहा थामगता कामरागादयो सत्त किलेसा अनुसया, तेसं पहानं, ते पन सब्बसो अरियमग्गपज्जाय पहीयन्तीति आह “अनुसयपटिपक्खत्ता पज्जाया'ति ।

दीपालोकेन विय तमस्स दानादिपुज्जकरियवत्थुगतेन तेन तेन कुसलङ्गेन तस्स तस्स अकुसलस्स पहानं तदङ्गपहानं । इध पन अधिसीलसिक्खाय वुत्तद्वानत्ता तेन तेन सुसील्यङ्गेन तस्स तस्स दुस्सील्यङ्गस्स पहानं “तदङ्गपहान'न्ति गहेतब्बं । उपचारप्पनाभेदेन समाधिना पवत्तिनिवारणेन घटप्पहारेण विय जलतले सेवालस्स तेसं तेसं नीवरणादिधम्मानं विक्खम्भनवसेन पहानं विक्खम्भनपहानं । चतुन्नं अरियमग्गानं भावितत्ता तं तं मग्गवतो सन्ताने समुदयपक्खिक्कस्स किलेसगणस्स अच्चन्तमप्पवत्तिसङ्घात समुच्छिन्दनवसेन पहानं समुच्छेदपहानं । दुट्ठु चरितं, संकिलेसेहि वा दूसितं चरितं दुच्चरितं । तदेव यत्थ उप्पन्नं, तं सन्तानं सम्मा किलिसति विबाधति, उपतापेति चाति संकिलेसो, तस्स पहानं । कायवचीदुच्चरितवसेन पवत्तसंकिलेसस्स तदङ्गवसेन पहानं वुत्तं सीलस्स दुच्चरितपटिपक्खत्ता । सिक्खत्तयानुसारेण हि अत्थो वेदितब्बो । तसतीति तण्हा, साव वुत्तनयेन संकिलेसो, तस्स विक्खम्भनवसेन पहानं वुत्तं समाधिस्स कामच्छन्दपटिपक्खत्ता । दिट्ठियेव यथावुत्तनयेन संकिलेसो, तस्स समुच्छेदवसेन पहानं वुत्तं पज्जाय अत्तादिविनिमुत्तसभाव धम्मप्पकासनतो ।

एकमेकस्मिञ्चेत्थाति एतेसु तीसु पिटकेसु एकमेकस्मिं पिटके, च-सद्दो वाक्यारम्भे, पक्खन्तरे वा । पि-सद्दो, अपि-सद्दो वा अवयवसम्पिण्डने, तेन न केवलं चतुब्बिधस्सेव गम्भीरभावो, अथ खो पच्चेकं तदवयवानम्पीति सम्पिण्डनं करोति । एस नयो ईदिसेसु । इदानि ते सरूपतो दस्सेतुं “तत्था'तिआदि वुत्तं । तत्थ तन्तीति पाळि । सा हि उक्कट्ठानं

सीलादिअत्थानं बोधनतो, सभावनिरुत्तिभावतो, बुद्धादीहि भासितत्ता च पक्कड्डानं वचनानं आळि पन्तीति “पाळी”ति वुच्चति ।

इध पन विनयगण्ठिपदकारादीनं सद्ववादीनं मतेन पुब्बे ववत्थापिता परमत्थसद्वप्पबन्धभूतातन्ति धम्मो नाम । इति-सद्दो हि नामत्थे, “धम्मो”ति वा वुच्चति । तस्सायेवाति तस्सा यथावुत्ताय एव तन्तिया अत्थो । मनसा ववत्थापितायाति उग्गहण-धारणादिवसप्पवत्तेन मनसा पुब्बे ववत्थापिताय यथावुत्ताय परमत्थसद्वप्पबन्धभूताय तस्सा तन्तिया । देसनाति पच्छा परेसमवबोधनत्थं देसनासङ्घाता परमत्थसद्वप्पबन्धभूता तन्तियेव । अपिच यथावुत्ततन्ति सङ्घातसद्वप्पमुट्ठापको चित्तुप्पादो देसना । तन्तिया, तन्तिअत्थस्स चाति यथावुत्ताय दुविधायपि तन्तिया, तदत्थस्स च यथाभूतावबोधोति अत्थो वेदितब्बो । ते हि भगवता वुच्चमानस्स अत्थस्स, वोहारस्स च दीपको सद्दोयेव तन्ति नामाति वदन्ति । तेसं पन वादे धम्मस्सापि सद्वप्पभावत्ता धम्मदेसनानं को विसेसोति चे ? तेसं तेसं अत्थानं बोधकभावेन जातो, उग्गहणादिवसेन च पुब्बे ववत्थापितो परमत्थसद्वप्पबन्धो धम्मो, पच्छा परेसं अवबोधनत्थं पवत्तितो तं तदत्थप्पकासको सद्दो देसनाति अयमिमेसं विसेसोति । अथ वा यथावुत्तसद्वप्पमुट्ठापको चित्तुप्पादो देसना देसीयति समुट्ठापीयति सद्दो एतेनाति कत्वा मुसावादादयो विय तत्थापि हि मुसावादादिसमुट्ठापिका चेतना मुसावादादिसद्देहि वोहरीयतीति । किञ्चापि अक्खरावलिभूतो पञ्जत्तिसद्दोयेव अत्थस्स आपको, तथापि मूलकारणभावतो “अक्खरसञ्जातो”तिआदीसु विय तस्सायेव अत्थोति परमत्थसद्दोयेव अत्थस्स आपकभावेन वुत्तोति दट्ठब्बं । “तस्सा तन्तिया देसना”ति च सदिसवोहारेन वुत्तं यथा “उप्पन्ना च कुसलाधम्मा भिय्योभावाय वेपुल्लाय संवत्तन्ती”ति ।

अभिधम्मगण्ठिपदकारादीनं पन पण्णत्तिवादीनं मतेन सम्मुतिपरमत्थभेदस्स अत्थस्स अनुरूपवाचकभावेन परमत्थसद्देसु एकन्तेन भगवता मनसा ववत्थापिता नामपञ्जत्तिपबन्धभूता तन्ति धम्मो नाम, “धम्मो”ति वा वुच्चति । तस्सायेवाति तस्सा नामपञ्जत्तिभूताय तन्तिया एव अत्थो । मनसा ववत्थापितायाति सम्मुतिपरमत्थभेदस्स अत्थस्सानुरूपवाचकभावेन परमत्थसद्देसु भगवता मनसा ववत्थापिताय नामपण्णत्तिपबन्धभूताय तस्सा तन्तिया । देसनाति परेसं पबोधनेन अतिसज्जना वाचाय पकासना वचीभेदभूता परमत्थसद्वप्पबन्धसङ्घाता तन्ति । तन्तिया, तन्तिअत्थस्स चाति यथावुत्ताय दुब्बिधायपि तन्तिया, तदत्थस्स च यथाभूतावबोधोति अत्थो । ते हि एवं वदन्ति – सभावत्थस्स, सभाववोहारस्स च अनुरूपवसेनेव भगवता मनसा ववत्थापिता

पण्णत्ति इध “तन्ती”ति वुच्चति । यदि च सद्दवादीनं मतेन सद्दोयेव इध तन्ति नाम सिया । तन्तिया, देसनाय च नानत्तेन भवितब्बं, मनसा ववत्थापिताय च तन्तिया वचीभेदकरणमत्तं ठपेत्वा देसनाय नानत्तं नत्थि । तथा हि देसनं दस्सेन्तेन मनसा ववत्थापिताय तन्तिया देसनाति वचीभेदकरणमत्तं विना तन्तिया सह देसनाय अनञ्जता वुत्ता । तथा च उपरि “देसनाति पञ्जत्ती”ति वुत्तत्ता देसनाय अनञ्जभावेन तन्तियापि पण्णत्तिभावो कथितो होति ।

अपिच यदि तन्तिया अञ्जायेव देसना सिया, “तन्तिया च तन्तिअत्थस्स च देसनाय च यथाभूतावबोधो”ति वत्तब्बं सिया । एवं पन अवत्वा “तन्तिया च तन्तिअत्थस्स च यथाभूतावबोधो”ति वुत्तत्ता तन्तिया, देसनाय च अनञ्जभावो दस्सितो होति । एवञ्च कत्वा उपरि “देसना नाम पञ्जत्ती”ति दस्सेन्तेन देसनाय अनञ्जभावतो तन्तिया पण्णत्तिभावो कथितो होतीति । तदुभयमपि पन परमत्थतो सद्दोयेव परमत्थविनिमुत्ताय सम्मुतिया अभावा, इममेव च नयं गहेत्वा केचि आचरिया “धम्मो च देसना च परमत्थतो सद्दो एवा”ति वोहरन्ति, तेपि अनुपवज्जायेव । यथा कामावचरपटिसन्धिविपाका “परितारम्मणा”ति वुच्चन्ति, एवं सम्पदमिदं दट्ठब्बं । न हि कामावचरपटिसन्धिविपाका “निब्बत्तितपरमत्थविसयायेवा”ति सक्का वत्तुं इत्थिपुरिसादिआकारपरिवितक्कपुब्बकानं रागादिअकुसलानं, मेत्तादिकुसलानञ्च आरम्मणं गहेत्वापि समुप्पज्जनतो । परमत्थधम्ममूलकत्ता पनस्स परिकप्पस्स परमत्थविसयता सक्का पञ्जपेतुं, एवमिधापि दट्ठब्बन्ति च । एवमपि पण्णत्तिवादीनं मतं होतु, सद्दवादीनं मतेपि धम्मदेसनानं नानत्तं वुत्तनयेनेव आचरियधम्मपालत्थेरा दीहि पकासितन्ति । होति चेत्थ –

“सद्दो धम्मो देसना च, इच्चाहु अपरे गरू ।
धम्मो पण्णत्ति सद्दो तु, देसना वाति चापरे”ति ।।

तीसुपि चेतेसु एते धम्मत्थदेसनापटिवेधाति एत्थ तन्तिअत्थो, तन्तिदेसना, तन्तिअत्थपटिवेधो चाति इमे तयो तन्तिविसया होन्तीति विनयपिटकादीनं अत्थदेसनापटिवेधाधारभावो युत्तो, पिटकानि पन तन्तियेवाति तेसं धम्माधारभावो कथं युज्जेय्याति ? तन्तिसमुदायस्स अवयवतन्तिया आधारभावतो । समुदायो हि अवयवस्स परिकप्पनामतसिद्धेन आधारभावेन वुच्चति यथा “रुक्खे साखा”ति । एत्थ च धम्मादीनं दुक्खोगाहभावतो तेहि धम्मादीहि विनयादयो गम्भीराति विनयादीनमपि चतुब्बिधो

गम्भीरभावो वुत्तोयेव, तस्मा धम्मादयो एव दुक्खोगाहता गम्भीरा, न विनयादयोति न चोदेतब्बमेतं समुखेन, विसयविसयीमुखेन च विनयादीनञ्जेव गम्भीरभावस्स वुत्तत्ता। धम्मो हि विनयादयो एव अभिन्नत्ता। तेसं विसयो अत्थो वाचकभूतानं तेसमेव वाच्चभावतो, विसयिनो देसनापटिवेधा धम्मत्थविसयभावतोति। तत्थ पटिवेधस्स दुक्करभावतो धम्मत्थानं, देसनाजाणस्स दुक्करभावतो देसनाय च दुक्खोगाहभावो वेदितब्बो, पटिवेधस्स पन उप्पादेतुं असक्कुण्यत्ता, तब्बिसयजाणुप्पत्तिया च दुक्करभावतो दुक्खोगाहता वेदितब्बा। धम्मत्थदेसनानं गम्भीरभावतो तब्बिसयो पटिवेधोपि गम्भीरो यथा तं गम्भीरस्स उदकस्स पमाणग्गहणे दीधेन पमाणेन भवितब्बं, एवंसम्पदमिदन्ति (वजिर टी० पठममहासङ्गीतिकथावण्णना) **वजिरबुद्धित्थेरो**। पिटकावयवानं धम्मादीनं वुच्चमानो गम्भीरभावो तंसमुदायस्स पिटकस्सापि वुत्तोयेव, तस्मा तथा न चोदेतब्बन्तिपि वदन्ति, विचारेतब्बमेतं सब्बेसम्पि तेसं पिटकावयवासम्भवतो। महासमुदो दुक्खोगाहो, अलब्भनेय्यपटिद्वो विय चाति सम्बन्धो। अत्थवसा हि विभत्तिवचनलिङ्गपरिणामोति। दुक्खेन ओगय्हन्ति, दुक्खो वा ओगाहो अन्तो पविसनमेतेसूति **दुक्खोगाहा**। न लभितब्बोति अलब्भनीयो, सोयेव **अलब्भनेय्यो**, लभीयते वा लब्भनं, तं नारहतीति **अलब्भनेय्यो**। पतिद्वहन्ति एत्थ ओकासेति **पतिद्वो**, पतिद्वहनं वा **पतिद्वो**, अलब्भनेय्यो सो येसु ते **अलब्भनेय्यपतिद्वो**। एकदेसेन ओगाहन्तेहिपि मन्दबुद्धीहि पतिद्वो लब्धुं न सक्कायेवाति दस्सेतुं एतं पुन वुत्तं। **“एव”**न्तिआदि निगमनं।

इदानी हेतुहेतुफलादीनम्पि वसेन गम्भीरभावं दस्सेन्तो **“अपरो नयो”**तिआदिमाह। तत्थ हेतूति पच्चयो। सो च अत्तनो फलं दहति विदहतीति **धम्मो** द-कारस्स ध-कारं कत्वा। धम्मसदस्स चेत्य हेतुपरियायता कथं विज्जायतीति आह **“वुत्तञ्हेत”**न्तिआदि। **वुत्तं** पटिसम्भिदाविभङ्गे (विभं० ७१८)। ननु च **“हेतुम्हि जाणं धम्मपटिसम्भिदा”**ति एतेन वचनेन धम्मस्स हेतुभावो कथं विज्जायतीति? **“धम्मपटिसम्भिदा”**ति एतस्स समासपदस्स अवयवपदत्थं दस्सेन्तेन **“हेतुम्हि जाण”**न्ति वुत्तत्ता। **“धम्मे पटिसम्भिदा धम्मपटिसम्भिदा”**ति एत्थ हि **“धम्मे”**ति एतस्स अत्थं दस्सेन्तेन **“हेतुम्ही”**ति वुत्तं, **“पटिसम्भिदा”**ति एतस्स अत्थं दस्सेन्तेन **“जाण”**न्ति। तस्मा हेतुधम्मसद्वा एकत्था, जाणपटिसम्भिदा सद्वा चाति इममत्थं वदन्तेन साधितो धम्मस्स हेतुभावोति। तथा **“हेतुफले जाणं अत्थपटिसम्भिदा”**ति एतेन वचनेन साधितो अत्थस्स हेतुफलभावोति दट्ठब्बो। हेतुनो फलं हेतुफलं, तच्च हेतुअनुसारेण अरीयति अधिगमीयतीति अत्थोति वुच्चति।

देसनाति पज्जतीति एत्थ सद्ववादीनं वादे अत्थव्यञ्जनका अविपरीताभिलापधम्मनिरुत्तिभूता परमत्थसद्वप्यबन्धसङ्घाता तन्ति “देसना”ति वुच्चति, देसना नामाति वा अत्थो। देसीयति अत्थो एतायाति हि देसना। पकारेन जापीयति अत्थो एताय, पकारतो वा जापेतीति पज्जति। तमेव सरूपतो दस्सेतुं “यथाधम्मं धम्माभिलापोति अधिप्पायो”ति वुत्तं। यथाधम्मन्ति एत्थ पन धम्मसद्दो हेतुं, हेतुफलञ्च सब्बं सङ्गण्हाति। सभाववाचको हेस धम्मसद्दो, न परियत्तिहेतुआदिवाचको, तस्मा यो यो अविज्जासङ्घारादिधम्मो, तस्मिं तस्मिन्ति अत्थो। तेसं तेसं अविज्जासङ्घारादिधम्मानं अनुरूपं वा यथाधम्मं। देसनापि हि पटिवेधो विय अविपरीतसविसयविभावनतो धम्मानुरूपं पवत्तति, ततोयेव च अविपरीताभिलापोति वुच्चति। धम्माभिलापोति हि अत्थव्यञ्जनको अविपरीताभिलापो धम्मनिरुत्तिभूतो तन्तिसङ्घातो परमत्थसद्वप्यबन्धो। सो हि अभिलप्पति उच्चारियतीति अभिलापो, धम्मो अविपरीतो सभावभूतो अभिलापो धम्माभिलापोति वुच्चति, एतेन “तत्र धम्मनिरुत्ताभिलापे जाणं निरुत्तिपटिसम्भिदा”ति (विभं० ७१८) एत्थ वुत्तं धम्मनिरुत्तिं दस्सेति सद्वसभावत्ता देसनाय। तथा हि निरुत्तिपटिसम्भिदाय परित्तरम्मणादिभावो पटिसम्भिदाविभङ्गपाळियं (विभं० ७१८) वुत्तो। तदद्वकथाय च “तं सभावनिरुत्तिं सद्वं आरम्मणं कत्वा”तिआदिना (विभं० अट्ठ० ७१८) तस्सा सद्वारम्मणता दस्सिता। “इमस्स अत्थस्स अयं सद्दो वाचको”ति हि वचनवचनत्थे ववत्थपेत्वा तं तं वचनत्थविभावनवसेन पवत्तितो सद्दो “देसना”ति वुच्चति। “अधिप्पायो”ति एतेन “देसनाति पज्जती”ति एतं वचनं धम्मनिरुत्ताभिलापं सन्धाय वुत्तं, न ततो विनिमुत्तं पज्जतिं सन्धायाति दस्सेति अनेकधा अत्थसम्भवे अत्तना अधिप्पेतत्थस्सेव वुत्तत्ताति अयं सद्ववादीनं वादतो विनिच्छयो।

पज्जतिवादीनं वादे पन सम्मुतिपरमत्थभेदस्स अत्थस्सानुरूपवाचकभावेन परमत्थसद्देसु भगवता मनसा ववत्थापिता तन्तिसङ्घाता नामपज्जति देसना नाम, “देसना”ति वा वुच्चतीति अत्थो। तदेव मूलकारणभूतस्स सद्वस्स दस्सनवसेन कारणूपचारेन दस्सेतुं “यथाधम्मं धम्माभिलापोति अधिप्पायो”ति वुत्तं। किञ्चापि हि “धम्माभिलापो”ति एत्थ अभिलप्पति उच्चारियतीति अभिलापोति सद्दो वुच्चति, न पण्णत्ति, तथापि सद्दे वुच्चमाने तदनुरूपं वोहारं गहेत्वा तेन वोहारेन दीपितस्स अत्थस्स जाननतो सद्दे कथिते तदनुरूपा पण्णत्तिपि कारणूपचारेन कथितायेव होति। अपिच “धम्माभिलापोति अत्थो”ति अवत्वा “धम्माभिलापोति अधिप्पायो”ति वुत्तत्ता देसना नाम सद्दो न होतीति दीपितमेव। तेन हि अधिप्पायमत्तमेव मूलकारणसद्ववसेन कथितं, न इध गहेतब्बो “देसना”ति एतस्स

अत्थोति अयं पञ्जत्तिवादीनं वादतो विनिच्छयो । अत्थन्तरमाह “अनुलोम...पे०... कथन”न्ति, एतेन हेट्ठा वुत्तं देसनासमुद्वापकं चित्तुप्पादं दस्सेति । कथीयति अत्थो एतेनाति हि कथनं । आदिसद्देन नीतनेय्यादिका पाळिगतियो, एकत्तादिनन्दियावत्तादिका पाळिनिस्सिता च नया सङ्गहिता ।

सयमेव पटिविज्झति, एतेन वा पटिविज्झन्तीति पटिवेधो, जाणं । तदेव अभिसमेति, एतेन वा अभिसमेन्तीति अभिसमयोतिपि वुच्चति । इदानीं तं पटिवेधं अभिसमयप्पभेदतो, अभिसमयाकारतो, आरम्मणतो, सभावतो च पाकटं कातुं “सो चा”तिआदि वुत्तं । तत्थ हि लोकियलोकुत्तरोति पभेदतो, विसयतो, असम्मोहतोति आकारतो, धम्मेसु, अत्थेसु, पञ्जत्तीसूति आरम्मणतो, अत्थानुरूपं, धम्मनुरूपं, पञ्जत्तिपथानुरूपन्ति सभावतो च पाकटं करोति । तत्थ विसयतो अत्थादिअनुरूपं धम्मादीसु अवबोधो नाम अविज्जादिधम्मरम्मणो, सङ्खारादिअत्थारम्मणो, तदुभयपञ्जापनारम्मणो च लोकियो अभिसमयो । असम्मोहतो अत्थादिअनुरूपं धम्मादीसु अवबोधो नाम निब्बानारम्मणो मग्गसम्पयुत्तो यथावुत्तधम्मत्थपञ्जत्तीसु सम्मोहविद्धंसनो लोकुत्तरो अभिसमयो । तथा हि “अयं हेतु, इदमस्स फलं, अयं तदुभयानुरूपो वोहारो”ति एवं आरम्मणकरणवसेन लोकियजाणं विसयतो पटिविज्झति, लोकुत्तरजाणं पन तेसु हेतुहेतुफलादीसु सम्मोहस्सजाणेन समुच्छिन्नत्ता असम्मोहतो पटिविज्झति । लोकुत्तरो पन पटिवेधो विसयतो निब्बानस्स, असम्मोहतो च इतरस्सातिपि वदन्ति एके ।

अत्थानुरूपं धम्मेसूति “अविज्जा हेतु, सङ्खारा हेतुसमुप्पन्ना, सङ्खारे उप्पादेति अविज्जा”ति एवं कारियानुरूपं कारणेसूति अत्थो । अथ वा “पुज्जाभिसङ्खारअपुज्जाभिसङ्खारआनेज्जाभिसङ्खारेसु तीसु अपुज्जाभिसङ्खारस्स अविज्जा सम्पयुत्तपच्चयो, इतरेसं यथानुरूप”न्तिआदिना कारियानुरूपं कारणेसु पटिवेधोतिपि अत्थो । धम्मनुरूपं अत्थेसूति “अविज्जापच्चया सङ्खारा”तिआदिना (म० नि० ३.१२६; सं० नि० १.२.१; उदि० १; विभं० २२५) कारणानुरूपं कारियेसु । छब्बिधाय पञ्जत्तिया पथो पञ्जत्तिपथो, तस्स अनुरूपं तथा, पञ्जत्तिया वुच्चमानधम्मनुरूपं पञ्जत्तीसु अवबोधोति अत्थो । अभिसमयतो अज्जम्पि पटिवेधत्थं दस्सेतुं “तेस”न्तिआदिमाह । पटिविज्झीयतीति पटिवेधोति हि तंतरूपादिधम्मानं अविपरीतसभावो वुच्चति । तत्थ तत्थाति तस्मिं तस्मिं पिटके, पाळिपदेसे वा । सलक्खणसङ्घातोति रुपननमनफुसनादिसकसकलक्खणसङ्घातो ।

यथावुत्तेहि धम्मादीहि पिटकानं गम्भीरभावं दस्सेतुं “इदानी”तिआदिमाह । **धम्मजातन्ति** कारणप्पभेदो, कारणमेव वा । **अत्थजातन्ति** कारियप्पभेदो, कारियमेव वा । या चायं देसनाति सम्बन्धो । तदत्थविजाननवसेन **अभिमुखो** होति । **यो चेत्थाति** यो एतासु तं तं पिटकागतासु धम्मत्थदेसनासु पटिवेधो, यो च एतेसु पिटकेसु तेसं तेसं धम्मानं अविपरीतसभावोति अत्थो । सम्भरितब्बतो कुसलमेव **सम्भारो**, सो सम्मा अनुपचितो येहि ते **अनुपचितकुसलसम्भारो**, ततोव **दुप्पज्जेहि**, निप्पज्जेहीति अत्थो । न हि पज्जवतो, पज्जाय वा दुट्ठभावो दूषितभावो च सम्भवतीति निप्पज्जत्तायेव दुप्पज्जा यथा “दुस्सीलो”ति (अ० नि० २.५.२१३; ३.१०.७५; पारा० २९५; ध० प० ३०८) । एत्थ च अविज्जासङ्कारादीनं धम्मत्थानं दुप्पटिविज्जताय दुक्खोगाहता, तेसं पज्जापनस्स दुक्करभावतो तंदेसनाय, अभिसमयसङ्घातस्स पटिवेधस्स उप्पादनविसयीकरणानं असक्कुण्यत्ता, अविपरीतसभावसङ्घातस्स पटिवेधस्स दुब्बिज्जेय्यताय दुक्खोगाहता वेदितब्बा । **एवम्पीति** पि-सद्दो पुब्बे वुत्तं पकारन्तरं सम्पिण्डेति । एवं पठमगाथाय अनूनं परिपुण्णं परिदीपितत्थभावं दस्सेन्तो “**एत्तावता**”तिआदिमाह । “सिद्धे हि सत्यारम्भो अत्थन्तरविज्जापनाय वा होति, नियमाय वा”ति इमिना पुनारम्भवचनेन अनूनं परिपुण्णं परिदीपितत्थभावं दस्सेति । **एत्तावताति** परिच्छेदत्थे निपातो, एत्तकेन वचनक्कमेनाति अत्थो । एतं वा परिमाणं यस्साति **एत्तावं**, तेन, एतपरिमाणवता सद्दत्थक्कमेनाति अत्थो । “सद्दे हि वुत्ते तदत्थोपि वुत्तोयेव नामा”ति वदन्ति । वुत्तो संवण्णितो अत्थो यस्साति **वुत्तत्था** ।

एत्थाति एतिस्सा गाथाय । एवं अत्थो, विनिच्छयोति वा सेसो । **तीसु पिटकेसु**ति एत्थ “एकेकस्मि”न्ति अधिकारतो, पकरणतो वा वेदितब्बं । “एकमेकस्मिज्चेत्था”ति (दी० नि० अट्ठ० १. पठममहासङ्गीतिकथा) हि हेट्ठा वुत्तं । अथ वा वत्तिच्छानुपुब्बिकत्ता सद्दपटिपत्तिया निद्धारणमिध अवत्तुकामेन आधारीयेव वुत्तो । न चेत्थ चोदेतब्बं “तीसुयेव पिटकेसु तिविधो परियत्तिभेदो दट्ठब्बो सिया”ति समुदायवसेन वुत्तस्सापि वाक्यस्स अवयवाधिप्पायसम्भवतो । दिस्सति हि अवयववाक्यनिप्फत्ति “ब्राह्मणादयो भुज्जन्तू”तिआदीसु, तस्मा अलमतिपपज्जेन । यथा अत्थो न विरुज्जति, तथायेव गहेतब्बोति । एवं सब्बत्थ । **परियत्तिभेदो**ति परियापुणनं **परियत्ति** । परियापुणनवाचको हेत्थ परियत्तिसद्दो, न पन पाळिपरियायो, तस्मा परियापुणनप्पकारोति अत्थो । अथ वा तीहि पकारेहि परियापुणितब्बा पाळियो एव “**परियत्ती**”ति वुच्चन्ति । तथा चेव अभिधम्मट्ठकथायसीहळगण्ठिपदे वुत्तन्ति वदन्ति । एवम्पि हि अलगदूपमापरियापुणनयोगतो “अलगदूपमा परियत्ती”ति पाळिपि सक्का वत्तुं । एवज्च कत्वा “दुग्गाहिता

उपारम्भादिहेतु परियापुटा अलगद्वूपमा”ति परतो निद्देसवचनम्पि उपपन्नं होति । तत्थ हि पाळियेव “दुग्गहिता, परियापुटा”ति च वत्तुं युत्ता ।

अलगद्दो अलगद्दग्गहणं उपमा एतिस्साति **अलगद्वूपमा** । अलगद्दस्स गहणज्हेत्थ अलगद्दसद्देन वुत्तन्ति दट्ठब्बं । आपूपिकोति एत्थ आपूप-सद्देन आपूपखादनं विय, वेणिकोति एत्थ वीणासद्देन वीणावादनग्गहणं विय च । अलगद्दग्गहणेन हि परियत्ति उपमीयति, न अलगद्देन । “अलगद्दग्गहणूपमा”ति वा वत्तब्बे मज्झेपदलोपं कत्वा “अलगद्वूपमा”ति वुत्तं “ओड्डमुखो”तिआदीसु विय । अलगद्दोति च आसीविसो वुच्चति । गदोति हि विसस्स नामं, तच्च तस्स अलं परिपुण्णं अत्थि, तस्मा अलं परियत्तो परिपुण्णो गदो अस्साति **अलगद्दो** अनुनासिकलोपं, द-कारागमञ्च कत्वा, अलं वा जीवितहरणे समत्थो गदो यस्साति **अलगद्दो** वुत्तनयेन । वट्ठदुक्खतो निस्सरणं अत्थो पयोजनमेतिस्साति **निस्सरणत्था** । भण्डागारे नियुत्तो **भण्डागारिको**, राजरतनानुपालको, सो वियाति तथा, धम्मरतनानुपालको खीणासवो । अज्जमत्थमनपेक्खित्वा भण्डागारिकस्सेव सतो परियत्ति **भण्डागारिकपरियत्ति** ।

दुग्गहिताति दुट्ठ गहिता । तदेव सरूपतो नियमेतुं “उपारम्भादिहेतु परियापुटा”ति आह, उपारम्भइतिवादप्पमोक्खादिहेतु उग्गहिताति अत्थो । लाभसक्कारादिहेतु परियापुणनम्पि एत्थेव सङ्गहितन्ति दट्ठब्बं । वुत्तज्हेतं **अलगद्दसुत्तद्वक्थायं** —

“यो बुद्धवचनं उग्गहेत्वा ‘एवं चीवरादीनि वा लभिस्सामि, चतुपरिसमज्झे वा मं जानिस्सन्ती’ति लाभसक्कारहेतु परियापुणाति, तस्स सा परियत्ति **अलगद्दपरियत्ति** नाम । एवं परियापुणनतो हि बुद्धवचनं अपरियापुणित्वा निद्दोक्कमनं वरतर”न्ति (म० नि० अट्ठ० २.२३९) ।

ननु च अलगद्दग्गहणूपमा परियत्ति “अलगद्वूपमा”ति वुच्चति, एवञ्च सति सुग्गहितापि परियत्ति “अलगद्वूपमा”ति वत्तुं वट्ठति तत्थापि अलगद्दग्गहणस्स उपमाभावेन पाळियं वुत्तत्ता । वुत्तज्हेतं —

“सेय्यथापि भिक्खवे, पुरिसो अलगद्दत्थिको अलगद्दगवेसी अलगद्दपरियेसनं चरमानो, सो पस्सेय्य महन्तं अलगद्दं, तमेनं अजपदेन दण्डेन सुनिग्गहितं

निग्गण्हेय्य, अजपदेन दण्डेन सुनिग्गहितं निग्गहित्वा गीवाय सुग्गहितं गण्हेय्य । किञ्चापि सो भिक्खवे, अलगद्दो तस्स पुरिसस्स हत्थं वा बाहं वा अञ्जतरं वा अङ्गपच्चङ्गं भोगेहि पलिवेठेय्य । अथ खो सो नेव ततोनिदानं मरणं वा निगच्छेय्य मरणमत्तं वा दुक्खं । तं किस्स हेतु, सुग्गहितत्ता भिक्खवे, अलगद्दस्स । एवमेव खो भिक्खवे, इधेकच्चे कुलपुत्ता धम्मं परियापुणन्ति सुत्तं गेय्य”न्तिआदि (म० नि० १.२३९) ।

तस्मा इध दुग्गहिता एव परियत्ति अलगद्दूपमाति अयं विसेसो कुतो विज्जायति, येन दुग्गहिता उपारम्भादिहेतु परियापुटा “अलगद्दूपमा”ति वुच्चतीति ? सच्चमेतं, इदं पन पारिसेसजायेन वुत्तन्ति दट्ठब्बं । तथा हि निस्सरणत्थभण्डागारिकपरियत्तीनं विसुं गहितत्ता पारिसेसतो अलगद्दस्स दुग्गहणूपमायेव परियत्ति “अलगद्दूपमा”ति विज्जायति । अलगद्दस्स सुग्गहणूपमा हि परियत्ति निस्सरणत्था वा होति, भण्डागारिकपरियत्ति वा । तस्मा सुवुत्तमेतं “दुग्गहिता...पे०... परियत्ती”ति । इदानीं तमत्थं पालिया साधेन्तो “यं सन्धाया”तिआदिमाह । तत्थ यन्ति यं परियत्तिदुग्गहणं । मज्झिमनिकाये मूलपण्णासके अलगद्दसुत्ते (म० नि० १.२३९) भगवता वुत्तं ।

अलगद्दत्थिकोति आसीविसेन, आसीविसं वा अत्थिको, अलगद्दं गवेसति परियेसति सीलेनाति **अलगद्दगवेसी** । **अलगद्दपरियेसनं चरमानो**ति आसीविसपरियेसनत्थं चरमानो । तदत्थे हेतं पच्चत्तवचनं, उपयोगवचनं वा, अलगद्दपरियेसनद्वानं वा चरमानो । अलगद्दं परियेसन्ति एत्थाति हि **अलगद्दपरियेसनं** । **तमेनन्ति** तं अलगद्दं । **भोगेति** सरीरे । “भोगो तु फणिनो तनू”ति हि वुत्तं । भुजीयति कुटिलं करीयतीति **भोगो** । **तस्साति** पुरिसस्स । हत्थे वा बाहाय वाति सम्बन्धो । मणिबन्धतो पट्टाय याव अगगनखा **हत्थो** । सद्धिं अगगबाहाय अवसेसा **बाहा**, कत्थचि पन कप्परतो पट्टाय याव अगगनखा “**हत्थो**”ति वुत्तं बाहाय विसुं अनागतत्ता । वुत्तलक्खणं हत्थञ्च बाहञ्च ठपेत्वा अवसेसं सरीरं **अङ्गपच्चङ्गं** । **ततोनिदानन्ति** तन्निदानं, तंकारणाति अत्थो । तं हत्थादीसु डंसनं निदानं कारणं एतस्साति “तन्निदान”न्ति हि वत्तब्बे “ततोनिदान”न्ति पुरिमपदे पच्चत्तत्थे निस्सक्कवचनं कत्वा, तस्स च लोपमकत्वा निदेसो, हेत्वत्थे च पच्चत्तवचनं । कारणत्थे निपातपदमेतन्तिपि वदन्ति । अपिच “ततोनिदान”न्ति एतं “मरणं वा मरणमत्तं वा दुक्ख”न्ति एत्थ वुत्तनयेन विसेसनं । तं **किस्स हेतूति** यं वुत्तं हत्थादीसु डंसनं, तन्निदानञ्च

मरणादिउपगमनं, तं किस्स हेतु केन कारणेनाति चे ? तस्स पुरिसस्स अलगदस्स दुग्गहितत्ता ।

इथाति इमस्मिं सासने । मोघपुरिसाति गुणसाररहितताय तुच्छपुरिसा । धम्मन्ति पाळिधम्मं । परियापुणन्तीति उग्गण्हन्ति, सज्झायन्ति चेव वाचुग्गतं करोन्ता धारेन्ति चाति वुत्तं होति । “धम्म”न्ति सामञ्जतो वुत्तमेव सरूपेन दस्सेति “सुत्त”न्तिआदिना । न हि सुत्तादिनवङ्गतो अज्जो धम्मो नाम अत्थि । तथा हि वुत्तं “तेसं धम्मान”न्ति । अत्थन्ति चेत्थ सम्बन्धीनिद्देसो एसो, अत्थन्ति च यथाभूतं भासितत्थं, पयोजनत्थञ्च सामञ्जनिद्देसेन, एकसेसनयेन वा वुत्तं । यज्झि पदं सुतिसामञ्जेन अनेकधा अत्थं दीपेति, तं सामञ्जनिद्देसेन, एकसेसनयेन वाति सब्बत्थ वेदितब्बं । न उपपरिक्खन्तीति न परिग्गण्हन्ति न विचारेन्ति । इक्खसदस्स हि दस्सनङ्केसु इध दस्सनमेव अत्थो, तस्स च परिग्गण्हनचक्खुलोचनेसु परिग्गण्हनमेव, तञ्च विचारणा परियादानवसेन दुब्बिधेसु विचारणायेव, सा च वीमंसायेव, न विचारो, वीमंसा च नामेसा भासितत्थवीमंसा, पयोजनत्थवीमंसा चाति इध दुब्बिधाव अधिप्पेता, तासु “इमस्मिं ठाने सीलं कथितं, इमस्मिं समाधि, इमस्मिं पज्जा, मयञ्च तं पूरेस्सामा”ति एवं भासितत्थवीमंसञ्चेव “सीलं समाधिस्स कारणं, समाधि विपस्सनाया”तिआदिना पयोजनत्थवीमंसञ्च न करोन्तीति अत्थो । अनुपपरिक्खन्ति अनुपपरिक्खन्तानं तेसं मोघपुरिसानं । न निज्झानक्खमन्तीति निज्झानं निस्सेसेन पेक्खनं पज्जं न खमन्ति । झे-सद्दो हि इध पेक्खनेयेव, न चिन्तनझापनेसु, तञ्च जाणपेक्खनमेव, न चक्खुपेक्खनं, आरम्मणूपनिज्झानमेव वा, न लक्खणूपनिज्झानं, तस्मा पज्जाय दिस्वा रोचेत्वा गहेतब्बा न होन्तीति अधिप्पायो वेदितब्बो । निस्सेसेन ज्ञायते पेक्खतेति हि निज्झानं । सन्धिवसेन अनुस्वारलोपो निज्झानक्खमन्तीति, “निज्झानं खमन्ती”तिपि पाठो, तेन इममत्थं दीपेति “तेसं पज्जाय अत्थस्स अनुपपरिक्खनतो ते धम्मा न उपट्ठहन्ति, इमस्मिं ठाने सीलं, समाधि, विपस्सना, मग्गो, वट्ठं, विवट्ठं कथितन्ति एवं जानितुं न सक्का होन्ती”ति ।

उपारम्भानिसंसा चेवाति परेसं वादे दोसारोपनानिसंसा च हुत्वा । भुसो आरम्भनज्झि परेसं वादे दोसारोपनं उपारम्भो, परियत्तिं निस्साय परवम्भनन्ति वुत्तं होति । तथा हेस “परवज्जानुपनयनलक्खणो”ति वुत्तो । इति वादप्पमोक्खानिसंसा चाति इति एवं एताय परियत्तिया वादप्पमोक्खानिसंसा अत्तनो उपरि परेहि आरोपितस्स वादस्स निग्गहस्स अत्ततो, सकवादतो वा पमोक्खपयोजना च हुत्वा । इति सद्दो इदमत्थे, तेन

“परियापुणन्ती”ति एत्थ परियापुणनं परामसति । वदन्ति निग्गण्हन्ति एतेनाति वादो, दोसो, पमुच्चनं, पमुच्चापनं वा पमोक्खो, अत्तनो उपरि आरोपितस्स पमोक्खो आनिसंसो येसं तथा । आरोपितवादो हि “वादो”ति वुत्तो यथा “देवेन दत्तो दत्तो”ति । वादोति वा उपवादोनिन्दा यथावुत्तनयेनेव समासो । इदं वुत्तं होति – परेहि सकवादे दोसे आरोपिते, निन्दाय वा आरोपिताय तं दोसं, निन्दं वा एवञ्च एवञ्च मोचेस्सामाति इमिना च कारणेन परियापुणन्तीति । अथ वा सो सो वादो इति वादो इति-सद्दस्स सह विच्छाय त-सद्दत्थे पवत्तत्ता । इतिवादस पमोक्खो यथावुत्तनयेन, सो आनिसंसो येसं तथा, तं तं वादपमोचनानिसंसा हुत्वाति अत्थो । यस्स चत्थायाति यस्स च सीलादिपूरणस्स, मग्गफलनिब्बानभूतस्स वा अनुपादाविमोक्खस्स अत्थाय । अभेदेपि भेदवोहारो एसो यथा “पटिमाय सरीर”न्ति, भेद्यभेदकं वा एतं यथा “कथिनस्सत्थाय आभतं दुस्स”न्ति । “तञ्चस्स अत्थ”न्ति हि वुत्तं । च-सद्दो अवधारणे, तेन तदत्थाय एव परियापुणनं सम्भवति, नाञ्जत्थायाति विनिच्छिनोति । धम्मं परियापुणन्तीति हि जातिआचारवसेन दुविधापि कुलपुत्ता जायेन धम्मं परियापुणन्तीति अत्थो । तञ्चस्स अत्थं नानुभोन्तीति अस्स धम्मस्स सीलादिपूरणसङ्घातं, मग्गफलनिब्बानभूतं वा अनुपादाविमोक्खसङ्घातं अत्थं एते दुग्गहितगाहिनो नानुभोन्ति न विन्दन्तियेव ।

अपरो नयो – यस्स उपारम्भस्स, इतिवादप्पमोक्खस्स वा अत्थाय ये मोघपुरिसा धम्मं परियापुणन्ति, ते परेहि “अयमत्थो न होती”ति वुत्ते दुग्गहितत्तायेव “तदत्थोव होती”ति पटिपादनक्खमा न होन्ति, तस्मा परस्स वादे उपारम्भं आरोपेतुं अत्तनो वादं पमोचेतुञ्च असक्कोन्तापि तं अत्थं नानुभोन्ति च न विन्दन्तियेवाति एवम्पेत्य अत्थो दट्ठब्बो । इधापि हि च-सद्दो अवधारणत्थोव । “तेस”न्तिआदीसु तेसं ते धम्मा दुग्गहितत्ता उपारम्भमानदब्बमक्खपलासादिहेतुभावेन दीघरत्तं अहिताय दुक्खाय संवत्तन्तीति अत्थो । दुग्गहिताति हि हेतुगब्भवचनं । तेनाह “दुग्गहितत्ता भिक्खवे, धम्मान”न्ति (म० नि० १.२३८) । एत्थ च कारणे फलवोहारवसेन “ते धम्मा अहिताय दुक्खाय संवत्तन्ती”ति वुत्तं यथा “घतमायु, दधि बल”न्ति । तथा हि किञ्चापि न ते धम्मा अहिताय दुक्खाय संवत्तन्ति, तथापि वुत्तनयेन परियापुणन्तानं सज्झायनकाले, विवादकाले च तम्मूलकानं उपारम्भादीनं अनेकेसं अकुसलानं उप्पत्तिसम्भवतो “ते...पे०... संवत्तन्ती”ति वुच्चति । तं किस्स हेतूति एत्थ तन्ति यथावुत्तस्सत्थस्स अननुभवनं, तेसञ्च धम्मानं अहिताय दुक्खाय संवत्तनं परामसति । किस्साति सामिवचनं हेत्वत्थे, तथा हेतूति पच्चत्तवचनञ्च ।

या पनाति एत्थ किरिया पाळिवसेन वुत्तनयेन अत्थो वेदितब्बो । तत्थ किरियापक्खे या सुग्गहिताति अभेदेपि भेदवोहारो “चारिकं पक्कमति, चारिकं चरमानो”तिआदीसु (दी० नि० १.२५४, ३००) विय । तदेवत्थं विवरति “सीलक्खन्धादी”तिआदिना, आदिसद्देन चेत्थ समाधिविपस्सनादीनं सङ्गहो । यो हि बुद्धवचनं उग्गण्हित्वा सीलस्स आगतद्धाने सीलं पूरेत्वा, समाधिनो आगतद्धाने समाधिं गम्भं गण्हापेत्वा, विपस्सनाय आगतद्धाने विपस्सनं पड्डपेत्वा, मग्गफलानं आगतद्धाने “मग्गं भावेस्सामि, फलं सच्छिकरिस्सामी”ति उग्गण्हाति, तस्सेव सा परियत्ति निस्सरणत्था नाम होति । यन्ति यं परियत्तिसुग्गहणं । वुत्तं अलगद्दसुत्ते । दीघरत्तं हिताय सुखाय संवत्तन्तीति सीलादीनं आगतद्धाने सीलादीनि पूरेन्तानम्पि अरहत्तं पत्वा परिसमज्झे धम्मं देसेत्वा धम्मदेसनाय पसन्नेहि उपनीते चत्तारो पच्चये परिभुज्जन्तानम्पि परेसं वादे सहधम्मेन उपारम्भं आरोपेन्तानम्पि सकवादतो परेहि आरोपितदोसं परिहरन्तानम्पि दीघरत्तं हिताय सुखाय संवत्तन्तीति अत्थो । तथा हि न केवलं सुग्गहितपरियत्तिं निस्साय मग्गभावनाफलसच्छिकिरियादीनियेव, अपि तु परवादनिग्गहसकवादपतिट्ठापनानिपि इज्जन्ति । तथा च वुत्तं परिनिब्बानसुत्ता दीसु “उप्पन्नं परप्पवादं सहधम्मेन सुनिग्गहितं निग्गहेत्वा सप्पाटिहारियं धम्मं देसेस्सन्ती”तिआदि (दी० नि० २.६८) ।

यं पनाति एत्थापि वुत्तनयेन दुविधेन अत्थो । दुक्खपरिजानेन परिज्जातक्खन्थो । समुदयप्पहानेन पहीनकिलेसो । पटिविद्धारहतफलताय पटिविद्धाकुप्पो । अकुप्पन्ति च अरहतफलस्सेतं नाम । सतिपि हि चत्तुन्नं मग्गानं, चत्तुन्नञ्च फलानं अविनस्सनभावे सत्तन्नं सेक्खानं सकसकनामपरिच्चागेन उपरूपरि नामन्तरप्पत्तितो तेसं मग्गफलाति “अकुप्पामि”ति न वुच्चन्ति । अरहा पन सब्बदापि अरहायेव नामाति तस्सेव फलं पुग्गलनामवसेन “अकुप्प”न्ति वुत्तं, इमिना च इममत्थं दस्सेति “खीणासवस्सेव परियत्ति भण्डागारिकपरियत्ति नामा”ति । तस्स हि अपरिज्जातं, अप्पहीनं अभावितं, असच्छिकतं वा नत्थि, तस्मा सो बुद्धवचनं परियापुणन्तोपि तन्तिधारको पवेणीपालको वंसानुरक्खकोव हुत्वा परियापुणाति, तेनेवाह “पवेणीपालनत्थाया”तिआदि । पवेणी चेत्थ धम्मसन्तति धम्मस्स अविच्छेदेन पवति । बुद्धस्स भगवतो वंसोति च यथावुत्तपवेणीयेव ।

ननु च यदि पवेणीपालनत्थाय बुद्धवचनस्स परियापुणनं भण्डागारिकपरियत्ति, अथ कस्मा “खीणासवो”ति विसेसेत्वा वुत्तं । एकच्चस्स हि पुथुज्जनस्सापि अयं नयो लब्धति । तथा हि एकच्चो पुथुज्जनो भिक्खु छातकभयादिना गन्थधुरेसु एकस्मिं ठाने

वसितुमसक्कोन्तेसु सयं भिक्खाचारेण अतिकिलममानो “अतिमधुरं बुद्धवचनं मा नस्सतु, तन्तिं धारेस्सामि, वंसं ठपेस्सामि, पवेणिं पालेस्सामी”ति परियापुणाति। तस्मा तस्सापि परियत्ति भण्डागारिकपरियत्ति नाम कस्मा न होतीति? वुच्चते – एवं सन्तेपि हि पुथुज्जनस्स परियत्ति भण्डागारिकपरियत्ति नाम न होति। किञ्चापि हि पुथुज्जनो “पवेणिं पालेस्सामी”ति अज्झासयेण परियापुणाति, अत्तनो पण भवकन्तारतो अवितिण्णत्ता तस्सा सा परियत्ति निस्सरणत्थायेव नाम होति, तस्मा पुथुज्जनस्स परियत्ति अलगद्वपमा वा होति, निस्सरणत्था वा। सत्तत्रं सेक्खानं निस्सरणत्थाव। खीणासवानं भण्डागारिकपरियत्तिवेयाति वेदितब्बं। खीणासवो हि भण्डागारिक सदिसत्ता “भण्डागारिको”ति वुच्चति। यथा हि भण्डागारिको अलङ्कारभण्डं पटिसामेत्वा पसाधनकाले तदुपियं अलङ्कारभण्डं रज्जो उपनामेत्वा तं अलङ्करोति, एवं खीणासवोपि धम्मरतनभण्डं सम्पटिच्छित्वा मोक्खाधिगमायं भब्बरूपे सहेतुके सत्ते पस्सित्वा तदनुरूपं धम्मदेसनं वड्ढेत्या मग्गबोज्झादिसङ्घातेन लोकुत्तरेण अलङ्कारेण अलङ्करोतीति।

एवं तिस्रो परियत्तियो विभजित्वा इदानीं तीसुपि पिटकेसु यथारहं सम्पत्तिविपत्तियो निद्धारेत्वा विभजन्तो “विनये पना”तिआदिमाह। “सीलसम्पदं निस्साय तिस्रो विज्जा पापुणाती”तिआदीसु यस्मा सीलं विसुज्झमानं सतिसम्पज्जबलेन, कम्मस्सकताजाणबलेन च संकिलेसमलतो विसुज्झति, पारिपूरिच्च गच्छति, तस्मा सीलसम्पदा सिज्झमाना उपनिस्सयसम्पत्तिभावेन सतिबलं, जाणबलच्च पच्चुपट्टपेतीति तस्सा विज्जत्तयूपनिस्सयता वेदितब्बा सभागहेतुसम्पादनतो। सतिबलेन हि पुब्बेनिवासविज्जासिद्धि। सम्पज्जबलेन सब्बकिच्चेसु सुदिट्ठकारितापरिचयेन चुतूपपातजाणानुबद्धाय दुतियविज्जाय सिद्धि। वीतिक्कमाभावेन संकिलेसप्पहानसम्भावतो विवट्ठपनिस्सयतावसेन अज्झासयसुद्धिया ततियविज्जासिद्धि। पुरेतरसिद्धानं समाधिपज्जानं पारिपूरिं विना सीलस्स आसवक्खयजाणूपनिस्सयता सुक्खविपस्सकखीणासवेहि दीपेतब्बा। “समाहितो यथाभूतं पजानाती”ति (सं० नि० २.३.५; ३.५.१०७१; नेत्ति० ४०; मि० प० १४) वचनतो समाधिसम्पदा छलभिज्जताय उपनिस्सयो। “योगा वे जायते भूरी”ति (ध० प० २८२) वचनतो पुब्बयोगेण गरुवासदेसभासाकोसल्लउग्गहणपरिपुच्छादीहि च परिभाविता पज्जासम्पदा पटिसम्भिदाप्पभेदस्स उपनिस्सयो। एत्थ च “सीलसम्पदं निस्साया”ति वुत्तत्ता यस्स समाधिविजम्भनभूता अनवसेसा छ अभिज्जा न इज्झन्ति, तस्स उक्कट्टपरिच्छेदवसेन न समाधिसम्पदा अत्थीति सतिपि विज्जानं अभिज्जेकदेसभावे सीलसम्पदासमुदागता एव तिस्रो विज्जा गहिता, यथा च पज्जासम्पदासमुदागता चतस्सो पटिसम्भिदा

उपनिस्सयसम्पन्नस्स मग्गेनेव इज्झन्ति मग्गक्खणेयेव तासं पटिलद्धत्ता । एवं सीलसम्पदासमुदागता तिस्सो विज्जा, समाधिसम्पदासमुदागता च छ अभिज्जा उपनिस्सयसम्पन्नस्स मग्गेनेव इज्झन्तीति मग्गाधिगमेनेव तासं अधिगमो वेदितब्बो । पच्चेकबुद्धानं, सम्मासम्बुद्धानञ्च पच्चेकबोधिसम्मासम्बोधिसमधिगमसदिसा हि इमेसं अरियानं इमे विसेसाधिगमाति ।

तासंयेव च तत्थ पभेदवचनतोति एत्थ “तासंयेवा”ति अवधारणं पापुणितब्बानं छल्लभिज्जाचतुपटिसम्भिदानं विनये पभेदवचनाभावं सन्धाय वुत्तं । **वेरञ्जकण्डे** (पारा० १२) हि तिस्सो विज्जाव विभत्ताति । चसद्देन समुच्चिननञ्च तासं एत्थ एकदेसवचनं सन्धाय वुत्तं अभिज्जापटिसम्भिदानम्पि एकदेसानं तत्थ वुत्तत्ता । दुतिये “तासंयेवा”ति अवधारणं चतस्सो पटिसम्भिदा अपेक्खित्वा कत्तं, न तिस्सो विज्जा । ता हि छसु अभिज्जासु अन्तोगधत्ता सुत्ते विभत्तायेवाति । चसद्देन च पटिसम्भिदानमेकदेसवचनं समुच्चिनोति । ततिये “तासञ्चा”ति चसद्देन सेसानम्पि तत्थ अत्थिभावं दीपेति । अभिधम्मे हि तिस्सो विज्जा, छ अभिज्जा, चतस्सो च पटिसम्भिदा वुत्तायेव । पटिसम्भिदानं पन अञ्जत्थ पभेदवचनाभावं, तत्थेव च सम्मा विभत्तभावं दीपेतुकामो हेट्ठा वुत्तनयेन अवधारणमकत्वा “**तत्थेवा**”ति परिवत्तेत्वा अवधारणं ठपेति । “अभिधम्मे पन तिस्सो विज्जा, छ अभिज्जा, चतस्सो च पटिसम्भिदा अञ्जे च सम्मप्पधानादयो गुणविसेसा विभत्ता । किञ्चापि विभत्ता, विसेसतो पन पञ्जाजातिकत्ता चतस्सोव पटिसम्भिदा पापुणातीति दस्सनत्थं ‘तासञ्च तत्थेवा’ति अवधारणविपल्लासो कतो”ति **वजिरबुद्धित्थेरो** । “**एव**”न्तिआदि निगमनं ।

सुखो सम्फस्सो एतेसन्ति **सुखसम्फस्सानि**, अनुज्जातानियेव तादिसानि अत्थरणपावुरणादीनि, तेसं फस्ससामञ्जतो सुखो वा सम्फस्सो तथा, अनुज्जातो सो येसन्ति **अनुज्जातसुखसम्फस्सानि**, तादिसानि अत्थरणपावुरणादीनि तेसं फस्सेन समानताय । **उपादिन्नकफस्सो** इत्थिफस्सो, मेथुनधम्मोयेव । **वुत्तं** अरिद्धेन नाम गद्धबाधिपुब्बेन भिक्खुना (म० नि० २३४; पाचि० ४१७) । सो हि बहुस्सुतो धम्मकथिको कम्मकिलेसविपाकउपवादआणावीतिकमवसेन पञ्चविधेषु अन्तरायिकेषु आणावीतिकमन्तरायिकं न जानाति, सेसन्तरायिकेयेव जानाति, तस्मा सो रहोगतो एवं चिन्तेसि “इमे अगारिका पञ्च कामगुणे परिभुज्जन्ता सोतापन्नापि सकदागामिनोपि अनागामिनोपि होन्ति, भिक्खूपि मनापिकानि चक्खुविज्जेय्यानि रूपानि पस्सन्ति...पे०...

कायविज्जेय्ये फोड्डब्बे फुसन्ति, मुदुकानि अत्थरणपावुरणानि परिभुज्जन्ति, एतं सब्बम्पि वट्ठति, कस्मा इत्थीनंयेव रूपसद्दगन्धरसफोड्डब्बा न वट्ठन्ति, एतेपि वट्ठन्तियेवा”ति अनवज्जेन पच्चयपरिभोगरसेन सावज्जं कामगुणपरिभोगरसं संसन्दित्वा सच्छन्दरागपरिभोगज्च निच्छन्दरागपरिभोगज्च एकं कत्वा थुल्लवाकेहि सद्धिं अतिसुखुमसुत्तं घटेन्तो विय, सासपेन सद्धिं सिनेरुनो सदिसतं उपसंहरन्तो विय च पापकं दिट्ठिगतं उप्पादेत्वा “किं भगवता महासमुद्धं बन्धन्तेन विय महता उस्साहेन पठमपाराजिकं पज्जत्तं, नत्थि एत्थ दोसो”ति सब्बज्जुतज्जाणेन सद्धिं पटिविरुज्झन्तो वेसारज्जजाणं पटिबाहन्तो अरियमग्गे खाणुकण्टकादीनि पक्खिपन्तो “मेथुनधम्मे दोसो नत्थी”ति जिनचक्के प्हारमदासि, तेनाह “तथाह”न्तिआदि ।

अनतिक्कमनत्थेन अन्तराये नियुत्ता, अन्तरायं वा फलं अरहन्ति, अन्तरायस्स वा करणसीलाति **अन्तरायिका**, सग्गमोक्खानं अन्तरायकराति वुत्तं होति । ते च कम्मकिलेसविपाकउपवादआणावीतिक्कमवसेन पज्चविधा । वित्थारो अरिद्विसिक्खापदवण्णनादीसु (पाचि० अट्ठ० ४१७) गहेतब्बो । अयं पनेत्थ पदत्थसम्बन्धो – ये इमे धम्मा अन्तरायिका इति भगवता वुत्ता देसिता चेव पज्जत्ता च, ते धम्मे पटिसेवतो पटिसेवन्तस्स यथा येन पकारेन ते धम्मा अन्तरायाय सग्गमोक्खानं अन्तरायकरणत्थं नालं समत्था न होन्ति, तथा तेन पकारेन अहं भगवता देसितं धम्मं आजानामीति । ततो दुस्सीलभावं पापुणातीति ततो अनवज्जसज्जिभावहेतुतो वीतिक्कमित्वा दुस्सीलभावं पापुणाति ।

चत्तारो...पे०...आदीसूति एत्थ आदि-सद्देन –

“चत्तारोमे भिक्खवे, पुगला सन्तो संविज्जमाना लोकस्मिं । कतमे चत्तारो ? अत्तहिताय पटिपन्नो नो परहिताय, परहिताय पटिपन्नो नो अत्तहिताय, नेवत्तहिताय पटिपन्नो नो परहिताय, अत्तहिताय चेव पटिपन्नो परहिताय च...पे०... इमे खो भिक्खवे...पे०... लोकस्मि”न्ति (अ० नि० ४.९६) –

एवमादिना **पुगलदेसनापटिसज्जुत्तसुत्तन्तपाळिं** निदस्सेति । **अधिप्पायन्ति** “अयं पुगलदेसनावोहारवसेन, न परमत्थतो”ति एवं भगवतो अधिप्पायं । वुत्तज्झि –

“दुवे सच्चानि अक्खासि, सम्बुद्धो वदतं वरो ।
सम्मुतिं परमत्थञ्च, ततियं नूपलब्धति ॥

सङ्केतवचनं सच्चं, लोकसम्मुतिकारणा ।
परमत्थवचनं सच्चं, धम्मनं भूतकारणा ॥

तस्मा वोहारकुसलस्स, लोकनाथस्स सत्थुनो ।
सम्मुतिं वोहरन्तस्स, मुसावादो न जायती”ति ॥ (म० नि० अट्ठ० १.५७;
अ० नि० अट्ठ० १.१.१७०; इतिवु० अट्ठ० २४) ।

न हि लोकसम्मुतिं बुद्धा भगवन्तो विजहन्ति, लोकसमञ्जाय लोकनिरुत्तिया लोकाभिलापे ठितायेव धम्मं देसेन्ति । अपिच “हिरोत्तप्पदीपनत्थं, कम्मस्सकतादीपनत्थ”न्ति (म० नि० अट्ठ० १.५७; अ० नि० अट्ठ० १.१.२०२; इतिवु० अट्ठ० २४; कथा० व० अनु० टी० १) एवमादीहिपि अट्ठहि कारणेहि भगवा पुग्गलकथं कथेती”ति एवं अधिप्पायमजानन्तो । अयमत्थो उपरि आवि भविस्सति । **दुग्गहितं गण्हातीति** “तथाहं भगवता धम्मं देसितं आजानामि, यथा तदेविदं विज्जाणं सन्धावति संसरति अनज्ज”न्तिआदिना (म० नि० १.१४४) दुग्गहितं कत्वा गण्हाति, विपरीतं गण्हातीति वुत्तं होति । **दुग्गहितन्ति** हि भावनपुंसकनिद्देसो किरियायविसेसनभावेन नपुंसकलिङ्गेन निद्दिसितब्बत्ता । अयञ्चि भावनपुंसकपदस्स पकति, यदिदं नपुंसकलिङ्गेन निद्दिसितब्बत्ता, भावप्पट्टानता, सकम्माकम्मकिरियानुयोगं पच्चत्तोपयोगवचनता च । तेन वुत्तं “दुग्गहितं कत्वा”ति । यन्ति दुग्गहितगाहं । मज्झिमनिकाये मूलपण्णासके **महातण्हासङ्ख्यसुत्ते** (म० नि० १.१४४) तथावादीनं साधिनामकं केवट्टपुत्तं भिक्खुं आरब्ध भगवता वुत्तं । अत्तना दुग्गहितेन धम्मेनाति पाठसेसो, मिच्छासभावेनाति अत्थो । अथ वा दुग्गहणं दुग्गहितं, **अत्तनाति** च सामिअत्थे करणवचनं, विभत्तियन्तपतिरूपकं वा अब्बयपदं, तस्मा अत्तनो दुग्गहणेन विपरीतगाहेनाति अत्थो । **अब्बविक्खतीति** अब्बक्खानं करोति । अत्तनो कुसलमूलानि खनन्तो **अत्तानं खनति** नाम । ततोति दुग्गहितभावहेतुतो ।

धम्मचिन्तन्ति धम्मसभावविचारं । **अतिधावन्तोति** ठातब्बमरियादायं अट्ठत्वा “चित्तुप्पादमत्तेनपि दानं होति, सयमेव चित्तं अत्तनो आरम्भणं होति, सब्बम्पि चित्तं सभावधम्मरम्मणमेव होती”ति च एवमादिना अतिक्कमित्वा पवत्तयमानो ।

चिन्तेतुमसक्कुणेरुप्यानि, अनरहरूपानि वा **अचिन्तेय्यानि** नाम, तानि दस्सेन्तो “**वुत्तज्जेत**”न्तिआदिमाह। तत्थ **अचिन्तेय्यानीति** तेसं सभावदस्सनं। न चिन्तेतब्बानीति तत्थ कत्तब्बकिच्चदस्सनं। “**यानी**”तिआदि तस्स हेतुदस्सनं। यानि चिन्तेन्तो उम्मादस्स चित्तक्खेपस्स, विघातस्स विहेसस्स च भागी अस्स, अचिन्तेय्यानि इमानि चत्तारि न चिन्तेतब्बानि, इमानि वा चत्तारि अचिन्तेय्यानि नाम न चिन्तेतब्बानि, यानि वा...पे०... अस्स, तस्मा न चिन्तेतब्बानि अचिन्तेतब्बभूतानि इमानि चत्तारि अचिन्तेय्यानि नामाति योजना। इति-सद्देन पन -

“कतमानि चत्तारि? बुद्धानं भिक्खवे बुद्धविसयो अचिन्तेय्यो न चिन्तेतब्बो, यं चिन्तेन्तो उम्मादस्स विघातस्स भागी अस्स। ज्ञायिस्स भिक्खवे ज्ञानविसयो अचिन्तेय्यो...पे०... कम्मविपाको भिक्खवे अचिन्तेय्यो...पे०... लोकचिन्ता भिक्खवे अचिन्तेय्या...पे०... इमानि...पे०... अस्सा”ति (अ० नि० ४.७७) -

चतुरङ्गुत्तरे वुत्तं **अचिन्तेय्यसुत्तं** आदिं कत्वा सब्बं अचिन्तेय्यभावदीपकं पाळिं सङ्गण्हाति। कामं अचिन्तेय्यानि छ असाधारणजाणादीनि, तानि पन अनुस्सरन्तस्स कुसलुप्पत्तिहेतुभावतो चिन्तेतब्बानि, इमानि पन एवं न होन्ति अफलभावतो, तस्मा न चिन्तेतब्बानि। “**दुस्सील्य...पे०... पभेद**”न्ति इमिना विपत्तिं सरूपतो दस्सेति। “कथं? पिटकवसेना”तिआदिवचनसम्बज्झनेन पुब्बापरसम्बन्धं दस्सेन्तो “**एवं नानप्यकारतो**”तिआदिमाह। पुब्बापरसम्बन्धविरहितज्झि वचनं ब्याकुलं। सोतूनज्ज अत्थविज्जापकं न होति, पुब्बापरज्जूनमेव च तथाविचारितवचनं विसयो। यथाह -

“पुब्बापरज्जू अत्थज्जू, निरुत्तिपदकोविदो।

सुग्गहीतज्ज गण्हाति, अत्थज्जो’ पपरिक्खती”ति।। (थेर० गा० १०३१)।

तेसन्ति पिटकानं। एतन्ति बुद्धवचनं।

सीलखन्धवग्गमहावग्गपाथिकवग्गसङ्घातेहि तीहि वग्गेहि सङ्गहो एतेसन्ति **तिवग्गसङ्गहानि**। गाथाय पन यस्स निकायस्स सुत्तगणनतो **चतुत्तिसेव सुत्तन्ता**। वग्गसङ्गहवसेन तयो वग्गा अस्स सङ्गहस्साति **तिवग्गो सङ्गहो**। पठमो एस निकायो

दीघनिकायोति अनुलोमिको अपच्चनीको, अथानुलोमनतो अथानुलोमनामिको वा, अन्वत्थनामोति अत्थो। तत्थ “तिवग्गो सङ्गहो”ति एतं “यस्सा”ति अन्तरिकेपि समासोयेव होति, न वाक्यन्ति दट्ठब्बं “नवं पन भिक्खुना चीवरलाभेना”ति (पाचि० ३६८) एत्थ “नवंचीवरलाभेना”ति पदं विय। तथा हि अट्ठकथाचरिया वण्णयन्ति “अलब्भीति लभो, लभो एव लाभो। किं अलब्धि? चीवरं। कीदिसं? नवं, इति ‘नवचीवरलाभेना’ति वत्तब्बे अनुनासिकलोपं अकत्वा ‘नवंचीवरलाभेना’ति वुत्तं, पटिलद्धनवचीवरेनाति अत्थो। मज्झे ठितपदद्वये पनाति निपातो। भिक्खुनाति येन लद्धं, तस्स निदस्सन’न्ति (पाचि० अट्ठ० ३६८)। इधापि सद्वतो, अत्थतो च वाक्ये युत्तियाअभावतो समासोयेव सम्भवति। “तिवग्गो”ति पदज्झि “सङ्गहो”ति एत्थ यदि करणं, एवं सति करणवचनन्तमेव सिया। यदि च पदद्वयमेतं तुल्याधिकरणं, तथा च सति नपुंसकलिङ्गमेव सिया “तिलोक”न्तिआदिपदं विय। तथा “तिवग्गो”ति एतस्स “सङ्गहो”ति पदमन्तरेन अज्जत्थासम्बन्धो न सम्भवति, तत्थ च तादिसेन वाक्येन सम्बज्जनं न युत्तं, तस्मा समानेपि पदन्तरन्तरिके सद्वत्थाविरोधभावोयेव समासताकारणन्ति समासो एव युत्तो। तयो वग्गा अस्स सङ्गहस्साति हि तिवग्गोसङ्गहो अकारस्स ओकारादेसं, ओकारागमं वा कत्वा यथा “सत्ताहपरिनिब्बुतो, अचिरपक्कन्तो, मासजातो”तिआदि, अस्स सङ्गहस्साति च सङ्गहितस्स अस्स निकायस्साति अत्थो। अपरे पन “तयो वग्गा यस्साति कत्वा ‘सङ्गहो’ति पदेन तुल्याधिकरणमेव सम्भवति, सङ्गहोति च गणना। टीकाचरियेहि (सारत्थ टी० १.पठममहासङ्गीतिकथावण्णना) पन ‘तयो वग्गा अस्स सङ्गहस्सा’ति पदद्वयस्स तुल्याधिकरणतायेव दस्सिता’ति वदन्ति, तदयुत्तमेव सङ्ख्यासङ्ख्येय्यानं मिस्सकत्ता, अपाकट्ता च।

अथानुलोमिकत्तं विभावेतुमाह “कस्मा”तिआदि। गुणोपचारेन, तद्धितवसेन वा दीघ-सद्देन दीघप्पमाणानि सुत्तानियेव गहितानि, निकायसद्दो च रुद्धिवसेन समूहनिवासत्थेसु वत्ततीति दस्सेति “दीघप्पमाणान”न्तिआदिना। सङ्केतसिद्धत्ता वचनीयवाचकानं पयोगतो तदत्थेसु तस्स सङ्केतसिद्धत्तं जापेन्तो “नाह”न्तिआदिमाह। एकनिकायम्पीति एकसमूहम्पि। एवं चित्तन्ति एवं विचित्तं। यथयिदन्ति यथा इमे तिरच्छानगता पाणा। पोणिका, चिक्खल्लिका च खत्तिया, तेसं निवासो “पोणिकनिकायो चिक्खल्लिकनिकायो”ति वुच्चति। एत्थाति निकायसदस्स समूहनिवासानं वाचकभावे। साधकानीति अधिप्पेतस्सत्थस्स साधनतो उदाहरणानि वुच्चन्ति। “समानीतानी”ति पाठसेसेन चेतस्स सम्बन्धो, सक्खीनि वा यथावुत्तनयेन साधकानि। यज्झि निद्धारेत्वा अधिप्पेतत्थं

साधेन्ति, तं “सक्खी”ति वदन्ति । तथा हि **मनोरथपूरणियं** वुत्तं “पञ्चगरुजातकं (जा० १.१.१३२) पन सक्खिभावत्थाय आहरित्वा कथेतब्ब”न्ति (अ० नि० अट्ठ० १.१.५) **सासनतो**ति सासनपयोगतो, सासने वा । **लोकतो**ति लोकियपयोगतो, लोके वा । इदं पन पिटकत्तये न विज्जति, तस्मा एवं वुत्तन्ति वदन्ति । एत्थ च पठममुदाहरणं सासनतो साधकवचनं, दुतियं लोकतोति दट्ठब्बं ।

मूलपरियाय वग्गादिवसेन पञ्चदसवग्गसङ्गहानि । अट्ठेन दुतियं **दियट्ठं**, तदेव सत्तं, एकसत्तं, पज्जास च सुत्तानीति वुत्तं होति । **यत्था**ति यस्मिं निकाये । **पञ्चदसवग्गपरिग्गहो**ति पञ्चदसहि वग्गेहि परिग्गहितो सङ्गहितो ।

संयुज्जन्ति एत्थाति **संयुत्तं**, केसं संयुत्तं ? सुत्तवग्गानं । यथा हि ब्यज्जनसमुदाये पदं, पदसमुदाये च वाक्यं, वाक्यसमुदाये सुत्तं, सुत्तसमुदाये वग्गोति समज्जा, एवं वग्गसमुदाये संयुत्तसमज्जा । देवताय पुच्छितेन कथितसुत्तवग्गादीनं संयुत्तत्ता देवतासंयुत्तादिभावो, (सं० नि० १.१.१) तेनाह **“देवतासंयुत्तादिवसेना”**तिआदि । **“सुत्तन्तानं सहस्सानि सत्त सुत्तसतानि चा”**ति पाठे सुत्तन्तानं सत्त सहस्सानि, सत्त सुत्तसतानि चाति योजेतब्बं । **“सत्त सुत्तसहस्सानि, सत्त सुत्तसतानि चा”**तिपि पाठो । **संयुत्तसङ्गहो**ति संयुत्तनिकायस्स सङ्गहो गणना ।

एकेकेहि अङ्गेहि उपरूपरि उत्तरो अधिको एत्थाति **अङ्गुत्तरो**ति आह **“एकेकअङ्गातिरेकवसेना”**तिआदि । तत्थ हि एकेकतो पट्ठाय याव एकादस अङ्गानि कथितानि । अङ्गन्ति च धम्मकोट्टासो ।

पुब्बेति सुत्तन्तपिटकनिद्वेसे । वुत्तमेव पकारन्तरेण सङ्घिपित्वा अविसेसेत्वा दस्सेतुं **“उपेत्वा”**तिआदि वुत्तं । **“सकलं विनयपिटक”**न्तिआदिना वुत्तमेव हि इमिना पकारन्तरेण सङ्घिपित्वा दस्सेति । अपिच यथावुत्ततो अवसिट्ठं यं किञ्चि भगवता दिन्ननये ठत्वा देसितं, भगवता च अनुमोदितं नेत्तिपेटकोपदेसादिकं, तं सब्बम्पि एत्थेव परियापन्नन्ति अनवसेसपरियादानवसेन दस्सेतुं एवं वुत्तन्तिपि दट्ठब्बं । सिद्धेपि हि सति आरम्भो अत्थन्तरविज्जापनाय वा होति, नियमाय वाति । एत्थ च यथा **“दीघप्पमाणान”**न्तिआदि वुत्तं, एवं **“खुद्दकप्पमाणान”**न्तिआदिमवत्वा सरूपस्सेव कथनं विनयाभिधम्मादीनं दीघप्पमाणानम्पि तदन्तोगधतायाति दट्ठब्बं, तेन च विज्जायति **“न सब्बत्थ**

खुद्दकपरियापन्नेसु तस्स अन्वत्थसमञ्जता, दीघनिकायादिसभावविपरीतभावसामञ्जेन पन कत्थचि तब्बोहारता'ति । तदञ्जन्ति तेहि चतूहि निकायेहि अञ्जं, अवसेसन्ति अत्थो ।

नवप्पभेदन्ति एत्थ कथं पनेतं नवप्पभेदं होति । तथा हि नवहि अङ्गेहि ववत्थितेहि अञ्जमञ्जसङ्कररहितेहि भवितब्बं, तथा च सति असुत्तसभावानेव गेय्यङ्गादीनि सियुं, अथ सुत्तसभावानेव गेय्यङ्गादीनि, एवं सति सुत्तन्ति विसुं सुत्तङ्गमेव न सिया, एवं सन्ते अट्ठङ्गं सासनन्ति आपज्जति । अपिच “सगाथकं सुत्तं गेय्यं, निग्गाथकं सुत्तं वेय्याकरण”न्ति (दी० नि० अट्ठ०, पारा० अट्ठ० पठममहासङ्गीतिकथा) **अट्ठकथायं** वुत्तं । सुत्तञ्च नाम सगाथकं वा सिया, निग्गाथकं वा, तस्मा अङ्गद्वयेनेव तदुभयं सङ्गहितन्ति तदुभयविनिमुत्तं सुत्तं उदानादिविसेससञ्चारहितं नत्थि, यं सुत्तङ्गं सिया, अथापि कथञ्चि विसुं सुत्तङ्गं सिया, **मङ्गलसुत्तादीनं** (खु० पा० १; सु० नि० २६१) सुत्तङ्गसङ्गहो न सिया गाथाभावतो धम्मपदादीनं विय । गेय्यङ्गसङ्गहो वा सिया सगाथकत्ता सगाथावग्गस्स विय । तथा उभतोविभङ्गादीसु सगाथकप्पदेसानन्ति ? वुच्चते –

सुत्तन्ति सामञ्जविधि, विसेसविधयो परे ।

सनिमित्ता निरुद्धता, सहताञ्जेन नाञ्जतो ।। (दी० नि० टी० १.पठममहासङ्गीतिकथा) ।

यथावुत्तस्स दोसस्स, नत्थि एत्थावगाहणं ।

तस्मा असङ्करंयेव, नवङ्गं सत्थुसासनं ।। (सारत्थ टी० १.पठममहासङ्गीतिकथा) ।

सब्बस्सापि हि बुद्धवचनस्स **सुत्तन्ति** अयं **सामञ्जविधि** । तथा हि “एत्तकं तस्स भगवतो सुत्तागतं सुत्तपरियापन्नं, (पाचि० अट्ठ० ६५५, १२४२) सावत्थिया सुत्तविभङ्गे, (चूळ० व० ४५६) सकवादे पञ्च सुत्तसतानी”तिआदि (ध० स० अट्ठ० निदानकथा) वचनतो विनयाभिधम्मपरियत्ति विसेसेसुपि सुत्तवोहारो दिस्सति । तेनेव च आयस्मा महाकच्चायनो **नेत्तियं** आह “नवविधसुत्तन्तपरियेड्ढी”ति (नेत्ति० सङ्गहवारवण्णना) तत्थ हि सुत्तादिवसेन नवङ्गस्स सासनस्स परियेड्ढि परियेसना अत्थविचारणा “नवविध सुत्तन्तपरियेड्ढी”ति वुत्ता । तदेकदेसेसु पन **परे** गेय्यादयो **सनिमित्ता विसेसविधयो** तेन तेन निमित्तेन पतिट्ठिता । तथा हि गेय्यस्स सगाथकत्तं तब्बावनिमित्तं । लोकेपि हि ससिलोकं सगाथकं चुण्णियगन्थं

“गेय्य”न्ति वदन्ति, गाथाविरहे पन सति पुच्छं कत्वा विस्सज्जनभावो वेय्याकरणस्स तब्भावनिमित्तं। पुच्छाविस्सज्जनज्झि “ब्याकरण”न्ति वुच्चति, ब्याकरणमेव वेय्याकरणं। एवं सन्ते सगाथकादीनम्पि पुच्छं कत्वा विस्सज्जनवसेन पवत्तानं वेय्याकरणभावो आपज्जतीति? नापज्जति गेय्यादिसज्जानं अनोकासभावतो। सओकासविधितो हि अनोकासविधि बलवा। अपिच “गाथाविरहे सती”ति विसेसितत्ता। यथाधिपेतस्स हि अत्थस्स अनधिपेततो ब्यवच्छेदकं विसेसनं। तथा हि धम्मपदादीसु केवलगाथाबन्धेसु, सगाथकत्तेपि सोमनस्सजाणमयिकगाथापटिसज्जुत्तेसु, “वुत्तं हेत”न्तिआदिवचन सम्बन्धेसु, अब्भुतधम्मपटिसंयुत्तेसु च सुत्तविसेसेसु यथाक्कमं गाथाउदानइतिवुत्तक अब्भुतधम्मसज्जा पतिट्ठिता। एत्थ हि सतिपि सज्जान्तरनिमित्तयोगे अनोकाससज्जानं बलवभावेनेव गाथादिसज्जा पतिट्ठिता, तथा सतिपि गाथाबन्धभावे भगवतो अतीतासु जातीसु चरियानुभावप्पकासकेसु जातकसज्जा पतिट्ठिता, सतिपि पज्हाविस्सज्जनभावे, सगाथकत्ते च केसुचि सुत्तन्तेसु वेदस्स लभापनतो वेदल्लसज्जा पतिट्ठिता, एवं तेन तेन सगाथकत्तादिना निमित्तेन तेसु तेसु सुत्तविसेसेसु गेय्यादिसज्जा पतिट्ठिताति विसेसविधयो सुत्तङ्गतो परे गेय्यादयो, यं पनेत्थ गेय्यङ्गादिनिमित्तरहितं, तं सुत्तङ्गमेव विसेससज्जापरिहारेण सामज्जसज्जाय पवत्तनतो। ननु च एवं सन्तेपि सगाथकं सुत्तं गेय्यं, निग्गाथकं सुत्तं वेय्याकरणन्ति तदुभयविनिमुत्तस्स सुत्तस्स अभावतो विसुं सुत्तङ्गमेव न सियाति चोदना तदवत्था एवाति? न तदवत्था सोधितत्ता। सोधितज्झि पुब्बे गाथाविरहे सति पुच्छाविस्सज्जनभावो वेय्याकरणस्स तब्भावनिमित्तन्ति।

यच्च वुत्तं “गाथाभावतो मङ्गलसुत्तादीनं (खु० पा० १; सु० नि० २६१) सुत्तङ्गसङ्गहो न सिया”ति, तम्पि न, निरुळ्हत्ता। निरुळ्हो हि मङ्गलसुत्तादीनं सुत्तभावो। न हि तानि धम्मपदबुद्धवंसादयो विय गाथाभावेन सज्जितानि, अथ खो सुत्तभावेनेव। तेनेव हि अङ्ककथायं “सुत्तनामक”न्ति नामग्गहणं कतं। यच्च पन वुत्तं “सगाथकत्ता गेय्यङ्गसङ्गहो वा सिया”ति, तम्पि नत्थि। कस्माति चे? यस्मा सहताज्जेन, तस्मा। सहभावो हि नाम अत्ततो अज्जेन होति। सह गाथाहीति च सगाथकं, न च मङ्गलसुत्तादीसु गाथाविनिमुत्तो कोचि सुत्तपदेसो अत्थि, यो “सह गाथाही”ति वुच्चेय्य, ननु च गाथासमुदायो तदेकदेसाहि गाथाहि अज्जो होति, यस्स वसेन “सह गाथाही”ति सक्का वत्तुन्ति? तं न। न हि अवयवविनिमुत्तो समुदायो नाम कोचि अत्थि, यो तदेकदेसेहि सह भवेय्य। कथंचि पन “दीघसुत्तङ्कितस्सा”तिआदीसु समुदायेकदेसानं विभागवचनं वोहारमत्तं पति परियायवचनमेव, अयच्च निप्परियायेन

पभेदविभागदस्सनकथाति । यम्पि वुत्तं “उभतोविभङ्गादीसु सगाथकप्पदेसानं गेय्यङ्गसङ्गहो सिया”ति, तम्पि न, अज्जतो । अज्जायेव हि ता गाथा जातकादिपरियापन्नता । तादिसायेव हि कारणानुरूपेण तत्थ देसिता, अतो न ताहि उभतोविभङ्गादीनं गेय्यङ्गभावोति । एवं सुत्तादिनवङ्गानं अज्जमज्जसङ्कराभावो वेदितब्बोति ।

इदानी एतानि नवङ्गानि विभजित्वा दस्सेन्तो “तत्था”तिआदिमाह । निद्देसो नाम सुत्तनिपाते –

“कामं कामयमानस्स, तस्स चे तं समिज्झति ।

अद्धा पीतिमनो होति, लद्धा मच्चो यदिच्छती”तिआदिना ।। (सु० नि० ७७२) ।-

आगतस्स अट्ठकवग्गस्स;

“केनस्सु निवुतो लोको, (इच्चायस्मा अजितो) ।

केनस्सु न पकासति ।

किस्साभिलेपनं ब्रूसि,

किंसु तस्स महब्भय”न्तिआदिना ।। (सु० नि० १०३८) ।-

आगतस्स पारायनवग्गस्स;

“सब्बेसु भूतेसु निधाय दण्डं,

अविहेठयं अज्जतरम्पि तेसं ।

न पुत्तमिच्छेय्य कुतो सहायं,

एको चरे खग्गविसाणकप्पो”तिआदिना ।। (सु० नि०

३५) ।-

आगतस्स खग्गविसाणसुत्तस्स च अत्थविभागवसेन सत्थुकप्पेण आयस्मता धम्मसेनापतिसारिपुत्तत्थेरेण कतो निद्देसो, यो “महानिद्देसो, चूळनिद्देसो”ति वुच्चति । एवमिध निद्देसस्स सुत्तङ्गसङ्गहो भदन्तबुद्धधोसाचरियेण दस्सितो, तथा अज्जत्थापि

विनयट्टकथादीसु, आचरियधम्मपालत्थेनापि नेत्तिप्पकरणट्टकथायं । अपरे पन निदेसस्स गाथावेय्याकरणङ्गेषु द्वीसु सङ्गहं वदन्ति । वुत्तञ्जेतं निदेसट्टकथायं उपसेनत्थेरेन –

“सो पनेस विनयपिटकं...पे०... अभिधम्मपिटकन्ति तीसु पिटकेसु सुत्तन्तपिटकपरियापन्नो, दीघनिकायो...पे०... खुद्दकनिकायोति पञ्चसु निकायेसु खुद्दकमहानिकायपरियापन्नो, सुत्तं...पे०... वेदल्लन्ति नवसु सत्थुसासनङ्गेषु यथासम्भवं गाथङ्गवेय्याकरणङ्गद्वयसङ्गहितो”ति (महानि० अट्ठ० गन्थारम्भकथा) ।

एत्थ ताव कत्थचि पुच्छविस्सज्जनसम्भावतो निदेसेकदेसस्स वेय्याकरणङ्गसङ्गहो युज्जतु, अगाथाभावतो गाथङ्गसङ्गहो कथं युज्जेय्याति वीमंसितब्बमेतं । धम्मपदादीनं विय हि केवलं गाथाबन्धभावो गाथङ्गस्स तद्भावनिमित्तं । धम्मपदादीसु हि केवलं गाथाबन्धेषु गाथासमञ्जा पतिट्ठिता, निदेसे च न कोचि केवलो गाथाबन्धपदेसो उपलब्धति । सम्मासम्बुद्धेन भासितानयेव हि अट्टकवग्गादिसङ्गहितानं गाथानं निदेसमत्तं धम्मसेनापतिना कतं । अत्थविभजनत्थं आनीतापि हि ता अट्टकवग्गादिसङ्गहिता निद्विसितब्बा मूलगाथायो सुत्तनिपातपरियापन्नत्ता अज्जायेवाति न निदेससङ्गहं गच्छन्ति उभतोविभङ्गादीसु आगतापि तं वोहारमलभमाना जातकादिपरियापन्ना गाथायो विय, तस्मा कारणन्तरमेत्थ गवेसितब्बं, युत्ततरं वा गहेतब्बं ।

नालकसुत्तं नाम धम्मचक्कप्पवत्तिव दिवसतो सत्तमे दिवसे नालकत्थेरस्स “मोनेय्यं ते उपज्जिस्स”न्तिआदिना (सु० नि० ७०६) भगवता भासितं मोनेय्य पटिपदापरिदीपकं सुत्तं । तुवट्टकसुत्तं नाम महासमयसुत्तन्तदेसनाय सन्निपतितेषु देवेषु “का नु खो अरहत्तप्पत्तिया पटिपत्ती”ति उप्पन्नचित्तानं एकच्चानं देवतानं तमत्थं पकासेतुं निमित्तबुद्धेन अत्तानं पुच्छापेत्वा “मूलं पपञ्चसङ्खाया”तिआदिना (सु० नि० १२२) भगवता भासितं सुत्तं । एवमिध सुत्तनिपाते आगतानं मङ्गलसुत्तादीनं सुत्तङ्गसङ्गहो दस्सितो, तत्थेव आगतानं असुत्तनामिकानं सुद्धिकगाथानं गाथङ्गसङ्गहञ्च दस्सयिस्सति, एवं सति सुत्तनिपातट्टकथारम्भे –

“गाथासतसमाकिण्णो, गेय्यव्याकरणङ्कितो ।

कस्मा सुत्तनिपातोति, सङ्गमेस गतोति चे”ति ।। (सु० नि० अट्ठ० १.गन्थारम्भकथा) । –

सकलस्सापि सुत्तनिपातस्स गेय्यवेय्याकरणङ्गसङ्गहो कस्मा चोदितोति ? नायं विरोधो । केवलञ्चि तत्थ चोदकेन सगाथकत्तं, कत्थचि पुच्छाविस्सज्जनत्तञ्च गहेत्वा चोदनामत्तं कत्तं, अज्जथा सुत्तनिपाते निग्गाथकस्स सुत्तस्सेव अभावतो वेय्याकरणङ्गसङ्गहो न चोदेतब्बो सिया, तस्मा चोदकस्स वचनमेतं अप्पमाणन्ति इध, अज्जासु च विनयट्ठकथादीसु वुत्तनयेनेव तस्स सुत्तङ्गाथङ्गसङ्गहो दस्सितोति । **सुत्तन्ति** चुण्णियसुत्तं । **विसेसेना**ति रासिभावेन ठितं सन्धायाह । सगाथावग्गो गेय्यन्ति सम्बन्धो ।

“अट्ठहि अङ्गेहि असङ्गहितं नाम पटिसम्भिदादी”ति तीसुपि किर **गण्ठिपदेसु** वुत्तं । अपरे पन पटिसम्भिदामग्गस्स गेय्यवेय्याकरणङ्गद्वयसङ्गहं वदन्ति । वुत्तज्जेतं **तदट्ठकथायं** “नवसु सत्थुसासनङ्गेसु यथासम्भवं गेय्यवेय्याकरणङ्गद्वयसङ्गहितं”न्ति (पटि० म० अट्ठ० १.गन्धारम्भकथा), एत्थापि गेय्यङ्गसङ्गहितभावो वुत्तनयेन वीमंसितब्बो । **नो सुत्तनामिका**ति असुत्तनामिका सङ्गीतिकाले सुत्तसमज्जाय अपज्जाता । “सुद्धिकगाथा नाम वत्थुगाथा”ति तीसुपि किर **गण्ठिपदेसु** वुत्तं, **वत्थुगाथा**ति च पारायनवग्गस्स निदानमारोपेन्तेन आयस्मता आनन्दत्थेरेन सङ्गीतिकाले वुत्ता छप्पज्जास गाथायो, नालकसुत्तस्स निदानमारोपेन्तेन तेनेव तदा वुत्ता वीसतिमत्ता गाथायो च वुच्चन्ति । **सुत्तनिपातट्ठकथायं** (सु० नि० अट्ठ० २.६८५) पन “परिनिब्बुते भगवति सङ्गीतिं करोन्तेनायस्मता महाकस्सपेन तमेव मोनेय्यपटिपदं पुट्ठो आयस्मा आनन्दो येन, यदा च समादपितो नालकत्थेरो भगवन्तं पुच्छि, तं सब्बं पाकटं कत्वा दस्सेतुकामो ‘आनन्दजाते’तिआदिका (सु० नि० ६८४) वीसति वत्थुगाथायो वत्वा विस्सज्जेसि, तं सब्बम्पि ‘नालकसुत्त’न्ति वुच्चती”ति आगतत्ता नालकसुत्तस्स वत्थुगाथायो नालकसुत्तगहणेनेव गहिताति पारायनवग्गस्स वत्थुगाथायो इध सुद्धिकगाथाति गहेतब्बं । तत्थेव च पारायनवग्गे अजितमाणवकादीनं सोळसन्नं ब्राह्मणानं पुच्छागाथा, भगवतो विस्सज्जनगाथा च पाळियं सुत्तनामेन अवत्वा ‘अजितमाणवकपुच्छा, तिससमेत्तेय्यमाणवकपुच्छा’तिआदिना (सु० नि० १०३८) आगतत्ता, चुण्णियगन्थे हि असम्भिस्सत्ता च “नो सुत्तनामिका सुद्धिकगाथा नामा”ति वत्तुं वट्ठति ।

“सोमनस्सजाणमयिकगाथापटिसंयुत्ता”ति एतेन उदानट्ठेन उदानन्ति अन्वत्थसज्जतं दस्सेति (उदान अट्ठ० गन्धारम्भकथा) किमिदं उदानं नाम ? पीतिवेगसमुट्ठापितो उदाहारो । यथा हि यं तेलदि मिनितब्बवत्थु मानं गहेतुं न सक्कोति, विस्सन्दित्वा गच्छति, तं “अवसेसको”ति वुच्चति । यज्ज जलं तळाकं गहेतुं न सक्कोति, अज्जोत्थरित्वा गच्छति, तं “महोघो”ति वुच्चति, एवमेव यं पीतिवेगसमुट्ठापितं वितक्कविप्फारं अन्तोहदयं

सन्धारेतुं न सक्कोति, सो अधिको हुत्वा अन्तो असण्ठहत्वा बहि वचीद्वारेन निक्खन्तो पटिग्गाहकनिरपेक्खो उदाहारविसेसो “उदान”न्ति वुच्चति (उदान अट्ठ० गन्थारम्भकथा) “उद मोदे कीलायज्जा”ति हि **अक्खरचिन्तका** वदन्ति, इदञ्च येभुय्येन वुत्तं धम्मसंवेगवसेन उदितस्सापि “सचे भायथ दुक्खस्सा”तिआदिउदानस्स (उदा० ४४) **उदानपाळियं** आगतत्ता, तथा “गाथापटिसंयुत्ता”ति इदम्पि येभुय्येनेव “अत्थि भिक्खवे, तदायतनं, यत्थ नेव पथवी, न आपो”तिआदिकस्स (उदा० ७१) चुण्णियवाक्यवसेन उदितस्सापि तत्थ आगतत्ता। ननु च उदानं नाम पीतिसोमनस्ससमुद्वापितो, धम्मसंवेगसमुद्वापितो वा धम्मपटिग्गाहकनिरपेक्खो गाथाबन्धवसेन, चुण्णियवाक्यवसेन च पवत्तो उदाहारो, तथा चेव सब्बत्थ आगतं, इध कस्मा “भिक्खवे”ति आमन्तनं वुत्तन्ति ? तेसं भिक्खून् सज्जापनत्थं एव, न पटिग्गाहककरणत्थं। निब्बानपटिसंयुत्तज्झि भगवा धम्मं देसेत्वा निब्बानगुणानुस्सरणेन उप्पन्नपीतिसोमनस्सेन उदानं उदानेन्तो “अयं निब्बानधम्मो कथमपच्चयो उपलब्धती”ति तेसं भिक्खून् चेतोपरिवितक्कमज्जाय तेसं तमत्थं आपेतुकामेन “तदायतन”न्ति वुत्तं, न पन एकन्ततो ते पटिग्गाहके कत्वाति वेदितव्वन्ति।

तयिदं सब्बज्जुबुद्धभासितं पच्चेकबुद्धभासितं सावकभासितन्ति तिब्बिधं होति। तत्थ पच्चेकबुद्धभासितं –

“सब्बेसु भूतेसु निधाय दण्डं,
अविहेठयं अज्जतरम्पि तेस”न्ति॥ आदिना (सु० नि० ३५) –

खग्गविसाणसुत्ते आगतं। सावकभासितम्पि –

“सब्बो रागो पहीनो मे,
सब्बो दोसो समूहतो।
सब्बो मे विहतो मोहो,
सीतिभूतोस्मि निब्बुतो”ति॥ आदिना (थेरगा० ७९) –

थेरीगाथासु,

“कायेन संवुता आसिं, वाचाय उद चेत्तसा ।

समूलं तण्हमब्बुह, सीतिभूताम्हि निब्बुता”ति ।। (थेरीगा० १५) ।-

थेरीगाथासु च आगतं । अज्जानिपि सक्कादीहि देवेहि भासितानि “अहो दानं परमदानं, कस्सपे सुप्पतिट्ठित”न्तिआदीनि (उदा० २७) । सोणदण्डब्राह्मणादीहि मनुस्सेहि च भासितानि “नमो तस्स भगवतो”तिआदीनि (दी० नि० २.३७१; म० नि० १.२९०; २.२९०, ३५७; सं० नि० ११८७; १.२.३८; अ० नि० २.५.१९४) तिस्रो सङ्गीतियो आरुळ्हानि उदानानि सन्ति एव, तानि सब्बानिपि इध न अधिप्पेतानि । यं पन सम्मासम्बुद्धेन सामं आहच्चभासितं जिनवचनभूतं, तदेव धम्मसङ्गाहकेहि “उदान”न्ति सङ्गीतं, तदेव च सन्धाय भगवता परियत्तिधम्मं नवधा विभजित्वा उद्दिसन्तेन “उदान”न्ति वुत्तं । या पन “अनेकजातिसंसार”न्तिआदिका (ध० प० १५३) गाथा भगवता बोधिमूले उदानवसेन पवत्तिता, अनेकसत्तसहस्सानं सम्मासम्बुद्धानं उदानभूता च, ता अपरभागे धम्मभण्डागारिकस्स भगवता देसितत्ता धम्मसङ्गाहकेहि उदानपाळियं सङ्गहं अनारोपेत्वा धम्मपदे सङ्गहिता, यच्च “अज्जासि वत भो कोण्डज्जो अज्जासि वत भो कोण्डज्जो”ति (सं० नि० ३.५.१०८१; महा० व० १७; पटि० म० २.३०) उदानवचनं दससहस्सिलोकधातुया देवमनुस्सानं पवेदनसमत्थनिग्घोसविष्कारं भगवता भासितं, तदपि पठमबोधियं सब्बेसं एव भिक्खूनां सम्मापटिपत्तिपच्चवेक्खणहेतुकं “आराधयिंसु वत मं भिक्खू एकं समय”न्तिआदिवचनं (म० नि० १.२२५) विय धम्मचक्कप्पवत्तनसुत्तन्तदेसनापरियोसाने अत्तनापि अधिगतधम्मेकदेसस्स यथादेसितस्स अरियमग्गस्स सब्बपठमं सावकेसु थेरेन अधिगतत्ता अत्तनो परिस्समस्स सफलभावपच्चवेक्खणहेतुतं पीतिसोमनस्सजनितं उदाहारमतं, न पन “यदा हवे पातुभवन्ति धम्मा”तिआदिवचनं विय (महा० व० १; उदा० १) पवत्तिया, निवत्तिया वा पकासनन्ति धम्मसङ्गाहकेहि उदानपाळियं न सङ्गीतन्ति दट्ठब्बं । उदानपाळियं पन अट्ठसु वगोसु दस दस कत्वा असीतियेव सुत्तन्ता सङ्गीता । तथा हि तदट्ठकथायं वुत्तं -

“असीतियेव सुत्तन्ता, वग्गा अट्ठ समासतो”ति । (उदा० अट्ठ० गन्थारम्भकथा) ।

इथ पन “द्वेअसीति सुत्तन्ता”ति वुत्तं, तं उदानपाळिया न समेति, तस्मा “असीति सुत्तन्ता”ति पाठेन भवितब्बं। अपिच न केवलं इधेव, अथ खो अज्जासुपि (वि० अट्ठ० १.पठममहासङ्गीतिकथा) विनयाभिधम्मट्ठकथासु (ध० सं० निदानकथा) तथायेव वुत्तन्ता “अप्पकं पन ऊनमधिकं वा गणनूपगं न होती”ति परियायेन अनेकंसेन वुत्तं सिया। यथा वा तथा वा अनुमानेन गणनमेव हि तत्थ तत्थ ऊनाधिकसङ्ख्या, इतरथा तायेव न सियुन्तिपि वदन्ति, पच्छा पमादलेखवचनं वा एतं।

वुत्तज्जेतं भगवतातिआदिनयप्पवत्ताति एत्थ आदिसद्देन “वुत्तज्जेतं भगवता, वुत्तमरहताति मे सुतं। एकधम्मं भिक्खवे, पजहथ, अहं वो पाटिभोगो अनागामिताय। कतमं एकधम्मं? लोभं भिक्खवे, एकधम्मं पजहथ, अहं वो पाटिभोगो अनागामिताय”ति (इतिवु० १) एवमादिना एकदुकतिकचतुक्कनिपातवसेन वुत्तं द्वादसुत्तरसतसुत्तसमूहं सङ्गणहाति। तथा हि इतिवुत्तकपाळियमेव उदानगाथाहि द्वादसुत्तरसतसुत्तानि गणेत्या सङ्गीतानि, **तदट्ठकथायम्पि** (इतिवु० अट्ठ० निदानवण्णना) तथायेव वुत्तं। तस्मा “द्वादसुत्तरसतसुत्तन्ता” इच्चेव पाठेन भवितब्बं, यथावुत्तनयेन वा अनेकंसतो वुत्तन्तिपि वत्तुं सक्का, तथापि ईदिसे ठाने पमाणं दस्सेन्तेन याथावतोव नियमेत्वा दस्सेतब्बन्ति “दसुत्तरसतसुत्तन्ता”ति इदं पच्छा पमादलेखमेवाति गहेतब्बन्ति वदन्ति। इति एवं भगवता वुत्तं **इतिवुत्तं**। इतिवुत्तन्ति सङ्गीतं **इतिवुत्तकं**। रुळिहनामं वा एतं यथा “येवापनकं, नतुम्हाकवग्गो”ति, वुत्तज्जेतं भगवता, वुत्तमरहताति मे सुतन्ति निदानवचनेन सङ्गीतं यथावुत्तसुत्तसमूहं।

जातं भूतं पुरावुत्थं भगवतो पुब्बचरितं कायति कथेति पकासेति एतेनाति **जातकं**, तं पन इमानीति दस्सेतुं “**अपण्णकजातकादीनी**”तिआदिमाह। तत्थ “**पज्जासाधिकानि पञ्चजातकसतानी**”ति इदं अप्पकं पन ऊनमधिकं वा गणनूपगं न होतीति कत्वा अनेकंसेन, वोहारसुखतामत्तेन च वुत्तं। एकंसतो हि सत्तचत्तालीसाधिकानियेव यथावुत्तगणनतो तीहि ऊनत्ता। तथा हि एकनिपाते पज्जाससतं, दुक्कनिपाते सतं, तिकनिपाते पज्जास, तथा चतुक्कनिपाते, पञ्चकनिपाते पञ्चवीस, छक्कनिपाते वीस, सत्तनिपाते एकवीस, अट्ठनिपाते दस, नवनिपाते द्वादस, दसनिपाते सोळस, एकादसनिपाते नव, द्वादसनिपाते दस, तथा तेरसनिपाते, पकिण्णकनिपाते तेरस, वीसतिनिपाते चुद्दस, तिसनिपाते दस, चत्तालीसनिपाते पञ्च, पण्णासनिपाते तीणि,

सद्धिनिपाते द्वे, तथा सत्ततिनिपाते, असीतिनिपाते पञ्च, महानिपाते दसाति सत्तचत्तालीसाधिकानेव पञ्च जातकसत्तानि सङ्गीतानीति ।

अब्भुतो धम्मो सभावो वुत्तो यत्थाति अब्भुतधम्मं, तं पनिदन्ति आह “चत्तारोमे”तिआदि । आदिसद्देन चेत्य -

“चत्तारोमे भिक्खवे, अच्छरिया अब्भुता धम्मा आनन्दे । कतमे चत्तारो ? सचे भिक्खवे, भिक्खुपरिसा आनन्दं दस्सनाय उपसङ्कमति, दस्सनेनपि सा अत्तमना होति । तत्र चे आनन्दो, धम्मं भासति, भासितेनपि सा अत्तमना होति, अत्तित्ताव भिक्खवे भिक्खुपरिसा होति, अथ आनन्दो तुण्ही भवति । सचे भिक्खवे, भिक्खुनीपरिसा...पे०... उपासकपरिसा...पे०... उपासिका - परिसा...पे०... तुण्ही भवति । इमे खो भिक्खवे...पे०... आनन्दे”ति (अ० नि० ४.१२९) -

एवमादिनयप्पवत्तं तत्थ तत्थ भासितं सब्बम्पि अच्छरियब्भुतधम्मपटिसंयुत्तं सुत्तन्तं सङ्गण्हाति ।

चूळवेदल्लादीसु (म० नि० १.४६०) विसाखेन नाम उपासकेन पुट्टाय धम्मदिन्नाय नाम भिक्खुनिया भासितं सुत्तं चूळवेदल्लं नाम । महाकोट्टिकत्थेरेन पुच्छितेन आयस्मता सारिपुत्तत्थेरेन भासितं महावेदल्लं (म० नि० १.४४९) नाम । सम्मादिट्ठिसुत्तम्पि (म० नि० १.८९) भिक्खूहि पुट्टेन तेनेव भासितं, एतानि मज्झिमनिकायपरियापन्नानि । सक्कपञ्चं (दी० नि० २.३४४) पन सक्केन पुट्टो भगवा अभासि, तं दीघनिकायपरियापन्नं । महापुण्णमसुत्तं (म० नि० ३.८५) पन तदहुपोसथे पन्नरसे पुण्णमाय रत्तिया अञ्जतरेन भिक्खुना पुट्टेन भगवता भासितं, तं मज्झिमनिकायपरियापन्नं । एवमादयो सब्बेपि तत्थ तत्थागता वेदञ्च तुट्ठिञ्च लद्धा लद्धा पुच्छितसुत्तन्ता “वेदल्ल”न्ति वेदितब्बं । वेदन्ति जाणं । तुट्ठिन्ति यथाभासितधम्मदेसनं विदित्वा “साधु अय्ये साधवुसो”तिआदिना अब्भनुमोदनवसप्पवत्तं पीतिसोमनस्सं । लद्धा लद्धाति लभित्वा लभित्वा, पुनप्पुनं लभित्वाति वुत्तं होति, एतेन वेदसद्दो जाणे, सोमनस्से च एकसेसनयेन, सामञ्जनिद्देसेन वा पवत्तति, वेदम्हि निस्सितं तस्स लभापनवसेनाति वेदल्लन्ति च दस्सेति ।

एवं अङ्गवसेन सकलम्पि बुद्धवचनं विभजित्वा इदानीं धम्मक्खन्धवसेन विभजितुकामो “कथ”न्तिआदिमाह । तत्थ धम्मक्खन्धवसेनाति धम्मरासिवसेन । “दासीती”ति अयं गाथा वुत्तत्थाव । एवं परिदीपितधम्मक्खन्धवसेनाति गोपकमोग्गल्लानेन नाम ब्राह्मणेन पुट्टेन गोपकमोग्गल्लानसुत्ते (म० नि० ३.७९) अत्तनो गुणप्पकासनत्थं वा थेरगाथायं (थेर० गा० १०१७ आदयो) आयस्मता आनन्दत्थेरेन समन्ततो दीपितधम्मक्खन्धवसेन इमिना एवं तेन अपरिदीपितापि धम्मक्खन्धा सन्तीति पकासेति, तस्मा कथावत्थुप्पकरण माधुरियसुत्तादीनं (म० नि० २.३१७) विमानवत्थादीसु केसञ्चि गाथानञ्च वसेन चतुरासीतिसहस्सतोपि धम्मक्खन्धानं अधिकता वेदितव्वा ।

एत्थ च सुभसुत्तं (दी० नि० १.४४४), गोपकमोग्गल्लानसुत्तञ्च परिनिब्बुते भगवति आनन्दत्थेरेन भासितत्ता चतुरासीतिधम्मक्खन्धसहस्सेसु अन्तो गधं होति, न होतीति ? पटिसम्भिदागण्ठिपदे ताव इदं वुत्तं “सयं वुत्तधम्मक्खन्धानम्पि भिक्खुतो गहिंतेयेव सङ्गहेत्वा एवमाहाति दट्ठब्ब”न्ति, भगवता पन दिन्ननये ठत्वा भासितत्ता “सयं वुत्तम्पि चेत्तं सुत्तद्वयं भगवतो गहिंतेयेव सङ्गहेत्वा वुत्त”न्ति एवम्पि वत्तुं युत्ततरं विय दिस्सति । भगवता हि दिन्ननये ठत्वा सावका धम्मं देसेन्ति, तेनेव सावकभासितम्पि कथावत्थादिकं बुद्धभासितं नाम जातं, ततोयेव च अत्तना भासितम्पि सुभसुत्तादिकं सङ्गीतिमारोपेन्तेन आयस्मता आनन्दत्थेरेन “एवं मे सुत्त”न्ति वुत्तं ।

एकानुसन्धिकं सुत्तं सतिपट्टानादि । सतिपट्टानसुत्तञ्चि “एकायनो अयं भिक्खवे, मग्गो सत्तानं विसुद्धिया”तिआदिना (दी० नि० २.३७३; म० नि० १.१०६; सं० नि० ३.३६७-३८४) चत्तारो सतिपट्टाने आरभित्वा तेसंयेव विभागदस्सनवसेन पवत्तत्ता “एकानुसन्धिक”न्ति वुच्चति । अनेकानुसन्धिकं परिनिब्बानसुत्तादि (दी० नि० २.१३१ आदयो) परिनिब्बानसुत्तञ्चि नानाठानेसु नानाधम्मदेसनानं वसेन पवत्तत्ता “अनेकानुसन्धिक”न्ति वुच्चति ।

“कति छिन्दे कति जहे, कति चुत्तरि भावये ।

कति सङ्गातिगो भिक्खु, ‘ओघतिण्णो’ति वुच्चती”ति ।। (सं० नि० १.५) ।-

एवमादिना पञ्हापुच्छनं गाथाबन्धेसु एको धम्मक्खन्धो ।

“पञ्च छिन्दे पञ्च जहे, पञ्च चुत्तरि भावये ।
पञ्च सङ्गातिगो भिक्खु, ‘ओघतिण्णो’ति वुच्चती”ति ।। (सं० नि०
१.५) ।-

एवमादिना च विस्सज्जनं एको धम्मक्खन्धो ।

तिकदुकभाजनं धम्मसङ्गणियं निक्खेपकण्डअट्टकथाकण्डवसेन गहेतब्बं । तस्मा यं
कुसलत्तिकमातिकापदस्स (ध० स० १) विभजनवसेन **निक्खेपकण्डे** वुत्तं -

“कतमे धम्मा कुसला ? तीणि कुसलमूलानि...पे०... इमे धम्मा कुसला ।
कतमे धम्मा अकुसला ? तीणि अकुसलमूलानि...पे०... इमे धम्मा अकुसला । कतमे
धम्मा अब्बाकता” ? कुसलाकुसलानं धम्मानं विपाका...पे०... इमे धम्मा
अब्बाकता”ति, (ध० स० १८७)

अयमेको धम्मक्खन्धो । एस नयो सेसत्तिकदुकपदविभजनेसुपि । यदपि **अट्टकथाकण्डे**
वुत्तं -

“कतमे धम्मा कुसला ? चतूसु भूमीसु कुसलं । इमे धम्मा कुसला । कतमे
धम्मा अकुसला ? द्वादस अकुसलचित्तुप्पादा । इमे धम्मा अकुसला । कतमे धम्मा
अब्बाकता ? चतूसु भूमीसु विपाको तीसु भूमीसु किरियाब्बाकतं रूपञ्च
निब्बानञ्च । इमे धम्मा अब्बाकता”ति, (ध० स० १३८६)

अयं कुसलत्तिकमातिकापदस्स विभजनवसेन पवत्तो एको धम्मक्खन्धो । एस नयो
सेसेसुपि । **चित्तवारभाजनं** पन **चित्तुप्पादकण्ड** वसेन (ध० स० १) गहेतब्बं । यज्झि तत्थ
वुत्तं कुसलचित्तविभजनत्थं -

“कतमे धम्मा कुसला ? यस्मिं समये कामावचरं कुसलं चित्तं उप्पन्नं होति
सोमनस्ससहगतं जाणसम्पयुत्तं रूपारम्मणं वा...पे०... तस्मिं समये फस्सो
होति...पे०... अविक्खेपो होती”ति, (ध० स० १)

अयमेको धम्मखन्धो । एवं सेसचित्तवारविभजनेसु । **एको धम्मखन्धो**ति (एकमेको धम्मखन्धो छल्ल अट्ठ०) च एकेको धम्मखन्धोति अत्थो । “एकमेकं तिकदुकभाजनं, एकमेकं चित्तवारभाजनं”न्ति च वचनतो हि “एकेको”ति अवुत्तेपि अयमत्थो सामखियतो विज्जायमानोव होति ।

वत्थु नाम सुदिन्नकण्डादि । **मातिका** नाम “यो पन भिक्खु भिक्खूनं सिक्खासाजीवसमापन्नो”तिआदिना (पारा० ४४) तस्मिं तस्मिं अज्झाचारे पज्जत्तं उद्देस सिक्खापदं । **पदभाजनियन्ति** तस्स तस्स सिक्खापदस्स “यो पनाति यो यादिसो”तिआदि (पारा० ४५) नयप्पवत्तं पदविभजनं । **अन्तरापत्ती**ति “पटिलात्तं उक्खिपति, आपत्ति दुक्कटस्सा”ति (पाचि० ३५५) एवमादिना सिक्खापदन्तरेसु पज्जत्ता आपत्ति । **आपत्ती**ति तंतंसिक्खापदानुरूपं वुत्तो तिकच्छेदमुत्तो आपत्तिवारो । **अनापत्ती**ति “अनापत्ति अजानन्तस्स असादियन्तस्स खित्तचित्तस्स वेदनाट्ठस्स आदिकम्मिकस्सा”तिआदि (पारा० ६६) नयप्पवत्तो अनापत्तिवारो । **तिकच्छेदो**ति “दसाहातिक्कन्ते अतिक्कन्तसज्जी निस्सगियं पाचित्तियं, दसाहातिक्कन्ते वेमतिको...पे०... दसाहातिक्कन्ते अनतिक्कन्तसज्जी निस्सगियं पाचित्तियं”न्ति (पारा० ४६८) एवमादिनयप्पवत्तो तिकपाचित्तिय-तिक-दुक्कटादिभेदो तिकपरिच्छेदो । **तत्था**ति तेसु वत्थुमातिकादीसु ।

एवं अनेकनयसमलङ्कृतं सङ्गीतिप्पकारं दस्सेत्वा “अयं धम्मो, अयं विनयो...पे०... इमानि चतुरासीति धम्मखन्धसहस्सानी”ति बुद्धवचनं धम्मविनयादिभेदेन ववत्थपेत्वा सङ्गायन्तेन महाकस्सपप्पमुखेन वसीगणेन अनेकच्छरियपातुभावपटिमण्डिताय सङ्गीतिया इमस्स दीघागमस्स धम्मभावो, मज्झिमबुद्धवचनादिभावो च ववत्थापितोति दस्सेन्तो “**एवमेत**”न्तिआदिमाह । साधारणवचनेन दस्सितेपि हि “यदत्थं संवण्णेत्तुं इदमारभति, सोयेव पधानवसेन दस्सितो”ति आचरियेहि अयं सम्बन्धो वुत्तो । अपरो नयो – हेट्ठा वुत्तेसु एकविधादिभेदभिन्नेसु पकारेसु धम्मविनयादिभावो सङ्गीतिकारके हेव सङ्गीतिकाले ववत्थापितो, न पच्छा कप्पनमत्तसिद्धोति दस्सेन्तो “**एवमेत**”न्तिआदिमाहातिपि वत्तब्बो । न केवलं यथावुत्तप्पकारमेव ववत्थापेत्वा सङ्गीतं, अथ खो अज्जम्पीति दस्सेति “**न केवलज्जा**”तिआदिना । **उदानसङ्गहो** नाम पठमपाराजिकादीसु आगतानं विनीतवत्थुआदीनं सङ्क्षेपतो सङ्गहदस्सनवसेन धम्मसङ्गाहकेहि ठपिता –

“मक्कटी वज्जिपुत्ता च, गिही नग्गो च तिथिया ।

दारिकुप्पलवण्णा च, ब्यञ्जनेहि परे दुवे”ति ।। आदिका (पारा० ६६) ।-

गाथायो । वुच्चमानस्स हि वुत्तस्स वा अत्थस्स विप्पकिण्णभावेन पवत्तितुं अदत्त्वा उद्धं दानं रक्खणं उदानं, सङ्गहवचनन्ति अत्थो । सीलक्खन्धवग्गमूलपरियायवग्गादिवसेन वग्गसङ्गहो । वग्गोति हि धम्मसङ्गाहकेहेव कता सुत्तसमुदायस्स समञ्जा । उत्तरिमनुस्सपेय्यालनीलपेय्यालादिवसेन पेय्यालसङ्गहो । पातुं रक्खितुं, वित्थारितुं वा अलन्ति हि पेय्यालं, सङ्घिपित्वा दस्सनवचनं । अङ्गुत्तरनिकायादीसु निपातसङ्गहो, गाथङ्गादिवसेन निपातनं । समुदायकरणञ्चि निपातो । देवतासंयुत्तादिवसेन (सं० नि० १.१) संयुत्तसङ्गहो । वग्गसमुदाये एव धम्मसङ्गाहकेहि कता संयुत्तसमञ्जा । मूलपण्णासकादिवसेन पण्णाससङ्गहो, पञ्जास पञ्जास सुत्तानि गणेत्वा सङ्गहोति वुत्तं होति । आदिसद्देन तस्सं तस्सं पाळियं दिस्समानं सङ्गीतिकारकवचनं सङ्गण्हाति । उदानसङ्गह...पे०... पण्णाससङ्गहादीहि अनेकविधं तथा । तत्तहि मासेहीति किरियापवग्गे ततिया “एकाहेनेव बाराणसिं पायासि । नवहि मासेहि विहारं निट्ठापेसी”तिआदीसु विय । किरियाय आसुं परिनिट्ठापनञ्चि किरियापवग्गो ।

तदा अनेकच्छरियपातुभावदस्सनेन साधून् पसादजननत्थमाह “सङ्गीतिपरियोसाने चस्सा”तिआदि । अस्स बुद्धवचनस्स सङ्गीतिपरियोसाने सञ्जातप्पमोदा विय, साधुकारं ददमाना विय च सङ्गमि...पे०... पातुरहेसुन्ति सम्बन्धो । वियाति हि उभयत्थ योजेतब्बं । पवत्तने, पवत्तनाय वा समत्थं पवत्तनसमत्थं । उदकपरियन्तन्ति पथवीसन्धारकउदकपरियोसानं कत्वा, सह तेन उदकेन, तं वा उदकं आहच्चाति वुत्तं होति, तेन एकदेसकम्पनं निवारति । सङ्गम्पीति उद्धं उद्धं गच्छन्ती सुट्ठु कम्पि । सम्पकम्पीति उद्धमधो च गच्छन्ती सम्मा पकारेन कम्पि । सम्पवेधीति चतूसु दिसासु गच्छन्ती सुट्ठु भिय्यो पवेधि । एवं एतेन पदत्तयेन छप्पकारं पथवीचलनं दस्सेति । अथ वा पुरत्थिमतो, पच्छिमतो च उन्नमनओनमनवसेन सङ्गमि । उत्तरतो, दक्खिणतो च उन्नमनओनमनवसेन सम्पकम्पि । मज्झिमतो, परियन्ततो च उन्नमनओनमनवसेन सम्पवेधि । एवमि छप्पकारं पथवीचलनं दस्सेति, यं सन्धाय अट्ठकथासु वुत्तं —

“पुरत्थिमतो उन्नमति पच्छिमतो ओनमति, पच्छिमतो उन्नमति पुरत्थिमतो ओनमति, उत्तरतो उन्नमति दक्खिणतो ओनमति, दक्खिणतो उन्नमति उत्तरतो

ओनमति, मज्झिमतो उन्नमति परियन्ततो ओनमति, परियन्ततो उन्नमति मज्झिमतो ओनमतीति एवं छप्पकारं...पे०... अकम्पित्था'ति (बु० वं० अट्ठ० ७१) ।

अच्छरं पहरितुं युत्तानि अच्छरियानि, पुप्फवस्सचेलुक्खेपादीनि अज्जायपि सा समज्जाय पाकटाति दस्सेन्तो आह “या लोके”तिआदि । या पठममहासङ्गीति धम्मसङ्गाहकेहि महाकस्सपादीहि पञ्चहि सतेहि येन कता सङ्गीता, तेन पञ्च सतानि एतिस्साति “पञ्चसता”ति च थेरेहेव कतत्ता थेरा महाकस्सपादयो एतिस्सा, थेरेहि वा कताति “थेरिका”ति च लोके पवुच्चति, अयं पठममहासङ्गीति नामाति सम्बन्धो ।

एवं पठममहासङ्गीति दस्सेत्वा यदत्थं सा इध दस्सिता, इदानि तं निदानं निगमनवसेन दस्सेन्तो “इमिस्सा”तिआदिमाह । आदिनिकायस्साति सुत्तन्तपिटकपरियापन्नेसु पञ्चसु निकायेसु आदिभूतस्स दीघनिकायस्स । खुद्दकपरियापन्नो हि विनयो पठमं सङ्गीतो । तथा हि वुत्तं “सुत्तन्त पिटके”ति । तेनाति तथावुत्तत्ता, इमिना यथावुत्तपठममहासङ्गीतियं तथावचनमेव सन्धाय मया हेट्ठा एवं वुत्तन्ति पुब्बापरसम्बन्धं, यथावुत्तवित्थारवचनस्स वा गुणं दस्सेतीति ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपज्जावेय्यत्तियजननाय अज्जवमद्वसोरच्चसद्धासतिधितिबुद्धिखन्ति वीरियादिधम्मसमङ्गिना साट्ठकथे पिटकत्तये असङ्गासंहीरविसारदजाणचारिना अनेकप्पभेद-सकसमयसमयन्तरगहनज्झोगाहिना महागणिना महावेय्याकरणेन जाणाभिवंस-धम्मसेनापतिनामथेरेन महाधम्मराजाधिराजगरुना कताय साधुविलासिनिया नाम लीनत्थपकासनिया बाहिरनिदानवण्णनाय लीनत्थपकासना ।

निदानरूपावण्णना निट्ठिता ।

१. ब्रह्मजालसुत्तं

परिब्बाजककथावण्णना

१. एत्तावता च परमसण्हसुखुमगम्भीरदुद्दसानेकविधनयसमलङ्कृतं ब्रह्मजालस्स साधारणतो बाहिरनिदानं दस्सेत्वा इदानीं अब्भन्तरनिदानं संवण्णेन्तो अत्थाधिगमस्स सुनिक्खित्तपदमूलकत्ता, सुनिक्खित्तपदभावस्स च “इदमेव”न्ति सभावविभावेन पदविभागेन साधेतब्बत्तां पठमं ताव पदविभागं दस्सेतुं “तत्थ एव”न्तिआदिमाह । पदविभागेन हि “इदं नाम एतं पद”न्ति विजाननेन तंतंपदानुरूपं लिङ्गविभत्ति वचन कालपयोगादिकं सम्पापतिट्ठापनतो यथावुत्तस्स पदस्स सुनिक्खित्तता होति, ताव च अत्थस्स समधिगमियता । यथाह “सुनिक्खित्तस्स भिक्खवे – पदव्यञ्जनस्स अत्थोपि सुनयोहोती”तिआदि । अपिच सम्बन्धतो, पदतो, पदविभागतो, पदत्थतो अनुयोगतो, परिहारतो चाति छहाकारेहि अत्थवण्णना कातब्बा । तत्थ सम्बन्धो नाम देसनासम्बन्धो, यं लोकिया “उम्मुग्घातो”तिपि वदन्ति, सो पन पाळिया निदानपाळिवसेन, निदानपाळिया च सङ्गीतिवसेन वेदितब्बो । पठममहासङ्गीतिं दस्सेन्तेन हि निदानपाळिया सम्बन्धो दस्सितो, तस्मा पदादिवसेनेव संवण्णनं करोन्तो “एव”न्तिआदिमाह । एत्थ च “एवन्ति निपातपदन्तिआदिना पदतो, पदविभागतो च संवण्णनं करोति पदानं तब्बिसेसानञ्च दस्सितत्ता । पदविभागोति हि पदानं विसेसोयेव अधिप्पेतो, न पदविग्गहो । पदानि च पदविभागो च पदविभागो । अथ वा पदविभागो च पदविग्गहो च पदविभागोति एकसेसवसेन पदपदविग्गहापि पदविभागसद्देन वुत्ताति दट्ठब्बं । पदविग्गहतो पन “भिक्खून् सङ्घो”तिआदिना उपरि संवण्णनं करिस्सति, तथा पदत्थानुयोगपरिहारेहिपि । एवन्ति एत्थ लुत्तनिदिट्ठइति-सद्दो आदिअत्थो अन्तरासद्द च सद्दादीनम्पि सङ्गहितत्ता, नयग्गहणेन वा ते गहिता । तेनाह “मेतिआदीनि नामपदानी”ति । इतरथा हि अन्तरासद्दं च सद्दादीनम्पि निपातभावो वत्तब्बो सिया । मेतिआदीनीति एत्थ पन आदि-सद्देन याव

पटिसद्दो, ताव तदवसिद्वायेव सद्दा सङ्गहिता । पटीति उपसग्गपदं पतिसद्दस्स कारियभावतो ।

इदानी अत्थुद्धारक्कमेन पदत्थतो संवण्णनं करोन्तो “अत्थतो पना”तिआदिमाह । इमस्मिं पन ठाने सोतूनं संवण्णनानयकोसल्लत्थं संवण्णनाप्पकारा वत्तब्बा । कथं ?

एकनाळिका कथा च, चतुरस्सा तथापि च ।
निसिन्नवत्तिका चेव, तिधा संवण्णनं वदे ।।

तत्थ पाळिं वत्वा एकेकपदस्स अत्थकथनं एकाय नाळिया मिनितसदिसत्ता, एकेकं वा पदं नाळं मूलं, एकमेकं पदं वा नाळिका अत्थनिग्गमनमग्गो एतिस्साति कत्वा **एकनाळिका** नाम । पटिपक्खं दस्सेत्वा, पटिपक्खस्स च उपमं दस्सेत्वा, सपक्खं दस्सेत्वा, सपक्खस्स च उपमं दस्सेत्वा, कथनं चतूहि भागेहि वुत्तत्ता, चत्तारो वा रस्सा सल्लक्खणूपाया एतिस्साति कत्वा **चतुरस्सा** नाम, विसभागधम्मवसेनेव परियोसानं गत्त्वा पुन सभागधम्मवसेनेव परियोसानगमनं निसीदापेत्वा पटिद्वापेत्वा आवत्तनयुत्तत्ता, नियमतो वा निसिन्नस्स आरद्धस्स वत्तो संवत्तो एतिस्साति कत्वा **निसिन्नवत्तिका** नाम, यथारद्धस्स अत्थस्स विसुं विसुं परियोसानापि नियुत्ताति वुत्तं हेति, सोदाहरणा पन कथा अङ्गुत्तरट्ठकथाय तट्ठीकायं एकादसनिपाते गोपालकसुत्तवण्णनातो गहेत्तब्बा ।

भेदकथा तत्त्वकथा, परियायकथापि च ।
इति अत्थक्कमे विद्वा, तिधा संवण्णनं वदे ।।

तत्थ पकतिआदिविचारणा **भेदकथा** यथा “बुज्झतीति बुद्धो”तिआदि । सरूपविचारणा **तत्त्वकथा** यथा “बुद्धोति यो सो भगवा सयम्भू अनाचरियको”तिआदि (महानि० १९२; चूल० नि० ९७; पटि० म० १.१६१) । वेवचनविचारणा **परियायकथा** यथा “बुद्धो भगवा सब्बज्जू लोकनायको”तिआदि (नेत्ति० ३८ वेवचनाहारविभङ्गनिसितो पाळि) ।

पयोजनञ्च पिण्डत्थो, अनुसन्धि च चोदना ।
परिहारो च सब्बत्थ, पञ्चधा वण्णनं वदे ।।

तत्थ **पयोजनं** नाम देसनाफलं, तं पन सुतमयजाणादि । **पिण्डत्थो** नाम विप्पकिण्णस्स अत्थस्स सुविजाननत्थं सम्पिण्डेत्वा कथनं । **अनुसन्धि** नाम पुच्छानुसन्धादि । **चोदना** नाम यथावुत्तस्स वचनस्स विरोधिकथनं । **परिहारो** नाम तस्स अविरोधिकथनं ।

उम्मुग्धातो पदच्चेव, पदत्थो पदविग्गहो ।
चालना पच्चुपट्टानं, छधा संवण्णनं वदे ।। (वजिर टी०
पठममहासङ्गीतिवण्णना) ।

तत्थ अज्झत्तिकादिनिदानं **उम्मुग्धातो** । “एवमिद”न्ति नानाविधेन पदविसेसताकथनं **पदं**, सद्वत्थाधिप्पायत्थादि **पदत्थो** । अनेकधा निब्बचनं **पदविग्गहो** । **चालना** नाम चोदना । **पच्चुपट्टानं** परिहारो ।

समुद्धानं पदत्थो च, भावानुवादविधयो ।
विरोधो परिहारो च, निगमनन्ति अट्टधा ।।

तत्थ **समुद्धानन्ति** अज्झत्तिकादिनिदानं । **पदत्थो**ति अधिप्पेतानधिप्पेतादिवसेन अनेकधा पदस्स अत्थो । **भावो**ति अधिप्पायो । **अनुवादविधयो**ति पठमवचनं **विधि**, तदाविकरणवसेन पच्छा वचनं **अनुवादो**, विसेसनविसेस्यानं वा **विधानुवाद** समज्जा । **विरोधो**ति अत्थनिच्छयनत्थं चोदना । **परिहारो**ति तस्सा सोधना । **निगमनन्ति** अनुसन्धिया अनुरूपं अप्पना ।

आदितो तस्स निदानं, वत्तब्बं तप्पयोजनं ।
पिण्डत्थो चेव पदत्थो, सम्बन्धो अधिप्पायको ।
चोदना सोधना चेति, अट्टधा वण्णनं वदे ।।

तत्थ **सम्बन्धो** नाम पुब्बापरसम्बन्धो, यो “अनुसन्धी”ति वुच्चति । सेसा वुत्तत्थाव, एवमादिना तत्थ तत्थागते संवण्णनाप्पकारे जत्वा सब्बत्थ यथारहं विचेतब्बाति ।

एवमनेकत्थप्पभेदता पयोगतोव जातब्बाति तब्बसेन तं समत्थेतुं “**तथा हेसा**”तिआदि वुत्तं । अथ वा अयं सहो इमस्सत्थस्स वाचकोति सङ्केतववत्थितायेव सहा तं तदत्थस्स

वाचका, सङ्केतो च नाम पयोगवसेन सिद्धोति दस्सेतुम्पि इदं वुत्तन्ति दट्ठब्बं ।
एवमीदिसेसु । ननु च -

“यथापि पुप्फरासिम्हा, कयिरा मालागुणे बहू ।

एवं जातेन मच्चेन, कत्तब्बं कुसलं बहु”न्ति ।। (ध० प० ५३) ।

एत्थ एवं-सद्देन उपमाकारस्सेव वुत्तत्ता आकारत्थोयेव एवं-सद्दो सियाति ? न, विसेससम्भावतो । “एवं ब्या खो”तिआदीसु (म० नि० २३४, ३९६) हि आकारमत्तवाचकोयेव आकारत्थोति अधिप्पेतो, न पन आकारविसेसवाचको । एत्थ हि किञ्चापि पुप्फरासिसदिसतो मनुस्सूपपत्ति सप्पुरिसूपनिस्सय सद्धम्मसवन योनिमनसिकारभोगसम्पत्तिआदिदानादिपुञ्जकिरियाहेतुसमुदायतो सोभासुगन्धतादिगुणयोगेन मालागुणसदिसियो बहुका पुञ्जकिरिया मरितब्बसभावताय मच्चेन सत्तेन कत्तब्बाति अत्थस्स जोतितत्ता पुप्फरासिमालागुणाव उपमा नाम उपमीयति एतायाति कत्वा, तेसं उपमाकारो च यथासद्देन अनियमतो जोतितो, तस्मा “एवं-सद्दो नियमतो उपमाकारनिगमनत्थो”ति वत्तुं युत्तं, तथापि सो उपमाकारो नियमियमानो अत्थतो उपमाव होति निस्सयभूतं तमन्तरेण निस्सितभूतस्स उपमाकारस्स अलब्भमानत्ताति अधिप्पायेनाह “उपमायं आगतो”ति । अथ वा उपमीयनं सदिसीकरणन्ति कत्वा पुप्फरासिमालागुणेहि सदिसभावसङ्घातो उपमाकारोयेव उपमा नाम । “सद्धम्मत्तं सियोपमा”ति हि वुत्तं, तस्मा आकारमत्तवाचकोव आकारत्थो एवं-सद्दो । उपमासङ्घातआकारविसेसवाचको पन उपमात्थोयेवाति वुत्तं “उपमायं आगतो”ति ।

तथा “एवं इमिना आकारेण अभिक्कमितब्ब”न्तिआदिना उपदिसियमानाय समणसारुप्पाय आकप्पसम्पत्तिया उपदिसनाकारोपि अत्थतो उपदेसोयेवाति आह “एवं...पे०... उपदेसे”ति । एवमेतन्ति एत्थ पन भगवता यथावुत्तमत्थं अविपरीततो जानन्तेहि कत्तं तत्थ संविज्जमानगुणानं पकारेहि हंसनं उदग्गताकरणं सम्पहंसनं । तत्थ सम्पहंसनाकारोपि अत्थतो सम्पहंसनमेवाति वुत्तं “सम्पहंसनेति । एवमेव पनायन्ति एत्थ च दोसविभावेनेन गारख्वचनं गरहणं, तदाकारोपि अत्थतो गरहणं नाम, तस्मा “गरहणे”ति वुत्तं । सो चेत्थ गरहणाकारो “वसली”तिआदिखुंसनसद्दसन्निधानतो एवं-सद्देन पकासितोति विज्जायति, यथा चेत्थ एवं उपमाकारादयोपि उपमादिवसेन वुत्तानं पुप्फरासिआदिसद्धानं सन्निधानतोति दट्ठब्बं । जोतकमत्ता हि निपाताति । एवमेवाति च अधुना भासिताकारेनेव ।

अयं वसलगुणयोगतो वसली काळकणी यस्मिं वा तस्मिं वा ठाने भासतीति सम्बन्धो । एवं भन्तेति साधु भन्ते, सुदु भन्तेति वुत्तं होति । एत्थ पन धम्मस्स साधुकं सवनमनसिकारे सन्नियोजितेहि भिक्खूहि तत्थ अत्तनो ठितभावस्स पटिजाननमेव वचनसम्पटिग्गहो, तदाकारोपि अत्थतो वचनसम्पटिग्गहोयेव नाम, तेनाह “वचनसम्पटिग्गहे”ति ।

एवं व्या खोति एवं विय खो । एवं खोति हि इमेसं पदानमन्तरे वियसद्दस्स व्यापदेसोति नेरुत्तिका “ब-कारस्स, ब-कारं, य-कारसंयोगञ्च कत्वा दीघवसेन पदसिद्धी”तिपि वदन्ति । आकारेति आकारमत्ते । अप्पाबाधन्ति विसभागवेदनाभावं । अप्पातङ्गन्ति किच्छजीवितकरोगाभावं । लहुट्टानन्ति निग्गेलञ्जताय लहुतायुत्तं उट्टानं । बलन्ति कायबलं । फासुविहारन्ति चतूसु इरियापथेषु सुखविहारं । वित्थारो दसम सुभसुत्तङ्कथाय मेव (दी० नि० अट्ठ० १.४४५) आवि भविस्सति । एवञ्च वदेहीति यथाहं वदामि, एवम्पि समणं आनन्दं वदेहि । “साधु किर भव”न्तिआदिकं इदानी वत्तब्बवचनं, सो च वदनाकारो इध एवं-सद्देन निदस्सीयतीति वुत्तं “निदस्सने”ति । कालामाति कालामगोत्तसम्बन्धे जने आलपति । “इमे...पे०... वा”ति यं मया वुत्तं, तं किं मज्जथाति अत्थो । समत्ताति परिपूरिता । समादिन्नाति समादियिता । संवत्तन्ति वा नो वा संवत्तन्ति एत्थ वचनद्वये कथं वो तुम्हाकं मति होतीति योजेतब्बं । एवं नोति एवमेव अम्हाकं मति एत्थ होती, अम्हाकमेत्थ मति होती येवातिपि अत्थो । एत्थ च तेसं यथावुत्तधम्मानं अहितदुक्खावहभावे सन्निट्टानजननत्थं अनुमतिग्गहणवसेन “संवत्तन्ति नो वा, कथं वो एत्थ होती”ति पुच्छाय कताय “एवं नो एत्थ होती”ति वुत्तत्ता तदाकारसन्निट्टानं एवं-सद्देन विभावितं, सो च तेसं धम्मानं अहिताय दुक्खाय संवत्तनाकारो नियमियमानो अत्थतो अवधारणमेवाति वुत्तं “अवधारणे”ति । आकारत्थमज्जत्र सब्बत्थ वुत्तनयेन चोदना, सोधना च वेदितब्बा ।

आदिसद्देन चेत्थ इदमत्थपुच्छापरिमाणादिअत्थानं सङ्गहो दट्ठब्बो । तथा हि “एवंगतानि, एवंविधो, एवमाकारो”ति च आदीसु इदमत्थे, गतविधाकारसद्दा पन पकारपरियाया । गतविधयुत्ताकारसद्दे हि लोकिया पकारत्थे वदन्ति । “एवं सु ते सुन्हाता सुविलित्ता कप्पितंकेसमस्सू आमुत्तमणिकुण्डलाभरणा ओदातवत्थवसना पञ्चहि कामगुणेहि समप्पिता समङ्गीभूता परिचारेन्ति, सेय्यथापि त्वं एतरहि साचरियकोति ? नो हिदं भो गोतमा”तिआदीसु (दी० नि० १.२८६) पुच्छायं । “एवं लहुपरिवत्तं, (अ० नि०

१.१.४८) एवमायुपरियन्तो”ति (पारा० १२) च आदीसु परिमाणे। एत्थापि “सुन्हाता सुविल्लिता”तिआदिवचनं पुच्छ, लहुपरिवत्तं, आयूनं पमाणञ्च परिमाणं, तदाकारोपि अत्थतो पुच्छ च परिमाणञ्च नाम, तस्मा एतेसु पुच्छत्थो, परिमाणत्थो च एवंसद्वो वेदितव्वोति। इध पन सो कतमेसु भवति, सब्बत्थ वा, अनियमतो पदेसे वाति चोदनाय “स्वायमिधा”तिआदि वुत्तं।

ननु एकस्मिंयेव अत्थे सिया, कस्मा तीसुपीति च, होतु तिब्बिधेसु अत्थेसु, केन किमत्थं दीपेतीति च अनुयोगं परिहरन्तो “तत्था”तिआदिमाह। तत्थाति तेसु तीसु अत्थेसु। एकत्तनानत्तअब्बापारएवंधम्मतासङ्घाता, नन्दियावत्ततिपुक्खलसीहविककीळित-अङ्कुसदिसालोचनसङ्घाता वा आधारादिभेदवसेन नानाविधा नया नानानया, पाळिगितियो वा नया, ता च पञ्जत्तिअनुपञ्जत्ति आदिवसेन, सङ्खेपवित्थारादिवसेन, संकिलेसभागियादि-लोक्रियादितदुभयवोमिस्सकादिवसेन, कुसलादिवसेन, खन्धादिवसेन, सङ्गहादिवसेन, समयविमुत्तादिवसेन, ठपनादिवसेन, कुसलमूलादिवसेन, तिकपट्टानादिवसेन च पिटकत्तयानुरूपं नानापकाराति नानानया। तेहि निपुणं सण्हं सुखुमं तथा। आसयोव अज्झासयो, ते च सस्सतादिभेदेन, तत्थ च अप्परजक्खतादिवसेन अनेका, अत्तज्झासयादयो एव वा समुद्धानमुप्पत्तिहेतु एतस्साति तथा, उपनेतव्वाभावतो अत्थव्यञ्जने हि सम्पन्नं परिपुणं तथा। अपिच सङ्कासनपकासनविवरणविभजन-उत्तानीकरणपञ्जत्तिवसेन छहि अत्थपदेहि, अक्खरपदव्यञ्जनआकारनिरुत्तिनिद्देसवसेन छहि व्यञ्जनपदेहि च सम्पन्नं समन्नागतं तथा। अथ वा विञ्जूनं हृदयङ्गमतो, सवने अतित्तिजननतो, व्यञ्जनरसवसेन परमगम्भीरभावतो, विचारणे अतित्तिजननतो, अत्थरसवसेन च सम्पन्नं सादुरसं तथा।

पाटिहारियपदस्स वचनत्थं “पटिपक्खहरणतो रागादिकिलेसापनयनतो पाटिहारिय”न्ति वदन्ति। भगवतो पन पटिपक्खा रागादयो न सन्ति, ये हरितव्वा बोधिमूलेयेव सवासनसकलसंकिलेसानं पहीनत्ता। पुथुज्जनानम्पि च विगतूपक्विकलेसे अट्टगुणसमन्नागते चित्ते हतपटिपक्खे सतियेव इद्धिविधं पवत्तति, तस्मा पुथुज्जनेसु पवत्तवोहारेनपि न सक्का इध “पाटिहारिय”न्ति वत्तुं, सचे पन महाकारुणिकस्स भगवतो वेनेय्यगताव किलेसा पटिपक्खा संसारपङ्कनिमुग्गस्स सत्तनिकायस्स समुद्धरितुकामतो, तस्मा तेसं वेनेय्यगतकिलेससङ्घातानं पटिपक्खानं हरणतो पाटिहारियन्ति वुत्तं अस्स, एवं सति युत्तमेतं।

अथ वा भगवतो सासनस्स पटिपक्खा तिथिया, तेसं तिथियभूतानं पटिपक्खानं हरणतो पाटिहारियन्तिपि युज्जति। कामञ्चेत्थ तिथिया हरितब्बा नास्सु, तेसं पन सन्तानगतदिट्ठिहरणवसेन दिट्ठिप्पकासने असमत्थताकारणेन च इद्धिआदेसनानुसासनीसङ्घातेहि तीहिपि पाटिहारियेहि ते हरिता अपनीता नाम होन्ति। पटीति वा अयं सद्दो “पच्छा”ति एतस्स अत्थं बोधेति “तस्मिं पटिपविट्ठम्हि, अज्जो आगज्झि ब्राह्मणो”तिआदीसु (सु० नि० ९८५; चूळनि० ४) विय, तस्मा समाहिते चित्ते विगतूपक्लेसे कतकिच्चेन पच्छा हरितब्बं पवत्तेतब्बन्ति पटिहारियं, तदेव दीघवसेन, सकत्थवुत्तिपच्चयवसेन वा पाटिहारियं, अत्तनो वा उपक्लेसेसु चतुत्थज्ज्ञानमग्गेहि हरितेसु पच्छा तदज्जेसं हरणं पाटिहारियं वुत्तनयेन। इद्धिआदेसनानुसासनियो हि विगतूपक्लेसेन, कतकिच्चेन च सत्तहितत्थं पुन पवत्तेतब्बा, हतेसु च अत्तनो उपक्लेसेसु परसत्तानं उपक्लेसहरणानि च होन्तीति तदुभयम्पि निब्बचनं युज्जति।

अपिच यथावुत्तेहि निब्बचनेहि इद्धिआदेसनानुसासनीसङ्घातो समुदायो पटिहारियं नाम। एकेकं पन तस्मिं भवं “पाटिहारिय”न्ति वुच्चति विसेसत्थजोतकपच्चयन्तरेन सद्दरचनाविसेससम्भवतो, पटिहारियं वा चतुत्थज्ज्ञानं, मग्गो च पटिपक्खहरणतो, तत्थ जातं, तस्मिं वा निमित्तभूते, ततो वा आगतन्ति पाटिहारियं। विचित्रा हि तद्धितवुत्ति। तस्स पन इद्धिआदेसनानुसासनीभेदेन, विसयभेदेन च बहुविधस्स भगवतो देसनाय लब्भमानत्ता “विविधपाटिहारियन्ति वुत्तं। भगवा हि कदाचि इद्धिवसेनापि देसनं करोति निमित्तबुद्धेन सह पुच्छाविस्सज्जनादीसु, कदाचि आदेसनावसेनापि आमगन्धब्राह्मणस्स धम्मदेसनादीसु (सु० नि० अट्ठ० १.२४१), येभ्य्येन पन अनुसासनिया। अनुसासनीपाटिहारियज्झि बुद्धानं सततं धम्मदेसना। इति तंतं देसनाकारेन अनेकविधपाटिहारियता देसनाय लब्भति। अयमत्थो उपरि एकादसमस्स केवट्टसुत्तस्स वण्णनाय (दी० नि० अट्ठ० १.४८१) आवि भविस्सति। अथ वा तस्स विविधस्सापि पाटिहारियस्स भगवतो देसनाय संसूचनतो “विविधपाटिहारिय”न्ति वुत्तं, अनेकविधपाटिहारियदस्सनन्ति अत्थो।

धम्मनिरुत्तियाव भगवति धम्मं देसेन्ते सब्बेसं सुणन्तानं नानाभासितानं तंतं भासानुरूपतो देसना सोतपथमागच्छतीति आह “सब्ब...पे०... मागच्छन्त”न्ति। सोतमेव सोतपथो, सवनं वा सोतं, तस्स पथो तथा, सोतद्वारन्ति अत्थो। सब्बाकारेनाति यथादेसिताकारेन। को समत्थो विज्जातुं, असमत्थोयेव, तस्माति पाठसेसो। पनाति

एकंसत्थे, तेन सद्धासतिधितिवीरियादिबलसद्धातेन सब्बथामेन एकंसेनेव सोतुकामतासद्धातकुसलच्छन्दस्स जननं दस्सेति । जनेत्वापीति एत्थ पि-सद्दो, अपि-सद्दो वा सम्भावनत्थो “बुद्धोपि बुद्धभावं भावेत्वा”तिआदीसु (दी० नि० अट्ठ १; म० नि० अट्ठ १; सं० नि० अट्ठ १; अ० नि० अट्ठ १.पठमगन्थारम्भकथा) विय, तेन “सब्बथामेन एकंसेनेव सोतुकामतं जनेत्वापि नाम एकेनाकारेण सुतं, किमङ्गं पन अज्जत्था”ति तथासुते धम्मे सम्भावनं करोति । केचि पन “एदिसेसु गरहत्थो”ति वदन्ति, तदयुत्तमेव गरहत्थस्स अविज्जमानत्ता, विज्जमानत्थस्सेव च उपसगगनिपातानं जोतकत्ता । “नानानयनिपुण”न्तिआदिना हि सब्बप्पकारेण सोतुमसक्कुण्येय्यभावेन धम्मस्स इध सम्भावनमेव करोति, तस्मा “अपि दिब्बेसु कामेसु, रतिं सो नाधिगच्छती”तिआदीसुयेव (ध० प० १८७) गरहत्थसम्भवेसु गरहत्थो वेदितब्बोति । अपि-सद्दो च ईदिसेसु ठानेसु निपातोयेव, न उपसग्गो । तथा हि “अपि-सद्दो च निपातपक्खिको कातब्बो, यत्थ किरियावाचकतो पुब्बो न होती”ति अक्खरचिन्तका वदन्ति । मयापीति एत्थ पन न केवलं मयाव, अथ खो अज्जेहिपि तथारूपेहीति सम्पिण्डनत्थो गहेतब्बो ।

सामं भवतीति सयम्भू, अनाचरियको । न मयं इदं सच्छिकतन्ति एत्थ पन “न अत्तनो जाणेनेव अत्तना सच्छिकत”न्ति पकरणतो अत्थो विज्जायति । सामज्जवचनस्सापि हि सम्पयोगविप्पयोगसहचरणविरोधसद्दन्तरसन्निधानलिङ्गओचित्यकालदेसपकरणादिवसेन विसेसत्थग्गहणं सम्भवति । एवं सब्बत्थ । परिमोचेन्तोति “पुन चपरं भिक्खवे, इधेकच्चो पापभिक्खु तथागतप्पवेदितं धम्मविनयं परियापुणित्वा अत्तनो दहती”ति (पारा० १९५) वुत्तदोसतो परिमोचापनहेतु । हेत्वत्थे हि अन्त-सद्दो “असम्बुधं बुद्धनिसेवित”न्तिआदीसु (वि० अट्ठ १.गन्थारम्भकथा) विय । इमस्स सुत्तस्स संवण्णनाप्पकारविचारणेन अत्तनो जाणस्स पच्चक्खतं सन्धाय “इदानी वत्तब्ब”न्ति वुत्तं । एसा हि संवण्णनाकारानं पकति, यदिदं संवण्णेतब्बधम्मे सब्बत्थ “अयमिमस्स अत्थो, एवमिध संवण्णयिस्सामी”ति पुरेतरमेव संवण्णनाप्पकारविचारणा ।

एतदग्गपदस्सत्थो वुत्तोव । “बहुस्सुतान”न्तिआदीसु पन अज्जेपि थेरा बहुस्सुता, सतिमन्तो, गतिमन्तो, धितिमन्तो, उपट्ठाका च अत्थि, अयं पनायस्मा बुद्धवचनं गणहन्तो दसबलस्स सासने भण्डागारिकपरियत्तियं ठत्वा गण्हि, तस्मा बहुस्सुतानं अग्गो नाम जातो । इमस्स च थेरस्स बुद्धवचनं उग्गहेत्वा धारणसति अज्जेहि थेरेहि बलवतरा अहोसि, तस्मा सतिमन्तानं अग्गो नाम जातो । अयमेवायस्मा एकपदे ठत्वा

सट्ठिपदसहस्सानि गणहन्तो सत्थारा कथितनियामेन सब्बपदानि जानाति, तस्मा गतिमन्तानं अग्गो नाम जातो। तस्सेव चायस्मतो बुद्धवचनं उग्गणहनवीरियं, सज्झायनवीरियञ्च अज्जेहि असदिसं अहोसि, तस्मा धितिमन्तानं अग्गो नाम जातो। तथागतं उपट्ठहन्तो चेस न अज्जेसं उपट्ठाकभिक्षून् उपट्ठहनाकारेण उपट्ठहति। अज्जेपि हि तथागतं उपट्ठहिंसु, न च पन बुद्धानं मनं गहेत्वा उपट्ठहितुं सक्कोन्ति, अयं पन थेरो उपट्ठाकट्ठानं लद्धदिवसतो पट्ठाय आरद्धवीरियो हुत्वा तथागतस्स मनं गहेत्वा उपट्ठहि, तस्मा उपट्ठाकानं अग्गो नाम जातो। **अत्थकुसलो**ति भासितत्थे, पयोजनत्थे च छेको। **धम्मो**ति पाळिधम्मो, नानाविधो वा हेतु। **ब्यञ्जन**न्ति अक्खरं अत्थस्स ब्यञ्जनतो। पदेन हि ब्यज्जितोपि अत्थो अक्खरमूलकत्ता पदस्स “अक्खरेण ब्यज्जितो”ति वुच्चति। अत्थस्स वियञ्जनतो वा वाक्यम्पि इध **ब्यञ्जनं** नाम। वाक्येण हि अत्थो परिपुण्णं ब्यज्जीयति, यतो “ब्यञ्जनेहि विवरती”ति आयस्मता महाकच्चायनत्थेरेण वुत्तं। **निरुत्ती**ति निब्वचनं, पञ्चविधा वा निरुत्तिनया। तेसम्पि हि सद्वरचनाविसेसेन अत्थाधिगमहेतुतो इध गहणं युज्जति। **पुब्बापरं** नाम पुब्बापरानुसन्धि, सुत्तस्स वा पुब्बभागेन अपरभागस्स संसन्दनं। भगवता च पञ्चविधएतदग्गट्ठानेन धम्मसेनापतिना च पञ्चविधकोसल्लेन पसट्ठभावानुरूपन्ति सम्बन्धो। **धारणबल**न्ति धारणसङ्घातं बलं, धारणे वा बलं, उभयत्थापि धारेतुं सामत्थियन्ति वुत्तं होति। **दस्सेन्तो** हुत्वा, दस्सनहेतूतिपि अत्थो। **तज्ज खो अत्थतो वा ब्यञ्जनतो वा अनूनमनधिक**न्ति अवधारणफलमाह। न **अज्जथा दट्ठ**बन्ति पन निवत्तेतब्बत्थं। न **अज्जथा**ति च भगवतो सम्मुखा सुताकारतो न अज्जथा, न पन भगवता देसिताकारतो। अचिन्तेय्यानुभावा हि भगवतो देसना, एवञ्च कत्वा “सब्बप्पकारेण को समत्थो विज्जातु”न्ति हेट्ठा वुत्तवचनं समत्थितं होति, इतरथा भगवता देसिताकारेणैव सोतुं समत्थत्ता तदेतं न वत्तब्बं सिया। यथावुत्तेन पन अत्थेन धारणबलदस्सनञ्च न विरुज्झति सुताकाराविरुज्जनवसेन धारणस्स अधिप्पेतत्ता, अज्जथा भगवता देसिताकारेणैव धारितुं समत्थनतो हेट्ठा वुत्तवचनेन विरुज्जेय्य। न हेत्थ द्वित्रं अत्थानं अत्थन्तरतापरिहारो युत्तो तेसं द्वित्रम्पि अत्थानं सुतभावदीपनेन एकविसयत्ता, इतरथा थेरो भगवतो देसनाय सब्बथा पटिग्गहणे पच्छिमत्थवसेन समत्थो, पुरिमत्थवसेन च असमत्थोति आपज्जेय्याति।

“यो परो न होति, सो अत्ता”ति वुत्ताय नियकज्झत्तसङ्घाताय सन्ततिया पवत्तनको तिविधोपि मे-सद्दो, तस्मा किञ्चापि नियकज्झत्तसन्ततिवसेन एकस्मिं येवत्थे मे-सद्दो दिस्सति, तथापि करणसम्पदानसामिनिद्देसवसेन विज्जमानविभत्तिभेदं सन्धाय वुत्तं “**तीसु अत्थेसु दिस्सती**”ति, तीसु विभत्तियत्थेसु अत्तना सज्जुत्तविभत्तितो दिस्सतीति

अत्थो । गाथाभिगीतन्ति गाथाय अभिगीतं अभिमुखं गायितं । **अभोजनेय्यन्ति** भोजनं कातुमनरहरूपं । अभिगीतपदस्स कत्तुपेक्खत्ता मयाति अत्थो । एवं सेसेसुपि यथारहं । सुतसद्वस्स कम्मभावसाधनवसेन द्वाधिप्पायिकपदत्ता यथायोगं “मया सुत”न्ति च “मम सुत”न्ति च अत्थद्वये युज्जति ।

किञ्चापि उपसग्गो किरियं विसेसेति, जोतकमत्तभावतो पन सतिपि तस्मिं सुतसद्वोयेव तं तं अत्थं वदतीति अनुपसग्गस्स सुतसद्वस्स अत्थुद्धारे सउपसग्गस्स गहणं न विरुज्जतीति आह “**सउपसग्गो च अनुपसग्गो चा**”ति । अस्साति सुतसद्वस्स । उपसग्गवसेनपि धातुसद्वो विसेसत्थवाचको यथा “अनुभवति पराभवती”ति वुत्तं “**गच्छन्तोति अत्थो**”ति । तथा अनुपसग्गोपि धातुसद्वो सउपसग्गो विय विसेसत्थवाचकोति आह “**विस्सुतधम्मस्साति अत्थो**”ति । एवमीदिसेसु । **सोतविज्जेय्यन्ति** सोतद्वारनिस्सितेन विज्जाणेन विज्जातब्बं, ससम्भारकथा वा एसा, सोतद्वारेन विज्जातब्बन्ति अत्थो । **सोतद्वारानुसारविज्जातधरो**ति सोतद्वारानुसारेन मनोविज्जाणेन विज्जातधम्मधरो । न हि सोतद्वारनिस्सितविज्जाणमत्तेन धम्मो विज्जायति, अथ खो तदनुसारमनोविज्जाणेनेव, **सुतधरो**ति च तथा विज्जातधम्मधरो वुत्तो, तस्मा तदत्थोयेव सम्भवतीति एवं वुत्तं । कम्मभावसाधनानि सुतसद्वे सम्भवन्तीति दस्सेतुं “**इध पना**”तिआदिमाह । पुब्बापरपदसम्बन्धवसेन अत्थस्स उपपन्नता, अनुपपन्नता च विज्जायति, तस्मा सुतसद्वस्सेव वसेन अयमत्थो “उपपन्नो, अनुपपन्नो”ति वा न विज्जातब्बोति चोदनाय पुब्बापरपदसम्बन्धवसेन एतदत्थस्स उपपन्नतं दस्सेतुं “**मे-सद्वस्स ही**”तिआदि वुत्तं । **मयाति अत्थे सतीति** कत्तुत्थे करणनिद्देसवसेन मयाति अत्थे वत्तब्बे सति, यदा मे-सद्वस्स कत्तुवसेन करणनिद्देसो, तदाति वुत्तं होति । **ममाति अत्थे सतीति** सम्बन्धीयत्थे सामिनिद्देसवसेन ममाति अत्थे वत्तब्बे सति, यदा सम्बन्धवसेन सामि निद्देसो, तदाति वुत्तं होति ।

एवं सद्वतो जातब्बमत्थं विज्जापेत्वा इदानीं तेहि दस्सेतब्बमत्थं निदस्सेन्तो “**एवमेतेसू**”तिआदिमाह । सुतसद्वसन्निधाने पयुत्तेन एवं-सद्वेन सवनकिरियाजोतकेनेव भवितब्बं विज्जमानत्थस्स जोतकमत्तत्ता निपातानन्ति वुत्तं “**एवन्ति सोतविज्जाणादिविज्जाणकिच्चनिदस्सन**”न्ति । सवनाय एव हि आकारो, निदस्सनं, अवधारणम्पि, तस्मा यथावुत्तो एवं-सद्वस्स तिविधोपि अत्थो सवनकिरियाजोतकभावेन इधाधिप्पेतोति । आदि-सद्वेन चेत्थ सम्पटिच्छनादीनं सोतद्वारिकविज्जाणानं, तदभिनिपातानञ्च

मनोद्वारिक विज्जाणानं गहणं वेदितब्बं, यतो सोतद्वारानुसारविज्जातत्थे इध सुतसद्दोति वुत्तो । अवधारणफलत्ता सद्दपयोगस्स सब्बम्पि वाक्यं अन्तो गधावधारणं, तस्मा “सुत”न्ति एतस्स सुतमेवाति अयमत्थो लब्धतीति आह “अस्सवनभावपटिक्खेपतो”ति । एतेन हि वचनेन अवधारणेन निराकृतं दस्सेति । यथा पन यं सुतं सुतमेवाति नियमेतब्बं, तथा च तं सुतं सम्मा सुतं होतीति अवधारणफलं दस्सेतुं वुत्तं “अनूनाधिकाविपरीतगहणनिदस्सन”न्ति । अथ वा सद्दन्तरत्थापोहनवसेन सद्दो अत्थं वदति, तस्मा “सुत”न्ति एतस्स असुतं न होतीति अयमत्थो लब्धतीति सन्धाय “अस्सवनभावपटिक्खेपतो”ति वुत्तं, इमिना दिट्ठादिनिवत्तनं करोति दिट्ठादीनं “असुत”न्ति सद्दन्तरत्थभावेन निवत्तेतब्बत्ता । इदं वुत्तं होति – न इदं मया अत्तनो जाणेन दिट्ठं, न च सयम्भुजाणेन सच्छिकतं, अथ खो सुतं, तच्च खो सुतं सम्मदेवाति । तदेव सम्मा सुतभावं सन्धायाह “अनूना...पे०... दस्सन”न्ति । होति चेत्थ –

“एवादिसत्तिया चेव, अज्जत्थापोहनेन च ।

द्विधा सद्दो अत्थन्तरं, निवत्तेति यथारह”न्ति ।।

अपिच अवधारणत्थे एवं-सद्दे अयमत्थयोजना करीयतीति तदपेक्खस्स सुतसद्दस्स सावधारणत्थो वुत्तो “अस्सवनभावपटिक्खेपतो”ति, तदवधारणफलं दस्सेति “अनू...पे०... दस्सन”न्ति इमिना । सवन-सद्दो चेत्थ भावसद्देन योगतो कम्मसाधनो वेदितब्बो “सुय्यती”ति । अनूनाधिकताय भगवतो सम्मुखा सुताकारतो अविपरीतं, अविपरीतस्स वा सुत्तस्स गहणं, तस्स निदस्सनं तथा, इति सवनहेतु सुणन्तपुग्गलसवनविसेसवसेन अयं योजना कता ।

एवं पदत्तयस्स एकेन पकारेण अत्थयोजनं दस्सेत्वा इदानीं पकारन्तरेणापि तं दस्सेतुं “तथा”तिआदि वुत्तं । तत्थ तस्साति या भगवतो सम्मुखा धम्मस्सवनाकारेण पवत्ता मनोद्वारिकविज्जाणवीथि, तस्सा । सा हि नानापकारेण आरम्भणे पवत्तितुं समत्था, न सोतद्वारिक विज्जाणवीथि एकारम्भणेयेव पवत्तनतो, तथा चेव वुत्तं “सोतद्वारानुसारेणा”ति । तेन हि सोतद्वारिकविज्जाणवीथि निवत्तति । नानपकारेणाति वक्खमानेन अनेकविहितेन ब्यज्जनत्थगहणाकारसङ्घातेन नानाविधेन आकारेण, एतेन इमिस्सा योजनाय आकारत्थो एवं-सद्दो गहितोति दस्सेति । पवत्तिभावप्पकासनन्ति पवत्तिया अत्थिभावप्पकासनं । यस्मिं पकारे वुत्तप्पकारा विज्जाणवीथि नानपकारेण पवत्ता, तदेव आरम्भणं सन्धाया

“धम्मप्पकासन”न्ति वुत्तं, न पन सुतसद्वस्स धम्मत्थं, तेन वुत्तं “अयं धम्मो सुतो”ति । तस्सा हि विज्जाणवीथिया आरम्मणमेव “अयं धम्मो सुतो”ति वुच्चति । तच्च नियमियमानं यथावुत्ताय विज्जाणवीथिया आरम्मणभूतं सुत्तमेव । अयज्जेत्थातिआदि वुत्तस्सेवत्थस्स पाकटीकरणं । तप्पाकटीकरणत्थो हेत्थ हि-सद्वो । विज्जाणवीथिया करणभूताय मया न अज्जं कत्तं, इदं पन आरम्मणं कत्तं । किं पन तन्ति चे ? अयं धम्मो सुतोति । अयं पनेत्थाधिष्पायो – आकारत्थे एवं-सद्वे “एकेनाकारेना”ति यो आकारो वुत्तो, सो अत्थतो सोतद्वारानुसारविज्जाणवीथिया नानप्पकारेण आरम्मणे पवत्तिभावोयेव, तेन च तदारम्मणभूतस्स धम्मस्सेव सवनं कत्तं, न अज्जन्ति । एवं सवनकिरियाय करणकत्तुकम्मविसेसो इमिस्सा योजनाय दस्सितो ।

अज्जम्पि योजनमाह “तथा”तिआदिना । निदस्सनत्थं एवं-सद्वं गहेत्वा निदस्सनेन च निदस्सितब्बस्साविनाभावतो “एवन्ति निदस्सितब्बप्पकासन”न्ति वुत्तं । इमिना हि तदविनाभावतो एवंसद्वेन सकलम्पि सुत्तं पच्चावद्वन्ति दस्सेति, सुतसद्वस्स किरियापरत्ता, सवनकिरियाय च साधारणविज्जाणप्पबन्धपटिबद्धत्ता तस्मिञ्च विज्जाणप्पबन्धे पुग्गलवोहारोति वुत्तं “पुग्गलकिच्चप्पकासन”न्ति । साधारणविज्जाणप्पबन्धो हि पण्णत्तिया इध पुग्गलो नाम, सवनकिरिया पन तस्स किच्चं नाम । न हि पुग्गलवोहाररहिते धम्मप्पबन्धे सवनकिरिया लब्धति वोहारविसयत्ता तस्सा किरियायाति दद्वब्बं । “इद”न्तिआदि पिण्डत्थदस्सनं मयाति यथावुत्तविज्जाणप्पबन्धसङ्घातपुग्गलभूतेन मया । सुतन्ति सवनकिरियासङ्घातेन पुग्गलकिच्चेन योजितं, इमिस्सा पन योजनाय पुग्गलव्यापारविसयस्स पुग्गलस्स, पुग्गलव्यापारस्स च निदस्सनं कतन्ति दद्वब्बं ।

आकारत्थमेव एवं-सद्वं गहेत्वा पुरिमयोजनाय अज्जथापि अत्थयोजनं दस्सेतुं “तथा”तिआदि वुत्तं । चित्तसन्तानस्साति यथावुत्तविज्जाणप्पबन्धस्स । नानाकारप्पवत्तियाति नानप्पकारेण आरम्मणे पवत्तिया । नानप्पकारं अत्थव्यज्जनस्स गहणं, नानप्पकारस्स वा अत्थव्यज्जनस्स गहणं तथा, ततोयेव सा “आकारपज्जत्ती”ति वुत्ताति तदेवत्थं समत्थेति “एवन्ति ही”तिआदिना । आकारपज्जत्तीति च उपादापज्जत्तियेव, धम्मनं पन पवत्तिआकारमुपादाय पज्जत्तत्ता तदज्जाय उपादापज्जत्तिया विसेसनत्थं “आकारपज्जत्ती”ति वुत्ता विसयनिद्देशोति उप्पत्तिट्ठाननिद्देशो । सोतब्बभूतो हि धम्मो सवनकिरियाकत्तुभूतस्स पुग्गलस्स सवनकिरियावसेन पवत्तिट्ठानं किरियाय कत्तुकम्मट्ठत्ता तब्बसेन च तदाधारस्सापि दब्बस्स आधारभावस्स इच्छितत्ता, इध पन किरियाय कत्तुपवत्तिट्ठानभावो इच्छितोति

कम्ममेव आधारवसेन वुत्तं, तेनाह “कत्तु विसयग्गहणसन्निट्ठान”न्ति, आरम्मणमेव वा विसयो। आरम्मणज्झि तदारम्मणिकस्स पवत्तिट्ठानं। एवम्पि हि अत्थो सुविज्जेय्यतरो होति। यथावुत्तवचने पिण्डत्थं दस्सेतुं “एत्तावता”तिआदि वुत्तं। एत्तावता एत्तकेन यथावुत्तत्थेन पदत्तयेन, कतं होतीति सम्बन्धो। नानाकारप्पवत्तेनाति नानप्पकारेण आरम्मणे पवत्तेन। चित्तसन्तानेनाति यथावुत्तविज्जाणवीथिसङ्घातेन चित्तप्पबन्धेन। गहणसद्दे चेत्तं करणं। चित्तसन्तानविनिमुत्तस्स कस्सचि कत्तु परमत्थतो अभावेपि सद्दोहारेण बुद्धिपरिकप्पितभेदवचनिच्छाय चित्तसन्तानतो अज्जमिव तंसमङ्गिं कत्वा अभेदेपि भेदोहारेण “चित्तसन्तानेन तंसमङ्गिनो”ति वुत्तं। वोहारविसयो हि सद्दो नेकन्तपरमत्थिकोति (कारकरूपसिद्धियं यो कारेति सहेतुसुत्तं पस्सितब्बं) सवनकिरियाविसयोपि सोतब्बधम्मो सवनकिरियावसेन पवत्तचित्तसन्तानस्स इध परमत्थतो कत्तुभावतो तस्स विसयोयेवाति वुत्तं “कत्तु विसयग्गहणसन्निट्ठान”न्ति।

अपिच सवनवसेन चित्तप्पवत्तिया एव सवनकिरियाभावतो तंवसेन तदज्जनामरूपधम्मसमुदायभूतस्स तंकिरियाकत्तु च विसयो होतीति कत्वा तथा वुत्तं। इदं वुत्तं होति – पुरिमनये सवनकिरिया, तक्कत्ता च परमत्थतो तथापवत्तचित्तसन्तानमेव, तस्मा किरियाविसयोपि “कत्तु विसयो”ति वुत्तो। पच्छिमनये पन तथापवत्तचित्तसन्तानं किरिया, तदज्जधम्मसमुदायो पन कत्ता, तस्मा कामं एकन्ततो किरियाविसयोयेवेस धम्मो, तथापि किरियावसेन “तब्बन्तकत्तु विसयो”ति वुत्तोति। तंसमङ्गिनोति तेन चित्तसन्तानेन समङ्गिनो। कत्तूति कत्तारस्स। विसयोति आरम्मणवसेन पवत्तिट्ठानं, आरम्मणमेव वा। सुताकारस्स च थेरस्स सम्मा निच्छित्तभावतो “गहणसन्निट्ठान”न्ति वुत्तं।

अपरो नयो – यस्स...पे०... आकारपज्जतीति आकारत्थेन एवं-सद्देन योजनं कत्वा तदेव अवधारणत्थम्पि गहेत्वा इमस्मिंयेव नये योजेतुं “गहणं कतं” इच्चेव अवत्वा “गहणसन्निट्ठानं कत”न्ति वुत्तन्ति दट्ठब्बं। अवधारणेन हि सन्निट्ठानमिधाधिप्पेतं, तस्मा “एत्तावता”तिआदिना अवधारणत्थम्पि एवं-सद्दं गहेत्वा अयमेव योजना कताति दस्सेतीति वेदितब्बं, इमिस्सा पन योजनाय गहणाकारगाहकतब्बिसयविसेसनिदस्सनं कतन्ति दट्ठब्बं।

अज्जम्पि योजनमाह “अथ वा”तिआदिना। पुब्बे अत्तना सुतानं नानाविहितानं सुत्तसङ्घातानं अत्थब्यज्जनानं उपधारितरूपस्स आकारस्स निदस्सनस्स, अवधारणस्स वा पकासनसभावो एवं-सद्दोति तदाकारादिभूतस्स उपधारणस्स पुग्गलपज्जत्तिया

उपादानभूतधम्मपबन्धव्यापारताय “पुगलकिच्चनिद्देशो”ति वुत्तं अत्तना सुतानञ्चि अत्थव्यञ्जनानं पुन उपधारणं आकारादित्तयं, तच्च एवं-सदस्स अत्थो। सो पन यं धम्मपबन्धं उपादाय पुगलपञ्जति पवत्ता, तस्स व्यापारभूतं किच्चमेव, तस्मा एवं-सद्देन पुगलकिच्चं निद्दिशीयतीति। कामं सवनकिरिया पुगलव्यापारोपि अविसेसेन, तथापि विसेसतो विज्जाणव्यापारोवाति वुत्तं “विज्जाणकिच्चनिद्देशो”ति। तथा हि पुगलवादीनम्पि सवनकिरिया विज्जाणनिरपेक्खा नत्थि सवनादीनं विसेसतो विज्जाणव्यापारभावेन इच्छितत्ता। मेति सदप्पवत्तिया एकन्तेनेव सत्तविसयत्ता, विज्जाणकिच्चस्स च सत्तविज्जाणानमभेदकरणवसेन तत्थेव समोदहितव्वतो “उभयकिच्चयुत्तपुगलनिद्देशो”ति वुत्तं। “अयं”न्तिआदि तप्पाकटीकरणं। एत्थ हि सवनकिच्चविज्जाणसमङ्गिनाति एवं-सद्देन निद्दिट्ठं पुगलकिच्चं सन्धाय वुत्तं, तं पन पुगलस्स सवनकिच्चविज्जाणसमङ्गीभावेन पुगलकिच्चं नामाति दस्सेतुं “पुगलकिच्चसमङ्गिना”ति अवत्ता “सवनकिच्चविज्जाणसमङ्गिना”ति आह, तस्मा “पुगलकिच्च”न्ति निद्दिट्ठसवनकिच्चवत्ता विज्जाणेन समङ्गिनाति अत्थो। विज्जाणवसेन, लद्धसवनकिच्चवोहारेनाति च सुतसद्देन निद्दिट्ठं विज्जाणकिच्चं सन्धाय वुत्तं। सवनमेव किच्चं यस्साति तथा। सवनकिच्चन्ति वोहारो सवनकिच्चवोहारो, लद्धो सो येनाति तथा। लद्धसवनकिच्चवोहारेन विज्जाणसङ्घातेन वसेन सामत्थियेनाति अत्थो। अयं पन सम्बन्धो— सवनकिच्चविज्जाणसमङ्गिना पुगलेन मया लद्धसवनकिच्चवोहारेन विज्जाणवसेन करणभूतेन सुतन्ति।

अपिच “एव”न्ति सदस्सत्थो अविज्जमानपञ्जति, “सुत”न्ति सदस्सत्थो विज्जमानपञ्जति, तस्मा ते तथारूपपञ्जति उपादानभूतपुगलव्यापारभावेनेव दस्सेन्तो आह “एवन्ति पुगलकिच्चनिद्देशो। सुतन्ति विज्जाणकिच्चनिद्देशो”ति। न हि परमत्थतोयेव नियमियमाने सति पुगलकिच्चविज्जाणकिच्चवसेन अयं विभागो लब्धतीति। इमिस्सा पन योजनाय कत्तुव्यापारकरणव्यापारकत्तुनिद्देशो कतोति वेदितव्वो।

सब्बस्सापि सद्वाधिगमनीयस्स अत्थस्स पञ्जतिमुखेनेव पटिपज्जितव्वत्ता, सब्बासञ्च पञ्जत्तीनं विज्जमानादिवसेन छसु पञ्जतिभेदेसु अन्तो गधत्ता तासु “एव”न्तिआदीनं पञ्जत्तीनं सरूपं निद्धारेत्वा दस्सेन्तो “एवन्ति चा”तिआदिमाह। तत्थ “एव”न्ति च “मे”ति च वुच्चमानस्स अत्थस्स आकारादिभूतस्स धम्मानं असल्लक्खणभावतो अविज्जमानपञ्जतिभावोति आह “सच्चिकट्टपरमत्थवसेन अविज्जमानपञ्जत्ती”ति। सच्चिकट्टपरमत्थवसेनाति च भूतत्थउत्तमत्थवसेनाति अत्थो। इदं वुत्तं होति— यो

मायामरीचिआदयो विय अभूतत्थो, अनुस्सवादीहि गहेतब्बो विय अनुत्तमत्थो च न होति, सो रूपसद्वादिसभावो, रूपनानुभवनादिसभावो वा अत्थो “सच्चिकट्टो, परमत्थो”ति च वुच्चति, “एवं मे”ति पदानं पन अत्थो अभूतत्ता, अनुत्तमत्ता च न तथा वुच्चति, तस्मा भूतत्थउत्तमत्थसङ्घातेन सच्चिकट्टपरमत्थवसेन विसेसनभूतेन अविज्जमानपञ्चत्तियेवाति । एतेन च विसेसनेन बालजनेहि “अत्थी”ति परिकप्पितं पञ्चत्तिमत्तं निवत्तेति । तदेवत्थं पाकटं करोति, हेतुना वा साधेति “किञ्हेत्थ त”न्तिआदिना । यं धम्मजातं, अत्थजातं वा “एव”न्ति वा “मे”ति वा निद्देसं लभेथ, तं एत्थ रूपफस्सादिधम्मसमुदाये, “एवं मे”ति पदानं वा अत्थे । परमत्थतो न अत्थीति योजना । रूपफस्सादिभावेन निद्दिट्ठो परमत्थतो एत्थ अत्थेव, “एवं मे”ति पन निद्दिट्ठो नत्थीति अधिप्पायो । सुत्तन्ति पन सद्दायतनं सन्धायाह “विज्जमानपञ्चत्ती”ति । “सच्चिकट्टपरमत्थवसेना”ति चेत्थ अधिकारो । “यञ्ही”तिआदि तप्पाकटीकरणं, हेतुदस्सनं वा । यं तं सद्दायतनं सोतेन सोतद्वारेण, तन्निस्सितविज्जाणेन वा उपलब्धं अधिगमितव्वन्ति अत्थो । तेन हि सद्दायतनमिध गहितं कम्मसाधनेनाति दस्सेति ।

एवं अट्ठकथानयेन पञ्चत्तिसरूपं निद्धारेत्वा इदानीं अट्ठकथामुत्तकेनापि नयेन वुत्तेसु छसु पञ्चत्तिभेदेसु “एव”न्तिआदीनं पञ्चत्तीनं सरूपं निद्धारेन्तो “तथा”तिआदिमाह । उपादापञ्चत्ति आदयो हि पोराणट्ठकथातो मुत्ता सङ्गहकारेणैव आचरियेन वुत्ता । वित्थारो अभिधम्मट्ठकथाय गहेतब्बो । तं तन्ति तं तं धम्मजातं, सोतपथमागते धम्मे उपादाय तेसं उपधारिताकारनिदस्सनावधारणस्स पच्चासनवसेन एवन्ति च ससन्ततिपरियापन्ने खन्धे उपादाय मेति च वत्तव्वत्ताति अत्थो । रूपवेदनादिभेदेहि धम्मे उपादाय निस्साय कारणं कत्वा पञ्चत्ति उपादापञ्चत्ति यथा “तानि तानि अङ्गानि उपादाय रथो गेहं, ते ते रूपरसादयो उपादाय घटो पटो, चन्दिमसूरियपरिवत्तादयो उपादाय कालो दिसा”तिआदि । पञ्चपेतव्वट्टेन चेसा पञ्चत्ति नाम, न पञ्चापनट्टेन । या पन तस्स अत्थस्स पञ्चापना, अयं अविज्जमानपञ्चत्तियेव । दिट्ठादीनि उपनिधाय वत्तव्वतोति दिट्ठमुत्तविज्जाते उपनिधाय उपत्थम्भं कत्वा अपेक्खित्वा वत्तव्वत्ता । दिट्ठादिसभावविरहिते सद्दायतने वत्तमानोपि हि सुतवोहारो “दुत्तियं तत्तिय”न्तिआदिको विय पठमादीनि दिट्ठमुत्तविज्जाते अपेक्खित्वा पवत्तो “उपनिधापञ्चत्ती”ति वुच्चते । सा पनेसा अनेकविधा तदज्जपेक्खूपनिधा हत्थगतूपनिधा सम्पयुत्तूपनिधासमारोपितूपनिधा अविदूरगतूपनिधा पटिभागूपनिधा तव्वहुलूपनिधातव्विसिट्ठूपनिधा”तिआदिना । तासु अयं “दुत्तियं तत्तिय”न्तिआदिका विय पठमादीनं दिट्ठादीनं अज्जमज्जमपेक्खित्वा वुत्तत्ता तदज्जपेक्खूपनिधापञ्चत्ति नाम ।

एवं पञ्जत्तियापि अत्थाधिगमनीयतासङ्घातं दस्सेतब्बत्थं दस्सेत्वा इदानीं सहसामत्थियेन दीपेतब्बमत्थं निद्धारेत्वा दीपेन्तो “एत्थ चा”तिआदिमाह। एत्थाति एतस्मिं वचनत्तये। च-सद्दो उपन्यासो अत्थन्तरं आरभितुकामेन योजितत्ता। “सुत”न्ति वुत्ते असुतं न होतीति पकासितोयमत्थो, तस्मा तथा सुत-सद्देन पकासिता अत्तना पटिविद्धसुत्तस्स पकारविसेसा “एव”न्ति थेरेन पच्चापट्टाति तेन एवं-सद्देन असम्मोहो दीपितो नाम, तेनाह “एवन्ति वचनेन असम्मोहं दीपेती”ति। असम्मोहन्ति च यथासुते सुत्ते असम्मोहं। तदेव युत्तिया, ब्यतिरेकेन च समत्थेहि “न ही”तिआदिना वक्खमानञ्च सुत्तं नानप्पकारं दुप्पटिविद्धञ्च। एवं नानप्पकारे दुप्पटिविद्धे सुत्ते कथं सम्मूळ्हो नानप्पकारपटिवेधसमत्थो भविस्सति। इमाय युत्तिया, इमिना च ब्यतिरेकेन थेरस्स तत्थ असम्मूळ्हभावसङ्घातो दीपेतब्बो अत्थो विज्जायतीति वुत्तं होति। एवमीदिसेसु यथारहं। भगवतो सम्मुखा सुताकारस्स याथावतो उपरि थेरेन दस्सियमानत्ता “सुत्तस्स असम्मोसं दीपेती”ति वुत्तं। कालन्तरेनाति सुतकालतो अपरेन कालेन। यस्स...पे०... पटिजानाति, थेरस्स पन सुवण्णभाजने पक्खित्तसीहवसा विय अनस्समानं असम्पुट्टं तिट्ठति, तस्मा सो एवं पटिजानातीति वुत्तं होति। एवं दीपितेन पन अत्थेन किं पकासितन्ति आह “इच्चस्सा”तिआदि। तत्थ इच्चस्साति इति अस्स, तस्मा असम्मोहस्स, असम्मोसस्स च दीपितत्ता अस्स थेरस्सपज्जासिद्धीतिआदिना सम्बन्धो। असम्मोहेनाति सम्मोहाभावेन। पज्जावज्जितसमाधिआदिधम्मजातेन तंसम्पयुत्ताय पज्जाय सिद्धि सहजातादिसत्तिया सिज्जनतो। सम्मोहपटिपक्खेन वा पज्जासङ्घातेन धम्मजातेन। सवनकालसम्भूताय हि पज्जाय तदुत्तरिकालपज्जासिद्धि उपनिस्सयादिकोटिया सिज्जनतो। इतरत्थापि यथारहं नयो नेतब्बो।

एवं पकासितेन पन अत्थेन किं विभावितन्ति आह “तत्था”तिआदि। तत्थाति तेसु दुब्बिधेसु धम्मेषु। ब्यज्जनानं पटिविज्जितब्बो आकारो नातिगम्भीरो, यथासुतधारणमेव तत्थ करणीयं, तस्मा तत्थ सत्तिया ब्यापारो अधिको, पज्जा पन गुणीभूताति वुत्तं “पज्जापुब्बङ्गमाया”तिआदि। पज्जाय पुब्बङ्गमा पज्जापुब्बङ्गमाति हि निब्बचनं, पुब्बङ्गमता चेत्थ पधानभावो “मनोपुब्बङ्गमा धम्मा”तिआदीसु (ध० प० १) विय। अपिच यथा चक्खुविज्जाणादीसु आवज्जनादयो पुब्बङ्गमा समानापि तदारम्मणस्स अविजाननतो अप्पधानभूता, एवं पुब्बङ्गमायपि अप्पधानत्ते सति पज्जापुब्बङ्गमा एतस्साति निब्बचनम्पि युज्जति। पुब्बङ्गमता चेत्थ पुरेचारिभावो। इति सहजातपुब्बङ्गमो पुरेजातपुब्बङ्गमोति दुविधोपि पुब्बङ्गमो इध सम्भवति, यथा चेत्थ, एवं सति “पुब्बङ्गमाया”ति एत्थापि

यथासम्भवमेस नयो वेदितब्बो । एवं विभावितेन समत्थतावचनेन किमनुभावितन्ति आह “तदुभयसमत्थतायोगेना”तिआदि । तत्थ अत्थब्यञ्जनसम्पन्नस्साति अत्थब्यञ्जनेन परिपुण्णस्स, सङ्कासनादीहि वा छहि अत्थपदेहि, अक्खरादीहि च छहि व्यञ्जनपदेहि समन्नागतस्स, अत्थब्यञ्जनसङ्गातेन वा रसेन सादुरसस्स । परियत्तिधम्मोयेव नवलोकुत्तररतनसन्निधानतो सत्तविधस्स, दसविधस्स वा रतनस्स सन्निधानो कोसो वियाति धम्मकोसो, तथा धम्मभण्डागारो, तत्थ नियुत्तोति धम्मभण्डागारिको । अथ वा नानाराजभण्डरक्खको भण्डागारिको वियाति भण्डागारिको, धम्मस्स अनुरक्खको भण्डागारिकोति तमेव सदिसताकारणदस्सनेन विसेसेत्वा “धम्मभण्डागारिको”ति वुत्तो । यथाह –

“बहुस्सुतो धम्मधरो, सब्बपाठी च सासने ।

आनन्दो नाम नामेन, धम्मरक्खो तवं मुने”ति ।। (अप० १.५४२) ।

अञ्जथापि दीपेतब्बमत्थं दीपेति “अपरो नयो”तिआदिना, एवं सद्देन वुच्चमानानं आकारनिदस्सनावधारणत्थानं अविपरीतसद्धम्मविसयत्ता तब्बिसयेहि तेहि अत्थेहि योनिसो मनसिकारस्स दीपनं युत्तन्ति वुत्तं “योनि...पे०... दीपेती”ति । “अयोनिसो”तिआदिना ब्यतिरेकेन आपकहेतुदस्सनं । तत्थ कत्थचि हि-सद्दो दिस्सति, सो कारणे, कस्माति अत्थो, इमिना वचनेनेव योनिसो मनसिकरोतो नानप्पकारपटिवेधसम्भवतो अग्गि विय धूमेन कारियेन कारणभूतो सो विज्जायतीति तदन्वयमि अत्थापत्तिया दस्सेति । एस नयो सब्बत्थ यथारहं । “ब्रह्मजालं आवुसो कत्थ भासित”न्तिआदि पुच्छावसेन अधुना पकरणप्पत्तस्स वक्खमानस्स सुत्तस्स “सुत”न्ति पदेन वुच्चमानं भगवतो सम्मुखा सवनं समाधानमन्तरेन न सम्भवतीति कत्वा वुत्तं “अविक्खेपं दीपेती”ति । “विक्खित्तचित्तस्सा”तिआदिना ब्यतिरेककारणेन आपकहेतुं दस्सेत्वा तदेव समत्थेति “तथा ही”तिआदिना । सब्बसम्पत्तियाति सब्बेन अत्थब्यञ्जनदेसकपयोजनादिना सम्पत्तिया । किं इमिना पकासितन्ति आह “योनिसो मनसिकारेन चेत्था”तिआदि । एत्थाति एतस्मिं धम्मद्वये । “न हि विक्खित्तचित्तो”तिआदिना कारणभूतेन अविक्खेपेन, सप्पुरिसूपनिस्सयेन च फलभूतस्स सद्धम्मस्सवनस्स सिद्धिया एव समत्थनं वुत्तं, अविक्खेपेन पन सप्पुरिसूपनिस्सयस्स सिद्धिया समत्थनं न वुत्तं । कस्माति चे ? विक्खित्तचित्तानं सप्पुरिसे पयिरुपासनाभावस्स अत्थतो सिद्धत्ता । अत्थवसेनेव हि सो पाकटोति न वुत्तो ।

एत्थाह – यथा योनिसो मनसिकारेन फलभूतेन अत्तसम्पापणिधिपुब्बेकतपुञ्जतानं

कारणभूतानं सिद्धिं वुत्ता तदविनाभावतो, एवं अविकल्पेन फलभूतेन सद्धम्मस्सवनसप्पुरिसूपनिस्सयानं कारणभूतानं सिद्धिं वत्तब्बा सिया अस्सुतवतो, सप्पुरिसूपनिस्सयविरहितस्स च तदभावतो। एवं सन्तेपि “न हि विक्खित्तचित्तो”तिआदिसमत्थनवचनेन अविकल्पेन, सप्पुरिसूपनिस्सयेन च कारणभूतेन सद्धम्मस्सवनस्सेव फलभूतस्स सिद्धिं वुत्ता, कस्मा पनेवं वुत्ताति? वुच्चते—अधिप्पायन्तरसम्भवतो हि तथा सिद्धिं वुत्ता। अयं पनेत्थाधिप्पायो—सद्धम्मस्सवनसप्पुरिसूपनिस्सया न एकन्तेन अविकल्पेस्स कारणं बाहिरकारणत्ता, अविकल्पे पन सप्पुरिसूपनिस्सयो विय सद्धम्मस्सवनस्स एकन्तकारणं अज्झत्तिककारणत्ता, तस्मा एकन्तकारणे होन्ते किमत्थिया अनेकन्तकारणं पति फलभावपरिकप्पनाति तथायेवेतस्स सिद्धिं वुत्ताति। एत्थ च पठमं फलेन कारणस्स सिद्धिदस्सनं नदीपूरेन विय उपरि वुट्ठिसम्भावस्स, दुतियं कारणेन फलस्स सिद्धिदस्सनं एकन्तवस्सिना विय मेघवुट्ठानेन वुट्ठिपवत्तिया।

“अपरो नयो”तिआदिना अज्जथापि दीपेतब्बत्थमाह, यस्मा न होतीति सम्बन्धो।
एवन्ति...पे०... नानाकारनिद्वेसोति हेट्ठा वुत्तं, सो च आकारोति सोतद्वारानुसारविज्जाणवीथिसङ्घातस्स चित्तसन्तानस्स नानाकारेन आरम्भणे पवत्तिया नानत्थब्यञ्जनग्गहणसङ्घातो सो भगवतो वचनस्स अत्थब्यञ्जनप्पभेदपरिच्छेदवसेन सकलसासनसम्पत्तिओगाहनाकारो। एवं भद्दोति निरवसेसपरहितपारिपूरिभावकारणत्ता एवं यथावुत्तेन नानत्थब्यञ्जनग्गहणेन सुन्दरो सेट्ठो, समासपदं वा एतं एवं ईदिसो भद्दो यस्साति कत्वा। न पणिहितो अप्पणिहितो, सम्मा अप्पणि हितो अत्ता यस्साति तथा, तस्स। **पच्छिमचक्कद्वयसम्पत्तिन्ति** अत्तसम्मापणिधिपुब्बेकतपुज्जतासङ्घातगुणद्वयसम्पत्तिं। गुणस्सेव हि अपरापरवुत्तिया पवत्तनट्ठेन चक्कभावो। चरन्ति वा एतेन सत्ता सम्पत्तिभवं, सम्पत्तिभवेसूति वा चक्कं। यं सन्धाय वुत्तं “चत्तारिमानि भिक्खवे, चक्कानि, येहि समन्नागतानं देवमनुस्सानं चतुचक्कं वत्तती”तिआदि (अ० नि० १.४.३१) पच्छिमभावो चेत्थ देसनाक्कमवसेनेव। **पुरिमचक्कद्वयसम्पत्तिन्ति** पतिरूपदेसवाससप्पुरिसूपनिस्सय-सङ्घातगुणद्वयसम्पत्तिं। सेसं वुत्तनयमेव। तस्माति पुरिमकारणं पुरिमस्सेवाति इध कारणमाह “न ही”तिआदिना।

तेन किं पकासितन्ति आह “इच्चस्सा”तिआदि। इति इमाय चतुचक्कसम्पत्तिया कारणभूताय। अस्स थेरस्स। **पच्छिमचक्कद्वयसिद्धियाति** पच्छिमचक्कद्वयस्स अत्थिभावेन

सिद्धिया । आसयसुद्धीति विपस्सनाजाणसङ्घाताय अनुलोमिकखन्तिया, कम्मस्सकताजाण-
मग्गजाणसङ्घातस्स यथाभूतजाणस्स चाति दुविधस्सापि आसयस्स असुद्धिहेतुभूतानं किलेसानं
दूरीभावेन सुद्धि । तदेव हि द्वयं विवट्टनिसित्तानं सुद्धसत्तानं आसयो । सम्मापणिहित्तो
हि पुब्बे च कतपुज्जो सुद्धासयो होति । तथा हि वुत्तं “सम्मापणिहितं चित्तं, सेय्यसो
नं ततो करे”ति, (ध० प० ४३) “कतपुज्जोसि त्वं आनन्द, पधानमनुयुज्ज खिप्पं
होहिसि अनासवो”ति (दी० नि० २.२०७) च । केचि पन “कतुकम्पताछन्दो
आसयो”ति वदन्ति, तदयुत्तमेव “ताय च आसयसुद्धिया अधिगमब्यत्तिसिद्धी”ति वचनेन
विरोधतो । एवम्पि मग्गजाणसङ्घातस्स आसयस्स सुद्धि न युत्ता ताय अधिगमब्यत्तिसिद्धिया
अवत्तब्बतोति ? नो न युत्तो पुरिमस्स मग्गस्स, पच्छिमानं मग्गानं, फलानञ्च
कारणभावतो । पयोगसुद्धीति योनिसोमनसिकारपुब्बङ्गमस्स धम्मस्सवनपयोगस्स विसदभावेन
सुद्धि, सब्बस्स वा कायवचीपयोगस्स निदोसभावेन सुद्धि । पतिरूपदेसवासी, हि
सप्पुरिससेवी च यथावुत्तविसुद्धपयोगो होति । तथाविसुद्धेन योनिसोमनसिकारपुब्बङ्गमेन
धम्मस्सवनपयोगेन, विप्पटिसाराभावावहेन च कायवचीपयोगेन अविक्खित्तचित्तो परियत्तियं
विसारदो होति, तथाभूतो च थेरो, तेन विज्जायति पुरिमचक्कद्वयसिद्धिया थेरस्स
पयोगसुद्धि सिद्धावाति । तेन किं विभावितन्ति आह “ताय चा”तिआदि ।
अधिगमब्यत्तिसिद्धीति पटिवेधसङ्घाते अधिगमे छेकभावसिद्धि । अधिगमेतब्बतो हि
पटिविज्झित्तब्बतो पटिवेधो “अधिगमो”ति अट्टकथासु वुत्तो, आगमोति च परियत्ति
आगच्छन्ति अत्तत्थपरत्थादयो एतेन, आभुसो वा गमितब्बो जातब्बोति कत्वा ।

तेन किमनुभावितन्ति आह “इती”तिआदि । इतीति एवं वुत्तनयेन, तस्मा
सिद्धत्ताति वा कारणनिदोसो । वचनन्ति निदानवचनं लोकतो, धम्मतो च सिद्धाय उपमाय
तमत्थं आपेतुं “अरुणुगं विया”तिआदिमाह । “उपमाय मिधेकच्चे, अत्थं जानन्ति
पण्डिता”ति (जा० २.१९.२४) हि वुत्तं । अरुणोति सूरियस्स उदयतो पुब्बभागे
उड्डितरंसि, तस्स उगं उगमनं उदयतो उदयन्तस्स उदयावासमुग्गच्छतो सूरियस्स पुब्बङ्गमं
पुरेचरं भवितुं अरहति वियाति सम्बन्धो । इदं वुत्तं होति – आगमाधिगमब्यत्तिया ईदिसस्स
थेरस्स वुत्तनिदानवचनं भगवतो वचनस्स पुब्बङ्गमं भवितुमरहति, निदानभावं गतं होतीति
इदमत्थजातं अनुभावितन्ति ।

इदानि अपरम्पि पुब्बे वुत्तस्स असम्मोहासम्मोससङ्घातस्स दीपेतब्बस्सत्थस्स दीपकेहि
एवं-सद्द सुत-सद्देहि पकासेतब्बमत्थं पकासेन्तो “अपरो नयो”तिआदिमाह । तत्थ हि

“नानप्पकारपटिवेधदीपकेन, सोतब्बप्पभेदपटिवेधदीपकेना”ति च इमिना तेहि सद्देहि पुब्बे दीपितं असम्मोहासम्मोससङ्घातं दीपेतब्बत्थमाह असम्मोहेन नानप्पकारपटिवेधस्स, असम्मोसेन च सोतब्बप्पभेदपटिवेधस्स सिज्जनतो । “अत्तनो”तिआदीहि पन पकासेतब्बत्थं । तेन वुत्तं **आचरियधम्मपालत्थेरेन** “नानप्पकारपटिवेधदीपकेनातिआदिना एवं-सद् सुत-सद्धानं थेरस्स अत्थव्यज्जनेसु असम्मोहासम्मोसदीपनतो चतुपटिसम्भिदावसेन अत्थयोजनं दस्सेती”ति (दी० नि० टी० १.१) । हेतुगम्भज्चेतं पदद्वयं, नानप्पकारपटिवेधसङ्घातस्स, सोतब्बप्पभेद-पटिवेधसङ्घातस्स च दीपेतब्बत्थस्स दीपकत्ताति वुत्तं होति । सन्तस्स विज्जमानस्स भावो **सम्भावो**, अत्थपटिभानपटिसम्भिदाहि सम्पत्तिया सम्भावो तथा । “सम्भव”न्तिपि पाठो, सम्भवनं **सम्भवो**, अत्थपटिभानपटिसम्भिदासम्पत्तीनं सम्भवो तथा । एवं इतरत्थापि । “**सोतब्बप्पभेदपटिवेधदीपकेना**”ति एतेन पन अयं सुत-सद्दो एवं-सद्दसन्निधानतो, वक्खमानापेक्खाय वा सामज्जेनेव वुत्तेपि सोतब्बधम्मविसेसं आमसतीति दस्सेति । एत्थ च सोतब्बधम्मसङ्घाताय पाळिया निदस्सेतब्बानं भासितत्थपयोजनत्थानं, तीसु च जाणेसु पवत्तजाणस्स नानप्पकारभावतो तब्भावपटिवेधदीपकेन एवं-सद्देन अत्थपटिभानपटिसम्भिदासम्पत्तिसम्भावदीपनं युत्तं, सोतब्बधम्मस्स पन अत्थाधिगमहेतुतो, तंवसेन च तदवसेसहेतुप्पभेदस्स गहितत्ता, निरुत्तिभावतो च सोतब्बप्पभेददीपकेन सुत-सद्देन धम्मनिरुत्तिपटिसम्भिदासम्पत्तिसम्भावदीपनं युत्तन्ति वेदितब्बं । तदेवत्थज्झि आपेतुं “असम्मोहदीपकेन, असम्मोसदीपकेना”ति च अवत्वा तथा वुत्तन्ति ।

एवं असम्मोहासम्मोससङ्घातस्स दीपेतब्बस्सत्थस्स दीपकेहि एवं-सद् सुत-सद्देहि पकासेतब्बत्थं पकासेत्वा इदानीं योनिमनसिकाराविक्खेपसङ्घातस्स दीपेतब्बस्सत्थस्स दीपकेहिपि तेहि पकासेतब्बत्थं पकासेन्तो “**एवन्ति चा**”तिआदिमाह । तत्थ हि “**एवन्ति...पे०... भासमानो, सुतन्ति इदं...पे०... भासमानो**”ति च इमिना तेहि सद्देहि पुब्बे दीपितं योनिमनसिकाराविक्खेपसङ्घातं दीपेतब्बत्थमाह, “**एते मया**”तिआदीहि पन पकासेतब्बत्थं **सवनयोगदीपकन्ति** च अविक्खेपवसेन सवनयोगस्स सिज्जनतो तदेव सन्धायाह । तथा हि **आचरियधम्मपालत्थेरेन** वुत्तं “सवनधारणवचीपरिचरिया परियत्तिधम्मानं विसेसेन सोतावधारणपटिबद्धाति ते अविक्खेपदीपकेन सुतसद्देन योजेत्वा”ति (दी० नि० टी० १.१) । मनोदिट्ठीहि परियत्तिधम्मानं अनुपेक्खनसुप्पटिवेधा विसेसतो मनसिकारपटिबद्धा, तस्मा तदीपकवचनेनेव एते मया धम्मा मनसानुपेक्खिता दिट्ठिया सुप्पटिविद्धाति इममत्थं पकासेतीति वुत्तं “**एवन्ति च...पे०... दीपेती**”ति तत्थ **धम्मा**ति परियत्तिधम्मा । **मनसानुपेक्खिताति** “इध सीलं कथितं, इध समाधि, इध पज्जा, एत्तकाव

एत्थ अनुसन्धयो'तिआदिभेदेन मनसा अनुपेक्खिता । दिट्ठिया सुप्पटिविद्धाति निज्झानक्खन्तिसङ्घाताय, जातपरिज्जासङ्घाताय वा दिट्ठिया तत्थ वुत्तरूपारूपधम्मो "इति रूपं, एत्तकं रूप'न्तिआदिना सुट्ठु ववत्थापेत्वा पटिविद्धा ।

सवनधारणवचीपरिचरिया च परियत्तिधम्मनं विसेसेन सोतावधारणपटिबद्धा, तस्मा तद्दीपकवचनेनेव बहू मया धम्मा सुता धाता वचसा परिचिताति इममत्थं पकासेतीति वुत्तं "सुतन्ति इदं...पे०... दीपेती"ति । तत्थ सुताति सोतद्वारानुसारेण विज्जाता । धाताति सुवण्णभाजने पक्खित्तसीहवसा विय मनसि सुप्पटिद्वितभावसाधनेन उपधारिता । वचसा परिचिताति पगुणतासम्पादनेन वाचाय परिचिता सज्झायिता । इदानि पकासेतब्बत्थद्वयदीपकेन यथावुत्तसद्द्वयेन विभावेतब्बमत्थं विभावेन्तो "तदुभयेनपी"तिआदिमाह । तत्थ तदुभयेनाति पुरिमनये, पच्छिमनये च यथावुत्तस्स पकासेतब्बस्सत्थस्स पकासकेन तेन दुब्बिधेन सद्देन । अत्थव्यज्जनपरिपूरिं दीपेन्तोति आदरजननस्स कारणवचनं । तदेव कारणं ब्यतिरेकेण विवरति, युत्तिया वा दळ्हं करोति "अत्थव्यज्जनपरिपुण्णज्ही"तिआदिना । असुणन्तोति चेत्थ लक्खणे, हेतुम्हि वा अन्त-सद्दो । महता हिताति महन्ततो हितस्मा । परिबाहिरोति सब्बतो भागेन बाहिरो ।

एतेन पन विभावेतब्बत्थदीपकेन सद्द्वयेन अनुभावेतब्बत्थमनुभावेन्तो "एवं मे सुतन्ति इमिना"तिआदिमाह । पुब्बे विसुं विसुं अत्थे योजितायेव एते सद्दा इध एकस्सेवानुभावत्थस्स अनुभावकभावेन गहिताति आपेतुं "सकलेना"ति वुत्तं । कामञ्च मे-सद्दो इमस्मिं ठाने पुब्बेन योजितो, तदपेक्खानं पन एवं-सद्द सुत-सद्दानं सहचरणतो, अविनाभावतो च तथा वुत्तन्ति दट्ठब्बं । तथागतप्पवेदितन्ति तथागतेन पकारतो विदितं, भासितं वा । अत्तनो अदहन्तोति अत्तनि "ममेद"न्ति अट्ठपेन्तो । भुम्मत्थे चेतं सामिवचनं । असप्पुरिसभूमिन्ति असप्पुरिसविसयं, सो च अत्थतो अपकतञ्जुतासङ्घाता "इधेकच्चो पापभिक्खु तथागतप्पवेदितं धम्मविनयं परियापुणित्वा अत्तनो दहती"ति (पारा० १९५) एवं महाचोरदीपकेन भगवता वुत्ता अनरियवोहारावत्था, तथा चाह "तथागत...पे०... अदहन्तो"ति । हुत्वाति चेत्थ सेसो । तथा सावकत्तं पटिजानन्तोति सप्पुरिसभूमिओक्कमनसरूपकथनं । ननु च आनन्दत्थेरस्स "ममेतं वचन"न्ति अधिमानस्स, महाकस्सपत्थेरादीनञ्च तदासङ्गाय अभावतो असप्पुरिसभूमिसमतिककमादिवचनं निरत्थकं सियाति ? नयिदमेवं "एवं मे सुत"न्ति वदन्तेन अयम्पि अत्थो अनुभावितोति अत्थस्सेव दस्सनतो । तेन हि अनुभावेतब्बमत्थंयेव तथा दस्सेति, न पन आनन्दत्थेरस्स अधिमानस्स,

महाकस्सपत्थेरादीनञ्च तदासङ्काय सम्भवन्ति निट्ठमेत्थ गन्तब्बं। केचि पन “देवतानं परिवितक्कापेक्खं तथावचनं, तस्मा एदिसी चोदना अनवकासा”ति वदन्ति। तस्मिं किर समये एकच्चां देवतानं एवं चेतसो परिवितक्को उदपादि “भगवा च परिनिब्बुतो, अयञ्चायस्मा आनन्दो देसनाकुसलो, इदानी धम्मं देसेति, सक्ककुलप्पसुतो तथागतस्स भाता, चूलपितुपुत्तो च, किं नु खो सो सयं सच्छिकतं धम्मं देसेति, उदाहु भगवतोयेव वचनं यथासुत”न्ति, तेसमेव चेतोपरिवितक्कमञ्जाय तदभिपरिहरणत्थं असप्पुरिसभूमिसमतिकममनादिअत्थो अनुभावितोति। सायेव यथावुत्ता अनरियवोहारावत्था **असद्धम्मो**, तदवत्थानोक्कमनसङ्काता च सावकत्तपटिजानना **सद्धम्मो**। एवं सति परियायन्तरेण पुरिमत्थमेव दस्सेतीति गहेतब्बं। अपिच कुहनलपनादिवसेन पवत्तो अकुसलरासि **असद्धम्मो**, तब्बिरहितभावो च **सद्धम्मो**। “**केवल**”न्तिआदिनापि वुत्तस्सेवत्थस्स परियायन्तरेण दस्सनं, यथावुत्ताय अनरियवोहारावत्थाय **परिमोचेति**। सावकत्तं पटिजाननेन **सत्थारं अपदिसतीति** अत्थो। अपिच सत्थुकप्पादिकिरियतो **अत्तानं परिमोचेति** तत्किरियासङ्काय सम्भवतो। “सत्थु भगवतोयेव वचनं मयासुत”न्ति सत्थारं **अपदिसतीति** अत्थन्तरमनुभावनं होति। “**जिनवचन**”न्तिआदिपि परियायन्तरदस्सनं, अत्थन्तरमनुभावनमेव वा। **अप्पेतीति** निदस्सेति। दिट्ठधम्मिकसम्परायिकपरमत्थेसु यथारहं सत्ते नेतीति **नेत्ति**, धम्मोयेव नेत्ति तथा। वुत्तनयेन चेत्थ उभयथा अधिष्णायो वेदितब्बो।

अपरम्पि अनुभावेतब्बमत्थमनुभावेति “**अपिचा**”तिआदिना। तत्थ **उप्पादितभावतन्ति** देसनावसेन पवत्तितभावं। **पुरिमवचनं विवरन्तोति** भगवता देसितवसेन पुरिमतरं संविज्जमानं भगवता वचनमेव उत्तानिं करोन्तो, इदं वचनन्ति सम्बन्धो। चतूहि वेसारज्जजाणेहि विसारदस्स, विसारदहेतुभूतचतुवेसारज्जजाणसम्पन्नस्स वा। दसजाणबलधरस्स। सम्मासम्बुद्धभावसङ्गाते उत्तमद्धाने ठितस्स, उसभस्स इदन्ति वा अत्थेन आसभसङ्गाते अकम्पनसभावभूते ठाने ठितस्स। “एवमेव खो भिक्खवे, यदा तथागतो लोके उप्पज्जति...पे०... सो धम्मं देसेती”तिआदिना (अ० नि० १.४.३३) **सीहोपमसुत्तादीसु** आगतेन अनेकनयेन सीहनादनदिनो। सब्बसत्तेसु, सब्बसत्तानं वा उत्तमस्स। न चेत्थ निद्धारणलक्खणाभावतो निद्धारणवसेन समासो। सब्बत्थ हि सक्कतगन्थेसु, सासनगन्थेसु च एवमेव वुत्तं। धम्मेन सत्तानमिस्सरस्स। धम्मस्सेव इस्सरस्स तदुप्पादनवसेनातिपि वदन्ति। सेसपदद्वयं तस्सेवत्थस्स परियायन्तरदीपनं। धम्मेन लोकस्स पदीपमिव भूतस्स, तदुप्पादकभावेन वा धम्मसङ्गातपदीपसम्पन्नस्स। “धम्मकायोति भिक्खवे, तथागतस्सेतं अधिवचन”न्ति (दी० नि० ३.११८) हि वुत्तं। धम्मेन लोकपटिसरणभूतस्स,

धम्मसङ्घातेन वा पटिसरणेन सम्पन्नस्स । “यंनूनाहं...पे०... तमेव धम्मं सक्कत्वा गरुं कत्वा मानेत्वा पूजेत्वा उपनिस्साय विहरेय्य”न्ति (अ० नि० १.४.२१; सं० नि० १.१.१७३) हि वुत्तं । सद्धिन्द्रियादिसद्धम्मसङ्घातस्स वरचक्कस्स पवत्तिनो, सद्धम्मानमेतस्स वा आणाचक्कवरस्स पवत्तिनो सम्मासम्बुद्धस्स तस्स भगवतो इदं वचनं सम्मुखाव मया पटिग्गहितन्ति योजेतब्बं । **व्यञ्जनेति** पदसमुदायभूते वाक्ये । **कङ्का वा विमति वाति** एत्थ दळ्हतरं निविट्ठा विचिकिच्छा **कङ्का** । नातिसंस्पन्नं मतिभेदमत्तं **विमति** । **सम्मुखा पटिग्गहितमिदं मयाति** तथा अकत्तब्बभावकारणवचनं । **अत्तना उप्पादितभावं अप्पटिजानन्तो पुरिमवचनं विवरन्तोति** पन अस्सद्धियविनासनस्स, सद्धासम्पदमुप्पादनस्स च कारणवचनं । “तेनेत”न्तिआदिना यथावुत्तमेवत्थं उदानवसेन दस्सेति ।

“**एवं मे सुत**”न्ति एवं वदन्तो गोतमगोत्तस्स सम्मासम्बुद्धस्स सावको, गोतमगोत्तसम्बन्धो वा सावको आयस्मा आनन्दो भगवता भासितभावस्स, सम्मुखा पटिग्गहितभावस्स च सूचनतो, तथासूचनेनेव च खलितदुन्निरुत्तादिगहणदोसाभावस्स सिज्जनतो सासने अस्सद्धं विनासयति, सद्धं वहेतीति अत्थो । एत्थ च पञ्चमादयो तिस्रो अत्थयोजना आकारादिअत्थेसु अग्गहितविसेसमेव एवं-सद्धं गहेत्वा दस्सिता, ततो परा तिस्रो आकारत्थमेव एवं-सद्धं गहेत्वा विभाविता, पच्छिमा पन तिस्रो यथाक्कमं आकारत्थं, निदस्सनत्थं, अवधारणत्थञ्च एवं-सद्धं गहेत्वा योजिताति दट्ठब्बं । होन्ति चेत्थ –

“दस्सनं दीपनञ्चापि, पकासनं विभावनं ।

अनुभावनमिच्चत्थो, किरियायोगेन पञ्चधा ॥

दस्सितो परम्पराय, सिद्धो नेकत्थवुत्तिया ।

एवं मे सुतमिच्चेत्य, पदत्तये नयञ्जुना”ति ॥

एक-सद्धो पन अञ्जसेट्ठासहायसङ्घादीसु दिस्सति । तथा हेस “सस्सतो अत्ता च लोको च, इदमेव सच्चं मोघमञ्जन्ति इत्थेके अभिवदन्ती”तिआदीसु (म० नि० ३.२७) अञ्जत्थे दिस्सति, “चेतसो एकोदिभाव”न्तिआदीसु (दी० नि० १.२२८; पारा० ११) सेट्ठे, “एकोवूपकट्ठो”तिआदीसु (दी० नि० १.४०५; दी० नि० २.२१५; म० नि० १.८०; सं० नि० २.३.६३; विभं० ४.४४५) असहाये, “एकोव खो भिक्खवे, खणो च समयो च ब्रह्मचरियवासाया”तिआदीसु (अ० नि० ३.८.२९) सङ्घायां, इधापि

सङ्ख्यायमेवाति दस्सेन्तो आह “**एकन्ति गणनपरिच्छेदनिद्देशो**”ति (इतिवु० अट्ठ० १; दी० नि० टी० १.परिब्बाजककथावण्णना) एकोयेवेस समयो, न द्वे वा तयो वाति ऊनाधिकाभावेन गणनस्स परिच्छेदनिद्देशो एकन्ति अयं सद्वोति अत्थो, तेन कस्स परिच्छिन्दनन्ति अनुयोगे सति “समय”न्ति वुत्तन्ति दस्सेन्तो आह “**समयन्ति परिच्छिन्ननिद्देशो**”ति। एवं परिच्छेदपरिच्छिन्नवसेन वुत्तेपि “अयं नाम समयो”ति सरूपतो अनियमितत्ता अनियमितवचनमेवाति दस्सेति “**एकं...पे०.... दीपन**”न्ति इमिना।

इदानीं समयसद्वस्स अनेकत्ववुत्तितं अत्थुद्धारवसेन दस्सेत्वा इधाधिप्पेतमत्थं नियमेन्तो “**तत्था**”तिआदिमाह। **तत्था**ति तस्मिं “**एकं समय**”न्ति पदद्वये, समभिनिविट्ठो समय सद्वोति सम्बन्धो। न पन दिस्सतीति तेस्वेकस्मिंयेव अत्थे इध पवत्तनतो। **समवाये**ति पच्चयसामगियं, कारणसमवायेति अत्थो। **खणे**ति ओकासे। **हेतुदिट्ठीसूति** हेतुमिहे चैव लद्धियञ्च। **अस्सा**ति समयसद्वस्स। **कालञ्च समयञ्च उपादाया**ति एत्थ **कालो** नाम उपसङ्गमनस्स युत्तकालो। **समयो** नाम तस्सेव पच्चयसामग्गी, अत्थतो पन तदनुरूपसरीरबलञ्चेव तप्पच्चयपरिस्सयाभावो च। **उपादानं** नाम जाणेन तेसं गहणं, तस्मा यथावुत्तं कालञ्च समयञ्च पज्जाय गहेत्वा उपधारेत्वाति अत्थो। इदं वुत्तं होति – सचे अम्हाकं स्वे गमनस्स युत्तकालो भविस्सति, काये बलमत्ता च फरिस्सति, गमनपच्चया च अज्जो अफासुविहारो न भविस्सति, अथेतं कालञ्च गमनकारणसमवायसङ्घातं समयञ्च उपधारेत्वा अप्पेव नाम स्वेपि आगच्छेय्यामाति। **खणो**ति ओकासो। तथागतुप्पादादिको हि मग्गब्रह्मचरियस्स ओकासो तप्पच्चयपटिलाभहेतुत्ता। खणो एव च समयो। यो “**खणो**”ति च “**समयो**”ति च वुच्चति, सो एकोवाति अधिप्पायो। दियट्ठो मासो सेसो गिम्हानं **उण्हसमयो**। वस्सानस्स पठमो मासो **परिळाहसमयो**। **महासमयो**ति महासमूहो। समासो वा एस, ब्यासो वा। पवुट्ठं वनं **पवनं**, तस्मिं, कपिलवत्थुसामन्ते महावनसङ्घाते वनसण्डेति अत्थो। **समयोपि खो**ति एत्थ **समयो**ति सिक्खापदपूरणस्स हेतु। **भदाली**ति तस्स भिक्खुस्स नामं। इदं वुत्तं होति – तथा भदालि पटिविज्झितब्बयुत्तकं एकं कारणं अत्थि, तम्पि ते न पटिविद्धं न सल्लक्खितन्ति। किं तं कारणन्ति आह “**भगवापि खो**”तिआदि।

“**उग्गहमानो**”तिआदीसु **मानो**ति तस्स परिब्बाजकस्स पकतिनामं, किञ्चि किञ्चि पन सिप्पं उग्गहेतुं समत्थताय “**उग्गहमानो**”ति नं सज्जानन्ति, तस्मा “**उग्गहमानो**”ति वुच्चति। समणमुण्डिकस्स पुत्तो **समणमुण्डिकापुत्तो**। सो किर देवदत्तस्स उपट्ठाको। समयं

दिट्ठिं पकारेण वदन्ति एत्थाति **समयप्पवादको**, तस्मिं, दिट्ठिप्पवादकेति अत्थो । तस्मिं किर ठाने चङ्कीतारुक्खपोक्खरसातिप्पभूतयो ब्राह्मणा, निगण्ठाचेलकपरिब्बाजकादयो च पब्बजिता सन्निपतित्वा अत्तनो अत्तनो समयं पकारेण वदन्ति कथेन्ति दीपेन्ति, तस्मा सो आरामो “समयप्पवादको”ति वुच्चति । स्वेव तिन्दुकाचीरसङ्घाताय तिम्बरूसकरुक्खपन्तिया परिक्खित्तत्ता “**तिन्दुकाचीरो**”ति वुच्चति । एका साला एत्थाति **एकसालको** । यस्मा पनेत्थ पठमं एका साला अहोसि, पच्छा पन महापुञ्जं पोड्डपादपरिब्बाजकं निस्साय बहू साला कता, तस्मा तमेव पठमं कतं एकं सालं उपादाय लद्धपुब्बनामवसेन “**एकसालको**”ति वुच्चति । मल्लिकाय नाम पसेनदिरञ्जो देविया उय्यानभूतो सो पुण्फफलसच्छन्नो आरामो, तेन वुत्तं “**मल्लिकाय आरामे**”ति । **पटिवसती**ति तस्मिं फासुताय वसति ।

दिट्ठे धम्मेति पच्चक्खे अत्तभावे । **अत्थो**ति वुट्ठि । कम्मकिलेसवसेन सम्परेतब्बतो सम्मा पापुणितब्बतो **सम्परायो**, परलोको, तत्थ नियुतो सम्परायिको, परलोकत्थो । **अत्थाभिसमया**ति यथावुत्तउभयत्थसङ्घातहितपटिलाभा । सम्परायिकोपि हि अत्थो कारणस्स निष्फन्नत्ता पटिलद्धो नाम होतीति तं अत्थद्वयमेकतो कत्वा “अत्थाभिसमया”ति वुत्तं । धिया पज्जाय तंतदत्थे राति गण्हाति, धी वा पज्जा एतस्सत्थीति **धीरो** । **पण्डा** वुच्चति पज्जा । सा हि सुखुमेसुपि अत्थेसु पडति गच्छति, दुक्खादीनं वा पीळनादिआकारं जानातीति **पण्डा** । ताय इतो गतोति **पण्डितो** । अथ वा इता सज्जाता पण्डा एतस्स, पडति वा जाणगतिया गच्छतीति **पण्डितो** । **सम्मा मानाभिसमया**ति मानस्स सम्मा पहानेन । **सम्मा**ति चेत्थ अग्गमग्गजाणेन समुच्छेदप्पहानं वुत्तं । **अन्तन्ति** अवसानं । **पीळनं** तंसमङ्गिनो हिंसनं अविप्फारिताकरणं । तदेव अत्थो तथा त्थ-कारस्स ट्ट-कारं कत्वा । समेच्च पच्चयेहि कतभावो **सङ्गतट्ठो** । दुक्खदुक्खतादिवसेन सन्तापनं परिदहनं **सन्तापट्ठो** । जराय, मरणेन चाति द्विधा विपरिणामेतब्बो **विपरिणामट्ठो** । अभिसमेतब्बो पटिविज्झितब्बो **अभिसमयट्ठो**, पीळनादीनियेव । तानि हि अभिसमेतब्बभावेन एकीभावमुपनेत्वा “अभिसमयट्ठो”ति वुत्तानि । अभिसमयस्स वा पटिवेधस्स अत्थो गोचरो अभिसमयट्ठोति तानियेव तब्बिसय-भावूपगमन-सामञ्जतो एकत्तेन वुत्तानि । एत्थ च उपसगगानं जोतकमत्तत्ता तस्स तस्स अत्थस्स वाचको समयसट्ठो एवाति समयसट्ठस्स अत्थुद्धारेपि सउपसगगो अभिसमयो वुत्तो ।

तेसु पन अत्थेसु अयं वचनत्थो – सहकारीकारणवसेन सन्निज्झं समेति समवेतीति **समयो**, समवायो । समेति समागच्छति मग्गब्रह्मचरियमेत्थ तदाधारपुगलवसेनाति **समयो**, खणो । समेन्ति एत्थ, एतेन वा संगच्छन्ति धम्मा, सत्ता वा सहजातादीहि, उप्पादादीहि

चाति **समयो**, कालो । धम्मप्पवत्तिमत्तताय हि अत्थतो अभूतोपि कालो धम्मप्पवत्तिया अधिकरणं, करणं विय च परिकप्पनामत्तसिद्धेन रूपेण वोहरीयति । समं, सम्मा वा अवयवानं अयनं पवत्ति अवद्धानन्ति **समयो**, समूहो यथा “समुदायो”ति । अवयवानं सहावद्धानमेव हि समूहो, न पन अवयवविनिमुत्तो समूहो नाम कोचि परमत्थतो अत्थि । पच्चयन्तरसमागमे एति फलं उप्पज्जति, पवत्तति वा एतस्माति **समयो**, हेतु यथा “समुदयो”ति । सो हि पच्चयन्तरसमागमनेनेव अत्तनो फलं उप्पादड्डितिसमङ्गीभावं करोति । समेति संयोजनभावतो सम्बन्धो हुत्वा एति अत्तनो विसये पवत्तति, दळ्हगणभावतो वा तंसञ्जुत्ता सत्ता अयन्ति एतेन यथाभिनिवेसं पवत्तन्तीति **समयो**, दिट्ठि । दिट्ठिसंयोजनेन हि सत्ता अतिविय बज्झन्ति । समिति सङ्गति समोधानं **समयो**, पटिलाभो । समस्स निरोधस्स यानं पापुणनं, सम्मा वा यानं अपगमो अप्पवत्ति **समयो**, पहानं । अभिमुखं जाणेन सम्मा एतब्बो अभिगन्तब्बोति **अभिसमयो**, धम्मानं अविपरीतो सभावो । अभिमुखभावेन तं तं सभावं सम्मा एति गच्छति बुज्झतीति **अभिसमयो**, धम्मानंयथाभूतसभावावबोधो ।

ननु च अत्थमत्तं यथाधिप्पेतं पति सद्वा अभिनिविसन्तीति न एकेन सद्देन अनेके अत्था अभिधीयन्ति, अथ कस्मा इध समयसद्दस्स अनेकधा अत्थो वुत्तोति ? सच्चमेतं सद्दविसेसे अपेक्खिते सद्दविसेसे हि अपेक्खिते न एकेन सद्देन अनेकत्थाभिधानं सम्भवति । न हि यो कालादिअत्थो समय-सद्दो, सोयेव समूहादिअत्थं वदति । एत्थ पन तेसं तेसमत्थानं समयसद्दवचनीयतासामञ्जमुपादाय अनेकत्थता समय-सद्दस्स वुत्ताति । एवं सब्बत्थ अत्थुद्धारे । होति चेत्थ –

“सामञ्जवचनीयतं, उपादाय अनेकधा ।

अत्थं वदे न हि सद्दो, एको नेकत्थको सिया”ति ।।

समवायादिअत्थानं इध असम्भवतो, कालस्सेव च अपदिसितब्बत्ता “इध पनस्स कालो अत्थो”ति वुत्तं । देसदेसकादीनं विय हि कालस्स निदानभावेन अधिप्पेतत्ता सोपि इध अपदिसीयति । ‘इमिना कीदिसं कालं दीपेतीति आह “तेना”तिआदि । तेनाति कालत्थेन समय-सद्देन । अट्ठमासो पक्खवसेन वुत्तो, पुब्बण्हादिको दिवसभागवसेन, पठमयामादिको पहारवसेन । आदि-सद्देन खणलयादयो सङ्गहिता, अनियमितवसेन एकं कालं दीपेतीति अत्थो ।

कस्मा पनेत्थ अनियमितवसेन कालो निदिट्ठो, न उतुसंवच्छरादिना नियमितवसेनाति आह “तत्थ किञ्चापी”तिआदि। किञ्चापि पञ्जाय विदितं सुववत्थापितं, तथापीति सम्बन्धो। वचसा धारेतुं वा सयं उद्दिसितुं वा परेन उद्दिसापेतुं वा न सक्का नानप्पकारभावतो बहु च वत्तब्बं होति याव कालप्पभेदो, ताव वत्तब्बत्ता। “एकं समय”न्ति वुत्ते पन न सो कालप्पभेदो अत्थि, यो एत्थानन्तो गधो सियाति दस्सेति “एकेनेव पदेन तमत्थं समोधानेत्वा”ति इमिना। एवं लोकियसम्मतकालवसेन समयत्थं दस्सेत्वा इदानीं सासने पाकटकालवसेन समयत्थं दस्सेतुं “ये वा इमे”तिआदि वुत्तं। अपिच उतुसंवच्छरादिवसेन नियमं अकत्वा समयसदस्स वचने अयम्पि गुणो लद्धोयेवाति दस्सेन्तो “ये वा इमे”तिआदिमाह। सामञ्जजोतना हि विसेसे अवतिट्ठति तस्सा विसेसपरिहारविसयत्ता। तत्थ ये इमे समयाति सम्बन्धो। भगवतो मातुकुच्छिओक्कमनकालो चेत्थ गम्भोक्कन्तिसमयो। चत्तारि निमित्तानि पस्सित्वा संवेजनकालो संवेगसमयो। छब्बस्सानि सम्बोधिसमधिगमाय चरियकालो दुक्करकारिकसमयो। देवसिकं ज्ञानफलसमापत्तीहि वीतिनामनकालो दिट्ठधम्मसुखविहारसमयो, विसेसतो पन सत्तसत्ताहानि ज्ञानसमापत्तिवळञ्जनकालो। पञ्चचत्तालीसवस्सानि तंतं धम्मदेसनाकालो देसनासमयो। आदि-सद्देन यमकपाटिहारियसमयादयो सङ्गणहाति। पकासाति दससहस्सिलोकधातुपकम्पनओभासपातुभावादीहि पाकटा। “एकं समय”न्ति वुत्ते तदञ्जेपि समया सन्तीति अत्थापत्तितो तेसु समयेसु इध देसनासमयसङ्घातो समयविसेसो “एकं समय”न्ति वुत्तोति दीपेतीति अधिप्पायो।

यथावुत्तप्पभेदेसुयेव समयेसु एकदेसं पकारन्तरेहि सङ्गहेत्वा दस्सेतुं “यो चाय”न्तिआदि वुत्तं। तत्थ हि जाणकिच्चसमयो, अत्तहितपटिपत्तिसमयो च अभिसम्बोधिसमयोयेव। अरियतुण्हीभावसमयो दिट्ठधम्मसुखविहारसमयो। करुणाकिच्चपरहितपटिपत्तिधम्मिकथासमयो देसनासमयो, तस्मा तेसु वुत्तप्पभेदेसु समयेसु एकदेसोव पकारन्तरेण दस्सितोति दट्ठब्बं। “सन्निपत्तितानं वो भिक्खवे द्वयं करणीयं धम्मी कथा वा अरियो वा तुण्हीभावो”ति (उदा० १२) वुत्तसमये सन्धाय “सन्निपत्तितानं करणीयद्वयसमयेसू”ति वुत्तं। तेसुपि समयेसूति करुणाकिच्चपरहितपटिपत्तिधम्मिकथा-देसनासमयेसुपि। अञ्जतरं समयं सन्धाय “एकं समय”न्ति वुत्तं अत्थतो अभेदत्ता।

अञ्जत्थ विय भुम्मवचनेन च करणवचनेन च निद्देसमकत्वा इध उपयोगवचनेन निद्देसपयोजनं निद्धारेतुकामो परम्मुखेन चोदनं समुडुपेति “कस्मा पनेत्था”तिआदिना।

एत्थाति “एकं समय”न्ति इमस्मिं पदे, करणवचनेन निद्देशो कतो यथाति सम्बन्धो । भवन्ति एत्थाति **भुम्मं**, ओकासो, तत्थ पवत्तं वचनं विभत्ति **भुम्मवचनं** । करोति किरियमभिनिष्पादेभि एतेनाति **करणं**, किरियानिष्पत्तिकारणं । उपयुज्जितब्बो किरियायाति **उपयोगो**, कम्मं, तत्थ वचनं तथा । “**तत्था**”तिआदिना यथावुत्तचोदनं परिहरति । **तत्था**ति तेषु अभिधम्मतदञ्जसुत्तपदविनयेसु । **तथा**ति भुम्मवचनकरणवचनेहि अत्थसम्भवतो चाति योजेतब्बं, अधिकरणभावेनभावलक्खणत्थानं, हेतुकरणत्थानञ्च सम्भवतोति अत्थो । **इधा**ति इधस्मिं सुत्तपदे । **अञ्जथा**ति उपयोगवचनेन । **अत्थसम्भवतो**ति अच्चन्तसंयोगत्थस्स सम्भवतो ।

“**तत्थ ही**”तिआदि तब्बिवरणं । **इतो**ति “एकं समय”न्ति सुत्तपदतो । **अधिकरणत्थो**ति आधारत्थो । भवनं **भावो**, किरिया, किरियाय किरियन्तरलक्खणं **भावेनभावलक्खणं**, तदेवत्थो तथा । केन समयत्थेन इदं अत्थद्वयं सम्भवतीति अनुयोगे सति तदत्थद्वयसम्भवानुरूपेण समयत्थेन, तं दळ्हं करोन्तो “**अधिकरणञ्ही**”तिआदिमाह । पदत्थतोयेव हि यथावुत्तमत्थद्वयं सिद्धं, विभत्ति पन जोतकमत्ता । तत्थ कालसङ्घातो, कालसदस्स वा अत्थो यस्साति **कालत्थो** । समूहसङ्घातो, ‘समूहसदस्स वा अत्थो यस्साति **समूहत्थो**, को सो ? समयो । इदं वुत्तं होति – कालत्थो, समूहत्थो च समयो तत्थ अभिधम्मे वुत्तानं फस्सादिधम्मानं अधिकरणं आधारोति, यस्मिं काले, धम्मपुज्जे वा कामावचरं कुसलं चित्तं उप्पन्नं होति, तस्मिंयेव काले, धम्मपुज्जे वा फस्सादयोपि होन्तीति अयञ्हि तत्थ अत्थो । ननु चायं उपादापज्जत्तिमतो कालो, वोहारमतो च समूहो, सो कथं अधिकरणं सिया तत्थ वुत्तधम्मानन्ति ? नायं दोसो । यथा हि कालो सयं परमत्थतो अविज्जमानोपि सभावधम्मपरिच्छिन्नत्ता आधारभावेन पज्जातो, सभावधम्मपरिच्छिन्नो च तङ्गणप्पवत्तानं ततो पुब्बे, परतो च अभावतो “पुब्बणहेजातो, सायन्हे आगच्छती”तिआदीसु, समूहो च अवयवविनिमुत्तो विसुं अविज्जमानोपि कप्पनामत्तसिद्धत्ता अवयवानं आधारभावेन पज्जापीयति “रुक्खे साखा, यवरासियं पत्तसम्भूतो”तिआदीसु, एवमिधापि सभावधम्मपरिच्छिन्नत्ता, कप्पनामत्तसिद्धत्ता च तदुभयं तत्थ वुत्तधम्मानं अधिकरणभावेन पज्जापीयतीति ।

“**खणसमवायहेतुसङ्घातस्सा**”तिआदि भावेनभावलक्खणत्थसम्भवदस्सनं । तत्थ **खणो** नाम अट्ठक्खणविनिमुत्तो नवमो बुद्धुप्पादक्खणो, यानि वा पनेतानि “चत्तारिमानि भिक्खवे, चक्कानि, येहि समन्नागतानं देवमुस्सानं चतुचक्कं पवत्तती”ति (अ० नि० १.४.३१)

एत्थ पतिरूपदेसवासो सप्पुरिसूपनिस्सयो अत्तसम्मापणीधि पुब्बेकतपुञ्जताति चत्तारि चक्कानि वुत्तानि, तानि एकज्झं कत्वा ओकासट्ठेन “खणो”ति वेदितब्बानि। तानि हि कुसलुप्पत्तिया ओकासभूतानि। **समवायो** नाम “चक्खुञ्च पटिच्च रूपे च उप्पज्जति चक्खुविज्जाण”न्तिआदिना (म० नि० १.२०४; ३.४२१, ४२५, ४२६; सं० नि० १.२.४३, ४४; सं० नि० २.३.६०; कथा० व० ४६५, ४६७) निदिट्ठा चक्खुविज्जाणादिसाधारणफलनिष्पादकत्तेन सण्ठिता चक्खुरुपादिपच्चयसामग्गी। चक्खुरुपादीनज्झि चक्खुविज्जाणादि साधारणफलं। **हेतु** नाम योनिसोमनसिकारादिजनकहेतु। यथावुत्तस्स खणसङ्घातस्स, समवायसङ्घातस्स, हेतुसङ्घातस्स च समयस्स सत्तासङ्घातेन भावेन तेसं फस्सादीनं धम्मानं सत्तासङ्घातो भावो लक्खीयति विज्जायतीति अत्थो। इदं वुत्तं होति – यथा “गावीसु दुग्धमानासु गतो, दुद्धासु आगतो”ति एत्थ दोहनकिरियाय गमनकिरिया लक्खीयति, एवमिधापि यथावुत्तस्स समयस्स सत्ताकिरियाय चित्तस्स उप्पादकिरिया, फस्सादीनं भवनकिरिया च लक्खीयतीति। ननु चेत्थ सत्ताकिरिया अविज्जमानाव, कथं ताय लक्खीयतीति? सच्चं, तथापि “यस्मिं समये”ति च वुत्ते सतीति अयमत्थो विज्जायमानो एवहोति अज्जकिरियासम्बन्धाभावे पदत्थस्स सत्ताविरहाभावतो, तस्मा अत्थतो गम्यमानाय ताय सत्ताकिरियाय लक्खीयतीति। अयज्झि तत्थ अत्थो – यस्मिं यथावुत्ते खणे, पच्चयसमवाये, हेतुम्हि वा सति कामावचरं कुसलं चित्तं उप्पन्नं होति, तस्मिंयेव खणे, पच्चयसमवाये, हेतुम्हि वा सति फस्सादयोपि होन्तीति। अयं पन अत्थो अभिधम्मेयेव (अट्ठ० सा० कामावचरकुसलपदभाजनीये) निदस्सनवसेन वुत्तो, यथारहमेस नयो अज्जेसुपि सुत्तपदेसूति। **तस्माति** अधिकरणत्थस्स, भावेनभावलक्खणत्थस्स च सम्भवतो। **तदत्थजोतनत्थन्ति** तदुभयत्थस्स समयसदृत्थभावेन विज्जमानस्सेव भुम्मवचनवसेन दीपनत्थं। विभत्तियो हि पदीपो विय वत्थुनो विज्जमानस्सेव अत्थस्स जोतकाति, अयमत्थो सदृसत्थेसु पाकटोयेव।

हेतुअत्थो, करणत्थो च सम्भवतीति “अन्नेन वसति, विज्जाय वसती”तिआदीसु विय हेतुअत्थो, “फरसुना छिन्दति, कुदालेन खणती”तिआदीसु विय करणत्थो च सम्भवति। कथं पन सम्भवतीति आह “**यो हि सो**”तिआदि। **विनये** (पारा० २०) आगतसिक्खापदपज्जत्तियाचनवत्थुवसेन थेरं मरियादं कत्वा “**सारिपुत्तादीहिपि दुविज्जेय्यो**”ति वुत्तं। **तेन समयेन हेतुभूतेन करणभूतेनाति** एत्थ पन तंतंवत्थुवीतिक्कमोव सिक्खापदपज्जत्तिया हेतु चेव करणञ्च। तथा हि यदा भगवा सिक्खापदपज्जत्तिया पठममेव तेसं तेसं तत्थ तत्थ सिक्खापदपज्जत्तिहेतुभूतं तं तं वीतिक्कमं अपेक्खमानो

विहरति, तदा तं तं वीतिक्कमं अपेक्खित्वा तदत्थं वसतीति सिद्धो वत्थुवीतिक्कमस्स सिक्खापदपञ्जत्तिहेतुभावो “अन्नेनवसती”तिआदीसु अन्नमपेक्खित्वा तदत्थं वसतीतिआदिना कारणेन अन्नादीनं हेतुभावो विय। सिक्खापदपञ्जत्तिकाले पन तेनेव पुब्बसिद्धेन वीतिक्कमेन सिक्खापदं पञ्जपेति, तस्मा सिक्खापदपञ्जत्तिया साधकतमत्ता करणभावोपि वीतिक्कमस्सेव सिद्धो “असिना छिन्दती”तिआदीसु असिना छिन्दनकिरियं साधेतीतिआदिना कारणेन असिआदीनं करणभावो विय। एवं सन्तेपि वीतिक्कमं अपेक्खमानो तेनेव सद्धिं तन्निस्सितम्पि कालं अपेक्खित्वा विहरतीति कालस्सापि इध हेतुभावो वुत्तो, सिक्खापदं पञ्जपेन्तो च तं तं वीतिक्कमकालं अनतिक्रमित्वा तेनेव कालेन सिक्खापदं पञ्जपेतीति वीतिक्कमनिससयस्स कालस्सापि करणभावो वुत्तो, तस्मा इमिना परियायेन कालस्सापि हेतुभावो, करणभावो च लब्धतीति वुत्तं “तेन समयेन हेतुभूतेन करणभूतेना”ति, निष्परियायेन पन वीतिक्कमोयेव हेतुभूतो, करणभूतो च। सो हि वीतिक्कमक्खणे हेतु हुत्वा पच्छा सिक्खापदपञ्जापनक्खणे करणम्पि होतीति। **सिक्खापदानि पञ्जापयन्तो**ति वीतिक्कमं पुच्छित्वा भिक्खुसङ्घं सन्निपातापेत्वा ओतिण्णवत्थुं तं पुगलं पटिपुच्छित्वा, विगरहित्वा च तं तं वत्थुओतिण्णकालं अनतिक्रमित्वा तेनेव कालेन करणभूतेन सिक्खापदानि पञ्जपेन्तो। **सिक्खापदपञ्जत्तिहेतुञ्च अपेक्खमानो**ति ततियपाराजिकादीसु (पारा० १६२) विय सिक्खापदपञ्जत्तिया हेतुभूतं तं तं वत्थुवीतिक्कमसमयं अपेक्खमानो तेन समयेन हेतुभूतेन भगवा तत्थ तत्थ विहासीति अत्थो।

“सिक्खापदानि पञ्जापयन्तो, सिक्खापदपञ्जत्तिहेतुञ्च अपेक्खमानो”ति इदं यथाक्कमं करणभावस्स, हेतुभावस्स च समत्थनवचनं, तस्मा तदनुरूपं “तेनसमयेन करणभूतेन हेतुभूतेना”ति एवं वत्तब्बेपि पठमं “हेतुभूतेना”ति उप्पटिपाटिवचनं तत्थ हेतुभावस्स सातिसयमधिप्पेतत्ता वुत्तन्ति वेदितब्बं। “भगवा हि वेरञ्जायं विहरन्तो धम्मसेनापतित्थेरस्स सिक्खापदपञ्जत्तियाचनहेतुभूतं परिवितक्कसमयं अपेक्खमानो तेन समयेन हेतुभूतेन विहासी”ति तीसुपि किर **गण्ठिपदेसु** वुत्तं। “किं पनेत्थ युत्तिचिन्ताय, आचरियस्स इध कमवचनिच्छा नत्थीति एवमेतं गहेतब्बं— अञ्जासुपि हि अड्ढकथासु अयमेव अनुक्कमो वुत्तो, न च तासु ‘तेन समयेन वेरञ्जायं विहरती’ति विनयपाळिपदे हेतुअत्थस्सेव सातिसयं अधिप्पेतभावदीपनत्थं वुत्तो अविसयत्ता, सिक्खापदानि पञ्जापयन्तो हेतुभूतेन, करणभूतेन च समयेन विहासि, सिक्खापदपञ्जत्तिहेतुञ्च अपेक्खमानो हेतुभूतेन समयेन विहासीति एवमेत्थ यथालाभं सम्बन्धभावतो एवं वुत्तो”तिपि वदन्ति।

तस्माति यथावुत्तस्स दुविधस्सापि अत्थस्स सम्भवतो । तदत्थजोतनत्थन्ति वुत्तनयेन करणवचनेन तदुभयत्थस्स जोतनत्थं । तत्थाति तस्मिं विनये । एत्थ च सिक्खापदपञ्जत्तिया एव वीतिक्कमसमयस्स साधकतमत्ता तस्स करणभावे “सिक्खापदानि पञ्जापयन्तो”ति अज्झाहरितपदेन सम्बन्धो, हेतुभावे पन तदपेक्खनमत्तत्ता “विहरती”ति पदेनेवाति दट्ठब्बं । तथायेव हि वुत्तं “तेन समयेन हेतुभूतेन, करणभूतेन च सिक्खापदानि पञ्जापयन्तो, सिक्खापदपञ्जत्तिहेतुञ्च अपेक्खमानो भगवा तत्थ तत्थ विहासी”ति । करणज्झि किरियत्थं, न हेतु विय किरियाकारणं । हेतु पन किरियाकारणं, न करणं विय किरियत्थोति ।

“इध पना”तिआदिना उपयोगवचनस्स अच्चन्तसंयोगत्थसम्भवदस्सनं, अच्चन्तमेव दब्बगुणकिरियाहि संयोगो अच्चन्तसंयोगो, निरन्तरमेव तेहि संयुतभावोति वुत्तं होति । सोयेवत्थो तथा । एवंजातिकेति एवंसभावे । कथं सम्भवतीति आह “यज्ही”तिआदि । अच्चन्तमेवाति आरब्धतो पट्ठाया याव देसनानिद्वानं, ताव एकंसमेव, निरन्तरमेवाति अत्थो । करुणाविहारेनाति परहितपटिपत्तिसङ्घातेन करुणाविहारेन । तथा हि करुणानिदानत्ता देसनाय इध परहितपटिपत्ति “करुणाविहारो”ति वुत्ता, न पन करुणासमापत्तिविहारो । न हि देसनाकाले देसेतब्बधम्मविसयस्स देसनाजाणस्स सत्तविसयाय महाकरुणाय सहुप्पत्ति सम्भवति भिन्नविसयत्ता, तस्मा करुणाय पवत्तो विहारोति कत्वा परहितपटिपत्तिविहारो इध “करुणाविहारो”ति वेदितब्बो । तस्माति अच्चन्तसंयोगत्थसम्भवतो । तदत्थजोतनत्थन्ति वुत्तनयेन उपयोगविभत्तिया तदत्थस्स जोतनत्थं उपयोगनिद्देशो कतो यथा “मासं सज्झायति, दिवसं भुज्जती”ति । तेनाति येन कारणेन अभिधम्मे, इतो अज्जेसु च सुत्तपदेसु भुम्मवचनस्स अधिकरणत्थो, भावेनभावलक्खणत्थो च, विनये करणवचनस्स हेतुअत्थो, करणत्थो च इध उपयोगवचनस्स अच्चन्तसंयोगत्थो सम्भवति, तेनाति अत्थो । एतन्ति यथा वुत्तस्सत्थस्स सङ्गहाथापदं अज्जन्नाति अभिधम्मे इतो अज्जेसु सुत्तपदेसु, विनये च । समयोति समयसद्दो । सद्देयेव हि विभत्तिपरा भवतिअत्थे असम्भवतो । सोति स्वेव समयसद्दो ।

एवं अत्तनो मतिं दस्सेत्वा इदानीं पोराणाचरियमतिं दस्सेतुं “पोराणा पना”तिआदि वुत्तं । पोराणाति च पुरिमा अट्ठकथाचरिया । “तस्मिं समये”ति वा...पे०... “एकं समय”न्ति वा एस भेदोति सम्बन्धो । अभिलापमत्तभेदोति वचनमतेन भेदो विसेसो, न पन अत्थेन, तेनाह “सब्बत्थ भुम्ममेवत्थो”ति, सब्बेसुपि अत्थतो आधारो एव अत्थोति वुत्तं

होति । इमिना च वचनेन सुत्तविनयेसु विभक्तिविपरिणामो कतो, भुम्मत्थे वा उपयोगकरणविभक्तियो सिद्धाति दस्सेति । “तस्मा”तिआदिना तेसं मतिदस्सने गुणमाह ।

भारियट्ठेन गरु । तदेवत्थं सङ्केततो समत्थेति “गरुं ही”तिआदिना सङ्केतविसयो हि सद्दो तंववत्थितोयेव चेस अत्थबोधकोति । गरुन्ति गरुकातब्बं जनं । “लोके”ति इमिना न केवलं सासनेयेव, लोकेपि गरुकातब्बट्ठेन भगवाति सङ्केतसिद्धीति दस्सेति । यदि गरुकातब्बट्ठेन भगवा, अथ अयमेव सातिसयं भगवा नामाति दस्सेन्तो “अयञ्चा”तिआदिमाह । तथा हि लोकनाथो अपरिमितनिरुपमप्पभावसीलादिगुण-विसेससमङ्गिताय, सब्बानत्थपरिहारपुब्बङ्गमाय निरवसेसहितसुखविधानतप्पराय निरतिसयाय पयोगसम्पत्तिया सदेवमनुस्साय पजाय अच्चन्तुपकारिताय च अपरिमाणासु लोकधातूसु अपरिमाणानं सत्तानं उत्तमं गारवट्ठानन्ति । न केवलं लोकेयेव, अथ खो सासनेपीति दस्सेति “पोराणेही”तिआदिना, पोराणेहीति च अट्ठकथाचरियेहीति अत्थो । सेट्ठवाचकवचनम्पि सेट्ठगुणसहचरणतो सेट्ठमेवाति वुत्तं “भगवाति वचनं सेट्ठ”न्ति । वुच्चति अत्थो, एतेनाति हि वचनं, सद्दो । अथ वा वुच्चतीति वचनं, अत्थो, तस्मा यो “भगवा”ति वचनेन वचनीयो अत्थो, सो सेट्ठोति अत्थो । भगवाति वचनमुत्तमन्ति एत्थापि एसेव नयो । गारवयुत्तोति गरुभावयुत्तो गरुगुणयोगत्ता, सातिसयं वा गरुकरणारहताय गारवयुत्तो, गारवारहोति अत्थो । येन कारणत्तयेन सो तथागतो गरु भारियट्ठेन, तेन “भगवा”ति वुच्चतीति सम्बन्धो । गरुताकारणदस्सनज्जेतं पदत्तयं । “सिप्पादिसिक्खापकापि गरूयेव नाम होन्ति, न च गारवयुत्ता, अयं पन तादिसो न होति, तस्मा गरूति कत्वा ‘गारवयुत्तो’ति वुत्त”न्ति केचि । एवं सति तदेतं विसेसनपदमत्तं, पुरिमपदद्वयमेव कारणदस्सनं सिया ।

अपिचाति अत्थन्तरविकप्पत्थे निपातो, अपरो नयोति अत्थो । तत्थ –

“वण्णगमो वण्णविपरियायो,
द्वे चापरे वण्णविकारनासा ।
धातूनमत्थातिसयेन योगो,
तदुच्चते पञ्चविधा निरुत्ती”ति ।। –

वुत्तं निरुत्तिलक्खणं गहेत्वा, “पिसोदरादीनि यथोपदिट्ठ”न्ति वुत्तसद्दनयेन वा

पिसोदरादिआकतिगणपक्खेपलक्खणं गहेत्वा लोकिय लोकुत्तरसुखाभिनिब्बत्तकं सीलादिपारप्पत्तं भाग्यमस्स अत्थीति “भाग्यवा”ति वत्तब्बे “भगवा”ति वुत्तन्ति आह “भाग्यवा”ति । तथा अनेकभेदभिन्नकिलेससत्तसहस्सानि, सङ्खेपतो वा पञ्चमारे अभज्जीति “भग्गवा”ति वत्तब्बे “भगवा”ति वुत्तन्ति दस्सेति “भग्गवा”ति इमिना । लोके च भग-सद्दो इस्सरियधम्मयससिरीकामपयत्तेसु छसु धम्मेसु पवत्तति, ते च भगसङ्घाता धम्मा अस्स सन्तीति भगवाति अत्थं दस्सेतुं “युत्तो भगेहि चा”ति वुत्तं । कुसलादीहि अनेकभेदेहि सब्बधम्मे विभजि विभजित्वा विवरित्वा देसेसीति “विभत्तवा”ति वत्तब्बे “भगवा”ति वुत्तन्ति आह “विभत्तवा”ति । दिब्बब्रह्मअरियविहारे, कायचित्तउपधिविवेके, सुज्जतानिमित्ताप्पणिहितविमोक्खे, अज्जे च लोकियलोकुत्तरे उत्तरिमनुस्सधम्मे भजि सेवि बहुलमकासीति “भत्तवा”ति वत्तब्बे “भगवा”ति वुत्तन्ति दस्सेति “भत्तवा”ति इमिना । तीसु भवेसु तण्हासङ्घातं गमनमनेन वन्तं वमितन्ति “भवेसु वन्तगमनो”ति वत्तब्बे भवसद्दतो भ-कारं गमनसद्दतो ग-कारं वन्तसद्दतो व-कारं आदाय, तस्स च दीघं कत्वा वण्णविपरियायेन “भगवा”ति वुत्तन्ति दस्सेतुं “वन्तगमनो भवेसू”ति वुत्तं । “यतो भाग्यवा, ततो भगवा”तिआदिना पच्चेकं योजेतब्बं । अस्स पदस्साति “भगवा”ति पदस्स । वित्थारत्थोति वित्थारभूतो अत्थो । “सो चा”तिआदिना गन्थमहत्तं परिहरति । युत्तोयेव, न पन इध पन वत्तब्बो विसुद्धिमग्गस्स इमिस्सा अट्ठकथाय एकदेसभावतोति अधिप्पायो ।

अपिच भगे वनि, वमीति वा भगवा । सो हि भगे सीलादिगुणे वनि भजि सेवि, ते वा भगसङ्घाते सीलादिगुणे विनेय्यसन्तानेसु “कथं नु खो उप्पज्जेय्यु”न्ति वनि याचि पत्थयि, एवं भगे वनीति भगवा, भगे वा सिरिं, इस्सरियं, यसज्च वमि खेळपिण्डं विय छड्डयि । तथा हि भगवा हत्थगतं चक्कवत्तिसिरिं, चतुदीपिस्सरियं, चक्कवत्तिसम्पत्तिसन्निस्सयज्च सत्तरतनसमुज्जलं यसं अनपेक्खो छड्डयि । अथ वा भानि नाम नक्खत्तानि, तेहि समं गच्छन्ति पवत्तन्तीति भगा आकारस्स रस्सं कत्वा, सिनेरुयुगन्धरादिगता भाजनलोकसोभा । ता भगा वमि तप्पटिबद्धछन्दरागप्पहानेन पजहि, एवं भगे वमीति भगवाति एवमादीहि तत्थ तत्थागतनयेहि चस्स अत्थो वत्तब्बो, अम्हेहि पन सो गन्थभीरुजनानुगहणत्थं, गन्थगरुतापरिहरणत्थज्च अज्जुपेक्खितोति ।

एवमेतेसं अवयवत्थं दस्सेत्वा इदानि समुदायत्थं दस्सेन्तो पुरिमपदत्तयस्स समुदायत्थेन वुत्तावसेसेन तेसमत्थानं पटियोगिताय तेनापि सह दस्सेतुं “एत्तावता”तिआदिमाह ।

एतावताति एतस्स “एवं मे सुत”न्ति वचनेन “एकं समयं भगवा” तिवचनेनाति इमेहि सम्बन्धो। एत्थाति एतस्मिं निदानवचने। यथासुतं धम्मं देसेन्तोति एत्थ अन्त-सद्दो हेतुअत्थो। तथादेसितत्ता हि पच्चक्खं करोति नाम। एस नयो अपरत्थापि। “यो खो आनन्द, मया धम्मो च...पे०... सत्था”ति वचनतो धम्मस्स सत्थुभावपरियायो विज्जतेवाति कत्वा “धम्मसरीरं पच्चक्खं करोती”ति वुत्तं। धम्मकायन्ति हि भगवतो सम्बन्धीभूतं धम्मसङ्घातं कायन्ति अत्थो। तथा च वुत्तं “धम्मकायोति भिक्खवे, तथागतस्सेतं अधिवचन”न्ति। तं पन किमत्थियन्ति आह “तेना”तिआदि। तेनाति च तादिसेन पच्चक्खकरणेनाति अत्थो। इदं अधुना वक्खमानसुत्तं पावचनं पकट्टं उत्तमं बुद्धस्स भगवतो वचनं नाम। तस्मा तुम्हाकं अतिक्कन्तसत्थुकं अतीतसत्थुकभावो न होतीति अत्थो। भावप्पधानो हि अयं निद्देसो, भावलोपो वा, इतरथा पावचनमेव अनतिक्कन्तसत्थुकं, सत्थुअदस्सनेन पन उक्कण्ठितस्स जनस्स अतिक्कन्तसत्थुकभावोति अत्थो आपज्जेय्य, एवञ्च सति “अयं वो सत्थाति सत्थुअदस्सनेन उक्कण्ठितं जनं समस्सासेती” तिवचनेन सह विरोधो भवेय्याति वदन्ति। इदं पावचनं सत्थुकिच्चनिष्फादनेन न अतीतसत्थुकन्ति पन अत्थो। सत्थूति कम्मत्थे छट्ठी, समासपदं वा एतं सत्थुअदस्सनेनाति। उक्कण्ठनं उक्कण्ठो, किच्छजीविता। “कठ किच्छजीवने”ति हि वदन्ति। तमितो पत्तोति उक्कण्ठितो, अनभिरतिया वा पीळितो विक्खित्तचित्तो हुत्वा सीसं उक्खिपित्वा उद्धं कण्ठं कत्वा इतो चित्तो च ओलेकेन्तो आहिण्डति, विहरति चाति उक्कण्ठितो निरुत्तिनयेन, तं उक्कण्ठितं। सद्दसामत्थियाधिगतमतो चेस, वोहारतो पन अनभिरतिया पीळितन्ति अत्थो। एस नयो सब्बत्थ। समस्सासेतीति अस्सासं जनेति।

तस्मिं समयेति इमस्स सुत्तस्स सङ्गीतिसमये। कामं विज्जमानेपि भगवति एवं वत्तुमरहति, इध पन अविज्जमानेयेव तस्मिं एवं वदति, तस्मा सन्धायभासितवसेन तदत्थं दस्सेतीति आह “अविज्जमानभावं दस्सेन्तो”ति। परिनिब्बानन्ति अनुपादिसेसनिब्बानधातुवसेन खन्धपरिनिब्बानं। तेनाति तथासाधनेन। एवंविधस्साति एवंपकारस्स, एवंसभावस्सातिपि अत्थो। नाम-सद्दो गरहायं निपातो “अत्थि नाम आनन्द थेरं भिक्खुं विहेसियमानं अज्झुपेक्खिस्सत्था”तिआदीसु (अ० नि० २.५.१६६) विय, तेन एदिसो अपि भगवा परिनिब्बुतो, का नाम कथा अज्जेसन्ति गरहत्थं जोतेति। अरियधम्मस्साति अरियानं धम्मस्स, अरियभूतस्स वा धम्मस्स। दसविधस्स कायबलस्स, जाणबलस्स च वसेन दसबलधरो। वजिरस्स नाम मणिविसेसस्स सङ्घातो समूहो एकगघनो, तेन समानो कायो यस्साति तथा। इदं वुत्तं होति— यथा वजिरसङ्घातो नाम न अज्जेन

मणिना वा पासाणेन वा भेज्जो, अपि तु सोयेव अज्जं मणिं वा पासाणं वा भिन्दति । तेनेव वुत्तं “वजिरस्स नत्थि कोचि अभेज्जो मणि वा पासाणो वा”ति, एवं भगवापि केनचि अभेज्जसरीरो । न हि भगवतो रूपकाये केनचि अन्तरायो कातुं सक्काति । नामसदस्स गरहाजोतकत्ता पि-सद्दो सम्पिण्डनजोतको “न केवलं भगवायेव, अथ खो अज्जेपी”ति । एत्थ च एवंगुणसमन्नागतत्ता अपरिनिब्बुतसभावेन भवितुं युत्तोपि एस परिनिब्बुतो एवाति पकरणानुरूपमत्थं दस्सेतुं “एव”न्तिआदि वुत्तन्ति दट्ठब्बं । आसा पत्थना केन जनेतब्बा, न जनेतब्बा एवाति अत्थो । “अहं चिरं जीविं, चिरं जीवामि, चिरं जीविस्सामि, सुखं जीविं, सुखं जीवामि, सुखं जीविस्सामी”ति मज्जनवसेन उप्पन्नो मानो जीवितमदो नाम, तेन मत्तो पमत्तो तथा । संवेजेतीति संवेगं जनेति, ततोयेव अस्स जनस्स सद्धम्मे उस्साहं जनेति । संवेजनज्झि उस्साहहेतु “संविग्गो योनिसो पदहती”ति वचनतो ।

देसनासम्पत्तिं निदिशति वक्खमानस्स सकलसुत्तस्स “एव”न्ति निदस्सनतो । सावकसम्पत्तिन्ति सुणन्तपुग्गलसम्पत्तिं निदिशति पटिसम्भिदाप्पत्तेन पञ्चसु ठानेसु भगवता एतदग्गे ठपितेन, पञ्चसु च कोसल्लेसु आयस्मता धम्मसेनापतिना पसंसितेन मया महासावकेन सुतं, तज्ज खो सयमेव सुतं न अनुस्सुतं, न च परम्पराभतन्ति अत्थस्स दीपनतो । कालसम्पत्तिं निदिशति भगवातिसदसन्निधाने पयुत्तस्स समयसदस्स बुद्धुप्पाद-पटिमण्डित-समय-भाव-दीपनतो । बुद्धुप्पादपरमा हि कालसम्पदा । तेनेतं वुच्चति –

“कप्पकसायकलियुगे, बुद्धुप्पादो अहो महच्छरियं ।

हुतवहमज्झे जातं, समुदितमकरन्दमरविन्द”न्ति ।। (दी० नि० टी० १.१; सं० नि० टी० १.१) ।

तस्सायमत्थो – कप्पसङ्घातकालसञ्चयस्स लेखनवसेन पवत्ते कलियुगसङ्घाते सकराजसम्पत्ते वस्सादिसमूहे जातो बुद्धुप्पादखणसङ्घातो दिनसमूहो अन्धस्स पब्बतारोहनमिव कदाचि पवत्तनट्ठेन, अच्छरं पहरितुं युत्तट्ठेन च महच्छरियं होति । किमिव जातन्ति चे ? हुतवहसङ्घातस्स पावकस्स मज्झे सम्मा उदितमधुमन्तं अरविन्दसङ्घातं वारिजमिव जातन्ति । देसकसम्पत्तिं निदिशति गुणविसिद्धसत्तुत्तमगारवाधिवचनतो ।

एवं पदछक्कस्स पदानुक्कमेन नानप्पकारतो अत्थवण्णनं कत्वा इदानी “अन्तरा च

राजगहं'न्तिआदीनं पदानमत्थवण्णनं करोन्तो “अन्तरा चा”तिआदिमाह। अन्तरा च राजगहं अन्तरा च नाळन्दन्ति एत्थ समभिनिविट्ठो अन्तरा-सद्दो दिस्सति सामञ्जवचनीयत्थमपेक्खित्वा पकरणादिसामत्थियादिगतत्थमन्तरेनाति अत्थो। एवं पनस्स नानत्थभावो पयोगतो अवगमीयतीति दस्सेति “तदन्तर”न्तिआदिना। तत्थ तदन्तरन्ति तं कारणं। मञ्च तञ्च मन्तेन्ति, किमन्तरं किं कारणन्ति अत्थो। विज्जन्तरिकायाति विज्जुनिच्छरणक्खणे। धोवन्ती इत्थी अद्दसाति सम्बन्धो। अन्तरतोति हृदये। कोपाति चित्तकालुस्सियकरणतो चित्तपकोपा रागादयो। अन्तरा वोसानन्ति आरम्भनिष्फत्तीनं वेमज्जे परियोसानं आपादि। अपिचाति तथापि, एवं पभवसम्पन्नेपीति अत्थो। द्विजं महानिरयानन्ति लोहकुम्भीनिरये सन्धायाह। अन्तरिकायाति अन्तरेन। राजगहनगरं किर आविज्जित्वा महापेतलोको। तत्थ द्विजं महालोहकुम्भीनिरयानं अन्तरेन अयं तपोदा नदी आगच्छति, तस्मा सा कुथिता सन्दतीति। स्वायमिध विवरे पवत्तति तदञ्जेसमसम्भवतो। एत्थ च “तदन्तरं को जानेय्य, (अ० नि० २.६.४४; ३.१०.७५) एतेसं अन्तरा कप्पा, गणनातो असङ्ख्या, (बु० वं० २८.९) अन्तरन्तरा कथं ओपातेती”तिआदीसु (म० नि० २.४२६; पहा० व० ६६; चूळ० व० ३७६) विय कारणवेमज्जेसु वत्तमाना अन्तरासद्दयेव उदाहरितब्बा सियुं, न पन चित्तखणविवरेसु वत्तमाना अन्तरिकअन्तरसद्द। अन्तरासद्दस्स हि अयमत्थुद्धारोति। अयं पनेत्थाधिप्पायो सिया – येसु अत्थेसु अन्तरिकसद्दो, अन्तरसद्दो च पवत्तति, तेसु अन्तरासद्दोपीति समानत्थत्ता अन्तरासद्दत्थे वत्तमानो अन्तरिकसद्दो, अन्तरसद्दो, च उदाहटोति। अथ वा अन्तरासद्दयेव “यस्सन्तरतो”ति (उदा० २०) एत्थ गाथाबन्धसुखत्थं रस्सं कत्वा वुत्तो –

“यस्सन्तरतो न सन्ति कोपा,

इतिभवाभवतञ्च वीतिवत्तो।

तं विगतभयं सुखिं असोकं,

देवा नानुभवन्ति दस्सनाया”ति॥ (उदा० २०)।-

हि अयं उदाने भदियसुत्ते गाथा। सोयेव इक-सद्देन सकत्थपवत्तेन पदं वट्ठेत्वा “अन्तरिकाया”ति च वुत्तो, तस्मा उदाहरणोदाहरितब्बानमेत्थ विरोधाभावो वेदितब्बोति। किमत्थं अत्थविसेसनियमो कतोति आह “तस्मा”तिआदि। ननु चेत्थ उपयोगवचनमेव, अथ कस्मा सम्बन्धीयत्थो वुत्तो, सम्बन्धीयत्थे वा कस्मा उपयोगवचनं कतन्ति अनुयोगसम्भवतो तं परिहरितुं “अन्तरासद्देन पना”तिआदि वुत्तं, तेन सम्बन्धीयत्थे

सामिवचनप्पसङ्गे सहन्तरयोगेन लद्धमिदं उपयोगवचनन्ति दस्सेति, न केवलं सासनेव, लोकेपि एवमेविदं लद्धन्ति दस्सेन्तो “ईदिसेसु चा”तिआदिमाह। विसेसयोगतादस्सनमुखेन हि अयमत्थोपि दस्सितो। एकेनपि अन्तरा-सद्देन युत्तत्ता द्वे उपयोगवचनानि कातब्बानि। द्वीहि पन योगे का कथाति अत्थस्स सिज्जनतो। अक्खरं चिन्तेन्ति लिङ्गविभक्तियादीहीति **अक्खरचिन्तका**, सहविदू। अक्खर-सद्देन चेत्थ तम्मूलकानि पदादीनिपि गहेतब्बानि। यदिपि सहतो एकमेव युज्जन्ति, अत्थतो पन सो द्विक्खत्तुं योजेतब्बो एकस्सापि पदस्स आवुत्तियादिनयेन अनेकधा सम्पज्जनतोति दस्सेति “**दुतियपदेनपी**”तिआदिना। को पन दोसो अयोजितेति आह “**अयोजियमाने उपयोगवचनं न पापुणाती**”ति। दुतियपदं न पापुणातीति अत्थो सहन्तरयोगवसा सद्देयेव सामिवचनप्पसङ्गे उपयोगविभक्तिया इच्छितत्ता। सद्दाधिकारो हि विभक्तिपयोगो।

अद्धान-सद्दो दीघपरियायोति आह “**दीघमग्ग**”न्ति। कित्तावता पन सो दीघो नाम तदत्थभूतोति चोदनमपनेति “**अद्धानगमनसमयस्स ही**”तिआदिना। **अद्धानगमनसमयस्स विभङ्गे**ति गणभोजनसिक्खपदादीसु अद्धानगमनसमयसद्दस्स पदभाजनीयभूते विभङ्गे (पाचि० २१७)। **अद्ध्योजनमि** **अद्धानमग्गो**, पगेव तदुत्तरि। अद्दमेव योजनस्स **अद्ध्योजनं**, द्विगावुतमत्तं। इध पन चतुगावुतप्पमाणं योजनमेव, तस्मा “**अद्धानमग्गपटिपन्नो**”ति वदतीति अधिष्पायो।

महन्तसद्दो उत्तमत्थो, बहत्थो च इधाधिप्पेतोति आह “**महता**”तिआदि। **गुणमहत्तेना**ति अप्पिच्छतादिगुणमहन्तभावेन। **सद्दुच्चा**महत्तेनाति गणनमहन्तभावेन। तदेवत्थं समत्थेति “**सो ही**”तिआदिना। **सो भिक्खुसद्दो**ति इध आगतो तदा परिवारभूतो भिक्खुसद्दो। **महा**ति उत्तमो। वाक्येपि हि तमिच्छन्ति पयोगवसा। **अप्पिच्छता**ति निल्लोभता सद्दो चेत्थ सावसेसो, अत्थो पन निरवसेसो। न हि “अप्पलोभताति अभित्थवितुमरहती”ति **अद्दकथासु** वुत्तं। मज्झिमागमटीकाकारो पन **आचरियधम्मपालत्थेरो** एवमाह “अप्पसद्दस्स परित्तपरियायं मनसि कत्वा ‘ब्यज्जनं सावसेसं विया’ति (महा० नि० अद्द० ८५) **अद्दकथायं** वुत्तं। अप्पसद्दो पनेत्थ ‘अभावत्थो’ तिपि सक्का विज्जातुं ‘अप्पाबाधतच्चसज्जानामी’तिआदीसु (म० नि० १.२२५) विया”ति। **सद्दुच्चायपि** **महा**ति गणनायपि बहु अहोसि, “**भिक्खुसद्दो**”ति पदावत्थिकन्तवचनवसेन संवण्णेत्तब्बपदस्स छेदनमिव होतीति तदपरामसित्वा “**तेन भिक्खुसद्देना**”ति पुन वाक्यावत्थिकन्तवचनवसेन संवण्णेत्तब्बपदेन सदिसीकरणं। एसा हि संवण्णनकानं पकति, यदिदं विभक्तियानपेक्खावसेन यथारहं

संवण्णेतब्बपदत्थं संवण्णेत्वा पुन तत्थ विज्जमानविभत्तिवसेन परिवत्तेत्वा निक्खिपनन्ति । दिट्ठिसीलसामञ्जेन संहतत्ता सङ्घोति इममत्थं विभावेन्तो आह “**दिट्ठिसीलसामञ्जसङ्घातेन समणगणेन**”ति । एत्थ पन “यायं दिट्ठि अरिया निय्यानिका निय्याति तक्करस्स सम्मा दुक्खक्खयाय, तथारूपाय दिट्ठिया दिट्ठिसामञ्जगतो विहरती”ति (दी० नि० ३.३२४, ३५६; म० नि० १.४९२; ३.५४; परि० २७४) एवं वुत्ताय दिट्ठिया । “यानि तानि सीलानि अखण्डानि अच्छिद्धानि असबलानि अकम्मासानि भुजिस्सानि विञ्जुप्पसत्थानि अपरामद्धानि समाधिसंवत्तनिकानि, तथारूपेसु सीलेसु सीलसामञ्जगतो विहरती”ति (दी० नि० ३.३२३; म० नि० १.४९२; ३.५४; अ० नि० २.६.११; परि० २७४) एवं वुत्तानञ्च सीलानं सामञ्जेन सङ्घातो सङ्घटितो समेतोति **दिट्ठिसीलसामञ्जसङ्घातो**, समणगणो, दिट्ठिसीलसामञ्जेन संहतोति वुत्तं होति । “**दिट्ठिसीलसामञ्जसङ्घाटसङ्घातेना**”तिपि पाठो । तथा सङ्घातेन कतितेनाति अत्थो । तथा हि दिट्ठिसीलादीनं नियतसभावत्ता सोतापन्नापि अञ्जमञ्जं दिट्ठिसीलसामञ्जेन संहता, पगेव सकदागामिआदयो, तथा च वुत्तं “नियतो सम्बोधिपरायणो”ति, (सं० नि० १.२.४१; ३.५.१९८, १००४) “अद्धानमेतं भिक्खवे, अनवकासो, यं दिट्ठिसम्पन्नो पुग्गलो सञ्चिच्चपाणं जीविता वोरपेय्य, नेतं ठानं विज्जती”ति च आदि । अरियपुग्गलस्स हि यत्थ कत्थचि दूरे ठितापि अत्तनो गुणसामगिया संहततायेव, “तथारूपाय दिट्ठिया दिट्ठिसामञ्जगतो विहरति, (म० नि० १.४९२) तथारूपेसु सीलेसु सीलसामञ्जगतो विहरती”ति (म० नि० १.४९२) वचनतो पन पुथुज्जनानम्पि दिट्ठिसीलसामञ्जेन संहतभावो लब्धतियेव । **सद्धिं**-सद्दो एकतोति अत्थे निपातो । **पच्च...पे०...** **मत्तानीति** पच्च-सद्देन मत्तसद्दं सद्धिपित्वा बाहिरत्थसमासो वुत्तो । **एतेसन्ति** भिक्खुसत्तानं । पुन पच्च मत्ता पमाणाति ब्यासो, निकारलोपो चेत्य नपुंसकलिङ्गता ।

सुप्पियोति तस्स नाममेव, न गुणादि । न केवलं भिक्खुसङ्घेन सद्धिं भगवायेव, अथ खो सुप्पियोपि परिब्बाजको ब्रह्मदत्तेन माणवेन सद्धिन्ति पुग्गलं सम्पिण्डेति, तच्च खो मग्गपटिपन्नसभागताय एव, न सीलाचारादिसभागतायाति वुत्तं “**पि-कारो**”तिआदि । सुखुच्चारणवसेन पुब्बापरपदानं सम्बन्धमत्तकरभावं सन्धाय “**पदसन्धिकरो**”ति वुत्तं, न पन सरब्बज्जनादिसन्धिभावं, तेनाह “**ब्यञ्जनसिलिडुतावसेन वुत्तो**”ति, एतेन पदपूरणमत्तन्ति दस्सेति । अपिच अवधारणत्थोपि खो-सद्दो युत्तो “अस्सोसि खो वेरञ्जो ब्राह्मणो”तिआदीसु (पारा० १) विय, तेन अद्धानमग्गपटिपन्नो अहोसियेव, नास्स मग्गपटिपत्तिया कोचि अन्तरायो अहोसीति अयमत्थो दीपितो होति । **सज्जयस्साति**

राजगहवासिनो सज्जयनामस्स परिब्बाजकस्स, यस्स सन्तिके पठमं उपतिस्सकोलितापि पब्बजिंसु छन्नपरिब्बाजकोव, न अचेलकपरिब्बाजको। “यदा, तदा”ति च एतेन समकालमेव अद्धानमग्गपटिपन्नं दस्सेति। **अतीतकालत्थो** पाळियं **होतिसदो** योगविभागेन, तंकालापेक्खाय वा एवं वुत्तं, तदा होतीति अत्थो।

अन्तेति समीपे। **वसतीति** वत्तपटिवत्तादिकरणवसेन सच्चिरियापथसाधारणवचनं, अवचरतीति वुत्तं होति, तेनेवाह “**समीपचारो सन्तिकावचरो सिस्सो**”ति। **चोदिता देवदूतेहीति** दहरकुमारो जराजिण्णसत्तो गिलानो कम्मकारणा, कम्मकारणिका वा मतसत्तोति इमेहि पञ्चहि देवदूतेहि **चोदिता** ओवदिता संवेगं उप्पादिता समानापि। ते हि देवा विय दूता, विसुद्धिदेवानं वा दूताति **देवदूता**। **हीनकायूपगाति** अपायकायमुपगता। नरसङ्घाता ते माणवाति सम्बन्धो। सामञ्जसवसेन चेत्य सत्तो “माणवो”ति वुत्तो, इतरे पन विसेसवसेन। पकरणाधिगतो हेस अत्थुद्धारोति। **कतकम्मेहीति** कतचोरकम्मेहि। **तरुणोति** सोळसवस्सतो पट्टाय पत्तवीसतिवस्सो, **उदानट्टकथायज्झि** “सत्ता जातदिवसतो पट्टाय याव पञ्चदसवस्सका, ताव ‘कुमारका, बाला’ति च वुच्चन्ति। ततो परं वीसतिवस्सानि ‘युवानो’ति” (उदा० अट्ठ० ४४) वुत्तं। तरुणो, माणवो, युवाति च अत्थतो एकं, लोकिया पन “द्वादसवस्सतो पट्टाय याव जरमप्पत्तो, ताव तरुणो”तिपि वदन्ति।

तेसु वा द्वीसु जनेसूति निद्धारणे भुम्मं। यो वा “एकं समय”न्ति पुब्बे अधिगतो कालो, तस्स पटिनिद्देसो तत्राति यज्झि समयं भगवा अन्तरा राजगहञ्च नाळन्दञ्च अद्धानमग्गपटिपन्नो, तस्मिंयेव समये सुप्पियोपि तं अद्धानमग्गं पटिपन्नो अवण्णं भासति, ब्रह्मदत्तो च वण्णं भासतीति। **निपातमत्तन्ति** एत्थ मत्तसद्देन विसेसत्थाभावतो पदपूरणत्तं दस्सेति। **मधुपिण्डिकपरियायोति** मधुपिण्डिकदेसना नाम इति नं सुत्तन्तं धारेहि, **राजज्जाति** पायासिराजज्जनामकं राजानमालपति। परियायति परिवत्ततीति **परियायो**, वारो। परियायेति देसेतब्बमत्थं पटिपादेतीति **परियायो**, देसना। परियायति अत्तनो फलं पटिग्गहेत्वा पवत्ततीति **परियायो**, कारणं। अनेकसद्देनेव अनेकविधेनाति अत्थो विज्जायति अधिप्पायमत्तेनाति आह “**अनेकविधेना**”ति। कारणज्जेत्थ कारणपतिरूपकमेव, न एकंसकारणं अवण्णकारणस्स अभूतत्ता, तस्मा **कारणेनाति** कारणपतिरूपकेनाति अत्थो। तथा हि वक्खति “अकारणमेव ‘कारण’न्ति वत्वा”ति (दी० नि० अट्ठ० १.१)। जातिवसेनिदं बह्वत्थे एकवचनन्ति दस्सेति “**बहूही**”तिआदिना।

“अवण्णविरहितस्स असमानवण्णसमन्नागतस्सपी”ति वक्खमानकारणस्स अकारणभावहेतुदस्सनत्थं वुत्तं, दोसविरहितस्सपि असदिसगुणसमन्नागतस्सापीति अत्थो । बुद्धस्स भगवतो अवण्णं दोसं निन्दन्ति सम्बन्धो । “यं लोके”तिआदिना अरसरूपनिब्भोगअकिरियवादउच्छेदवादजेगुच्छीवेनयिकतपस्सीअपगब्भभावानं कारणपतिरूपकं दस्सेति । तस्माति हि एतं “अरसरूपो...पे०... अपगब्भो”ति इमेहि पदेहि सम्बन्धितब्बं । इदं वुत्तं होति – लोकसम्मतो अभिवादनपच्चुद्धानअज्जलीकम्मसामीचिकम्म-आसनाभिनिमन्तनसङ्घातो सामग्गीरसो समणस्स गोतमस्स नत्थि, तस्मा सो सामग्गीरससङ्घातेन रसेन असम्पन्नसभावो, तेन सामग्गीरससङ्घातेन परिभोगेन असमन्नागतो । तस्स अकतत्त्वतावादो, उच्छिज्जितत्त्वतावादो च, तं सब्बं गूथं विय मण्डनजातियो पुरिसो जेगुच्छी । तस्स विनासको सोव तदकरणतो विनेतब्बो । तदकरणेन वयोवुद्धे तापेति तदाचारविरहितताय वा कपणपुरिसो । तदकरणेन देवलोकगब्भतो अपगतो, तदकरणतो वा सो हीनगब्भो चाति एवं तदेव अभिवादानादिअकरणं अरसरूपतादीनं कारणपतिरूपकं दट्ठब्बं । “नत्थि...पे०... विसेसो”ति एतस्स पन “सुन्दरिकाय नाम परिब्बाजिकाय मरणानवबोधो, संसारस्स आदिकोटिया अपज्जायनपटिज्जा, ठपनीयपुच्छाय अब्याकतवत्थुव्याकरण”न्ति एवमादीनि कारणपतिरूपकानि निद्धारितत्त्वानि, तथा “तक्कपरियाहतं समणो...पे०... सयम्पटिभान”न्ति एतस्स “अनाचरियकेन सामं पटिवेधेन तत्थ तत्थ तथा तथा धम्मदेसना, कत्थचि परेसं पटिपुच्छाकथनं, महामोगल्लानादीहि आरोचितनयेनेव व्याकरण”न्ति एवमादीनि, “समणो...पे०... न अगगपुगलो”ति एतेसं पन “सब्बधम्मानं कमेनेव अनवबोधो, लोकन्तस्स अजाननं, अत्तना इच्छिततपचाराभावो”ति एवमादीनि । ज्ञानविमोक्खादि हेट्ठा वुत्तनयेन उत्तरिमनुस्सधम्मो । अरियं विसुद्धं, उत्तमं वा जाणसङ्घातं दस्सनं, अलं किलेसविद्धंसनसमत्थं अरियजाणदस्सनं एत्थ, एतस्साति वा अलमरियजाणदस्सनो । स्वेव विसेसो तथा । अरियजाणदस्सनमेव वा विसेसं वुत्तनयेन अलं परियत्तं यस्स, यस्मिन्ति वा अलमरियजाणदस्सनविसेसो, उत्तरिमनुस्सधम्मोव । तक्कपरियाहतन्ति कप्पनामत्तेन समन्ततो आहरितं, वितक्केन वा परिघटितं । वीमंसानुचरितन्ति वीमंसनाय पुनप्पुनं परिमज्जितं । सयम्पटिभानन्ति सयमेव अत्तनो विभूतं, तादिसं धम्मन्ति सम्बन्धो । अकारणन्ति अयुत्तं अनुपपत्तिं । कारणपदे चेतं विसेसनं । न हि अरसरूपतादयो दोसा भगवति संविज्जन्ति, धम्मसङ्घेसु च दुरक्खातदुप्पटिपन्नादयो अकारणन्ति वा युत्तिकारणरहितं अत्तना पटिज्जामत्तं । पकतिकम्मपदञ्चेतं । इमस्मिञ्च अत्थे कारणं वत्ताति एत्थ कारणं इवाति इव-सदत्थो रूपकनयेन योजेतब्बो

पतिरूपककारणस्स अधिप्पेतत्ता। तथा तथाति जातिवुट्ठानमनभिवादनादिना तेन तेन आकारेन। वण्णसद्वस्स गुणपसंसासु पवत्तनतो यथाक्कमं “अवण्णं दोसं निन्द”न्ति वुत्तं।

दुरक्खातोति दुट्ठमाक्खातो, तथा दुप्पटिवेदितो। वट्ठतो निय्यातीति निय्यानं, तदेव निय्यानिको, ततो वा निय्यानं निस्सरणं, तत्थ नियुत्तोति निय्यानिको। वट्ठतो वा निय्यातीति निय्यानिको य-कारस्स क-कारं, ई-कारस्स च रस्सं कत्वा। “अनीय-सद्वो हि बहुला क्तुअभिधायको”ति सद्विदू वदन्ति, न निय्यानिको तथा। संसारदुक्खस्स अनुपसमसंवत्तनिको वुत्तनयेन। पच्चनीकपटिपदन्ति सम्मापटिपत्तिया विरुद्धपटिपदं। अननुलोमपटिपदन्ति सप्पुरिसानं अननुलोमपटिपदं। अधम्मानुलोमपटिपदन्ति लोकुत्तरधम्मस्स अननुलोमपटिपदं। कस्मा पनेत्थ “अवण्णं भासति, वण्णं भासती”ति च वत्तमानकालनिद्देशो कतो, ननु सङ्गीतिकालतो सो अवण्णवण्णानं भासनकालो अतीतोति? सच्चमेतं, “अब्धानमग्गपटिपन्नो होती”ति एत्थ होति-सद्वो विय अतीतकालत्थत्ता पन भासति-सद्वस्स एवं वुत्तन्ति दट्ठब्बं। अथ वा यस्मिं काले तेहि अवण्णो वण्णो च भासीयति, तमपेक्खित्वा एवं वुत्तं, एवञ्च कत्वा “तत्रा”ति पदस्स कालपटिनिद्देशविकप्पनं अट्ठकथायं अवुत्तम्पि सुपपन्नं होति।

“सुप्पियस्स पन...पे०... भासती”ति पाळिया सम्बन्धदस्सनं “अन्तेवासी पनस्सा”तिआदिवचनं। अपरामसितब्बं अरियूपवादकम्मं, तथा अनक्कमितब्बं। स्वायन्ति सो आचरियो। असिधारन्ति असिना तिखिणभागं। ककचदन्त पन्तियन्ति खन्धककचस्स दन्तसङ्घाताय विसमपन्तिया। हत्थेन वा पादेन वा येन केनचि वा अङ्गपच्चङ्गेन पहरित्वा कीळमानो विय। अक्खिक्खणकोससङ्घातट्ठानवसेन तीहि पकारेहि भिन्नो मदो यस्साति पभिन्नमदो, तं। अवण्णं भासमानोति अवण्णं भासनहेतु। हेतुअत्थो हि अयं मान-सद्वो। न अयो वुट्ठि अनयो। सोयेव ब्यसनं, अतिरेकब्यसनन्ति अत्थो, तं पापुणिससति एकन्तमहासावज्जत्ता रतनत्तयोपवादस्स। तेनेवाह—

“यो निन्दियं पसंसति,

तं वा निन्दति यो पसंसियो।

विचिनाति मुखेन सो कल्ले,

कलिना तेन सुखं न विन्दती”ति॥ (सु० नि० ६६३; सं

नि० १.१८०-१८१; नेत्ति० ९२)।

“अम्हाकं आचरियो”तिआदिना ब्रह्मदत्तस्स संवेगुप्पत्तिं, अत्तनो आचरिये च कारुञ्जप्पवत्तिं दस्सेत्वा किञ्चापि अन्तेवासिना आचरियस्स अनुकूलेन भवितव्वं, अयं पन पण्डितजातिकत्ता न ईदिसेसु ठानेसु तमनुवत्ततीति इदानिस्स कम्मस्सकताआणप्पवत्तिं दस्सेन्तो “आचरिये खो पना”तिआदिमाह। हलाहलन्ति तद्धणञ्जेव मारणकं विसं। हनतीति हि हलो न-कारस्स ल-कारं कत्वा, हलानम्पि विसेसो हलो हलाहलो मज्झेदीघवसेन, एतेन च अञ्जे अट्ठविधे विसे निवत्तेति। वुत्तञ्च-

“पुमे पण्डे च काकोल, काळकूटहलाहल।
सरोत्थिकोसुद्धिके यो, ब्रह्मपुत्तो पदीपनो।
दारदो वच्छनाभो च, विसभेदा इमे नवा”ति।।

खरोदकन्ति चण्डसोतोदकं। “खारोदक”न्तिपि पाठो, अतिलोणताय तित्तोदकन्ति अत्थो। नरकपपातन्ति चोरपपातं। माणवकाति अत्तानमेव ओवदितुं आलपति “समयोपि खो ते भद्दालि अप्पटिविद्धोअहोसी”तिआदीसु (म० नि० २.१३५) विय। “कम्मस्सका”ति कम्ममेव अत्तसन्तकभावं वत्वा तदेव विवरति “अत्तनो कम्मणुरूपमेव गतिं गच्छन्ती”तिआदिना। योनिस्सोति उपायेन जायेन। उम्मुज्जित्वाति आचरियो विय अयोनिस्सो अरियूपवादे अनिम्मुज्जन्तो योनिस्सो अरियूपवादतो उम्मुज्जित्वा, उद्धं हुत्वाति अत्थो। मद्मानोति मद्दन्तो भिन्दन्तो। एकंसकारणमेव इध कारणन्ति दस्सेतुकामेन “सम्मा”ति वुत्तं। “यथा त”न्तिआदिना तस्स समारद्धभावं दस्सेति, तन्ति च निपातमत्तं। इदं वुत्तं होति- यथा अञ्जो पण्डितसभावो जाति आचारवसेन कुलपुत्तो अनेकपरियायेन तिण्णं रतनानं वण्णं भासितुमारभति, तथा अयम्पि आरद्धो, तञ्च खो अपि नामायमाचरियो एतत्केनापि रतनत्तयावण्णभासतो ओरमेय्याति।

सप्परजवण्णन्ति अहिराजवण्णं। वण्णपोक्खरतायाति वण्णसुन्दरताय, वण्णसरीरेन वा। वारिजं कमलं न पहरामि न भज्जामि, आरा दूरतोव उपसिङ्घामीति अत्थो। अथाति एवं सन्तेपि। गन्धत्थेनोति गन्धचोरो। सञ्जूह्वाति गन्धिता बन्धिता। गहपतीति उपालिगहपतिं नाटपुत्तस्स आलपनं। एत्थ च वण्णितब्बो “अयमीदिसो”ति पकासेतब्बोति वण्णो, सण्ठानं। वण्णीयति असङ्करतो ववत्थापीयतीति वण्णो, जाति। वण्णेति विकारमापज्जमानं हृदयङ्गतभावं पकासेतीति वण्णो, रूपायतनं। वण्णीयति फलमेतेन यथासभावतो विभावीयतीति वण्णो, कारणं। वण्णीयति अप्पमहन्तादिवसेन पमीयतीति

वण्णो, पमाणं । वण्णीयति पसंसीयतीति **वण्णो**, गुणो । वण्णनं गुणसंकिञ्चनं **वण्णो**, पसंसा । एवं तत्थ तत्थ वण्णसद्दसुप्पत्ति वेदितब्बा । आदिसद्देन जातरूपपुक्खिनक्खरादयो सङ्गण्हाति । “इध गुणोपि पसंसापी”ति वुत्तमेव समत्थेति “अयं किरा”तिआदिना । **किराति** चेत्थ अनुस्सवनत्थे, पदपूरणमत्ते वा । **गुणूपसञ्जितन्ति** गुणोपसञ्जुतं । “गुणूपसञ्जितं पसंस”न्ति पन वदन्तो पसंसाय एव गुणभासनं सिद्धं तस्सा तदविनाभावतो, तस्मा इदमत्थद्वयं युज्जतीति दस्सेति ।

कथं भासतीति आह “तत्था”तिआदि । एको च सो पुग्गलो चाति **एकपुग्गलो** । केनद्देन एकपुग्गलो ? असदिसद्देन, गुणविसिद्धेन, असमसमद्देन च । सो हि पठमाभिनीहारकाले दसन्नं पारमीनं पटिपाटिया आवज्जनं आदिं कत्वा बोधिसम्भारसम्भरणगुणेहि चेव बुद्धगुणेहि च सेसमहाजनेन असदिसो । ये चस्स गुणा, तेपि अज्जसत्तानं गुणेहि विसिद्धा, पुरिमका च सम्मासम्बुद्धा सब्बसत्तेहि **असमा**, तेहि पन अयमेवेको रूपकायनामकायेहि **समो** । लोकेति सत्तलोके । “उप्पज्जमानो उप्पज्जती”ति पन इदं उभयम्पि विष्पकतवचनमेव उप्पादकिरियाय वत्तमानकालिकता । **उप्पज्जमानो** बहुजनहिताय **उप्पज्जति**, न अज्जेन कारणेनाति एवं पनेत्थ अत्थो वेदितब्बो । लक्खणे हेस मान-सद्दो, एवरूपज्जेत्थ लक्खणं न सक्का अज्जेन सद्दलक्खणेन पटिबाहितुं । अपिच उप्पज्जमानो नाम, उप्पज्जति नाम, उप्पन्नो नामाति अयमेत्थ भेदो वेदितब्बो । एस हि दीपङ्करपादमूलतो पट्टाय याव अनागामिफलं, ताव उप्पज्जमानो नाम, अरहत्तमग्गक्खणे उप्पज्जति नाम, अरहत्तफलक्खणे उप्पन्नो नाम । बुद्धानज्झि सावकानं विय न पटिपाटिया इद्धिविधजाणादीनि उप्पज्जन्ति, सहेव पन अरहत्तमग्गेन सकलोपि सब्बज्जुगुणरासि आगतोव नाम होति, तस्मा निब्बत्तसब्बकिच्चत्ता अरहत्तफलक्खणे उप्पन्नो नाम, तदनिब्बत्तत्ता तदज्जक्खणे यथारहं “उप्पज्जमानो उप्पज्जति” च्चेव वुच्चति । इमस्मिम्पि सुत्ते अरहत्तफलक्खणंयेव सन्धाय “उप्पज्जती”ति वुत्तं । अतीतकालिकस्सापि वत्तमानपयोगस्स कत्थचि दिट्ठत्ता उप्पन्नो होतीति अयज्जेत्थ अत्थो । एवं सति “उप्पज्जमानो”ति चेत्थ मान-सद्दो सामत्थियत्थो । यावता सामत्थियेन महाबोधिसत्तानं चरिमभवे उप्पत्ति इच्छितब्बा, तावता सामत्थियेन बोधिसम्भारभूतेन परिपुण्णेन समन्नागतो हुत्वाति अत्थो । तथासामत्थिययोगेन हि उप्पज्जमानो नामाति । सब्बसत्तेहि **असमो**, असमेहि पुरिमबुद्धेहेव **समो** मज्झे भिन्नसुवण्ण निक्खं विय निब्बिसिद्धो, “एकपुग्गलो”ति चेतस्स विसेसनं । आलयसङ्घातं तण्हं समुग्घातेति समुच्छिन्दतीति **आलयसमुग्घातो** । वट्ठं उपच्छिन्दतीति **वट्ठपच्छेदो** ।

पहोन्तेनाति सक्कोन्तेन । “पञ्चनिकाये”ति वत्वापि अनेकावयवत्ता तेसं न एतकेन सब्बथा परियादानन्ति “नवङ्गं सत्थुसासनं चतुरासीति धम्मखन्धसहस्रानी”ति वुत्तं । अतित्थेनाति अनोतरणद्धानेन । न वत्तब्बो अपरिमाणवण्णत्ता बुद्धादीनं, निरवसेसानञ्च तेसं इध पकासनेन पाळिसंवण्णनाय एव सम्पज्जनतो, चित्तसम्पहंसनकम्मद्धानसम्पज्जनवसेन च सफलत्ता । थामो वेदितब्बो सब्बथामेन पकासितत्ता । किं पन सो तथा ओगाहेत्वा भासतीति आह । “ब्रह्मदत्तो पना”तिआदि । अनुक्कमेन पुनप्पुनं वा सवनं अनुस्सवो, परम्परसवनं । आदि-सद्देन आकारपरिवितक्कदिट्ठिनिज्झानक्खन्तियो सङ्गण्हाति । तत्थ “सुन्दरमिदं कारण”न्ति एवं सयमेव कारणपरिवितक्कनं आकारपरिवितक्को । अत्तनो दिट्ठिया निज्झायित्वा खमनं रुच्चनं दिट्ठिनिज्झानक्खन्तीति अट्ठकथासु वुत्तं, तेहियेव सम्बन्धितेनाति अत्थो । मत्त-सद्दो हेत्थ विसेसनिवत्तिअत्थो, तेन यथावुत्तं कारणं निवत्तेति । अत्तनो थामेनाति अत्तनो जाणबलेनेव, न पन बुद्धादीनं गुणानुरूपन्ति अधिप्पायो । असङ्ख्येय्यापरिमेय्यप्पभेदा हि बुद्धादीनं गुणा । वुत्तञ्हेतं –

“बुद्धोपि बुद्धस्स भण्येय्य वण्णं,
कप्पम्पि चे अज्जमभासमानो ।

खीयेथ कप्पो चिरदीघमन्तरे,

वण्णो न खीयेथ तथागतस्सा”ति ।। (दी० नि० अट्ठ०
१.३०४; ३.१४१; म० नि० अट्ठ० २.४२५; उदा० अट्ठ० ५३;
बु० वं० अट्ठ० ४.१; अप० अट्ठ० २.९१; चरियापटिक अट्ठ०
९, ३२९) ।

इधापि वक्खति “अप्पमत्तकं खो पनेत”न्तिआदि ।

इति-सद्दो निदस्सनत्थो वुत्तप्पकारं निदस्सेति । ह-कारो निपातमत्तन्ति आह “एवं ते”ति । अज्जमज्जस्सा”ति इदं रुळ्हिपदं “एको एकाया”ति (पारा० ४४४, ४५२) पदं वियाति दस्सेन्तो “अज्जोअज्जस्सा”ति रुळ्हिपदेनेव विवरति । “उज्जुमेवा”ति सावधारणसमासतं वत्वा तेन निवत्तेतब्बत्थं आह “ईसकम्पि अपरिहरित्वा”ति, थोक्तरम्पि अविरज्झित्वाति अत्थो । कथन्ति आह “आचरियेन ही”तिआदि । पुब्बे एकवारमिव अवण्णवण्णभासने निदिट्ठेपि “उज्जुविपच्चनीकवादा”ति (दी० नि० १.१) वुत्तत्ता

अनेकवारमेव ते एवं भासन्तीति वेदितव्वन्ति दस्सेतुं “पुन इतरो अवण्णं इतरो वण्ण”न्ति वुत्तं। तेन हि विसदस्स विविधत्थत्वं समत्थेति। सारफलकेति सारदारुफलके, उत्तमफलके वा। विसरुक्खआणिन्ति विसदारुमयपटाणि। इरियापथानुबन्धनेन अनुबन्धा होन्ति, न सम्मापटिपत्तिअनुबन्धनेन।

सीसानुलोकिनोति सीसेन अनुलोकिनो, सीसं उक्खिपित्वा मग्गानुक्कमेन ओलोकयमानाति अत्थो। तस्मिं कालेति यम्हि संवच्छरे, उतुम्हि, मासे, पक्खे वा भगवा तं अद्धानमग्गं पटिपन्नो, तस्मिं काले। तेन हि अनियमतो संवच्छरउतुमासहुमासाव निद्विसिता “तं दिवस”न्ति दिवसस्स विसुं निद्विट्ठत्ता, मुहुत्तादीनञ्च दिवसपरियापन्नतो। “तं अद्धानं पटिपन्नो”ति चेत्थ आधारवचनमेतं। तेनेव हि किरियाविच्छेददस्सनवसेन “राजगहे पिण्डाय चरती”ति सह पुब्बकालकिरियाहि वत्तमाननिद्वेसो कतो, इतरथा तस्मिं काले राजगहे पिण्डाय चरति, तं अद्धानमग्गञ्च पटिपन्नोति अनधिप्पेतत्थो आपज्जेय्य। न हि असमानविसया किरिया एकाधारा सम्भवन्ति, या चेत्थ अधिप्पेता अद्धानपटिपज्जनकिरिया, सा च अनियमिता न युत्ताति। राजगहपरिवत्तकेसूति राजगहं परिवत्तेत्वा ठितेसु। “अज्जरस्मि”न्ति इमिना तेसु भगवतो अनिबद्धवासं दस्सेति। सोति एवं राजगहे वसमानो सो भगवा। पिण्डाय चरणेनपि हि तत्थ पटिबद्धभाववचनतो सन्निवासत्तमेव दस्सेति। यदि पन “पिण्डाय चरमानो सो भगवा”ति पच्चावसेय्य, यथावुत्तोव अनधिप्पेतत्थो आपज्जेय्याति। तं दिवसन्ति यं दिवसं अद्धानमग्गं पटिपन्नो, तं दिवस। तं अद्धानं पटिपन्नोति एत्थ अच्चन्तसंयोगवचनमेतं। भत्तभुज्जनतो पच्छा पच्छाभत्तं, तस्मिं पच्छाभत्तसमये। पिण्डपातपटिक्कन्तोति यत्थ पिण्डपातत्थाय चरित्वा भुज्जन्ति, ततो अपक्कन्तो। तं अद्धानं पटिपन्नोति “नाळन्दायं वेनेय्यानं विविधहितसुखनिप्फत्तिं आकङ्कमानो इमिस्सा अडुप्पत्तिया तिविधसीलालङ्कतं नानाविध-कुहनलपनादिमिच्छाजीवविद्धंसनं द्वासट्ठिदिट्ठिजालविनिवेठनं दससहस्सिलोकधातुपकम्पनं ब्रह्मजालसुत्तं देसेस्सामी”ति तं यथावुत्तं दीघमग्गं पटिपन्नो, इदं पन कारणं पकरणतोव पाकटन्ति न वुत्तं। एत्तावता “कस्मा पन भगवा तं अद्धानं पटिपन्नो”ति चोदना विसोधिता होति।

इदानी इतरम्पि चोदनं विसोधितुं “सुप्पियोपी”ति वुत्तं। तस्मिं काले, तं दिवसं अनुबन्धोति च वुत्तनयेन सम्बन्धो। पातो असितव्वोति पातरासो, सो भुत्तो येनाति भुत्तपातरासो। इच्चेवाति एवमेव मनसि सन्निधाय, न पन “भगवन्तं, भिक्खुसङ्गञ्च

पिड्डितो पिड्डितो अनुबन्धिस्सामी”ति। तेन वुत्तं “भगवतो तं मग्गं पटिपन्नभावं अजानन्तोवा”ति, तथा अजानन्तो एव हुत्वा अनुबन्धोति अत्थो। न हि सो भगवन्तं दट्ठमेव इच्छति, तेनाह “सचे पन जानेय्य, नानुबन्धेय्या”ति। एत्तावता “कस्मा च सुप्पियो अनुबन्धो”ति चोदना विसोधिता होति। “सो”तिआदिना अपरम्पि चोदनं विसोधेति। कदाचि पन भगवा अज्जतरवेसेनेव गच्छति अङ्गुलिमालदमनपक्कुसाति-अभिग्गमनादीसु, कदाचि बुद्धसिरिया, इधापि ईदिसाय बुद्धसिरियाति दस्सेतुं “बुद्धसिरिया सोभमान”न्तिआदि वुत्तं। सिरीति चेत्थ सरीरसोभग्गादिसम्पत्ति, तदेव उपमावसेन दस्सेति “रत्तकम्बलपरिक्खित्तमिवा”तिआदिना। गच्छतीति जङ्गमो यथा “चङ्गमो”ति। चञ्चलमानो गच्छन्तो गिरि, तादिसस्स कनकगिरिनो सिखरमिवाति अत्थो।

“तस्मिं किरा”तिआदि तब्बिवरणं, पाळियं अदस्सितत्ता, पोराण्डुकथायज्ज अनागतत्ता अनुस्सवसिद्धा अयं कथाति दस्सेतुं “किरा”ति वुत्तन्ति वदन्ति, तथा वा होतु अज्जथा वा, अत्तना अदिट्ठं, असुत्तं, अमुतज्ज अनुस्सवमेवाति दट्ठब्बं। नीलपीतलोहितोदातमज्जिड्डपभस्सरवसेन छब्बण्णा। समन्ताति समन्ततो दसहि दिसाहि। असीतिहत्थम्पमाणेति तेसं रस्मीनं पकतिया पवत्तिट्ठानवसेन वुत्तं, तस्मा समन्ततो, उपरि च पच्चेकं असीतिहत्थमत्ते पदेसे पकतियाव घनीभूता रस्मियो तिट्ठन्तीति दट्ठब्बं, विनयटीकायं पन “तायेव ब्यामप्पभा नाम। यतो छब्बण्णा रस्मियो तळाकतो मातिका विय दससु दिसासु धावन्ति, सा यस्मा ब्याममत्ता विय खायति, तस्मा ब्यामप्पभाति वुच्चती”ति वुत्तं, (विमति० टी० १.१६) सङ्गीतिसुत्तवण्णनायं पन वक्खति “पुरत्थिमकायतो सुवण्णवण्णा रस्मि उट्ठित्वा असीतिहत्थं ठानं गण्हाति। पच्छिमकायतो। दक्खिणहत्थतो। वामहत्थतो सुवण्णवण्णा रस्मि उट्ठित्वा असीतिहत्थं ठानं गण्हाति। उपरि केसन्ततो पट्ठाय सब्बकेसावट्ठेहि मोरगीववण्णा रस्मि उट्ठित्वा गगनतले असीतिहत्थं ठानं गण्हाति। हेट्ठा पादतलेहि पवाळवण्णा रस्मि उट्ठित्वा घनपथवियं असीतिहत्थं ठानं गण्हाति। एवं समन्ता असीतिहत्थमत्तं ठानं छब्बण्णा बुद्धरस्मियो विज्जोत्तमाना विप्फन्दमाना विधावन्ती”ति (दी० नि० अट्ठ० ३.२९९) केचि पन अज्जथापि परिकप्पनामत्तेन वदन्ति, तं न गहेतब्बं तथा अज्जत्थ अनागतत्ता, अयुत्तत्ता च। तासं पन बुद्धरस्मीनं तदा अनिगूहितभावदस्सनत्थं “तस्मिं किर समये”ति वुत्तं। पक्कुसातिअभिग्गमनादीसु विय हि तदा तासं निगूहने किञ्चि कारणं नत्थि। आधावन्तीति अभिमुखं दिसं धावन्ति। विधावन्तीति विविधा हुत्वा विदिसं धावन्ति।

तस्मिं वनन्तरे दिस्समानाकारेण तासं रस्मीनं सोभा विज्जायतीति आह “रतनावेळा”तिआदि। रतनावेळा नाम रतनमयवटंसकं मुद्धं अवति रक्खतीति हि अवेळा, आवेळा वा, मुद्धमाला। उक्का नाम या सजोतिभूता, तासं सतं, निपतनं निपातो, तस्स निपातो, तेन समाकुलं तथा। पिसितब्बत्ता पिट्ठं, चीनदेसे जातं पिट्ठं चीनपिट्ठं, रत्तचुण्णं, यं “सिन्दूरो”तिपि वुच्चति, चीनपिट्ठमेव चुण्णं। वायुनो वेगेन इतो चितो च खित्तं तन्ति तथा। इन्दस्स धनु लोकसङ्केतवसेनाति इन्दधनु, सूरियरस्मिवसेन गगने पज्जायमानाकारविसेसो। कुटिलं अचिरद्वायित्ता विरूपं हुत्वा जवति धावतीति विज्जु, सायेव लता तंसदिसभावेनाति तथा, वायुवेगतो वलाहकघट्टेनेव जातरस्मि। तायति अविजहनवसेन आकासं पालेतीति तारा, गणसद्वो पच्चेकं योजेतब्बो। तस्स पभा तथा। विष्फुरितविच्छरितमिवाति आभाय विविधं फरमानं, विज्जोतयमानं विय च। वनस्स अन्तरं विवरं वनन्तरं, भगवता पत्तपत्तवनप्पदेसन्ति वुत्तं होति।

असीतिया अनुब्यञ्जनेहि तम्बनखतादीहि अनुरज्जितं तथा। कमलं पदुमपुण्डरीकानि, अवसेसं नीलरत्तसेतभेदं सरोरुहं उप्पलं, इति पञ्चविधा पङ्कजजाति परिग्गहिता होति। विकसितं फुल्लितं तदुभयं यस्स सरस्स तथा। सब्बेन पकारेण परितो समन्ततो फुल्लति विकसतीति सब्बपालिफुल्लं अ-कारस्स आ-कारं, र-कारस्स च ल-कारं कत्वा यथा “पालिभद्वो”ति, तारानं मरीचि पभा, ताय विकसितं विज्जोतितं तथा। ब्यामप्पभाय परिकखेपो परिमण्डलो, तेन विलासिनी सोभिनी तथा। महापुरिसलक्खणानि अज्जमज्जपटिबद्धत्ता मालाकारेणैव ठितानीति वुत्तं “द्वत्तिसवरलक्खणमाला”ति। द्वत्तिसचन्दादीनं माला केनचि गन्थेत्वा पटिपाटिया च ठपिताति न वत्तब्बा “यदि सिया”ति परिकप्पनामत्तेन हि “गन्थेत्वा ठपितद्वत्तिसचन्दमालाया”तिआदि वुत्तं। परिकप्पोपमा हेसा, लोकेपि च दिस्सति।

“मयेव मुखसोभास्से, त्यलमिन्दुविकत्थना।

यतोम्बुजेपि सात्थीति, परिकप्पोपमा अय”न्ति।।

द्वत्तिसचन्दमालाय सिरिं अत्तनो सिरिया अभिभवन्ती इवाति सम्बन्धो। एस नयो सेसेसुपि।

एवं भगवतो तदा सोभं दस्सेत्वा इदानि भिक्खुसङ्घस्सापि सोभं दस्सेन्तो “तज्ज

पना”तिआदिमाह । चतुर्विधाय अपिच्छताय अपिच्छा । द्वादसहि सन्तोसेहि सन्तुद्धा । तिविधेन विवेकेन पविवित्ता । राजराजमहामत्तादीहि असंसद्दा । दुप्पटिपत्तिकानं चोदका । पापे अकुसले गरहिणो परेसं हितपटिपत्तिया वत्तारो । परेसञ्च वचनक्खमा । विमुत्तिजाणदस्सनं नाम पच्चवेक्खणजाणं । “तेस”न्तिआदिना तदभिसम्बन्धेन भगवतो सोभं दस्सेति । रत्तपदुमानं सण्डो समूहो वनं, तस्स मज्झे गता तथा । “रत्तं पदुमं, सेतं पुण्डरीकं”न्ति पत्तनियममन्तरेण तथा वुत्तं, पत्तनियमेण पन सतपत्तं पदुमं, ऊनकसतपत्तं पुण्डरीकं । पवाळं विट्ठुमो, तेन कताय वेदिकाय परिक्खित्तो विय । मिगपक्खीनम्पीति पि-सद्दो, अपि-सद्दो वा सम्भावनायं, तेनाह “पगेव देवमनुस्सान”न्ति । महाथेराति महासावके सन्धायाह । सुरज्जितभावेन ईसकं कण्हवण्णताय मेघवण्णं । एकंसं करित्वाति एकंसपारुपनवसेन वामंसे करित्वा । कत्तरस्स जिण्णस्स आलम्बनो दण्डो कत्तरदण्डो, बाहुल्लवसेनायं समञ्जा । सुवम्मं नाम सोभणुरच्छदो, तेन वम्मिता सन्नद्धाति सुवम्मवम्मिता, इदं तेसं पंसुकूलधारणनिदस्सनं । येसं कुच्छिगतं सब्बम्पि तिणपलासादि गन्धजातमेव होति, ते गन्धहत्थिनो नाम, ये “हेमवता”तिपि वुच्चन्ति, तेसम्पि थेरानं सीलादिगुणगन्धताय तंसदिसता । अन्तोजटाबहिजटासङ्घाताय तण्हाजटाय विजटितभावतो विजटितजटा । तण्हाबन्धनाय छिन्नत्ता छिन्नबन्धना । “सो”तिआदि यथावुत्तवचनस्स गुणदस्सनं । अनुबुद्धेहीति बुद्धानमनुबुद्धेहि । तेपि हि एकदेसेन भगवता पटिविद्धुपटिभागेनेव चत्तारि सच्चानि बुज्झन्ति । पत्तपरिवारितन्ति पुप्फदलेन परिवारितं । कं वुच्चति कमलादि, तस्मिं सरति विराजतीति केसरं, किञ्जकखो । कण्णे करीयतीति कण्णिका । कण्णालङ्कारो, तंसदिसण्ठानताय कण्णिका, बीजकोसो । छत्रं हंसकुलानं सेट्ठो धतरट्ठो हंसराजा विय, हारितो नाम महाब्रह्मा विय ।

एवं गच्छन्तं भगवन्तं, भिक्खू च दिस्वा अत्तनो परिसं ओलोकेसीति सम्बन्धो । काजदण्डकेति काजसङ्घाते भारावहदण्डके, काजस्मिं वा भारलगितदण्डके । खुद्दकं पीठं पीठकं । मूले, अग्रे च तिधा कतो दण्डो तिदण्डो । मोरहत्थको मोरपिञ्जं । खुद्दकं पसिब्बं पसिब्बकं । कुण्डिका कमण्डलु । सा हि कं उदकं उदेति पसवेति, रक्खतीति वा कुण्डिका निरुत्तिनयेन । गहितं ओमकतो लुज्जितं, विविधं लुज्जितञ्च पीठक...पे०... कुण्डिकादिअनेकपरिक्खारसङ्घातं भारं भरति वहतीति गहित...पे०... भारभरिता । इतीति निदस्सनत्थो । एवन्ति इदमत्थो । एवं इदं वचनमादि यस्स वचनस्स तथा, तदेव निरत्थकं वचनं यस्साति एवमादिनिरत्थकवचना । मुखं एतस्स अत्थीति मुखरा, सब्बेपि मुखवन्ता एव, अयं पन फरुसाभिलापमुखवती, तस्मा एवं वुत्तं । निन्दायज्झि अयं रपच्चयो ।

मुखेन वा अमनापं कम्पं राति गण्हातीति **मुखरा**। विविधा किण्णा वाचा यस्साति **विकिण्णवाचा**। तस्साति सुप्पियस्स परिब्बाजकस्स। तन्ति यथावुत्तप्पकारं परिसं।

इदानीति तस्स तथारूपाय परिसाय दस्सनक्खणे। **पनाति** अरुचिसंसूचनत्थो, तथापीति अत्थो। **लाभ...पे०... हानिया चेव** हेतुभूताय। कथं हानीति आह “**अञ्जतिथियानञ्ही**”तिआदि। **निस्सिरीकतन्ति** निसोभतं, अयमत्थो मोरजातकादीहिपि दीपेतब्बो। “**उपतिस्सकोलितानञ्वा**”तिआदिना पक्खहानिताय वित्थारो। आयस्मतो सारिपुत्तस्स, महामोग्गल्लानस्स च भगवतो सन्तिके पब्बज्जं सन्धाय “**तेसु पन पक्कन्तेसू**”ति वुत्तं। तेसं पब्बजितकालेयेव अट्ठतेय्यसतं परिब्बाजकपरिसा पब्बजि, ततो परम्पि तदनुपब्बजिता परिब्बाजकपरिसा अपरिमाणाति दस्सेति “**सापि तेसं परिसा भिन्ना**”ति इमिना। याय कायचि हि परिब्बाजकपरिसाय पब्बजिताय तस्स परिसा भिन्नायेव नाम समानगणत्ताति तथा वुत्तं। “**इमेही**”तिआदिना लाभपक्खहानिं निगमनवसेन दस्सेति। उसूयसङ्घातस्स विसस्स उगारो उगिलनं **उसूयविसुगारो**, तं। एत्थ च “**यस्मा पनेसा**”तिआदिना “**कस्मा च सो रतनत्तयस्स अवण्णं भासती**”ति चोदनं विसोधेति, “**सचे**”तिआदिकं पन सब्बम्पि तप्परिवारवचनमेवाति तेहिपि सा विसोधितायेव नाम। भगवतो विरोधानुनयाभाववीमंसनत्थं एते अवण्णं वण्णं भासन्ति। “**मारेन अन्वाविट्ठा एवं भासन्ती**”ति च केचि वदन्ति, तदयुत्तमेव अट्ठकथाय उजुविपच्चनीकत्ता। पाकटोयेवायमत्थोति।

२. यस्मा अत्थङ्गतो सूरियो, तस्मा अकालो दानि गन्तुन्ति सम्बन्धो।

अम्बलट्टिकाति सामीपिकवोहारो यथा “वरुणनगरं, गोदागामो”ति आह “**तस्स किरा**”तिआदि। तरुणपरियायो **लट्टिका**-सद्वो रुक्खविसये यथा “महावनं अज्झोगाहेत्वा बेलुवलट्टिकाय मूले दिवाविहारं निसीदी”तिआदीसूति दस्सेति” “**तरुणम्बरुक्खो**”ति इमिना। केचि पन “**अम्बलट्टिका** नाम वुत्तनयेन एको गामो”ति वदन्ति, तेसं मते **अम्बलट्टिकायन्ति** समीपत्थे भुम्मवचनं। **छायूदकसम्पन्नन्ति** छायाय चेव उदकेन च सम्पन्नं। **मज्जुसाति** पेळा। **पटिभानचित्तविचित्तन्ति** इत्थिपुरिससञ्जोगादिना पटिभानचित्तेन विचित्तं, एतेन रज्जो **अगारं**, तदेव **राजागारकन्ति** दस्सेति। **राजागारकं** नाम वेस्सवणमहाराजस्स देवायतनन्ति एके।

बहुपरिस्सयोति बहुपद्दवो। केहीति वुत्तं “चोरे’हिपी’”तिआदि। हन्दाति वचनवोस्सग्गत्थे निपातो, तदानुभावतो निप्परिस्सयत्थाय इदानी उपगन्त्वा स्वे गमिस्सामीति अधिप्पायो। “सद्धिं अन्तेवासिना ब्रह्मदत्तेन माणवेना” तिच्चेव सीहळड्ढकथायं वुत्तं, तच्च खो पाळिआरुळ्हवसेनेव, न पन तदा सुप्पियस्स परिसाय अभावतोति इममत्थं दस्सेतुं “सद्धिं अत्तनो परिसाया”ति इध वुत्तं। कस्मा पनेत्थ ब्रह्मदत्तोयेव पाळियमारुळ्हो, न पन तदवसेसा सुप्पियस्स परिसाति? देसनानधीनभावेन पयोजनाभावतो। यथा चेत्तं, एवं अज्जम्पि एदिसं पयोजनाभावतो सङ्गीतिकारकेहि न सङ्गीतन्ति दट्ठब्बं। केचि पन “पाळियं वुत्त”न्ति आधारं वत्वा ‘तदेत्तं न सीहळड्ढकथानयदस्सनं, पाळियं वुत्तभावदस्सनमेवा’ति” वदन्ति, तं न युज्जति। पाळिआरुळ्हवसेनेव पाळियं वुत्तन्ति अधिप्पेतत्थस्स आपज्जनतो। तस्मा यथावुत्तनयेनेव अत्थो गहेतब्बोति। “वुत्तन्ति वा अम्हेहिपि इध वत्तब्बन्ति अत्थो। एवज्झि तदा अज्जायपि परिसाय विज्जमानभावदस्सनत्थं एवं वुत्तं, पाळियमारुळ्हवसेन पन अज्जथापि इध वत्तब्बन्ति अधिप्पायो युत्तो”ति वदन्ति।

इदानी “तत्रापि सुद”न्तिआदिपाळिया सम्बन्धं दस्सेतुं “एवं वासं उपगतो पना”तिआदि वुत्तं। परिवारेत्वा निसिन्नो होतीति सम्बन्धो। कुच्छितं कत्तब्बन्ति कुक्कतं, तस्स भावो कुक्कुच्चं, कुच्छित्किरिया, इतो चितो च चच्चलन्ति अत्थो, हत्थस्स कुक्कुच्चं तथा। “सा ही”तिआदिना तथाभूतताय कारणं दस्सेति। निवातेति वातविरहितद्वाने। यथावुत्तदोसाभावेन निच्चला। तं विभूतिन्ति तादिसं सोभं। विप्पलपन्तीति सतिवोस्सग्गवसेन विविधा लपन्ति। निल्लालितजिह्वाति इतो चितो च निक्खन्तजिह्वा। काकच्छमानाति काकानं सद्दसदिसं सद्दं कुरुमाना। घरुघरुपस्सासिनोति घरुघरुइति सद्दं जनेत्वा पस्ससन्ता। इस्सावसेनाति यथावुत्तेहि द्वीहि कारणेहि उसूयनवसेन। “सब्बं वत्तब्ब”न्ति इमिना “आदिपेय्यालनयोय”न्ति दस्सेति।

३. सम्मा प्पोहन्ति तं तं कम्मन्ति सम्पहुला, बहवो, तेनाह “बहुकान”न्ति। सब्बन्तिमेन परिच्छेदेन चतुवग्गसङ्घेनेव विनयकम्मस्स कत्तब्बत्ता “विनयपरियायेना”तिआदि वुत्तं। तयो जनाति चेस उपलक्खणनिद्देशो द्विन्नम्पि सम्पहुलत्ता। तत्थ तत्थ तथायेवागतत्ता “सुत्तन्तपरियायेना”तिआदिमाह। तं तं पाळिया आगतवोहारवसेन हि अयं भेदो। तयो जना तयो एव नाम, ततो पट्ठाय उत्तरि चतुपञ्चजनादिका सम्पहुलाति अत्थो। ततोति चायं मरियादावधि। मण्डलमाळोति अनेकत्थपवत्ता समज्जा, इध पन ईदिसाय एवाति

नियमेन्तो आह “कथ्यची”तिआदि। कणिका वुच्यति कूटं। हंसवट्कच्छन्नेनाति हंसमण्डलाकारच्छन्नेन। तदेव छन्नं अञ्जत्य “सुपण्णवङ्कच्छदन”न्ति वुत्तं। कूटेन युत्तो अगारो, सोयेव सालाति कूटागारसाला। थम्भपन्तिं परिविखपित्वाति थम्भमालं परिवारेत्वा, परिमण्डलाकारेन थम्भपन्तिं कत्वाति वुत्तं होति। उपट्टानसाला नाम पयिरुपासनसाला। यत्थ उपट्टानमत्तं करोन्ति, न एकरत्तदिरत्तादिवसेन निसीदनं, इध पन तथा कता निसीदनसालायेवाति दस्सेति “इध पना”तिआदिना। तेनेव पाळियं “सन्निपतितान” न्वेव अवत्वा “सन्निसिन्नान”न्तिपि वुत्तं। मानितब्बोति माळो, मीयति पमीयतीति वा माळो। मण्डलाकारेन पटिच्छन्नो माळोति मण्डलमाळो, अनेककोणवन्तो पटिस्सयविसो। “सन्निसिन्नान”न्ति निसज्जनवसेन वुत्तं, निसज्जनवसेन वा “सन्निसिन्नान”न्ति संवण्णेत्तब्बपदमज्झाहरित्वा सम्बन्धो। इमिना निसीदनइरियापथं, कायसामग्गीवसेन च समोधानं सन्धाय पदद्वयमेतं वुत्तन्ति दस्सेति। सङ्घिया वुच्यति कथा सम्मा खियनतो कथनतो। कथाधम्मोति कथासभावो, उपपरिक्खा विधीति केचि।

“अच्छरिय”न्तिआदि तस्स रूपदस्सनन्ति आह “कतमो पन सो”तिआदि। सोति कथाधम्मो। “नीयतीति नयो, अत्थो, सदसत्थं अनुगतो नयो सदनयो”ति (दी० नि० टी० १.३) आचरियधम्मपालत्थेरेन वुत्तं। नीयति अत्थो एतेनाति वा नयो, उपायो, सदसत्थे आगतो नयो अत्थगहणूपायो सदनयो। तत्थ हि अनभिण्णवुत्तिके अच्छरिय-सद्दो इच्छितो रुद्धिवसेन। तेनेवाह “अन्धस्स पब्बतारोहणं विया”तिआदि। तस्स हि तदारोहणं न निच्चं, कदाचियेव सिया, एवमिदम्पि। अच्छरायोगं अच्छरियं निरुत्तिनयेन योग्गसद्दस्स लोपतो, तद्धितवसेन वा णियपच्चयस्स विचित्रवुत्तितो, सो पन पोराणड्कथायमेव आगतत्ता “अड्कथानयो”ति वुत्तो। पुब्बे अभूतन्ति अभूतपुब्बं, एतेन न भूतं अभूतन्ति निब्बचनं, भूत-सद्दस्स च अतीतत्थं दस्सेति। यावज्जिदन्ति सन्धिवसेन निग्गहितागमोति आह “याव च इद”न्ति, एतस्स च “सुप्पटिविदिता”ति एतेन सम्बन्धो। याव च यत्तकं इदं अयं नानाधिमुत्तिकता सुप्पटिविदिता, तं “एत्तकमेवा”ति न सक्का अम्हेहि पटिविज्झितुं, अक्खातुञ्चाति सपाठसेसत्थो। तेनेवाह “तेन सुप्पटिविदिताय अप्पमेय्यतं दस्सेती”ति।

“भगवता”तिआदीहि पदेहि समानाधिकरणभावेन वुत्तत्ता तेनाति एत्थ त-सद्दो सकत्थपटिनिद्देसो, तस्मा येन अभिसम्बुद्धभावेन भगवा पकतो समानो सुपाकटो नाम होति, तदभिसम्बुद्धभावं सद्धिं आगमनपटिपदाय तस्स अत्थभावेन दस्सेन्तो “यो

सो'तिआदिमाह । न हेत्थ सो पुब्बे वुत्तो अत्थि, यो अत्थो तेहि थेरेहि त-सद्देन परामसितब्बो भवेय्य । तस्मा यथावुत्तगुणसङ्घातं सकत्थंयेवेस पधानभावेन परामसतीति दट्ठब्बं । **अनुत्तरं सम्मासम्बोधिन्ति** अग्गमग्गजाणपदद्वानं अनावरणजाणं, अनावरणजाणपदद्वानञ्च अग्गमग्गजाणं । तदुभयज्झि सम्मा अविपरीतं सयमेव बुज्झति, सम्मा वा पसद्दा सुन्दरं बुज्झतीति **सम्मासम्बोधि** । सा पन बुद्धानं सब्बगुणसम्पत्तिं देति अभिसेको विय रज्जो सब्बलोकस्सरियभावं, तस्मा “अनुत्तरा सम्मासम्बोधी”ति वुच्चति । **अभिसम्बुद्धो**ति अब्भज्जासि पटिविज्झि, तेन तादिसेन भगवताति अत्थो । सतिपि जाणदस्सनानं इध पज्जावेवचनभावे तेन तेन विसेसेन नेसं विसयविसेसप्पवत्तिं दस्सेन्तो “**तेसं तेसं सत्तान**”न्तिआदिमाह । एत्थ हि पठममत्थं असाधारणजाणवसेन दस्सेति । आसयानुसयजाणेन **जानता** सब्बज्जुतानावरणजाणेहि **पस्सताति** अत्थो ।

दुतियं विज्जत्तयवसेन । **पुब्बेनिवासादीही**ति पुब्बेनिवासासवक्खयजाणेहि । ततियं अभिज्जानावरणजाणवसेन । अभिज्जापरियापत्रेपि “**तीहि विज्जाही**”ति तासं रासिभेददस्सनत्थं वुत्तं । अनावरणजाणसङ्घातेन **समन्तचक्खुना** पस्सताति अत्थो । चतुत्थं सब्बज्जुतज्जाणमंसचक्खुवसेन । **पज्जायाति** सब्बज्जुतज्जाणेन । **कुट्टस्स** भित्तिया **तिरो** परं, अन्तो वा, तदादीसु गतानि । **अतिविसुद्धेनाति** अतिविय विसुद्धेन पञ्चवण्णसमन्नागतेन सुनीलपासादिकअक्खिलोमसमलङ्कतेन रत्तिञ्चेव दिवा च समन्ता योजनं पस्सन्तेन **मंसचक्खुना** । पञ्चमं पटिवेधदेसनाजाणवसेन । “**अत्तहितसाधिकाया**”ति एकंसतो वुत्तं, परियायतो पनेसा परहितसाधिकापि होति । ताय हि धम्मसभावपटिच्छादककिलेससमुग्धाताय देसनाजाणादि सम्भवति । **पटिवेधपज्जायाति** अरियमग्गपज्जाय । विपस्सनासहगतो समाधि पदद्वानं आसन्नकारणमेतिस्साति **समाधिपदद्वाना**, ताय । **देसनापज्जायाति** देसनाकिच्चनिष्फादकेन सब्बज्जुतज्जाणेन । **अरीनन्ति** किलेसारीनं, पञ्चमारानं वा, सासनपच्चत्थिकानं वा अज्जतित्थियानं । तेसं हननं पाटिहारियेहि अभिभवनं अप्पटिभानताकरणं, अज्झुपेक्खनञ्च मज्झिमपण्णासके पञ्चमवग्गे सङ्गीतं **चङ्गीसुत्तञ्चेत्थ** (म० नि० २.४२२) निदस्सनं, एतेन अरयो हता अनेनाति निरुत्तिनयेन पदसिद्धिमाह । अतो नावचनस्स ताव्यप्पदेसो महाविसयेनाति दट्ठब्बं । अपिच अरयो हनतीति अन्तसद्देन पदसिद्धि, इकारस्स च अकारो । पच्चयादीनं सम्पदानभूतानं, तेसं वा पटिग्गहणं, पटिग्गहितुं वा अरहतीति अरहन्ति दस्सेति “**पच्चयादीनञ्च अरहन्ता**”ति इमिना । **सम्माति** अविपरीतं । **सामज्जाति** सयमेव, अपरनेय्यो हुत्वाति वुत्तं होति । कथं पनेत्थ “**सब्बधम्मान**”न्ति अयं विसेसो लब्धतीति ?

सामञ्जसोत्तनाय विसेसे अवद्वानतो, विसेसत्थिना च विसेसस्स अनुपयोजेतब्बतो यज्जेवं “धम्मान”न्ति विसेसोवानुपयोजितो सिया, कस्मा सब्बधम्मानन्ति अयमत्थो अनुपयोजीयतीति ? एकदेसस्स अगगहणतो । पदेसगगहणे हि असति गहेतब्बस्स निप्पदेसता विज्जायति यथा “दिक्खितो न ददाती”ति, एस नयो ईदिसेसु ।

इदानी च चतूहि पदेहि चतुवेसारज्जवसेन अत्तना अधिप्पेततरं छट्ठमत्थं दस्सेतुं “अन्तरायिकधम्मे वा”तिआदि वुत्तं । तथा हि तदेव निगमनं करोति “एव”न्तिआदिना । तत्थ अन्तरायकरधम्मजाणेन जानता, निव्यानिकधम्मजाणेन पस्सता, आसवक्खयजाणेन अरहता, सब्बज्जुतज्जाणेन सम्मासम्बुद्धेनाति यथाक्कमं योजेतब्बं । अनत्थचरणेन किलेसा एव अरयोति किलेसारयो, तेसं किलेसारीनं । एत्थाह – यस्स जाणस्स वसेन सम्मा सामञ्जस सब्बधम्मानं बुद्धत्ता भगवा सम्मासम्बुद्धो नाम जातो, किं पनिदं जाणं सब्बधम्मानं बुज्जनवसेन पवत्तमानं सकिंयेव सब्बस्मिं विसये पवत्तति, उदाहु कमेनाति । किञ्चेत्थ – यदि ताव सकिंयेव सब्बस्मिं विसये पवत्तति, एवं सति अतीतानागत-पच्चुप्पन्नअज्झत्तबहिद्धादिभेदभिन्नानं सङ्गतधम्मानं, असङ्गतसम्मुतिधम्मानञ्च एकज्जं उपट्टाने दूरतो चित्तपटं पेक्खन्तस्स विय पटिभागेनावबोधो न सिया, तथा च सति “सब्बे धम्मा अनत्ता”ति (अ० नि० १.३.१३७; ध० प० २७९; महा० नि० २७; चूळ० नि० ८, १०; नेत्ति० ५) विपस्सन्तानं अनत्ताकारेण विय सब्बे धम्मा अनिरूपितरूपेण भगवतो जाणविसया होन्तीति आपज्जति । येपि “सब्बजेय्यधम्मानं ठितिलक्खणविसयं विकप्परहितं सब्बकालं बुद्धानं जाणं पवत्तति, तेन ते ‘सब्बविदू’ति वुच्चन्ति । एवञ्च कत्वा –

‘गच्छं समाहितो नागो, ठितो नागो समाहितो ।

सेय्यं समाहितो नागो, निसिन्नोपि समाहितो’ति ॥ (अ० नि० २.६.४३) । –

इदम्पि सब्बदा जाणप्पवत्तिदीपकं अङ्गुत्तरागमे नागोपमसुत्तवचनं सुवुत्तं नाम होती’ति वदन्ति, तेसम्पि वादे वुत्तदोसा नातिवत्ति । ठितिलक्खणारम्भणताय च अतीतानागतधम्मानं तदभावंतो एकदेसविसयमेव भगवतो जाणं सिया, तस्मा सकिञ्जेव सब्बस्मिं विसये जाणं पवत्ततीति न युज्जति । अथ कमेन सब्बस्मिम्पि विसये जाणं पवत्तति, एवम्पि न युज्जति । न हि जातिभूमिसभावादिवसेन, दिसादेसकालादिवसेन च अनेकभेदभिन्ने जेय्ये

कमेन गय्हमाने तस्स अनवसेसपटिवेधो सम्भवति अपरियन्तभावतो जेय्यस्स । ये पन “अथस्स अविस्वादनतो जेय्यस्स एकदेसं पच्चक्खं कत्वा सेसेपि एवन्ति अधिमुच्चित्वा ववत्थापनेन सब्बञ्जू नाम भगवा जातो, तच्च जाणं न अनुमानिकं नाम संसयाभावतो । संसयानुबद्धज्झि जाणं लोके अनुमानिक”न्ति वदन्ति, तेसम्पि तं न युत्तमेव । सब्बस्स हि अप्पच्चक्खभावे अत्थाविस्वादानेन जेय्यस्स एकदेसं पच्चक्खं कत्वा सेसेपि एवन्ति अधिमुच्चित्वा ववत्थापनस्सेव असम्भवतो तथा असक्कुण्यत्ता च । यज्झि सेसं, तदपच्चक्खमेव, अथ तम्पि पच्चक्खं, तस्स सेसभावो एव न सिया, अपरियन्तभावतो जेय्यस्स तथाववत्थितुमेव न सक्काति ? सब्बमेतं अकारणं । कस्मा ? अविस्वयविचारणभावतो । वुत्तज्जेतं भगवता “बुद्धानं भिक्खवे, बुद्धविसयो अचिन्तेय्यो न चिन्तेतब्बो, यं चिन्तेन्तो उम्मादस्स विघातस्स भागी अस्सा”ति (अ० नि० १.४.७७) इदं पनेत्थ सन्निट्ठानं – यं किञ्चि भगवता आतुं इच्छितं, सकलमेकदेसो वा, तत्थ तत्थ अप्पटिहतवुत्तिताय पच्चक्खतो जाणं पवत्तति निच्चसमाधानञ्च विक्खेपाभावतो, आतुं इच्छितस्स च सकलस्स अविस्वयभावे तस्स आकङ्खापटिबद्धवुत्तिता न सिया, एकन्तेनेव सा इच्छितब्बा, सब्बे धम्मा बुद्धस्स भगवतो आवज्जनपटिबद्धा आकङ्खापटिबद्धा मनसिकारपटिबद्धा चित्तुप्पादपटिबद्धाति (महा० नि० ६९, १५६; चूळ० नि० ८५; पटि० म० ३.५) वचनतो । अतीतानागतविसयम्पि भगवतो जाणं अनुमानागमतक्कगहणविरहितत्ता पच्चक्खमेव ।

ननु च एतस्मिम्पि पक्खे यदा सकलं आतुं इच्छितं, तदा सक्कियेव सकलविसयताय अनिरूपितरूपेण भगवतो जाणं पवत्तेय्याति वुत्तदोसा नातिवत्तियेवाति ? न, तस्स विसोधितत्ता । विसोधितो हि सो बुद्धविसयो अचिन्तेय्योति । अज्जथा पचुरजनजाणसमानवुत्तिताय बुद्धानं भगवन्तानं जाणस्स अचिन्तेय्यता न सिया, तस्मा सकलधम्मारम्मणम्पि तं एकधम्मारम्मणं विय सुववत्थापितेयेव ते धम्मे कत्वा पवत्ततीति इदमेत्थ अचिन्तेय्यं, “यावतकं नेय्यं, तावतकं जाणं । यावतकं जाणं, तावतकं नेय्यं । नेय्यपरियन्तिकं जाणं, जाणपरियन्तिकं नेय्यं । नेय्यं अतिक्कमित्वा जाणं नप्पवत्तति, जाणं अतिक्कमित्वा नेय्यपथो नत्थि । अज्जमज्जपरियन्तट्ठायिनो ते धम्मा, यथा द्वित्रं समुगपटलानं सम्मा फुसितानं हेट्ठिमं समुगपटलं उपरिमं नातिवत्तति, उपरिमं समुगपटलं हेट्ठिमं नातिवत्तति । अज्जमज्जपरियन्तट्ठायिनो, एवमेव बुद्धस्स भगवतो नेय्यञ्च जाणञ्च अज्जमज्जपरियन्तट्ठायिनो...पे०... ते धम्मा”ति (महा० नि० ६९, १५६; चूळ० नि० ८५; पटि० म० ३.५) एवमेकज्झं, विसुं, सक्किं, कमेन वा

इच्छानुरूपं पवत्तस्स तस्स जाणस्स वसेन सम्मा सामञ्च सब्बधम्मनं बुद्धत्ता भगवा सम्मासम्बुद्धो नाम जातोति ।

अयं पनेत्थ अट्ठकथामुत्तको नयो – ठानाठानादीनि छब्बिसयाणि छहि जाणेहि जानता, यथाकम्मूपगे सत्ते चुतूपपातदिब्बचक्खुजाणेहि पस्सता, सवासनानमासवानं आसवक्खयजाणेन खीणत्ता अरहता, ज्ञानादिधम्मे संकिलेसवोदानवसेन सामंयेव अविपरीतावबोधतो सम्मासम्बुद्धेन, एवं दसबलजाणवसेन चतूहाकारेहि थोमितेन । अपिच तीसु कालेसु अप्पटिहतजाणताय जानता, तिण्णम्पि कम्मानं जाणानुपरिवत्तितो निसम्मकारिताय पस्सता, दवादीनं छन्नमभावसाधिकाय पहानसम्पदाय अरहता, छन्दादीनं छन्नमहानिहेतुभूताय अपरिक्खयपटिभानसाधिकाय सब्बज्जुताय सम्मासम्बुद्धेन, एवं अट्टारसावेणिकबुद्धधम्मवसेन (दी० नि० अट्ठ० ३.३०५) चतूहाकारेहि थोमितेनाति एवमादिना तेसं तेसं जाणदस्सनपहानबोधनत्थेहि सङ्गहितानं बुद्धगुणानं वसेन योजना कातब्बाति ।

चतुवेसारज्जं सन्धाय “चतूहाकारेही”ति वुत्तं । “थोमितेना”ति एतेन इमेसं “भगवता”ति पदस्स विसेसनतं दस्सेति । यदिपि हीनपणीतभेदेन दुविधाव अधिमुत्ति पाळियं वुत्ता, पवत्तिआकारवसेन पन अनेकभेदभिन्नावाति आह “नानाधिमुत्तिकता”ति । सा पन अधिमुत्ति अज्झासयधातुयेव, तदपि तथा तथा दस्सनं, खमनं, रोचनञ्चाति अत्थं विज्जापेति “नानज्झासयता”ति इमिना । तथा हि वक्खति “नानाधिमुत्तिकता नानज्झासयता नानादिट्ठिकता नानक्खन्तिता नानारुचिता”ति । “यावज्जिद”न्ति एतस्स “सुप्पटिविदिता”ति इमिना सम्बन्धो । तत्थ च इदन्ति पदपूरणमत्तं, “नानाधिमुत्तिकता”ति एतेन वा पदेन समानाधिकरणं, तस्सत्थो पन पाकटोयेवाति आह “याव च सुट्ठ पटिविदिता”ति ।

“या च अय”न्तिआदिना धातुसंयुत्तपाळिं दस्सेन्तो तदेव संयुत्तं मनसि करित्वा तेसं अवण्णवण्णभासनेन सद्धिं घटेत्वा थेरानमयं सद्धियधम्मो उदपादीति दस्सेति । अतो अस्स भगवतो धातुसंयुत्तदेसनानयेन तासं सुप्पटिविदितभावं समत्थनवसेन दस्सेतुं “अयं ही”तिआदिमाहाति अत्थो दट्ठब्बो । सुप्पटिविदितभावसमत्थनज्झि “अयं ही”तिआदिवचनं । तत्थ या अयं नानाधिमुत्तिकता...पे०... रुचिताति सम्बन्धो । धातुसोति अज्झासयधातुया । संसन्दन्तीति सम्बन्धेन्ति विस्सासेन्ति । समेन्तीति सम्मा, सह वा भवन्ति ।

“हीनाधिमुत्तिका”तिआदि तथाभावविभावनं। अतीतस्मि अद्धानन्ति अतीतस्मिं काले, अच्चन्तसंयोगे वा एतं उपयोगवचनं। नानाधिमुत्तिका-पदस्स नानज्झासयताति अत्यवचनं। नानादिट्ठि...पे०... रुचिताति तस्स सरूपदस्सनं। सस्सतादिलद्धिवसेन नानादिट्ठिकता। पापाचारकल्याणाचारादिपकतिवसेन नानकखन्तिता। पापिच्छाअप्पिच्छादिवसेन नानारुचिता। नाळियाति तुम्बेन, आळहकेन वा। तुलायाति मानेन। नानाधिमुत्तिकाजाणन्ति चेत्थ सब्बज्जुतज्जाणमेव अधिप्पेतं, न दसबलजाणन्ति आह “सब्बज्जुतज्जाणेना”ति। एवं आचरियधम्मपालत्थेरेन (दी० नि० टी० १.३) वुत्तं, अभिधम्मट्ठकथायं, दसबलसुत्तट्ठकथासु (म० नि० अट्ठ० १.१४९; अ० नि० अट्ठ० ३.१०.२१; विभं० अट्ठ० ८३१) च एवमागतं।

परवादी पनाह “दसबलजाणं नाम पाटियेक्कं नत्थि, सब्बज्जुतज्जाणस्सेवायं पभेदो”ति, तं तथा न दट्ठब्बं। अज्जमेव हि दसबलजाणं, अज्जं सब्बज्जुतज्जाणं। दसबलजाणज्झि सककिच्चमेव जानाति, सब्बज्जुतज्जाणं पन तस्मि ततो अवसेसस्मि जानाति। दसबलजाणेसु हि पठमं कारणाकारणमेव जानाति, दुतियं कम्मन्तरविपाकन्तरमेव, ततियं कम्मपरिच्छेदमेव, चतुत्थं धातुनान्तकारणमेव, पञ्चमं सत्तानमज्झासयाधिमुत्तिमेव, छट्ठं इन्द्रियानं तिकखमुदुभावमेव, सत्तमं ज्ञानादीहि सद्धिं तेसं संकिलेसादिमेव, अट्ठमं पुब्बेनिवुत्थकखन्धसन्ततिमेव, नवमं सत्तानं चुतिपटिसन्धिमेव, दसमं सच्चपरिच्छेदमेव, सब्बज्जुतज्जाणं पन एतेहि जानितब्बच्च ततो उत्तरिज्ज जानाति, एतेसं पन किच्चं न सब्बं करोति। तज्झि ज्ञानं हुत्वा अप्पेतुं न सक्कोति, इद्धि हुत्वा विकुब्बितुं न सक्कोति, मग्गो हुत्वा किलेसे खेपेतुं न सक्कोति। अपिच परवादी एवं पुच्छितब्बो “दसबलजाणं नाम एतं सवितक्कसविचारं अवितक्कविचारमत्तं अवितक्कअविचारं, कामावचरं रूपावचरं अरूपावचरं, लोकियं लोकुत्तर”न्ति। जानन्तो पटिपाटिया सत्त जाणानि “सवितक्कसविचारानी”ति वक्खति, ततो परानि द्वे “अवितक्कअविचारानी”ति वक्खति, आसवक्खयजाणं “सिया सवितक्कसविचारं, सिया अवितक्कविचारमत्तं, सिया अवितक्कअविचार”न्ति वक्खति, तथा पटिपाटिया सत्त कामावचरानि, ततो परं द्वे रूपावचरानि, अवसाने एकं “लोकुत्तर”न्ति वक्खति, सब्बज्जुतज्जाणं पन सवितक्कसविचारमेव, कामावचरमेव, लोकियमेवाति। इति अज्जदेव दसबलजाणं, अज्जं सब्बज्जुतज्जाणन्ति, तस्मा पञ्चमबलजाणसङ्घातेन नानाधिमुत्तिकाजाणेन च सब्बज्जुतज्जाणेन च विदिताति अत्थो वेदितब्बो। च-कारोपि हि पोत्थकेसु दिस्सति। साति यथावुत्ता नानाधिमुत्तिका। “द्वेपि नामा”तिआदिना

यथावुत्तसुत्तस्सत्थं सङ्खेपेन दस्सेत्वा “इमेसु चापी”तिआदिना तस्स सङ्खियधम्मस्स तदभिसम्बन्धतं आवि करोति । इति ह मेति एत्थ एवंसद्वत्थे इति-सद्दो, ह-कारो निपातमत्तं, आगमो वा । सन्धिवसेन इकारलोपो, अकारादेसो वाति दस्सेति “एवं इमे”ति इमिना ।

४. “विदित्वा”ति एत्थ पकतियत्थभूता विजाननकिरिया सामञ्जेन अभेदवतीपि समाना तंतंकरणयोग्यताय अनेकप्पभेदाति दस्सेतुं “भगवा ही”तिआदि वुत्तं । वत्थूनीति घरवत्थूनि । “सब्बञ्जुतञ्जाणेन दिस्वा अञ्जासी”ति च वोहारवचनमत्तमेतं । न हि तेन दस्सनतो अञ्जं जाननं नाम नत्थि । तदिदं जाणं आवज्जनपटिबद्धं आकङ्खापटिबद्धं मनसिकारपटिबद्धं चित्तुप्पादपटिबद्धं हुत्वा पवत्तति । किं नाम करोन्तो भगवा तेन जाणेन आवज्जनादिपटिबद्धेन अञ्जासीति सोतूनमत्थस्स सुविञ्जापनत्थं परम्मुखा विय चोदनं समुट्ठापेति “किं करोन्तो अञ्जासी”ति इमिना, पच्छिमयामकिच्चं करोन्तो तं जाणं आवज्जनादिपटिबद्धं हुत्वा तेन तथा अञ्जासीति वुत्तं होति । सामञ्जस्मिं सति विसेसवचनं सात्थकं सियाति अनुयोगेनाह “किच्चञ्चनामेत”न्तिआदि । अरहत्तमगेन समुग्धातं कतं तस्स समुट्ठापककिलेससमुग्घाटनेन, यतो “नत्थि अब्बावटमनो”ति अट्ठारससु बुद्धधम्मेषु वुच्चति । निरत्थको चित्तसमुदाचारो नत्थीति हेत्थ अत्थो । एवम्पि वुत्तानुयोगो तदवत्थोयेवाति चोदनमपनेति “तं पञ्चविध”न्तिआदिना । तत्थ पुरिमकिच्चद्वयं दिवसभागवसेन, इतरत्तयं रत्तिभागवसेन गहेतब्बं तथायेव वक्खमानत्ता ।

“उपट्ठाकानुगहणत्थं, सरीरफासुकत्थञ्चा”ति एतेन अनेककप्पसमुपचितपुञ्ज-सम्भारजनितं भगवतो मुखवरं दुग्गन्धादिदोसं नाम नत्थि, तदुभयत्थमेव पन मुखधोवनादीनि करोतीति दस्सेति । सब्बोपि हि बुद्धानं कायो बाहिरब्भन्तरेहि मलेहि अनुपक्विलिद्धो सुधोतमणि विय होति । विवित्तासनेति फलसमापत्तीनमनुरूपे विवेकानुब्रूहनासने । वीतिनामेत्वाति फलसमापत्तीहि वीतिनामनं वुत्तं, तम्पि न विवेकनिब्रताय, परेसञ्च दिट्ठानुगति आपज्जनत्थं । सुरत्तदुपट्ठं अन्तरवासकं विहारनिवासनपरिवत्तनवसेन निवासेत्वा विज्जुलतासदिसं कायबन्धनं बन्धित्वा मेघवण्णं सुगतचीवरं पारुपित्वा सेलमयपत्तं आदायाति अधिप्पायो । तथायेव हि तत्थ तत्थ वुत्तो । “कदाचि एकको”तिआदि तेसं तेसं विनेय्यानं विनयनानुकूलं भगवतो उपसङ्गमनदस्सनं । गामं वा निगमं वाति एत्थ वा-सद्दो विकप्पनत्थो, तेन नगरम्पि विकप्पेति । यथारुचि वत्तमानेहि अनेकेहि पाटिहारियेहि पविसतीति सम्बन्धो ।

“सेय्यथिद”न्तिआदिना पच्छिमपक्खं वित्तारेति । सेय्यथिदन्ति च तं कतमन्ति अत्थे निपातो, इदं वा सप्पाटिहीरपविसनं कतमन्तिपि वट्ठति । मुदुगतवाताति मुदुभूता, मुदुभावेन वा गता वाता । उदकफुसितानीति उदकबिन्दूनि । मुञ्चन्ताति ओसिञ्चन्ता । रेणुं वूपसमेत्वाति रजं सन्निसीदापेत्वा उपरि वितानं हुत्वा तिड्ठन्ति चण्ड-वातातप-हिमपातादि-हरणेन वितानकिच्चनिष्पादकत्ता, ततो ततो हिमवन्तादीसु पुप्फूपगरुक्खतो उपसंहरित्वाति अत्थस्स विज्जायमानत्ता तथा न वुत्तं । समभागकरणमत्तेन ओनमन्ति, उन्नमन्ति च, ततोयेव पादनिक्खेपसमये समाव भूमि होति । निदस्सनमत्तञ्चेतं सक्खरकथलकण्टकसङ्कुललादिअपगमनस्सापि सम्भवतो, तञ्च सुप्पतिट्ठितपादतालक्खणस्स निस्सन्दफलं, न इद्धिनिम्मानं । पदुमपुष्फानि वाति एत्थ वा-सद्दो विकप्पनत्थो, तेन “यदि यथावुत्तनयेन समा भूमि होति, एवं सति तानि न पटिग्गण्हन्ति, तथा पन असतियेव पटिग्गण्हन्ती”ति भगवतो यथारुचि पवत्तनं दस्सेति । सब्बदाव भगवतो गमनं पठमं दक्खिणपादुद्धरणसङ्घातानुब्यञ्जनपटिमण्डितन्ति आह “उपितमत्ते दक्खिणपादे”ति । बुद्धानं सब्बदक्खिणताय तथा वुत्तन्ति आचरियधम्मपालत्थेरो, (दी० नि० टी० १.४) आचरियसारिपुत्तत्थेरो (अ० नि० अट्ठ० १.५३) च वदति, सब्बेसं उत्तमताय एवं वुत्तन्ति अत्थो । एवं सति उत्तमपुरिसानं तथापकतितायाति आपज्जति । उपितमत्ते निक्खमित्वा धावन्तीति सम्बन्धो । इदञ्च यावदेव विनेय्यजनविनयनत्थं सत्थु पाटिहारियन्ति तेसं दस्सनट्ठानं सन्धाय वुत्तं । “छब्बणरस्मियो”ति वत्वापि “सुवण्णरसपिज्जरानि विया”ति वचनं भगवतो सरीरे पीताभाय येभुय्यतायाति दट्ठब्बं । “रस-सद्दो चेत्थ उदकपरियायो, पिज्जर-सद्दो हेमवण्णपरियायो, सुवण्णजलधारा विय सुवण्णवण्णानीति अत्थो”ति (सारत्थ टी० १.बुद्धाचिण्णकथा.२२) सारत्थदीपनियं वुत्तं । पासादकूटागारादीनि तेसु तेसु गामनिगमादीसु संविज्जमानानि अलङ्करोन्ति यो हुत्वा ।

“तथा”तिआदिना सयमेव धम्मतावसेन तेसं सद्दकरणं दस्सेति । तदा कायं उपगच्छन्तीति कायूपगानि, न यत्थ कत्थचि ठितानि । “अन्तरवीथि”न्ति इमिना भगवतो पिण्डाय गमनानुरूपवीथिं दस्सेति । न हि भगवा लोलुप्पचारपिण्डचारिको विय यत्थ कत्थचि गच्छति । ये पठमं गता, ये वा तदनुच्छविकं पिण्डपातं दातुं समत्था, ते भगवतोपि पत्तं गण्हन्तीति वेदितब्बं । पटिमानेन्तीति पतिस्समानसा पूजेन्ति, भगवन्तं वा पटिमानापेन्ति पटिमानन्तं करोन्ति । वोहारमत्तञ्चेतं, भगवतो पन अपटिमानना नाम नत्थि । चित्तसन्तानानीति अतीते, एतरहि च पवत्तचित्तसन्तानानि । यथा केचि अरहत्ते पतिट्ठहन्ति, तथा धम्मं देसेतीति सम्बन्धो । केचि पब्बजित्वाति च अरहत्तसमापन्नानं

पब्बज्जासङ्केपगतदस्सनत्थं, न पन गिहीनं अरहत्तसमापन्नतापटिक्खेपनत्थं । अयञ्चि अरहत्तप्पत्तानं गिहीनं सभावो, या तदहेव पब्बज्जा वा, कालं किरियावाति । तथा हि वुत्तं आयस्मता **नागसेनत्थेरेन** “विसमं महाराज, गिहिलिङ्गं, विसमे लिङ्गे लिङ्गदुब्बलताय अरहत्तं पत्तो गिही तस्मिंयेव दिवसे पब्बजति वा परिनिब्बायति वा नेसो महाराज, दोसो अरहत्तस्स, गिहिलिङ्गस्सेवेसो दोसो यदिदं लिङ्गदुब्बलता”ति (मि० प० ५.२.२) सब्बं वत्तब्बं । एत्थ च सप्पाटिहीरप्पवेसनसम्बन्धेनेव महाजनानुगहणं दस्सितं, अ-प्पाटिहीरप्पवेसनेन च पन “ते सुनिवत्था सुपारुता”तिआदिवचनं यथारहं सम्बन्धित्वा महाजनानुगहणं अत्थतो विभावेतब्बं होति । तम्पि हि पुरेभत्तकिच्चमेवाति । उपद्धानसाला चेत्थ **मण्डलमाळे** । तत्थ **गन्त्वा मण्डलमाळे**ति इध पाठो लिखितो । “गन्धमण्डलमाळे”तिपि (अ० नि० अट्ठ० १.५३) **मनोरथपूरणिया** दिस्सति, तट्टीकायञ्च “चतुज्जातियगन्धेन परिभण्डे मण्डलमाळे”ति वुत्तं । **गन्धकुटिं पविसती**ति च पविसनकिरियासम्बन्धताय, तस्समीपताय च वुत्तं, तस्मा पविसितुं गच्छतीति अत्थो दट्ठब्बो, न पन अन्तो तिट्ठतीति । एवञ्चि “अथ खो भगवा”तिआदिवचनं (दी० नि० १.४) सूपपन्नं होति ।

अथ खोति एवं गन्धकुटिं पविसितुं गमनकाले । उपद्धानेति समीपपदेसे । “**पादे पक्खालेत्वा पादपीठे ठत्वा भिक्खुसङ्घं ओवदती**”ति एत्थ पादे पक्खालेन्तोव पादपीठे तिट्ठन्तो ओवदतीति वेदितब्बं । एतदत्थंयेव हि भिक्खून् भत्तकिच्चपरियोसानं आगमयमानो निसीदि । **दुल्लभा सम्पत्तीति** सतिपि मनुस्सत्तपटिलाभे पतिरूपदेसवासइन्द्रियावेकल्लसद्धापटिलाभादयो सम्पत्तिसङ्घाता गुणा दुल्लभाति अत्थो । पोत्थकेसु पन “दुल्लभा सद्धासम्पत्ती”ति पाठो दिस्सति, सो अयुत्तोव । **तत्था**ति तस्मिं पादपीठे ठत्वा ओवदनकाले, तेसु वा भिक्खूसु, रत्तिया वसनं ठानं **रत्तिद्धानं**, तथा **दिवाठानं** । “**केची**”तिआदि तब्बिवरणं । **चातुमहाराजिकभवनन्ति** चातुमहाराजिकदेवलोके सुञ्जविमानानि सन्धाय वुत्तं । एस नयो **तावतिसभवनादीसुपि** । ततो भगवा गन्धकुटिं पविसित्वा पच्छाभत्तं तयो भागे कत्वा पठमभागे सचे आकङ्कति, दक्खिणेन पस्सेन सीहसेय्यं कप्पेति, सचे नाकङ्कति, बुद्धाचिण्णं फलसमापत्तिं समापज्जति, अथ यथाकालपरिच्छेदं ततो वुट्ठहित्वा दुतियभागे पच्छिमयामस्स ततियकोट्टासे विय लोकं वोलोकेति वेनेय्यानं आणपरिपाकं पस्सितुं, तेनाह “**सचे आकङ्कती**”तिआदि । **सीहसेय्यन्ति**आदीनमत्थो हेट्ठा वुत्तोव । यञ्चि अपुब्बं पदं अनुत्तानं, तदेव वण्णयिस्साम । सम्मा अस्सासितब्बोति गाहापनवसेन उपत्थम्भितब्बोति **समस्सासितो** । तादिसो कायो यस्साति तथा । धम्मस्सवनत्थं **सन्निपतति** । तस्सा परिसाय चित्ताचारं जत्वा कतभावं

सन्धायाह “सम्पत्तपरिसायअनुरूपेन पाटिहारियेना”ति । यत्थ धम्मं सह भासन्ति, सा धम्मसभा नाम । कालयुत्तन्ति “इमिस्सा वेलाय इमस्स एवं वत्तब्ब”न्ति तंतंकालानुरूपं । समययुत्तन्ति तस्सेव वेवचनं, अट्टप्पत्तिअनुरूपं वा समययुत्तं । अथ वा समययुत्तन्ति हेतुदाहरणेहि युत्तं । कालेन सापदेसज्झि भगवा धम्मं देसेति । कालं विदित्वा परिसं उय्योजेति, न याव समन्धकारा धम्मं देसेतीति अधिप्पायो । “समयं विदित्वा परिसं उय्योजेसी”तिपि कत्थचि परियायवचनपाठो दिस्सति, सो पच्छा पमादलिखितो ।

गत्तानीति कायोयेव अनेकावयवत्ता वुत्तो । “उत्तुं गण्हापेती”ति इमिना उत्तुगण्हापनत्थमेव ओसिज्चनं, न पन मलविकखालनत्थन्ति दस्सेति । न हि भगवतो काये रजोजल्लं उपलिम्पतीति । चतुज्जातिकेन गन्धेन परिभाविता कुटी गन्धकुटी । तस्सा परिवेणं तथा । फलसमापतीहि मुहुत्तं पटिसल्लीनो । ततो ततोति अत्तनो अत्तनो रत्तिट्ठानदिवाठानतो, उपगन्त्वा, समीपे वा ठानं उपट्ठानं, भजनं सेवनन्ति अत्थो । तत्थाति तस्मिं निसीदनट्ठाने, पुरिमयामे वा, तेसु वा भिक्खूसु ।

पज्झाकथनादिवसेन अधिप्पायं सम्पादेन्तो “दससहस्सिलोकधातू”ति एवं अवत्वा तस्सा अनेकावयवसङ्ग्रहणत्थं “सकलदससहस्सिलोकधातू”ति वुत्तं । पुरेभत्तपच्छाभत्तपुरिमयामेसु मनुस्सपरिसाबाहुल्लतो ओकासं अलभित्वा इदानी मज्झिमयामेयेव ओकासं लभमाना, भगवता वा कतोकासताय ओकासं लभमानाति अधिप्पायो । कीदिसं पन पुच्छन्तीति आह “यथाभिसङ्गतं अन्तमसो चतुरक्खरम्पी”ति । यथाभिसङ्गतन्ति अभिसङ्गतानुरूपं, तदनतिकम्प वा, एतेन यथा तथा अत्तनो पटिभानानुरूपं पुच्छन्तीति दस्सेति ।

पच्छाभत्तकालस्स तीसु भागेषु पठमभागे सीहसेय्याकप्पनं एकन्तं न होतीति आह “पुरेभत्ततो पट्टाय निसज्जाय पीळितस्स सरीरस्सा”ति । तेनेव हि पुब्बे “सचे आकङ्कती”ति तदा सीहसेय्याकप्पनस्स अनिबद्धता विभाविता । किलासुभावो किलमथो । सरीरस्स किलासुभावमोचनत्थं चङ्गमेन वीतिनामेति सीहसेय्यं कप्पेतीति सम्बन्धो । बुद्धचक्खुनाति आसयानुसयइन्द्रियपरोपरियत्तजाणसङ्घातेन पञ्चमछट्ठबलभूतेन बुद्धचक्खुना । तेन हि लोकवोलोकनबाहुल्लताय तं “बुद्धचक्खू”ति वुच्चति, इदञ्च पच्छिमयामे भगवतो बहुलं आचिण्णवसेन वुत्तं । अप्पेकदा अवसिट्ठबलजाणेहि, सब्बज्जुतज्जाणेनेव च भगवा तमत्थं साधेति ।

“पच्छिमयामकिच्चं करोन्तो अज्जासी”ति पुब्बे वुत्तमत्थं समत्थेन्तो “तस्मिं पन दिवसे”तिआदिमाह। बुद्धानं भगवन्तानं यत्थ कत्थचि वसन्तानं इदं पञ्चविधं किच्चं अविजहितमेव होति सब्बकालं सुप्पतिट्ठितसतिसम्पजज्जत्ता, तस्मा तदहेपि तदविजहनभावदस्सनत्थं इत्थं पञ्चविधकिच्चपयोजनन्ति दट्ठब्बं। चङ्कमन्ति तत्थ चङ्कमनानुरूपट्ठानं। चङ्कममानो अज्जासीति योजेतब्बं। पुब्बे वुत्ते अत्थद्वये पच्छिमत्थज्जेव गहेत्वा “सब्बज्जुतज्जाणं आरब्भा”ति वुत्तं। पुरिमत्थो हि पकरणाधिगतत्ता सुविज्जेय्योति।

“अथ खो भगवा तेसं भिक्खून् इमं सङ्खियधम्मं विदित्वा येन मण्डलमाळो, तेनुपसङ्कमी”ति अयं सावसेसपाठो, तस्मा एतं विदित्वा, एवं चिन्तेत्वा च उपसङ्कमीति अत्थो वेदितब्बोति दस्सेतुं “जत्वा च पनस्सा”तिआदि वुत्तं। तत्थ अस्स एतदहोसीति अस्स भगवतो एतं परिवितक्कनं, एसो वा चेतसो परिवितक्को अहोसि, लिङ्गविपल्लासोयं “एतदग्ग”न्तिआदीसु (अ० नि० १.१८८ आदयो) विय। सब्बज्जुतज्जाणकिच्चं न सब्बथा पाकटं। निरन्तरन्ति अनुपुब्बारोचनवसेन निब्बिवरं, यथाभासितस्स वा आरोचनवसेन निब्बिसेसं। भावनपुंसकज्जेतं। तं अट्ठप्पत्तिं कत्वाति तं यथारोचितं वचनं इमस्स सुत्तस्स उप्पत्तिकारणं कत्वा, इमस्स वा सुत्तस्स देसनाय उप्पन्नं कारणं कत्वातिपि अत्थो। अत्थ-सद्दो चेत्थ कारणे, तेन इमस्स सुत्तस्स अट्ठप्पत्तिकं निक्खेपं दस्सेति। द्वासट्ठिया ठानेसूति द्वासट्ठिदिट्ठिगतट्ठानेसु। अप्पटिवत्तिवन्ति समणेन वा ब्राह्मणेन वा देवेन वा मारेन वा ब्रह्मना वा केनचि वा लोकस्मिं अनिवत्तियं। सीहनादं नदन्तोति सेट्ठनादसङ्घातं अभीतनादं नदन्तो। यं पन लोकिया वदन्ति—

“उत्तरस्मिं पदे ब्यग्घपुङ्गवोसभकुज्जरा।

सीहसट्ठलनागाद्या, पुमे सेट्ठत्थगोचरा”ति।।

तं येभ्य्यवसेनाति दट्ठब्बं। सीहनादसदिसं वा नादं नदन्तो। अयमत्थो सीहनादसुत्तेन (अ० नि० २.६.६४; ३.१०.२१) दीपेतब्बो। यथा वा केसरो मिगराजा सहनतो, हननतो, च “सीहो”ति वुच्चति, एवं तथागतोपि लोकधम्मनं सहनतो, परप्पवादानं हननतो च “सीहो”ति वुच्चति। तस्मा सीहस्स तथागतस्स नादं नदन्तोतिपि अत्थो दट्ठब्बो। यथा हि सीहो सीहबलेन समन्नागतो सब्बत्थ विसारदो विगतलोमहंसो सीहनादं नदति, एवं तथागतसीहोपि तथागतबलेहि समन्नागतो अट्ठसु परिसासु विसारदो विगतलोमहंसो “इमे दिट्ठिट्ठाना”तिआदिना नयेन नानाविधदेसनाविलाससम्पन्नं सीहनादं

नदति । यं सन्धाय वुत्तं “सीहोति खो भिक्खवे, तथागतस्सेतं अधिवचनं अरहतो सम्मासम्बुद्धस्स । यं खो भिक्खवे, तथागतो परिसाय धम्मं देसेति, इदमस्स होति सीहनादस्मि”न्ति (अ० नि० ३.१०.२१) । “इमे दिट्ठिद्वाना”तिआदिका हि इध वक्खमानदेसनायेव **सीहनादो** । तेसं “वेदनापच्चया तण्हा”तिआदिना वक्खमाननयेन पच्चयाकारस्स समोधानम्मि वेदितब्बं । **सिनेरुं...पे०... विय चाति** उपमाद्वयेन ब्रह्मजालदेसनाय अनज्जसाधारणत्ता सुदुक्करतं दस्सेति । **सुवण्णकूटेनाति** सुवण्णमयपहरणोपकरणविसेसेन । रतननिकूटेन विय अगारं **अरहत्तनिकूटेन** ब्रह्मजालसुत्तन्तं निट्ठपेन्तो, **निकूटेनाति** च निट्ठानगतेन अच्चुगगतकूटेनाति अत्थो । इदञ्च अरहत्तफलपरियोसानत्ता सब्बगुणानं तदेव सब्बेसं उत्तरितरन्ति वुत्तं । पुरिमो पन मे-सद्दो देसनापेक्खोति परिनिब्बुतस्सापि मे सा देसना अपरभागे पच्चवस्ससहस्सानीति अत्थो युत्तो । सवनउग्गहणधारणवाचनादिवसेन परिचयं करोन्ते, तथा च पटिपन्ने निब्बानं सम्पापिका भविस्सतीति अधिप्पायो ।

यदग्गेन **येनाति** करणनिदेसो, तदग्गेन **तेना** तिपि दट्ठब्बं । एतन्ति “येन तेना”ति एतं पदद्वयं । **तत्थाति** हि तस्मिं मण्डलमाळेति अत्थो । **येनाति** वा भुम्मथे करणवचनं । **तेनाति** पन उपयोगत्थे । तस्मा **तत्थाति** तं मण्डलमाळन्तिपि वदन्ति । **उपसङ्गमीति** च उपसङ्गमन्तोति अत्थो पच्चुप्पन्नकालस्स अधिप्पेतत्ता, तदुपसङ्गमनस्स पन अतीतभावस्स सूचनतो “उपसङ्गमी”ति तक्कालापेक्खनवसेन अतीतपयोगो वुत्तो । एवञ्चि “उपसङ्गमित्वा”ति वचनं सूपपन्नं होति । इतरथा द्विन्नम्मि वचनानं अतीतकालिकत्ता तथावत्तब्बमेव न सिया । उपसङ्गमनस्स च गमनं, उपगमनञ्चाति द्विधा अत्थो, इध पन गमनमेव । सम्पत्तुकामताय हि यं किञ्चि ठानं गच्छन्तो तं तं पदेसातिक्कमनवसेन “तं ठानं उपसङ्गमि उपसङ्गमन्तो”ति वत्तब्बतं लभति, तेनाह “**तत्थ गतो**”ति, तेन उपगमनत्थं निवत्तेति । यञ्चि ठानं पत्तुमिच्छन्तो गच्छति, तं पत्ततायेव “उपगमन”न्ति वुच्चति । यमेत्थ न संवण्णितं “**उपसङ्गमित्वा**”ति पदं, तं उपसङ्गमनपरियोसानदीपनं । अथ वा **गतोति** उपगतो । अनुपसग्गोपि हि सद्दो सउपसग्गो विय अत्थन्तरं वदति सउपसग्गोपि अनुपसग्गो वियाति । अतो “**उपसङ्गमित्वा**”ति पदस्स एवं उपगतो ततो आसन्नतरं भिक्खूनं समीपसङ्घातं पज्जं वा कथेतुं, धम्मं वा देसेतुं सककुण्ण्यद्वानं उपगन्त्वाति अत्थो वेदितब्बो । अपिच **येनाति** हेतुम्हि करणवचनं । येन कारणेन भगवता सो मण्डलमाळो उपसङ्गमितब्बो, तेन कारणेन उपसङ्गमीति अत्थो । कारणं पन “इमे भिक्खू”तिआदिना अट्ठकथायं वुत्तमेव ।

पञ्जते आसने निसीदीति एत्थ केनिदं पञ्जतन्ति अनुयोगे सति भिक्खूहीति दस्सेतुं “बुद्धकाले किरा”तिआदिमाह । तत्थ बुद्धकालेति धरमानस्स भगवतो काले । विसेसन्ति यथालब्धतो उत्तरि ज्ञानमग्गफलं । अथाति संसयत्थे निपातो, यदि पस्सतीति अत्थो । वितक्कयमानं नं भिक्खुन्ति सम्बन्धो, तथा ततो पस्सनहेतु दस्सेत्वा, ओवदित्वाति च । अनमतगेति अनादिमति । आकासं उप्पतित्वाति आकासे उगगन्त्वा । ईदिसेसु हि भुम्मत्थो एव युज्जतीति उदानङ्कथायं वुत्तं । भारोति तङ्कणेयेव भगवतो अनुच्छविकासनस्स दुल्लभत्ता गरुक्कम् । फलकन्ति निसीदनत्थाय कतं फलं । कङ्कन्ति निसीदनयोग्यं फलकतो अज्जं दारुक्खन्धं । सङ्गहित्वाति संहरित्वा । तत्थाति पुराणपण्णेषु, केवलं तेसु एव निसीदितुमननुच्छविकत्ता तथा वुत्तं, तत्थाति वा तेसु पीठादीसु । एवं सति सङ्गहित्वा पञ्जपेत्तीति अत्थवसा विभत्तिं विपरिणामेत्वा सम्बन्धो । पण्णोदेत्वाति यथाठितं रजोजल्लादि-संकिण्णमननुरूपन्ति तब्बिसोधनत्थं सञ्चालेत्वा । “अम्हाकं ईदिसा कथा अज्जतरिस्सा देसनाय कारणं भवितुं युत्ता, अवस्सं भगवा आगमिस्सती”ति जत्वा यथानिसीदनं सन्धाय एवं वुत्तं । एत्थ च “इधागतो समणो वा ब्राह्मणो वा तावकालिकं गण्हित्वा परिभुज्जतू”ति रज्जा ठपितं, तेन च आगतकाले परिभुत्तं आसनं रज्जो निसीदनासनन्ति वेदितब्बं । न हि तथा अट्ठपितं भिक्खूहि परिभुज्जितुं, भगवतो च पञ्जपेतुं वट्ठति । तस्मा तादिसं रज्जो निसीदनासनं पाळियं कथितन्ति दस्सेतुं “तं सन्धाया”तिआदि वुत्तं । अधिमुत्तिजाणन्ति च सत्तानं नानाधिमुत्तिकतारम्मणं सब्बज्जुतज्जाणं, बलजाणञ्च, वुत्तोवायमत्थो ।

“निसज्जा”ति इदं निसीदनपरियोसानदीपनन्ति दस्सेति “एव”न्तिआदिना । “तेसं भिक्खून् इमे सङ्खियधम्मं विदित्वा”ति वुत्तत्ता जानन्तोयेव पुच्छीति अयमत्थो सिद्धोति आह “जानन्तोयेवा”ति । असति कथावत्थुम्हि तदनुरूपा उपरूपरि वत्तब्बा विसेसकथा न समूपब्रूहतीति कथासमुद्धानत्थं पुच्छनं वेदितब्बं । नु-इति पुच्छन्त्ये । अस-सद्दो पवत्तन्त्येति वुत्तं “कतमाय नु...पे०... भवथा”ति । एत्थाति एतस्मिं ठाने सन्धिवसेन उकारस्स ओकारादेसोव, न पठमाय पाळिया अत्थतो विसेसोति दस्सेति “तस्सापि पुरिमोयेव अत्थो”ति इमिना । पुरिमोयेवत्थोति च “कतमाय नु भवथा”ति एवं वुत्तो अत्थो ।

“का च पना”ति एत्थ च-सद्दो ब्यतिरेके “यो च बुद्धञ्च धम्मञ्च, सङ्गञ्च सरणं गतो”तिआदीसु विय । ब्यतिरेको च नाम पुब्बे वुत्तत्थापेक्खको विसेसातिरेकत्थो, सो च तं पुब्बे यथापुच्छिताय कथाय वक्खमानं विप्पकतभावसङ्घातं ब्यतिरेकत्थं जोतेति । पन-सद्दो

वचनालङ्कारो । तादिसो पन अत्थो सदसत्थतोव सुविज्जेय्योति कत्वा तदज्जेसमेव अत्थं दस्सेतुं **“अन्तराकथाति कम्मट्टान...पे०... कथा”**तिआदिमाह । कम्मट्टानमनसिकारउद्देसपरिपुच्छादयो समणकरणीयभूताति अन्तरासद्देन अपेक्खिते करणीयविसेसे सम्बन्धापादानभावेन वत्तब्बे तेसमेव वत्तब्बरूपत्ता **“कम्मट्टानमनसिकारउद्देसपरिपुच्छादीन”**न्ति वुत्तं । याय हि कथाय ते भिक्खू सन्निसिन्ना, सा एव अन्तराकथा विप्पकता विसेसेन पुन पुच्छीयति, न तदज्जे कम्मट्टानमनसिकारउद्देसपरिपुच्छादयोति । अन्तरासद्दस्स अज्जत्थमाह **“अज्जा, एका”**ति च । परियायवचनज्जेतं पदद्वयं । यस्मा अज्जत्थे अयं अन्तरासद्दो **“भूमन्तरं, समयन्तरं”**न्तिआदीसु विय । तस्मा **“कम्मट्टानमनसिकारउद्देसपरिपुच्छादीन”**न्ति निस्सक्कत्थे सामिवचनं दट्ठब्बं । वेमज्झे वा अन्तरासद्दो, सा पन तेसं वेमज्जभूतत्ता अज्जायेव, तेहि च असम्मिस्सत्ता विसुं एकायेवाति अधिप्पायं दस्सेतुं **“अज्जा, एका”**ति च वुत्तं । पकारेन करणं **पक्तो**, ततो विगता, विगतं वा पक्तं यस्साति **विप्पकता**, अपरिनिद्धिता । **सिखन्ति** परियोसानं । अयं पन तदभिसम्बन्धवसेन उत्तरि कथेतुकम्यतापुच्छा, तं सन्धायाह **“नाह”**न्तिआदि । **कथाभङ्गत्थन्ति** कथाय भज्जनत्थं । अत्थतो आपन्नत्ता **सब्बज्जुपवारणं पवारेति** । अनिय्यानिकत्ता सग्गमोक्खमग्गानं तिरच्छानभूता कथा **तिरच्छानकथा** । **तिरच्छानभूताति** च तिरोकरणभूता, विबन्धनभूताति अत्थो । **आदि-सद्देन** चेत्थ चोरमहामत्तसेनाभयकथादिकं अनेकविहितं निरत्थककथं सङ्गण्हाति । अयं कथा एवाति अन्तोगधावधारणतं, अज्जत्थापोहनं वा सन्धाय चेतं वुत्तं । **अथाति** तस्सा अविप्पकतकालेयेव । **“तं नो”**तिआदिना अत्थतो आपन्नमाह । एस नयो ईदिसेसु । ननु च तेहि भिक्खूहि सा कथा **“इति ह मे”**तिआदिना यथाधिप्पायं निट्ठापितायेवाति ? न निट्ठापिता भगवतो उपसङ्कमनेन उपच्छिन्नत्ता । यदि हि भगवा तस्मिं खणे न उपसङ्कमेय्य, भिय्योपि तप्पटिबद्धायेव तथा पवत्तेय्युं, भगवतो उपसङ्कमनेन पन न पवत्तेसुं, तेनेवाह **“अयं नो...पे०... अनुपत्तो”**ति ।

इदानीं निदानस्स, निदानवण्णनाय वा परिनिद्धितभावं दस्सेन्तो तस्स भगवतो वचनस्सानुकूलभावम्पि समत्थेतुं **“एत्तावता”**तिआदिमाह । **एत्तावताति** हि एत्तकेन **“एवं मे सुत”**न्तिआदिवचनक्कमेन यं निदानं भासितन्ति वा एत्तकेन **“तत्थ एवन्ति निपातपद”**न्तिआदिवचनक्कमेन अत्थवण्णना समत्ताति वा द्विधा अत्थो दट्ठब्बो । **“कमल...पे०... सलिलाया”**तिआदिना पन तस्स निदानस्स भगवतो वचनस्सानुकूलभावं दीपेति । तत्थ **कमलकुवलयुज्जलविमलसाधुरससलिलायाति** कमलसङ्घातेहि

पदुमपुण्डरीकसेतुप्पलरत्तुप्पलेहि चेव कुवलयसङ्घातेन नीलुप्पलेन च उज्जलविमलसाधुरससलिलवतिया । **निम्मलसिलातलरचनविलाससोभितरतनसोपानन्ति** निम्मलेन सिलातलेन रचनाय विलासेन लीलाय सोभितरतनसोपानवन्तं, निम्मलसिलातलेन वा रचनविलासेन, सुसङ्घतकिरियासोभेन च सोभितरतनसोपानं, विलाससोभितसद्देहि वा अतिविय सोभितभावो वुत्तो । **विप्पकिण्णमुत्तातलसदिसवालुकाचुण्णपण्डरभूमिभागन्ति** विविधेन पकिण्णाय मुत्ताय तलसदिसानं वालुकानं चुण्णेहि पण्डरवण्णभूमिभागवन्तं । **सुविभत्तभित्तिविचित्रवेदिकापरिक्खित्तस्साति** सुद्ध विभत्ताहि भित्तीहि विचित्रस्स, वेदिकाहि परिक्खित्तस्स च । उच्चतरेन नक्खत्तपथं आकासं फुसितुकामताय विय, विजम्भितसद्देन चेतस्स सम्बन्धो । **विजम्भितसमुत्तयस्साति** विक्कीळनसमूहवन्तस्स । **दन्तमयसण्हमुत्तुफलक-कञ्चनलताविनद्धमणिगणप्पभासमुदयुज्जलसोभन्ति** दन्तमये अतिविय सिनिद्धफलके कञ्चनमयाहि लताहि विनद्धानं मणीनं गणप्पभासमुदायेन समुज्जलसोभासम्पन्नं । **सुवण्णवलयनपुरादिसङ्घट्टनसद्वसम्मिस्सितकथितहसितमधुरस्सरगेहजनविचरितस्साति** सुवण्णमय-नियुरपादकटकादीनं अञ्जमञ्जं सङ्घट्टनेन जनितसद्देहि सम्मिस्सितकथितसरहसितसरसङ्घातेन मधुरस्सरेन सम्पन्नानं गेहनिवासीनं नरनारीनं विचरितद्वानभूतस्स । **उळारिस्सरियविभवसोभितस्साति** उळारतासम्पन्नजनइस्सरियसम्पन्नजनविभवसम्पन्नजनेहि, तन्निवासीनं वा नरनारीनं उत्तमाधिपच्चभोगेहि सोभितस्स । **सुवण्णरजतमणिमुत्तापवाळादि-जुतिविस्सरविज्जोतितसुप्पतिट्टितविसाल** द्वारबाहन्ति सुवण्णरजतनानामणिमुत्तापवाळादीनं जुतीहि पभस्सरविज्जोतितसुप्पतिट्टितवित्थतद्वारबाहं ।

तिविधसीलादिदस्सनवसेन बुद्धस्स गुणानुभावं सम्मा सूचेतीति **बुद्धगुणानुभावसंसूचकं**, तस्स । कालो च देसो च देसको च वत्थु च परिसा च, तासं अपदेसेन निदस्सनेन पटिमण्डितं तथा ।

किमत्थं पनेत्थ धम्मविनयसङ्गहे करियमाने निदानवचनं वुत्तं, ननु भगवता भासितवचनस्सेव सङ्गहो कातब्बोति ? वुच्चते – देसनाय ठितिअसम्मोससद्धेय्यभावसम्पादनत्थं । कालदेसदेसकवत्थुपरिसापदेसेहि उपनिबन्धित्वा ठपिता हि देसना चिरट्टितिका होति, असम्मोसधम्मा, सद्धेय्या च देसकालवत्थुहेतुनिमित्तेहि उपनिबन्धो विय वोहारविनिच्छयो, तेनेव चायस्मता महाकरसपेन “ब्रह्मजालं आवुसो आनन्द कत्थ भासित”न्तिआदिना (चूळ० व० ४३९) देसादिपुच्छासु कतासु तासं

विस्सज्जनं करोन्तेन धम्मभण्डागारिकेन आयस्मता आनन्दत्थेरेन निदानं भासितन्ति तदेविधापि वुत्तं “कालदेसदेसकवत्थुपरिसापदेसपटिमण्डितं निदानं”न्ति ।

अपिच सत्थुसम्पत्तिपकासनत्थं निदानवचनं । तथागतस्स हि भगवतो पुब्ब-रचना-नुमानागम-तक्काभावतो सम्मासम्बुद्धत्तसिद्धि । सम्मासम्बुद्धभावेन हिस्स पुरेतरं रचनाय, “एवमि नाम भवेय्या”ति अनुमानस्स, आगमन्तरं निस्साय परिचितक्कस्स च अभावो सब्बत्थ अप्पटिहतजाणचारताय एकप्पमाणत्ता जेय्यधम्मेषु । तथा आचरियमुट्ठिधम्ममच्छरियसासनसावकानुरोधभावतो खीणासवत्तसिद्धि । खीणासवताय हि आचरियमुट्ठिआदीनमभावो, विसुद्धा च परानुगहप्पवत्ति । इति देसकसंकिलेसभूतानं दिट्ठिसीलसम्पत्तिदूसकानं अविज्जातण्हानं अभावसंसूचकेहि, जाणप्पहानसम्पदाभिब्यञ्जनकेहि च सम्बुद्धविसुद्धभावेहि पुरिमवेसारज्जद्वयसिद्धि । ततोयेव च अन्तराधिकनिय्यानिकेसु सम्मोहाभावसिद्धितो पच्छिमवेसारज्जद्वयसिद्धीति भगवतो चतुवेसारज्जसमन्नागमो, अत्तहितपरहितपटिपत्ति च निदानवचनेन पकासिता होति सम्पत्तपरिसाय अज्झासयानुरूपं ठानुप्पत्तिकपटिभानेन धम्मदेसनादीपनतो, “जानता पस्सता”तिआदिवचनतो च, तेन वुत्तं “सत्थुसम्पत्तिपकासनत्थं निदानवचनं”न्ति ।

अपिच सासनसम्पत्तिपकासनत्थं निदानवचनं । जाणकरुणापरिगहितसब्बकिरियस्स हि भगवतो नत्थि निरत्थिका पवत्ति, अत्तहितत्था वा, तस्मा परेसंयेव हिताय पवत्तसब्बकिरियस्स सम्मासम्बुद्धस्स सकलम्पि कायवचीमनोकम्मं यथापवत्तं वुच्चमानं दिट्ठधम्मिकसम्परायिकपरमत्थेहि यथारहं सत्तानं अनुसासनट्ठेन सासनं, न कब्बरचना । तयिदं सत्थु चरितं कालदेसदेसकवत्थुपरिसापदेसेहि सद्धिं तत्थ तत्थ निदानवचनेहि यथासम्भवं पकासीयति । अथ वा सत्थुनो पमाणभावप्पकासनेन सासनस्स पमाणभावप्पकासनत्थं निदानवचनं, तज्जस्स पमाणभावदस्सनं “भगवा”ति इमिना तथागतस्स गुणविसिद्धसब्बसत्तुत्तमभावदीपनेन चेव “जानता पस्सता”तिआदिना आसयानुसयजाणादिपयोगदीपनेन च विभावितं होति, इदमेत्थ निदानवचनपयोजनस्स मुखमत्तनिदस्सनं । को हि समत्थो बुद्धानुबुद्धेन धम्मभण्डागारिकेन भासितस्स निदानस्स पयोजनानि निरवसेसतो विभावितुन्ति । होन्ति चेत्थ --

“देसनाचिरट्ठितत्थं, असम्मोसाय भासितं ।

सद्धाय चापि निदानं, वेदेहेन यसस्सिना ।।

सत्थुसम्पत्तिया चेव, सासनसम्पदाय च ।
तस्स पमाणभावस्स, दस्सनत्थम्पि भासित'न्ति ।।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय
सुविमलविपुलपञ्जावेय्यत्तियजननाय अज्जवमद्वसोरच्चसद्धासतिधितिबुद्धिखन्ति-
वीरियादिधम्मसमङ्गिना साट्ठकथे पिटकत्तये असङ्गासंहीरविसारदजाणचारिना अनेकप्पभेद-
सकसमयसमयन्तरगहनज्झोगाहिना महागणिना महावेय्याकरणेन
जाणाभिवंसधम्मसेनापतिनामथेरेन महाधम्मराजाधिराजगरुना कताय साधुविलासिनिया नाम
लीनत्थपकासिनिया अब्भन्तरनिदानवण्णनाय लीनत्थपकासना ।

निदानवण्णना निड्डिता ।

५. एवं अब्भन्तरनिदानसंवण्णनं कत्वा इदानीं यथानिक्खित्तस्स सुत्तस्स संवण्णनं
करोन्तो अनुपुब्बाविरोधिनी संवण्णना कमानतिकमनेन ब्याकुलदोसप्पहायिनी, विज्जूनञ्च
चित्ताराधिनी, आगतभारो च अवस्सं आवहितब्बोति संवण्णकस्स सम्पत्तभारावहनेन
पण्डिताचारसमतिक्रमाभावविभाविनी, तस्मा तदाविकरणसाधकं संवण्णनोकासविचारणं
कातुमाह “इदानी”तिआदि । निक्खित्तस्साति देसितस्स, “देसना निक्खेपो”ति हि एतं
अत्थतो भिन्नम्पि सरूपतो एकमेव, देसनापि हि देसेतब्बस्स सीलादिअत्थस्स वेनेय्यसन्तानेसु
निक्खिपनतो “निक्खेपो”ति वुच्चति । ननु सुत्तमेव संवण्णीयतीति आह “सा
पनेसा”तिआदि । इदं वुत्तं होति – सुत्तनिक्खेपं विचारेत्वा वुच्चमाना संवण्णना “अयं
देसना एवंसमुद्धाना”ति सुत्तस्स सम्मदेव निदानपरिज्ज्ञानेन तब्बण्णनाय सुविज्जेय्यत्ता
पाकटा होति, तस्मा तदेव साधारणतो पठमं विचारयिस्सामाति । या हि सा कथा
सुत्तत्थसंवण्णनापाकटकारिनी, सा सब्बापि संवण्णकेन वत्तब्बा । तदत्थविजाननुपायत्ता च
सा परियायेन संवण्णनायेवाति । इध पन तस्मिं विचारिते यस्सा अट्ठप्पत्तिया इदं सुत्तं
निक्खित्तं, तस्सा विभागवसेन “ममं वा भिक्खवे”तिआदिना, (दी० नि० १.५)
“अप्पमत्तकं खो पनेत”न्तिआदिना, (दी० नि० १.७) “अत्थि भिक्खवे”तिआदिना
(दी० नि० १.२८) च वुत्तानं सुत्तपदेसानं संवण्णना वुच्चमाना
तंतंअनुसन्धिदस्सनसुखताय सुविज्जेय्याति दट्ठब्बं । तत्थ यथा अनेकसतअनेकसहस्सभेदानिपि
सुत्तन्तानि संकिलेसभागियादिसासनपट्टाननयेन सोळसविधभावं नातिवत्तन्ति, एवं
अत्तज्झासयादि-सुत्त-निक्खेपवसेन चतुब्बिधभावन्ति आह “चत्तारो सुत्तनिक्खेपो”ति । ननु

संसग्गभेदोपि सम्भवति, अथ कस्मा “चत्तारो सुत्तनिकखेपा”ति वुत्तन्ति ? संसग्गभेदस्स सब्बत्थ अलब्भमानत्ता । अत्तज्झासयस्स, हि अट्ठप्पत्तिया च परज्झासयपुच्छावसिकेहि सद्धिं संसग्गभेदो सम्भवति । “अत्तज्झासयो च परज्झासयो च, अत्तज्झासयो च पुच्छावसिको च, अत्तज्झासयो च परज्झासयो च पुच्छावसिको च, अट्ठप्पत्तिको च परज्झासयो च अट्ठप्पत्तिको च पुच्छावसिको च, अट्ठप्पत्तिको च परज्झासयो च पुच्छावसिको चा”ति अज्झासयपुच्छानुसन्धिसम्भावतो । अत्तज्झासयट्ठप्पत्तीनं पन अज्जमज्जं संसग्गो नत्थि, तस्मा निरवसेसं पत्थारनयेन संसग्गभेदस्स अलब्भनतो एवं वुत्तन्ति दट्ठब्बं ।

अथ वा अट्ठप्पत्तिया अत्तज्झासयेनपि सिया संसग्गभेदो, तदन्तो गधत्ता पन संसग्गवसेन वुत्तानं सेसनिकखेपानं मूलनिकखेपेयेव सन्धाय “चत्तारो सुत्तनिकखेपा”ति वुत्तं । इमस्मिं पन अत्थविकप्पे यथारहं एककदुकतिकचतुकवसेन सासनपट्टाननयेन सुत्तनिकखेपा वत्तब्बाति नयमत्तं दस्सेतीति वेदितब्बं । तत्रायं वचनत्थो – निक्खिपनं कथनं **निक्खेपो**, सुत्तस्स निक्खेपो **सुत्तनिकखेपो**, सुत्तदेसनाति अत्थो । निक्खिपीयतीति वा **निक्खेपो**, सुत्तमेव निक्खेपो **सुत्तनिकखेपो** । अत्तनो अज्झासयो **अत्तज्झासयो**, सो अस्स अत्थि कारणवसेनाति **अत्तज्झासयो**, अत्तनो अज्झासयो वा एतस्स यथावुत्तनयेनाति **अत्तज्झासयो** । परज्झासयेपि एसेव नयो । पुच्छाय वसो **पुच्छावसो**, सो एतस्स अत्थि यथावुत्तनयेनाति **पुच्छावसिको** । अरणीयतो अवगन्तब्बतो **अत्थो** वुच्चति सुत्तदेसनाय वत्थु, तस्स उप्पत्ति अत्थुप्पत्ति, सा एव **अट्ठप्पत्ति** त्थ-कारस्स ड्ठ-कारं कत्वा, सा एतस्स अत्थि वुत्तनयेनाति **अट्ठप्पत्तिको** । अपिच निक्खिपीयति सुत्तमेतेनाति **निक्खेपो**, अत्तज्झासयादिसुत्तदेसनाकारणमेव । एतस्मिं पन अत्थविकप्पे अत्तनो अज्झासयो **अत्तज्झासयो** । परेसं अज्झासयो **परज्झासयो** । पुच्छीयतीति **पुच्छा**, पुच्छितब्बो अत्थो । तस्सा पुच्छाय वसेन पवत्तं धम्मपटिग्गाहकानं वचनं पुच्छावसिकं । तदेव निक्खेपसद्दापेक्खाय पुल्लिङ्गवसेन वुत्तं “**पुच्छावसिको**”ति । वुत्तनयेन अट्ठप्पत्तियेव **अट्ठप्पत्तिको**ति एवं अत्थो दट्ठब्बो ।

एत्थ च परेसं इन्द्रियपरिपाकादिकारणं निरपेक्खित्वा अत्तनो अज्झासयेनेव धम्मतन्तिठपनत्थं पवत्तितदेसनत्ता अत्तज्झासयस्स विसुं निक्खेपभावो युत्तो । तेनेव वक्खति “अत्तनो अज्झासयेनेव कथेती”ति (दी० नि० अट्ठ० १.५) । परज्झासयपुच्छावसिकानं पन परेसं अज्झासयपुच्छानं देसनानिमित्तभूतानं उप्पत्तियं पवत्तत्ता कथं अट्ठप्पत्तिके अनवरोधो सिया, पुच्छावसिकट्ठप्पत्तिकानं वा परज्झासयानुरोधेन पवत्तितदेसनत्ता कथं

परज्झासये अनवरोधो सियाति न चोदेतब्बमेतं । परेसज्झि अभिनीहारपरिपुच्छादिविनिमुत्तस्सेव सुत्तदेसनाकारणुप्पादस्स अट्ठप्पत्तिवसेन गहितत्ता परज्झासयपुच्छावसिकानं विसुं गहणं । तथा हि धम्मदायादसुत्तादीनं (म० नि० १.२९) आमिसुप्पादादिदेसनानिमित्तं “अट्ठप्पत्ती”ति वुच्चति । परेसं पुच्छं विना अज्झासयमेव निमित्तं कत्वा देसितो परज्झासयो । पुच्छावसेन देसितो पुच्छावसिकोति पाकटोवायमत्थो ।

अनज्झिद्वेति पुच्छादिना अनज्झेसितो अयाचितो, अत्तनो अज्झासयेनेव कथेति धम्मतन्तिठपनत्थन्ति अधिप्पायो । हारोति आवळि यथा “मुत्ताहारो”ति, स्वेव हारको, सम्मप्पधानसुत्तन्तानं हारको तथा । अनुपुब्बेन हि संयुत्तके निदिद्वानं सम्मप्पधानपटिसंयुत्तानं सुत्तन्तानं आवळि “सम्मप्पधानसुत्तन्तहारको”ति वुच्चति, तथा इद्धिपादहारकादि । इद्धिपादइन्द्रियबलबोज्झमगगसुत्तन्तहारकोति पुब्बपदेसु परपदलोपो, द्वन्द्वगब्भसमासो वा एसो, पेय्यालनिद्देसो वा । तेसन्ति यथावुत्तसुत्तानं ।

परिपक्काति परिणता । विमुत्तिपरिपाचनीयाति अरहत्तफलं परिपाचेन्ता सद्धिन्द्रियादयो धम्मा । खवेति खयनत्थं, खयकारणभूताय वा धम्मदेसनाय । अज्झासयन्ति अधिमुत्तिं । खन्तिन्ति दिद्धिनिज्झानक्खन्तिं । मनन्ति चित्तं । अभिनीहारन्ति पणिधानं । बुज्जनभावन्ति बुज्जनसभावं, बुज्जनाकारं वा । अवेक्खित्वाति पच्चवेक्खित्वा, अपेक्खित्वा वा ।

चत्तारो वण्णाति चत्तारि कुलानि, चत्तारो वा रूपादिपमाणा सत्ता । महाराजानोति चत्तारो महाराजानो देवा । वुच्चन्ति किं, पञ्चुपादानक्खन्धा किन्ति अत्थो ।

कस्माति आह “अट्ठप्पत्तियं ही”तिआदि । वण्णावण्णेति निमित्ते भुम्भं, वण्णसद्देन चेत्थ “अच्छरियं आवुसो”तिआदिना (दी० नि० १.४) भिक्खुसङ्घेन वुत्तोपि वण्णो सङ्गहितो । तम्पि हि अट्ठप्पत्तिं कत्वा “अत्थि भिक्खवे अज्जे धम्मा”तिआदिना (दी० नि० १.२८) उपरि देसनं आरभिस्सति । तदेव विवरति “आचरियो”तिआदिना । “ममं वा भिक्खवे, परे वण्णं भासेय्यु”न्ति इमिस्सा देसनाय ब्रह्मदत्तेन वुत्तं वण्णं अट्ठप्पत्तिं कत्वा देसितत्ता आह “अन्तेवासी वण्ण”न्ति । इदानीं पाळिया सम्बन्धं दस्सेतुं “इत्ती”तिआदि वुत्तं । देसनाकुसलोति “इमिस्सा अट्ठप्पत्तिया अयं देसना सम्भवती”ति देसनाय कुसलो, एतेन पकरणानुगुणं भगवतो थोमनमकासि । एसा हि संवण्णनकानं पकति, यदिदं तत्थ तत्थ पकरणाधिगतगुणेन भगवतो थोमना । वा-सद्दो चेत्थ

उपमानसमुच्चयसंसयवचनवोस्सग्गपदपूरणसदिसविकप्पादीसु बहूस्वत्थेसु दिस्सति । तथा हेस “पण्डितोवापि तेन सो”तिआदीसु उपमाने दिस्सति, सदिसभावेति अत्थो । “तं वापि धीरा मुनिं पवेदयन्ती”तिआदीसु (सु० नि० २१३) समुच्चये । “के वा इमे कस्स वा”तिआदीसु (पारा० २९६) संसये । “अयं वा (अयञ्च) (दी० नि० १.१८१) इमेसं समणब्राह्मणानं सब्बबालो सब्बमूळ्हो”तिआदीसु (दी० नि० १.१८१) वचनवोस्सग्गे । “न वायं कुमारको मत्तमज्जासी”तिआदीसु (सं० नि० १.२.१५४) पदपूरणे । “मधुं वा मज्जति बालो, याव पापं न पच्चती”तिआदीसु (ध० प० ६९) सदिसे । “ये हि केचि भिक्खवे, समणा वा ब्राह्मणा वा”तिआदीसु (म० नि० १.१७०; सं० नि० ३.५.१०९२) विकप्पे । इधापि विकप्पेयेव । मम वा धम्मस्स वा सङ्गस्स वाति विविधा विसुं विकप्पनस्स जोतकत्ताति आह “वा-सद्दो विकप्पनत्थो”ति । पर-सद्दो पन अत्थेव अज्जत्थो “अहज्जेव खो पन धम्मं देसेय्यं, परे च मे न आजानेय्यु”न्तिआदीसु (दी० नि० २.६४; म० नि० १.२८१; २.३३७; महा० व० ७, ८) अत्थि अधिकत्थो “इन्द्रियपरोपरियत्त”न्तिआदीसु (विभं० ८१४; अ० नि० ३.१०.२१; म० नि० १.१४८; पटि० म० १.६८; १.१११) अत्थि पच्छाभागत्थो “परतो आगमिस्सती”तिआदीसु । अत्थि पच्चनीकत्थो “उप्पन्नं परप्पवादं सहधम्मेन सुनिग्गहितं निग्गहेत्वा”तिआदीसु (दी० नि० २.१६८; सं० नि० ३.५.८२२; अं० नि० ८.७०; उदा० ५१) इधापि पच्चनीकत्थोति दस्सेति “पटिविरुद्धा सत्ता”ति इमिना । सासनस्स पच्चनीकभूता पच्चत्थिका सत्ताति अत्थो । त-सद्दो परेति वुत्तमत्थं अवण्णभासनकिरियाविसिद्धं परामसतीति वुत्तं “ये अवण्णं वदन्ति, तेसू”ति ।

ननु तेसं आघातो नत्थि गुणमहत्तत्ता, अथ कस्मा एवं वुत्तन्ति चोदनालेसं दस्सेत्वा तदपनेति “किज्वापी”तिआदिना । किज्वापि नत्थि, अथ खो तथापीति अत्थो । ईदित्तेसुपीति एत्थ पि-सद्दो सम्भावनत्थो, तेन रतनत्तयनिमित्तम्पि अकुसलचित्तं न उप्पादेतब्बं, पगेव वट्ठामिसलोकामिसनिमित्तन्ति सम्भावेति । परियत्तिधम्मोयेव सद्धम्मनयनङ्गेन नेत्तीति धम्मनेत्ति । आहनतीति आभुसो घट्टेति, हिंसति वा, विबाधति, उपतापेति चाति अत्थो । कत्थचि “एत्था”ति पाठो दिस्सति, सो पच्छालिखितो पोरणपाठानुगताय टीकाय विरोधत्ता, अत्थयुत्तिया च अभावतो । यदिपि दोमनस्सादयो च आहनन्ति, कोपेयेव पनायं निरुळ्हेति दस्सेति “कोपस्सेतं अधिवचन”न्ति इमिना । अवयवत्थज्झि दस्सेत्वा तत्थ परियायेन अत्थं दस्सेन्तो एवमाह । अधिवचनन्ति च अधिकिच्च पवत्तं वचनं, पसिद्धं वा वचनं, नामन्ति अत्थो । एवमितरेसुपि । एत्थ च सभावधम्मतो अज्जस्स कत्तुअभावजोतनत्थं

“आहनती”ति कत्तुत्थे आघातसदं दस्सेति । आहनति एतेन, आहननमत्तं वा आघातोति करणभावत्थापि सम्भवन्ति येव । “अप्पतीता”ति एतस्सत्थो “अतुट्ठा असोमनस्सिका”ति वुत्तो, इदं पन पाकटपरियायेन अपच्चयसदस्स निब्बचनदस्सनं, तम्मुखेन पन न पच्चेति तेनाति अपच्चयोति कातब्बं । अभिराधयतीति साधयति । एत्थाति एतेसु तीसु पदेसु । द्वीहीति आघातअनभिरद्धिपदेहि । एकेनाति अपच्चयपदेन । एत्तकेसु गहितेसु तंसम्पयुत्ता अग्गहिता सियुं, न च सक्का तेपि अग्गहितुं एकुप्पादादिसभावत्ताति चोदनं विसोद्धेतुं “तेस”न्तिआदि वुत्तं, तेसन्ति यथावुत्तानं सङ्खारक्खन्धवेदनाक्खन्धेकदेसानं । सेसानन्ति सज्जाविज्जाणावसिद्धसङ्खारक्खन्धेकदेसानं । करणन्ति उप्पादनं । आघातादीनज्झि पवत्तिया पच्चयसमवायनं इध “करण”न्ति वुत्तं, तं पन अत्थतो उप्पादनमेव । तदनुप्पादनज्झि सन्धाय पालियं “न करणीया”ति वुत्तं । पटिक्खित्तमेव यथारहं एकुप्पादननिरोधारम्मणवत्थुभावतो ।

तत्थाति तस्मिं मनोपदोसे । “तेसु अवण्णभासकेसू”ति इमिना आधारत्थे भुम्मं दस्सेति । निमित्तत्थे, भावलक्खणे वा एतं भुम्मन्ति आह “तस्मिं वा अवण्णे”ति । न हि अगुणो, निन्दा वा कोपदोमनस्सानं आधारो सम्भवति तब्बासकायत्तता तेसं । अस्सत्थाति सत्तमिया रूपं चे-सद्वयोगेन परिकप्पनविसयत्ताति दस्सेति “भवेय्याथा”ति इमिना । “भवेय्याथा चे, यदि भवेय्याथा”ति च वदन्तो ‘यथाक्कमं पुब्बापरयोगिनो एते सदा’ति जापेती’ति वदन्ति । “कुपिता कोपेन अनत्तमना दोमनस्सेना”ति इमिना “एवं पठमेन नयेना”तिआदिना वुत्तवचनं अत्थन्तराभावदस्सनेन समत्थेति । “तुम्हाक”न्ति इमिना समानत्थो “तुम्ह”न्ति एको सदो “अम्हाक”न्ति इमिना समानत्थो “अम्ह”न्ति सदो विय यथा “तस्मा हि अम्हं दहरा न मीयरे”ति (जा० १.९३) आह “तुम्हाकंयेवा”ति । अत्थवसा लिङ्गविपरियायोति कत्वा “ताय च अनत्तमनताया”ति वुत्तं । “अन्तरायो”ति वुत्ते समणधम्मविसेसानन्ति अत्थस्स पकरणतो विज्जायमानत्ता, विज्जायमानत्थस्स च सदस्स पयोगे कामचारत्ता “पठमज्झानादीनं अन्तरायो”ति वुत्तं । एत्थ च “अन्तरायो”ति इदं मनोपदोसस्स अकरणीयताय कारणवचनं । यस्मा तुम्हाकमेव तेन कोपादिना पठमज्झानादीनमन्तरायो भवेय्य, तस्मा ते कोपादिपरियायेन वुत्ता आघातादयो न करणीयाति अधिप्पायो, तेन “नाहं सब्बज्जू”ति इस्सरभावेन तुम्हे ततो निवारेमि, अथ खो इमिनाव कारणेनाति दस्सेति । तं पन कारणवचनं यस्मा आदीनवविभावनं होति, तस्मा “आदीनवं दस्सेन्तो”ति हेट्ठा वुत्तन्ति दट्ठब्बं ।

सो पन मनोपंदोसो न केवलं कालन्तरभाविनोयेव हितसुखस्स अन्तरायकरो, अथ खो तङ्खणपवत्तनारहस्सपि हितसुखस्स अन्तरायकरोति मनोपदोसे आदीनवं दळ्हतरं कत्वा दस्सेतुं “अपि नू”तिआदिमाहातिपि सम्बन्धो वत्तब्बो। परेसन्ति ये अत्ततो अज्जे, तेसन्ति अत्थो, न पन “परे अवण्णं भासेय्यु”न्तिआदीसु विय पटिविरुद्धसत्तानन्ति आह “येसं केसज्जी”ति। तदेवत्थं समत्थेति “कुपितो ही”तिआदिना। पाळियं सुभासितदुब्भासितवचनजाननम्पि तदत्थजाननेनेव सिद्धन्ति आह “सुभासितदुब्भासितस्स अत्थ”न्ति।

अन्धंतमन्ति अन्धभावकरं तमं, अतिविय वा तमं। यं नरं सहते अभिभवति, तस्स अन्धतमन्ति सम्बन्धो। यन्ति वा भुम्मत्थे पच्चत्तवचनं, यस्मिं काले सहते, तदा अन्धतमं होतीति अत्थो, कारणनिद्वेसो वा, येन कारणेन सहते, तेन अन्धतमन्ति। एवं सति यंतं-सद्धानं निच्चसम्बन्धत्ता “यदा”ति अज्झाहरितब्बं। किरियापरामसनं वा एतं, “कोधो सहते”ति यदेतं कोधस्स अभिभवनं वुत्तं, एतं अन्धतमन्ति। ततो च कुद्धो अत्थं न जानाति, कुद्धो धम्मं न पस्सतीति योजेतब्बं। अत्थं धम्मन्ति पाळिअत्थं, पाळिधम्मज्ज। चित्तप्पकोपनोति चित्तस्स पकतिभावविजहनेन पदूसको। अन्तरतोति अब्भन्तरतो, चित्ततो वा कोधवसेन भयं जातं। तन्ति तथासभावं कोधं, कोधस्स वा अनत्थजननादिप्पकारं।

सब्बत्थापीति सब्बेसुपि पठमदुतियततियनयेसु। “अवण्णे पटिपज्जितब्बाकार”न्ति अधिकारो। अवण्णभासकानमविसयत्ता “तत्रा”ति पदस्स तस्मिं अवण्णेति अत्थोव दस्सितो। अभूतन्ति कत्तुभूतं वचनं, यं वचनं अभूतं होतीति अत्थो। अभूततोति पन अभूतताकिरियाव भावप्पधानत्ता, भावलोपत्ता चाति दस्सेति “अभूतभावेनेवा”ति इमिना। “इतिपेत”न्तिआदि निब्बेठनाकारनिदस्सनन्ति दस्सेतुं “कथ”न्तिआदि वुत्तं। तत्राति तस्मिं वचने। योजनाति अधिप्पायपयोजना। तुण्हीति अभासनत्थे निपातो, भावनपुंसको चेस। “इतिपेतं अभूत”न्ति क्त्वा “यं तुम्हेही”तिआदिना तदत्थं विवरति। इमिनापीति पि-सद्देन अनेकविधं कारणं सम्पिण्डेति। कारणसरूपमाह “सब्बज्जुयेवा”तिआदिना। एव-सद्दो तीसुपि पदेसु योजेतब्बो, सब्बज्जुभावतो न असब्बज्जू, स्वाक्खातत्ता न दुरक्खातो, सुप्पटिपन्नत्ता न दुप्पटिपन्नोति इमिनापि कारणेन निब्बेठेतब्बन्ति वुत्तं होति। “कस्मा पन सब्बज्जू”तिआदिपटिचोदनायपि तंकारणदस्सनेन निब्बेठेतब्बमेवाति आह “तत्र इदञ्चिदज्ज कारण”न्ति। तत्राति तेसु सब्बज्जुतादीसु। इदज्ज इदज्ज कारणन्ति अनेकविधेन कारणानुकारणं दस्सेत्वा “न सब्बज्जू”तिआदिवचनं निब्बेठेतब्बन्ति अत्थो। तत्रिदं

कारणं – सब्बञ्जू एव अम्हाकं सत्था अविपरीतधम्मदेसनत्ता । स्वाक्खातो एव धम्मो एकन्तनिव्यानिकत्ता । सुप्पटिपन्नो एव सङ्घो संकिलेसरहितत्ताति । कारणानुकारणदस्सनम्पेत्य असब्बञ्जुतादिवचन-निब्बेठनमेव तथादस्सनस्स तेसम्पि कारणभावतोति दट्ठब्बं । कारणकारणम्पि हि “कारण”न्त्वेव वुच्चति, पतिट्ठानपतिट्ठानम्पि “पतिट्ठान”न्त्वेव यथा “तिणेहि भत्तं सिनिद्धं, पासादे धम्ममज्झायती”ति । **दुतियं पदन्ति** “अतच्छ”न्ति पदं । **पठमस्स पदस्साति** “अभूत”न्ति पदस्स । **चतुत्थन्ति** “न च पनेतं अम्हेसु संविज्जती”ति पदं । **ततियस्साति** “नत्थि चेत्तं अम्हेसू”ति पदस्स । विविधमेकत्थेयेव पवत्तं वचनं विवचनं, तदेव **वेवचनं**, **वचनन्ति** वा अत्थो सद्देन वचनीयत्ता “भगवाति वचनं सेट्ठं, भगवाति वचनमुत्तम”न्तिआदीसु (दी० नि० अट्ठ० १.१ म० नि० अट्ठ० १.१; अ० नि० १.रूपादिवग्गवण्णना; पारा० अट्ठ० १.१) विय । नानासभावतो विगतं वचनं यस्साति **वेवचनं** वुत्तनयेन, परियायवचनन्ति अत्थो ।

एत्थाह – कस्मा पनेत्थ परियायवचनं वुत्तं, ननु एकेकपदवसेनेव अधिप्पेतो अत्थो सिद्धो, एवं सिद्धे सति किमेते तेन परियायवचनेन । तदेतज्जि गन्थगारवादिअनेकदोसकरं, यदि च तं वत्तब्बं सिया, तदेव वुत्तं अस्स, न तदज्जन्ति ? वुच्चते – देसनाकाले, हि आयतिज्ज कस्सचि कथज्जि तदत्थपटिवेधनत्थं परियायवचनं वुत्तं । देसनापटिग्गाहकेसु हि यो तेसं परियायवचनानं यं पुब्बे सङ्केतं करोति “इदमिमस्सत्थस्स वचन”न्ति, तस्स तेनेव तदत्थपटिवेधो होति । अपिच तस्मिं खणे विक्खित्तचित्तानं अज्जविहितानं विपरियायानं अज्जेन परियायेन तदत्थावबोधनत्थम्पि परियायवचनं वुत्तं । यज्जि ये न सुणन्ति, तप्परिहायनवसेन तेसं सब्बथा परिपुण्णस्स यथावुत्तस्स अत्थस्स अनवबोधो सिया, परियायवचने पन वुत्ते तब्बसेन परिपुण्णमत्थावबोधो होति । अथ वा मन्दबुद्धीनं पुनप्पुनं तदत्थलक्खणेन असम्मोहनत्थं परियायवचनं वुत्तं । मन्दबुद्धीनज्जि एकेनेव पदेन एकत्थस्स सल्लक्खणेन सम्मोहो होति, अनेकेन परियायेन पन एकत्थस्स सल्लक्खणेन तथासम्मोहो न होति अनेकप्पवत्तिनिमित्तेन एकत्थेयेव पवत्तसद्देन यथाधिप्पेतस्स अत्थस्स निच्छितत्ता ।

अपरो नयो – “अनेकेपि अत्था समानव्यज्जना होन्ती”ति या अत्थन्तरपरिकप्पना सिया, तस्सा परिवज्जनत्थम्पि परियायवचनं वुत्तन्ति वेदितब्बं । अनेकेसम्पि हि अत्थानं एकपदवचनीयतावसेन समानव्यज्जना यथावुत्तस्स पदस्स “अयमत्थो नु खो अधिप्पेतो, उदाहु अयमत्थोवा”ति पवत्तं सोतूनमत्थन्तरपरिकप्पनं वेवचनं अज्जमज्जं भेदकवसेन परिवज्जेति । वुत्तज्ज –

“नेकत्थवुत्तिया सहो, न विसेसत्थजापको ।
परियायेन युत्तो तु, परियायो च भेदको’ति ।।

अपरो नयो — अनञ्जस्सापि परियायवचनस्स वचने अनेकाहि ताहि ताहि नामपञ्जत्तीहि तेसं तेसं अत्थानं पञ्जापनत्थम्पि परियायवचनं वत्तब्बं होति । तथा हि परियायवचने वुत्ते “इमस्सत्थस्स इदमिदम्पि नाम”न्ति सोतूनं अनेकधा नामपञ्जत्तिविजाननं । ततो च तंतंपञ्जत्तिकोसल्लं होति सेय्यथापि निघण्टुसत्थे परिचयत्तं । अपिच धम्मकथिकानं तन्तिअत्थुपनिबन्धनपरावबोधनानं सुखसिद्धियापि परियायवचनं । तब्बचनेन हि धम्मदेसकानं तन्तिअत्थस्स अत्तनो चित्ते उपनिबन्धनेन ठपनेन परेसं सोतूनमवबोधनं सुखसिद्धं होति । अथ वा सम्मासम्बुद्धस्स अत्तनो धम्मनिरुत्तिपटिसम्भिदासम्पत्तिया विभावनत्थं, वेनेय्यानञ्च तत्थ बीजवापनत्थं परियायवचनं भगवा निद्विसति । तदसम्पत्तिकस्स हि तथावचनं न सम्भवति । तेन च परियायवचनेन यथासुतेन तस्सं धम्मनिरुत्तिपटिसम्भिदासम्पत्तियं तप्परिचरणेन, तदञ्जसुचरितसमुपब्रूहनेन च पुञ्जसङ्घातस्स बीजस्स वपनं सम्भवति । को हि ईदिसाय सम्पत्तिया विज्जायमानाय तदेतं नाभिपत्थेय्याति, किं वा बहुना । यस्सा धम्मधातुया सुप्पटिविद्धत्ता सम्मासम्बुद्धो यथा सब्बस्मिं अत्थे अप्पटिहतजाणचारो, तथा सब्बस्मिं सद्वोहारेति एकम्पि अत्थं अनेकेहि परियायेहि बोधेति, नत्थि तत्थ दन्धायितत्तं वित्थारितत्तं, नापि धम्मदेसनाय हानि, आवेणिको चायं बुद्धधम्मो । सब्बञ्जुतञ्जाणस्स हि सुप्पटिविदितभावेन पटिसम्भिदाजाणेहि विय तेनपि जाणेन अत्थे, धम्मे, निरुत्तिया च अप्पटिहतवुत्तियाय बुद्धलीलाय एकम्पि अत्थं अनेकेहि परियायेहि बोधेति, न पन तस्मिं सद्वोहारे, तथाबोधने वा मन्दभावो सम्माबोधनस्स साधनत्ता, न च तेन अत्थस्स वित्थारभावो एकस्सेवत्थस्स देसेतब्बस्स सुब्बिजाननकारणत्ता, नापि तब्बचनेन धम्मदेसनाहानि तस्स देसनासम्पत्तिभावतो । तस्मा सात्थकं परियायवचनं, न चापि तं गन्थगारवादिअनेकदोसकरन्ति दट्ठब्बं । यं पनेतं वुत्तं “यदि च तं वत्तब्बं सिया, तदेव वुत्तं अस्स, न तदञ्ज”न्ति, तम्पि न युत्तं पयोजनन्तरसम्भवतो । तदेव हि अवत्वा तदञ्जस्स वचनेन देसनाक्खणे समाहितचित्तानम्पि सम्मदेव पटिगण्हन्तानं तंतंपदन्तो गधपवत्तिनिमित्तमारब्ध तदत्थाधिगमो होति, इतरथा तस्मिंयेव पदे पुनप्पुनं वुत्ते तेसं तदत्थानधिगतता सियाति । होन्ति वेत्थ —

“येन केनचि अत्थस्स, बोधाय अञ्जसद्वतो ।
विक्खित्तकमनानम्पि, परियायकथा कता ।।

मन्दानञ्च अमूळहत्थं, अत्थन्तरनिसेधया ।
तंतं नाम निरुळहत्थं, परियायकथा कता ॥

देसकानं सुकरत्थं, तन्ति अत्थावबोधने ।
धम्मनिरुत्तिबोधत्थं, परियायकथा कता ॥

वेनेय्यानं तत्थ बीजवापनत्थञ्च अत्तनो ।
धम्मधातुया लीळाया, परियायकथा कता ॥

तदेव तु अवत्तान, तदञ्जेहि पबोधनं ।
सम्पापटिग्गण्हन्तानं, अत्थाधिगमाय कत'न्ति ॥

इदं पन निब्बेठनं ईदिसेयेव, न सब्बत्थ कातब्बन्ति दस्सेन्तो
“इदञ्चा”ति आदिमाह । तत्थ अवण्णेयेवाति कारणपतिरूपं वत्ता, अवत्ता वा
दोसपतिट्ठापनवसेन निन्दाय एव । न सब्बत्थाति न केवलं अक्कोसनखुंसनवम्भनादीसु
सब्बत्थ निब्बेठनं कातब्बन्ति अत्थो । तदेवत्थं “यदि ही”ति आदिना पाकटं करोति ।
“सासङ्कनीयो होती”ति वुत्तं तथानिब्बेठेत्तब्बताय कारणमेव “तस्मा”ति पटिनिद्दिसति ।
“ओट्ठोसी”ति आदि “न सब्बत्था”ति एतस्स विवरणं । जातिनामगोत्तकम्मसिप्पआबाध लिङ्ग
किलेस आपत्ति अक्कोसनसङ्घातेहि दसहि अक्कोसवत्थूहि । अधिवासनमेव खन्ति, न
दिट्ठिनिज्झानक्खमनादयोति अधिवासनखन्ति ।

६. एवं अवण्णभूमिया संवण्णनं कत्वा इदानीं वण्णभूमियापि संवण्णनं कातुमाह
“एव”न्ति आदि । तत्थ अवण्णभूमियन्ति अवण्णप्पकासनट्ठाने । तादिलक्खणन्ति एत्थ
“पञ्चहाकारेहि तादी इट्ठानिट्ठे तादी, चत्तावीति तादी, तिण्णावीति तादी, मुत्तावीति
तादी, तंनिद्देसा तादी”ति (महा० नि० ३८) निद्देसनयेन पञ्चसु अत्थेसु इध पठमेनत्थेन
तादी । तत्रायं निद्देसो –

कथं अरहा इट्ठानिट्ठे तादी, अरहा लाभेपि तादी, अलाभेपि तादी, यसेपि,
अयसेपि, पसंसायपि, निन्दायपि, सुखेपि, दुक्खेपि तादी, एकञ्चे बाहं गन्धेन
लिम्पेय्युं, एकञ्चे बाहं वासिया तच्छेय्युं, अमुस्मिं नत्थि रागो, अमुस्मिं नत्थि

पटिघो, अनुनयपटिघविप्पहीनो उग्घाटिनिग्घाटिवीतिवत्तो, अनुरोधविरोधसमतिक्कन्तो, एवं अरहा इट्ठानिट्ठे तादीति (महा० नि० ३८)।

वचनत्थो पन तमिव दिस्सतीति **तादी**, इट्ठमिव अनिट्ठम्पि पस्सतीति अत्थो। तस्स लक्खणं **तादिलक्खणं**, इट्ठानिट्ठेसु समपेक्खनसभावो। अथ वा तमिव दिस्सते **तादी**, सो एव सभावो, तदेव लक्खणं **तादिलक्खणन्ति**। वण्णभूमियं तादिलक्खणं दस्सेतुन्ति सम्बन्धो। पर-सद्दो अज्जत्थेति आह “**ये केची**”तिआदि। आनन्दन्ति भुसं पमोदन्ति तंसमङ्गिनो सत्ता एतेनाति आनन्दसद्दस्स करणत्थतं दस्सेति। सोभनमनो **सुमनो**, चित्तं, सोभनं वा मनो यस्साति **सुमनो**, तंसमङ्गीपुग्गलो। ननु च चित्तवाचकभावे सति चेतसिकसुखस्स भावत्थता युत्ता, पुग्गलवाचकभावे पन चित्तमेव भावत्थो सिया, न चेतसिकसुखं, सुमनसद्दस्स दब्बनिमित्तं पति पवत्तत्ता यथा “दण्डित्तं सिखित्त”न्तिआदीति ? सच्चमेतं दब्बे अपेक्खित्ते, इध पन तदनपेक्खित्वा तेन दब्बेन युत्तं मूलनिमित्तभूतं चेतसिकसुखमेव अपेक्खित्वा सुमनसद्दो पवत्तो, तस्मा एत्थापि चेतसिकसुखमेव भावत्थो सम्भवति, तेनाह “**चेतसिकसुखस्सेतं अधिवचन**”न्ति। एतेन हि वचनेन तदज्जचेतसिकानम्पि चित्तपटिबद्धत्ता, चित्तकिरियत्ता च यथासम्भवं सोमनस्सभावो आपज्जतीति चोदनं नापज्जतेव रुद्धिसद्दत्ता तस्स यथा “पङ्कज”न्ति परिहरति। उब्बिलयतीति उब्बिलं, भिन्दति पुरिमावत्थाय विसेसं आपज्जतीति अत्थो। तदेव **उब्बिलावितं** पच्चयन्तरागमादिवसेन। उद्धं पलवतीति वा **उब्बिलावितं** अकारानं इकारं, आकारज्ज कत्वा, चित्तमेव “चेतसो”ति वुत्तत्ता। तद्धिते पन सिद्धे तं अब्यतिरित्तं तस्मिं पदे वचनीयस्स सामज्जभावतो, तस्स वा सद्दस्स नामपदत्ता, तस्मा कस्साति सम्बन्धीविसेसानुयोगे “चेतसो”ति वुत्तन्ति दस्सेतुं “**कस्सा**”तिआदि वुत्तं। एस नयो ईदिसेसु। याय उप्पन्नाय कायचित्तं वातपूरितभस्ता विय उद्धुमायनाकारप्पत्तं होति तस्सा गेहसिताय ओदग्यपीतिया एतं अधिवचनन्ति सरूपं दस्सेति “**उद्धच्चावहाया**”तिआदिना। **उद्धच्चावहाया**ति उद्धतभावावहाय। उप्पिलापेति चित्तं उप्पिलावितं करोतीति **उब्बिलापना**, सा एव पीति, तस्सा। खन्धवसेन धम्मविसेसत्तं आह “**इथापी**”तिआदिना। अवण्णभूमिमपेक्खाय अपि-सद्दो “अयम्पि पाराजिको”तिआदीसु (वि० १.८९, ९१, १६७, १७१, १९५, १९७) विय, इध च किञ्चापि तेसं भिक्खून् उब्बिलावितमेव नत्थि, अथ खो आयतिं कुलपुत्तानं एदिसेसुपि ठानेसु अकुसलुप्पत्तिं पटिसेधेन्तो धम्मनेत्तिं ठपेतीति। **द्वीहि पदेहि सङ्गारक्खन्धो, एकेन वेदनाक्खन्धो वुत्तोति** एत्थापि “तेसं वसेन सेसानं सम्पयुत्तधम्मानं करणं पटिक्खित्तमेवा”ति च अट्ठकथायं वुत्तनयेन सक्का

विज्जातुन्ति न वुत्तं । “पि-सद्दो सम्भावनत्थो”तिआदिना वुत्तनयेन चेत्थ अत्थो यथासम्भवं वेदितब्बो ।

तुम्हंयेवस्स तेन अन्तरायोति एत्थापि “अन्तरायो”ति इदं “उब्बिलावितत्तस्स अकरणीयताकारणवचन”तिआदिना हेट्ठा अवण्णपक्खे अम्हेहि वुत्तनयानुसारेण अत्थो दट्ठब्बो । एत्थ च “आनन्दिनो उब्बिलाविता”ति दीपितं पीतिमेव गहेत्वा “तेन उब्बिलावितत्तेना”ति वचनं सोमनस्सरहिताय पीतिया अभावतो तब्बचनेनेव “सुमना”ति दीपितं सोमनस्सप्पि सिद्धमेवाति कत्वा वुत्तं । अथ वा सोमनस्सस्स अन्तरायकरता पाकटा, न तथा पीतियाति एवं वुत्तन्ति दट्ठब्बं । कस्मा पनेतन्ति यथावुत्तं अत्थं अविभागतो मनसि कत्वा चोदेति । आचरियो “सच्च”न्ति तमत्थं पटिजानित्वा “तं पना”तिआदिना विभज्जब्बाकरणवसेन परिहरति ।

तत्थ एतन्ति आनन्दादीनमकरणीयतावचनं, ननु भगवता वण्णितन्ति सम्बन्धो । बुद्धोति कित्तयन्तस्साति “बुद्धो”ति वचनं गुणानुस्सरणवसेन कथेन्तस्स साधुजनस्स । कसिणेनाति कसिणताय सकलभावेन । जम्बुदीपस्साति चेतस्स अवयवभावेन सम्बन्धीवचनं । अपरे पन “जम्बुदीपस्साति करणवचनत्थे सामिवचन”ति वदन्ति, तेसं मतेन कसिणजम्बुदीपसद्धानं समानाधिकरणभावो दट्ठब्बो, करणवचनञ्च निस्सक्कत्थे । पगेव एकदेसतो पनाति अपि-सद्दो सम्भावने । आदि-सद्देन चेत्थ –

“मा सोचि उदायि, आनन्दो अवीतरागो कालं करेय्य, तेन चित्तप्पसादेन सत्तक्खत्तुं देवरज्जं कारेय्य, सत्तक्खत्तुं इमस्मिंयेव जम्बुदीपे महारज्जं कारेय्य, अपिच उदायि आनन्दो दिट्ठेव धम्मे परिनिब्बायिस्सती”तिआदिसुत्तं (अ० नि० १.३.८१) –

सङ्गहितं । तन्ति सुत्तन्तरे वुत्तं पीतिसोमनस्सं । नेक्खम्मस्सितन्ति कामतो निक्खमने कुसलधम्मे निस्सितं । इधाति इमस्मिं सुत्ते । गेहस्सितन्ति गेहवासीनं समुदाचिण्णतो गेहसङ्घाते कामगुणे निस्सितं । कस्मा तदेविधाधिप्पेतन्ति आह “इदज्जी”तिआदि । “आयस्मतो छन्नस्स उप्पन्नसदिस”न्ति वुत्तमत्थं पाकटं कातुं, समत्थेतुं वा “तेनेवा”तिआदि वुत्तं । विसेसं निब्बत्तेतुं नासक्खि भगवति, धम्मे च पवत्तगेहस्सितपेमताय । परिनिब्बानकालेति परिनिब्बानासन्नकाले भगवता पज्जत्तेन तज्जितोति वा सम्बन्धो ।

परिनिब्बानकालेति वा भगवतो परिनिब्बुतकाले सङ्गेन तज्जितो निब्बत्तेतीति वा सम्बन्धो । ब्रह्मदण्डेनाति “भिक्षूहि इत्थन्नामो नेव वत्तब्बो, न ओवदितब्बो, नानुसासितब्बो”ति (चूळ० व० ४४५) कतेन ब्रह्मदण्डेन । तज्जितोति संवेजितो । तस्माति यस्मा गेहस्सितपीतिसोमनस्सं ज्ञानादीनं अन्तरायकरं, तस्मा । वुत्तज्जेतं भगवता सक्कपण्हसुते “सोमनस्संपाहं देवानमिन्द, दुविधेन वदामि सेवितब्बम्पि असेवितब्बम्पी”ति (दी० नि० २.३५९) ।

“अयज्ही”तिआदिना तदेवत्थं कारणतो समत्थेति । रागसहितत्ता हि सा अन्तरायकराति । एत्थ पन “इदज्झि रागसज्झितं पीतिसोमनस्स”न्ति वत्तब्बं सिया, तथापि पीतिग्गहणेन सोमनस्सम्पि गहितमेव होति सोमनस्सरहिताय पीतिया अभावतोति हेट्ठा वुत्तनयेन पीतियेव गहिता । अपिच सेवितब्बासेवितब्बविभागस्स सुत्ते वचनतो सोमनस्सस्स पाकटो अन्तरायकरभावो, न तथा पीतियाति सायेव रागसहितत्थेन विसेसेत्वा वुत्ता । अवण्णभूमिया सद्धिं सम्बन्धित्वा पाकटं कातुं “लोभो चा”तिआदि वुत्तं । कोथसदिसोवाति अवण्णभूमियं वुत्तकोथसदिसो एव । “लुद्धो”तिआदिगाथानं “कुद्धो”तिआदिगाथासु वुत्तनयेन अत्थो दट्ठब्बो ।

“ममं वा भिक्षवे परे वण्णं भासेय्युं, धम्मस्स वा वण्णं भासेय्युं, सङ्गस्स वा वण्णं भासेय्युं, तत्र चे तुम्हे अस्सथ आनन्दिनो सुमना उब्बिलाविता, अपि नु तुम्हे परेसं सुभासितदुब्भासितं आजानेय्याथाति ? नो हेतं भन्ते”ति अयं ततियवारो नाम अवण्णभूमियं वुत्तनयवसेन ततियवारट्ठाने नीहरितब्बत्ता, सो देसनाकाले तेन वारेन बोधेतब्बपुग्गलाभावतो देसनाय अनागतोपि तदत्थसम्भवतो अत्थतो आगतोयेव । यथा तं वित्थारवसेन कथावत्थुप्पकरणन्ति दस्सेतुं “ततियवारो पना”तिआदि वुत्तं, एतेन संवण्णनाकाले तथाबुज्जनकसत्तानं वसेन सो वारो आनेत्वा संवण्णेत्तब्बोति दस्सेति । “यथेव ही”तिआदिना तदेवत्थसम्भवं विभावेति । कुद्धो अत्थं न जानाति यथेवाति सम्बन्धो ।

पटिपज्जितब्बाकारदस्सनवारेति यथावुत्तं ततियवारं उपादाय वत्तब्बे चतुत्थवारे । “तुम्हाकं सत्था”ति वचनतो पभुति याव “इमिनापि कारणेन तच्छ”न्ति वचनं, ताव योजना । “सो हि भगवा”तिआदि तब्बिवरणं । तत्थ इतिपीति इमिनापि कारणेन । वित्थारो विसुद्धिमग्गे (विसुद्धि० १२३ आदयो) “अनापत्ति उपसम्पन्नस्स भूतं

आरोचेती”ति (पाचि० ७७) वुत्तेपि सभागानमेव आरोचनं युत्तन्ति आह “सभागानं भिक्खून्नेव पटिजानितब्ब”न्ति। तेयेव हि तस्स अत्थकामा, सद्धेय्यवचनत्तञ्च मज्जन्ति, ततो च “सासनस्स अमोघता दीपिता होती”ति वुत्तत्थसमत्थनं सिया। “एवञ्ही”तिआदि कारणवचनं। पापिच्छता चेव परिवज्जिता, कत्तुभूता वा सा, होतीति सम्बन्धो। अमोघताति निय्यानिकभावेन अतुच्छता। वुत्तनयेनाति “तत्र तुम्हेहीति तस्मिं वण्णे तुम्हेही”तिआदिना चेव “दुतियं पदं पठमस्स पदस्स, चतुत्थञ्च ततियस्स वेवचन”न्तिआदिना च वुत्तनयेन।

चूळसीलवण्णना

७. को अनुसन्धीति पुच्छा “ननु एत्तकेनेव यथावुत्तेहि अवण्णवण्णेहि सम्बन्धा देसनामत्थकं पत्ता”ति अनुयोगसम्भवतो कता। वण्णेन च अवण्णेन चाति तदुभयपदेन। अत्थनिद्देशो विय हि सद्दनिद्देशोपीति अक्खरचिन्तका। अथ वा तथाभासनस्स कारणत्ता, कोट्टासत्ता च “पदेही”ति वुत्तं। अवण्णेन च वण्णेन चाति पन अगुणगुणवसेन, निन्दापसंसावसेन च सरूपदस्सनं। “निवत्तो अमूलकताय विस्सज्जेतब्बताभावतो”ति (दी० नि० टी० १.७) आचरियधम्मपालत्थेरेन वुत्तं। तं वित्थारेत्वा देसनाय बोधेतब्बपुगलाभावतो एत्तकाव सा युत्तरूपाति भगवतो अज्झासयेनेव अदेसनाभावेन निवत्तो, यथा तं वण्णभूमियं ततियवारोतिपि दट्ठब्बं। तथा बोधेतब्बपुगलसम्भवेन विस्सज्जेतब्बताय अधिगतभावतो अनुवत्ततियेव। इतिपेतं भूतन्ति एत्थ इति-सद्दो आदिअत्थो तदुपरिपि अनुवत्तकत्ता, तेन वक्खति “इध पना”तिआदि। एत्तावता अयं वण्णानुसन्धीति दस्सेत्वा दुविधेसु पन तेसु वण्णेषु ब्रह्मदत्तस्स वण्णानुसन्धीति दस्सेन्तो “सो पना”तिआदिमाह। उपरि सुज्जतापकासने अनुसन्धिं दस्सेस्सति “अत्थि भिक्खवे”तिआदिना (दी० नि० १.२८)।

एवं पुच्छविस्सज्जनामुखेन समुदायत्थतं वत्वा इदानी अवयवत्थतं दस्सेति “तत्था”तिआदिना। अप्पमेव परितो समन्ततो खण्डितत्ता परितं नामाति आह “अप्पमत्तकन्ति परितस्स नाम”न्ति। मत्ता वुच्चति पमाणं मीयते परिमीयतेति कत्वा। समासन्तककारेण अप्पमत्तकं यथा “बहुपुत्तको”ति, एवं ओरमत्तकेपि। एतेनेव “अप्पा मत्ता अप्पमत्ता, सा एतस्साति अप्पमत्तक”न्तिआदिना कपच्चयस्स सात्थकतम्पि दस्सेति अत्थतो अभिन्नत्ता। मत्तकसद्दस्स अनत्थकभावतो सीलमेव सीलमत्तकं। अनत्थकभावोति च

सकथता पुरिमपदत्थेयेव पवत्तनतो । न हि सद्वा केवलं अनत्थका भवन्तीति अक्खरचिन्तका । ननु च भगवतो पारमितानुभावेन निरत्थकमेकक्खरम्पि मुखवरं नारोहति, सकलञ्च परियत्तिसासनं पदे पदे चतुसच्चप्पकासनन्ति वुत्तं, कथं तस्स अनत्थकता सम्भवतीति ? सच्चं, तम्पि पदन्तराभिहितस्स अत्थस्स विसेसनवसेन तदभिहितं अत्थं वदति एव, सो पन अत्थो विनापि तेन पदन्तरेनेव सक्का विज्जातुन्ति अनत्थकमिच्चैव वुत्तन्ति । ननु अवोचुम्ह “अनत्थकभावो...पे०... पवत्तनतो”ति । अपिच विनेय्यज्झासयानुरूपवसेन भगवतो देसना पवत्तति, विनेय्या च अनादिमत्तिसंसारे लोकियेसुयेव सद्देसु परिभावितचित्ता, लोके च असतिपि अत्थन्तरावबोधे वाचासिलिङ्गतादिवसेन सद्दपयोगो दिस्सति “लब्भति पलब्भति, खज्जति निखज्जति, आगच्छति पच्चागच्छती”तिआदिना । तथापरिचितानञ्च तथाविधेनेव सद्दपयोगेन अत्थावगमो सुखो होतीति अनत्थकसद्दपयोगो वुत्तोति । एवं सब्बत्थ । होति चेत्थ –

“पदन्तरवचनीय-स्सत्थस्स विसेसनाय ।

बोधनाय विनेय्यानं, तथानत्थपदं वदे”ति ।।

अथ वा सीलमत्तकन्ति एत्थ मत्त-सद्दो विसेसनिवत्तिअत्थो “अवितक्कविचारमत्ता धम्मा (ध० स० तिकमातिका) मनोमत्ता धातु मनोधातू”ति (ध० स० मूल टी० ४९९) च आदीसु विय । “अप्पमत्तकं ओरमत्तक”न्ति पदद्वयेन सामञ्जसतो वुत्तोयेव हि अत्थो “सीलमत्तक”न्ति पदेन विसेसतो वुत्तो, तेन च सीलं एव सीलमत्तं, तदेव सीलमत्तकन्ति निब्बचनं कातब्बन्ति दस्सेतुं “सीलमेव सीलमत्तक”न्ति वुत्तं ।

अयं पन अट्ठकथामुत्तको नयो – ओरमत्तकन्ति एत्थ ओरन्ति अपारभागो “ओरतो भोगं (महा० व० ६६) ओरं पार”न्तिआदीसु विय । अथ वा हेट्ठाअत्थो ओरसद्दो ओरं आगमनाय ये पच्चया, ते ओरम्भागियानि संयोजनानीतिआदीसु विय । सीलज्झि समाधिपज्जायो अपेक्खित्वा अपारभागे, हेट्ठाभागे च होति, उभयत्थापि “ओरे पवत्तं मत्तं यस्सा”तिआदिना विग्गहो । सीलमत्तकन्ति एत्थापि मत्तसद्दो अमहत्थवाचको “भेसज्जमत्ता”तिआदीसु विय । अथ वा सीलेपि तदेकदेसस्सेव सङ्गहणत्थं अमहत्थवाचको एत्थ मत्तसद्दो वुत्तो । तथा हि इन्द्रियसंवरपच्चयसन्निस्सितसीलानि इध देसनं अनारुद्धानि । कस्माति चे ? यस्मा तानि पातिमोक्खसंवरआजीवपारिसुद्धिसीलानि विय न

सब्बपुथुज्जनेसु पाकटानीति । मत्तन्ति चेत्थ विसेसनिवत्तिअत्थे नपुंसकलिङ्गं । पमाणप्पकत्थेसु पन “मत्त”न्ति वा “मत्ता”ति वा नपुंसकित्थिलिङ्गं ।

“इदं वुत्तं होती”तिआदिना सह योजनाय पिण्डत्थं दस्सेति । येन सीलेन वदेय्य, एतं सीलमत्तकं नामाति सम्बन्धो । “वण्णं वदामीति उस्साहं कत्वापी”ति इदं “वण्णं वदमानो”ति एतस्स विवरणं । एतेन हि “एकपुग्गलो भिक्खवे, लोके उप्पज्जमानो उप्पज्जती”तिआदीसु (अ० नि० १.१.१७०) विय मानसद्दस्स सामत्थियत्थत्तं दस्सेति । “उस्साहं कुरुमानो”ति अवत्वा “कत्वा”ति च वचनं त्वादिण्चयन्तपदानमिव मानन्तपच्चयन्तपदानम्पि परकिरियापेक्खमेवाति दस्सनत्थं । “तत्थ सिया”तिआदिना सन्धायभासितमत्थं अजानित्वा नीतत्थमेव गहेत्वा सुत्तन्तरविरोधितं मज्जमानस्स कस्सचि ईदिसी चोदना सियाति दस्सेति । तत्थाति तस्मिं “अप्पमत्तकं खो पनेत”न्तिआदिवचने (दी० नि० १.७) । कम्मट्ठानभावने युज्जति सीलेनाति योगी, तस्स ।

अलङ्करणं विभूसनं अलङ्कारो, पसाधनकिरिया । अलं करोति एतेनेवाति वा अलङ्कारो, कुण्डलादिपसाधनं । मण्डीयते मण्डनं, ऊनट्टानपूरणं । मण्डीयति एतेनाति वा मण्डनं, मुखचुण्णादिऊनपूरणोपकरणं । इध पन सदिसवोहारेन, तद्धितवसेन वा सीलमेव तथा वुत्तं । मण्डनेति मण्डनहेतु, मण्डनकिरियानिमित्तं गतोति अत्थो । अथ वा मण्डति सीलेनाति मण्डनो, मण्डनजातिको पुरिसो । बहुम्हि चेतं जात्यापेक्खाय एकवचनं । उब्बाहनत्थेपि हि एकवचनमिच्छन्ति केचि, तदयुत्तमेव सद्दसत्थे अनागतत्ता, अत्थयुत्तिया च अभावतो । कथञ्चि एकवचननिद्दिट्ठतो उब्बाहनकरणं युत्तं सिया एकस्मिं येवत्थे उब्बाहितब्बस्स अज्जस्सत्थस्स अभावतो । तस्मा विपल्लासवसेन बह्वत्थे इदं एकवचनं दट्ठब्बं, मण्डनसीलेसूति अत्थो । आचरियधम्मपालत्थेरेनपि हि अयमेविध विनिच्छयो (दी० नि० टी० १.७) वुत्तो । अगगतन्ति उत्तमभावं ।

अस्सं भविस्सामीति आकङ्खेय्याति सम्बन्धो । अस्साति भवेय्य । परिपूरकारीति चेत्थ इति-सद्दो आदिअत्थो, पकारत्थो वा, तेन सकलम्पि सीलथोमनसुत्तं दस्सेति ।

किंकीव अण्डन्ति एत्थापि तदत्थेन इति-सद्देन –

“किकीव अण्डं चमरीव वालधिं,
 पियंव पुत्तं नयनंव एककं ।
 तथेव सीलं अनुरक्खमाना,
 सुपेसला होथ सदा सगारवा”ति ।। (विसुद्धि० १.१९) ।-

गाथं सङ्गण्हाति । “पुप्फगन्धो”ति वत्वा तदेकदेसेन दस्सेतुं “न चन्दन”न्तिआदि वुत्तं । चन्दनं तगरं मल्लिकाति हि तंसहचरणतो तेसं गन्धोव वुत्तो । पुप्फगन्धोति च पुप्फञ्च तदवसेसो गन्धो चाति अत्थो । तगरमल्लिकाहि वा अवसिद्धो “पुप्फगन्धो”ति वुत्तो । सतञ्च गन्धोति एत्थ सीलमेव सदिसवोहारेण वा तद्धितवसेन वा गन्धो । सीलनिबन्धनो वा थुतिघोसो वुत्तनयेन “गन्धो”ति अधिप्पेतो । सीलञ्चि कित्तिया निमित्तं । यथाह “सीलवतो कल्याणो कित्तिसदो अब्भुग्गच्छती”ति (दी० नि० २.१५०; ३.३१६; अ० नि० २.५.२१३; महा० व० ७८५; उदा० ७६) । सप्पुरिसो पवायति पकारेहि गन्धति तस्स गन्धूपगरुक्खपटिभागत्ता ।

वस्सिकीति सुमनपुप्फं, “वस्सिक”न्तिपि पाठो, तदत्थोव । गन्धा एव गन्धजाता, गन्धप्पकारा वा । ख्यायन्ति यदिदं, उत्तमो गन्धो वातीति सम्बन्धो ।

सम्मदञ्जा विमुत्तानन्ति सम्मा अञ्जाय जानित्वा, अग्गमग्गेण वा विमुत्तानं । मग्गं न विन्दतीति कारणं न लभति, न जानाति वा ।

“सीले पतिट्ठाया”ति गाथाय पटिसन्धिपञ्जाय सपञ्जो आतापी वीरियवा पारिहारिकपञ्जाय निपको नरसङ्घातो भिक्खु सीले पतिट्ठाया चित्तं तप्पधानेन वुत्तं समाधिं भावयं भावयन्तो भावनाहेतु तथा पञ्जं विपस्सनञ्च इमं अन्तो जटाबहिजटासङ्घातं जटं विजटये विजटयेय्य विजटितुं समत्थेय्याति सङ्केपत्थो ।

पथविं निस्सायाति पथविं रसग्गहणवसेन निस्साय, सीलस्मिं पन परिपूरणवसेन निस्साय पतिट्ठानं दट्ठब्बं ।

अप्पकमहन्तताय पारापारादि विय उपनिधापञ्जत्तिभावतो अञ्जमञ्जं उपनिधाय आहाति विस्सज्जेतुं “उपरि गुणे उपनिधाया”ति वुत्तं । सीलञ्हीति एत्थ हि-सदो कारणत्थो,

तेनिदं कारणं दस्सेति “यस्मा सीलं किञ्चापि पतिट्ठाभावेन समाधिस्स बहूपकारं, पभावादिगुणविसेसे पनस्स उपनिधाय कलम्पि भागं न उपेति, तथा समाधि च पज्जाया”ति। तेनेवाह “तस्मा”तिआदि। न पापुणातीति गुणसमभावेन न सम्पापुणाति, न समेतीति वुत्तं होति। उपरिमन्ति समाधिपज्जं। उपनिधायान्ति उपत्थम्भं कत्वा। तज्झि तादिसाय पज्जत्तिया उपत्थम्भनं होति। हेडिमन्ति सीलसमाधिद्वयं।

“कथ”न्तिआदि वित्थारवचनं। कण्डम्बमूलिकपाटिहारियकथनञ्चेत्थ यथाकथञ्चपि सीलस्स समाधिमपापुणतासिद्धियेविधाधिपेताति पाकटतरपाटिहारियभावेन, निदस्सनयेन चाति दट्ठब्बं। “अभि...पे०... तिथियमहन”न्ति इदं पन तस्स यमकपाटिहारियस्स सुपाकटभावदस्सनत्थं, अज्जेहि बोधिमूले जातिसमागमादीसु च कतपाटिहारियेहि विसेसदस्सनत्थञ्च वुत्तं। सम्बोधितो हि अट्ठमेपि दिवसे देवतानं “बुद्धो वा नो वा”ति उप्पन्नकङ्कविधमनत्थं आकासे रतनचङ्कमं मापेत्वा चङ्कमन्तो पाटिहारियं अकासि, ततो दुतियसंवच्छरे कुलनगरगतो कपिलवत्थुपुरे निग्रोधारामे जातीनं समागमेपि तेसं मानमदप्पहानत्थं यमकपाटिहारियं अकासि। तत्थ अभिसम्बोधितोति अभिसम्बुज्जनकालतो। सावत्थिनगरद्वारेति सावत्थिनगरस्स दक्खिणद्वारे। कण्डम्बरुक्खमूलेति कण्डेन नाम पसेनदिरज्जो उय्यानपालेन रोपितत्ता कण्डम्बनामकस्स रुक्खस्स मूले। यमकपाटिहारियकरणत्थाय भगवतो चित्ते उप्पन्ने “तदनुच्छविकं ठानं इच्छितब्ब”न्ति रतनमण्डपादि सक्केन देवरज्जा आणत्तेन विस्सकम्मुना कतन्ति वदन्ति केचि। भगवता निम्मितन्ति अपरे। अट्ठकथासु पन अनेकासु “सक्केन देवानमिन्देन आणापितेन विस्सकम्मदेवपुत्तेन मण्डपो कतो, चङ्कमो पन भगवता निम्मितो”ति वुत्तं। दिब्बसेतच्छत्ते देवताहि धारियमानेति अत्थो विज्जायति अज्जेसमसम्भवतो। “द्वादसयोजनाय परिसाया”ति इदं चतूसु दिसासु पच्चेकं द्वादसयोजनं मनुस्सपरिसं सन्धाय वुत्तं। तदा किर दससहसिलोकधातुतो चक्कवाळगम्भं परिपूरेत्वा देवब्रह्मानोपि सन्निपत्तिं। यो कोचि एवरूपं पाटिहारियं कातुं समत्थो चे, सो आगच्छतूति चोदनासदिसत्ता वुत्तं “अत्तादानपरिदीपन”न्ति। अत्तादानज्झि अनुयोगो पटिपक्खस्स अत्तस्स आदानं गहणन्ति कत्वा। तिथियमहनन्ति “पाटिहारियं करिस्सामा”ति कुहायनवसेन पुब्बे उट्ठितानं तिथियानं महनं, तज्ज तथा कातुं असमत्थतासम्पादनमेव। तदेतं पदद्वयं “यमकपाटिहारिय”न्ति एतेन सम्बन्धितब्बं। राजगहसेट्ठिनो चन्दनघटिकुप्पत्तितो पट्टाय सब्बमेव चेत्थ वत्तब्बं।

उपरिमकायतोतिआदि पटिसम्भिदामग्गे (पटि० म० १.११६) आगतनयदस्सनं, तेन वुत्तं “इतिआदिनयप्पवत्त”न्ति, “सब्बं वित्थरेतब्ब”न्ति च। तत्थायं पाळिसेसो –

“हेट्ठिमकायतो अग्गिक्खन्धो पवत्तति, उपरिमकायतो उदकधारा पवत्तति। पुरत्थिमकायतो अग्गि, पच्छिमकायतो उदकं। पच्छिमकायतो अग्गि, पुरत्थिमकायतो उदकं। दक्खिणअक्खितो अग्गि, वामअक्खितो उदकं। वामअक्खितो अग्गि, दक्खिणअक्खितो उदकं। दक्खिणकण्णसोततो अग्गि, वामकण्णसोततो उदकं। वामकण्णसोततो अग्गि, दक्खिणकण्णसोततो उदकं। दक्खिणनासिकासोततो अग्गि, वामनासिकासोततो उदकं। वामनासिकासोततो अग्गि, दक्खिणनासिकासोततो उदकं। दक्खिणअंसकूटतो अग्गि, वामअंसकूटतो उदकं। वामअंसकूटतो अग्गि, दक्खिणअंसकूटतो उदकं। दक्खिणहत्थतो अग्गि, वामहत्थतो उदकं। वामहत्थतो अग्गि, दक्खिणहत्थतो उदकं। दक्खिणपस्सतो अग्गि, वामपस्सतो उदकं। वामपस्सतो अग्गि, दक्खिणपस्सतो उदकं। दक्खिणपादतो अग्गि, वामपादतो उदकं। वामपादतो अग्गि, दक्खिणपादतो उदकं। अङ्गुलङ्गुलेहि अग्गि, अङ्गुलन्तरिकाहि उदकं। अङ्गुलन्तरिकाहि अग्गि, अङ्गुलङ्गुलेहि उदकं। एकेकलोमतो अग्गि, एकेकलोमतो उदकं। लोमकूपतो लोमकूपतो अग्गिक्खन्धो पवत्तति, लोमकूपतो लोमकूपतो उदकधारा पवत्तती”ति।

अट्ठकथायं पन “एकेकलोमकूपतो” इच्चेव (पटिसं० अट्ठ० २.१.११६) आगतं।

छन्नं वण्णानन्ति एत्थापि नीलानं पीतकानं लोहितकानं ओदातानं मज्झिह्वानं पभस्सरानन्ति अयं सब्बोपि पाळिसेसो पेय्यालनयेन, आदि-सद्देन च दस्सितो। एत्थ च छन्नं वण्णानं उब्बाहनभूतानं यमका यमका वण्णा पवत्तन्तीति पाठसेसेन सम्बन्धो, तेन वक्खति “दुतिया दुतिया रस्मियो”तिआदि। तत्थ हि तासं यमकं यमकं पवत्तनाकारेण सह आवज्जनपरिकम्माधिह्वानानं विसुं पवत्ति दस्सिता। केचि पन “छन्नं वण्णान”न्ति एतस्स “अग्गिक्खन्धो उदकधारा”ति पुरिमेहि पदेहि सम्बन्धं वदन्ति, तदयुत्तमेव अग्गिक्खन्धउदकधारानं अत्थाय तेजोकसिणवायोकसिणानं समापज्जनस्स वक्खमानत्ता। छन्नं वण्णानं छब्बण्णा पवत्तन्तीति कत्तुवसेन वा सम्बन्धो यथा “एकस्स चेपि भिक्खुनो न पटिभासेय्य तं भिक्खुनिं अपसादेतु”न्ति (पाचि० ५५८)। कत्तुकम्पेसु हि बहुला सामिवचनं आख्यातपयोगेपि इच्छन्ति नेरुत्तिका।

एवं पाळिनयेन यमकपाटिहारियं दस्सेत्वा इदानीं तं अट्ठकथानयेन विवरन्तो पच्चासत्तिनयेन “छन्नं वण्णान”न्ति पदमेव पठमं विवरितुं “तस्सा”तिआदिमाह। तत्थ तस्साति भगवतो। “सुवण्णवण्णा रस्मियो”ति इदं तासं पीताभानं येभुय्यताय वुत्तं, छब्बण्णाहि रस्मीहि अलङ्करणकालो वियाति अत्थो। तापि हि चक्कवाळगब्भतो उग्गन्त्वा ब्रह्मलोकमाहच्च पटिनिवत्तित्वा चक्कवाळमुखवट्टिमेव गण्हंसु। एकचक्कवाळगब्भं वङ्कगोपानसिकं विय बोधिघरं अहोसि एकालोकं। दुतिया दुतिया रस्मियोति पुरिमपुरिमतो पच्छा पच्छा निक्खन्ता रस्मियो। कस्मा सदिसाकारवसेन “विया”ति वचनं वुत्तन्ति आह “द्वित्रज्वा”तिआदि। द्वित्रज्वा चित्तानं एकक्खणे पवत्ति नाम नत्थि, येहि ता एवं सियुं, तथापि इमिना कारणद्वयेन एवमेव खायन्तीति अधिप्पायो। भवङ्गपरिवासस्साति भवङ्गवसेन परिवसनस्स, भवङ्गसङ्घातस्स परिवसनस्स वा, भवङ्गपतनस्साति वुत्तं होति। आचिण्णवसितायाति आवज्जनसमापज्जनादीहि पञ्चहाकारेहि समाचिण्णपरिचयताय। ननु च एकस्सापि चित्तस्स पवत्तिया द्वे किस्सो रस्मियोपि सम्भवेय्युन्ति अनुयोगमपनेति “तस्सा तस्सा पन रस्मिया”तिआदिना। चित्तवारनानत्ता आवज्जनपरिकम्पचित्तानि, कसिणनानत्ता अधिद्धानचित्तवारानिपि विसुं विसुंयेव पवत्तन्ति। आवज्जनावसाने तिक्खत्तुं पवत्तजवनानि परिकम्पनामेनेव इध वुत्तानि।

कथन्ति आह “नीलरस्मिअत्थाय ही”तिआदि। “मज्झिद्वारस्मिअत्थाय लोहितकसिणं, पभस्सररस्मिअत्थाय पीतकसिण”न्ति इदं लोहितपीतरस्मीनं कारणेयेव वुत्ते सिद्धन्ति न वुत्तं। तासमेव हि मज्झिद्वारपभस्सररस्मियो विसेसपभेदभूताति। “अग्गिक्खन्धत्थाया”तिआदिना “उपरिमकायतो”तिआदीनं विवरणं। अग्गिक्खन्धउदकक्खन्धापि अज्जमज्जअसम्मिस्सा याव ब्रह्मलोका उग्गन्त्वा चक्कवाळमुखवट्टियं पत्तिसु, तं दिवसं पन सत्था यो यो यस्मिं यस्मिं धम्मे च पाटिहारिये च पसन्नो, तस्स तस्स अज्झासयवसेन तं तं धम्मज्ज कथेसि, पाटिहारियज्ज दस्सेसि, एवं धम्मे भासियमाने, पाटिहारिये च करियमाने महाजनो धम्माभिसमयो अहोसि। तस्मिज्ज समागमे अत्तनो मनं गहेत्वा पज्झं पुच्छितुं समत्थं अदिस्वा निम्मितं बुद्धं मापेसि, तेन पुच्छितं पज्झं सत्था विस्सज्जेसि। सत्थारा पुच्छितं पज्झं सो विस्सज्जेसि, सत्थु चङ्कमनकाले निम्मितो ठानादीसु अज्जतरं कप्पेसि, तस्स चङ्कमनकाले सत्था ठानादीसु अज्जतरं कप्पेसीति एतमत्थं दस्सेतुं “सत्था चङ्कमती”तिआदि वुत्तं। “सब्बं वित्थारेतब्ब”न्ति एतेन “सत्था तिद्धति, निम्मितो चङ्कमति वा निसीदति वा सेय्यं वा कप्पेती”तिआदिना (पटि० म० १.११६) चतूसु इरियापथेसु एकेकमूलका सत्थुपक्खे

चत्तारो, निम्मितपक्खे चत्तारोति सब्बे अट्ठ वारा वित्थारेत्वा वत्तब्बाति दस्सेति । यस्मा सीलं समाधिस्स पतिट्ठामत्तमेव हुत्वा निवत्तति, समाधियेव तत्थ पतिट्ठाय यथावुत्तं सब्बं पाटिहारियकिच्चं पवत्तेति, तस्मा तदेतं समाधिकिच्चमेवाति वुत्तं “एत्थ एकम्मी”तिआदि ।

“यं पना”तिआदिना समाधिस्स पञ्जमपापुणता विभाविता, यं पन पटिविज्झि, इदं पटिविज्झनं पञ्जाकिच्चन्ति अत्थो । तं अनुक्कमतो दस्सेति “भगवा”तिआदिना । “कप्पसतसहस्साधिकानि चत्तारि असङ्खयेय्यानी”ति इदं दीपङ्करपादमूले कतपठमाभिनीहारतो पट्टाय वुत्तं, ततो पुब्बेपि यत्तकेन तस्मिं भवे इच्छन्तो सावकबोधिं पत्तुं सक्कुणेय्य, तत्तकं पुञ्जसम्भारं समुपचिनीति वेदितव्वं । ततोयेव हि “मनुस्सत्तं लिङ्गसम्पत्ति, हेतु सत्थारदस्सन”न्तिआदिना (बु० वं० ५९) वुत्तेसु अट्ठधम्मेषु हेतुसम्पन्नता अहोसि । केचि पन मनोपणिधानवचीपणिधानवसेन अनेकधा असङ्खयेय्यपरिच्छेदं कत्वा पुब्बसम्भारं वदन्ति, तदयुत्तमेव सङ्गहारुल्लासु अट्ठकथासु तथा अवुत्तत्ता । तासु हि यथावुत्तनयेन पठमाभिनीहारतो पुब्बे हेतुसम्पन्नतायेव दस्सिता । एकूनतिसवस्सकाले निक्खम्म पब्बजित्वाति सम्बन्धो । चक्करतनारहपुञ्जवन्तताय बोधिसत्तो चक्कवत्तिसिरिसम्पन्नोति तस्स निवासभवनं “चक्कवत्तिसिरिनिवासभूत”न्ति वुत्तं । भवनाति रम्मसुरम्मसुभसङ्घाता निकेतना । पधानयोगन्ति दुक्करचरियाय उत्तमवीरियानुयोगं ।

उरुवेलायं किर सेनानिगमे कुटुम्बिकस्स धीता सुजाता नाम दारिका वयप्पत्ता नेरञ्जराय तीरे निग्रोधमूले पत्थनमकासि “सचाहं समजातिकं कुलधरं गत्वा पठमगब्बे पुत्तं लभिस्सामि, खीरपायासेन बलिकम्मं करिस्सामी”ति, (म० नि० अट्ठ० २.२८४; जा० अट्ठ० १.अविदूरे निदानकथा) तस्सा सा पत्थना समिज्झि । सा सत्त धेनुयो लट्ठिवने खादापेत्वा तासम्पि धीतरो गावियो लद्धा तथेव खादापेत्वा पुन तासम्पि धीतरो तथेवाति सत्तपुत्तिनत्तिपनत्तिपरम्परागताहि धेनूहि खीरं गहेत्वा खीरपायासं पचितुमारभि । तस्मिं खणे महाब्रह्मा तियोजनिकं सेतच्छत्तं उपरि धारेसि, सक्को देवराजा अग्गिं उज्जालेसि, सकललोके विज्जमानरसं देवता पक्खिपिंसु, पायासं दक्खिणावट्ठं हुत्वा पचति, तं सा सुवण्णपातिया सतसहस्सगघनिकाय सहेव बोधिसत्तस्स दत्वा पक्कामि । अथ बोधिसत्तो तं गहेत्वा नेरञ्जराय तीरे सुप्पतिट्ठिते नाम तित्थे एकतालट्ठिप्पमाणे एकूनपञ्जासपिण्डे करोन्तो परिभुज्जि, तं सन्धाय वुत्तं “विसाखापुण्णमायं उरुवेलगामे सुजाताय दिव्रं पक्खित्तिदिब्बोजं मधुपायासं परिभुज्जित्वा”ति । तत्थ सुजातायाति आयस्मतो यसत्थेरस्स मातुभूताय पच्छा सरणगमनट्ठाने एतदग्गप्पत्ताय सुजाताय नाम सेट्ठिभरियाय ।

अङ्गमङ्गानुसारिनो रसस्स सारो उपत्थम्भबलकरो भूतनिस्सितो एको विसेसो ओजा नाम, सा दिवि भवा पक्खित्ता एत्थाति पक्खित्तदिब्बोजो, तं । पातब्बो च सो असितब्बो चाति पायासो, रसं कत्वा पिवितुं, आलोपं कत्वा च भुज्जितुं युत्तो भोजनविसेसो, मधुना सित्तो पायासो मधुपायासो, तं ।

ततो नेरञ्जराय तीरे महासालवने नानासमापत्तीहि दिवाविहारस्स कतत्ता “सायन्हसमये”तिआदि वुत्तं । विथारो तत्थ तत्थ गहेत्तब्बो । दक्खिणुत्तरेनाति दिवाविहारतो बोधिया पविसनमग्गं सन्धायाह, उजुकं दक्खिणुत्तरगतेन देवताहि अलङ्क तेन मग्गेनाति अत्थो । एवम्पि वदन्ति “दक्खिणुत्तरेनाति दक्खिणपच्छिमुत्तरेन आदिअवसानगहणेन मज्झिमस्सापि गहितत्ता, तथा लुत्तपयोगस्स च दस्सनतो । एवञ्चि सति ‘दक्खिणपच्छिमुत्तरदिसाभागेन बोधिमण्डं पविसित्वा तिट्ठती’ति (जा० अट्ठ० १.अविदूरे निदानकथा) जातकनिदाने वुत्तवचनेन समेती”ति । दक्खिणदिसतो गन्तब्बो उत्तरदिसाभागो दक्खिणुत्तरो, तेन पविसित्वाति अपरे । केचि पन “उत्तरसद्दो चेत्थ मग्गवाचको । यदि हि दिसावाचको भवेय्य, ‘दक्खिणुत्तराया’ति वदेय्या”ति, तं न “उत्तरेन नदी सीदा, गम्भीरा दुरतिककमा”तिआदिना दिसावाचकस्सापि एनयोगस्स दस्सनतो, उत्तरसद्दस्स च मग्गवाचकस्स अनागतत्ता । अपिच दिसाभागं सन्धाय एवं वुत्तं । दिसाभागोपि हि दिसा एवाति । अथ अन्तरामग्गे सोत्थियेन नाम तिणहारकब्राह्मणेन दिन्ना अट्ठ कुसतिणमुट्ठियो गहेत्वा असितञ्चनगिरिसङ्कासं सब्बबोधिसत्तानमस्सासजननद्वाने समाविरुळ्ळं बोधिया मण्डनभूतं बोधिमण्डमुपगन्त्वा तिक्खत्तुं पदक्खिणं कत्वा दक्खिणदिसाभागे अट्ठासि, सो पन पदेसो पदुमिनिपत्ते उदकबिन्दु विय पकम्पित्थ, ततो पच्छिमदिसाभागं, उत्तरदिसाभागञ्च गन्त्वा तिट्ठन्तेपि महापुरिसे तथेव ते अकम्पिंसु, ततो “नायं सब्बोपि पदेसो मम गुणं सन्धारेतुं समत्थो”ति पुरत्थिमदिसाभागमग्मासि, तत्थ पल्लङ्कप्पमाणं निच्चलमहोसि, तस्सेव च निप्परियायेन बोधिमण्डसमञ्जा, महापुरिसो “इदं किलेसविद्धंसनद्वान”न्ति सन्निद्वानं कत्वा पुब्बुत्तरदिसाभागे ठितो तत्थ अकम्पनप्पदेसे तानि तिणानि अग्गे गहेत्वा सञ्चालेसि, तावदेव चुद्दसहत्थो पल्लङ्को अहोसि, तानिपि तिणानि विचित्ताकारेन तूलिकाय लेखा गहितानि विय अहेसुं । सो तत्थ तिसन्धिपल्लङ्कं आभुजित्वा चतुरङ्गसमन्नागतं मेत्ताकम्पद्वानं पुब्बङ्गमं कत्वा चतुरङ्गिकं वीरियं अधिट्ठित्वा निसीदि, तमत्थं सङ्घिपित्वा दस्सेन्तो “बोधिमण्डं पविसित्वा”तिआदिमाह ।

तत्थ बोधि वुच्चति अरहत्तमग्गजाणं, सब्बञ्जुतञ्जाणञ्च, सा मण्डति थामगतताय

पसीदति एत्थाति **बोधिमण्डो**, निप्परियायेन यथावुत्तप्पदेसो, परियायेन पन इध दुमराजा । तथा हि **आचरियानन्दत्थेन** वुत्तं “बोधिमण्डसदोपठमाभिसम्बुद्धिद्वाने एव दडुब्बो, न यत्थ कत्थचि बोधिरुक्खस्स पतिट्ठितद्वाने”ति, तं ।

मारविजयसब्बञ्जुतञ्जाणपटिलाभादीहि भगवन्तं अस्सासेतीति **अस्सत्थो** । आपुब्बञ्जि साससदं अनुसिद्धितोसनेसु इच्छन्ति, यं तु लोके “चलदलो, कुञ्जरासनो” तिपि वदन्ति । अच्चुग्गतभावेन, अजेय्यभूमिसीसगतभावेन, सकलसब्बञ्जुगुणपटिलाभद्वानविरुद्धभावेन च दुमानं राजाति **दुमराजा**, अस्सत्थो च सो दुमराजा चाति **अस्सत्थदुमराजा** तं । द्वित्रं ऊरुजाणुसन्धीनं, ऊरुमूलकटिसन्धिस्स च वसेन तयो सन्धयो, सण्ठानवसेन वा तयो कोणा यस्साति **तिसन्धि**, स्वेव पल्लङ्को ऊरुबद्धासनं परिसमन्ततो अङ्कनं आसनन्ति अत्थेन र-कारस्स ल-कारं, द्विभावच्च कत्वा, तीहि वा सन्धीहि लक्खितो पल्लङ्को **तिसन्धिपल्लङ्को**, तं । **आभुजित्वा**ति आबन्धित्वा, उभो पादे समञ्छिते कत्वाति वुत्तं होति । वित्थारो **सामञ्जफलसुत्तवण्णनायं** (दी० नि० अट्ठ० १.२१६) आगमिस्सति । अत्ता, मित्तो, मज्झित्तो, वेरीति चतूसुपि समप्पवत्तनवसेन **चतुरङ्गसमन्नागतं मेत्ताकम्पद्वानं** । “चतुरङ्गसमन्नागत”न्ति इदं पन “वीरियाधिद्वान”न्ति एतेनापि योजेतब्बं । तम्पि हि -

कामं तचो च न्हारु च अट्ठि च अवसिस्सतु, उपसुस्सतु सरीरे मंसलोहितं, यं तं पुरिसथामेन पुरिसवीरियेन पुरिसपरक्कमेन पत्तब्बं, न तं अपापुणित्वा वीरियस्स सण्ठानं भविस्सती”ति (म० नि० २.१८४; सं० नि० १.२६६; अ० नि० १.३.५१; अ० नि० ३.८.१३; महा० नि० १७, १९६) -

वुत्तनयेन चतुरङ्गसमन्नागतमेव ।

चुद्दस हत्था वित्थत्तप्पमाणभावेन यस्साति **चुद्दसहत्थो** । परिसमन्ततो अङ्कीयते लक्खीयते परिच्छेदवसेनाति **पल्लङ्को** र-कारस्स ल-कारं, तस्स च द्वित्तं कत्वा । अपिच “इदं किलेसविद्धंसनद्वान”न्ति अट्ठकथासु वचनतो पल्लं किलेसविद्धंसनं करोति एत्थाति **पल्लङ्को** निग्गहितागमवसेन, अलुत्तसमासवसेन वा, चुद्दसहत्थो च सो पल्लङ्को च, स्वेव उत्तमट्ठेन पत्थनीयट्ठेन च वरोति **चुद्दसहत्थपल्लङ्कवरो**, तत्थ गतो पवत्तो निसिन्नो तथा । चुद्दसहत्थता चेत्थ वित्थारवसेन गहेत्तब्बा । तानियेव हि तिणानि अपरिमितपुञ्जानुभावतो चुद्दसहत्थवित्थत्तपल्लङ्कभावेन पवत्तानि, न च तानि अट्ठमुट्ठिप्पमाणानि चुद्दसहत्थअच्चुग्गतानि

सम्भवन्ति । ततोयेव च इध “तिणसन्थरं सन्थरित्वा”ति वुत्तं, धम्मपदट्ठकथादीसु च “तिणानि सन्थरित्वा...पे०... पुरत्थिमाभिमुखो निसीदित्वा”ति (ध० अट्ठ० १.सारिपुत्थेरवण्णना; ध० सं० अट्ठ० १.निदानकथा) । अञ्जत्थ च “तिणासने चुट्टसहत्थसम्पत्ते”ति । केचि पन “अच्चुग्गतभावेनेव चुट्टसहत्थो”ति यथा तथा परिकप्पनावसेन वदन्ति, तं न गहेतब्बं यथावुत्तेन कारणेन, साधकेन च विरुद्धता । कामञ्च मनोरथपूरणिया चतुरङ्गुत्तरवण्णनाय “तिक्खत्तुं बोधिं पदक्खिणं कत्वा बोधिमण्डं आरुह्य चुट्टसहत्थुब्बेधे ठाने तिणसन्थरं सन्थरित्वा चतुरङ्गवीरियं अधिट्ठाय निसिन्नकालतो”ति (अ० नि० अट्ठ० २.४.३३) पाठो दिस्सति, तथापि तत्थ उब्बेधसद्दो वित्थारवाचकोति वेदितब्बो, यथा “तिरियं सोळसुब्बेधो, उद्धमाहु सहस्सधा”ति (जा० १.३.४०) महापनादजातके । तथा हि तदट्ठकथायं वुत्तं “तिरियं सोळसुब्बेधोति वित्थारतो सोळसकण्डपातवित्थारो अहोसी”ति (जातक अट्ठ० २-३०२ पिट्ठे) । अञ्जत्था हि आकासेयेव उक्खिपित्वा तिणसन्थरणं कत्तं, न अचलपदेसेति अत्थो आपज्जेय्य सन्थरणकिरियाधारभावतो तस्स, सो चत्थो अनधिप्पेतो अञ्जत्थ अनागतत्ताति ।

रजतक्खन्धं पिट्ठितो कत्वा वियाति सम्बन्धो । अत्थन्ति पच्छिमपब्बतं । मारबलन्ति मारं, मारबलञ्च, मारस्स वा सामत्थियं । पुब्बेनिवासन्ति पुब्बे निवुत्थक्खन्धं । दिब्बचक्खुन्ति दिब्बचक्खुजाणं । “किच्छं वतायं लोको आपन्नो”तिआदिना (दी० नि० २.५७; सं० नि० १.२.४) जरामरणमुखेन पच्चयाकारे जाणं ओतारेत्वा । आनापानचतुत्थज्झानन्ति एत्थापि “सब्बबुद्धानं आचिण्ण”न्ति विभत्तिविपरिणामं कत्वा योजेतब्बं । तम्पि हि बुद्धानमाचिण्णमेवाति वदन्ति । पादकं कत्वाति कारणं, पतिट्ठानं वा कत्वा । “विपस्सनं वट्ठेत्वाति छत्तिसकोटिसतसहस्समुखेन आसवक्खयजाणसङ्घातमहावजिरजाणगब्भं गण्हापनवसेन विपस्सनं भावेत्वा । सब्बज्जुतज्जाणाधिगमाय अनुपदधम्मविपस्सनावसेन अनेकाकारवोकारे सङ्घारे सम्मसतो छत्तिसकोटिसतसहस्समुखेन पवत्तं विपस्सनाजाणम्पि हि “महावजिरजाण”न्ति वुच्चति, चतुवीसतिकोटिसतसहस्ससङ्ख्याय देवसिकं वळ्ळन्नकसमापत्तीनं पुरेचरानुचरजाणम्पि । इध पन मग्गजाणमेव, विसेसतो च अग्गमग्गजाणं, तस्मा तस्सेव विपस्सनागब्भभावो वेदितब्बोति । सब्बबुद्दगुणेति सब्बज्जुतादिनिरवसेसबुद्दगुणे । तस्सा पादकं कत्वा समाधि निवत्तोति वुत्तं “इदमस्स पज्जाकिच्च”न्ति । अस्साति भगवतो ।

“तत्थ यथा हत्थे”तिआदिना उपमाय पाकटीकरणं । हत्थेति हत्थपसते, करपुटे वा ।

पातियन्ति सरावके । घटेति उदकहरणघटे । द्वत्तिसदोणगण्हनप्पमाणं कुण्डं कोलम्बो । ततो महतरा चाटि । ततोपि महती महाकुम्भी । सोण्डी कुसोम्भो । नदीभागो कन्दरो । चक्कवाळपादेसु समुद्दो चक्कवाळमहासमुद्दो । सिनेरुपादके महासमुद्देति सीदन्तरसमुद्दं सन्धायाह । “पातिय”न्तिआदिनापि तदेवत्थं पकारन्तरेण विभावेति । परितं होति यथाति सम्बन्धो । यस्सा पाळिया अत्थविभावनत्थाय या संवण्णना वुत्ता, तदेव तस्सा गुणभावेन दस्सेतुं “तेनाहा”तिआदि वुत्तं । एवं सब्बत्थ ।

“दुवे पुथुज्जना”तिआदि पुथुज्जनेसु लब्धमानविभागदस्सनत्थमेव वुत्तं, न पन मूलपरियायसंवण्णनादीसु (म० नि० अट्ठ० १.२) विय पुथुज्जनविसेसनिद्धारणत्थं निरवसेसपुथुज्जनस्सेव इध अधिप्पेतत्ता । सब्बोपि हि पुथुज्जनो भगवतो उपरिगुणे विभावेतुं न सक्कोति, तिड्डतु ताव पुथुज्जनो, अरियसावकपच्चेकबुद्धानम्पि अविसया एव बुद्धगुणा । तथा हि वक्खति “सोतापन्नो”तिआदि (दी० नि० अट्ठ० १.७) । गोत्तसम्बन्धताय आदिच्चस्स सूरियदेवपुत्तस्स बन्धूति आदिच्चबन्धु, तेन वुत्तं निद्देसे –

“आदिच्चो वुच्चति सूरियो । सूरियो गोतमो गोत्तेन, भगवापि गोतमो गोत्तेन, भगवा सूरियस्स गोत्तजातको गोत्तबन्धु, तस्मा बुद्धो आदिच्चबन्धू”ति (महा० नि० १५०; चूळ० नि० ९९) ।

सद्विदू पन “बुद्धस्सादिच्चबन्धुना”ति पाठमिच्छन्ति । आदिच्चस्स बन्धुना गोत्तेन समानो गोत्तसङ्घातो बन्धु यस्स, बुद्धो च सो आदिच्चबन्धु चाति कत्वा । यस्मा पन खन्धकथादिकोसल्लेनापि उपक्विलेसानुपक्विलेसानं जाननहेतुभूतं बाहुसच्चं होति, यथाह –

“कितावता नु खो भन्ते बहुस्सुतो होतीति ? यतो खो भिक्खु खन्धकुसलो होति । धातु...पे०... आयतन...पे०... पटिच्चसमुप्पादकुसलो होति, एतावता खो भिक्खु बहुस्सुतो होती”ति ।

तस्मा “यस्स खन्धधातुआयतनादीसू”तिआदि वुत्तं । आदि-सद्देन चेत्थ याव पटिच्चसमुप्पादा सङ्गण्हाति । तत्थ वाचुग्गतकरणं उग्गहो । अत्थस्स परिपुच्छं परिपुच्छा । अट्ठकथावसेन अत्थस्स सोतद्वारपटिबद्धताकरणं सबनं । ब्यञ्जनत्थानं सुनिक्खेपसुनयनेन धम्मस्स परिहरणं धारणं । एवं सुतधातपरिचितानं वितक्कनं मनसानुपेक्खनं पच्चवेक्खणं ।

एवं पभेदं दस्सेत्वा वचनत्थम्पि दस्सेति “**दुविधो**”तिआदिना । **पुथूनन्ति** अनेकविधानं किलेसादीनं । **पुथुज्जनन्तो**गधत्ताति बहूनं जनानं अब्भन्तरे समवरोधभावतो पुथुज्जनोति सम्बन्धो । **पुथुचायं** जनोति पुथु एव विसुंयेव अयं सङ्ख्यं गतो । इतीति तस्मा पुथुज्जनोति सम्बन्धो । एवं गाथाबन्धेन सङ्खेपतो दस्सितमत्थं “**सो ही**”तिआदिना विवरति । “**नानप्पकारान**”न्ति इमिना पुथु-सद्दो इध बह्वत्थोति दस्सेति ।

आदि-सद्देन सङ्गहितमत्थं, तदत्थस्स च साधकं अम्बसेचनगरुसिनाननयेन निदेसपाळिया दस्सेन्तो “**यथाहा**”तिआदिमाह । **अविहता** सक्कायदिट्ठियो, पुथु बहुका ता एतेसन्ति **पुथुअविहतसक्कायदिट्ठिका**, एतेन अविहतत्ता पुथु सक्कायदिट्ठियो जनेन्ति, पुथूहि वा सक्कायदिट्ठीहि जनिताति अत्थं दस्सेति । अविहतत्थमेव वा जनसद्दो वदति, तस्मा पुथु सक्कायदिट्ठियो जनेन्ति न विहनन्ति, जना वा अविहता पुथु सक्कायदिट्ठियो एतेसन्ति अत्थं दस्सेतीतिपि वट्ठति, विसेसनपरनिपातनञ्चेत्थ दट्ठब्बं यथा “**अग्याहितो**”ति । “**पुथु सत्थारानं मुखुल्लोकिका**”ति एतेन पुथु बहवो जना सत्थारो एतेसन्ति निब्बचनं दस्सितं । **पुथु सब्बगतीहि अबुट्ठिताति** एत्थ पन कम्मकिलेसेहि जनेतब्बा, जायन्ति वा सत्ता एत्थाति **जना**, गतियो, पुथु सब्बा एव जना गतियो एतेसन्ति वचनत्थो । “**पुथु नानाभिसङ्खारे अभिसङ्खरोन्ती**”ति एतेन च जायन्ति एतेहि सत्ताति **जना**, पुज्जाभिसङ्खारादयो, पुथु नानाविधा जना सङ्खारा एतेसं विज्जन्ति, पुथु वा नानाभिसङ्खारे जनेन्ति अभिसङ्खरोन्तीति अत्थमाह । ततो परं पन “**पुथु नानाओधेहि बुद्धन्ती**”तिआदिअत्थत्तयं जनेन्ति एतेहि सत्ताति **जना**, कामोधादयो, रागसन्तापादयो, रागपरिळाहादयो च, सब्बेपि वा किलेसपरिळाहा । पुथु नानप्पकारा ते एतेसं विज्जन्ति, तेहि वा जनेन्ति बुद्धन्ति, सन्तापेन्ति, परिडहन्ति चाति निब्बचनं दस्सेतुं वुत्तं । “**स्ता गिद्धा**”तिआदि परियायवचनं ।

अपि च स्ताति वत्थं विय रङ्गजातेन चित्तस्स विपरिणामकरेन छन्दरागेन स्ता । **गिद्धाति** अभिकङ्खनसभावेन अभिगिज्जनेन गिद्धा । **गथिताति** गन्थिता विय दुम्मोचनीयभावेन तत्थ पटिबद्धा । **मुच्छिताति** किलेसाविसनवसेन विसञ्जीभूता विय अनञ्जकिच्चमोहं समापन्ना । **अज्झोसन्नाति** अनञ्जासाधारणे विय कत्वा गिलित्वा परिनिट्ठपेत्वा ठिता । **लग्गाति** गावो कण्टके विय आसत्ता, महापलिपे वा पतनेन नासिकगपलिपन्नपुरिसो विय उद्धरितुमसक्कुण्येय्यभावेन निमुग्गा । **लग्गिताति** मक्कटालेपेन विय मक्कटो पञ्चत्रं इन्द्रियानं वसेन आसङ्गिता, **पलिबुद्धाति** सम्बद्धा, उपद्दुता वाति

अयमत्थो अङ्गुत्तरटीकायं (अ० नि० अट्ट० १.५१) वुत्तो । एतेन जायतीति जनो, “रागो गेधो”ति एवमादिको, पुथु नानाविधो जनो रागादिको एतेसं, पुथूसु वा पञ्चसु कामगुणेषु जना रत्ता गिद्धा...पे०... पल्लिबुद्धाति अत्थं दस्सेति ।

“आवुता”तिआदिपि परियायवचनमेव । अपिच “आवुताति आवरिता । निवुताति निवारिता । ओफुताति पल्लिगुण्ठिता, परियोनद्धा वा । पिहिताति पिदहिता । पटिच्छन्नाति छादिता । पटिकुज्जिताति हेट्टामुखजाता”ति तत्थेव (अ० नि० अट्ट० १.५१) वुत्तं । एत्थ च जनेन्ति एतेहीति जना, नीवरणा, पुथु नानाविधा जना नीवरणा एतेसं, पुथूहि वा नीवरणेहि जना आवुता...पे०... पटिकुज्जिताति निब्बचनं दस्सेति । पुथूसु नीचधम्मसमाचारेसु जायति, पुथूनं वा अब्भन्तरे जनो अन्तोगधो, पुथु वा बहुको जनोति अत्थं दस्सेति “पुथून”न्तिआदिना, एतेन च ततियपादं विवरति, समत्थेति वा । “पुथुवा”तिआदिना पन चतुत्थपादं । पुथु विसंसट्ठो एव जनो पुथुज्जनोति अयञ्हेत्थ वचनत्थो ।

येहि गुणविसेसेहि निमित्तभूतेहि भगवति “तथागतो”ति अयं समञ्जा पवत्ता, तं दस्सनत्थं “अट्ठहि कारणेहि भगवा तथागतो”तिआदि वुत्तं । एकोपि हि सट्ठो अनेकपवत्तिनिमित्तमधिकिच्च अनेकधा अत्थप्पकासको, भगवतो च सब्बेपि नामसट्ठा अनेकगुणनेमित्तिकायेव । यथाह –

“असङ्ख्येय्यानि नामानि, सगुणेन महेसिनो ।

गुणेन नाममुद्धेय्यं, अपि नामसहस्सतो”ति ।। (ध० सं० १३१३; उदा० अट्ट० ५७; पटि० म० अट्ट० १.७६; दी० नि० टी० १.४१३) ।

कानि पन तानीति अनुयोगे सति पठमं तस्सरूपं सङ्केपतो उद्दिशित्वा “कथ”न्तिआदिना निद्दिशति । तथा आगतोति एत्थ आकारनियमनवसेन ओपम्मसम्पटिपादनत्थो तथा सट्ठो । सामञ्जजोतनाय विसेसावट्ठानतो, विसेसत्थिना च सामञ्जसद्वस्सापि विसेसत्थेयेव अनुपयुज्जितव्वतो पटिपदागमनत्थो आगत सट्ठो दट्ठव्वो, न जाणगमनत्थो तथलक्खणं आगतो”तिआदीसु (दी० नि० अट्ट० १.७; म० नि० अट्ट० १.१२; सं० नि० अट्ट० २.३.७८; अ० नि० अट्ट० १.१७०; थेर० गा० अट्ट० १.४३; इतिवु० अट्ट० ३८; पटि० म० अट्ट० १.३७; बु० वं० अट्ट० २; महा०

नि० अट्ट० १४) विय, नापि कायगमनादि अत्थो “आगतो खो महासमणो, मागधानं गिरिब्बज”तिआदीसु (महा० व० ५३) विय। तत्थ यस्स आकारस्स नियमनवसेन ओपम्मसम्पटिपादनत्थो तथा-सद्दो, तदाकारं करुणापधानत्ता तस्स महाकरुणामुखेन पुरिमबुद्धानं आगमनपटिपदाय उदाहरणवसेन सामञ्जसो दस्सेन्तो “**यथा सब्बलोके**”तिआदिमाह। यंतं-सद्धानं एकन्तसम्बन्धभावतो चेत्थ तथा-सद्दसत्थदस्सने यथा-सद्देन अत्थो विभावितो। तदेव वित्थारेति “**यथा विपस्सी भगवा**”तिआदिना, विपस्सीआदीनञ्चेत्थ छत्रं सम्मासम्बुद्धानं महापदानसुत्तादीसु (दी० नि० २.४) सम्पहुलनिद्देसेन (दी० नि० अट्ट० २.सम्बहुलपरिच्छेदवण्णना) सुपाकटत्ता, आसन्नत्ता च तैसं वसेन तं पटिपदं दस्सेतीति दट्ठब्बं। आगतो यथा, तथा आगतोति सब्बत्र सम्बन्धो। “**किं वुत्तं होती**”तिआदिनापि तदेव पटिनिद्दिसति। तत्थ **येन अभिनीहारेना**ति मनुस्सत्तलिङ्गसम्पत्तिहेतुसत्थारदस्सनपब्बज्जागुणसम्पत्तिअधिकारछन्दानं वसेन अट्ठङ्गसमन्नागतेन महापणिधानेन। सब्बेसज्झि बुद्धानं पठमपणिधानं इमिनाव नीहारेन समिज्झति। अभिनीहारोति चेत्थ मूलपणिधानस्सेतं अधिवचनन्ति दट्ठब्बं।

एवं महाभिनीहारवसेन “तथागतो”ति पदस्स अत्थं दस्सेत्वा इदानीं पारमीपूरणवसेनपि दस्सेतुं “**अथ वा**”तिआदिमाह। “एत्थ च सुत्तन्तिकानं महाबोधियानपटिपदाय कोसल्लजननत्थं पारमीसु अयं वित्थारकथा”तिआदिना **आचरियधम्मपालत्थेरेन** (दी० नि० टी० १.७) या पारमीसु विनिच्छयकथा वुत्ता, किञ्चापि सा अम्हेहि इध वुच्चमाना गन्थवित्थारकरा विय भविस्सति, यस्मा पनायं संवण्णना एतिसं पच्छ पमादलेखविसोधनवसेन, तदवसेसत्थपरियादानवसेन च पवत्ता, तस्मा सापि पारमीकथा इध वत्तब्बायेवाति ततो चेव चरियापिटकट्ठकथातो च आहरित्वा यत्थारहं गाथाबन्धेहि समलङ्कारित्वा अत्थमधिप्पायञ्च विसोधयमाना भविस्सति। कथं ?

का पनेता पारमियो, केनट्ठेन कतीविधा।

को च तासं कमो कानि, लक्खणादीनि सब्बथा।।

को पच्चयो, संकिलेसो, वोदानं पटिपक्खको।

पटिपत्तिविभागो च, सङ्गहो सम्पदा तथा।।

कित्तकेन सम्पादनं, आनिसंसो च किं फलं ।
पज्जमेतं विस्सज्जित्वा, भविस्सति विनिच्छयो ॥

तत्रिदं विस्सज्जनं –

का पनेता पारमियोति –

तण्हामानादिमज्जत्र, उपायकुसलेन या ।
जाणेन परिग्गहिता, पारमी सा विभाविता ॥

तण्हामानादिना हि अनुपहता करुणूपायकोसल्लपरिग्गहिता दानादयो गुणसङ्घाता एता किरिया “पारमी”ति विभाविता ।

केनट्ठेन पारमियोति –

परमो उत्तमट्ठेन, तस्सायं पारमी तथा ।
कम्मं भावोति दानादि, तद्धिततो तिधा मता ॥

पूरेति मवति परे, परं मज्जति मयति ।
मुनाति मिनोति तथा, मिनातीति वा परमो ॥

पारे मज्जति सोधेति, मवति मयतीति वा ।
मायेति तं वा मुनाति, मिनोति मिनाति तथा ॥

पारमीति महासत्तो, वुत्तानुसारतो पन ।
तद्धितत्थत्तयेनेव, पारमीति अयं मता ॥

दानसीलदिगुणविसेसयोगेन हि सत्तुत्तमताय महाबोधिसत्तो परमो, तस्स अयं, भावो, कम्मन्ति वा पारमी, दानादिकिरिया । अथ वा परति पूरेतीति परमो निरुत्तिनयेन, दानादिगुणानं पूरको, पालको च बोधिसत्तो, परमस्स अयं, भावो, कम्मं वा पारमी ।

अपिच परे सत्ते मवति अत्तनि बन्धति गुणविसेसयोगेन, परं वा अतिरेकं मज्जति संकिलेसमलतो, परं वा सेट्ठं निब्बानं विसेसेन मयति गच्छति, परं वा लोकं पमाणभूतेन आणविसेसेन इधलोकमिव मुनाति परिच्छिन्दति, परं वा अतिविय सीलादिगुणगणं अत्तनो सन्ताने मिनोति पक्खिपति, परं वा अत्तभूततो धम्मकायतो अज्जं, पटिपक्खं वा तदनत्थकरं किलेसचोरगणं मिनाति हिंसतीति **परमो**, महासत्तो, “परमस्स अय”न्तिआदिना वुत्तनयेन **पारमी**। पारे वा निब्बाने मज्जति सुज्जति, सत्ते च सोधेति, तत्थ वा सत्ते मवति बन्धति योजेति, तं वा मयति गच्छति, सत्ते च मायेति गमेति, तं वा याथावतो मुनाति परिच्छिन्दति, तत्थ वा सत्ते मिनोति पक्खिपति, तत्थ वा सत्तानं किलेसारिं मिनाति हिंसतीति **पारमी**, महासत्तो, “तस्स अय”न्तिआदिना दानादिकिरियाव **पारमी**ति। इमिना नयेन पारमीनं वचनत्थो वेदितब्बो।

कतिविधाति सङ्केपतो दसविधा, ता पन **बुद्धवंसपाळियं** (बु० वं० १.७६) सरूपतो आगतायेव। यथाह “विचिनन्तो तदादक्खिं, पठमं दानपारमि”न्तिआदि (बु० वं० २.११६)। यथा चाह –

“कति नु खो भन्ते बुद्धकारका धम्माति ? दस खो सारिपुत्त बुद्धकारका धम्मा, कतमे दस ? दानं खो सारिपुत्त बुद्धकारको धम्मो, सीलं नेक्खम्मं पज्जा वीरियं खन्ति सच्चं अधिद्धानं मेत्ता उपेक्खा बुद्धकारको धम्मो, इमे खो सारिपुत्त दस बुद्धकारका धम्माति। इदमवोच भगवा, इदं वत्तान सुगतो अथापरं एतदवोच सत्था –

‘दानं सीलज्ज नेक्खम्मं, पज्जावीरियेन पच्चमं।

खन्तिसच्चमधिद्धानं, मेत्तुपेक्खाति ते दसा’ति”।। (बु० वं० १.७६)।

केचि पन “छब्बिधा”ति वदन्ति, तं एतासं सङ्गहवसेन वुत्तं। सो पन सङ्गहो परतो आवि भविस्सति।

को च तासं कमोति एत्थ **कमो** नाम देसनाक्कमो, सो च पठमसमादानहेतुको, समादानं पविचयहेतुकं, इति यथा आदिमिं पठमाभिनीहारकाले पविचिता, समादिन्ना च,

तथा देसिता । यथाह “विचिनन्तो तदादक्खिं, पठमं दानपारमि”न्तिआदि (बु० वं० २.११६) तेनेतं वुच्चति—

“पठमं समादानता-वसेनायं कमो रुतो ।

अथ वा अञ्जमञ्जस्स, बहूपकारतोपि चा”ति ।।

तत्थ हि दानं सीलस्स बहूपकारं, सुकरञ्चाति तं आदिमि वुत्तं । दानं पन सीलपरिग्गहितं महप्फलं होति महानिसंसन्ति दानानन्तरं सीलं वुत्तं । सीलं नेक्खम्मपरिग्गहितं...पे०... नेक्खम्मं पञ्जापरिग्गहितं...पे०... पञ्जा वीरियपरिग्गहिता...पे०... वीरियं खन्तिपरिग्गहितं...पे०... खन्ति सच्चपरिग्गहिता...पे०... सच्चं अधिद्वानपरिग्गहितं...पे०... अधिद्वानं मेत्तापरिग्गहितं...पे०... मेत्ता उपेक्खापरिग्गहिता महप्फला होति महानिसंसाति मेत्तानन्तरं उपेक्खा वुत्ता । उपेक्खा पन करुणापरिग्गहिता, करुणा च उपेक्खापरिग्गहिताति वेदितब्बा । कथं पन महाकारुणिका बोधिसत्ता सत्तेसु उपेक्खका होन्तीति ? उपेक्खितब्बयुत्तकेसु कञ्चि कालं उपेक्खका होन्ति, न पन सब्बत्थ, सब्बदा चाति केचि । अपरे पन न च सत्तेसु उपेक्खका, सत्तकतेसु पन विप्पकारेसु उपेक्खका होन्तीति, इदमेवेत्थ युत्तं ।

अपरो नयो—

सब्बसाधारणतादि-कारणेहिपि ईरितं ।

दानं आदिमि सेसा तु, पुरिमेपि अपेक्खका ।।

पचुरजनेसुपि हि पवत्तिया सब्बसत्तसाधारणत्ता, अप्पफलत्ता, सुकरत्ता च दानं आदिमि वुत्तं । सीलेन दायकपटिग्गाहकसुद्धितो परानुग्गहं वत्वा परपीळानिवत्तिवचनतो, किरियधम्मं वत्वा अकिरियधम्मवचनतो, भोगसम्पत्तिहेतुं वत्वा भवसम्पत्तिहेतुवचनतो च दानस्सानन्तरं सीलं वुत्तं । नेक्खम्मेन सीलसम्पत्तिसिद्धितो, कायवचीसुचरितं वत्वा मनोसुचरितवचनतो, विसुद्धसीलस्स सुखेनेव ज्ञानसमिज्झनतो, कम्मापराधप्पहानेन पयोगसुद्धिं वत्वा किलेसापराधप्पहानेन आसयसुद्धिवचनतो, वीतिक्कमप्पहाने ठितस्स परियुद्धानप्पहानवचनतो च सीलस्सानन्तरं नेक्खम्मं वुत्तं । पञ्जाय नेक्खम्मस्स सिद्धिपरिसुद्धितो, ज्ञानाभावे पञ्जाभाववचनतो । समाधिपदद्वाना हि पञ्जा,

पज्जापच्चुपट्टानो च समाधि। समथनिमित्तं वत्वा उपेक्खानिमित्तवचनतो, परहितज्झानेन परहितकरणूपायकोसल्लवचनतो च नेक्खम्मस्सानन्तरं **पज्जा** वुत्ता। वीरियारम्भेन पज्जाकिच्चसिद्धितो, सत्तसुज्जाताधम्मनिज्झानक्खन्तिं वत्वा सत्तहिताय आरम्भस्स अच्छरियतावचनतो, उपेक्खानिमित्तं वत्वा पग्गहनिमित्तवचनतो, निसम्मकारितं वत्वा उट्ठानवचनतो च। निसम्मकारिनो हि उट्ठानं फलविसेसमावहतीति पज्जायानन्तरं **वीरियं** वुत्तं।

वीरियेन तित्तिक्खासिद्धितो। वीरियवा हि आरद्धवीरियत्ता सत्तसङ्गारेहि उपनीतं दुक्खं अभिभुय्य विहरति। वीरियस्स तित्तिक्खालङ्कारभावतो। वीरियवतो हि तित्तिक्खा सोभति। पग्गहनिमित्तं वत्वा समथनिमित्तवचनतो, अच्छारम्भेन उद्धच्चदोसप्पहानवचनतो। धम्मनिज्झानक्खन्तिया हि उद्धच्चदोसो पहीयति। वीरियवतो सातच्चकरणवचनतो। खन्तिबहुलो हि अनुद्धतो सातच्चकारी होति। अप्पमादवतो परहितकिरियारम्भे पच्चुपकारतण्हाभाववचनतो। याथावतो धम्मनिज्झाने हि सति तण्हा न होति। परहितारम्भे परमेपि परकतदुक्खसहनतावचनतो च वीरियस्सानन्तरं **खन्ति** वुत्ता। सच्चेन खन्तिया चिराधिट्ठानतो, अपकारिनो अपकारखन्तिं वत्वा तदुपकारकरणे अविसंवादवचनतो, खन्तिया अपवादवाचाविकम्पनेन भूतवादिताय अविजहनवचनतो, सत्तसुज्जाताधम्म-निज्झानक्खन्तिं वत्वा तदुपब्रूहितजाणसच्चस्स वचनतो च खन्तियानन्तरं **सच्चं** वुत्तं। अधिट्ठानेन सच्चसिद्धितो। अचलाधिट्ठानस्स हि विरति सिज्झति। अविसंवादितं वत्वा तत्थ अचलभाववचनतो। सच्चसन्धो हि दानादीसु पटिज्जानुरूपं निच्चलो पवत्तति। जाणसच्चं वत्वा सम्भारेसु पवत्तिनिट्ठापनवचनतो। यथाभूतजाणवा हि बोधिसम्भारेसु अधिट्ठाति, ते च निट्ठापेति। पटिपक्खेहि अकम्पियभावतो च सच्चस्सानन्तरं **अधिट्ठानं** वुत्तं। मेत्ताय परहितकरणसमादानाधिट्ठानसिद्धितो, अधिट्ठानं वत्वा हितूपसंहारवचनतो। बोधिसम्भारे हि अधितिट्ठमानो मेत्ताविहारी होति। अचलाधिट्ठानस्स समादानाविकोपनेन समादानसम्भवतो च अधिट्ठानस्सानन्तरं **मेत्ता** वुत्ता। उपेक्खाय मेत्ताविसुद्धितो, सत्तेसु हितूपसंहारं वत्वा तदपराधेसु उदासीनतावचनतो, मेत्ताभावनं वत्वा तन्निस्सन्दभावनावचनतो, “हितकामसत्तेपि उपेक्खको”ति अच्छरियगुणतावचनतो च मेत्तायानन्तरं **उपेक्खा** वुत्ताति एवमेतासं कमो वेदितब्बो।

कानि लक्खणादीनि सब्बथाति एत्थ पन अविसेसेन –

परेसमनुग्गहणं, लक्खणन्ति पवुच्चति ।
उपकारो अकम्पो च, रसो हितेसितापि च ।।

बुद्धत्तं पच्चुपट्टानं, दया आणं पवुच्चति ।
पदट्टानन्ति तासन्तु, पच्चेकं तानि भेदतो ।।

सब्बापि हि पारमियो परानुग्गहलक्खणा, परेसं उपकारकरणरसा, अविकम्पनरसा वा, हितेसितापच्चुपट्टाना, बुद्धत्तपच्चुपट्टाना वा, महाकरुणापदट्टाना, करुणूपायकोसल्लपदट्टाना वा ।

विसेसेन पन यस्मा करुणूपायकोसल्लपरिग्गहिता अत्तुपकरणपरिच्चागचेतना दानपारमी । करुणूपायकोसल्लपरिग्गहितं कायवचीसुचरितं अत्थतो अकत्तब्बविरति, कत्तब्बकरणचेतनादयो च सीलपारमी । करुणूपायकोसल्लपरिग्गहितो आदीनवदस्सनपुब्बङ्गमो कामभवेहि निक्खमनचित्तुप्पादो नेक्खम्मपारमी । करुणूपायकोसल्लपरिग्गहितो धम्मानं सामञ्जविसेसलक्खणावबोधो पञ्जापारमी । करुणूपायकोसल्लपरिग्गहितो कायचित्तेहि परहितारम्भो वीरियपारमी । करुणूपायकोसल्लपरिग्गहितो सत्तसङ्कारापराधसहनसङ्घातो अदोसप्पधानो तदाकारप्पवत्तो चित्तुप्पादो खन्तिपारमी । करुणूपायकोसल्लपरिग्गहितं विरतिचेतनादिभेदं अविस्वादनं सच्चपारमी । करुणूपायकोसल्लपरिग्गहितो अचलसमादानाधिट्टानसङ्घातो तदाकारप्पवत्तो चित्तुप्पादो अधिट्टानपारमी । करुणूपायकोसल्लपरिग्गहितो लोकस्स हितसुखूपसंहारो अत्थतो अब्यापादो मेत्तापारमी । करुणूपायकोसल्लपरिग्गहिता अनुनयपटिघविद्धंसनसङ्घाता इट्ठानिट्ठेसु सत्तसङ्घारेसु समप्पवत्ति उपेक्खापारमी ।

तस्मा परिच्चागलक्खणं दानं, देय्यधम्मं लोभविद्धंसनरसं, अनासत्तिपच्चुपट्टानं, भवविभवसम्पत्तिपच्चुपट्टानं वा, परिच्चजितब्बवत्थुपदट्टानं । सीलनलक्खणं सीलं, समाधानलक्खणं, पटिट्टानलक्खणं वाति वुत्तं होति । दुस्सील्यविद्धंसनरसं, अनवज्जरसं वा, सोचेय्यपच्चुपट्टानं, हिरोत्तप्पपदट्टानं । कामतो, भवतो च निक्खमनलक्खणं नेक्खम्मं, तदादीनवविभावनरसं, ततोयेव विमुखभावपच्चुपट्टानं, संवेगपदट्टानं । यथासभावपटिवेधलक्खणा पञ्जा, अक्खलितपटिवेधलक्खणा वा कुसलिस्सासखित्तउसुपटिवेधो विय, विसयोभासनरसा पदीपो विय, असम्मोहपच्चुपट्टाना अरज्जगतसुदेसको विय,

समाधिपदद्वाना, चतुसच्चपदद्वाना वा । उस्साहलक्खणं वीरियं, उपत्थम्भनरसं, असंसीदनपच्चुपद्वानं, वीरियारम्भवत्थुपदद्वानं, संवेगपदद्वानं वा ।

खमनलक्खणा खन्ति, इट्ठानिट्ठसहनरसा, अधिवासनपच्चुपद्वाना, अविरोधपच्चुपद्वाना वा, यथाभूतदस्सनपदद्वाना । अविस्वादनलक्खणं सच्चं, याथावविभावनरसं, साधुतापच्चुपद्वानं, सोरच्चपदद्वानं । बोधिसम्भारेसु अधिद्वानलक्खणं अधिद्वानं, तेसं पटिपक्खाभिभवनरसं, तथ अचलतापच्चुपद्वानं, बोधिसम्भारपदद्वानं । हिताकारप्पवत्तिलक्खणा मेत्ता, हितूपसंहाररसा, आघातविनयनरसा वा, सोम्मभावपच्चुपद्वाना, सत्तानं मनापभावदस्सनपदद्वाना । मज्झत्ताकारप्पवत्तिलक्खणा उपेक्खा, समभावदस्सनरसा, पटिधानुनयवूपसमपच्चुपद्वाना, कम्मस्सकतापच्चवेक्खणपदद्वाना । एत्थ च करुणूपायकोसल्लपरिग्गहितता दानादीनं परिच्चागादिलक्खणस्स विसेसनभावेन वत्तब्बा, यतो तानि पारमीसङ्ख्यं लभन्ति । न हि सम्मासम्बोधियादिपत्थनमज्जत्र अकरुणूपायकोसल्लपरिग्गहितानि वट्ठगामीनि दानादीनि पारमीसङ्ख्यं लभन्तीति ।

को पच्चयोति -

अभिनीहारो च तासं, दया जाणञ्च पच्चयो ।
उस्साहुम्मङ्गवत्थानं, हिताचारादयो तथा ।।

अभिनीहारो ताव पारमीनं सब्बासम्पि पच्चयो । यो हि अयं “मनुस्सत्तं लिङ्गसम्पत्ती”तिआदि (बु० वं० २.५९) अट्ठधम्मसमोधानसम्पादितो “तिण्णो तारेय्यं मुत्तो मोचेय्यं, बुद्धो बोधेय्यं सुद्धो सोधेय्यं, दन्तो दमेय्यं, सन्तो समेय्यं, अस्सत्थो अस्सासेय्यं, परिनिब्बुतो परिनिब्बापेय्य”न्तिआदिना पवत्तो अभिनीहारो, सो अविसेसेन सब्बपारमीनं पच्चयो । तप्पवत्तिया हि उद्धं पारमीनं पविचयुपद्वानसमादानाधिद्वाननिष्फत्तियो महापुरिसानं सम्भवन्ति, अभिनीहारो च नामेस अत्थतो भेसमट्ठङ्गानं समोधानेन तथापवत्तो चित्तुप्पादो, “अहो वताहं अनुत्तरं सम्मासम्बोधिं अभिसम्बुज्जेय्यं, सब्बसत्तानं हितसुखं निष्फादेय्य”न्तिआदिपत्थनासङ्घातो अचिन्तेय्यं बुद्धभूमिं, अपरिमाणं लोकहितञ्च आरब्ध पवत्तिया सब्बबुद्धकारकधम्ममूलभूतो परमभद्दको परमकल्याणो अपरिमेय्यप्पभावो पुज्जविसेसोति दट्ठब्बो ।

तस्स च उप्पत्तिया सहेव महापुरिसो महाबोधियानपटिपत्तिं ओतिण्णो नाम होति, नियतभावसमधिगमनतो, ततो च अनिवत्तनसभावतो “बोधिसत्तो”ति समञ्जं लभति, सब्बभागेन सम्मासम्बोधियं सम्मासत्तमानसता, बोधिसम्भारे सिक्खासमत्थता चस्स सन्तिट्ठति । यथावुत्ताभिनीहारसमिज्झनेन हि महापुरिसा सब्बञ्जुतञ्जाणाधिगमनपुब्बलिङ्गेन सयम्भुजाणेन सम्मदेव सब्बपारमियो विचिनित्वा समादाय अनुक्कमेन परिपूरेन्ति, यथा तं कतमहाभिनीहारो सुमेधपण्डितो । यथाह –

“हन्द बुद्धकरे धम्मे, विचिनामि इतो चितो ।

उद्धं अधो दस दिसा, यावता धम्मधातुया ।

विचिनन्तो तदा दक्खिं, पठमं दानपारमि”न्ति ।। (बु० वं० २.११५, ११६) ।—

वित्थारो । लक्खणादितो पनेस सम्मदेव सम्मासम्बोधिपणिधानलक्खणो, “अहो वताहं अनुत्तरं सम्मासम्बोधिं अभिसम्बुज्जेय्यं, सब्बसत्तानं हितसुखं निष्फादेय्य”न्तिआदिपत्थनारसो, बोधिसम्भारहेतुभावपच्चुपट्टानो, महाकरुणापदट्टानो, उपनिस्सयसम्पत्तिपदट्टानो वा ।

तस्स पन अभिनीहारस्स चत्तारो पच्चया, चत्तारो हेतू, चत्तारि च बलानि वेदितव्वानि । तत्थ कतमे चत्तारो पच्चया महाभिनीहाराय ? इध महापुरिसो पस्सति तथागतं महता बुद्धानुभावेन अच्छरियब्भुतं पाटिहारियं करोन्तं, तस्स तं निस्साय तं आरम्भणं कत्वा महाबोधियं चित्तं सन्तिट्ठति “महानुभावा वतायं धम्मधातु, यस्सा सुप्पटिविद्धत्ता भगवा एवं अच्छरियब्भुतधम्मो, अचिन्तेय्यानुभावो चा”ति, सो तमेव महानुभावदस्सनं निस्साय तं पच्चयं कत्वा सम्बोधियं अधिमुच्चन्तो तत्थ चित्तं ठपेति, अयं पठमो पच्चयो महाभिनीहाराय ।

न हेव खो पस्सति तथागतस्स यथावुत्तं महानुभावतं, अपिच खो सुणाति “एदिसो च एदिसो च भगवा”ति, सो तं निस्साय तं पच्चयं कत्वा सम्बोधियं अधिमुच्चन्तो तत्थ चित्तं ठपेति, अयं दुतियो पच्चयो महाभिनीहाराय ।

न हेव खो पस्सति तथागतस्स यथावुत्तं महानुभावतं, नापि तं परतो सुणाति, अपिच खो तथागतस्स धम्मं देसेन्तस्स “दसबलसमन्नागतो भिक्खवे, तथागतो”तिआदिना

(सं० नि० १.२.२१) बुद्धानुभावपटिसंयुतं धम्मं सुणाति, सो तं निस्साय...पे०... अयं ततियो पच्चयो महाभिनीहाराय ।

न हेव खो पस्सति तथागतस्स यथावुत्तं महानुभावत्तं, नापि तं परतो सुणाति, नापि तथागतस्स धम्मं सुणाति, अपिच खो उळारज्झासयो कल्याणाधिमुत्तिको “अहमेत्तं बुद्धवंसं बुद्धतन्तिं बुद्धपवेणिं बुद्धधम्मत्तं परिपालेस्सामी”ति यावदेव धम्मज्जेव सक्करोन्तो गरुं करोन्तो मानेन्तो पूजेन्तो धम्मं अपचयमानो तं निस्साय...पे०... ठपेति, अयं चतुत्थो पच्चयो महाभिनीहारायाति ।

कतमे चत्तारो हेतू महाभिनीहाराय ? इध महापुरिसो पकतिया उपनिस्सयसम्पन्नो होति पुरिमकेसु बुद्धेसु कताधिकारो, अयं पठमो हेतु महाभिनीहाराय । पुन चपरं महापुरिसो पकतियापि करुणाज्झासयो होति करुणाधिमुत्तो सत्तानं दुक्खं अपनेतुकामो, अपिच अत्तनो कायज्ज जीवितज्ज परिच्चजि, अयं दुतियो हेतु महाभिनीहाराय । पुन चपरं महापुरिसो सकलतोपि वट्टदुक्खतो सत्तहिताय दुक्करचरियतो सुचिरम्पि कालं घटेन्तो वायमन्तो अनिब्बिन्नो होति अनुत्तासी, याव इच्छित्तत्थनिप्फत्ति, अयं ततियो हेतु महाभिनीहाराय । पुन चपरं महापुरिसो कल्याणमित्तसन्निस्सितो होति, यो अहिततो न निवारेति, हिते पतिट्ठापेति, अयं चतुत्थो हेतु महाभिनीहाराय ।

तत्रायं महापुरिसस्स उपनिस्सयसम्पदा – एकन्तेनेवस्स यथा अज्झासयो सम्बोधिनिन्नो होति सम्बोधिपोणो सम्बोधिपब्भारो, तथा सत्तानं हितचरियाय, यतो अनेन पुरिमबुद्धानं सन्तिके सम्बोधिया पणिधानं कत्तं होति मनसा, वाचाय च “अहम्पि एदिसो सम्मासम्बुद्धो हुत्वा सम्मदेव सत्तानं हितसुखं निप्फादेय्य”न्ति । एवं सम्पन्नूपनिस्सयस्स पनस्स इमानि उपनिस्सयसम्पत्तिया लिङ्गानि सम्भवन्ति, येहि समन्नागतस्स सावकबोधिसत्तेहि, पच्चैकबोधिसत्तेहि च महाविसेसो महन्तं नानाकरणं पज्जायति इन्द्रियतो, पटिपत्तितो, कोसल्लतो च । इध हि उपनिस्सयसम्पन्नो महापुरिसो यथा विसदिन्द्रियो होति विसदजाणो, न तथा इतरे । परहिताय पटिपन्नो होति, नो अत्तहिताय । तथा हि सो यथा बहुजनहिताय बहुजनसुखाय लोकानुक्कम्पाय अत्थाय हिताय सुखाय देवमनुस्सानं पटिपज्जि, न तथा इतरे, तत्थ च कोसल्लं आवहति ठानुप्पत्तिकपटिभानेन, ठानाठानकुसल्लताय च ।

तथा महापुरिसो पकतिया दानज्झासयो होति दानाभिरतो, सति देय्यधम्मे देतियेव, न दानतो सङ्कीचं आपज्जति, सततं समितं संविभागसीलो होति, पमुदितोव देति आदरजातो, न उदासीनचित्तो, महन्तम्मि दानं दत्त्वा नेव दानेन सन्तुट्ठो होति, पगेव अप्पं। परेसज्ज उस्साहं जनेन्तो दाने वण्णं भासति, दानपटिसंयुतं धम्मकथं करोति, अज्जे च परेसं देन्ते दिस्वा अत्तमनो होति, भयट्टानेसु च परेसं अभयं देतीति एवमादीनि दानज्झासयस्स महापुरिसस्स दानपारमिया लिङ्गानि।

तथा पाणातिपातादीहि पापधम्मेहि हिरीयति ओत्तप्पति, सत्तानं अविहेठनजातिको होति, सोरतो सुखसीलो असठो अमायावी उज्जुजातिको सुब्बचो सोवचस्सकरणीयेहि धम्मेहि समन्नागतो मुदुजातिको अथद्धो अनतिमानी, परसन्तकं नादियति अन्तमसो तिणसलाकमुपादाय, अत्तनो हत्थे निक्खित्तं इणं वा गहेत्त्वा परं न विसंवादेति, परस्मिं वा अत्तनो सन्तके ब्यामूळहे, विस्सरिते वा तं सज्जापेत्त्वा पटिपादेति यथा तं न परहत्थगतं होति, अलोलुप्पो होति, परपरिग्गहितेसु पापकं चित्तम्मि न उप्पादेति, इत्थिब्यसनादीनि दूरतो परिवज्जेति, सच्चवादी सच्चवसन्धो भिन्नानं सन्धाता सहितानं अनुपदाता पियवादी मिहितपुब्बङ्गमो पुब्बभासी अत्थवादी धम्मवादी अनभिज्झालु अब्यापन्नचित्तो अविपरीतदस्सनो कम्मस्सकताजाणेन, सच्चवानुलोमिकजाणेन च, कतज्जू कतवेदी वुट्ठापचायी सुविसुद्धाजीवो धम्मकामो, परेसम्मि धम्मे समादपेता सब्बेन सब्बं अकिच्चतो सत्ते निवारेता किच्चेसु पटिठ्ठपेता अत्तना च तत्थ किच्चे योगं आपज्जिता, कत्त्वा वा पन सयं अकत्तब्बं सीघज्जेव ततो पटिविरतो होतीति एवमादीनि सीलज्झासयस्स महापुरिसस्स सीलपारमिया लिङ्गानि।

तथा मन्दकिलेसो होति मन्दनीवरणो पविवेकज्झासयो अविक्खेपबहुलो, न तस्स पापका वितक्का चित्तमन्वास्सवन्ति, विवेकगतस्स चस्स अप्पकसिरेनेव चित्तं समाधियति, अमित्तपक्खेपि तुवटं मेत्तचित्तता सन्तिट्ठति, पगेव इतरस्मिं, सतिमा च होति चिरकतम्मि चिरभासितम्मि सुसरिता अनुस्सरिता, मेधावी च होति धम्मोजपज्जाय समन्नागतो, निपको च होति तासु तासु इतिकत्तब्बतासु, आरद्धवीरियो च होति सत्तानं हितकिरियासु, खन्तिबलसमन्नागतो च होति सब्बसहो, अचलाधिष्ठानो च होति दळ्हसमादानो, अज्झुपेक्खको च होति उपेक्खाठानीयेसु धम्मेसूति एवमादीनि महापुरिसस्स नेक्खम्मज्झासयादीनं वसेन नेक्खम्मपारमियादीनं लिङ्गानि वेदितब्बानि।

एवमेतेहि बोधिसम्भारलिङ्गेहि समन्नागतस्स महापुरिस्स यं वुत्तं “महाभिनीहाराय कल्याणमित्तसन्निस्सयो हेतू”ति, तन्निदं सङ्केपतो कल्याणमित्तलक्खणं – इध कल्याणमित्तो सद्धासम्पन्नो होति सीलसम्पन्नो सुतसम्पन्नो चागवीरियसतिसमाधिपज्जासम्पन्नो । तत्थ सद्धासम्पत्तिया सद्वहति तथागतस्स बोधिं कम्मं, कम्मफलञ्च, तेन सम्मासम्बोधिया हेतुभूतं सत्तेसु हितेसितं न परिच्चजति । सीलसम्पत्तिया सत्तानं पियो होति मनापो गरु भावनीयो चोदको पापगरहिको वत्ता वचनक्खमो । सुतसम्पत्तिया सत्तानं हितसुखावहं गम्भीरं धम्मकथं कत्ता होति । चागसम्पत्तिया अप्पिच्छो होति समाहितो सन्तुट्ठो पविवित्तो असंसट्ठो । वीरियसम्पत्तिया आरद्धवीरियो होति सत्तानं हितपटिपत्तिया । सतिसम्पत्तिया उपट्ठितस्सती होति अनवज्जेसु धम्मेषु । समाधिसम्पत्तिया अविक्खित्तो होति समाहितचित्तो । पज्जासम्पत्तिया अविपरीतं पजानाति । सो सतिया कुसलानं धम्मनं गतियो समन्वेसमानो पज्जाय सत्तानं हिताहितं यथाभूतं जानित्वा समाधिना तत्थ एकग्गचित्तो हुत्वा वीरियेन अहिता सत्ते निसेधेत्वा हिते नियोजेति । तेनाह –

“पियो गरु भावनीयो, वत्ता च वचनक्खमो ।

गम्भीरञ्च कथं कत्ता, नो चट्ठाने नियोजको”ति ।। (अ० नि० ७.३७; नेत्ति० ११३) ।

एवं गुणसमन्नागतं कल्याणमित्तं उपनिस्साय महापुरिसो अत्तनो उपनिस्सयसम्पत्तिं सम्मदेव परियोदपेति । सुविसुद्धासयपयोगोव हुत्वा चतूहि बलेहि समन्नागतो नचिरेनेव अट्ठङ्गे समोधानेत्वा महाभिनीहारं करोन्तो बोधिसत्तभावे पटिड्ढहति अनिवत्तिधम्मो नियतो सम्बोधिपरायणो ।

तस्सिमानि चत्तारि बलानि अज्झत्तिकबलं या सम्मासम्बोधियं अत्तसन्निस्सया धम्मगारवेन अभिरुचि एकन्तनिब्रज्जासयता, याय महापुरिसो अत्ताधिपतिलज्जासन्निस्सयो, अभिनीहारसम्पन्नो च हुत्वा पारमियो पूरेत्वा सम्मासम्बोधिं पापुणाति । बाहिरबलं या सम्मासम्बोधियं परसन्निस्सया अभिरुचि एकन्तनिब्रज्जासयता, याय महापुरिसो लोकाधिपतिओत्तप्पनसन्निस्सयो, अभिनीहारसम्पन्नो च हुत्वा पारमियो पूरेत्वा सम्मासम्बोधिं पापुणाति । उपनिस्सयबलं या सम्मासम्बोधियं उपनिस्सयसम्पत्तिया अभिरुचि एकन्तनिब्रज्जासयता, याय महापुरिसो तिक्खिन्द्रियो, विसदधातुको, सतिसन्निस्सयो, अभिनीहारसम्पन्नो च हुत्वा पारमियो पूरेत्वा सम्मासम्बोधिं पापुणाति । पयोगबलं या

सम्मासम्बोधिया तज्जा पयोगसम्पदा सक्कच्चकारिता सातच्चकारिता, याय महापुरिसो विसुद्धपयोगो, निरन्तरकारी, अभिनीहारसम्पन्नो च हुत्वा पारमियो पूरेत्वा सम्मासम्बोधिं पापुणाति । एवमयं चतूहि पच्चयेहि, चतूहि हेतूहि, चतूहि च बलेहि सम्पन्नसमुदागमो अट्ठङ्गसमोधानसम्पादितो अभिनीहारो पारमीनं पच्चयो होति मूलकारणभावतो ।

यस्स च पवत्तिया महापुरिसे चत्तारो अच्छरिया अब्भुता धम्मा पतिट्ठहन्ति, सब्बं सत्तनिकायं अत्तनो ओरसपुत्तं विय पियचित्तेन परिग्गण्हाति, न चस्स चित्तं पुन संकिलेसवसेन संकिलिस्सति, सत्तानं हितसुखावहो चस्स अज्झासयो, पयोगो च होति, अत्तनो च बुद्धकारकधम्मा उपरूपरि वट्ठन्ति, परिपच्चन्ति च, यतो महापुरिसो उल्लारतरेन पुज्जाभिसन्देन कुसलाभिसन्देन पवट्ठिया [पवत्तिया (चरि० पि० अट्ठ० पकिण्णककथा)] पच्चयेन सुखस्साहारेण समन्नागतो सत्तानं दक्खिण्यो उत्तमं गारवट्ठानं, असदिसं पुज्जक्खेत्तञ्च होति । एवमनेकगुणो अनेकानिसंसो महाभिनीहारो पारमीनं पच्चयोति वेदितब्बो ।

यथा च महाभिनीहारो, एवं महाकरुणा, उपायकोसल्लञ्च । तत्थ उपायकोसल्लं नाम दानादीनं बोधिसम्भारभावस्स निमित्तभूता पज्जा, याहि महाकरुणूपायकोसल्लताहि महापुरिसानं अत्तसुखनिरपेक्खता, निरन्तरं परसुखकरणपसुतता, सुदुक्करेहि महाबोधिसत्तचरितेहि विसादाभावो, पसादसंबुद्धिदस्सनसवनानुस्सरणावत्थासुपि सत्तानं हितसुखपटिलाभहेतुभावो च सम्पज्जति । तथा हि तस्स पज्जाय बुद्धभावसिद्धि, करुणाय बुद्धकम्मसिद्धि । पज्जाय सयं तरति, करुणाय परे तारेति । पज्जाय परदुक्खं परिजानाति, करुणाय परदुक्खपटिकारं आरभति । पज्जाय दुक्खं निब्बिन्दति, करुणाय दुक्खं सम्पटिच्छति । पज्जाय निब्बानाभिमुखो होति, करुणाय तं न पापुणाति । तथा करुणाय संसाराभिमुखो होति, पज्जाय तत्र नाभिरमति । पज्जाय सब्बत्थ विरज्जति, करुणानुगतत्ता न च न सब्बेसमनुग्गहाय पवत्तो, करुणाय सब्बेपि अनुकम्पति, पज्जानुगतत्ता न च न सब्बत्थ विरत्तचित्तो । पज्जाय अहंकारममंकाराभावो, करुणाय आलसियदीनताभावो ।

तथा पज्जाकरुणाहि यथाक्कमं अत्तनाथपरनाथता, धीरवीरभावो, अनत्तन्तपापरन्तपता, अत्तहितपरहितनिष्फत्ति, निब्भयाभीसनकभावो, धम्माधिपतिलोकाधिपतिता, कतञ्जुपुब्बकारिभावो, मोहतण्हाविगमो, विज्जाचरणसिद्धि, बलवेसारज्जनिष्फत्तीति

सब्बस्सापि पारमिताफलस्स विसेसेन उपायभावतो पज्जा करुणा पारमीनं पच्चयो । इदं पन द्वयं पारमीनं विय पणिधानस्सापि पच्चयो ।

तथा उस्साहउम्मङ्गअवत्थानहितचरिया च पारमीनं पच्चयोति वेदितब्बो । या च बुद्धभावस्स उप्पत्तिद्वानताय “बुद्धभूमियो”ति वुच्चन्ति । तत्थ उस्साहो नाम बोधिसम्भारानं अब्भुस्साहनवीरियं । उम्मङ्गो नाम बोधिसम्भारेसु उपायकोसल्लभूता पज्जा । अवत्थानं नाम अधिद्वानं, अचलाधिद्वानता । हितचरिया नाम मेत्ताभावना, करुणाभावना च । यथाह –

“कति पन भन्ते, बुद्धभूमियोति ? चतस्सो खो सारिपुत्त, बुद्धभूमियो । कतमा चतस्सो ? उस्साहो च होति वीरियं, उम्मङ्गो च होति पज्जाभावना, अवत्थानञ्च होति अधिद्वानं, हितचरिया च होति मेत्ताभावना । इमा खो सारिपुत्त, चतस्सो बुद्धभूमियो”ति (सु० नि० अट्ठ० १.३४) ।

तथा नेक्खम्मपविवेकअलोभादोसामोहनस्सरणप्पभेदा च छ अज्झासया । वुत्तज्हेतं –

“नेक्खम्मज्झासया च बोधिसत्ता कामेसु, घरावासे च दोसदस्साविनो, पविवेकज्झासया च बोधिसत्ता सङ्गणिकाय दोसदस्साविनो । अलोभ...पे०... लोभे...पे०... अदोस...पे०... दोसे...पे०... अमोह...पे०... मोहे...पे०... निस्सरण...पे०... सब्बभवेसु दोसदस्साविनो”ति (सु० नि० अट्ठ० १.३४; विसुद्धि० १.४९) ।

तस्मा एते च छ अज्झासयापि पारमीनं पच्चयाति वेदितब्बा । न हि लोभादीसु आदीनवदस्सनेन, अलोभादीनं अधिकभावेन च विना दानादिपारमियो सम्भवन्ति । अलोभादीनज्झि अधिकभावेन परिच्चागादिनिन्नचित्ता, अलोभज्झासयादिता चाति, यथा चेते, एवं दानज्झासयतादयोपि । यथाह –

“कति पन भन्ते बोधाय चरन्तानं बोधिसत्तानं अज्झासयाति ? दस खो सारिपुत्त, बोधाय चरन्तानं बोधिसत्तानं अज्झासया । कतमे दस ? दानज्झासया सारिपुत्त, बोधिसत्ता मच्छेरे दोसदस्साविनो । सील...पे०... असंवरे...पे०... नेक्खम्म...पे०... कामेसु...पे०... यथाभूतजाण...पे०... विचिकिच्छाय ।...पे०...

वीरिय...पे०... कोसज्जे...पे०... खन्ति...पे०... अक्खन्तियं...पे०... सच्च...पे०...
 विसंवादाने...पे०... अधिद्वान...पे०... अनधिद्वाने...पे०... मेत्ता...पे०...
 ब्यापादे...पे०... उपेक्खा...पे०... सुखदुक्खेसु आदीनवदस्साविनो”ति ।

एतेसु हि मच्छेरअसंवरकामविचिकिच्छाकोसज्जअक्खन्तिविसंवादनअनधिद्वानब्यापाद-
 सुखदुक्खसङ्घातेसु आदीनवदस्सनपुब्बङ्गमा दानादिनिब्रचित्ततासङ्घाता दानज्झासयतादयो
 दानादिपारमीनं निब्वत्तिया पच्चयो । तथा अपरिच्चागपरिच्चागादीसु यथाक्कमं
 आदीनवानिसंसपच्चवेक्खणाम्पि दानादिपारमीनं पच्चयो होति ।

तत्रायं पच्चवेक्खणाविधि – खेत्तवत्थुहिरज्जसुवण्णगोमहिं सदासीदासपुत्तदारादि-
 परिग्गहब्यासत्तचित्तानं सत्तानं खेत्तादीनं वत्थुकामभावेन बहुपत्थनीयभावतो,
 राजचोरादिसाधारणभावतो, विवादाधिद्वानतो, सपत्तकरणतो, निस्सारतो, पटिलाभपरिपालनेसु
 परविहेठनहेतुभावतो, विनासनिमित्तज्वसोकादिअनेकविहितव्यसनावहतो तदासत्तिनिदानज्ज
 मच्छेरमलपरियुद्धितचित्तानं अपायूपपत्तिहेतुभावतोति एवं विविधविपुलानत्थावहानि
 परिग्गहितवत्थूनि नाम, तेसं परिच्चागोयेवेको सोत्थिभावोति परिच्चागे अप्पमादो करणीयो ।

अपिच “याचको याचमानो अत्तनो गुह्यस्स आचिक्खनतो मय्हं विस्सासिको”ति
 च “पहाय गमनीयं अत्तनो सन्तकं गहेत्वा परलोकं याहीतिउपदिसनतो मय्हं
 उपदेसको”ति च “आदित्ते विय अगारे मरणग्गिना आदित्ते लोके ततो मय्हं सन्तकस्स
 अपहरणतो अपवाहकसहायो”ति च “अपवाहितस्स चस्स अज्झापननिक्खेपट्टानभूतो”ति
 च “दानसङ्घाते कल्याणकम्मस्मिं सहायभावतो, सब्बसम्पत्तीनं अग्गभूताय परमदुल्लभाय
 बुद्धभूमिया सम्पत्तिहेतुभावतो च परमो कल्याणमित्तो”ति च पच्चवेक्खितब्बं ।

तथा “उळारे कम्मनि अनेनाहं सम्भावितो, तस्मा सा सम्भावना अवितथा
 कातब्बा”ति च “एकन्तभेदिताय जीवितस्स आयाचितेनापि मया दातब्बं, पगेव
 याचितेना”ति च “उळारज्झासयेहि गवेसित्वापि दातब्बो, [दातब्बतो (च० पि० अट्ठ०
 पकिण्णककथावण्णना)] सयमेवागतो मम पुज्जेना”ति च “याचकस्स दानापदेसेन
 मय्हमेवायमनुग्गहो”ति च “अहं विय अयं सब्बोपि लोको मया अनुग्गहेतब्बो”ति च
 “असति याचके कथं मय्हं दानपारमी पूरेय्या”ति च “याचकानमेवत्थाय मया सब्बोपि
 परिग्गहेतब्बो”ति च “अयाचित्वापि मं मम सन्तकं याचका कदा सयमेव गण्हेय्यु”न्ति

च “कथमहं याचकानं पियो चस्सं मनापो”ति च “कथं वा ते मय्हं पिया चस्सु मनापा”ति च “कथं वाहं ददमानो दत्वापि च अत्तमनो अस्सं पमुदितो पीतिसोमनस्सजातो”ति च “कथं वा मे याचका भवेय्युं, उळारो च दानज्झासयो”ति च “कथं वाहमयाचितो एव याचकानं हदयमज्जाय ददेय्य”न्ति “सति धने, याचके च अपरिच्चागो महती मय्हं वज्जना”ति च “कथमहं अत्तनो अङ्गानि, जीवितज्वापि परिच्चजेय्य”न्ति च चागनिन्नता उपट्ठपेतब्बा ।

अपिच “अत्थो नामायं निरपेक्खं दायकमनुगच्छति यथा तं निरपेक्खं खेपकं किटको”ति अत्थे निरपेक्खताय चित्तं उप्पादेतब्बं । याचमानो पन यदि पियपुग्गलो होति “पियो मं याचती”ति सोमनस्सं उप्पादेतब्बं । अथ उदासीनपुग्गलो होति “अयं मं याचमानो अब्बा इमिना परिच्चागेन मित्तो होती”ति सोमनस्सं उप्पादेतब्बं । ददन्तो हि याचकानं पियो होतीति । अथ पन वेरीपुग्गलो याचति, “पच्चत्थिको मं याचति, अयं मं याचमानो अब्बा इमिना परिच्चागेन वेरीपि पियो मित्तो होती”ति विसेसतो सोमनस्सं उप्पादेतब्बं । एवं पियपुग्गले विय मज्झत्तवेरीपुग्गलेसुपि मेत्तापुब्बङ्गमं करुणं उपट्ठपेत्ताव दातब्बं ।

सचे पनस्स चिरकालं परिभावितत्ता लोभस्स देय्यधम्मविसया लोभधम्मा उप्पज्जेय्युं, तेन बोधिसत्तपटिज्जेन इति पटिसज्चिक्खितब्बं “ननु तया सप्पुरिस सम्बोधाय अभिनीहारं करोन्तेन सब्बसत्तानमुपकाराय अयं कायो निस्सट्ठो, तप्परिच्चागमयज्च पुज्जं, तत्थ नाम ते बाहिरेपि वत्थुस्मिं अभिसङ्गप्पवत्ति हत्थिसिनानसदिसी होति, तस्मा तया न कत्थचि अभिसङ्गो उप्पादेतब्बो । सेय्यथापि नाम महतो भेसज्जरुक्खस्स तिड्डतो मूलं मूलत्थिका हरन्ति, पपटिकं, तचं, खन्धं, विटपं, साखं, पलासं, पुफ्फं, फलं फलत्थिका हरन्ति, न तस्स रुक्खस्स ‘मय्हं सन्तकं एते हरन्ती’ति वितक्कसमुदाचारो होति, एवमेव सब्बलोकहिताय उस्सुक्कमापज्जन्तेन मया महादुक्खे अकतज्जुके निच्चासुचिम्हि काये परेसं उपकाराय विनियुज्जमाने अणुमत्तोपि मिच्छावितक्को न उप्पादेतब्बो । को वा एत्थ विसेसो अज्झत्तिकबाहिरेसु महाभूतेसु एकन्तभेदनविकिरणविद्धंसनधम्मेसु । केवलं पन सम्मोहविजम्भितमेतं, यदिदं ‘एतं मम, एसोहमस्मि, एसो मे अत्ता’ति अभिनिवेशो, तस्मा बाहिरेसु महाभूतेसु विय अज्झत्तिकेसुपि करचरणनयनादीसु, मंसादीसु च अनपेक्खेन हुत्वा ‘तं तदत्थिका हरन्तू’ति निस्सट्ठचित्तेन भवितब्ब’न्ति । एवं पटिसज्चिक्खतो चस्स सम्बोधाय पहितत्तस्स कायजीवितेसु निरपेक्खस्स अप्पकसिरेनेव

कायवचीमनोकम्मानि सुविसुद्धानि होन्ति, सो विसुद्धकायवचीमनोकम्मतो विसुद्धाजीवो जायपटिपत्तियं ठितो आयापायुपायकोसल्लसमन्नागमेन भिय्योसो मत्ताय देय्यधम्मपरिच्चागेन, अभयदानसद्धम्मदानेहि च सब्बसत्ते अनुगण्हितुं समत्थो होति, अयं ताव दानपारमियं पच्चवेक्खणानयो ।

सीलपारमियं पन एवं पच्चवेक्खितब्बं – “इदञ्चि सीलं नाम गज्जोदकादीहि विसोधेतुं असक्कुण्येयस्स दोसमलस्स विक्खालनजलं, हरिचन्दनादीहि विनेतुं असक्कुण्येयस्स रागादिपरिळाहस्स विनयनं, मुत्ताहारमकुटकुण्डलादीहि पचुरजनालङ्कारेहि असाधारणो साधूनमलङ्कारविसेसो, सब्बदिसावायनको अतिकित्तिमो [सब्बदिसावायनतो अकित्तिमो (च० पि० अट्ठ० पकिण्णककथावण्णना; दी० नि० टी० १.७)] सब्बकालानुरूपो च सुरभिगन्धो, खत्तियमहासालादीहि, देवताहि च वन्दनीयादिभावावहनतो परमो वसीकरणमन्तो, चातुमहाराजिकादिदेवलोकारोहणसोपानपन्ति, ज्ञानाभिज्ज्ञानं अधिगमूपायो, निब्बानमहानगरस्स सम्पापकमग्गो, सावकबोधिपच्चेकबोधिसम्मासम्बोधीनं पतिट्ठानभूमि, यं यं वा पणिच्छितं पथितं, तस्स तस्स समिज्जनूपायभावतो चिन्तामणिकप्परुक्खादिके च अतिसेति । वुत्तञ्जेतं भगवता “इज्झति भिक्खवे, सीलवतो चेतोपणिधि विसुद्धता”ति (दी० नि० ३.३३७; सं० नि० २.४.३५२; अ० नि० ३.८.३५) । अपरम्पि वुत्तं “आकङ्खेय्य चे भिक्खवे, भिक्खु सव्रह्मचारीनं पियो च अस्सं मनापो च गरु च भावनीयो चाति, सीलेस्वेवस्स परिपूरकारी”तिआदि (म० नि० १.६५) । तथा “अविष्पटिसारत्थानि खो आनन्द कुसलानि सीलानी”ति, (अ० नि० ३.१०.१; ११.१) “पज्जिमे गहपतयो, आनिसंसा सीलवतो सीलसम्पदाया”तिआदिसुत्तानञ्च (दी० नि० २.१५०; अ० नि० २.५.२१३; उदा० ७६; महा० व० ३८५) वसेन सीलगुणा पच्चवेक्खितब्बा । तथा अगिक्खन्धोपमसुत्तादीनं (अ० नि० २.७.७२) वसेन सीलविरहे आदीनवा ।

अपिच पीतिसोमनस्सनिमित्ततो, अत्तानुवादपरानुवाददण्डदुग्गतिभयाभावतो, विञ्जूहि पासंसभावतो, अविष्पटिसारहेतुतो, परमसोत्थिट्ठानतो, कुलसापतेय्याधिपतेय्यजीवितरूपट्ठान-बन्धुमित्तसम्पत्तीनं अतिसयनतो च सीलं पच्चवेक्खितब्बं । सीलवतो हि अत्तनो सीलसम्पदाहेतु महन्तं पीतिसोमनस्सं उप्पज्जति “कतं वत मया कुसलं, कतं कल्याणं, कतं भीरुत्ताण”न्ति ।

तथा सीलवतो अत्ता न उपवदति, न च परे विज्जू, दण्डदुग्गतिभयानञ्च सम्भवोयेव नत्थि, “सीलवा पुरिसपुग्गले कल्याणधम्मो”ति विज्जूनं पासंसो च होति । तथा सीलवतो घ्यायं “कतं वत मया पापं, कतं लुद्धं, कतं किब्बिस”न्ति दुस्सीलस्स विप्पटिसारो उप्पज्जति, सो न होति । सीलञ्च नामेतं अप्पमादाधिद्वानतो, भोगव्यसनादिपरिहारमुखेन महतो अत्थस्स साधनतो, मङ्गलभावतो, परमं सोत्थिद्वानं । निहीनजच्चोपि सीलवा खत्तियमहासालादीनं पूजनीयो होतीति कुलसम्पत्तिं अतिसेति सीलसम्पदा, “तं किं मज्जसि महाराज, इध ते अस्स दासो कम्मकरो”तिआदि (दी० नि० १.१८३) वक्खमानसामज्जसुत्तवचनञ्चेत्थ साधकं, चोरादीहि असाधारणतो, परलोकानुगमनतो, महप्फलभावतो, समथादिगुणाधिद्वानतो च बाहिरधनं सापतेय्यं अतिसेति सीलं । परमस्स चित्तिस्सरियस्स अधिद्वानभावतो खत्तियादीनमिस्सरियं अतिसेति सीलं । सीलनिमित्तञ्चि तंतंसत्तनिकायेसु सत्तानमिस्सरियं, वस्ससतादिदीघप्पमाणतो च जीविततो एकाहम्पि सीलवतो जीवितस्स विसिद्धतावचनतो, सतिपि जीविते सिक्खानिक्खपनस्स मरणतावचनतो च सीलं जीविततो विसिद्धतरं । वेरीनम्पि मनुज्जभावावहनतो, जरारोगविपत्तीहि अनभिभवनीयतो च रूपसम्पत्तिं अतिसेति सीलं । पासादहम्मियादिद्वानप्पभेदे राजयुवराजसेनापतिआदिठानविसेसे च सुखविसेसाधिद्वानभावतो अतिसेति सीलं । सभावसिनिद्धे सन्तिकावचरेपि बन्धुजने, मित्तजने च एकन्तहितसम्पादनतो, परलोकानुगमनतो च अतिसेति सीलं । “न तं माता पिता कयिरा”तिआदि (ध० प० ४३) वचनञ्चेत्थ साधकं । तथा हत्थिअस्सरथपत्तिबलकायेहि, मन्तागदसोत्थानपयोगेहि च दुरारक्खानमनाथानं अत्ताधीनतो, अनपराधीनतो, महाविसयतो च आरक्खभावेन सीलमेव विसिद्धतरं । तेनेवाह “धम्मो हवे रक्खति धम्मचारि”न्तिआदि (थेर० गा० ३०३; जा० १.१०.१०२) । एवमनेकगुणसमन्नागतं सीलन्ति पच्चवेक्खन्तस्स अपरिपुण्णा चेव सीलसम्पदा पारिपूरिं गच्छति, अपरिसुद्धा च पारिसुद्धिं ।

सचे पनस्स दीघरत्तं परिचयेन सीलपटिपक्खधम्मा दोसादयो अन्तरन्तरा उप्पज्जेय्युं, तेन बोधिसत्तपटिज्जेन एवं पटिसज्चिक्खितब्बं “ननु तथा बोधाय पणिधानं कतं, सीलवेकल्लेन च न सक्का न च सुकरा लोकियापि सम्पत्तियो पापुणितुं, पगेव लोकुत्तरा”ति । सब्बसम्पत्तीनमग्गभूताय सम्मासम्बोधिया अधिद्वानभूतेन सीलेन परमुक्कंसगतेन भवितब्बं, तस्मा “किक्कीव अण्ड”न्तिआदिना (दी० नि० अड्ड० १.७; विसुद्धि० १.१९) वुत्तनयेन सम्मदेव सीलं रक्खन्तेन सुद्ध तथा पेसलेन भवितब्बं ।

अपिच तया धम्मदेसनाय यानत्तये सत्तानमवतारणपरिपाचनानि कातब्बानि, सीलवेकल्लस्स च वचनं न पच्चेतब्बं होति, असप्पायाहारविचारस्स विय वेज्जस्स तिकिच्छनं, तस्मा “कथाहं सद्धेय्यो हुत्वा सत्तानमवतारणपरिपाचनानि करेय्य”न्ति सभावपरिसुद्धसीलेन भवितब्बं । किञ्च ज्ञानादिगुणविसेसयोगेन मे सत्तानमुपकारकरणसमत्थता, पज्जापारमीआदिपरिपूरणञ्च ज्ञानादयो गुणा च सीलपारिसुद्धिं विना न सम्भवन्तीति सम्मदेव सीलं सोधेतब्बं ।

तथा “सम्बाधो घरावासो रजोपथो”तिआदिना (दी० नि० १.१११; म० नि० १.२९१, ३७१; २.१०; ३.१३, २१८; सं० नि० १.२.१५४; ३.५.१००२; अ० नि० ३.१०.९९; नेत्ति० ९४) घरावासे, “अट्टिकङ्कलूपमा कामा”तिआदिना (म० नि० १.२३४; २.४२; पाचि० ४१७; चूळ० नि० १४७) “मातापि पुत्तेन विवदती”तिआदिना (म० नि० १.१६८) च कामेसु, “सेय्यथापि पुरिसो इणं आदाय कम्मन्ते पयोजेय्या”तिआदिना (म० नि० १.४२६) कामच्छन्दादीसु आदीनवदस्सनपुब्बङ्गमा, वुत्तविपरियायेन “अब्भोकासो पब्बज्जा”तिआदिना (दी० नि० १.१९१, ३९८; म० नि० १.२९१, ३७१; २.१०; ३.१३, २१८; सं० नि० १.२९१; सं० नि० ३.५.१००२; अ० नि० ३.१०.९९; नेत्ति० ९८) पब्बज्जादीसु आनिसंसापटिसङ्घावसेन **नेक्खम्मपारमियं** पच्चवेक्खणा कातब्बा । अयमेत्थ सङ्केपो, वित्थारो पन दुक्खक्खन्धआसिविसोपमसुत्तादि (म० नि० १.१६३, १७५; सं० नि० २.४.२३८) वसेन वेदितब्बो ।

तथा “पज्जाय विना दानादयो धम्मा न विसुज्झन्ति, यथासकं ब्यापारसमत्था च न होन्ती”ति पज्जाय गुणा मनसि कातब्बा । यथेव हि जीवितेन विना सरीरयन्तं न सोभति, न च अत्तनो किरियासु पटिपत्तिसमत्थं होति । यथा च चक्खादीनि इन्द्रियाणि विज्जाणेन विना यथासकं विसयेसु किच्चं कातुं नप्पहोन्ति, एवं सद्धादीनि इन्द्रियाणि पज्जाय विना सककिच्चपटिपत्तियमसमत्थानीति परिच्चागादिपटिपत्तियं पज्जा पधानकारणं । उम्मीलितपज्जाचक्खुका हि महासत्ता बोधिसत्ता अत्तनो अङ्गपच्चङ्गानिपि दत्वा अनत्तुक्कंसका, अपरवम्भका च होन्ति, भेसज्जरुक्खा विय विकप्परहिता कालत्तयेपि सोमनस्सजाता । पज्जावसेन हि उपायकोसल्लयोगतो परिच्चागो परहितपवत्तिया दानपारमिभावं उपेति । अत्तत्थज्झि दानं मुद्धसदिसं [बुद्धिसदिसं (दी० नि० टी० १.७)] होति ।

तथा पज्जाय अभावेन तण्हादिसंकिलेसावियोगतो सीलस्स विसुद्धियेव न सम्भवति, कुतो सब्बज्जुगुणाधिद्वानभावो । पज्जवा एव च घरावासे कामगुणेषु संसारे च आदीनवं, पब्बज्जाय ज्ञानसमापत्तियं निब्बाने च आनिसंसं सुद्धु सल्लक्खेन्तो पब्बजित्वा ज्ञानसमापत्तियो निब्बत्तेत्वा निब्बाननिम्नो, परे च तत्थ पतिट्ठपेति ।

वीरियञ्च पज्जारहितं यथिच्छित्तमत्थं न साधेति दुरारम्भभावतो । अनारम्भोयेव हि दुरारम्भतो सेय्यो, पज्जासहितेन पन वीरियेन न किञ्चि दुरधिगमं उपायपटिपत्तितो । तथा पज्जवा एव परापकारादीनमधिवासकजातियो होति, न दुप्पज्जो । पज्जाविरहितस्स च परेहि उपनीता अपकारा खन्तिया पटिपक्खमेव अनुब्रूहेन्ति । पज्जवतो पन ते खन्तिसम्पत्तिया अनुब्रूहनवसेन अस्सा थिरभावाय संवत्तन्ति । पज्जवा एव तीणिपि सच्चानि तेसं कारणानि पटिपक्खे च यथाभूतं जानित्वा परेसं अविसंवादको होति । तथा पज्जाबलेन अत्तानमुपपत्थम्भेत्वा धितिसम्पदाय सब्बपारमीसु अचलसमादानाधिद्वानो होति । पज्जवा एव च पियमज्झत्तवेरिविभागमकत्वा सब्बत्थ हितूपसंहारकुसलो होति । तथा पज्जावसेन लाभालाभादिलोकधम्मसन्निपाते निब्बिकारताय मज्झत्तो होति । एवं सब्बासं पारमीनं पज्जाव पारिसुद्धिहेतूति **पज्जागुणा** पच्चवेक्खितब्बा ।

अपिच पज्जाय विना न दस्सनसम्पत्ति, अन्तरेन च दिट्ठिसम्पदं न सीलसम्पदा, सीलदिट्ठिसम्पदारहितस्स च न समाधिसम्पदा, असमाहितेन च न सक्का अत्तहितमत्तम्पि साधेतुं, पगेव उक्कंसगतं परहितन्ति । “ननु तया परहिताय पटिपन्नेन सक्कच्चं पज्जापारिसुद्धिया आयोगो करणीयो”ति बोधिसत्तेन अत्ता ओवदितब्बो । पज्जानुभावेन हि महासत्तो चतुरधिद्वानाधिद्वितो चतूहि सङ्गहवत्थूहि लोकं अनुगगणहन्तो सत्ते निय्यानमग्गे अवतारेति, इन्द्रियाणि च नेसं परिपाचेति । तथा पज्जाबलेन खन्धायतनादीसु पविचयबहुलो पवत्तिनिवत्तियो याथावतो परिजानन्तो दानादयो गुणविसेसे निब्बेधभागियभावं नयन्तो बोधिसत्तसिक्खाय परिपूरकारी होतीति एवमादिना अनेकाकारवोकारे पज्जागुणे ववत्थपेत्वा पज्जापारमी अनुब्रूहेतब्बा ।

तथा दिस्समानपारानिपि लोकियानि कम्मनि निहीनवीरियेन पापुणितुमसक्कुणेष्यानि, अगणितखेदेन पन आरुद्धवीरियेन दुरधिगमं नाम नत्थि । निहीनवीरियो हि “संसारमहोघतो सब्बसत्ते सन्तारेस्सामी”ति आरभितुमेव न सक्कुणोति । मज्झिमो पन

आरभित्वान अन्तरावोसानमापज्जति । उक्कट्टवीरियो पन अत्तसुखनिरपेक्खो आरभित्वा पारमधिगच्छतीति वीरियसम्पत्ति पच्चवेक्खितब्बा ।

अपिच “यस्स अत्तनो एव संसारपङ्कतो समुद्धरणत्थमारम्भो, तस्सापि वीरियस्स सिथिलभावेन मनोरथानं मत्थकप्पत्ति न सक्का सम्भावेतुं, पगेव सदेवकस्स लोकस्स समुद्धरणत्थं कताभिनीहारेना”ति च “रागादीनं दोसगणानं मत्तमहानागानमिव दुन्निवारणभावतो, तन्निदानानञ्च कम्मसमादानानं उक्खित्तासिकवधकसदिसभावतो, तन्निमित्तानञ्च दुग्गतीनं सब्बदा विवटमुखभावतो, तत्थ नियोजकानञ्च पापमित्तानं सदा सन्निहितभावतो, तदोवादकारिताय च वसलस्स पुथुज्जनभावस्स सति सम्भवे युत्तं सयमेव संसारदुक्खतो निस्सरितु”न्ति च “मिच्छावितक्का वीरियानुभावेन दूरी भवन्ती”ति च “यदि पन सम्बोधि अत्ताधीनेन वीरियेन सक्का समधिगन्तुं, किमेत्थ दुक्कर”न्ति च एवमादिना नयेन वीरियगुणा पच्चवेक्खितब्बा ।

तथा “खन्ति नामायं निरवसेसगुणपटिपक्खस्स कोधस्स विधमनतो गुणसम्पादने साधूनं अप्पटिहतमायुधं, पराभिभवने समत्थानमलङ्कारो, समणब्राह्मणानं बलसम्पदा, कोधग्गिविनयना उदकधारा, कल्याणकित्तिसहस्स सज्जातिदेसो, पापपुग्गलानं वचीविसवूपसमकरो मन्तागदो, संवरे ठितानं परमा धीरपकति, गम्भीरासयताय सागरो, दोसमहासागरस्स वेला, अपायद्वारस्स पिधानकवाटं देवब्रह्मलोकानं आरोहणसोपानं, सब्बगुणानमधिवासभूमि, उत्तमा कायवचीमनोविसुद्धी”ति मनसि कातब्बं । अपिच “एते सत्ता खन्तिसम्पत्तिया अभावतो इधलोके तपन्ति, परलोके च तपनीयधम्मानुयोगतो”ति च “यदिपि परापकारनिमित्तं दुक्खं उप्पज्जति, तस्स पन दुक्खस्स खेत्तभूतो अत्तभावो, बीजभूतञ्च कम्मं मयाव अभिसङ्गत”न्ति च “तस्स च दुक्खस्स आणण्यकरणमेत”न्ति च “अपकारके असति कथं मय्हं खन्तिसम्पदा सम्भवती”ति च “यदिपायं एतरहि अपकारको, अयं नाम पुब्बे अनेन मय्हं उपकारो कतो”ति च “अपकारो एव वा खन्तिनिमित्तताय उपकारो”ति च “सब्बेपिमे सत्ता मय्हं पुत्तसदिसा, पुत्तकतापराधेसु च को कुज्झिस्सती”ति च “येन कोधभूतावेसेन अयं मय्हं अपरज्झति, स्वायं कोधभूतावेसो मया विनेतब्बो”ति च “येन अपकारेन इदं मय्हं दुक्खं उप्पन्नं, तस्स अहम्पि निमित्त”न्ति च “येहि धम्मेहि अपकारो कतो, यत्थ च कतो, सब्बेपि ते तस्मिंयेव खणे निरुद्धा, कस्सिदानि केन कोपो कातब्बो”ति च “अनत्तताय सब्बधम्मानं को कस्स अपरज्झती”ति च पच्चवेक्खन्तेन खन्तिसम्पदा ब्रूहेतब्बा ।

यदि पनस्स दीघरत्तं परिचयेन परापकारनिमित्तको कोधो चित्तं परियादाय तिष्ठेय्य, तेन इति पटिसञ्चिक्खितब्बं “खन्ति नामेसा परापकारस्स पटिपक्खपटिपत्तीनं पच्चुपकारकारण”न्ति च “अपकारो च मय्हं दुक्खुप्पादनेन दुक्खुपनिसाय सद्धाय, सब्बलोके अनभिरतिसञ्जाय च पच्चयो”ति च “इन्द्रियपकतिरेसा, यदिदं इट्ठानिद्विसयसमायोगो, तत्थ अनिद्विसयसमायोगो मय्हं न सियाति तं कुतेत्थ लब्भा”ति च “कोधवसिको सत्तो कोधेन उम्मत्तो विक्खित्तचित्तो, तत्थ किं पच्चपकारेना”ति च “सब्बेपिमे सत्ता सम्मासम्बुद्धेन ओरसपुत्ता विय परिपालिता, तस्मा न तत्थ मया चित्तकोपो कातब्बो”ति च “अपराधके च सति गुणे गुणवति मया कोपो न कातब्बो”ति च “असति गुणे कस्सचिपि गुणस्साभावतो विसेसेन करुणायितब्बो”ति च “कोपेन मय्हं गुणयसा निहीयन्ती”ति च “कुज्झनेन मय्हं दुब्बण्णदुक्खसेय्यादयो सपत्तकन्ता आगच्छन्ती”ति च “कोधो च नामायं सब्बदुक्खाहितकारको सब्बसुखहितविनासको बलवा पच्चत्थिको”ति च “सति च खन्तिया न कोचि पच्चत्थिको”ति च “अपराधकेन अपराधनिमित्तं यं दुक्खं आयतिं लद्धब्बं, सति च खन्तिया मय्हं तदभावो”ति च “चिन्तेन्तेन, कुज्झन्तेन च मया पच्चत्थिकोयेव अनुवत्तितो”ति च “कोधे च मया खन्तिया अभिभूते तस्स दासभूतो पच्चत्थिको सम्मदेव अभिभूतो”ति च “कोधनिमित्तं खन्तिगुणपरिच्चागो मय्हं न युत्तो”ति च “सति च कोधे गुणविरोधपच्चनीकधम्मे कथं मे सीलादिधम्मा पारिपूरिं गच्छेय्युं, असति च तेषु कथाहं सत्तानं उपकारबहुलो पटिञ्जानुरूपं उत्तमं सम्पत्तिं पापुणिस्सामी”ति च “खन्तिया च सति बहिद्धा विक्खेपाभावतो समाहितस्स सब्बे सद्धारा अनिच्चतो दुक्खतो सब्बे धम्मा अनत्ततो निब्बानं असद्धतामतसन्तपणीततादिभावतो निज्झानं खमन्ति, ‘बुद्धधम्मा च अचिन्तेय्यापरिमेय्यपभवा’ति”, ततो च “अनुलोमिकखन्तियं ठितो ‘केवल’ इमे अत्तत्तनियभावरहिता धम्ममत्ता यथासकं पच्चयेहि उप्पज्जन्ति विनस्सन्ति, न कुतोचि आगच्छन्ति, न कुहिञ्चि गच्छन्ति, न च कत्थचि पतिट्ठिता, न चेत्थ कोचि कस्सचि ब्यापारो’ति अहंकारममंकारानधिद्वानता निज्झानं खमति, येन बोधिसत्तो बोधिया नियतो अनावत्तिधम्मो होती”ति एवमादिना **खन्तिपारमिया** पच्चवेक्खणा वेदितब्बा ।

तथा “सच्चेन विना सीलादीनमसम्भवतो, पटिञ्जानुरूपपटिपत्तिया अभावतो, सच्चधम्मातिक्कमे च सब्बपापधम्मानं समोसरणभावतो, असच्चसन्धस्स अप्पच्चयिकभावतो, आयतिञ्च अनादेय्यवचनतावहनतो, सम्पन्नसच्चस्स सब्बगुणाधिद्वानभावतो, सच्चाधिद्वानेन सब्बसम्बोधिसम्भारानं पारिसुद्धिपारिपूरिसमन्वायतो, सभावधम्माविसंवादानेन

सब्बबोधिसम्भारकिच्चकरणतो, बोधिसत्तपटिपत्तिया च परिनिष्फत्तितो”तिआदिना सच्चपारमिया सम्पत्तियो पच्चवेक्खितब्बा ।

तथा “दानादीसु दळ्हसमादानं, तप्पटिपक्खसन्निपाते च नेसं अचलाधिद्धानं, तत्थ च धीरवीरभावं विना न दानादिसम्भारा सम्बोधिनिमित्ता सम्भवन्ती”तिआदिना अधिद्धानगुणा पच्चवेक्खितब्बा ।

तथा “अत्तहितमत्ते अवतिट्ठन्तेनापि सत्तेसु हितचित्तं विना न सक्का इधलोकपरलोकसम्पत्तियो पापुणितुं, पगेव सब्बसत्ते निब्बानसम्पत्तियं पतिट्ठापेतुकामेना”ति च “पच्छा सब्बसत्तानं लोकुत्तरसम्पत्तिमाकङ्खन्तेन इदानीं लोकियसम्पत्तिमाकङ्खा युत्तरूपा”ति च “इदानीं आसयमत्तेन परेसं हितसुखूपसंहारं कातुमसक्कोन्तो कदा पयोगेन तं साधयिस्सामी”ति च “इदानीं मया हितसुखूपसंहारेन संवद्धिता पच्छा धम्मसंविभागसहाया मय्हं भविस्सन्ती”ति च “एतेहि विना न मय्हं बोधिसम्भारा सम्भवन्ति, तस्मा सब्बबुद्धगुणविभूतिनिष्फत्तिकारणत्ता मय्हं एते परमं पुञ्ञक्खेतं अनुत्तरं कुसलायतनं उत्तमं गारवद्धान”न्ति च “सविसेसं सब्बेसुपि सत्तेसु हितज्झासयता पच्चुपट्ठपेतब्बा, किञ्च करुणाधिद्धानतोपि सब्बसत्तेसु मेत्ता अनुब्रूहेतब्बा । विमरियादीकतेन हि चेतसा सत्तेसु हितसुखूपसंहारनिरतस्स तेसं अहितदुक्खापनयनकामता बलवती उप्पज्जति दळ्हमूला, करुणा च सब्बेसं बुद्धकारकधम्मानं आदि चरणं पतिट्ठा मूलं मुखं पमुख”न्ति एवमादिना मेत्तागुणा पच्चवेक्खितब्बा ।

तथा “उपेक्खाय अभावे सत्तेहि कता विप्पकारा चित्तस्स विकारं उप्पादेय्युं, सति च चित्तविकारे दानादिसम्भारानं सम्भवो एव नत्थी”ति च “मेत्तासिनेहेन सिनेहिते चित्ते उपेक्खाय विना सम्भारानं पारिसुद्धिं न होती”ति च “अनुपेक्खको सङ्घारेसु पुञ्ञसम्भारं, तब्बिपाकञ्च सत्तहितत्थं परिणामेतुं न सक्कोती”ति च उपेक्खाय अभावे देय्यधम्मपटिग्गाहकानं विभागमक्त्वा परिच्चजितुं न सक्कोती”ति च “उपेक्खारहितेन जीवितपरिक्खारानं, जीवितस्स वा अन्तरायं अमनसिकरित्वा सीलविसोधनं कातुं न सक्का”ति च तथा “उपेक्खावसेन अरतिरतिसहस्सेव नेक्खम्मबलसिद्धितो, उपपत्तितो इक्खनवसेनेव सब्बसम्भारकिच्चनिष्फत्तितो, अच्चारद्धवीरियस्स अनुपेक्खने पधानकिच्चाकरणतो, उपेक्खतो एव तित्तिक्खानिज्झानसम्भवतो, उपेक्खावसेन सत्तसङ्घारानं अविसंवादनतो, लोकधम्मानं अज्झुपेक्खनेन समादिन्नधम्मेसु अचलाधिद्धानसिद्धितो,

परापकारादीसु अनाभोगवसेनेव मेत्ताविहारनिष्कत्तितोति सब्बसम्बोधिसम्भारानं समादानाधिष्ठानपारिपूरिनिष्कत्तियो उपेक्खानुभावेन सम्पज्जन्ती'ति एवमादिना नयेन उपेक्खापारमी पच्चवेक्खितब्बा । एवं अपरिच्चागपरिच्चागादीसु यथाक्कमं आदीनवानिसंसपच्चवेक्खणा दानादिपारमीनं पच्चयोति दट्ठब्बं ।

तथा सपरिक्खारा पच्चदस चरणधम्मा पच्च च अभिज्जायो । तत्थ चरणधम्मा नाम सीलसंवरो, इन्द्रियेसु गुत्तद्वारता, भोजने मत्तञ्जुता जागरियानुयोगो, सत्त सद्धम्मा, चत्तारि ज्ञानानि च । तेसु सीलादीनं चतुन्नं तेरसपि धुतङ्गधम्मा, अप्पिच्छतादयो च परिक्खारा । सद्धम्मेसु सद्धाय बुद्धधम्मसद्धसीलचागदेवतुपसमानुस्सति लूखपुग्गलपरिवज्जना, सिनिद्धपुग्गलसेवना, सम्पसादनीयधम्मपच्चवेक्खणा, तदधिमुत्तता च परिक्खारा । हिरोत्तप्पानं अकुसलादीनवपच्चवेक्खणा, अपायादीनवपच्चवेक्खणा, कुसलधम्मूपत्थम्भभावपच्चवेक्खणा, हिरोत्तप्परहितपुग्गलपरिवज्जना, हिरोत्तप्पसम्पन्नपुग्गलसेवना, तदधिमुत्तता च । बाहुसच्चस्स पुब्बयोगो, परिपुच्छकभावो, सद्धम्माभियोगो, अनवज्जविज्जाहानादिपरिचयो, परिपक्किन्द्रियता, किलेसदूरीभावो, अप्पस्सुतपुग्गलपरिवज्जना बहुस्सुतपुग्गलसेवना, तदधिमुत्तता च । वीरियस्स अपायभयपच्चवेक्खणा, गमनवीथिपच्चवेक्खणा, धम्ममहत्तपच्चवेक्खणा, धिनमिद्धविनोदना, कुसीतपुग्गलपरिवज्जना, आरद्धवीरियपुग्गलसेवना, सम्पप्पधानपच्चवेक्खणा, तदधिमुत्तता च । सतिथा सतिसम्पज्जं, मुट्ठस्सतिपुग्गलपरिवज्जना उपट्ठितस्सतिपुग्गलसेवना, तदधिमुत्तता च । पज्जाय परिपुच्छकभावो, वत्थुविसदकिरिया, इन्द्रियसमत्तपटिपादना, दुप्पज्जपुग्गलपरिवज्जना, पज्जवन्तपुग्गलसेवना, गम्भीरआणचरियसुत्तन्तपच्चवेक्खणा, धम्ममहत्तपच्चवेक्खणा, तदधिमुत्तता च । चतुन्नं ज्ञानानं सीलादिचतुक्कं, अट्ठतिंसाय आरम्मेणसु पुब्बभागभावना, आवज्जनादिवसीभावकरणञ्च परिक्खारा ।

तत्थ सीलादीहि पयोगसुद्धिया सत्तानं अभयदाने, आसयसुद्धिया आमिसदाने, उभयसुद्धिया धम्मदाने समत्थोहोतीतिआदिना चरणादीनं दानादिसम्भारपच्चयता यथारहं निद्धारेतब्बा । अतिवित्थारभयेन पन मयं न वित्थारयिम्ह । तथा सम्पत्तिचक्कादयोपि दानादीनं पच्चयोति वेदितब्बा ।

को संकिलेसोति एत्थ -

तण्हादीहि परामडुभावो तासं किलिस्सनं ।
सामञ्जतो विसेसेन, यथारहं विकप्पता ॥

अविसेसेन हि तण्हादीहि परामडुभावो पारमीनं संकिलेसो । विसेसेन पन देय्यधम्मपटिग्गाहकविकप्पा दानपारमिया संकिलेसो । सत्तकालविकप्पा सीलपारमिया । कामभवतदुपसमेसु अभिरतिअनभिरतिविकप्पा नेक्खम्मपारमिया । “अहं ममा”ति विकप्पा पज्जापारमिया । लीनुद्धच्चविकप्पा वीरियपारमिया । अत्तपरविकप्पा खन्तिपारमिया । अदिट्ठादीसु दिट्ठादिविकप्पा सच्चपारमिया । बोधिसम्भारतब्बिपक्खेसु दोसगुणविकप्पा अधिट्ठानपारमिया । हिताहितविकप्पा मेत्तापारमिया । इट्ठानिट्ठविकप्पा उपेक्खापारमिया संकिलेसोति वेदितब्बो ।

किं वोदानन्ति –

तण्हादीहि अघातता, रहितता विकप्पानं ।
वोदानन्ति विजानिया, सब्वासमेव तासम्पि ॥

अनुपघाता हि तण्हा मान दिट्ठि कोधु पनाह मक्ख पलास इस्सामच्छरिय माया साठेय्य थम्भ सारम्भ मद पमादादीहि किलेसेहि देय्यपटिग्गाहकविकप्पादिरहिता च दानादिपारमियो परिसुद्धा पभस्सरा भवन्तीति ।

को पटिपक्खोति –

अकुसला किलेसा च, पटिपक्खा अभेदतो ।
भेदतो पन पुब्बेपि, वुत्ता मच्छरियादयो ॥

अविसेसेन हि सब्बेपि अकुसला धम्मा, सब्बेपि किलेसा च एतासं पटिपक्खा । विसेसेन पन पुब्बे वुत्ता मच्छरियादयोति वेदितब्बा । अपिच देय्यपटिग्गाहकदानफलेसु अलोभादोसामोहगुणयोगतो लोभदोसमोहपटिपक्खं दानं, कायादिदोसत्तयवङ्कापगमतो लोभादिपटिपक्खं सीलं, कामसुखपरूपघातअत्तकिलमथपरिवज्जनतो दोसत्तयपटिपक्खं नेक्खम्मं, लोभादीनं अन्धीकरणतो, जाणस्स च अनन्धीकरणतो लोभादिपटिपक्खा पज्जा,

अलीनानुद्धतजायारम्भवसेन लोभादिपटिपक्खं वीरियं, इट्ठानिट्ठसुञ्जतानं खमनतो लोभादिपटिपक्खा खन्ति, सतिपि परेसं उपकारे, अपकारे च यथाभूतप्पवत्तिया लोभादिपटिपक्खं सच्चं, लोकधम्मे अभिभुय्य यथासमादिन्नेसु सम्भारेसु अचलनतो लोभादिपटिपक्खं अधिट्ठानं, नीवरणविवेकतो लोभादिपटिपक्खा मेत्ता, इट्ठानिट्ठेसु अनुनयपटिघविद्धंसनतो, सम्पवत्तितो च लोभादिपटिपक्खा उपेक्खाति दट्ठब्बं ।

का पटिपत्तीति -

दानाकारादयो एव, उप्पादिता अनेकधा ।

पटिपत्तीति विज्जेय्या, पारमीपूरणक्कमे ।।

दानपारमिया हि ताव सुखूपकरणसरीरजीवितपरिच्चागेन, भयापनयनेन, धम्मोपदेसेन च बहुधा सत्तानं अनुगहकरणं पटिपत्ति । तत्थ आमिसदानं अभयदानं धम्मदानन्ति दातब्बवत्थुवसेन तिविधं दानं । तेसु बोधिसत्तस्स दातब्बवत्थु अज्झत्तिकं, बाहिरन्ति दुविधं । तत्थ बाहिरं अन्नं पानं वत्थं यानं माला गन्धं विलेपनं सेय्या आवसथं पदीपेय्यन्ति दसविधं । अन्नादीनं खादनीयभोजनीयादिविभागेन अनेकविधञ्च । तथा रूपारम्मणं याव धम्मारम्मणन्ति आरम्मणतो छब्बिधं । रूपारम्मणादीनञ्च नीलादिविभागेन अनेकविधं । तथा मणिकनकरजतमुत्तापवाळादिखेत्तवत्थुआरामादि दासीदासगोमहिंसादिनानाविधवत्थूपकरणवसेन अनेकविधं ।

तत्थ महापुरिसो बाहिरं वत्थुं देन्तो “यो येन अत्थिको, तं तस्सेव देति । देन्तो च तस्स अत्थिको”ति सयमेव जानन्तो अयाचितोपि देति, पगेव याचितो । मुत्तचागो देति, नो अमुत्तचागो । परियत्तं देति, नो अपरियत्तं । सति देय्यधम्मे पच्चुपकारसन्निस्सितो न देति, असति देय्यधम्मे, परियत्ते च संविभागरहं विभजति । न च देति परूपघातावहं सत्थविसमज्जादिकं, नापि कीळनकं, यं अनत्थुपसंहितं, पमादावहञ्च, न च गिलानस्स याचकस्स पानभोजनादिसप्पायं, पमाणरहितं वा देति, पमाणयुत्तं पन सप्पायमेव देति ।

तथा याचितो गहट्ठानं गहट्ठानुच्छविकं देति, पब्बजितानं पब्बजितानुच्छविकं देति । मातापितरो जातिसालोहिता मित्तामच्चा पुत्तदारदासकम्मकराति एतेसु कस्सचि पीळं अजनेन्तो देति, न च उळारं देय्यधम्मं पटिजानित्वा लूखं देति, न च

लाभसक्कारसिलोकसन्निस्सितो देति, न च पच्चुपकारसन्निस्सितो देति, न च फलपाटिकद्धी देति अज्जत्र सम्मासम्बोधिया, न च याचितो, देय्यधम्मं वा जिगुच्छन्तो देति, न च असज्जतानं याचकानं अक्कोसकपरिभासकानम्पि अपविद्धा दानं देति, अज्जदत्थु पसन्नचित्तो अनुकम्पन्तो सक्कच्चमेव देति, न च कोतूहलमङ्गलिको हुत्वा देति, कम्मफलमेव पन सद्वहन्तो देति, नापि याचके पयिरुपासनादीहि संकिलमेत्वा देति, अपरिक्किलमेन्तो एव पन देति, न च परेसं वज्जनाधिप्पायो, भेदाधिप्पायो वा दानं देति, असंक्किलिद्धचित्तोव देति, नापि फरुसवाचो भाकुटिकमुखो दानं देति, पियवादी च पन पुब्बभासी मिहितसितवचनो हुत्वा देति, यस्मिं चे देय्यधम्मे उलारमनुज्जताय वा चिरपरिचयेन वा गेधसभावताय वा लोभधम्मो अधिमत्तो होति, जानन्तो बोधिसत्तो तं खिप्पमेव पटिविनोदयित्वा याचके परियेसेत्वापि देति, यज्ज देय्यवत्थु परित्तं, याचकोपि पच्चुपड्डितो, तं अचिन्तेत्वा अपि अत्तानं धावित्वा देन्तो याचकं सम्मानेति यथा तं अकित्तिपण्डितो, न च महापुरिसो अत्तनो पुत्तदारदासकम्मकरपोरिसे याचितो ते असज्जापिते दोमनस्सप्पत्ते याचकानं देति, सम्मदेव पन सज्जापिते सोमनस्सप्पत्ते देति, देन्तो च यक्खरक्खसपिसाचादीनं वा मनुस्सानं वा कुरुरकम्मन्तानं जानन्तो न देति, तथा रज्जम्पि तादिसानं न देति, ये लोकस्स अहिताय दुक्खाय अनत्थाय पटिपज्जन्ति, ये पन धम्मिका धम्मेन लोकं पालेन्ति, तेसं रज्जदानं देति । एवं ताव बाहिरदाने पटिपत्ति वेदितब्बा ।

अज्झत्तिकदानम्पि द्वीहाकारेहि वेदितब्बं । कथं ? यथा नाम कोचि पुरिसो घासच्छादनहेतु अत्तानं परस्स निस्सज्जति, विधेय्यभावं उपगच्छति दासब्बं, एवमेव महापुरिसो सम्बोधिहेतु निरामिसचित्तो सत्तानं अनुत्तरं हितसुखं इच्छन्तो अत्तनो दानपारमिं परिपूरेतुकामो अत्तानं परस्स निस्सज्जति, विधेय्यभावं उपगच्छति यथाकामकरणीयतं, करचरणनयनादिअङ्गपच्चङ्गं तेन तेन अत्थिकानं अकम्पितो अलीनो अनुप्पदेति, न तत्थ सज्जति, न सङ्कोचं आपज्जति यथा तं बाहिरवत्थुस्मिं । तथा हि महापुरिसो द्वीहाकारेहि बाहिरवत्थुं परिच्चजति यथासुखं परिभोगाय वा याचकानं, तेसं मनोरथं पूरेन्तो अत्तनो वसीभावाय वा । तत्थ सब्बेन सब्बं मुत्तचागो एवमाह “निस्सङ्गभावेनाहं सम्बोधिं पापुणिस्सामी”ति, एवं अज्झत्तिकवत्थुस्मिम्पि वेदितब्बं ।

तत्थ यं अज्झत्तिकवत्थु दिय्यमानं याचकस्स एकन्तेनेव हिताय संवत्तति, तं देति, न इतरं । न च महापुरिसो मारस्स, मारकायिकानं वा देवतानं विहिंसाधिप्पायानं अत्तनो

अत्तभावं, अङ्गपच्चङ्गानि वा जानमानो देति “मा तेसं अनत्थो अहोसी”ति । यथा च मारकायिकानं, एवं तेहि अन्वाविट्ठानम्पि न देति, नापि उम्मत्तकानं, इतरेसं पन याचियमानो समनन्तरमेव देति तादिसाय याचनाय दुल्लभभावतो, तादिसस्स च दानस्स दुक्करभावतो ।

अभयदानं पन राजतो चोरतो अग्गितो उदकतो वेरीपुग्गलतो सीहब्बग्घादिवाळमिगतो नागयक्खरक्खसपिसाचादितो सत्तानं भये पच्चुपट्टिते ततो परित्ताणभावेन दातब्बं ।

धम्मदानं पन असंकिलिडुचित्तस्स अविपरीतधम्मदेसना । ओपायिको हि तस्स उपदेसो दिट्ठधम्मिकसम्परायिकपरमत्थवसेन, येन सासने अनोतिण्णानं अवतारणं ओतिण्णानं परिपाचनं । तत्थायं नयो – सङ्खेपतो ताव दानकथा सीलकथा सग्गकथा कामानं आदीनवो संकिलेसो ओकारो च नेक्खम्मे आनिसंसो । वित्थारतो पन सावकबोधियं अधिमुत्तचित्तानं सरणगमनं, सीलसंवरो, इन्द्रियेसु गुत्तद्वारता, भोजने मत्तञ्जुता, जागरियानुयोगो, सत्त सद्धम्मा, अट्ठतिंसाय आरम्भणेसु कम्मकरणवसेन समथानुयोगो, रूपमुखादीसु विपस्सनाभिनिवेसेसु यथारहं अभिनिवेसनमुखेन विपस्सनानुयोगो, तथा विसुद्धिपटिपदाय सम्मत्तगहणं, तिस्सो विज्जा, छ अभिज्जा, चतस्सो पटिसम्भिदा, सावकबोधीति एतेसं गुणसंकित्तनवसेन यथारहं तत्थ तत्थ पतिट्ठापना, परियोदपना च । तथा पच्चेकबोधियं, सम्मासम्बोधियञ्च अधिमुत्तचित्तानं यथारहं दानादिपारमीनं सभावसरसलक्खणादिसंकित्तनमुखेन तीसुपि अवत्थाभेदेसु तेसं बुद्धानं महानुभावताविभावेन यानद्वये पतिट्ठापना, परियोदपना च । एवं महापुरिसो सत्तानं धम्मदानं देति ।

तथा महापुरिसो आमिसदानं देन्तो “इमिनाहं दानेन सत्तानं आयुवण्णसुखबलपटिभानादिसम्पत्तिञ्च रमणीयं अग्गफलसम्पत्तिञ्च निष्फादेय्य”न्ति अन्नं देति, तथा सत्तानं कामकिलेसपिपासवूपसमाय **पानं** देति, तथा सुवण्णवण्णताय, हिरोत्तप्पालङ्कारस्स च निष्फत्तिया **वत्थानि** देति, तथा इद्धिविधस्स च निब्बानसुखस्स च निष्फत्तिया **यानं** देति, तथा सीलगन्धनिष्फत्तिया **गन्धं** देति, तथा बुद्धगुणसोभानिष्फत्तिया **मालाविलेपनं** देति, तथा बोधिमण्डासननिष्फत्तिया **आसनं** देति, तथागतसेय्यनिष्फत्तिया **सेय्यं** देति, सरणभावनिष्फत्तिया **आवसथं** देति, पञ्चवक्खुपटिलाभाय **पदीपेय्यं** देति ।

ब्यामप्पभानिप्फत्तिया रूपदानं देति, ब्रह्मस्सरनिप्फत्तिया सहदानं देति, सब्बलोकस्स पियभावाय रसदानं देति, बुद्धसुखुमालभावाय फोडुब्बदानं देति, अजरामरणभावाय भेसज्जदानं देति, किलेसदासब्बविमोचनत्थं दासानं भुजिस्सतादानं देति, सद्धम्माभिरतिया अनवज्जखिङ्गारतिहेतुदानं देति, सब्बेपि सत्ते अरियाय जातिया अत्तनो पुत्तभावूपनयनाय पुत्तदानं देति, सकलस्सापि लोकस्स पतिभावूपगमनाय दारदानं देति, सुभलक्खणसम्पत्तिया सुवण्णमणिमुत्तापवाळादिदानं, अनुब्बज्जनसम्पत्तिया नानाविधविभूसनदानं, सद्धम्मकोसाधिगमाय वित्तकोसदानं, धम्मराजभावाय रज्जदानं, दानादिसम्पत्तिया आरामुय्यानादिवनदानं, चक्कङ्कितेहि पादेहि बोधिमण्डूपसङ्कमनाय चरणदानं, चतुरोघनित्थरणे सत्तानं सद्धम्महत्थदानत्थं हत्थदानं, सद्धिन्द्रियादिपटिलाभाय कण्णनासादिदानं, समन्तचक्खुपटिलाभाय चक्खुदानं, “दस्सनसवनानुस्सरणपारिचरियादीसु सब्बकालं सब्बसत्तानं हितसुखावहो सब्बलोकेन च उपजीवितब्बो मे कायो भवेय्या”ति मंसलोहितादिदानं । “सब्बलोकुत्तमो भवेय्य”न्ति उत्तमङ्गदानं देति ।

एवं ददन्तो च न अनेसनाय देति, न परोपघातेन, न भयेन, न लज्जाय, न दक्खिणेय्यरोसनेन, न पणीते सति लूखं, न अत्तुक्कंसनेन, न परवम्भनेन, न फलाभिकङ्काय, न याचकजिगुच्छाय, न अचिन्तीकारेण, अथ खो सक्कच्चं देति, सहत्थेन देति, कालेन देति, चित्तिं कत्वा देति, अविभागेन देति, तीसु कालेसु सोमनस्सिको देति, ततो एव च दत्त्वा न पच्छानुतापी होति, न पटिग्गाहकवसेन मानावमानं करोति, पटिग्गाहकानं पियसमुदाचारो होति वदञ्जू याचयोगो सपरिवारदायको । अन्नदानज्झि देन्तो “तं सपरिवारं कत्वा दस्सामी”ति वत्थादीहि सद्धिं देति, तथा वत्थदानं देन्तो “तं सपरिवारं कत्वा दस्सामी”ति अन्नादीहि सद्धिं देति । पानदानादीसुपि एसेव नयो, तथा रूपदानं देन्तो इतरारम्माणानिपि तस्स परिवारं कत्वा देति, एवं सेसेसुपि ।

तत्थ रूपदानं नाम नीलपीतलोहितोदातादिवण्णादीसु पुप्फवत्थधातूसु अज्जतरं लभित्वा रूपवसेन आभुजित्वा “रूपदानं दस्सामि, रूपदानं मय्ह”न्ति चिन्तेत्वा तादिसे दक्खिणेय्ये दानं पतिट्ठापेति, एतं रूपदानं नाम ।

सहदानं पन भेरीसद्दादिवसेन वेदितब्बं । तत्थ सहं कन्दमूलानि विय उप्पाटेत्वा, नीलुप्पलहत्थकं विय च हत्थे ठपेत्वा दातुं न सक्कोति, सवत्थुकं पन कत्वा ददन्तो सहदानं देति नाम, तस्मा यदा “सहदानं दस्सामी”ति भेरीमुदिङ्गादीसु अज्जतरेण तूरियेन

तिण्णं रतनानं उपहारं करोति, कारेति च, “सद्ददानं दस्सामि, सद्ददानं मे”ति भेरीआदीनि ठपापेति, धम्मकथिकानं पन सद्दभेसज्जं, तेलफाणितादीनि च देति, धम्मस्सवनं घोसेति, सरभज्जं भणति, धम्मकथं कथेति, उपनिसिन्नकथं, अनुमोदनकथञ्च करोति, कारेति च, तदा **सद्ददानं** नाम होति ।

तथा मूलगन्धादीसु अज्जतरं रजनीयं गन्धवत्थुं, पिसितमेव वा गन्धं यं किञ्चि लभित्वा गन्धवसेन आभुजित्वा “गन्धदानं दस्सामि, गन्धदानं मय्ह”न्ति बुद्धरतनादीनं पूजं करोति, कारेति च, गन्धपूजनत्थाय अगुरुचन्दनादिके गन्धवत्थुके परिच्चजति, इदं **गन्धदानं** ।

तथा मूलरसादीसु यं किञ्चि रजनीयं रसवत्थुं लभित्वा रसवसेन आभुजित्वा “रसदानं दस्सामि, रसदानं मय्ह”न्ति दक्खिणेय्यानं देति, रसवत्थुमेव वा अज्जं गवादिकं परिच्चजति, इदं **रसदानं** ।

तथा फोडुब्बदानं मज्जपीठादिवसेन, अत्थरणपावुरणादिवसेन च वेदितब्बं । यदा हि मज्जपीठभिसिबिब्बोहनादिकं, निवासनपारुपनादिकं वा सुखसम्पस्सं रजनीयं अनवज्जं फोडुब्बवत्थुं लभित्वा फोडुब्बवसेन आभुजित्वा “फोडुब्बदानं दस्सामि, फोडुब्बदानं मय्ह”न्ति दक्खिणेय्यानं देति । यथावुत्तं फोडुब्बवत्थुं लभित्वा परिच्चजति, एतं **फोडुब्बदानं** ।

धम्मदानं पन धम्मरम्मणस्स अधिप्पेतत्ता ओजापानजीवितवसेन वेदितब्बं । ओजादीसु हि अज्जतरं रजनीयं धम्मवत्थुं लभित्वा धम्मरम्मणवसेन आभुजित्वा “धम्मदानं दस्सामि, धम्मदानं मय्ह”न्ति सप्पिनवनीतादि **ओजदानं** देति, अम्बपानादिअट्ठविधं **पानदानं** देति, **जीवितदानं**न्ति आभुजित्वा सलाकभत्तपक्खिकभत्तादीनि देति । अफासुकभावेन अभिभूतानं ब्याधिकानं वेज्जं पट्टपेति, जालं फालापेति, कुमीनं विद्धंसापेति, सकुणपज्जरं विद्धंसापेति, बन्धनेन बद्धानं सत्तानं बन्धनमोक्खं कारेति, माघातभेरिं चरापेति, अज्जानिपि सत्तानं जीवितपरित्ताणत्थं एवरूपानि कम्मनि करोति, कारापेति च, इदं **धम्मदानं** नाम ।

सब्बप्पेतं यथावुत्तदानसम्पदं सकललोकहितसुखाय परिणामेति अत्तनो च अकुप्पाय विमुत्तिया अपरिक्खयस्स छन्दस्स अपरिक्खयस्स वीरियस्स अपरिक्खयस्स समाधिस्स अपरिक्खयस्स पटिभानस्स अपरिक्खयस्स ज्ञानस्स अपरिक्खयाय सम्मासम्बोधिया

परिणामेति, इमञ्च दानपारमिं पटिपज्जन्तेन महासत्तेन जीविते अनिच्चसञ्जा पच्चुपट्टपेतब्बा । तथा भोगेसु, बहुसाधारणता च नेसं मनसि कातब्बा, सत्तेसु च महाकरुणा सततं समितं पच्चुपट्टपेतब्बा । एवञ्चि भोगेहि गहेतब्बसारं गण्हन्तो आदित्ततो विय अगारतो सब्बं सापतेय्यं, अत्तानञ्च बहि नीहरन्तो न किञ्चि सेसेति, न कथंचि विभागं करोति, अज्जदत्थु निरपेक्खो निस्सज्जति एव । अयं ताव दानपारमिया पटिपत्तिक्कमो ।

सीलपारमिया पन अयं पटिपत्तिक्कमो – यस्मा सब्बञ्जुसीलालङ्कारेहि सते अलङ्कारितुकामेन महापुरिसेन आदितो अत्तनो एव ताव सीलं विसोधेतब्बं । तत्थ चतूहाकारेहि सीलं विसुज्झति अज्झासयविसुद्धितो, समादानतो, अवीतिक्कमनतो, सति वीतिक्कमे पुन पाकटीकरणतो च । विसुद्धासयताय हि एकच्चो अत्ताधिपति हुत्वा पापजिगुच्छनसभावो अज्झत्तं हिरिधम्मं पच्चुपट्टपेत्वा सुपरिसुद्धसमाचारो होति, तथा परतो समादाने सति एकच्चो लोकाधिपति हुत्वा पापतो उत्तसन्तो ओत्तप्पधम्मं पच्चुपट्टपेत्वा सुपरिसुद्धसमाचारो होति, इति उभयथापि एते अवीतिक्कमनतो सीले पतिट्ठहन्ति । अथ च पन कदाचि सतिसम्मोसेन सीलस्स खण्डादिभावो सिया, तायेव यथावुत्ताय हिरोत्तप्पसम्पत्तिया खिप्पमेव नं वुट्ठानादिना पटिपाकतिकं करोन्तीति ।

तयिदं सीलं वारित्तं चारित्तन्ति दुविधं । तत्थायं बोधिसत्तस्स वारित्तसीले पटिपत्तिक्कमो – तेन सब्बसत्तेसु तथा दयापन्नचित्तेन भवितब्बं, यथा सुपिनन्तेनपि न आघातो उप्पज्जेय्य, परूपकरणविरतताय परसन्तको अलग्गो विय न परामसितब्बो । सचे पब्बजितो होति, अब्रह्मचरियतोपि आराचारी होति सत्तविधमेथुनसंयोगविरतो, पगेव परदारगमनतो । गहट्ठो समानो परेसं दारेसु सदा पापकं चित्तम्पि न उप्पादेति । कथेन्तो सच्चं हितं पियं परिमितमेव च कालेन धम्मिं कथं भासिता होति । सब्बत्थ अनभिज्झालु, अब्यापन्नचित्तो, अविपरीतदस्सनो कम्मस्सकताजाणेन च समन्नागतो । समग्गतेसु सम्मापटिपन्नेसु निविट्ठसद्धो होति निविट्ठपेमोति ।

इति चतुरापायवट्ठदुक्खानं पथभूतेहि अकुसलकम्मपथेहि, अकुसलधम्मेहि च ओरमित्वा सग्गमोक्खानं पथभूतेसु कुसलकम्मपथेसु, कुसलधम्मेसु च पतिट्ठितस्स महापुरिस्स परिसुद्धासयपयोगतो यथाभिपत्थिता सत्तानं हितसुखूपसज्जिता मनोरथा सीघं सीघं अभिनिष्फज्जन्ति, पारमियो परिपूरेन्ति । एवंभूतो हि अयं । तत्थ हिंसानिवत्तिया

सब्बसत्तानं अभयदानं देति, अप्पकसिरेनेव मेत्ताभावनं सम्पादेति, एकादस मेत्तानिसंसे अधिगच्छति, अप्पाबाधो होति अप्पातङ्को, दीघायुको सुखबहुलो, लक्खणविसेसे पापुणाति, दोसवासनञ्च समुच्छिन्दति । तथा अदिन्नादाननिवत्तिया चोरादीहि असाधारणे भोगे अधिगच्छति, परेहि अनासङ्कनीयो, पियो, मनापो, विस्सासनीयो, भवसम्पत्तीसु अलग्गचित्तो परिच्चागसीलो, लोभवासनञ्च समुच्छिन्दति । अब्रह्मचरियनिवत्तिया अलोभो होति सन्तकायचित्तो, सत्तानं पियो होति मनापो अपरिसङ्कनीयो, कल्याणो चस्स कित्तिसद्दो अब्भुग्गच्छति, अलग्गचित्तो होति मातुगामेसु अलुद्धासयो, नेक्खम्मबहुलो, लक्खणविसेसे अधिगच्छति, लोभवासनञ्च समुच्छिन्दति ।

मुसावादनिवत्तिया सत्तानं पमाणभूतो होति पच्चयिको थेतो आदेय्यवचनो देवतानं पियो मनापो सुरभिगन्धमुखो असद्धम्मारेक्खितकायवचीसमाचारो, लक्खणविसेसे अधिगच्छति, किलेसवासनञ्च समुच्छिन्दति । पेसुञ्जनिवत्तिया परूपक्कमेहि अभेज्जकायो होति अभेज्जपरिवारो, सद्धम्मे च अभेज्जनकसद्धो, दळ्हमित्तो भवन्तरपरिचितानम्पि सत्तानं एकन्तपियो, असंकिलेसबहुलो । फरुसवाचानिवत्तिया सत्तानं पियो होति मनापो सुखसीलो मधुरवचनो सम्भावनीयो, अट्ठङ्गसमन्नागतो चस्स सरो निब्बत्तति । सम्फप्पलापनिवत्तिया सत्तानं पियो होति मनापो, गरुभावनीयो च, आदेय्यवचनो परिमितालापो, महेसक्खो च होति महानुभावो, ठानुप्पत्तिकेन पटिभावेन पञ्हाब्बाकरणकुसलो, बुद्धभूमियञ्च एकाय एव वाचाय अनेकभासानं सत्तानं अनेकेसं पञ्हानं ब्याकरणसमत्थो होति ।

अनभिज्झालुताय अकिच्छलाभी होति, उळारेसु च भोगेसु रुचिं पटिलभति, खत्तिमहासालादीनं सम्मतो होति, पच्चत्थिकेहि अनभिभवनीयो, इन्द्रियवेकल्लं न पापुणाति, अप्पटिपुग्गलो च होति । अब्बापादेन पियदस्सनो होति सत्तानं सम्भावनीयो, परहिताभिनन्दिताय च सत्ते अप्पकसिरेनेव पसादेति, अलूखसभावो च होति मेत्ताविहारी, महेसक्खो च होति महानुभावो । मिच्छादस्सनाभावेन कल्याणे सहाये पटिलभति, सीसच्छेदं पापुणन्तोपि पापकम्मं न करोति, कम्मस्सकतादस्सनतो अकोतूहलमङ्गलिको च होति, सद्धम्मे चस्स सद्धा पतिट्ठिता होति मूलजाता, सद्दहति च तथागतानं बोधिं, समयन्तरेसु नाभिरमति उक्कारट्ठाने राजहंसो विय, लक्खणत्तयविजानने कुसलो होति, अन्ते च अनावरणजाणलाभी, याव च बोधिं न पापुणाति, ताव तस्मिं तस्मिं सत्तनिकाये उक्कट्टुक्कट्ठो होति, उळारुळारसम्पत्तियो पापुणाति ।

“इति हिंदं सीलं नाम सब्बसम्पत्तीनं अधिद्वानं, सब्बबुद्धगुणानं पभवभूमि, सब्बबुद्धकारकधम्मानं आदि चरणं कारणं मुखं पमुख”न्ति बहुमानं उप्पादेत्वा कायवचीसंयमे, इन्द्रियदमने, आजीवपारिसुद्धियं, पच्चयपरिभोगे च सतिसम्पज्जबलेन अप्पमतो होति, लाभसक्कारसिलोकं उक्खित्तासिकपच्चत्थिकं विय सल्लक्खेत्वा “किंकीव अण्ड”न्तिआदिना (विसुद्धि १.७; दी० नि० अट्ठ० १.७) वुत्तनयेन सक्कच्चं सीलं सम्पादेत्तब्बं । अयं ताव वारित्तसीले पटिपत्तिक्कमो ।

वारित्तसीले पन पटिपत्ति एवं वेदितब्बा – इध बोधिसत्तो कल्याणमित्तानं गरुडानियानं अभिवादनं पच्चुद्वानं अज्जलिकम्मं सामीचिकम्मं कालेन कालं कत्ता होति, तथा तेसं कालेन कालं उपद्वानं कत्ता होति, गिलानानं कायवेय्यावटिकं, वाचाय पुच्छनञ्च कत्ता होति, सुभासितपदानि सुत्वा साधुकारं कत्ता होति, गुणवन्तानं गुणे वण्णेता, परेसं अपकारे खन्ता, उपकारे अनुस्सरिता, पुज्जानि अनुमोदिता, अत्तनो पुज्जानि सम्मासम्बोधिया परिणामेता, सब्बकालं अप्पमादविहारी कुसलेसु धम्मेसु, सति च अच्चये अच्चयतो दिस्वा तादिसानं सहधम्मिकानं यथाभूतं आवि कत्ता, उत्तरिञ्च सम्मापटिपत्तिं सम्मदेव परिपूरेता ।

तथा अत्तनो अनुरुपासु अत्थूपसंहितासु सत्तानं इतिकत्तब्बतापुरेक्खारो अनलसो सहायभावं उपगच्छति । उप्पन्नेसु च सत्तानं ब्याधिआदिदुक्खेसु यथारहं पतिकारविधायको, जातिभोगादिब्यसनपतितेसु सोकपनोदनो, उल्लुम्पनसभावावट्टितो हुत्वा निग्गहारहानं धम्मेनेव निग्गण्हनको यावदेव अकुसला वुट्ठापेत्वा कुसले पटिद्वापनाय, पग्गहारहानं धम्मेनेव पग्गण्हनको । यानि पुरिमकानं महाबोधिसत्तानं उच्चारतमानि परमदुक्करानि अचिन्तेय्यानुभावानि सत्तानं एकन्तहितसुखावहानि चरित्तानि, येहि नेसं बोधिसम्भारा सम्मदेव परिपाकं अगमिंसु, तानि सुत्वा अनुब्बिग्गो अनुत्रासो “तेपि महापुरिसा मनुस्सा एव, अनुक्कमेन पन सिक्खापारिपूरिया भावितत्ता तादिसाय उच्चारतमाय आनुभावसम्पत्तिया बोधिसम्भारेसु उक्कंसपारमिप्पत्ता अहेसुं, तस्मा मयापि सीलादिसिक्खासु सम्मदेव तथा पटिपज्जितब्बं, याय पटिपत्तिया अहम्पि अनुक्कमेन सिक्खं परिपूरेत्वा एकन्ततो पदं अनुपापुणिससामी”ति सद्धापुरेचारिकं वीरियं अविस्सज्जन्तो सम्मदेव सीलेसु परिपूरकारी होति ।

तथा पटिच्छन्नकल्याणो होति विवटापराधो, अप्पिच्छो सन्तुट्ठो पविवित्तो असंसट्ठो

दुक्खसहो अविपरीतदस्सनजातिको अनुद्धतो अनुन्नलो अचपलो अमुखरो अविकिण्णवाचो संवुत्तिन्द्रियो सन्तमानसो कुहनादिमिच्छाजीवविरहितो आचारगोचरसम्पन्नो, अणुमत्तेसु वज्जेसु भयदस्सावी समादाय सिक्खति सिक्खापदेसु, आरद्धवीरियो पहितत्तो काये च जीविते च निरपेक्खो, अप्पमत्तकम्पि काये, जीविते वा अपेक्खं नाधिवासेति पजहति विनोदेति, पगेव अधिमत्तं। सब्बेपि दुस्सील्यहेतुभूते कोधुपनाहादिके किलेसुपक्किलेसे पजहति विनोदेति, अप्पमत्तकेन विसेसाधिगमेन अपरितुडो होति, न सङ्कोचं आपज्जति, उपरूपरिविसेसाधिगमाय वायमति।

येन यथालद्धा सम्पत्ति हानभागिया वा ठितिभागिया वा न होति, तथा महापुरिसो अन्धानं परिणायको होति, मग्गं आचिक्खति, बधिरानं हत्थमुद्दाय सज्जं देति, अत्थमनुग्गाहेति, तथा मूगानं। पीठसप्पिकानं पीठं देति, वाहेति वा। अस्सद्धानं सद्धापटिलाभाय वायमति, कुसीतानं उस्साहजननाय, मुट्टस्सतीनं सतिसमायोगाय। विब्भन्तत्तानं समाधिसम्पदाय, दुप्पज्जानं पज्जाधिगमाय वायमति। कामच्छन्दपरियुट्ठितानं कामच्छन्दपटिविनोदनाय वायमति। ब्यापादथिनमिद्धउद्धच्चकुक्कुच्चविचिकिच्छापरियुट्ठितानं विचिकिच्छाविनोदनाय वायमति। कामवितक्कादिपकतानं कामवितक्कादिमिच्छावितक्कविनोदनाय वायमति। पुब्बकारीनं सत्तानं कतज्जुतं निस्साय पुब्बभासी पियवादी सङ्गाहको सदिसेन, अधिकेन वा पच्चुपकारे सम्मानेता होति।

आपदासु सहायकिच्चं अनुतिट्ठति, तेसं तेसज्ज सत्तानं पकतिं, सभावज्ज परिजानित्वा येहि यथा संवसितब्बं होति, तेहि तथा संवसति। येसु च यथा पटिपज्जितब्बं होति, तेसु तथा पटिपज्जति। तज्ज खो अकुसलतो वुट्ठापेत्वा कुसले पतिट्ठापनवसेन, न अज्जथा। परचित्तानुरक्खणा हि बोधिसत्तानं यावदेव कुसलाभिवद्दिया। तथा हितज्जासयेनापि परो न साहसितब्बो, न भण्डितब्बो, न मङ्कुभावमापादेतब्बो, न परस्स कुक्कुच्चं उप्पादेतब्बं, न निग्गहट्ठाने चोदेतब्बो, न नीचतरं पटिपन्नस्स अत्ता उच्चतरे ठपेतब्बो, न च परेसु सब्बेन सब्बं असेविना भवितब्बं, न अतिसेविना, न अकालसेविना भवितब्बं।

युत्ते पन सत्ते देसकालानुरूपं सेवति, न च परेसं पुरतो पियेपि गरहति, अप्पिये वा पसंसति, न अधिद्वाय विस्सासी होति, न धम्मिकं उपनिमन्तनं पटिक्खिपति, न पज्जतिं उपगच्छति, नाधिकं पटिग्गण्हाति, सद्धासम्पन्ने सद्धानिसंसकथाय सम्पहंसेति,

सीलसुतचागपञ्जासम्पन्ने पञ्जानिसंसकथाय सम्पहंसेति । सचे पन बोधिसत्तो अभिञ्जाबलप्पत्तो होति, पमादापन्ने सत्ते अभिञ्जाबलेन यथारहं निरयादिके दस्सेन्तो संवेजेत्वा अस्सद्धादिके सद्धादीसु पतिट्ठापेति, सासने ओतारेति, सद्धादिगुणसम्पन्ने परिपाचेति । एवमस्स महापुरिसस्स चारित्तभूतो अपरिमाणो पुञ्जाभिसन्दो कुसलाभिसन्दो उपरूपरि अभिवट्ठतीति वेदितव्वं ।

अपिच या सा “किं सीलं, केनट्ठेन सील”न्तिआदिना पुच्छं कत्वा “पाणातिपातादीहि विरमन्तस्स, वत्तपटिपत्तिं वा पूरेन्तस्स चेतनादयो धम्मा सील”न्तिआदिना नयेन नानप्पकारतो सीलस्स वित्थारकथा **विसुद्धिमग्गे** (विसुद्धि० १.६) वुत्ता, सा सब्बापि इध आहरित्वा वत्तब्बा । केवलज्झि तत्थ सावकबोधिसत्तवसेन सीलकथा आगता, इध महाबोधिसत्तवसेन करुणूपायकोसल्लपुब्बङ्गमं कत्वा वत्तब्बाति अयमेव विसेसो । यतो इदं सीलं महापुरिसो यथा न अत्तनो दुग्गतियं परिकिलेसविमुत्तिया, सुगतियम्पि न रज्जसम्पत्तिया, न चक्कवत्ती, न देव, न सक्क, न मार, न ब्रह्मसम्पत्तिया परिणामेति, तथा न अत्तनो तेविज्जताय, न छल्लभिज्जताय, न चतुपटिसम्भिदाधिगमाय, न सावकबोधिया, न पच्चेकबोधिया परिणामेति, अथ खो सब्बज्जुभावेन सब्बसत्तानं अनुत्तरसीलालङ्कारसम्पादनत्थमेव परिणामेतीति अयं **सीलपारमिया** पटिपत्तिकमो ।

तथा यस्मा करुणूपायकोसल्लपरिगहिता आदीनवदस्सनपुब्बङ्गमा कामेहि च भवेहि च निक्खमनवसेन पवत्ता कुसलचित्तुप्पत्ति नेक्खम्मपारमी, तस्मा सकलसंकिलेसनिवासनट्ठानताय, पुत्तदारादीहि महासम्बाधताय, कसिवाणिज्जादिनानाविध-कम्मन्ताधिट्ठानब्बाकुलताय च धरावासस्स नेक्खम्मसुखादीनं अनोकासत्तं, कामानञ्च “सत्थधारालगमधुबिन्दु विय च कदली विय च अवलेहमानपरित्तस्सादविपुलानत्थानुबन्धा”ति च विज्जुलतोभासेन गहेतव्वं नच्चं विय परित्तकालूपलब्धा, उम्मत्तकालङ्कारो विय विपरीतसञ्जाय अनुभवितब्बा, करीसावच्छादनमुखं विय पटिकारभूता, उदके तेमितङ्गुलिया निसारुदकपानं विय अतित्तिकरा, छातज्जत्तभोजनं विय साबाधा, बलिसामिसं विय ब्यासनपनिपातकारणा, (व्यसनसन्निपातकारणा – दी० नि० टी० १.७) अग्निसन्तापो विय कालत्तयेपि दुक्खुप्पत्तिहेतुभूता, मक्कटालेपो विय बन्धननिमित्ता, घातकावच्छादनकिमालयो विय अनत्थच्छादना, सपत्तगामवासो विय भयट्ठानभूता, पच्चत्थिकपोसको विय किलेसमारादीनं आमिसभूता, छणसम्पत्तियो विय विपरिणामदुक्खा,

कोटरग्गि विय अन्तोदाहका, पुराणकूपावलम्बबीरणमधुपिण्डं विय अनेकादीनवा, लोणूदकपानं विय पिपासाहेतुभूता, सुरामेरयं विय नीचजनसेविता, अप्पस्सादताय अट्टिकङ्कलूपमा'तिआदिना च नयेन आदीनवं सल्लक्खेत्वा तब्बिपरियायेन नेक्खम्मि आनिसंसं पस्सन्तेन नेक्खम्मपविवेकउपसमसुखादीसु निन्नपोणपब्भारचित्तेन नेक्खम्मपारमियं पटिपज्जितब्बं ।

यस्मा पन नेक्खम्मं पब्बज्जामूलकं, तस्मा पब्बज्जा ताव अनुद्घातब्बा । पब्बज्जमनुतिट्ठन्तेन महासत्तेन असति बुद्धुप्पादे कम्मवादीनं किरियवादीनं तापसपरिब्बाजकानं पब्बज्जा अनुद्घातब्बा । उप्पन्नेसु पन सम्मासम्बुद्धेसु तेसं सासने एव पब्बजितब्बं । पब्बजित्वा च यथावुत्ते सीले पतिट्ठितेन तस्सा एव सीलपारमिया वोदापनत्थं धुतगुणा समादातब्बा । समादिन्नधुतधम्मा हि महापुरिसा सम्मदेव ते परिहरन्ता अप्पिच्छासन्तुडुसल्लेखपविवेकअसंसग्गवीरियारम्भसुभरतादिगुणसलिलविक्खालितकिलेसमलताय अनवज्जसीलवतगुणपरिसुद्धसमाचारा पोराणे अरियवंसत्तये पतिट्ठिता चतुत्थं भावनारामतासङ्घातं अरियवंसं गन्तुं चत्तारीसाय आरम्भणेसु यथारहं उपचारप्पनाभेदं ज्ञानं उपसम्पज्ज विहरन्ति । एवञ्जिस्स सम्मदेव नेक्खम्मपारमी पारिपूरिता होति । इमस्मिं पन ठाने तेरसहि धुतधम्मेहि सद्धिं दस कसिणानि दसासुभानि दसानुस्सतियो चत्तारो ब्रह्मविहारा चत्तारो आरुप्पा एका सज्जा एकं ववत्थानन्ति चत्तारीस समाधिभावनाकम्मद्वानानि, भावनाविधानञ्च वित्थारतो वत्तब्बानि, तं पनेतं सब्बं यस्मा **विसुद्धिमग्गे** (विसुद्धि १.२२, ४७) सब्बाकारतो वित्थारेत्वा वुत्तं, तस्मा तत्थ वुत्तनयेनेव वेदितब्बं । केवलञ्चि तत्थ सावकबोधिसत्तस्स वसेन वुत्तं, इध महाबोधिसत्तस्स वसेन करुणूपायकोसल्लपुब्बङ्गमं कत्वा वत्तब्बन्ति अयमेव विसेसो । एवमेत्थ **नेक्खम्मपारमिया** पटिपत्तिक्कमो वेदितब्बो ।

तथा पज्जापारमिं सम्पादेतुकामेन यस्मा पज्जा आलोको विय अन्धकारेण मोहेन सह न वत्ति, तस्मा मोहकारणानि ताव बोधिसत्तेन परिवज्जेतब्बानि । तत्थिमानि मोहकारणानि-अरति तन्दी विजम्भिता आलसियं गणसङ्गणिकारामता निद्दासीलता अनिच्छयसीलता जाणस्मिं अकुतूहलता मिच्छाधिमानो अपरिपुच्छकता कायस्स नसम्मापरिहारो असमाहितचित्तता दुप्पज्जानं पुग्गलनं सेवना पज्जवन्तानं अपयिरुपासना अत्तपरिभवो मिच्छाविकप्पो विपरीताभिनिवेसो कायदळ्हीबहुलता असंवेगसीलता पञ्च नीवरणानि, सङ्खेपतो येवापनधम्मे आसेवतो अनुप्पन्ना पज्जा नुप्पज्जति, उप्पन्ना

परिहायति, इति इमानि मोहकारणानि, तानि परिवज्जन्तेन बाहुसच्चे, ज्ञानादीसु च योगो करणीयो ।

तत्थायं बाहुसच्चस्स विसयविभागो – पञ्चकखन्धा द्वादसायतनानि अट्टारस धातुयो चत्तारि सच्चानि बावीसतिन्द्रियानि द्वादसपदिको पटिच्चसमुप्पादो, तथा सतिपट्टानादयो कुसलादिधम्मपभेदा च, यानि च लोके अनवज्जानि विज्जाट्टानानि, यो च सत्तानं हितसुखविधाननयो व्याकरणविसेसो । इति एवं पकारं सकलमेव सुतविसयं उपायकोसल्लपुब्बङ्गमाय पज्जाय, सतिया, वीरियेन च साधुकं उग्गहणसवनधारणपरिचयपरिपुच्छाहि ओगाहेत्वा तत्थ च परेसं पतिट्ठापनेन सुतमया पज्जा निब्बत्तेतब्बा, तथा सत्तानं इतिकत्तब्बतासु ठानुप्पत्तिका पटिभानभूता, आयापायउपायकोसल्लभूता च पज्जा हितेसितं निस्साय तत्थ तत्थ यथारहं पवत्तेतब्बा, तथा खन्धादीनं सभावधम्मानं आकारपरितक्कनमुखेन चेव निज्ज्ञानं खमापेन्तेन च चिन्तामया पज्जा निब्बत्तेतब्बा ।

खन्धादीनयेव पन सलक्खणसामञ्जलक्खणपरिग्गहणवसेन लोकियपरिज्जं निब्बत्तेन्तेन पुब्बभागभावनापज्जा सम्पादेतब्बा । एवज्झि “नामरूपमत्तमिदं, यथारहं पच्चयेहि उपपज्जति चेव निरुज्झति च, न एत्थ कोचि कत्ता वा कारेता वा, हुत्वा अभावट्टेन अनिच्चं, उदयब्बयपटिपीलनट्टेन दुक्खं, अवसवत्तनट्टेन अनत्ता”ति अज्झत्तिकधम्मे, बाहिरकधम्मे च निब्बिसेसं परिजानन्तो तत्थ आसङ्गं पजहन्तो, परे च तत्थ तं पजहापेन्तो केवलं करुणावसेनेव याव न बुद्धगुणा हत्थतलं आगच्छन्ति, ताव यानत्तये सत्ते अवतारणपरिपाचनेहि पतिट्ठापेन्तो, ज्ञानविमोक्खसमाधिसमापत्तियो, अभिज्जायो च लोकियवसीभावं पापेन्तो पज्जाय मत्थकं पापुणाति ।

तत्थ याचिमा इद्धिविधजाणं दिब्बसोतधातुजाणं चेतोपरियजाणं पुब्बेनिवासानुस्सतिजाणं दिब्बचक्खुजाणं यथाकम्मूपगजाणं अनागतंसजाणन्ति सपरिभण्डा पञ्चलोकियाभिज्जासङ्घाता भावनापज्जा, या च खन्धायतनधातुइन्द्रियसच्च-पटिच्चसमुप्पादादिभेदेसु चतुभूमकेसु धम्मेसु उग्गहपरिपुच्छावसेन जाणपरिचयं कत्वा सीलविसुद्धि चित्तविसुद्धीति मूलभूतासु इमासु द्वीसु विसुद्धीसु पतिट्ठाय दिट्ठिविसुद्धि कङ्गावितरणविसुद्धि मग्गामग्गजाणदस्सनविसुद्धि पटिपदाजाणदस्सनविसुद्धि जाणदस्सनविसुद्धीति सरीरभूता इमा पञ्च विसुद्धियो सम्पादेन्तेन भावेतब्बा

लोकियलोकुत्तरभेदा भावनापज्जा, तासं सम्पादनविधानं यस्मा “तत्थ ‘एकोपि हुत्वा बहुधा होती’तिआदिकं इद्धिविकुब्बनं कातुकामेन आदिकम्मिकेन योगिना”तिआदिना, (विसुद्धि० २.३६५) “खन्धाति पञ्च खन्धा रूपक्खन्धो वेदनाक्खन्धो सञ्जाक्खन्धो सङ्गारक्खन्धो विज्जाणक्खन्धो”तिआदिना (विसुद्धि २.४३१) च विसयविसयिविभागेन (विसयविभागेन – च० पि० अट्ठ० पकिण्णककथा) सद्धिं विसुद्धिमग्गे सब्बाकारतो वित्थारेत्वा वुत्तं, तस्मा तत्थ वुत्तनयेनेव वेदितब्बं । केवलज्झि तत्थ सावकबोधिसत्तस्स वसेन पज्जा आगता, इध महाबोधिसत्तस्स वसेन करुणूपायकोसल्लपुब्बङ्गमं कत्वा वत्तब्बा । आणदस्सनविसुद्धिं अपापेत्वा पटिपदाजाणदस्सनविसुद्धियंयेव विपस्सना ठपेतब्बाति अयमेव विसेसोति । एवमेत्थ **पज्जापारमिया** पटिपत्तिक्कमो वेदितब्बो ।

तथा यस्मा सम्पासम्बोधिया कताभिनीहारेन महासत्तेन पारमीपरिपूरणत्थं सब्बकालं युत्तप्पयुत्तेन भवितब्बं आबद्धपरिकरणेन, तस्मा कालेन कालं “को नु खो अज्ज मया पुज्जसम्भारो, आणसम्भारो वा उपचितो, किं वा मया परहितं कत”न्ति दिवसे दिवसे पच्चवेक्खन्तेन सत्तहितत्थं उस्साहो करणीयो, सब्बेसम्पि सत्तानं उपकाराय अत्तनो परिग्गहभूतं वत्थुं, कायं, जीवितञ्च निरपेक्खनचित्तेन ओस्सज्जितब्बं, यं किञ्चि कम्मं करोति कायेन, वाचाय वा, तं सब्बं सम्बोधियं निन्नचित्तेनेव कातब्बं, बोधिया परिणामेतब्बं, उळारेहि, इत्तरेहि च कामेहि विनिवत्तचित्तेनेव भवितब्बं, सब्बासु च इतिकत्तब्बतासु उपायकोसल्लं पच्चुपट्टपेत्वा पटिपज्जितब्बं ।

तस्मिं तस्मिञ्च सत्तहिते आरद्धवीरियेन भवितब्बं इट्ठानिट्ठानिदिसब्बसहेन अविसवादिना । सब्बेपि सत्ता अनोधिसो मेत्ताय, करुणाय च फरितब्बा । या काचि सत्तानं दुक्खुप्पत्ति, सब्बा सा अत्तनि पाटिकङ्कितब्बा । सब्बेसञ्च सत्तानं पुज्जं अब्भनुमोदितब्बं, बुद्धानं महन्तता महानुभावता अभिण्हं पच्चवेक्खितब्बा, यञ्च किञ्चि कम्मं करोति कायेन, वाचाय वा, तं सब्बं बोधिचित्तपुब्बङ्गमं कातब्बं । इमिना हि उपायेन दानादीसु युत्तप्पयुत्तस्स थामवतो दळ्हपरक्कमस्स महासत्तस्स बोधिसत्तस्स अपरिमेय्यो पुज्जसम्भारो, आणसम्भारो च दिवसे दिवसे उपचीयति ।

अपिच सत्तानं परिभोगत्थं, परिपालनत्थञ्च अत्तनो सरीरं, जीवितञ्च परिच्चजित्वा खुप्पिपाससीतुण्णवातातापादिदुक्खपतिकारो परियेसितब्बो च उप्पादेतब्बो च, यञ्च यथावुत्तदुक्खपतिकारजं सुखं अत्तना पटिलभति, तथा रमणीयेसु

आरामुय्यानपासादतळाकादीसु, अरञ्जायतनेसु च कायचित्तसन्तापाभावेन अभिनिबुत्तत्ता अत्तना सुखं पटिलभति, यञ्च सुणाति “बुद्धानुबुद्धपच्चेकबुद्धा, महाबोधिसत्ता च नेक्खम्मपटिपत्तियं ठिता”ति च “दिट्ठधम्मिकसुखविहारभूतं ईदिसं नाम ज्ञानसमापत्तिसुखमनुभवन्ती”ति च, तं सब्बं सत्तेसु अनोधिसो उपसंहरति। अयं ताव नयो असमाहितभूमियं पतिट्ठितस्स।

समाहितभूमियं पन पतिट्ठितो अत्तना यथानुभूतं विसेसाधिगमनिब्वत्तं पीतिं, पस्सद्धिं, सुखं, समाधिं, यथाभूतजाणञ्च सत्तेसु अधिमुच्चन्तो उपसंहरति परिणामेति, तथा महति संसारदुक्खे, तस्स च निमित्तभूते किलेसाभिसङ्गारदुक्खे निमुग्गं सत्तनिकायं दिस्वा तत्रापि खादनछेदनभेदनसेदनपिसनहिंसनअगिसन्तापादिजनिता दुक्खा तिब्बा खरा कटुका वेदना निरन्तरं चिरकालं वेदयन्ते नरके, अज्जमज्जं कुज्जनसन्तासनविसोधनहिंसनपराधीनतादीहि महादुक्खं अनुभवन्ते तिरच्छानगते, जोतिमालाकुलसरीरे खुप्पिपासवातातपादीहि ड्ह्यमाने, विसुस्समाने च वन्तखेळादिआहारे, उद्धबाहु विरवन्ते निज्झामतण्हिकादिके महादुक्खं वेदयमाने पेटे च परियेड्ढिमूलकं महन्तं अनयब्बसनं पापुणन्ते हत्थच्छेदादिकरणयोगेन दुब्बण्णदुद्दसिकदलिद्वादिभावेन खुप्पिपासादिआबाधयोगेन बलवन्तेहि अभिभवनीयतो, परेसं वहनतो, पराधीनतो च नरके, पेटे, तिरच्छानगते च अतिसयन्ते अपायदुक्खनिब्विसेसं दुक्खमनुभवन्ते मनुस्से च तथा विसयपरिभोगविक्षिप्तचित्तताय रागादिपरिळाहेन ड्ह्यमाने वातवेगसमुद्धितजालासमिद्धसुक्खकट्टसन्निपाते अग्गिक्खन्धे विय अनुपसन्तपरिळाहवुत्तिके अनुपसन्तनिहतपराधीने (अनिहतपराधीने दी० नि० टी० १.७) कामावचरदेवे च महता वायामेन विदूरमाकासं विगाहितसकुन्ता विय, बलवता दूरे पाणिना खित्तसरा विय च “सतिपि चिरप्पवत्तियं अनच्चन्तिकताय पातपरियोसाना अनतिक्वन्तजातिजरामरणा एवा”ति रूपावचरारूपावचरदेवे च पस्सन्तेन महन्तं संवेगं पच्चुपट्ठापेत्वा मेत्ताय, करुणाय च अनोधिसो सत्ता फरितब्बा। एवं कायेन, वाचाय, मनसा च बोधिसम्भारे निरन्तरं उपचिनन्तेन यथा पारमियो परिपूरेन्ति, एवं सक्कच्चकारिना सातच्चकारिना अनोलीनवुत्तिना उस्साहो पवत्तेतब्बो, वीरियपारमी परिपूरेतब्बा।

अपिच “अचिन्तेय्यापरिमेय्यविपुलोळारविमलनिरुपमनिरुपक्किलेसगुणगणनिचय-निदानभूतस्स बुद्धभावस्स उस्सक्कित्वा सम्पहंसनयोगं वीरियं नाम अचिन्तेय्यानुभावमेव, यं न पचुरजना सोतुप्पि सक्कुणन्ति, पगेव पटिपज्जितुं। तथा हि तिविधा अभिनीहारचित्तुप्पत्ति, चतस्सो बुद्धभूमियो, (सु० नि० अट्ठ० १.३४) चत्तारि

सङ्गहवत्थूनि, (दी० नि० ३.२१०; अ० नि० १.४.३२) करुणेकरसता, बुद्धधम्मेषु सच्छिकरणेन विसेसप्यच्चयो, निज्झानक्खन्ति, सब्बधम्मेषु निरुपलेपो, सब्बसत्तेसु पियपुत्तसज्जा, संसारदुक्खेहि अपरिखेदो, सब्बदेय्यधम्मपरिच्चागो, तेन च निरतिमानता, अधिसीलादिअधिद्धानं, तत्थ च अचञ्चलता, कुसलकिरियासु पीतिपामोज्जता, विवेकनिब्रचित्ता, ज्ञानानुयोगो, अनवज्जधम्मेषु अतित्थिता, यथासुतस्स धम्मस्स परेसं हितज्झासयेन देसनाय आरम्भदळ्हता, धीरवीरभावो, परापवादपरापकारेसु विकाराभावो, सच्चाधिद्धानं, समापत्तीसु वसीभावो, अभिज्जासु बलप्पत्ति, लक्खणत्तयावबोधो, सतिपद्धानादीसु अभियोगेन लोकुत्तरमग्गसम्भारसम्भरणं, नवलोकुत्तरावक्कन्ती'ति एवमादिका सब्बापि बोधिसम्भारपटिपत्ति वीरियानुभावेनेव समिज्जतीति अभिनीहारतो याव महाबोधि अनोस्सज्जन्तेन सक्कच्चं निरन्तरं वीरियं यथा उपरूपरि विसेसावहं होति, एवं सम्पादेतब्बं । सम्पज्जमाने च यथावुत्ते वीरिये, खन्तिसच्चाधिद्धानादयो च दानसीलादयो च सब्बेपि बोधिसम्भारा तदधीनवुत्तिताय सम्पन्ना एव होन्तीतिखन्तिआदीसुपि इमिनाव नयेन पटिपत्ति वेदितब्बा ।

इति सत्तानं सुखूपकरणपरिच्चागेन बहुधानुग्गहकरणं दानेन पटिपत्ति, सीलेन तेसं जीवितसापतेय्यदाररक्खाभेदपियहितवचनाविहिंसादिकरणानि, नेक्खम्मेन तेसं आमिसपटिग्गहणधम्मदानादिना अनेकविधा हितचरिया, पज्जाय तेसं हितकरणूपायकोसल्लं, वीरियेन तत्थ उस्साहारम्भअसंहीरकरणानि, खन्तिया तदपराधसहनं, सच्चेन नेसं अवञ्चनतदुपकारकिरियासमादानाविसंवादानादि, अधिद्धानेन तदुपकरणे अनत्थसम्पातेपि अचलनं, मेत्ताय नेसं हितसुखानुचिन्तनं, उपेक्खाय नेसं उपकारापकारेसु विकारानापत्तीति एवं अपरिमाणे सत्ते आरब्भ अनुकम्पितसब्बसत्तस्स बोधिसत्तस्स पुथुज्जनेहि असाधारणो अपरिमाणो पुज्जजाणसम्भारुपचयो एत्थ पटिपत्तीति वेदितब्बं । यो चेतासं पच्चयो वुत्तो, तत्थ च सक्कच्चं सम्पादनं ।

को विभागोति –

सामञ्जभेदतो एता, दसविधा विभागतो ।

तिधा हुत्वान पच्चेकं, समतिसविधा समं ।।

दस पारमियो दस उपपारमियो दस परमत्थपारमियोति हि समतिस पारमियो । तत्थ

“कताभिनीहारस्स बोधिसत्तस्स परहितकरणाभिनिन्नासयपयोगस्स कण्हधम्मवोकिण्णा सुक्का धम्मा पारमियो, तेहि अवोकिण्णा सुक्का धम्मा उपपारमियो, अकण्हा असुक्का धम्मा परमत्थपारमियो”ति केचि। “समुदागमनकालेसु पूरियमाना पारमियो, बोधिसत्तभूमियं पुण्णा उपपारमियो, बुद्धभूमियं सब्बाकारपरिपुण्णा परमत्थपारमियो। बोधिसत्तभूमियं वा परहितकरणतो पारमियो, अत्तहितकरणतो उपपारमियो, बुद्धभूमियं बलवेसारज्जसमधिगमेन उभयहितपरिपूरणतो परमत्थपारमियोति एवं आदिमज्झपरियोसानेसु पणिधानारम्भपरिनिद्वानेसु तेसं विभागो”ति अपरे। “दोसुपसमकरुणापकतिकानं भवसुखविमुत्तिसुखपरमसुखप्पत्तानं पुञ्ञूपचयभेदतो तब्बिभागो”ति अञ्जे।

“लज्जासतिमानापस्सयानं लोकुत्तरधम्माधिपतीनं सीलसमाधिपञ्ञागरुकानं तारिततरिततारयितूनं अनुबुद्धपच्चेकबुद्धसम्मासम्बुद्धानं पारमीउपपारमीपरमत्थपारमीहि बोधित्तयप्पत्तितो यथावुत्तविभागो”ति केचि। “चित्तपणिधितो याव वचीपणिधि, ताव पवत्ता सम्भारा पारमियो, वचीपणिधितो याव कायपणिधि, ताव पवत्ता उपपारमियो, कायपणिधितो पभुति परमत्थपारमियो”ति अपरे। अञ्जे पन “परपुञ्ञानुमोदनवसेन पवत्ता सम्भारा पारमियो, परेसं कारापनवसेन पवत्ता उपपारमियो, सयं करणवसेन पवत्ता परमत्थपारमियो”ति वदन्ति। तथा “भवसुखावहो पुञ्ञजाणसम्भारो पारमी, अत्तनो निब्बानसुखावहो उपपारमी, परेसं तदुभयसुखावहो परमत्थपारमी”ति एके।

पुत्तदारधनादिउपकरणपरिच्चागो पन दानपारमी, अत्तनो अङ्गपरिच्चागो दानउपपारमी, अत्तनो जीवितपरिच्चागो दानपरमत्थपारमी। तथा पुत्तदारादिकस्स तिविधस्सापि हेतु अवीतिककमनवसेन तिस्सो सीलपारमियो, तेसु एव तिविधेसु वत्थूसु आलयं उपच्छिन्दित्वा निक्खमनवसेन तिस्सो नेक्खम्मपारमियो, उपकरणअङ्गजीविततण्हं समूहनित्वा सत्तानं हिताहितविनिच्छयकरणवसेन तिस्सो पञ्ञापारमियो, यथावुत्तभेदानं परिच्चागादीनं वायमनवसेन तिस्सो वीरियपारमियो, उपकरणअङ्गजीवितन्तरायकरानं खमनवसेन तिस्सो खन्तिपारमियो, उपकरणअङ्गजीवितहेतु सच्चापरिच्चागवसेन तिस्सो सच्चपारमियो, दानादिपारमियो अकुप्पाधिद्वानवसेनेव समिज्झन्तीति उपकरणादिविनासेपि अचलाधिद्वानवसेन तिस्सो अधिद्वानपारमियो, उपकरणादिविघातकेसुपि सत्तेसु मेत्ताय अविजहनवसेन तिस्सो मेत्तापारमियो, यथावुत्तवत्थुत्तयस्स उपकारापकारेसु सत्तसङ्गारेसु मज्झत्ततापटिलाभवसेन तिस्सो उपेक्खापारमियोति एवमादिना एतासं विभागो वेदितब्बो।

को सङ्गहोति एत्थ पन -

यथा विभागतो तिस-विधा सङ्गहतो दस ।

छप्पकाराव एतासु, युगळादीहि साधये ।।

यथा हि एसा विभागतो तिसविधापि दानपारमिआदिभावतो दसविधा, एवं दानसीलखन्तिवीरियज्ञानपञ्जासभावेन छब्बिधा । एतासु हि नेक्खम्मपारमी सीलपारमिया सङ्गहिता तस्सा पब्बज्जाभावे । नीवरणविवेकभावे पन ज्ञानपारमिया, कुसलधम्मभावे छहिपि सङ्गहिता, सच्चपारमी सीलपारमिया एकदेसा एव वचीसच्चविरतिसच्चपक्खे । जाणसच्चपक्खे पन पञ्जापारमिया सङ्गहिता, मेत्तापारमी ज्ञानपारमिया एव, उपेक्खापारमी ज्ञानपञ्जापारमीहि, अधिद्वानपारमी सब्बाहिपि सङ्गहिताति ।

एतेसच्च दानादीनं छन्नं गुणानं अज्जमज्जसम्बन्धानं पच्चदस युगळादीनि पच्चदस युगळादिसाधकानि होन्ति । सेय्यथिदं ? दानसीलयुगळेन परहिताहितानं करणाकरणयुगळसिद्धि, दानखन्तियुगळेन अलोभादोसयुगळसिद्धि, दानवीरिययुगळेन चागसुतयुगळसिद्धि, दानज्ञानयुगळेन कामदोसप्पहानयुगळसिद्धि, दानपञ्जायुगळेन अरिययानधुरयुगळसिद्धि, सीलखन्तिद्वयेन पयोगासयसुद्धद्वयसिद्धि, सीलवीरियद्वयेन भावनाद्वयसिद्धि, सीलज्ञानद्वयेन दुस्सील्यपरियुद्वानप्पहानद्वयसिद्धि, सीलपञ्जाद्वयेन दानद्वयसिद्धि, खन्तिवीरियद्वयेन खमातेजद्वयसिद्धि, खन्तिज्ञानदुकेन विरोधानुरोधप्पहानदुकसिद्धि, खन्तिपञ्जादुकेन सुज्जताखन्तिपटिवेधदुकसिद्धि, वीरियज्ञानदुकेन पग्गहाविकखेपदुकसिद्धि, वीरियपञ्जादुकेन सरणदुकसिद्धि, ज्ञानपञ्जादुकेन यानदुकसिद्धि । दानसीलखन्तितिकेन लोभदोसमोहप्पहानतिकसिद्धि, दानसीलवीरियतिकेन भोगजीवितकायसारादानतिकसिद्धि, दानसीलज्ञानतिकेन पुज्जकरियवत्थुतिकसिद्धि, दानसीलपञ्जातिकेन आमिसाभयधम्मदानतिकसिद्धीति एवं इतरेहिपि तिकेहि, चतुक्कादीहि च यथासम्भवं तिकानि, चतुक्कादीनि च योजेतब्बानि ।

एवं छब्बिधानम्मि पन इमासं पारमीनं चतूहि अधिद्वानेहि सङ्गहो वेदितब्बो । सब्बपारमीनं समूहसङ्गहतो हि चत्तारि अधिद्वानानि । सेय्यथिदं ? सच्चाधिद्वानं, चागाधिद्वानं, उपसमाधिद्वानं, पञ्जाधिद्वानन्ति । तत्थ अधितिद्वति एतेन, एत्थ वा अधितिद्वति, अधिद्वानमत्तमेव वा तन्ति अधिद्वानं, सच्चच्च तं अधिद्वानञ्च, सच्चस्स वा अधिद्वानं,

सच्चं वा अधिष्ठानमेतस्साति **सच्चाधिष्ठानं**। एवं सेसेसुपि। तत्थ अविसेसतो ताव कताभिनीहारस्स अनुकम्पितसब्बसत्तस्स महासत्तस्स पटिञ्जानुरूपं सब्बपारमीपरिग्गहतो **सच्चाधिष्ठानं**, तेसं पटिपक्खपरिच्चागतो **चागाधिष्ठानं**, सब्बपारमितागुणेहि उपसमनतो **उपसमाधिष्ठानं**। तेहि एव परहितेसु उपायकोसल्लतो **पञ्जाधिष्ठानं**।

विसेसतो पन “याचकानं जनानं अविस्वादेत्वा दस्सामी”ति पटिजाननतो, पटिञ्जं अविस्वादेत्वा दानतो, दानं अविस्वादेत्वा अनुमोदनतो, मच्छरियादिपटिपक्खपरिच्चागतो, देय्यपटिग्गाहकदानदेय्यधम्मक्खयेसु लोभदोसमोहभयवूपसमनतो, यथारहं यथाकालं यथाविधानञ्च दानतो, पञ्जुत्तरतो च कुसलधम्मानं चतुरधिष्ठानपदद्वानं दानं। तथा संवरसमादानस्स अवीतिकमनतो, दुस्सील्यपरिच्चागतो, दुच्चरितवूपसमनतो, पञ्जुत्तरतो च चतुरधिष्ठानपदद्वानं सीलं। यथापटिञ्जं खमनतो, कतापराधविकप्पपरिच्चागतो, क्रोधपरियुद्धानवूपसमनतो, पञ्जुत्तरतो च चतुरधिष्ठानपदद्वानाखन्ति। पटिञ्जानुरूपं परहितकरणतो, विसयपरिच्चागतो, अकुसलवूपसमनतो, पञ्जुत्तरतो च चतुरधिष्ठानपदद्वानं वीरियं। पटिञ्जानुरूपं लोकहितानुचिन्तनतो, नीवरणपरिच्चागतो, चित्तवूपसमनतो, पञ्जुत्तरतो च चतुरधिष्ठानपदद्वानं ज्ञानं। यथापटिञ्जं परहितूपायकोसल्लतो, अनुपायकिरियपरिच्चागतो, मोहजपरिळाहवूपसमनतो, सब्बञ्जुतापटिलाभतो च चतुरधिष्ठानपदद्वाना पञ्जा।

तत्थ जेय्यपटिञ्जानुविधानेहि सच्चाधिष्ठानं, वत्थुकामकिलेसकामपरिच्चागेहि चागाधिष्ठानं, दोसदुक्खवूपसमेहि उपसमाधिष्ठानं, अनुबोधपटिवेधेहि पञ्जाधिष्ठानं। तिविधसच्चपरिग्गहितं दोसत्तयविरोधि सच्चाधिष्ठानं, तिविधचागपरिग्गहितं दोसत्तयविरोधि चागाधिष्ठानं, तिविधवूपसमपरिग्गहितं दोसत्तयविरोधि उपसमाधिष्ठानं, तिविधजाणपरिग्गहितं दोसत्तयविरोधि पञ्जाधिष्ठानं। सच्चाधिष्ठानपरिग्गहितानि चागूपसमपञ्जाधिष्ठानानि अविस्वादनतो, पटिञ्जानुविधानतो च। चागाधिष्ठानपरिग्गहितानि सच्चूपसमपञ्जाधिष्ठानानि पटिपक्खपरिच्चागतो, सब्बपरिच्चागफलता च। उपसमाधिष्ठानपरिग्गहितानि सच्चचागपञ्जाधिष्ठानानि किलेसपरिळाहूपसमनतो, कम्मपरिळाहूपसमनतो च। पञ्जाधिष्ठानपरिग्गहितानि सच्चचागूपसमाधिष्ठानानि जाणपुब्बङ्गमतो, जाणानुपरिवत्तनतो चाति एवं सब्बापि पारमियो सच्चप्पभाविता चागपरिब्यञ्जिता उपसमोपब्रूहिता पञ्जापरिसुद्धा। सच्चञ्हि एतासं जनकहेतु, चागो पटिग्गाहकहेतु, उपसमो परिबुद्धिहेतु पञ्जा पारिसुद्धिहेतु। तथा आदिमिहं सच्चाधिष्ठानं सच्चपटिञ्जता, मज्झे चागाधिष्ठानं

कतपणिधानस्स परहिताय अत्तपरिच्चागतो, अन्ते उपसमाधिद्वानं सब्बूपसमपरियोसानत्ता ।
आदिमज्झपरियोसानेसु पज्जाधिद्वानं तस्मिं सति सम्भवतो, असति असम्भवतो,
यथापटिज्जञ्च सम्भवतो ।

तथ महापुरिसा सततं अत्तहितपरहितकरेहि गरुपियभावकरेहि सच्चचागाधिद्वानेहि
गिहिभूता आमिसदानेन परे अनुग्गणहन्ति । तथा अत्तहितपरहितकरेहि, गरुपियभावकरेहि,
उपसमपज्जाधिद्वानेहि च पब्बजितभूता धम्मदानेन परे अनुग्गणहन्ति ।

तथ अन्तिमभवे बोधिसत्तस्स चतुरधिद्वानपरिपूरणं । परिपुण्णचतुरधिद्वानस्स हि
चरिमकभवूपपत्तीति एके । तत्रापि हि गब्भावकन्तिअभिनिक्खमनेसु
पज्जाधिद्वानसमुदागमेन सतो सम्पजानो सच्चाधिद्वानपारिपूरिया सम्पतिजातो उत्तराभिमुखो
सत्तपदवीतिहारेण गन्त्वा सब्बा दिसा ओलोकेत्वा सच्चानुपरिवत्तिना वचसा “अग्गोहमस्मि
लोकस्स, जेडोहमस्मि लोकस्स, सेडोहमस्मि लोकस्सा”ति (दी० नि० २.३१; म० नि०
३.२०७) तिक्खत्तुं सीहनादं नदि, उपसमाधिद्वानसमुदागमेन
जिण्णातुरमतपब्बजितदस्साविनो चतुधम्मप्पदेसकोविदस्स योब्बनारोग्यजीवितसम्पत्तिमदानं
उपसमो, चागाधिद्वानसमुदागमेन महतो जातिपरिवट्टस्स, हत्थगतस्स च चक्कवत्तिरज्जस्स
अनपेक्खपरिच्चागोति ।

दुतिये ठाने अभिसम्बोधियं चतुरधिद्वानपरिपूरणन्ति केचि । तथ हि यथापटिज्जं
सच्चाधिद्वानसमुदागमेन चतुत्रं अरियसच्चानं अभिसमयो । ततो हि सच्चाधिद्वानं परिपुण्णं ।
चागाधिद्वानसमुदागमेन सब्बकिलेसुपक्किलेसपरिच्चागो । ततो हि चागाधिद्वानं परिपुण्णं ।
उपसमाधिद्वानसमुदागमेन परमूपसमसम्पत्ति । ततो हि उपसमाधिद्वानं परिपुण्णं ।
पज्जाधिद्वानसमुदागमेन अनावरणजाणपटिलभो । ततो हि पज्जाधिद्वानं परिपुण्णन्ति, तं
असिद्धं अभिसम्बोधियापि परमत्थभावतो ।

ततिये ठाने धम्मचक्कप्पवत्तने चतुरधिद्वानं परिपुण्णन्ति अज्जे । तथ हि
सच्चाधिद्वानसमुदागतस्स द्वादसहि आकारेहि अरियसच्चदेसनाय सच्चाधिद्वानं परिपुण्णं,
चागाधिद्वानसमुदागतस्स सद्धम्ममहायागकरणेन चागाधिद्वानं परिपुण्णं,
उपसमाधिद्वानसमुदागतस्स सयं उपसन्तस्स परेसं उपसमनेन उपसमाधिद्वानं परिपुण्णं,

पज्जाधिद्वानसमुदागतस्स विनेय्यानं आसयादिपरिजाननेन पज्जाधिद्वानं परिपुण्णन्ति, तदपि असिद्धं अपरियोसितत्ता बुद्धकिच्चस्स ।

चतुत्थे ठाने परिनिब्बाने चतुरधिद्वानं परिपुण्णन्ति अपरे । तत्र हि परिनिब्बुतत्ता परमत्थसच्चसम्पत्तिया सच्चाधिद्वानपरिपूरणं, सब्बूपधिपटिनिस्सग्गेन चागाधिद्वानपरिपूरणं, सब्बसङ्घारूपसमेन उपसमाधिद्वानपरिपूरणं, पज्जापयोजनपरिनिब्बानेन पज्जाधिद्वानपरिपूरणन्ति ।

तत्र महापुरिसस्स विसेसेन मेत्ताखेत्ते अभिजातियं सच्चाधिद्वानसमुदागतस्स सच्चाधिद्वानपरिपूरणमभिव्यत्तं, विसेसेन करुणाखेत्ते अभिसम्बोधिं पज्जाधिद्वानसमुदागतस्स पज्जाधिद्वानपरिपूरणमभिव्यत्तं, विसेसेन मुदिताखेत्ते धम्मचक्कप्पवत्तने चागाधिद्वानसमुदागतस्स चागाधिद्वानपरिपूरणमभिव्यत्तं, विसेसेन उपेक्खाखेत्ते परिनिब्बाने उपसमाधिद्वानसमुदागतस्स उपसमाधिद्वानपरिपूरणमभिव्यत्तन्ति दट्ठब्बं ।

तत्रापि सच्चाधिद्वानसमुदागतस्स संवासेन सीलं वेदितब्बं, चागाधिद्वानसमुदागतस्स संवोहारेण सोचेय्यं वेदितब्बं, उपसमाधिद्वानसमुदागतस्स आपदासु थामो वेदितब्बो, पज्जाधिद्वानसमुदागतस्स साकच्छाय पज्जा वेदितब्बा । एवं सीलाजीवचित्तिदिट्ठिविसुद्धियो वेदितब्बा । तथा सच्चाधिद्वानसमुदागमेन दोसागतिं न गच्छति अविस्वादनतो, चागाधिद्वानसमुदागमेन छन्दागतिं न गच्छति अनभिसङ्गतो, उपसमाधिद्वानसमुदागमेन भयागतिं न गच्छति अनुपरोधतो, पज्जाधिद्वानसमुदागमेन मोहागतिं न गच्छति यथाभूतावबोधतो ।

तथा पठमेन अदुट्ठो अधिवासेति, दुतियेन अलुट्ठो पटिसेवति, ततियेन अभीतो परिवज्जेति, चतुत्थेन असंमूळ्हो विनोदेति । पठमेन नेक्खम्मसुखुप्पत्ति, इतरेहि पविवेकउपसमसम्बोधिसुखुप्पत्तियो होन्ति । तथा विवेकजपीतिसुखसमाधिजपीतिसुखअपीतिज-कायसुख सतिपारिसुद्धिजउपेक्खासुखुप्पत्तियो एतेहि चतूहि यथाक्कमं होन्तीति । एवमनेकगुणानुबन्धेहि चतूहि अधिद्वानेहि सब्बपारमिसमूहसङ्गहो वेदितब्बो । यथा च चतूहि अधिद्वानेहि सब्बपारमिसङ्गहो, एवं करुणापज्जाहिपीति दट्ठब्बं । सब्बोपि हि बोधिसम्भारो करुणापज्जाहि सङ्गहितो । करुणापज्जापरिग्गहिता हि दानादिगुणा महाबोधिसम्भारा भवन्ति बुद्धत्तसिद्धिपरियोसानाति । एवमेतासं सङ्गहो वेदितब्बो ।

को सम्पादनूपायोति -

सब्बासं पन तासम्पि, उपायोति सम्पादने ।
अवेकल्लादयो अत्त-निय्यातनादयो मता ।।

सकलस्सापि हि पुज्जादिसम्भारस्स सम्पासम्बोधिं उद्दिस्स **अनवसेससम्भरणं** अवेकल्लकारितायोगेन, तत्थ च **सक्कच्चकारिता** आदरबहुमानयोगेन, **सातच्चकारिता** निरन्तरपयोगेन, **चिरकालादियोगो** च अन्तरा अवोसानापज्जनेनाति । तं पनस्स कालपरिमाणं परतो आवि भविस्सति । इति चतुरङ्गयोगो एतासं पारमीनं सम्पादनूपायो ।

तथा महासत्तेन बोधाय पटिपज्जन्तेन सम्पासम्बोधाय बुद्धानं पुरेतरमेव अत्ता निय्यातेतब्बो “इमाहं अत्तभावं बुद्धानं निय्यातेमी”ति । तं तं परिग्गहवत्थुच्च पटिलाभतो पुरेतरमेव दानमुखे निस्सज्जितब्बं “यं किञ्चि मय्हं उप्पज्जनकं जीवितपरिक्खारजातं, तं सब्बं सति याचके दस्सामि, तेसं पन दिन्नावसेसं एव मया परिभुज्जितब्ब”न्ति ।

एवञ्चिस्स सम्मदेव परिच्चागाय कते चित्ताभिसङ्खारे यं उप्पज्जति परिग्गहवत्थु अविज्जाणकं, सविज्जाणकं वा, तत्थ ये इमे पुब्बे दाने अकतपरिचयो, परिग्गहवत्थुस्स परित्तभावो, उळारमनुज्जता, परिक्खयचिन्ताति **चत्तारो दानविनिबन्धा** । तेसु यदा महाबोधिसत्तस्स संविज्जमानेसु देय्यधम्मेषु, पच्चुपट्टिते च याचकजने दाने चित्तं न पक्खन्दति न कमति, तेन निट्ठमेत्थ गन्तब्बं “अब्बाहं दाने पुब्बे अकतपरिचयो, तेन मे एतरहि दातुकम्यता चित्ते न सण्ठाती”ति । सो “एवं मे इतो परं दानाभिरतं चित्तं भविस्सति, हन्दाहं इतो पट्टाय दानं दस्सामि, ननु मया पटिकच्चेव परिग्गहवत्थुं याचकानं परिच्चत्त”न्ति दानं देति मुत्तचागो पयतपाणि वोस्सग्गरतो याचयोगो दानसंविभागरतो । एवं महासत्तस्स **पठमो दानविनिबन्धो** हतो होति विहतो समुच्छिन्नो ।

तथा महासत्तो देय्यधम्मस्स परित्तभावे सति पच्चयवेकल्ले इति पटिसज्जिक्खति “अहं खो पुब्बे अदानसीलताय एतरहि एवं पच्चयवेकल्लो जातो, तस्मा इदानि मया परित्तेन वा हीनेन वा यथालब्धेन देय्यधम्मेन अत्तानं पीळेत्वापि दानमेव दातब्बं, येनाहं आयतिम्पि दानपारमिं मत्थकं पापेस्सामी”ति सो इतरीतरेन दानं देति मुत्तचागो

पयतपाणि वोस्सग्गरतो याचयोगो दानसंविभागरतो । एवं महासत्तस्स **दुतियो दानविनिबन्धो** हतो होति विहतो समुच्छिन्नो ।

तथा महासत्तो देय्यधम्मस्स उळारमनुज्जताय अदातुकम्यताचित्ते उप्पज्जमाने इति पटिसञ्चिक्खति “ननु तथा सप्पुरिस उळारतमा सब्बसेट्ठा सम्मासम्बोधि अभिपत्थिता, तस्मा तदत्थं तथा उळारमनुज्जे एव देय्यधम्मो दातुं युत्तरूप”न्ति । सो उळारं, मनुज्जञ्च दानं देति मुत्तचागो पयतपाणि वोस्सग्गरतो याचयोगो दानसंविभागरतो । एवं महापुरिसस्स **ततियो दानविनिबन्धो** हतो होति विहतो समुच्छिन्नो ।

तथा महासत्तो दानं देन्तो यदा देय्यधम्मस्स परिकखयं पस्सति, सो इति पटिसञ्चिक्खति “अयं खो भोगानं सभावो, यदिदं खयधम्मता वयधम्मता, अपिच मे पुब्बे तादिसस्स दानस्स अकतत्ता एवं भोगानं परिकखयो दिस्सति, हन्दाहं यथालद्धेन देय्यधम्मेन परित्तेन वा, विपुलेन वा दानमेव ददेय्यं, येनाहं आयतिं दानपारमिया मत्थकं पापुणिस्सामी”ति । सो यथालद्धेन दानं देति मुत्तचागो पयतपाणि वोस्सग्गरतो याचयोगो दानसंविभागरतो । एवं महासत्तस्स **चतुत्थो दानविनिबन्धो** हतो होति विहतो समुच्छिन्नो । एवं ये ये दानपारमिया विनिबन्धभूता अनत्था, तेसं तेसं यथारहं पच्चवेक्खित्वा पटिविनोदनं उपायो । यथा च दानपारमिया, एवं सीलपारमिआदीसुपि दट्ठब्बं ।

अपिच यं महासत्तस्स बुद्धानं अत्तसन्निय्यातनं, तं सम्मदेव सब्बपारमीनं सम्पादनूपायो, बुद्धानञ्च अत्तानं निय्यातेत्वा ठितो महापुरिसो तत्थ तत्थ बोधिसम्भारपारिपूरिया घटेन्तो वायमन्तो सरीरस्स, सुखूपकरणानञ्च उपच्छेदकेसु दुस्सहेसुपि किच्चेसु (किच्छेसु च० पि० अट्ठ० पकिण्णककथा) दुरभिसम्भवेसुपि सत्तसङ्गारसमुपनीतेसु अनत्थेसु तिब्बेसु पाणहरेसु “अयं मया अत्तभावो बुद्धानं परिच्चत्तो, यं वा तं वा एत्थ होतू”ति तन्निमित्तं न कम्पति न वेधति ईसकम्पि अज्जथत्तं न गच्छति, कुसलारम्भे अज्जदत्थु अचलाधिद्धानो च होति, एवं **अत्तसन्निय्यातनम्पि** एतासं सम्पादनूपायो ।

अपिच समासतो कताभिनीहारस्स अत्तनि सिनेहस्स परियादानं, (परिसोसनं च० पि० अट्ठ० पकिण्णककथा) परेसु च सिनेहस्स परिवट्ठनं एतासं सम्पादनूपायो । सम्मासम्बोधिसमधिगमाय हि कतमहापणिधानस्स महासत्तस्स याथावतो परिजाननेन सब्बेसु

धम्मेषु अनुपलित्तस्स अत्तनि सिनेहो परिक्खयं परियादानं गच्छति, महाकरुणासमायोगवसेन (समासेवनेन च० पि० अट्ठ० पकिण्णककथा) पन पियपुत्ते विय सब्बसत्ते सम्पस्समानस्स तेसु मेत्ताकरुणासिनेहो परिवट्ठति, ततो च तं तदावत्थानुरूपं अत्तपरसन्तानेसु लोभदोसमोहविगमेन विदूरीकतमच्छरियादि-बोधिसम्भारपटिपक्खो महापुरिसो दानपियवचनअत्थचरिया समानत्ततासङ्गातेहि चतूहि सङ्गहवत्थूहि (दी० नि० ३.३१३; अ० नि० १.४.३२) चतुरधिद्वानानुगतेहि अच्चन्तं जनस्स सङ्गहकरणेन उपरि यानत्तये अवतारणं, परिपाचनञ्च करोति ।

महासत्तानज्झि महाकरुणा, महापज्जा च दानेन अलङ्कता, दानं पियवचनेन, पियवचनं अत्थचरियाय, अत्थचरिया समानत्तताय अलङ्कता, सङ्गहिता च । तेसज्झि सब्बेपि सत्ते अत्तना निब्बिसेसे कत्वा बोधिसम्भारेसु पटिपज्जन्तानं सब्बत्थ समानसुखदुक्खताय समानत्ततासिद्धि । बुद्धभूतानम्पि च तेहेव चतूहि सङ्गहवत्थूहि चतुरधिद्वानेन परिपूरिताभिबुद्धेहि जनस्स अच्चन्तिकसङ्गहकरणेन अभिविनयनं सिज्झति । दानज्झि सम्मासम्बुद्धानं चागाधिद्वानेन परिपूरिताभिबुद्धं । पियवचनं सच्चाधिद्वानेन, अत्थचरिया पज्जाधिद्वानेन, समानत्तता उपसमाधिद्वानेन परिपूरिताभिबुद्धा । तथागतानज्झि सब्बसावकपच्चेकबुद्धेहि समानत्तता परिनिब्बाने । तत्र हि नेसं अविसेसतो एकीभावो । तेनेवाह “नत्थि विमुत्तिया नानत्त”ति । होन्ति चेत्थ -

“सच्चो चागी उपसन्तो, पज्जवा अनुकम्पको ।
सम्भतसब्बसम्भारो, कं नामत्थं न साधये ॥

महाकारुणिको सत्था, हितेसी च उपेक्खको ।
निरपेक्खो च सब्बत्थ, अहो अच्छरियो जिनो ॥

विरत्तो सब्बधम्मेषु, सत्तेसु च उपेक्खको ।
सदा सत्तहिते युत्तो, अहो अच्छरियो जिनो ॥

सब्बदा सब्बसत्तानं, हिताय च सुखाय च ।
उय्युत्तो अकिलासू च, अहो अच्छरियो जिनो”ति ॥ (च० पि० अट्ठ० पकिण्णककथा) ।

कित्तेकेन कालेन सम्पादनन्ति -

पञ्चाधिकादिभेदेन, उग्घटितञ्जुआदिना ।
तिण्णम्पि बोधिसत्तानं, वसा कालो तिथा मतो ॥

हेट्टिमेन हि ताव परिच्छेदेन चत्तारि असङ्ख्येय्यानि, महाकप्पानं सतसहस्सञ्च, मज्झिमेन अट्ठ असङ्ख्येय्यानि, महाकप्पानं सतसहस्सञ्च, उपरिमेन पन सोळस असङ्ख्येय्यानि, महाकप्पानं सतसहस्सञ्च । एते च भेदा यथाक्कमं पञ्चाधिकसद्धाधिकवीरियाधिकवसेन वेदितब्बा । पञ्चाधिकानञ्चि सद्धा मन्दा होति, पञ्चा तिक्खा । सद्धाधिकानं पञ्चा मज्झिमा होति । वीरियाधिकानं पञ्चा मन्दा । पञ्चानुभावेन च सम्मासम्बोधि अभिगन्तब्बाति (सु० नि० अट्ठ० १.३४ अत्थतो समानं) **अट्ठकथायं** वुत्तं ।

अपरे पन “वीरियस्स तिक्खमज्झिममुदुभावेन बोधिसत्तानं अयं कालविभागो”ति वदन्ति, अविसेसेन पन विमुत्तिपरिपाचनीयानं धम्मानं तिक्खमज्झिममुदुभावेन यथावुत्तकालभेदेन बोधिसम्भारा तेसं पारिपूर्णिं गच्छन्तीति तयोपेते कालभेदा युत्तातिपि वदन्ति । एवं ति विधा हि बोधिसत्ता अभिनीहारक्खणे भवन्ति एको उग्घटितञ्जू, एको विपञ्चितञ्जू, एको नेय्योति । तेसु यो उग्घटितञ्जू, सो सम्मासम्बुद्धस्स सम्मुखा चतुप्पदगाथं सुणन्तो गाथाय ततियपदे अपरियोसिते एव छहि अभिज्जाहि सह पटिसम्भिदाहि अरहत्तं अधिगन्तुं समत्थुपनिस्सयो होति, सचे सावकबोधियं अधिमुत्तो सिया ।

दुतियो भगवतो सम्मुखा चतुप्पदगाथं सुणन्तो अपरियोसिते एव गाथाय चतुत्थपदे छहि अभिज्जाहि अरहत्तं अधिगन्तुं समत्थुपनिस्सयो होति, यदि सावकबोधियं अधिमुत्तो सिया ।

इतरो पन भगवतो सम्मुखा चतुप्पदगाथं सुत्वा परियोसिताय गाथाय छहि अभिज्जाहि अरहत्तं अधिगन्तुं समत्थुपनिस्सयो होति ।

तयोपेते विना कालभेदेन कताभिनीहारा, बुद्धानं सन्तिके लद्धव्याकरणा च

अनुक्कमेन पारमियो पूरेन्ता यथाक्कमं यथावुत्तभेदेन कालेन सम्मासम्बोधिं पापुणन्ति । तेसु तेसु पन कालभेदेसु अपरिपुण्णेसु ते ते महासत्ता दिवसे दिवसे वेस्सन्तरदानसदिसं महादानं देन्तापि तदनुरूपे सीलादिसब्बपारमिधम्मे आचिनन्तापि पञ्च महापरिच्चागे परिच्चजन्तापि जातत्थचरियं लोकत्थचरियं बुद्धत्थचरियं परमकोटिं पापेन्तापि अन्तराव सम्मासम्बुद्धा भविस्सन्तीति नेतं ठानं विज्जति । कस्मा ? जाणस्स अपरिपच्चनतो, बुद्धकारकधम्मानञ्च अपरिनिट्ठानतो । परिच्छिन्नकालनिष्फादितं विय हि सस्सं यथावुत्तकालपरिच्छेदेन परिनिष्फादिता सम्मासम्बोधि तदन्तरा पन सब्बुस्साहेन वायमन्तेनापि न सक्का अधिगन्तुन्ति पारमिपारिपूरि यथावुत्तकालविसेसेन सम्पज्जतीति वेदितब्बं ।

को आनिसंसोति -

ये ते कताभिनीहारानं बोधिसत्तानं -

“एवं सब्बङ्गसम्पन्ना, बोधिया नियता नरा ।
संसरं दीघमद्धानं, कप्पकोटिसतेहिपि ।।

अवीचिम्हि नुप्पज्जन्ति, तथा लोकन्तरेसु च ।
निज्झामतण्हा खुप्पिपासा, न होन्ति कालकज्जिका ।। (कालकज्जिका च०
पि० अट्ठ० पकिण्णककथा) ।

न होन्ति खुद्दका पाणा, उपपज्जन्तापि दुग्गतिं ।
जायमाना मनुस्सेसु, जच्चन्धा न भवन्ति ते ।।

सोतवेकल्लता नत्थि, न भवन्ति मूगपक्खिका ।
इत्थिभावं न गच्छन्ति, उभतोब्यञ्जनपण्डका ।।

न भवन्ति परियापन्ना, बोधिया नियता नरा ।
मुत्ता आनन्तरिकेहि, सब्बत्थ सुद्धगोचरा ।।

मिच्छादिद्विं न सेवन्ति, कम्मकिरियदस्सना ।
वसमानापि सग्गेसु, असज्जं नुपपज्जरे ।।

सुद्धावासेसु देवेसु, हेतु नाम न विज्जति ।
नेक्खम्मनिन्ना सप्पुरिसा, विसंयुत्ता भवाभवे ।
चरन्ति लोकथचरियायो, पूरेन्ति सब्बपारमी'ति ।। (अट्ठ० सा० निदानकथा;
च० पि० पकिण्णककथ; अप० अट्ठ० १.दूरेनिदानकथ; जा० अट्ठ०
१.दूरेनिदानकथा; बु० वं० अट्ठ० २७.दूरेनिदानकथा) ।-

एवं संवण्णिता आनिसंसा, ये च “सतो सम्पजानो आनन्द बोधिसत्तो तुसिता
काया चवित्वा मातुकुच्छिं ओक्कमती”तिआदिना (म० नि० ३.२०४) सोळस
अच्छरियब्भुतधम्मप्पकारा, ये च “सीतं व्यपगतं होति, उण्हज्ज वूपसमती”तिआदिना,
(खु० नि० ४-३१३ पिट्ठे) “जायमाने खो सारिपुत्त, बोधिसत्ते अयं दससहसिलोकधातु
सङ्कम्पति सम्पकम्पति सम्पवेधती”तिआदिना च द्वत्तिंस पुब्बनिमित्तप्पकारा, ये वा
पनज्जेपि बोधिसत्तानं अधिप्पायसमिज्जनं, कम्मादीसु च वसिभावोति एवमादयो तत्थ तत्थ
जातकबुद्धवंसादीसु दस्सितप्पकारा आनिसंसा, ते सब्बेपि एतासं आनिसंसा, तथा
यथानिदस्सितभेदा अलोभादोसादिगुणयुगळादयो चाति वेदितब्बा ।

अपिच यस्मा बोधिसत्तो अभिनीहारतो पट्टाय सब्बसत्तानं पितुसमो होति
हितेसिताय, दक्खिण्येय्यको गरु भावनीयो परमज्ज पुज्जक्खेत्तं होति गुणविसेसयोगेन,
येभ्य्येन च मनुस्सानं पियो होति, अमनुस्सानं पियो होति, देवताहि अनुपालीयति,
मेत्ताकरुणापरिभावितसन्तानताय वाळमिगादीहि च अनभिभवनीयो होति, यस्मिं यस्मिज्ज
सत्तनिकाये पच्चाजायति, तस्मिं तस्मिं उळारेन वण्णेन उळारेन यसेन उळारेन सुखेन
उळारेन बलेन उळारेन आधिपतेय्येन अज्जे सत्ते अभिभवति पुज्जविसेसयोगतो ।

अप्पाबाधो होति अप्पातङ्को, सुविसुद्धा चस्स सद्धा होति सुविसदा, सुविसुद्धं
वीरियं, सति समाधि पज्जा सुविसदा, मन्दकिलेसो होति मन्ददरथो मन्दपरिळाहो,
किलेसानं मन्दभावेनेव सुब्बचो होति पदक्खिणगगाही, खमो होति सोरतो, सखिलो होति
पटिसन्धारकुसलो, अकोधनो होति अनुपनाही, अमक्खी होति अपळासी, अनिस्सुकी होति
अमच्छरी, असठो होति अमायावी, अथद्धो होति अनतिमानी, असारद्धो होति

अप्पमत्तो, परतो उपतापसहो होति परेसं अनुपतापी, यस्मिञ्च गामखेत्ते पटिवसति, तत्थ सत्तानं भयादयो उपद्दवा येभुय्येन अनुप्पन्ना नुप्पज्जन्ति, उप्पन्ना च वूपसमन्ति, येसु च अपायेसु उप्पज्जन्ति, न तत्थ पचुरजनो विय दुक्खेन अधिमत्तं पीलीयति, भिय्योसो मत्ताय संवेगभयमापज्जति । तस्मा महापुरिसस्स यथारहं तस्मिं तस्मिं भवे लब्धमाना एते सत्तानं पितुसमतादक्खिण्येयतादयो गुणविसेसा आनिसंसाति वेदितब्बा ।

तथा आयुसम्पदा रूपसम्पदा कुलसम्पदा इस्सरियसम्पदा आदेय्यवचनता महानुभावताति एतेपि महापुरिसस्स पारमीनं आनिसंसाति वेदितब्बा । तत्थ आयुसम्पदा नाम तस्सं तस्सं उपपत्तियं दीघायुकता चिरद्वितिकता, ताय यथारद्धानि कुसलसमादानानि परियोसापेति, बहुञ्च कुसलं उपचिनोति । रूपसम्पदा नाम अभिरूपता दस्सनीयता पासादिकता, ताय रूपप्पमाणानं सत्तानं पसादावहो होति सम्भावनीयो । कुलसम्पदा नाम उळारेसु कुलेसु अभिनिब्बति, ताय [जातिमदादिमदसत्तानम्पि (मदमत्तानम्पि च० पि० अट्ठ० पकिण्णककथा)] उपसङ्कमनीयो होति पयिरुपासनीयो, तेन ते निब्बिसेवने करोन्ति । इस्सरियसम्पदा नाम महाविभवता, महेसक्खता, महापरिवारता च, ताहि सङ्गहितब्बे चतूहि सङ्गहवत्थूहि (दी० नि० ३.३१३; अ० नि० १.२५६) सङ्गहितुं, निग्गहेतब्बे धम्मेन निग्गहेतुञ्च समत्थो होति । आदेय्यवचनता नाम सद्धेय्यता पच्चयिकता, ताय सत्तानं पमाणभूतो होति, अलङ्घनीया चस्स आणा होति । महानुभावता नाम पभावमहन्तता, ताय परेहि न अभिभुय्यति, सयमेव पन परे अज्जदत्थु अभिभवति धम्मेन, समेन, यथाभूतगुणेहि च, एवमेतेसं आयुसम्पदादयो महापुरिसस्स पारमीनं आनिसंसा, सयञ्च अपरिमाणस्स पुञ्ञसम्भारस्स परिवुद्धिहेतुभूता यानत्तये सत्तानं अवतारणस्स परिपाचनस्स कारणभूताति वेदितब्बा ।

किं फलन्ति -

सम्मासम्बुद्धता तासं, जज्जा फलं समासतो ।
वित्थारतो अनन्ताप-मेय्या गुणगणा मता ।।

समासतो हि ताव सम्मासम्बुद्धभावो एतासं फलं । वित्थारतो पन बात्तिसमहापुरिसलक्खण (दी० नि० २.३३ आदयो; ३.१९८; म० नि० २.३८६) असीतानुब्यञ्जन, ब्यामप्पभादिअनेकगुणगणसमुज्जलरूपकायसम्पत्तिअधिट्ठाना दसबल- (म०

नि० १.४.८; अ० नि० ३.१०.२१) चतुवेसारज्ज- (अ० नि० १.४.८) छअसाधारणजाणअट्टारसावेणिकबुद्धधम्म- (दी० नि० अट्ठ० ३.३०५;) पभुतिअनन्तापरिमाणगुणसमुदयोपसोभिनी धम्मकायसिरी, यावता पन बुद्धगुणा ये अनेकेहिपि कप्पेहि सम्मासम्बुद्धेनापि वाचाय परियोसापेतुं न सक्का, इदमेव तासं फलं। वुत्तञ्चेतं भगवता -

“बुद्धोपि बुद्धस्स भण्येय्य वण्णं,

कप्पम्पि चे अज्जमभासमानो।

खीयेथ कप्पो चिरदीघमन्तरे,

वण्णो न खीयेथ तथागतस्सा”ति॥ (दी० नि० अट्ठ०

१.३०४; ३.१४१; उदा० अट्ठ० ५३; च० पि० अट्ठ० निदानकथा, पकिण्णककथा) -

एवमेत्थ पारमीसु पकिण्णककथा वेदितब्बा।

एवं यथावुत्ताय पटिपदाय यथावुत्तविभागानं पारमीनं पूरितभावं सन्धायाह “समतिंस पारमियो पूरेत्वा”ति। सतिपि महापरिच्चागानं दानपारमिभावे परिच्चागविसेसभावदस्सनत्थं, विसेससम्भारतादस्सनत्थं, सुदुक्करभावदस्सनत्थञ्च तेसं विसुं गहणं, ततोयेव च अङ्गपरिच्चागतो नयनपरिच्चागस्स, परिग्गहपरिच्चागभावसामञ्जेपि धनरज्जपरिच्चागतो पुत्तदारपरिच्चागस्स विसुं गहणं कतं, तथायेव आचरियधम्मपालत्थेरेन (दी० नि० टी० १.७) वुत्तं। आचरियसारिपुत्तत्थेरेनपि अङ्गुत्तरटीकायं, (अ० नि० टी० १. एकपुग्गलवग्गस्स पठमे) कत्थचि पन पुत्तदारपरिच्चागे विसुं कत्वा नयनपरिच्चागमञ्जत्र जीवितपरिच्चागं वा पक्खिपित्वा रज्जपरिच्चागमञ्जत्र पञ्च महापरिच्चागे वदन्ति।

गतपच्चागतिकवत्तसङ्घाताय (दी० नि० अट्ठ० १.९; म० नि० अट्ठ० १.१०.९; सं० नि० अट्ठ० ३.५.३६८; विभं० अट्ठ० ५२३; सु० नि० अट्ठ० १.१.३५) पुब्बभागपटिपदाय सद्धिं अभिज्जासमापत्तिनिष्फादनं पुब्बयोगो। दानादीसुयेव सातिसयपटिपत्तिनिष्फादनं पुब्बचरिया। या वा चरियापिटकसङ्गहिता, सा पुब्बचरिया। केचि पन “अभिनीहारो पुब्बयोगो। दानादिपटिपत्ति वा कायविवेकवसेन एकचरिया वा पुब्बचरिया”ति वदन्ति। दानादीनञ्चेव अप्पिच्छतादीनञ्च संसारनिब्बानेसु

आदीनवानिसंसांनञ्च विभावनवसेन, सत्तानं बोधित्तये पतिट्ठापनपरिपाचनवसेन च पवत्ता कथा धम्मक्खानं। जातीनमत्थस्स चरिया जातत्थचरिया, सापि करुणायनवसेनेव। आदि-सद्देन लोकत्थचरियादयो सङ्गणहाति। कम्मस्सकताजाणवसेन, अनवज्जकम्मायतनसिप्पायतन-विज्जाट्ठानपरिचयवसेन, खन्धायतनादिपरिचयवसेन, लक्खणत्तयतीरणवसेन च जाणचारो बुद्धिचरिया, सा पनत्थतो पज्जापारमीयेव, जाणसम्भारदस्सनत्थं पन विसुं गहणं। कोटिन्ति परियन्तं उक्कंसं। तथा अम्हाकम्पि भगवा आगतोति एत्थापि “दानपारमिं पूरेत्वा”तिआदिना सम्बन्धो।

एवं पारमिपूरणवसेन “तथा आगतो”ति पदस्सत्थं दस्सेत्वा इदानी बोधिपक्खियधम्मवसेनपि दस्सेन्तो “चत्तारो सतिपट्ठाने”तिआदिमाह। तत्थ सतिपट्ठानादिगहणेन आगमनपटिपदं मत्थकं पापेत्वा दस्सेति मग्गफलपक्खिकानञ्जेव गहेतब्बत्ता, विपस्सनासङ्गहिता एव वा सतिपट्ठानादयो दट्ठब्बा पुब्बभागपटिपदाय गहणतो। भावेत्वाति उप्पादेत्वा। ब्रूहेत्वाति वहेत्वा। एत्थ च “येन अभिनीहारेना”तिआदिना आगमनपटिपदायआदिं दस्सेति, “दानपारमिं पूरेत्वा”तिआदिना मज्झे, “चत्तारो सतिपट्ठाने”तिआदिना परियोसानं। तस्मा “आगतो”ति वुत्तस्स आगमनस्स कारणभूतपटिपदाविसेसदस्सनयेव तिण्णं नयानं विसेसोति दट्ठब्बं। इदानी यथावुत्तेन अत्थयोजनत्तयेन सिद्धं पठमकारणमेव गाथाबन्धवसेन दस्सेतुं “यथेवा”तिआदि वुत्तं। तत्थ इधलोकम्हि विपस्सिआदयो मुनयो सब्बज्जुभावं यथावुत्तेन कारणत्तयेन आगता यथेव, तथा पञ्चहि चक्खूहि चक्खुमा अयं सक्यमुनिपि येन कारणेन आगतो, तेनेस तथागतो नाम वुच्चतीति योजना।

सम्पतिजातोति मनुस्सानं हत्थतो मुच्चित्वा मुहुत्तजातो, न पन मातुकुच्छितो निक्खन्तमतो मातुकुच्छितो निक्खन्तमत्तज्झि महासत्तं पठमं ब्रह्मानो सुवण्णजालेन पटिग्गण्हिंसु, तेसं हत्थतो चत्तारो महाराजानो अजिनप्पवेणिया, तेसं हत्थतो मनुस्सा दुकूलचुम्बटकेन पटिग्गण्हिंसु, “मनुस्सानं हत्थतो मुच्चित्वा पथवियं पतिट्ठितो”ति (दी० नि० अट्ठ० २.३१) वक्खति। “कथञ्चा”तिआदि वित्थारदस्सनं। यथाह भगवा महापदानदेसनायं। सेतम्हि छत्तेति दिब्बसेतच्छत्ते। अनुहीरमानेति धारियमाने। “अनुधारियमाने”तिपि इदानी पाठो। “एत्थ च छत्तगहणेनेव खग्गदीनि पञ्च ककुधभण्डानिपि गहितानेवाति दट्ठब्बं। खग्गतालवण्टमोरहत्थकवालबीजनीउण्हीसपट्ठापि हि छत्तेन सह तदा उपट्ठिता अहेसुं। छत्तादीनियेव च तदा पज्जायिंसु, न

छत्तादिगाहका”ति (दी० नि० टी० १.७) आचरियधम्मपालत्थेरेन वुत्तं, आचरियसारिपुत्तत्थेरेनापि अद्भुत्तरटीकायं (अ० नि० टी० १.एकपुगलवग्गस्स पठमे) एवं सति तालवण्टादीनम्पि ककुधभण्डसमज्जा। अपिच खग्गादीनि ककुधभण्डानि, तदज्जानिपि तालवण्टादीनि तदा उपड्वितानीति अधिप्पायेन तथा वुत्तं।

सब्बा च दिसाति दस दिसा। अनुविलोकेतीति पुज्जानुभावेन लोकविवरणपाटिहारिये जाते पज्जायमानं दससहस्रिलोकधातुं मंसचक्खुनाव ओलोकेतीति अत्थो। नयिदं सब्बदिसानुविलोकनं सत्तपदवीतिहारुत्तरकालं पठममेवानुविलोकनतो। महासत्तो हि मनुस्सानं हत्थतो मुच्चित्वा पुरत्थिमं दिसं ओलोकेसि। तत्थ देवमनुस्सा गन्धमालादीहि पूजयमाना “महापुरिस इध तुम्हेहि सदिसोपि नत्थि, कुतो तया उत्तरितरो”ति आहंसु। एवं चतस्सो दिसा चतस्सो अनुदिसा हेट्ठा उपरीति सब्बा दिसानुविलोकेत्वा सब्बत्थ अत्तना सदिसमदिस्वा “अयं उत्तरा दिसा”ति सत्तपदवीतिहारेण अगमासीति आचरियधम्मपालत्थेरेन (दी० नि० टी० १.७) आचरियसारिपुत्तत्थेरेन (अ० नि० टी० १.एकपुगलवग्गस्स पठमे) च वुत्तं। महापदानसुत्तङ्कथायम्पि (दी० नि० अट्ठ० २.३१) एवमेव वण्णितं। तस्मा सत्तपदवीतिहारतो पठमं सब्बदिसानुविलोकनं कत्वा सत्तपदवीतिहारेण गन्त्वा तदुपरि आसभिं वाचं भासतीति दट्ठब्बं। इध, पन अज्जासु च अट्ठकथासु समेहि पादेहि पतिट्ठहनतो पट्टाय याव आसभीवाचाभासनं ताव यथाक्कमं एव पुब्बनिमित्तभावं विभावेन्तो “सत्तमपदूपरि ठत्वा सब्बदिसानुविलोकनं सब्बज्जुतानावरणजाणपटिलाभस्सा”तिआदीनि वदति, एवम्पि यथा न विरुज्झति, तथा एव अत्थो गहेतब्बो। “सत्तमपदूपरि ठत्वा”ति च पाठो पच्छा पमादलेखवसेन एदिसेन वचनक्कमेण महापदानट्ठकथायमदिस्समानत्ताति। आसभिन्ति उत्तमं, अकम्पनिकं वा, निब्भयन्ति अत्थो। उसभस्स इदन्ति हि आसभं, सूरभावो, तेन युत्तत्ता पनायं वाचा “आसभी”ति वुच्चति। अग्गोति सब्बपठमो। जेट्ठो, सेट्ठोति च तस्सेव वेवचनं। सदत्थमत्ततो पन अग्गोति गुणेहि सब्बपधानो। जेट्ठोति गुणवसेनेव सब्बेसं बुद्धतमो, गुणेहि महल्लकतमोति वुत्तं होति। सेट्ठोति गुणवसेनेव सब्बेसं पसट्ठतमो। लोकस्साति विभत्तावधिभूते निस्सक्कत्थे सामिवचनं। अयमन्तिमा जाति, नत्थि दानि पुनब्भवोति इमस्मिं अत्तभावे पत्तब्बं अरहत्तं ब्याकासि तब्बसेनेव पुनब्भवाभावतो।

इदानी तथागमनं सम्भावेन्तो “तज्जस्सा”तिआदिमाह। पुब्बनिमित्तभावेन तथं अवितथन्ति सम्बन्धो। विसेसाधिगमानन्ति गुणविसेसाधिगमानं। तदेवत्थं वित्थारतो दस्सेति

“यज्ही”तिआदिना । तत्थ यन्ति किरियापरामसनं, तेन “पतिट्ठही”ति एत्थ पकतियत्थंपतिट्ठानकिरियं परामसति । इदमस्साति इदं पतिट्ठहनं अस्स भगवतो । पटिलाभसद्दे सामिनिद्देसो चेस, कत्तुनिद्देसो वा । पुब्बनिमित्तन्ति तप्पटिलाभसद्धान्तस्स आयतिं उप्पज्जमानकस्स हितस्स पठमं पवत्तं सज्जाननकारणं । भगवतो हि अच्छरियब्भुतगुणविसेसाधिगमने पच्च महासुपिनादयो विय एतानि सज्जानननिमित्तानि पातुभवन्ति, यथा तं लोके पुज्जवन्तानं पुज्जफलविसेसाधिगमनेति ।

सब्बलोकुत्तरभावस्साति सब्बलोकानमुत्तमभावस्स, सब्बलोकातिक्कमनभावस्स वा । सत्त पदानि सत्तपदं, तस्स वीतिहारो विसेसेन अतिहरणं सत्तपदवीतिहारो, सत्तपदनिकखेपोति अत्थो । सो पन समगमने द्विन्नं पदानमन्तरे मुट्ठिरतनमत्तन्ति वुत्तं ।

“अनेकसाखच्च सहस्समण्डलं,

छत्तं मरू धारयुमन्तल्लिखे ।

सुवण्णदण्डा वीतिपतन्ति चामरा,

न दिस्सरे चामरछत्तगाहका”ति ।। (सु० नि० ६९३) ।-

सुत्तनिपाते नाळकसुत्ते आयस्मता आनन्दत्थेरेन वुत्तं निदानगाथापदं सन्धाय “सुवण्णदण्डा वीतिपतन्ति चामराति एत्था”ति वुत्तं । एत्थाति हि एतस्मिं गाथापदेति अत्थो । महापदानसुत्ते अनागतत्ता पन चामरुक्खेपस्स तथा वचनं दट्ठब्बं । तत्थ आगतानुसारेण हि इध पुब्बनिमित्तभावं वदति, चमरो नाम मिगविसेसो । यस्स वालेन राजककुधभूतं वालबीजनिं करोन्ति, तस्स अयन्ति चामरी । तस्सा उक्खेपो तथा, वुत्तो सोति वुत्तचामरुक्खेपो । अरहत्तविमुत्तिवरविमलसेतच्छत्तपटिलाभस्साति अरहत्तफलसमापत्तिसद्धान्त-वरविमलसेतच्छत्तपटिलाभस्स । सत्तमपदूपरीति एत्थ पद-सद्दो पदवळज्जनवाचको, तस्मा सत्तमस्स पदवळज्जनस्स उपरीति अत्थो । सब्बज्जुतज्जाणमेव सब्बत्थ अप्पटिहतचारताय अनावरणन्ति आह “सब्बज्जुतानावरणज्जाणपटिलाभस्सा”ति । तथा अयं भगवा...पे०... पुब्बनिमित्तभावनाति एत्थ “यज्ही”तिआदि अधिकारत्ता, गम्यमानत्ता च न वुत्तं, एतेन च अभिजातियं धम्मतावसेन उप्पज्जनकविसेसा सब्बबोधिसत्तानं साधारणाति दस्सेति । पारमितानिस्सन्दा हि ते ।

पोराणाति अट्ठकथाचरिया । गवम्पति उसभो समेहि पादेहि वसूनं रतनानं धारणतो

वसुन्दरसङ्घातं भूमिं फुसी यथा, तथा मनुस्सानं हत्थतो मुच्चित्वा मुहुत्तजातो सो गोतमो समेहि पादेहि वसुन्धरं फुसीति अत्थो। **विक्रमी**ति अगमासि। **सत्त पदानी**ति सत्तपदवळञ्जनद्वानानि। अच्चन्तसंयोगे चेतं उपयोगवचनं, सत्तपदवारेहीति वा करणत्थो उत्तरपदलोपवसेन दट्टब्बो। **मरुति** देवा यथामरियादं मरणसभावतो। **समाति** विलोकनसमताय समा सदिसियो। महापुरिसो हि यथा एकं दिसं विलोकेसि, एवं सेसदिसापि, न कत्थचि विलोकने विनिबन्धो तस्स अहोसि, समाति वा विलोकेतुं युत्ताति अत्थो। न हि तदा बोधिसत्तस्स विरूपबीभच्छविसमरूपानि विलोकेतुमयुत्तानि दिसासु उपट्टहन्ति, विस्सट्टमञ्जूविञ्जेय्यादिवसेन अट्टङ्गुपेतं गिरं अब्भुदीरयि पव्वतमुद्धनिड्डितो सीहो यथा अभिनदीति अत्थो।

एवं कायगमनत्थेन गतसद्देन तथागतसद्वं निद्विसित्वा इदानि जाणगमनत्थेन निद्विसितुं **“अथ वा”**तिआदिमाह। तत्थ **“यथा विपस्सी भगवा”**तिआदीमुपि **“नेक्खम्मेन कामच्छन्दं पहाया”**तिआदिना योजेतब्बं। **नेक्खम्मेना**ति अलोभपधानेन कुसलचित्तुप्पादेन। कुसला हि धम्मा इध नेक्खम्मं तेसं सब्बेसम्पि कामच्छन्दपटिपक्खत्ता, न पव्वज्जादयो एव। **“पठमज्झानेना”**तिपि वदन्ति केचि, तदयुत्तमेव पठमज्झानस्स पुब्बभागपटिपदाय एव इध इच्छितत्ता। **पहाया**ति पजहित्वा। **गतो**ति उत्तरविसेसं जाणगमनेन पटिपन्नो। **पहाया**ति वा पहानहेतु, पहाने वा सति। हेतुलक्खणत्थेसु हि अयं त्वा-सद्दो **“सक्को हुत्वा निब्बत्ती”**तिआदीसु (दी० नि० अट्ट० २.३५५) विय। कामच्छन्दादिप्पहानहेतुकञ्च **“गतो”**ति एत्थ वुत्तं अवबोधसङ्घातं, पटिपत्तिसङ्घातं वा गमनं कामच्छन्दादिप्पहानेन च तं लक्खीयति, एस नयो **“पदालेत्वा”**तिआदीमुपि। **अव्यापादेना**ति मेत्ताय। **आलोकसज्जाया**ति विभूतं कत्वा मनसिकारेण उपट्ठितालोकसज्जाननेन। **अविकखेपेना**ति समाधिना। **धम्मववत्थानेना**ति कुसलादिधम्मानं याथावनिच्छयेन, सप्पच्चयनामरूपववत्थानेनातिपि वदन्ति।

एवं कामच्छन्दादिनीवरणप्पहानेन **“अभिज्झं लोके पहाया”**तिआदिना वुत्ताय पठमज्झानस्स पुब्बभागपटिपदाय भगवतो जाणगमनविसिद्धं तथागतभावं दस्सेत्वा इदानि सह उपायेन अट्टहि समापत्तीहि, अट्टारसहि च महाविपस्सनाहि तं दस्सेतुं **“जाणेना”**तिआदिमाह। नामरूपपरिगहकङ्कवितरणानज्झि विनिबन्धभूतस्स मोहस्स दूरीकरणेन जातपरिज्जायं ठितस्स अनिच्चसज्जादयो सिज्जन्ति, तस्मा अविज्जापदालनं विपस्सनाय उपायो। तथा ज्ञानसमापत्तीसु अभिरतिनिमित्तेन पामोज्जेन, तत्थ अनभिरतिया विनोदिताय ज्ञानादीनं समधिगमोति समापत्तिया अरतिविनोदनं उपायो।

समापत्तिविपस्सनानुक्कमेन पन उपरि वक्खमाननयेन निहिंसितब्बेपि नीवरणसभावाय अविज्जाय हेट्ठा कामच्छन्दादिवसेन दस्सितनीवरणेसुपि सङ्गहदस्सनत्थं उप्पटिपाटिनिदेसो दट्ठब्बो ।

समापत्तिविहारपवेसननिबन्धनेन नीवरणानि कवाटसदिसानीति आह “नीवरणकवाट उग्घाटेत्वा”ति । “रत्तिं अनुवितक्केत्वा अनुविचारेत्वा दिवा कम्मन्ते पयोजेती”ति मज्झिमागमवरे मूलपण्णासके वम्मिकसुत्ते (म० नि० १.२४९) वुत्तद्धाने विय वितक्कविचारा वूपसमा [धूमायना (दी० नि० टी० १.७)] अधिप्पेताति सन्धाय “वितक्कविचारधूमं वूपसमेत्वा”ति वुत्तं, वितक्कविचारसङ्घातं धूमं वूपसमेत्वाति अत्थो । “वितक्कविचार”मिच्चैव अधुना पाठो, सो न पोराणो आचरियधम्मपालत्थेरेन, आचरियसारिपुत्तत्थेरेन च यथावुत्तपाठस्सेव उद्धत्ता । विराजेत्वाति जिगुच्छित्वा, समतिक्कमित्वा वा । तदुभयत्थो हेस “पीतिया च विरागा”तिआदीसु (दी० नि० १.७; म० नि० ३.१५५; पारा० ११; विभं० ६२५) विय । कामं पठमज्झानूपचारे एव दुक्खं, चतुत्थज्झानूपचारे एव च सुखं पहीयति, अतिसयप्पहानं पन सन्धायाह “चतुत्थज्झानेन सुखदुक्खं पहाया”ति ।

रूपसज्जाति सज्जासीसेन रूपावचरज्झानानि चेव तदारम्मणानि च वुत्तानि । रूपावचरज्झानम्पि हि “रूप”न्ति वुच्चति उत्तरपदलोपेन “रूपी रूपानि पस्सती”तिआदीसु (ध० सं० २४८) तस्स आरम्मणम्पि कसिणरूपं पुरिमपदलोपेन “बहिद्धा रूपानि पस्सति सुवण्णदुब्बण्णानी”तिआदीसु (ध० सं० २२३ आदयो) तस्मा इध रूपे रूपज्झाने तंसहगता सज्जा रूपसज्जाति एवं सज्जासीसेन रूपावचरज्झानानि वुत्तानि, रूपं सज्जा अस्साति रूपसज्जं, रूपसज्जासमन्नागतन्ति वुत्तं होति । एवं पथवीकसिणादिभेदस्स तदारम्मणस्स चेत्तं अधिवचनन्ति वेदितब्बं । पटिघसज्जाति चक्खादीनं वत्थूनं, रूपादीनं आरम्मणानञ्च पटिघातेन पटिहननेन विसयिविसयसमोधानेन समुप्पन्ना द्विपञ्चविज्जाणसहगता सज्जा । नानत्तसज्जाति अट्ठ कामावचरकुसलसज्जा, द्वादस अकुसलसज्जा, एकादस कामावचरकुसलविपाकसज्जा, द्वे अकुसलविपाकसज्जा, एकादस कामावचरकिरियसज्जाति एतासं चतुयत्तालीससज्जानमेत्तं अधिवचनं । एता हि यस्मा रूपसद्दादिभेदे नानत्ते नानासभावे गोचरे पवत्तन्ति, यस्मा च नानत्ता नानासभावा अज्जमज्जं असदिसा, तस्मा “नानत्तसज्जा”ति वुच्चन्ति ।

अनिच्चस्स, अनिच्चन्ति वा अनुपस्सना **अनिच्चानुपस्सना**, तेभूमकधम्मानं अनिच्चतं गहेत्वा पवत्ताय विपस्सनायेतं नामं। **निच्चसज्जन्ति** सङ्घतधम्मे “निच्चा सस्सता”ति पवत्तमिच्छासज्जं, सज्जासीसेन चेत्थ दिट्ठिचित्तानम्पि गहणं दट्ठब्बं। एस नयो इतो परेसुपि। **निब्बिदानुपस्सनायाति** सङ्घारेसु निब्बिन्दनाकारेण पवत्ताय अनुपस्सनाय। **नन्दन्ति** सप्पीतिकतण्हं। **विरागानुपस्सनायाति** सङ्घारेसु विरज्जनाकारेण पवत्ताय अनुपस्सनाय। **निरोधानुपस्सनायाति** सङ्घारानं निरोधस्स अनुपस्सनाय, “ते सङ्घारा निरुज्झन्ति येव, आयतिं समुदयवसेन न उप्पज्जन्ती”ति एवं वा अनुपस्सना **निरोधानुपस्सना**। तेनेवाह “निरोधानुपस्सनाय निरोधेति, नो समुदेती”ति। मुञ्चितुकम्यता हि अयं बलप्पत्ताति। पटिनिस्सज्जनाकारेण पवत्ता अनुपस्सना **पटिनिस्सगानुपस्सना**। पटिसङ्घासन्तिट्ठना हि अयं। **आदानन्ति** निच्चादिवसेन गहणं। सन्ततिसमूहकिच्चारम्मणानं वसेन एकत्तगगहणं **घनसज्जा**। **आयूहनं** अभिसङ्घरणं। अवत्थाविसेसापत्ति **विपरिणामो**। **ध्रुवसज्जन्ति** थिरभावगगहणसज्जं। **निमित्तन्ति** समूहादिघनवसेन सकिच्चपरिच्छेदताय सङ्घारानं सविग्गहतं। **पणिधित्ति** रागादिपणिधिं। सा पनत्थतो तण्हावसेन सङ्घारेसु निन्नता।

अभिनिवेसन्ति अत्तानुदिट्ठिं। अनिच्चादिवसेन सब्बधम्मतीरणं **अधिपज्जाधम्मविपस्सना**। **सारादानाभिनिवेसन्ति** असारे सारगगहणविपल्लासं। इस्सरकुत्तादिवसेन लोको समुप्पन्नोति अभिनिवेसो **सम्मोहाभिनिवेसो** नाम। केचि पन “अहोसिं नु खो अहमतीतमद्धान”न्तिआदिना पवत्तसंसयापत्ति **सम्मोहाभिनिवेसो**”ति वदन्ति। सङ्घारेसु लेणताणभावगगहणं **आलयाभिनिवेसो**। “आलयरता आलयसमुदिता”ति (दी० नि० २.६४; म० नि० १.२८१; २.३३७; महा० व० ७, ८) वचनतो **आलयो** वुच्चति तण्हा, सायेव चक्खादीसु, रूपादीसु च अभिनिवेसवसेन पवत्तिया **आलयाभिनिवेसो**ति केचि। “एवंविधा सङ्घारा पटिनिस्सज्जीयन्ती”ति पवत्तजाणं **पटिसङ्घानुपस्सना**। वट्ठतो विगतत्ता विवट्ठं, निब्बानं, तत्थ आरम्मणकरणसङ्घातेन अनुपस्सनेन पवत्तिया **विवट्ठानुपस्सना**, गोत्रभु। **संयोगाभिनिवेसन्ति** संयुज्जनवसेन सङ्घारेसु अभिनिविसनं। **दिट्ठेकट्ठे**ति दिट्ठिया सहजातेकट्ठे, पहानेकट्ठे च। **ओळारिके**ति उपरिमगगवज्झे किलेसे अपेक्खित्वा वुत्तं, अज्जथा दस्सनपहातब्बा च दुतियमगगवज्झेहिपि ओळारिकाति तेसम्पि तब्बचनीयता सिया। **अणुसहगते**ति अणुभूते। तब्भाववुत्तिको हि एत्थ सहगतसद्दो। इदं पन हेट्ठिममगगवज्झे अपेक्खित्वा वुत्तं। **सब्बकिलेसे**ति अवसिट्ठसब्बकिलेसे। न हि पठमादिमग्गेहि पहीना किलेसा पुन पहीयन्ति। **सब्बसद्दो** चेत्थ सप्पदेसविसयो “सब्बे तसन्ति दण्डस्सा”तिआदीसु विय (ध० प० १२९)।

कक्खळत्तं कठिनभावो । **पग्घरणं** द्रवभावो । लौकियवायुना भस्तस्स विय येन तंतंकलापस्स उद्धुमायनं, थम्भभावो वा, तं **वित्थम्भनं** । विज्जमानेपि कलापन्तरभूतानं कलापन्तरभूतेहि फुट्टभावे तंतंभूतविवित्तता रूपपरियन्तो आकासोति येसं यो परिच्छेदो, तेहि सो असम्फुट्टोव, अज्जथा भूतानं परिच्छेदभावो न सिया ब्यापितभावापत्तितो । यस्मिं कलापे भूतानं परिच्छेदो, तेहि तत्थ असम्फुट्टभावो **असम्फुट्टलक्खणं**, तेनाह भगवा **आकासधातुनिदेसे** “असम्फुट्टो चतूहि महाभूतेही”ति (ध० सं० ६३७) ।

विरोधिपच्चयसन्निपाते विसदिमुप्पत्ति **रुप्पनं** । चेतनापधानत्ता सङ्घारक्खन्धधम्मानं चेतनावसेनेतं वुत्तं “**सङ्घारानं अभिसङ्घरणलक्खणं**”न्ति । तथा हि सुत्तन्तभाजनिये **सङ्घारक्खन्धविभङ्गे** “चक्खुसम्पस्सजा चेतना”तिआदिना (विभं० १२) चेतनाव विभत्ता । अभिसङ्घारलक्खणा च चेतना । यथाह “तत्थ कतमो पुज्जाभिसङ्घारो, कुसला चेतना”तिआदि (विभं० २२६) सम्पयुत्तधम्मानं आरम्भणे ठपनं **अभिनिरोपनं** । आरम्भणानमनुबन्धनं **अनुमज्जनं** । सविप्फारिकता **फरणं** । अधिमुच्चनं सदहनं **अधिमोक्खो** । **अस्सद्धियेति** अस्सद्धियहेतु । निमित्तत्थे चेतं भुम्मं । एस नयो **कोसज्जादीसुपि** । कायचित्तपरिळाहूपसमो **वूपसमलक्खणं** । लीनुद्धच्चरहिते अधिचित्ते वत्तमाने पग्गहनिग्गहसम्पहंसनेसु अब्बावट्ताय अज्झुपेक्खनं **पटिसङ्घानं** पक्खपातुपच्छेदतो ।

मुसावादादीनं विसंवादनादिकिच्चताय लूखानं अपरिग्गाहकानं पटिपक्खभावतो परिग्गाहकसभावा सम्मावाचा सिनिद्धभावतो सम्पयुत्तधम्मे, सम्मावाचापच्चयसुभासितं सोतारज्ज पुग्गलं परिगण्हातीति सा **परिगहलक्खणा** । कायिककिरिया किञ्चि कत्तब्बं समुद्वापेति, सयज्ज समुद्धानं घटनं होतीति सम्माकम्मन्तसङ्घाता विरति **समुद्धानलक्खणा**ति दट्टब्बा, सम्पयुत्तधम्मानं वा उक्खिपनं **समुद्धानं** कायिककिरियाय भारुक्खिपनं विय । जीवमानस्स सत्तस्स, सम्पयुत्तधम्मानं वा जीवितिन्द्रियवुत्तिया, आजीवस्सेव वा सुद्धि **वोदानं** ।

“सङ्घारा”ति इध चेतना अधिप्पेता, न पन “सङ्घारा सङ्घारक्खन्धो”तिआदीसु (ध० सं० ५८३, ९८५; विभं० १, २०, ५२) विय समपज्जासचेतसिकाति वुत्तं “**सङ्घारानं चेतनालक्खणं**”न्ति । अविज्जापच्चया हि पुज्जाभिसङ्घारादिकाव चेतना । आरम्भणाभिमुखभावो **नमनं** । **आयतनं** पवत्तनं । सळायतनवसेन हि चित्तचेतसिकानं पवत्ति । **तण्हाय हेतुलक्खणति** एत्थ वट्टस्स जनकहेतुभावो तण्हाय हेतुलक्खणं, मग्गस्स

पन वक्खमानस्स निब्बानसम्पापकत्तन्ति अयमेतेसं विसेसो । आरम्भणस्स गहणलक्खणं । पुन उप्पत्तिया आयूहनलक्खणं । सत्तजीवतो सुज्जतालक्खणं । पदहनं उस्साहनं । इज्जनं सम्पत्ति । वट्ठतो निस्सरणं निव्यानं । अविपरीतभावो तथलक्खणं । अज्जमज्जानतिवत्तनं एकरसो, अनूनाधिकभावोव । युगनद्धा नाम समथविपस्सना अज्जमज्जोपकारताय युगलवसेन बन्धितव्वतो । “सद्धापज्जा पग्गहाविकखेपा”तिपि वदन्ति । चित्तविसुद्धि नाम समाधि । दिट्ठिविसुद्धि नाम पज्जा । खयोति किलेसक्खयो मग्गो, तस्मिं पवत्तस्स सम्मादिट्ठिसङ्घातस्स जाणस्स समुच्छेदनलक्खणं । किलेसानमनुप्पादपरियोसानताय अनुप्पादो, फलं । किलेसवूपसमो पस्सद्धि । छन्दस्साति कत्तुकामताछन्दस्स । पतिट्ठाभावो मूललक्खणं । आरम्भणपटिपादकताय सम्पयुत्त-धम्मानमुप्पत्तिहेतुता समुद्वापनलक्खणं । विसयादिसन्निपातेन गहेतव्वाकारो समोधानं । या “सङ्गती”ति वुच्चति “तिण्णं सङ्गति फस्सो”तिआदीसु । समं, सम्मा वा ओदहन्ति सम्पिण्डिता भवन्ति सम्पयुत्तधम्मा अनेनातिपि समोधानं, फस्सो, तब्भावो समोधानलक्खणं । समोसरन्ति सन्निपतन्ति एत्थाति समोसरणं, वेदना । ताय हि विना अप्पवत्तमाना सम्पयुत्तधम्मा वेदनानुभवननिमित्तं समोसटा विय होन्तीति एवं वुत्तं, तब्भावो समोसरणलक्खणं । पासादादीसु गोपानसीनं कूटं विय सम्पयुत्तधम्मानं पामोक्खभावो पमुखलक्खणं । सतिया सब्बत्थकत्ता सम्पयुत्तानं अधिपतिभावो आधिपतेव्यलक्खणं । ततो सम्पयुत्तधम्मतो, तेसं वा सम्पयुत्तधम्मानं उत्तरि पधानं तत्तुत्तरि, तब्भावो तत्तुत्तरियलक्खणं । पज्जुत्तरा हि कुसला धम्मा । विमुत्तीति फलं किलेसेहि विमुच्चित्थाति कत्वा । तं पन सीलादिगुणसारस्स परमुक्कंसभावेन सारं । ततो उत्तरि धम्मस्साभावतो परियोसानं । अयज्ज लक्खणविभागो छधातुपज्जज्ञानङ्गादिवसेन तंतं सुत्तपदानुसारेण पोराणट्ठकथायमागतनयेन वुत्तोति दट्ठब्बं । तथा हि पुब्बे वुत्तोपि कोचि धम्मो परियायन्तरप्पकासनत्थं पुन दस्सितो । ततो एव च “छन्दमूलका धम्मा मनसिकारसमुद्धाना फस्ससमोधाना वेदनासमोसरणा”ति “पज्जुत्तरा कुसला धम्मा”ति, “विमुत्तिसारमिदं ब्रह्मचरिय”न्ति, “निब्बानोगधज्झि आवुसो ब्रह्मचरियं निब्बानपरियोसान”न्ति [सं० नि० ३.३.५१२ (अत्थतो समानं)] च सुत्तपदानं वसेन छन्दस्स मूललक्खण”न्तिआदि वुत्तं । तेसं तेसं धम्मानं तथं अवितथं लक्खणं आगतोति अत्थं दस्सेति “एव”न्तिआदिना । तं पन गमनं इध जाणगमनमेवाति वुत्तं “जाणगतिया”ति । सतिपि गतसहस्स अवबोधनत्थभावे जाणगमनत्थेनेवेसो सिद्धोति न वुत्तो । आ-सहस्स चेत्थ गतसद्धानुवत्तिमत्तमेव । तेनाह “पत्तो अनुपत्तो”ति ।

अविपरीतसभावत्ता “तथधम्मा नाम चत्तारि अरियसच्चानी”ति वुत्तं ।

अविपरीतसभावतो **तथानि**। अमुसासभावतो **अवितथानि**। अज्जाकाररहिततो **अनज्जथानि**। सच्चसंयुत्तादीसु आगतं परिपुण्णसच्चचतुक्ककथं सन्धाय “इति वित्थारो”ति आह। “तस्मा”ति वत्वा तदपरामसितब्बमेव दस्सेति “तथानं अभिसम्बुद्धत्ता”ति इमिना। एस नयो ईदिसेसु।

एवं सच्चवसेन चतुत्थकारणं दस्सेत्वा इदानीं पच्चयपच्चयुप्पन्नभावेन अविपरीतसभावत्ता तथभूतानं पटिच्चसमुप्पादङ्गानं वसेनापि दस्सेन्तो “अपिचा”तिआदिमाह। तत्थ जातिपच्चयसम्भूतसमुदागतद्वोति जातिपच्चया सम्भूतं हुत्वा सहितस्स अत्तनो पच्चयानुरूपस्स उद्धं उद्धं आगतसभावो, अनुपवत्तद्वोति अत्थो। अथ वा सम्भूतद्वो च समुदागतद्वो च सम्भूतसमुदागतद्वो पुब्बपदे उत्तरपदलोपवसेन। समाहारद्वन्द्वेपि हि पुल्लिङ्गमिच्छन्ति नेरुत्तिका। न चेत्थ जातितो जरामरणं न होति, न च जातिं विना अज्जतो होतीति जातिपच्चयसम्भूतद्वो। इत्थमेव जातितो समुदागच्छतीति जाति पच्चयसमुदागतद्वो। इदं वुत्तं होति— या या जाति यथा यथा पच्चयो होति, तदनुरूपं पातुभूतसभावोति। पच्चयपक्खे पन अविज्जाय सङ्कारानं पच्चयद्वोति एत्थ न अविज्जा सङ्कारानं पच्चयो न होति, न च अविज्जं विना सङ्कारा उपपज्जन्ति। या या अविज्जा येसं येसं सङ्कारानं यथा यथा पच्चयो होति, अयं अविज्जा सङ्कारानं पच्चयद्वो पच्चयसभावोति अत्थो। तथानं धम्मानन्ति पच्चयाकारधम्मानं। “सुगतो”तिआदीसु (पारा० १) विय गमुसद्दस्स बुद्धियत्थतं सन्धाय “अभिसम्बुद्धत्ता”ति वुत्तं, न जाणगमनत्थं। गतिबुद्धियत्था हि सद्दा अज्जमज्जपरियाया। तस्मा “अभिसम्बुद्धत्थो हेत्थ गतसद्दो”ति अधिकारो, गम्यमानत्ता वा न पयुत्तो।

यं रूपारम्भणं नाम अत्थि, तं भगवा जानाति पस्सतीति सम्बन्धो। सदेवके...पे०... पजायाति आधारो “अत्थी”ति पदेति पुन अपरिमाणासु लोकधातूसूति तंनिवाससत्तापेक्खाय, आपाथगमनापेक्खाय वा वुत्तं। तेन भगवता विभज्जमानं तं रूपायतनं तथमेव होतीति योजेतब्बं। तथावितथभावे कारणमाह “एवं जानता पस्सता”ति। सब्बाकारतो जातत्ता पस्सितत्ताति हि हेत्वन्तो गधमेतं पदद्वयं। इदानीद्वोदिवसेनाति एत्थ आदि-सद्देन मज्झत्तं सङ्गण्हाति। तथा अतीतानागतपच्चुप्पन्नपरित्तअज्जत्तबहिद्धातदुभयादिभेदम्पि। लब्भमानकपदवसेनाति “रूपायतनं दिट्ठं सद्दायतनं सुतं गन्धायतनं रसायतनं फोड्ढ्वायतनं मुतं सब्बं रूपं मनसा विज्जात”न्ति (ध० सं० १६६) वचनतो दिट्ठपदञ्च विज्जातपदञ्च रूपारम्भणे लब्भति। रूपारम्भणं इदं अनिदं मज्झत्तं परित्तं अतीतं

अनागतं पच्चुप्पन्नं अज्झत्तं बहिद्धा दिट्ठं विज्जातं रूपं रूपायतनं रूपधातु वण्णनिभा सनिदस्सनं सप्पटिघं नीलं पीतकन्ति एवमादीहि **अनेकेहि नामेहि** । “इट्ठानिट्ठादिवसेना”तिआदिना हि अनेकनामभावं सरूपतो निदस्सेति । तेरसहि वारेहीति धम्मसङ्गणियं रूपकण्डे (ध० सं० ६१५) आगते तेरस निद्वेसवारे सन्धायाह । एकेकस्मिं वारे चेत्थ चतुन्नं चतुन्नं ववत्थापननयानं वसेन “**द्विपज्जासाय नयेही**”ति वुत्तं । तथमेवाति यथावुत्तेन जाननेन अप्पटिवत्तिवदेसनताय, यथावुत्तेन च पस्सनेन अविपरीतदस्सिताय सच्चमेव । तमत्थं चतुरङ्गुत्तरे **काळकारामसुत्तेन** (अ० नि० १.४.२४) साधेन्तो “**वुत्तज्जेत**”न्तिआदिमाह । च-सदो चेत्थ दळ्हीकरणजोतको, तेन यथावुत्तस्सत्थस्स दळ्हीकरणं जोतेति, सम्पिण्डनत्थो वा अट्ठानपयुत्तो, न केवलं मया एव, अथ खो भगवतापीति । **अनुविचरितन्ति** परिचरितं । **जानामि अब्भज्जासिन्ति** पच्चुप्पन्नातीतकालेषु जाणप्पवत्तिदस्सनेन अनागतेपि जाणप्पवत्ति दस्सितायेव नयतो दस्सितत्ता । **विदित-सदो** पन अनामट्ठकालविसेसो कालत्तयसाधारणत्ता “दिट्ठं सुत्तं मुत्तं”न्तिआदीसु (दी० नि० ३.१८७; म० नि० १.७; सं० नि० २.२०८; अ० नि० १.४.२३; पटि० म० १.१२१) विय, पाकटं कत्वा जातन्ति अत्थो, इमिना चेत्तं दस्सेति “अज्जे जानन्तियेव, मया पन पाकटं कत्वा विदित”न्ति । भगवता हि इमेहि पदेहि सब्बज्जुभूमि नाम कथिता । न उपट्ठासीति तं छट्ठारिकमारम्मणं तण्हाय वा दिट्ठिया वा तथागतो अत्तत्तनियवसेन न उपट्ठासि न उपगच्छति, इमिना पन पदेन खीणासवभूमि कथिता । यथा रूपारम्मणादयो धम्मा यंसभावा, यंपकारा च, तथा ते धम्मे तंसभावे तंपकारे गमति पस्सति जानातीति **तथागतो**ति इममत्थं सन्धाय “**तथदस्सीअत्थे**”ति वुत्तं । अनेकत्था हि धातुसद्दा । केचि पन निरुत्तिनयेन, पिसोदरादिगणपक्खेपेन (पारा० अट्ठ० १; विसुद्धि १.१४२) वा दस्सी-सद्वल्लोपं, आगत-सद्वस्स चागमं कत्वा “**तथागतो**”ति पदसिद्धिमेत्थ वण्णेन्ति, तदयुत्तमेव विज्जमानपदं छट्ठेत्वा अविज्जमानपदस्स गहणतो । वुत्तज्ज **बुद्धवंसट्ठकथायं** –

“तथाकारेन यो धम्मे, जानाति अनुपस्सति ।

तथदस्सीति सम्बुद्धो, तस्मा वुत्तो तथागतो”ति ।। (बु० वं० अट्ठ० रतनचङ्कमनकण्डवण्णना) ।

एत्थ “**अनुपस्सती**”ति आगतसद्वत्थं वत्वा तदिदं जाणपस्सनमेवाति दस्सेत्तुं “**जानाती**”ति, सद्दाधिगतमत्थं पन विभावेत्तुं “**तथदस्सी**”ति च वुत्तं ।

यं रतिन्ति यस्स रतियं, अच्चन्तसंयोगे वा एतं उपयोगवचनं रत्तेकदेसभूतस्स अभिसम्बुज्जनक्खणस्स अच्चन्तसंयोगत्ता, सकलापि वा एसा रति अभिसम्बोधाय पदहनकालत्ता परियायेन अच्चन्तसंयोगभूताति दट्ठब्बं। पथवीपुक्खलनिरुत्तरभूमिसीसगतत्ता न पराजितो अज्जेहि एत्थाति अपराजितो, स्वेव पल्लङ्कोति अपराजितपल्लङ्को, तस्मिं। तिण्णंमारानन्ति किलेसाभिसङ्खारदेवपुत्तमारानं, इदञ्च निप्परियायतो वुत्तं, परियायतो पन हेट्ठा वुत्तनयेन पञ्चन्नम्पि मारानं मद्दं वेदितब्बं। मत्थकन्ति सामत्थियसङ्घातं सीसं। एत्थन्तेति उभिन्नं रत्तीनमन्तरे। “पठमबोधियापी”तिआदिना पञ्चचत्तालीसवस्सपरिमाणकालमेव अन्तोगधभेदेन नियमेत्वा विसेसेति। तासु पन वीसतिवस्सपरिच्छिन्ना पठमबोधीति विनयगण्ठिपदे वुत्तं, तच्च तदट्ठकथायमेव “भगवतो हि पठमबोधियं वीसतिवस्सन्तरे निबद्धुपट्ठाको नाम नत्थी”ति (पारा० अट्ठ० १.१६) कथितत्ता पठमबोधि नाम वीसतिवस्सानीति गहेत्वा वुत्तं। आचरियधम्मपालत्थेरेन पन “पञ्चचत्तालीसाय वस्सेसु आदितो पन्नरस वस्सानि पठमबोधी”ति वुत्तं, एवञ्च सति मज्झे पन्नरस वस्सानि मज्झिमबोधि, अन्ते पन्नरस वस्सानि पच्छिमबोधीति तिण्णं बोधीनं समप्पमाणता सिया, तम्पि वुत्तं। पन्नरसतिकेन हि पञ्चचत्तालीसवस्सानि परिपूरेन्ति। अट्ठकथायं पन पन्नरसवस्सप्पमाणाय पठमबोधिया वीसतिवस्सेसुयेव अन्तोगधत्ता “पठमबोधियं वीसतिवस्सन्तरे”ति वुत्तन्ति एवम्पि सक्का विज्जातुं। “यं सुत्त”न्तिआदिना सम्बन्धो।

निद्दोसताय अनुपवज्जं अनुपवदनीयं। पक्खिपितब्बाभावेन अनूनं। अपनेतब्बाभावेन अनधिकं। अत्थव्यज्जनादिसम्पत्तिया सब्बाकारपरिपुण्णं। निम्मदनहेतु निम्मदनं। बालगमत्तप्पीति वालधिलोमस्स कोटिप्पमाणम्पि। अवक्खलितन्ति विराधितं मुसा भणितं। एकमुद्दिकायाति एकराजलञ्छनेन। एकनाळियाति एकाळहकेन, एकतुम्बेन वा। एकतुलायाति एकमानेन। “तथमेवा”ति वुत्तमेवत्थं नो अज्जथाति ब्यतिरेकतो दस्सेति, तेन यदत्थं भासितं, एकन्तेन तदत्थनिष्पादनतो यथा भासितं भगवता, तथायेवाति अविपरीतदेसनतं दस्सेति। “गदत्थो”ति एतेन तथं गदति भासतीति तथागतो द-कारस्स त-कारं, निरुत्तिनयेन च आकारागमं कत्वा, धातुसद्धानुगतेन वा आकारेनाति निब्बचनं दस्सेति।

एवं “सुगतो”तिआदीसु (पारा० १) विय धातुसद्धानिष्पत्तिपरिकप्पेन निरुत्तिं दस्सेत्वा बाहिरत्थसमासेनपि दस्सेतुं “अपिचा”तिआदि वुत्तं। आगदनन्ति सब्बहितनिष्पादनतो भुसं कथनं वचनं, तब्भावमत्तो वा आ-सद्दो।

तथा गतमस्साति **तथागतो**। यथा वाचाय गतं पवत्ति, तथा कायस्स, यथा वा कायस्स गतं पवत्ति, तथा वाचाय अस्स, तस्मा तथागतोति अत्थो। तदेव निब्बचनं दस्सेतुं **“भगवतो”**तिआदिमाह। तत्थ हि **“गतो पवत्तो, गता पवत्ता”**ति च एतेन कायवचीकिरियानं अज्जमज्जानुलोमनवचनिच्छाय कायस्स, वाचाय च पवत्ति इध गत-सद्देन कथिताति दस्सेति, **“एवंभूतस्सा”**तिआदिना बाहिरत्थसमासं, **“यथा तथा”**ति एतेन यतं-सद्धानं अब्यभिचारितसम्बन्धताय **“तथा”**ति वुत्ते **“यथा”**ति अयमत्थो उपट्ठितोयेव होतीति तथासद्दत्थं, **“वादी कारी”**ति एतेन पवत्तिसरूपं, **“भगवतो ही”**ति एतेन यथावादीतथाकारितादिकारणन्ति। **“एवंभूतस्सा”**ति यथावादीतथाकारितादिना पकारेन पवत्तस्स, इमं पकारं वा पत्तस्स। इतीति वुत्तप्पकारं निदिस्सति। यस्मा पनेत्थ गत-सद्दो वाचाय पवत्तिम्पि दस्सेति, तस्मा कामं तथावादिताय तथागतोति अयम्पि अत्थो सिद्धो होति, सो पन पुब्बे पकारन्तरेण दस्सितोति पारिसेसनयेन तथाकारिताअत्थमेव दस्सेतुं **“एवं तथाकारिताय तथागतो”**ति वुत्तं। वुत्तञ्च-

“यथा वाचा गता यस्स,
तथा कायो गतो यतो।
यथा कायो तथा वाचा,
ततो सत्था तथागतो”ति।।

भवग्गं परियन्तं कत्वाति सम्बन्धो। यं पनेके वदन्ति **“तिरियं विय उपरि, अधो च सन्ति अपरिमाणा लोकधातुयो”**ति, तेसं तं पटिसेधेतुं एवं वुत्तन्ति दट्ठब्बं। **विमुत्तियाति** फलेन। **विमुत्तिजाणदस्सनेनाति** पच्चवेक्खणाजाणसङ्घातेन दस्सनेन। **तुलोति** सदिसो। **पमाणन्ति** मिननकारणं। परे अभिभवति गुणेन अज्झोत्थरति अधिको भवतीति **अभिभू**। परेहि न अभिभूतो अज्झोत्थरोति **अनभिभूतो**। **अज्जदत्थूति** एकंसवचने निपातो। दस्सनवसेन **दसो**, सब्बं पस्सतीति अत्थो। परे अत्तनो वसं वत्तेतीति **वसवत्ती**।

“अभिभवनट्ठेन तथागतो”ति अयं न सद्दतो लब्धति, सद्दतो पन एवन्ति दस्सेतुं **“तत्रेव”**न्तिआदि वुत्तं। तत्थ **अगदोति** दिब्बागदो अगं रोगं दाति अवखण्डति, नत्थि वा गदो रोगो एतेनाति कत्वा, तस्सदिसट्ठेन इध देसनाविलासस्स, पुज्जुस्सयस्स च अगदता लब्धतीति आह **“अगदो विया”**ति। याय धम्मधातुया देसनाविजम्भनप्पत्ता, सा देसनाविलासो। **धम्मधातूति** च सब्बज्जुतज्जाणमेव। तेन हि धम्मानमाकारभेदं जत्वा

तदनुरूपं देसनं नियामेति । देसनाविलासोयेव **देसनाविलासमयो** यथा “दानमयं सीलमय”न्ति (दी० नि० ३.३०५; इतिवु० ६०; नेत्ति० ३४) अधुना पन पोत्थकेसु बहूसुपि मय-सद्दो न दिस्सति । **पुञ्जुस्सयो**ति उस्सनं, अतिरेकं वा जाणादिसम्भारभूतं पुञ्जं । “**तेना**”तिआदि ओपम्मसम्पादनं । तेनाति च तदुभयेन देसनाविलासेन चेव पुञ्जुस्सयेन च सो भगवा अभिभवतीति सम्बन्धो । “**इती**”तिआदिना बाहिरत्थसमासं दस्सेति । सब्बलोकाभिभवनेन **तथो**, न अज्जथाति वुत्तं होति ।

तथाय गतोति पुरिमसच्चत्तयं सन्धायाह, **तथं** गतोति पन पच्छिमसच्चं । चतुसच्चानुक्कमेन चेत्थ गत-सद्दस्स अत्थचतुक्कं वुत्तं । वाचकसद्दसन्निधाने उपसगगनिपातानं तदत्थजोतनभावेन पवत्तनतो गत-सद्दोयेव अनुपसगगो अवगतत्थं, अतीतत्थञ्च वदतीति दस्सेति “**अवगतो अतीतो**”ति इमिना ।

“**तत्था**”तिआदि तब्बिवरणं । **लोकन्ति** दुक्खसच्चभूतं लोकं । तथाय तीरणपरिज्जायाति योजेतब्बं । **लोकनिरोधगामिनि** पटिपदन्ति अरियमगं, न पन अभिसम्बुज्झनमत्तं । तत्थ कत्तब्बकिच्चम्पि कतमेवाति दस्सेतुं “**लोकस्मा तथागतो विसंयुत्तो**”तिआदिना सच्चचतुक्केपि दुतियपक्खं वुत्तं, अभिसम्बुज्झनहेतुं वा एतेहि दस्सेति । ततोयेव हि तानि अभिसम्बुद्धोति । “यं भिक्खवे, सदेवकस्स लोकस्स समारकस्स सब्रह्मकस्स सस्समणब्राह्मणिया पजाय सदेवमनुस्साय दिट्ठं सुतं मुतं विज्जातं पत्तं परियेसितं अनुविचरितं मनसा, सब्बं तं तथागतेन अभिसम्बुद्धं, तस्मा तथागतोति वुच्चती”ति (अ० नि० १.४.२३) अङ्गुत्तरागमे **चतुक्कनिपाते** आगतं पाळिमिमं पेय्यालमुखेन दस्सेति, तच्च अत्थसम्बन्धताय एव, न इमस्सत्थस्स साधकताय । सा हि पेय्यालनिदिट्ठा पाळि तथदस्सिता अत्थस्स साधिकाति । “**तस्सपि एवं अत्थो वेदितब्बो**”ति इमिना साध्यसाधकसंसन्दनं करोति । “**इदम्पि चा**”तिआदिना तथागतपदस्स महाविसयत्तं, अट्ठविधस्सापि यथावुत्तकारणस्स निदस्सनमत्तञ्च दस्सेति । तत्थ **इदन्ति** अतिब्यासरूपेन वुत्तं अट्ठविधं कारणं, **पि-सद्दो**, **अपि-सद्दो** वा सम्भावने “**इत्थम्पि** मुखमत्तमेव, पगेव अज्जथा”ति । **तथागतभावदीपने**ति तथागतनामदीपने । गुणेन हि भगवा तथागतो नाम, नामेन च भगवति तथागत-सद्दोति । “असङ्खयेय्यानि नामानि, सगुणेन महेसिनो”तिआदि (उदा० अट्ठ० ३०६; पटि० म० अट्ठ० १.२७७) हि वुत्तं । अप्पमादपदं विय सकलकुसलधम्मपटिपत्तिया सब्बबुद्धगुणानं तथागतपदं सङ्गाहकन्ति दस्सेतुं

“सब्बाकारेना”तिआदिमाह । वण्णेय्याति परिकप्पवचनमेतं “वण्णेय्य वा, न वा वण्णेय्या”ति । वुत्तञ्च –

“बुद्धोपि बुद्धस्स भण्येय्य वण्णं,

कप्पम्पि चे अज्जमभासमानो ।

खीयेथ कप्पो चिरदीघमन्तरे,

वण्णो न खीयेथ तथागतस्सा”ति ।। (दी० नि० अट्ठ०

१.३०४; ३.१४१; उदा० अट्ठ० ५२; अप० अट्ठ० २.७.२०; बु०

वं० अट्ठ० कोण्डञ्जबुद्धवंसवण्णना; चरि० पि० पकिण्णककथा)।-

समत्थने वा एतं “सो इमं विजटये जट”न्तिआदीसु (सं० नि० १.२.२३) वियातिपि वदन्ति केचि ।

अयं पनेत्थ अट्ठकथामुत्तको नयो – अभिनीहारतो पट्टाय याव सम्मासम्बोधि, एत्थन्तरे महाबोधियानपटिपत्तिया हानट्टानसंकिलेसनिवत्तीनं अभावतो यथापणिधानं तथागतो अभिनीहारानुरूपं पटिपन्नोति तथागतो । अथ वा महिद्धिकताय, पटिसम्भिदानं उक्कंसाधिगमेन अनावरणजाणताय च कत्थचिपि पटिघाताभावतो यथारुचि, तथा कायवचीचित्तानं गतानि गमनानि पवत्तियो एतस्साति तथागतो । अपिच यस्मा लोके विधयुत्तगतपकारसद्दा समानत्था दिस्सन्ति, तस्मा यथा विधा विपस्सिआदयो भगवन्तो निखिलसब्बज्जुगुणसमङ्गिताय, अयम्पि भगवा तथा विधोति तथागतो, यथा युत्ता च ते भगवन्तो वुत्तनयेन, अयम्पि भगवा तथा युत्तोति तथागतो । अपरो नयो-यस्मा सच्चं तच्छं तथन्ति जाणस्सेतं अधिवचनं, तस्मा तथेन जाणेन आगतोति तथागतोति ।

“पहाय कामादिमले यथा गता,

समाधिजाणेहि विपस्सिआदयो ।

महेसिनो सक्कमुनी जुतिन्धरो,

तथा गतो तेन तथागतो मतो ।।

तथञ्च धातायतनादिलक्खणं,

सभावसामज्जविभागभेदतो ।

सयम्भुजाणेन जिनो समागतो,
तथागतो वुच्चति सक्कपुङ्गवो ।।

तथानि सच्चानि समन्तचक्खुना,
तथा इदप्पच्चयता च सब्बसो ।
अनञ्जनेय्येन यतो विभाविता,
याथावतो तेन जिनो तथागतो ।।

अनेकभेदासुपि लोकधातूसु,
जिनस्स रूपायतनादिगोचरे ।
विचित्तभेदे तथमेव दस्सनं,
तथागतो तेन समन्तलोचनो ।।

यतो च धम्मं तथमेव भासति,
करोति वाचायनुलोममत्तनो ।
गुणेहि लोकं अभिभुयिरीयति,
तथागतो तेनपि लोकनायको ।।

यथाभिनीहारमतो यथारुचि,
पवत्तवाचातनुचित्तभावतो ।
यथाविधा येन पुरा महेसिनो,
तथाविधो तेन जिनो तथागतो ।।

यथा च युत्ता सुगता पुरातना,
तथाव युत्तो तथजाणतो च सो ।
समागतो तेन समन्तलोचनो,
तथागतो वुच्चति सक्कपुङ्गवो'ति ।। (इतिवु० अट्ठ० ३८ थोकं
विसदिसं) ।-

सङ्गहगाथा ।

“कतमञ्च तं भिक्खवे”ति अयं कस्स पुच्छति आह “येना”तिआदि। एवं सामञ्जतो यथावुत्तस्स सीलमत्तकस्स पुच्छाभावं दस्सेत्वा इदानीं पुच्छाविसेसभावजापनत्थं **महानिद्देसे** (महा० नि० १५०) आगता सब्बाव पुच्छा अत्थुद्धारवसेन दस्सेति “तत्थ पुच्छा नामा”तिआदिना। तत्थ तत्थाति “तं कतमन्ति पुच्छती”ति एत्थ यदेतं सामञ्जतो पुच्छावचनं वुत्तं, तस्मिं।

पकतियाति अत्तनो धम्मताय, सयमेवाति वुत्तं होति। **लक्खणन्ति** यो कोचि जातुमिच्छितो सभावो। **अञ्जातन्ति** दस्सनादिविसेसयुत्तेन, इतरेण वा येन केनचिपि जाणेन अञ्जातं। अवत्थाविसेसानि हि जाणदस्सनतुलनतीरणानि। **अदिट्ठन्ति** दस्सनभूतेन जाणेन पच्चक्खमिव अदिट्ठं। **अतुलितन्ति** “एत्तकमेत”न्ति तुलनभूतेन अतुलितं। **अतीरितन्ति** “एवमेविद”न्ति तीरणभूतेन अकतजाणकिरियासमापनं। **अविभूतन्ति** जाणस्स अपाकटभूतं। **अविभावितन्ति** जाणेन अपाकटकतं। **तस्साति** यथावुत्तलक्खणस्स। अदिट्ठं जोतीयति पकासीयति एतायाति **अदिट्ठजोतना**। **संसन्दनत्थायाति** साकच्छावसेन विनिच्छयकरणत्थाय। संसन्दनज्झि साकच्छावसेन विनिच्छयकरणं। दिट्ठं संसन्दीयति एतायाति **दिट्ठसंसन्दना**। “संसयपक्खन्दो”तिआदीसु दब्बहतरेनिविट्ठा विचिकिच्छा **संसयो**। नातिसंसप्पनमतिभेदमत्तं **विमति**। ततोपि अप्पतरं “एवं नु खो, न नु खो”तिआदिना द्विधा विय पवत्तं **देब्बहकं**। द्विधा एलति कम्पति चित्तमेतेनाति हि **देब्बहकं** हपच्चयं, सकत्थवुत्तिकपच्चयञ्च कत्वा, तेन जातो, तं वा जातं यस्साति **देब्बहकजातो**। विमति छिज्जति एतायाति **विमतिच्छेदना**। **अनत्तलक्खणसुत्तादीसु** (सं० नि० २.३.५९) आगतं खन्धपञ्चकपटिसंयुत्तं पुच्छं सन्धायाह “सब्बं वत्तब्ब”न्ति। अनुमतिया पुच्छा **अनुमतिपुच्छा**। “तं किं मञ्जथ भिक्खवे”तिआदिपुच्छाय हि “का तुम्हाकं अनुमती”ति अनुमति पुच्छिता होति। **कथेतुकम्यताति** कथेतुकामताय। “अञ्जाणता आपज्जती”तिआदीसु (पारा० २९५) विय हि एत्थ य-कारलोपो, करणत्थे वा पच्चत्तवचनं, कथेतुकम्यताय वा पुच्छा **कथेतुकम्यतापुच्छा**तिपि वट्ठति। अत्थतो पन सब्बापि तथा पवत्तवचनं, तदुप्पादको वा चित्तुप्पादोति वेदितब्बं।

यदत्थं पनायं निद्देसनयो आहरितो, तस्स पुच्छाविसेसभावस्स जापनत्थं “इमासू”तिआदिमाह। चित्ताभोगो **समन्नाहारो**। भुसं, समन्ततो च संसप्पना कङ्गा आसप्पना, परिसप्पना च। सब्बा कङ्गा छिन्ना सब्बञ्जुतञ्जाणपदट्ठानेन अग्गमग्गेन समुच्छिन्दनतो। परेसं अनुमतिया, कथेतुकम्यताय च धम्मदेसनासम्भवतो, तथा एव तत्थ

तत्थ दिट्ठत्ता च वुत्तं “अवसेसा पन द्वे पुच्छा बुद्धानं अत्थी”ति । या पनेता “सत्ताधिद्वाना पुच्छा धम्माधिद्वाना पुच्छा एकाधिद्वाना पुच्छा अनेकाधिद्वाना पुच्छा”तिआदिना अपरापि अनेकधा पुच्छायो निद्वेसे आगता, ता सब्बापि निद्वारेत्वा इध अविचयनं “अलं एत्तावताव, अत्थिकेहि पन इमिना नयेन निद्वारेत्वा विचेतब्बा”ति नयदानस्स सिज्जनतोति दट्ठब्बं ।

८. पुच्छा च नामेसा विस्सज्जनाय सतियेव युत्तरूपाति चोदनाय “इदानी”तिआदि वुत्तं । अतिपातनं अतिपातो । अति-सद्दो चेत्थ अतिरेकत्थो । सीघभावो एव च अतिरेकता, तस्मा सरसेनेव पतनसभावस्स अन्तरा एव अतिरेकं पातनं, सणिकं पतितुं अदत्वा सीघं पातनन्ति अत्थो, अभिभवनत्थो वा, अतिक्कम्म सत्थादीहि अभिभवित्वा पातनन्ति वुत्तं होति, वोहारवचनमेतं “अतिपातो”ति । अत्थतो पन पकरणादिवसेनाधिगतत्ता पाणवधो पाणघातोति वुत्तं होतीति अधिप्पायो । वोहारतोति पज्जत्तितो । सत्तोति खन्धसन्तानो । तत्थ हि सत्तपज्जत्ति । वुत्तञ्च –

“यथा हि अङ्गसम्भारा, होति सद्दो रथो इति ।

एवं खन्धेसु सन्तेसु, होति सत्तोति सम्मुती”ति ।। (सं० नि० १.१.१७१) ।

जीवितिन्द्रियन्ति रूपारूपजीवितिन्द्रियं । रूपजीवितिन्द्रिये हि विकोपिते इतरम्पि तंसम्बन्धताय विनस्सति । कस्मा पनेत्थ “पाणस्स अतिपातो”ति, “पाणोति चेत्थ वोहारतो सत्तो”ति च एकवचननिद्वेसो कतो, ननु निरवसेसानं पाणानं अतिपाततो विरति इध अधिप्पेता । तथा हि वक्खति “सब्बपाणभूतहितानुकम्पीति सब्बे पाणभूते”तिआदिना (दी० नि० अट्ठ० १.७) बहुवचननिद्वेसन्ति ? सच्चमेतं, पाणभावसामज्जेन पनेत्थ एकवचननिद्वेसो कतो, तत्थ पन सब्बसद्दसन्निधानेन पुत्तुत्तं सुविज्जायमानमेवाति सामज्जनिद्वेसमकत्वा भेदवचनिच्छावसेन बहुवचननिद्वेसो कतो । किञ्च भिय्यो – सामज्जतो संवरसमादानं, तब्बिसेसतो संवरभेदोति इमस्स विसेसस्स जापनत्थम्पि अयं वचनभेदो कतोति वेदितब्बो । “पाणस्स अतिपातो”तिआदि हि संवरभेददस्सनं । “सब्बे पाणभूते”तिआदि पन संवरसमादानदस्सनन्ति । सद्दविदू पन “ईदिसेसु ठानेसु जातिदब्बापेक्खवसेन वचनभेदमत्तं, अत्थतो समान”न्ति वदन्ति ।

तस्मिं पन पाणेति यथावुत्ते दुब्बिधेपि पाणे । पाणसज्जिनोति पाणसज्जासमज्जिनो

पुग्गलस्स । याय पन चेतनाय पवत्तमानस्स जीवित्तिन्द्रियस्स निस्सयभूतेसु महाभूतेसु उपक्कमकरणहेतु तंमहाभूतपच्चया उप्पज्जनकमहाभूता नुप्पज्जिस्सन्ति, सा तादिसपयोगसमुद्वापिका चेतना पाणातिपातोति आह “जीवित्तिन्द्रियुपच्छेदकउपक्कमसमुद्वापिका”ति, जीवित्तिन्द्रियुपच्छेदकस्स कायवचीपयोगस्स तन्निस्सयेसु महाभूतेसु समुद्वापिकाति अत्थो । लद्धुपक्कमानि हि भूतानि पुरिमभूतानि विय न विसदानि, तस्मा समानजातियानं भूतानं कारणानि न होन्तीति तेसुयेव उपक्कमे कते ततो परानं असति अन्तराये उप्पज्जमानानं भूतानं, तन्निस्सितस्स च जीवित्तिन्द्रियस्स उपच्छेदो होति । “कायवचीद्वारान”न्ति एतेन वितण्डवादिमतं मनोद्वारे पवत्ताय वधकचेतनाय पाणातिपातभावं पटिक्खिपति ।

पयोगवत्थुमहन्ततादीहि महासावज्जता तेहि पच्चयेहि उप्पज्जमानाय चेतनाय बलवभावतो वेदितब्बा । एकस्सापि हि पयोगस्स सहसा निष्फादनवसेन, किच्चसाधिकाय बहुक्खत्तुं पवत्तजवनेहि लद्धासेवनाय च सन्निद्धापकचेतनाय वसेन पयोगस्स महन्तभावो । सतिपि कदाचि खुद्दके चेव महन्ते च पाणे पयोगस्स समभावे महन्तं हनन्तस्स चेतना तिब्बतरा उप्पज्जतीति वत्थुस्स महन्तभावो । इति उभयम्पेतं चेतनाय बलवभावेनेव होति । सतिपि च पयोगवत्थूनं अमहन्तभावे हन्तब्बस्स गुणमहत्तेनपि तत्थ पवत्तउपकारचेतना विय खेत्तविसेसनिष्फत्तिया अपकारचेतनापि बलवती, तिब्बतरा च उप्पज्जतीति तस्सा महासावज्जता दट्ठब्बा । तेनाह “गुणवन्तेसू”तिआदि । “किलेसान”न्तिआदिना पन सतिपि पयोगवत्थुगुणानं अमहन्तभावे किलेसुपक्कमानं मुदुतिब्बताय चेतनाय दुब्बलबलवभाववसेन अप्पसावज्जमहासावज्जभावो वेदितब्बोति दस्सेति ।

सम्भरीयन्ति सहरीयन्ति एतेहीति सम्भारा, अङ्गानि । तेसु पाणसज्जिता, वधकचित्तञ्च पुब्बभागियानिपि होन्ति । उपक्कमो पन वधकचेतनासमुद्वापितो सहजातोव । पञ्चसम्भारवती पन पाणातिपातचेतनाति सा पञ्चसम्भारविनिमुत्ता दट्ठब्बा । एस नयो अदिन्नादानादीसुपि ।

एत्थाह – खणे खणे निरुज्जनसभावेसु सङ्घारेसु को हन्ति, को वा हज्जति, यदि चित्तचेतसिकसन्तानो, एवं सो अनुपतापनछेदनभेदनादिवसेन न विकोपनसमत्थो, नापि विकोपनीयो, अथ रूपसन्तानो, एवम्पि सो अचेतनताय कट्ठकलिङ्गरूपमोति न तत्थ छेदनादिना पाणातिपातो लब्धमिति यथा मतसरीरे । पयोगोपि पाणातिपातस्स

पहरणप्पकारादिअतीतेसु वा सङ्घारेसु भवेय्य, अनागतेसु वा पच्चुप्पन्नेसु वा। तत्थ न ताव अतीतानागतेसु सम्भवति तेसं अभावतो। पच्चुप्पन्नेसु च सङ्घारानं खणिकत्ता सरसेनेव निरुज्जनसभावताय विनासाभिमुखेसु निष्पयोजनो एव पयोगो सिया। विनासस्स च कारणरहितत्ता न पहरणप्पकारादिपयोगहेतुकं मरणं, निरीहकताय च सङ्घारानं कस्स सो पयोगो, खणिकत्ता वधाधिप्पायसमकालभिज्जनकस्स किरियापरियोसानकालानवद्धानतो कस्स वा पाणातिपातकम्मबद्धोति ?

बुच्चते – वधकचेतनासहितो सङ्घारानं पुज्जो सत्तसङ्घातो हन्ति, तेन पवत्तितवधप्पयोगनिमित्तापगतुस्माविज्जाणजीवितिन्द्रियो मतवोहारप्पवत्तिनिबन्धनो यथावुत्तवधप्पयोगाकरणे उप्पज्जनारहो रूपारूपधम्मसमूहो हज्जति, केवलो वा चित्तचेतसिकसन्तानो, वधप्पयोगाविसयभावेपि तस्स पञ्चवोकारभवे रूपसन्तानाधीनवुत्तिताय रूपसन्ताने परेन पयोजितजीवितिन्द्रियुपच्छेदकपयोगवसेन तन्निब्वत्तिविबन्धक-विसदिसरूपुप्पत्तिया विहत्ते विच्छेदो होतीति न पाणातिपातस्स असम्भवो, नापि अहेतुको पाणातिपातो, न च पयोगो निष्पयोजनो पच्चुप्पन्नेसु सङ्घारेसु कतपयोगवसेन तदनन्तरं उप्पज्जनारहस्स सङ्घारकलापस्स तथाअनुप्पत्तिो, खणिकानं सङ्घारानं खणिकमरणस्स इध मरणभावेन अनधिप्पेतत्ता सन्ततिमरणस्स च यथावुत्तनयेन सहेतुकभावतो न अहेतुकं मरणं, न च कतुरहितो पाणातिपातप्पयोगो निरीहकेसुपि सङ्घारेसु सन्निहिततामत्तेन उपकारकेसु अत्तनो अत्तनो अनुरूपफलुप्पादननियतेसु कारणेसु कतुवोहारसिद्धितो यथा “पदीपो पकासेति, निसाकरो चन्दिमा”ति, न च केवलस्स वधाधिप्पायसहभुनो चित्तचेतसिककलापस्स पाणातिपातो इच्छितो सन्तानवसेन अवट्टितस्सेव पटिजाननतो, सन्तानवसेन पवत्तमानानञ्च पदीपादीनं अत्तकिरियासिद्धि दिस्सतीति अत्थेव पाणातिपातेन कम्मबद्धोति। अयञ्च विचारो अदिन्नादानादीसुपि यथासम्भवं विभावेतब्बो।

साहत्थिकोति सयं मारेन्तस्स कायेन वा कायपटिबद्धेन वा पहरणं। आणत्तिकोति अज्जं आणापेन्तस्स “एवं विज्झित्वा वा पहरित्वा वा मारेही”ति आणापनं। निस्सगियोति दूरे ठितं मारेतुकामस्स कायेन वा कायपटिबद्धेन वा उसुयन्तपासाणादीनं निस्सज्जनं। थावरोति असज्जारिमेन उपकरणेन मारेतुकामस्स ओपातापस्सेनउपनिक्खपनं, भेसज्जसंविधानञ्च। विज्जामयोति मारणत्थं मन्तपरिजप्पनं आथब्बणिकादीनं विय। आथब्बणिका हि आथब्बणं पयोजेन्ति नगरे वा रुद्धे सङ्गामे वा पच्चुपट्टिते पटिसेनाय पच्चत्थिकेसु पच्चामित्तेसु ईतिं उप्पादेन्ति उपद्वं उप्पादेन्ति रोगं उप्पादेन्ति पज्जरकं

उप्पादेन्ति सूचिकं उप्पादेन्ति विसूचिकं करोन्ति पक्खन्दियं करोन्ति । विज्जाधरा च विज्जं परिवत्तेत्वा नगरे वा रुद्धे...पे०... पक्खन्दियं करोन्ति । इद्धिमयोति कम्मविपाकजिद्धिमयो दाठाकोटनादीनि विय । पितुरज्जो किर सीहलनरिन्दस्स दाठाकोटनेन चूळसुमनकुटुम्बियस्स मरणं होति । “इमस्मिं पनत्थे”तिआदिना गन्थगारवं परिहरित्वा तस्स अनूनभावम्पि करोति “अत्थिकेही”तिआदिना । इध अवुत्तोपि हि एस अत्थो अतिदिसनेन वुत्तो विय अनूनो परिपुण्णोति ।

दुस्सीलस्स भावो दुस्सील्यं, यथावुत्ता चेतना । “पहाया”ति एत्थ त्वा-सद्दो पुब्बकालेति आह “पहीनकालतो पट्टाया”ति, हेतुअत्थतं वा सन्धाय एवं वुत्तं । एतेन हि पहानहेतुका इधाधिप्पेता समुच्छेदनिका विरतीति दस्सेति । कम्मक्खयजाणेन हि पाणातिपातदुस्सील्यस्स पहीनत्ता भगवा अच्चन्तमेव ततो पटिविरतोति वुच्चति समुच्छेदवसेन पहानविरतीनमधिप्पेतत्ता । किञ्चापि “पहाय पटिविरतो”ति पदेहि वुत्तानं पहानविरमणानं पुरिमपच्छिमकालता नत्थि, मग्गधम्मनं पन सम्मादिट्ठिआदीनं, पच्चयभूतानं सम्मावाचादीनञ्च पच्चयुप्पन्नभूतानं पच्चयपच्चयुप्पन्नभावे अपेक्खिते सहजातानम्पि पच्चयपच्चयुप्पन्नभावेन गहणं पुरिमपच्छिमभावेन विय होति । पच्चयो हि पुरिमतरं पच्चयसत्तिया ठितो, ततो परं पच्चयुप्पन्नं पच्चयसत्तिं पटिच्च पवत्तति, तस्मा गहणप्पवत्तिआकारवसेन सहजातादिपच्चयभूतेसु सम्मादिट्ठिआदीसु पहायकधम्मसे पहानकिरियाय पुरिमकालवोहारो, तप्पच्चयुप्पन्नासु च विरतीसु विरमणकिरियाय अपरकालवोहारो सम्भवति । तस्मा “सम्मादिट्ठिआदीहि पाणातिपातं पहाय सम्मावाचादीहि पाणातिपाता पटिविरतो”ति पाळियं अत्थो दट्ठब्बो ।

अयं पनेत्थ अट्ठकथामुत्तको नयो – पहानं समुच्छेदवसेन विरतिपटिप्पस्सद्धिवसेन योजेतब्बा, तस्मा मग्गेन पाणातिपातं पहाय फलेन पाणातिपाता पटिविरतोति अत्थो । अपिच पाणो अतिपातीयति एतेनाति पाणातिपातो, पाणघातहेतुभूतो धम्मसमूहो । को पनेसो ? अहिरिकानोत्तप्पदोसमोहविहिंसादयो किलेसा । ते हि भगवा अरियमग्गेन पहाय समुग्घाटेत्वा पाणातिपातदुस्सील्यतो अच्चन्तमेव पटिविरतो किलेसेसु पहीनेसु तन्निमित्तकम्मस्स अनुप्पज्जनतो, तस्मा मग्गेन पाणातिपातं यथावुत्तकिलेसं पहाय तेनेव पाणातिपाता दुस्सील्यचेतना पटिविरतोति अत्थो । एस नयो “अदिन्नादानं पहाया”तिआदीसुपि ।

ओरतो विरतोति परियायवचनमेतं, पति-विसद्धानं वा पच्चेकं योजेतब्बतो तथा वुत्तं। ओरतोति हि अवरतो अभिमुखं रतो, तेन उज्जुक्कं विरमणवसेन सातिसयत्तं दस्सेति। पटिरतस्स चेतं अत्थवचनं। विरतोति विसेसेन रतो, तेन सह वासनाय विरमणभावं, उभयेन पन समुच्छेदविरतिभावं विभावेति। एव-सद्दो पन तस्सा विरतिया कालादिवसेन अपरियन्तत्तं दस्सेतुं वुत्तो। सो उभयत्थं योजेतब्बो। यथा हि अज्जे समादिन्नविरतिकापि अनवट्टितचित्ताय लाभजीवितादिहेतु समादानं भिन्नन्ति, न एवं भगवा, सब्बसो पहीनपाणातिपातत्ता पनेस अच्चन्तविरतो एवाति। “नत्थि तस्सा”तिआदिना एव-सद्देन दस्सितं यथावुत्तमत्थं निवत्तेतब्बत्थवसेन समत्थेति। तत्थ वीतिक्कमिस्सामीति उप्पज्जनका धम्माति सह पाठसेसेन सम्बन्धो। ते पन अनवज्जधम्मोहि वोकिण्णा अन्तरन्तरा उप्पज्जनका दुब्बला सावज्जा धम्मा, यस्मा च “कायवचीपयोगं उपलभित्वा इमस्स किलेसा उप्पन्ना”ति विज्जुना सक्का जातुं, तस्मा ते इमिनाव परियायेन “चक्खुसोतविज्जेय्या”ति वुत्ता, न पन चक्खुसोतविज्जाणारम्मणत्ता। अतो ससम्भारकथाय चक्खुसोतेहि, तन्निस्सितविज्जाणेहि वा कायिकवाचसिकपयोगमुपलभित्वा मनोविज्जाणेन विज्जेय्याति अत्थो दट्ठब्बो। कायिकाति कायेन कता पाणातिपातादिनिष्फादका बलवन्तो अकुसला। “कालका” तिपि टीकायं उद्धतपाठो, कण्हपक्खिका बलवन्तो अकुसलाति अत्थो। “इमिनावा”तिआदिना नयदानं करोति, तज्ज खो “अदिन्नादानं पहाय अदिन्नादाना पटिविरतो”तिआदिपदेसु।

पापे समेतीति समणो, गोतमसमज्जा, तेन गोत्तेनसम्बन्धो गोतमोति अत्थं सन्धाय “समणोति भगवा”तिआदि वुत्तं। गोत्तवसेन लद्धवोहारोति सम्बन्धो। ब्रह्मदत्तेन भासितवण्णानुसन्धिया इमिस्सा देसनाय पवत्तनतो, तेन च भिक्खुसङ्घवण्णस्सापि भासितत्ता भिक्खुसङ्घवण्णोपि वुत्तनयेन देसितब्बो, सो न देसितो। किं सो पाणातिपाता पटिविरतभावो भिक्खुसङ्घस्स न विज्जतीति अनुयोगमपनेन्तो “न केवलज्जा”तिआदिमाह। एवं सति कस्मा न देसितोति पुनानुयोगं परिहरति “देसना पना”तिआदिना। एवन्ति एवमेव।

एत्थायमधिप्पायो—“अत्थि भिक्खवे, अज्जे च धम्मा”तिआदिना अनज्जसाधारणे बुद्धगुणे आरब्ध उपरि देसनं वट्ठेतुकामो भगवा आदितो पट्टाय “तथागतस्स वण्णं वदमानो वदेय्या”तिआदिना बुद्धगुणवसेनेव देसनं आरभि, न भिक्खुसङ्घगुणवसेनापि। एसा हि भगवतो देसनाय पकति, यदिदं एकरसेनेव देसनं दस्सेतुं लब्धमानस्सापि

कस्सचि अगगहणं। तथा हि रूपकण्डे दुकादीसु, तन्निदेसेसु च हृदयवत्थु न गहितं। इतरवत्थूहि असमानगतिकत्ता देसनाभेदो होतीति। यथा हि चक्खुविज्जाणादीनि एकन्ततो चक्खादिनिस्सयानि, न एवं मनोविज्जाणं एकन्तेन हृदयवत्थुनिस्सयं आरुप्पे तदभावतो, निस्सयनिस्सितवसेन च वत्थुदुकादिदेसना पवत्ता “अत्थि रूपं चक्खुविज्जाणस्स वत्थु, अत्थि रूपं न चक्खुविज्जाणस्स वत्थू”तिआदिना। यम्पि मनोविज्जाणं एकन्ततो हृदयवत्थुनिस्सयं, तस्स वसेन “अत्थि रूपं मनोविज्जाणस्स वत्थू”तिआदिना दुकादीसु वुच्चमानेसुपि न तदनुरूपा आरम्भणदुकादयो सम्भवन्ति। न हि “अत्थि रूपं मनोविज्जाणस्स आरम्भणं, अत्थि रूपं न मनोविज्जाणस्स आरम्भण”न्ति सक्का वत्तुं तदनारम्भणरूपस्साभावतोति वत्थारम्भणदुका भिन्नगतिका सियुं, तस्मा न एकरसा देसना भवेय्याति न वुत्तं, तथा निक्खेपकण्डे चित्तुप्पादविभागेन विसुं अवुच्चमानत्ता अवितक्कअविचारपदविस्सज्जने “विचारो चा”ति वत्तुं न सक्काति आवितक्कविचारमत्तपदविस्सज्जने लब्धमानोपि वितक्को न उद्धतो। अज्जथा हि “वितक्को चा”ति वत्तब्बं सिया, एवमेविधापि भिक्खुसङ्घगुणो न देसितोति। कामं सदतो एवं न देसितो, अत्थतो पन ब्रह्मदत्तेन भासितवण्णस्स अनुसन्धिदस्सनवसेन इमिस्सा देसनाय आरद्धत्ता दीपेतुं वट्टतीति आह “अत्थं पना”तिआदि।

तत्थायं दीपना – “पाणातिपातं पहाय पाणातिपाता पटिविरतो समणस्स गोतमस्स सावकसङ्घो निहितदण्डो निहितसत्थो”ति वित्थारेतब्बं। ननु धम्मस्सापि वण्णो ब्रह्मदत्तेन भासितोति? सच्चं भासितो, सो पन सम्मासम्बुद्धपभवत्ता, अरियसङ्घाधारत्ता च धम्मस्स धम्मानुभावसिद्धत्ता च तेसं, तदुभयवण्णदीपनेनेव दीपितोति विसुं न उद्धतो। सद्धम्मानुभावेनेव हि भगवा, भिक्खुसङ्घो च पाणातिपातादिप्पहानसमत्थो होति। अत्थापत्तिवसेन परविहेठनस्स परिवज्जितभावदीपनत्थं दण्डसत्थानं निक्खेपवचन्ति आह “परुपघातत्थाया”तिआदि। अवत्तनतोति अपवत्तनतो, असज्जरणतो वा। निक्खित्तो दण्डो येनाति निक्खित्तदण्डो। तथा निक्खित्तसत्थो। मज्झिमस्स पुरिसस्स चतुहत्थप्पमाणो चेत्थ दण्डो। तदवसेसो मुग्गरखग्गादयो सत्थं, तेन वुत्तं “एत्थ चा”तिआदि। विहेठनभावतोति विहिं सनभावतो, एतेन ससति हिंसति अनेनाति सत्थन्ति अत्थं दस्सेति। “परुपघातत्थाया”तिआदिना आपन्नमत्थं विवरितुं “यं पना”तिआदि वुत्तं। कतरो जिण्णो, तस्स, तेनवा आलम्बितो दण्डो कत्तरदण्डो। दन्तसोधनं कातुं योगं कट्ठं दन्तकट्ठं, न पन दन्तसोधनकट्ठं। “दन्तकट्ठवासिं वा”तिपि पाठो, दन्तकट्ठच्छेदनकवासिन्ति अत्थो। खुद्दकं

नखच्छेदनादिकिच्चनिष्फादकं सत्थं पिप्फलिकं। इदं पन भिक्खुसङ्घाधीनवचनं।
“भिक्खुसङ्घवसेनपि दीपेतुं वट्ठी”ति वुत्तता तस्सापि एकदेसेन दीपनत्थं वुत्तं।

लज्जा-सद्दो हिरिअत्थोति आह “पापजिगुच्छनलक्खणाया”ति। धम्मगरुताय हि बुद्धानं, धम्मस्स च अत्ताधीनत्ता अत्ताधिपतिभूता लज्जाव वुत्ता, न लोकाधिपतिभूतं ओत्तप्पं। अपिच “लज्जी”ति एत्थ वुत्तलज्जाय ओत्तप्पमि वुत्तमेव, तस्मा लज्जाति हिरिओत्तप्पानमधिवचनं दट्ठब्बं। न हि पापजिगुच्छनं पापुत्तासनरहितं, पापभयं वा अलज्जनं नाम अत्थीति। “दयं मेत्तचित्तं आपन्नो”ति कस्मा वुत्तं, ननु दया-सद्दो “दयापन्नो”तिआदीसु करुणायपि वत्ततीति? सच्चमेत्तं, अयं पन दयासद्दो अनुरक्खणत्थं अन्तोनीतं कत्वा पवत्तमानो मेत्ताय, करुणाय च पवत्ततीति इध मेत्ताय पवत्तमानो वुत्तो करुणाय, वक्खमानत्ता। मिदति सिनेहतीति मेत्ता, सा एतस्स अत्थीति मेत्तं, मेत्तं चित्तं एतस्साति मेत्तचित्तो, मेत्ताय सम्पयुत्तं चित्तं एतस्साति वा, तस्स भावो मेत्तचित्तता मेत्ता एव मूलभूतेन तन्निमित्तेन पुग्गलस्मिं बुद्धिया, सद्दस्स च पवत्तनतो।

“पाणभूतेति पाणजाते”ति वुत्तं। एवं सति पाणो भूतो येसन्ति पाणभूताति निब्बचनं कत्तब्बं। अथ वा जीवितिन्द्रियसमङ्गिताय पाणसङ्घाते तंतंकम्मानुरूपं पवत्तनतो भूतनामके सत्तेति अत्थो। अनुकम्पकोति करुणायनको। यस्मा पन मेत्ता करुणाय विसेसपच्चयो होति, तस्मा पुरिमपदत्थभूता मेत्ता एव पच्चयभावेन “ताय एव दयापन्नताया”ति वुत्ता। इमिना हि पदेन करुणाय गहिताय येहि धम्मेहि पाणातिपात्ता पटिविरति सम्पज्जति, तेहि लज्जामेत्ताकरुणाहि समङ्गिभावो यथाक्कमं पदत्तयेन दस्सितो। परदुक्खापनयनकामतापि हि हितानुकम्पनमेवाति अवस्सं अयमत्थो सम्पटिच्छित्तब्बोति। इमाय पाळिया, संवण्णनाय च तस्सा विरतिया सत्तवसेन अपरियन्ततं दस्सेति।

विहरतीति एत्थ वि-सद्दो विच्छिन्दनत्थे, हर-सद्दो नयनत्थे, नयनञ्च नामेतं इध पवत्तनं, यापनं, पालनं वाति आह “इरियति यपेति यापेति पालेती”ति। यपेति यापेतीति चेत्थ परियायवचनं। तस्मा यथावुत्तप्पकारो हुत्वा एकस्मिं इरियापथे उप्पन्नं दुक्खं अज्जेन इरियापथेन विच्छिन्दित्वा हरति पवत्तेति, अत्तभावं वा यापेति पालेतीति अत्थो वेदितब्बो। इति वा हीति एत्थ हि-सद्दो वचनसिलिडुतामत्ते कस्सचिपि तेन जोतितत्थस्स अभावतो। तेनाह “एवं वा भिक्खवे”ति। विसुं कम्पनमेव अत्थो विकम्पत्थोति सो अनेकभिन्नेसुयेव

अत्थेसु लब्धति, अनेकभेदा च अत्था उपरिवक्खमाना एवाति वुत्तं “उपरि अदिन्ना ...पे०... अपेक्खित्वा”ति। “एव”न्तिआदि गन्थगारवपरिहरणं, नयदानं वा।

इदानीं सम्पिण्डनत्थं दस्सेन्तो “अयं पनेत्था”तिआदिमाह। तत्थ न हनतीति न हिंसति। न घातेतीति न वधति। तत्थाति पाणातिपाते। समनुज्जोति सन्तुट्ठो। अहो वत्त रेति भोन्तो एकंसतो अच्छरियाति अत्थो। आचारसीलमत्तकन्ति साधुजनाचारमत्तकं, मत्त-सद्दो चेत्थ विसेसनिवत्तिअत्थो, तेन इन्द्रियसंवरादिगुणेहिपि लोकियपुथुज्जनो तथागतस्स वण्णं वत्तुं न सक्कोतीति दस्सेति। तथा हि इन्द्रियसंवरपच्चयपरिभोगसीलानि इध न विभत्तानि। एव-सद्दो पदपूरणमत्तं, मत्त-सद्देन वा यथावुत्तत्थस्सावधारणं करोति, एव-सद्देन आचारसीलमेव वत्तुं सक्कोतीति सन्निट्ठानं। एवमीदिसेसु। “इति वा हि भिक्खवे पुथुज्जनो तथागतस्स वण्णं वदमानो वदेय्या”ति वचनसामत्थियेनेव तदुत्तरि गुणं वत्तुं न सक्खिस्सति। “तं वो उपरि वक्खामी”ति च अत्थस्सापज्जनतो तथापन्नमत्थं दस्सेतुं “उपरि असाधारणभाव”न्तिआदि वुत्तं। “न केवलज्जा”तिआदिना पुग्गलविवेचनेन पन “पुथुज्जनो”ति इदं निदस्सनमत्तन्ति दस्सितं। “इतो पर”न्तिआदिना गन्थगारवं परिहरति। पुब्बे वुत्तं पदं पुब्बपदं, न पुब्बपदं तथा, न पुब्बं वा अपुब्बं, तमेव पदं तथा।

सद्वन्तरयोगेन धातूनमत्थविसेसवाचकत्ता “आदान”न्ति एतस्स गहणन्ति अत्थो दट्ठब्बो, तेनाह “हरण”न्तिआदि। परस्साति अत्तसन्तकतो परभूतस्स सन्तकस्स, यो वा अत्ततो अज्जो, सो पुग्गलो परो नाम, तस्स इदं परन्तिपि युज्जति, “परसंहरण”न्तिपि पाठो, सं-सद्दो चेत्थ धनत्थो, परसन्तकहरणन्ति वुत्तं होति। थेनो वुच्चति चोरो, तस्स भावो थेय्यं, चोरकम्मं। चोरिकाति चोरस्स किरिया। तदत्थं विवरति “तत्था”तिआदिना। तत्थाति “आदिन्नादान”न्ति पदे। परपरिग्गहितमेव एत्थ अदिन्नं, न पन दन्तपोणसिक्खापदे विय अप्पटिग्गहितकं अत्तसन्तकन्ति अधिप्पायो। “यत्थ परो”तिआदि उभयत्थ सम्बन्धो आवुत्तियादिनयेन। तस्मा “तं परपरिग्गहितं नाम, तस्मिं परपरिग्गहिते”ति च योजेतब्बं। यथाकामं करोतीति यथाकामकारी, तस्स भावो यथाकामकरिता, तं। तथारुचिकरणं आपज्जन्तोति अत्थो। ससन्तकत्ता अदण्डारहो धनदण्डराजदण्डवसेन। अनुपवज्जो च चोदनासारणादिवसेन। तं परपरिग्गहितं आदियति एतेनाति तदादायको, स्वेव उपक्कमो, तं समुट्ठपेतीति तदादायकउपक्कमसमुट्ठापिका। थेय्या एव चेतना थेय्यचेतना। खुद्दकताअप्पग्घतादिवसेन हीने। महन्ततामहग्घतादिवसेन पणीते। कस्मा? वत्थुहीनतायाति गम्यमानत्ता न वुत्तं, हीने, हीनगुणानं सन्तके च चेतना दुब्बला, पणीते, पणीतगुणानं

सन्तके च बलवतीति हेद्वा वुत्तनयेन तेहि कारणेहि अप्पसावज्जमहासावज्जता वेदितब्बा । आचरिया पन हीनपणीततो खुद्दकमहन्ते विसुं गहेत्वा “इधापि खुद्दके परसन्तके अप्पसावज्जं, महन्ते महासावज्जं । कस्मा ? पयोगमहन्तताय । वत्थुगुणानं पन समभावे सति किलेसानमुपक्कमानञ्च मुदुताय अप्पसावज्जं, तिब्बताय महासावज्जन्ति अयम्पि नयो योजेतब्बो”ति वदन्ति ।

साहत्थिकादयोति एत्थ परसन्तकस्स सहत्था गहणं साहत्थिको । अज्जे आणापेत्वा गहणं आणत्तिको । अन्तोसुङ्गघाते ठितेन बहिसुङ्गघातं पातेत्वा गहणं निस्तग्गियो । “असुकं भण्डं यदा सक्कोसि, तदा अवहरा”ति अत्थसाधकावहारनिष्फादकेन, आणापनेन वा, यदा कदाचि परसन्तकविनासकेन सप्पितेलकुम्भिआदीसु दुकूलसाटकचम्मखण्डादिपक्खिपनादिना वा गहणं थावरो । मन्तपरिजप्पनेन गहणं विज्जामयो । विना मन्तेन, कायवचीपयोगेहि तादिसइद्धियोगेन परसन्तकस्स आकट्ठनं इद्धिमयो । कायवचीपयोगेसु हि सन्तेसुयेव इद्धिमयो अवहरणपयोगो होति, नो असन्तेसु । तथा हि वुत्तं “अनापत्ति भिक्खवे, इद्धिमस्स इद्धिविसये”ति (पारा० १५९), ते च खो पयोगा यथानुरूपं पवत्ताति सम्बन्धो । तेसं पन पयोगानं सब्बेसं सब्बत्थ अवहारेसु असम्भवतो “यथानुरूप”न्ति वुत्तं ।

सन्धिच्छेदादीनि कत्वा अदिस्समानेन वा, कूटमानकूटकहापणादीहि वज्जनेन वा, अवहरणं थेय्यावहारो । पसय्ह बलसा अभिभुय्य सन्तज्जेत्वा, भयं दस्सेत्वा वा अवहरणं पसय्हावहारो । परभण्डं पटिच्छादेत्वा अवहरणं पटिच्छन्नावहारो । भण्डोकासपरिकप्पवसेन परिकप्पेत्वा अवहरणं परिकप्पावहारो । कुसं सङ्कामेत्वा अवहरणं कुसावहारो । इति-सहेन चेत्थ आदिअत्थेन, निदस्सननयेन वा अवसेसा चत्तारो पञ्चकापि गहिताति वेदितब्बं । पञ्चन्नज्झि पञ्चकानं समोधानभूता पञ्चवीसति अवहारा सब्बेपि अदिन्नादानमेव, अविज्जत्तिया वा अरियाय विज्जत्तिया वा दिन्नमेवाति अत्थो । “दिन्नादायी”ति इदं पयोगतो परिसुद्धभावदस्सनं । “दिन्नपाटिकङ्की”ति इदं पन आसयतोति आह “चित्तेना”तिआदि ।

अथेनेनाति एत्थ अ-सद्दो न-सद्दस्स कारियो, अ-सद्दो वा एको निपातो न-सद्दत्थोति दस्सेतुं “न थेनेना”ति वुत्तं । पाळियं दिस्समानवाक्यावत्थिकविभत्तियन्तपटिरूपकताकरणेन सद्धिं समासदस्सनमेतं । पकरणाधिगते पन अत्थे विवेचियमाने इध अथेनतोयेव सुचिभूतता अधिगमीयति अदिन्नादानाधिकारत्ताति आह “अथेनत्तायेव सुचिभूतेना”ति तेन

हेतालङ्कारवचनमेतन्ति दस्सेति । आहितो अहंमानो एत्थाति **अत्ता**, अत्तभावो । भगवतो पन सो रुळ्हिया यथा तं निच्छन्दरागेसु सत्तवोहारो । अदति वा संसारदुक्खन्ति **अत्ता**, तेनाह “**अत्तभावेना**”ति । पदत्तयेपि इत्थम्भूतलक्खणे करणवचनन्ति आपेतुं “**अथेनं...पे०... कत्वा**”ति वुत्तं । अथेनेन अत्तना अथेनत्ता हुत्वा सुचिभूतेन अत्तना सुचिभूतत्ता हुत्वा विहरतीतिपि अत्थो ।

सेसन्ति “**पहाय पटिविरतो**”ति एवमादिकं । तज्झि पुब्बे वुत्तनयं । किञ्चापि नयिध सिक्खापदवोहारेण विरति वुत्ता, इतो अज्जेसु पन सुत्तपदेसेसु, विनयाभिधम्मेषु च पवत्तवोहारेण विरतियो, चेतना च अधिसीलसिक्खानमधिष्ठानभावतो, तेसमज्जतरकोट्टासभावतो च “**सिक्खापद**”न्त्वेव वत्तब्बाति आह “**पठमसिक्खापदे**”ति । कामज्वेत्थ “**लज्जी दयापन्नो**”ति न वुत्तं, अधिकारवसेन, पन अत्थतो च वुत्तमेवाति वेदितब्बं । यथा हि लज्जादयो पाणातिपातप्पहानस्स विसेसपच्चयो, एवं अदिन्नादानप्पहानस्सापीति । एस नयो इतो परेसुपि । अथ वा **सुचिभूतेना**ति हिरोत्तप्पादिसमन्नागमनं, अहिरिकादीनञ्च पहानं वुत्तमेवाति “**लज्जी दयापन्नो**”ति न वुत्तं ।

ब्रह्म-सद्दो इध सेट्ठवाचको, अब्रह्मानं निहीनानं, अब्रह्मं वा निहीनं चरियं वुत्ति **अब्रह्मचरियं**, मेथुनधम्मो । ब्रह्मं सेट्ठं **आचारन्ति** मेथुनविरतिं । न आचरतीति **अनाचारी**, [आराचारी (दी० नि० १.८)] तदाचारविरहितोति अत्थो, तेनाह “**अब्रह्मचरियतो दूरचारी**”ति । दूरो मेथुनसङ्घातो आचारो, सो विरहेन यस्सत्थीति **दूरचारी**, मेथुनधम्मतो वा दूरो हुत्वा तब्बिरतिं आचरतीति **दूरचारी**तिपि वट्ठति । मिथुनानं रागपरियुट्ठानेन सदिसानं उभिन्नं अयं **मेथुनो**ति अत्थं दस्सेति “**रागपरियुट्ठानवसेना**”तिआदिना । असत्तं धम्मो आचारोति **असद्धम्मो**, तस्मा । अभेदवोहारेण गामसद्देनेव गामवासिनो गहिताति वुत्तं “**गामवासीन**”न्ति, गामे वसत्तं धम्मोतिपि युज्जति । “**दूरचारी**”ति चेत्थ वचनतो, पाळियं वा “**मेथुना**” त्वेव अवत्ता “**गामधम्मा**”तिपि वुत्तत्ता

“इध ब्राह्मण, एकच्चो समणो वा ब्राह्मणो वा सम्मा ब्रह्मचारी पटिजानमानो न हेव खो मातुगामेन सद्धिं द्वयंद्वयसमापत्तिं समापज्जति, अपिच खो मातुगामस्स उच्छादनपरिमद्दण्णपनसम्बाहनं सादियति, सो तं अस्सादेति, तं निकामेति, तेन च वित्तिं आपज्जति, इदम्पि खो ब्राह्मण ब्रह्मचरियस्स खण्डम्पि

छिद्दम्पि सबलम्पि कम्मासम्पि, अयं वुच्चति ब्राह्मण अपरिसुद्धं ब्रह्मचरियं चरति संयुत्तो मेथुनेन संयोगेन, न परिमुच्चति जातिया जराय मरणेन सोकेहि परिदेवेहि दुक्खेहि दोमनस्सेहि उपायासेहि, न परिमुच्चति दुक्खस्माति वदामि ।

पुन चपरं...पे०... नपि मातुगामस्स उच्छादनपरिमन्दनन्हापनसम्बाहनं सादियति, अपिच खो मातुगामेन सद्धिं सज्जघति संकीळति संकेलायति...पे०... नपि मातुगामेन सद्धिं सज्जघति संकीळति संकेलायति, अपिच खो मातुगामस्स चक्खुना चक्खुं उपनिज्झायति पेक्खति...पे०... नपि मातुगामस्स चक्खुना चक्खुं उपनिज्झायति पेक्खति, अपिच खो मातुगामस्स सद्धं सुणाति तिरोकुट्टं वा तिरोपाकारं वा हसन्तिया वा भणन्तिया वा गायन्तिया वा रोदन्तिया वा...पे०... नपि मातुगामस्स सद्धं सुणाति तिरोकुट्टं वा तिरोपाकारं वा हसन्तिया वा भणन्तिया वा गायन्तिया वा रोदन्तिया वा, अपिच खो यानिस्स तानि पुब्बे मातुगामेन सद्धिं हसितलपितकीळितानि, तानि अनुस्सरति...पे०... नपि यानिस्स तानि पुब्बे मातुगामेन सद्धिं हसितलपितकीळितानि, तानि अनुस्सरति, अपिच खो पस्सति गहपतिं वा गहपतिपुत्तं वा पञ्चहि कामगुणेहि समप्पितं समङ्गिभूतं परिचारयमानं...पे०... नपि पस्सति गहपतिं वा गहपतिपुत्तं वा पञ्चहि कामगुणेहि समप्पितं समङ्गिभूतं परिचारयमानं, अपिच खो अज्जरं देवनिकायं पणिधाय ब्रह्मचरियं चरति “इमिनाहं सीलेन वा वतेन वा तपेन वा ब्रह्मचरियेन वा देवो वा भविस्सामि देवज्जरतो वा”ति । सो तं अस्सादेति, तं निकामेति, तेन च वित्तिं आपज्जति । इदम्पि खो ब्राह्मण ब्रह्मचरियस्स खण्डम्पि छिद्दम्पि सबलम्पि कम्मासम्पि । अयं वुच्चति ब्राह्मण, अपरिसुद्धं ब्रह्मचरियं चरति संयुत्तो मेथुनेन संयोगेन, न परिमुच्चति जातिया जराय मरणेन सोकेहि परिदेवेहि दुक्खेहि दोमनस्सेहि उपायासेहि, न परिमुच्चति दुक्खस्माति वदामी”ति (अ० नि० २.७.५०) –

अङ्गुत्तरागमे सत्तकनिपाते जाणुसोणिसुत्ते आगता सत्तविधमेथुनसंयोगापि पटिविरति दस्सिताति दट्ठब्बा । इधापि असद्धम्मसेवनाधिप्पायेन कायद्वारप्पवत्ता मग्गेनमग्गपटिपत्तिसमुद्घापिका चेतना अब्रह्मचरियं । पञ्चसिक्खापदक्कमे मिच्छाचारे पन अगमनीयद्वानवीतिकमचेतना यथावुत्ता कामेसु मिच्छाचारोति योजेतब्बं ।

तत्थ अगमनीयद्वानं नाम पुरिसानं ताव मातुरक्खितादयो दस, धनक्कीतादयो दसाति वीसति इत्थियो। इत्थीसु पन दसन्नं धनक्कीतादीनं, सारक्खसपरिदण्डानञ्च वसेन द्वादसन्नं अञ्जे पुरिसा। ये पनेके वदन्ति “चत्तारो कामेसु मिच्छाचारा अकालो, अदेसो, अनङ्गो, अधम्मो चा”ति, ते विप्पटिपत्तिमत्तं पति परिकप्पेत्वा वदन्ति। न हि सागमनीयद्वाने पवत्ता विप्पटिपत्ति मिच्छाचारो नाम सम्भवति। सा पनेसा दुविधापि विप्पटिपत्ति गुणविरहिते अप्पसावज्जा, गुणसम्पन्ने महासावज्जा। गुणरहितेपि च अभिभवित्वा विप्पटिपत्ति महासावज्जा, उभिन्नं समानच्छन्दभावे अप्पसावज्जा, समानच्छन्दभावेपि किलेसानं, उपक्कमानञ्च मुदुताय अप्पसावज्जा, तिब्बताय महासावज्जाति वेदितब्बं।

तस्स पन अब्रह्मचरियस्स द्वे सम्भारा सेवेतुकामताचित्तं, मग्गेनमग्गपटिपत्तीति। मिच्छाचारस्स पन चत्तारो सम्भारा अगमनीयवत्थु, तस्मिं सेवनचित्तं, सेवनापयोगो, मग्गेनमग्गपटिपत्तिअधिवासनन्ति एवं अट्ठकथासु “चत्तारो सम्भारा”ति (ध० स० अकुसलकम्मपथकथा; म० नि० अट्ठ० १.१.८९; सं० नि० अट्ठ० २.१०९-१११) वुत्तत्ता अभिभवित्वा वीतिक्कमने मग्गेनमग्गपटिपत्तिअधिवासने सतिपि पुरिमुप्पन्नसेवनाभिसन्धिपयोगाभावतो अभिभुय्यमानस्स मिच्छाचारो न होतीति वदन्ति केचि। सेवनचित्ते सति पयोगाभावो न पमाणं इत्थिया सेवनपयोगस्स येभुय्येन अभावतो, पुरिसस्सेव येभुय्येन सेवनपयोगो होतीति इत्थिया पुरेतरं सेवनचित्तं उपट्ठपेत्वा निसिन्नाय [निपन्नाय (ध० स० अनु टी० कम्मकथावण्णना)] मिच्छाचारो न सियाति आपज्जति। तस्मा पुरिसस्स वसेन उक्कंसतो “चत्तारो सम्भारा”ति वुत्तं। अञ्जथा हि इत्थिया पुरिसकिच्चकरणकाले पुरिसस्सापि सेवनापयोगाभावतो मिच्छाचारो न सियाति वदन्ति एके।

इदं पनेत्थ सन्निद्वानं— अत्तनो रुचिया पवत्तितस्स सेवनापयोगेनेव सेवनचित्ततासिद्धितो अगमनीयवत्थु, सेवनापयोगो, मग्गेनमग्गपटिपत्तिअधिवासनन्ति तयो, बलक्कारेण पवत्तितस्स पुरिमुप्पन्नसेवनाभिसन्धिपयोगाभावतो अगमनीयवत्थु, तस्मिं सेवनचित्तं, मग्गेनमग्गपटिपत्तिअधिवासनन्ति तयो, अनवसेसग्गहणेन पन वुत्तयेन चत्तारोति, तम्पि केचियेव वदन्ति, वीमंसित्वा गहेतब्बन्ति **अभिधम्मामनुटीकायं** (ध० स० अनु टी० अकुसलकम्मपथकथावण्णना) वुत्तं। एको पयोगो साहत्थिकोव।

१. मुसाति ततियन्तो, दुतियन्तो वा निपातो मिच्छापरियायो, किरियापधानोति आह “**विसंवादनपुरेक्खारस्सा**”तिआदि। पुरे करणं **पुरेक्खारो**, विसंवादनस्स पुरेक्खारो यस्साति तथा, तस्स कम्मपथप्पत्तमेव दस्सेतुं “**अत्थभज्जनको**”ति वुत्तं, परस्स हितविनासकोति अत्थो। मुसावादो पन ससन्तकस्स अदातुकामताय, हसाधिप्पायेन च भवति। वचसा कता वायामप्पधाना किरिया **वचीपयोगो**। तथा कायेन कता **कायपयोगो**। **विसंवादनाधिप्पायो** पुब्बभागक्खणे, तङ्कणे च। वुत्तज्झि “पुब्बेवस्स होति ‘मुसा भणिस्स’न्ति, भणन्तस्स होति ‘मुसा भणामी’ति” (पारा० २००; पाचि० ४) एतदेव हि द्वयं अङ्गभूतं। इतरं “भणितस्स होति ‘मुसा मया भणित’न्ति” (पारा० २००; पाचि० ४) वुत्तं पन होतु वा, मा वा, अकारणमेतं। **अस्साति** विसंवादकस्स। “चेतना”ति एतेन सम्बन्धो। विसं वादेति एतेनाति **विसंवादनं**, तदेव कायवचीपयोगो, तं समुट्ठापेतीति तथा, इमिना मुसासङ्गातेन कायवचीपयोगेन, मुसासङ्गातं वा कायवचीपयोगं वदति विज्जापेति, समुट्ठापेति वा एतेनाति **मुसावादो**ति अत्थमाह। “वादो”ति वुत्ते विसंवादनचित्तं, तज्जो वायामी, परस्स तदत्थविजाननन्ति लक्खणत्तयं विभावितमेव होति।

“अतथं वत्थु”न्ति लक्खणं पन अविभावितमेव मुसा-सदस्स पयोगसङ्घातकिरियावाचकता। तस्मा इध नये लक्खणस्स अब्यापितताय, मुसा-सदस्स च विसंवादितब्बत्थवाचकतासम्भवतो परिपुण्णं कत्वा मुसावादलक्खणं दस्सेतुं “**अपरो नयो**”तिआदि वुत्तं। **लक्खणतो**ति सभावतो। तथाति तेन तथाकारेन। कायवचीविज्जत्तियो समुट्ठापेतीति **विज्जत्तिसमुट्ठापिका**। इमस्मिं पन नये मुसा वत्थु वदीयति वुच्चति एतेनाति **मुसावादो**ति निब्बचनं दट्ठब्बं। “**सो यमत्थ**”न्तिआदिना कम्मपथप्पत्तस्स वत्थुवसेन अप्पसावज्जमहासावज्जभावमाह। यस्स अत्थं भज्जति, तस्स अप्पगुणताय अप्पसावज्जो, महागुणताय महासावज्जोति अदिन्नादाने विय गुणवसेनापि योजेतब्बं। किलेसानं मुदुतिब्बतावसेनापि अप्पसावज्जमहासावज्जता लब्भतियेव।

“**अपिचा**”तिआदिना मुसावादसामज्जस्सापि अप्पसावज्जमहासावज्जभावं दस्सेति। **अत्तनो सन्तकं अदातुकामतायाति**, हि **हसाधिप्पायेनाति** च मुसावादसामज्जतो वुत्तं। उभयत्थापि च विसंवादनपुरेक्खारेनेव मुसावादो, न पन वचनमत्तेन। तत्थ पन चेतना बलवती न होतीति अप्पसावज्जता वुत्ता। **नदी मज्जेति** नदी विय। अप्पताय ऊनस्स अत्थस्स पूरणवसेन पवत्ता कथा **पूरणकथा**, बहुतरभावेन वुत्तकथाति वुत्तं होति।

तेनाकारेण जातो तज्जो, तस्स विसंवादनस्स अनुरूपोति अत्थो। वायामोति वायामसीसेन पयोगमाह। वीरियप्पधाना हि कायिकवाचसिककिरिया इध अधिप्पेता, न वायाममत्तं। विसंवादानाधिप्पायेन पयोगे कतेपि अपरेण तस्मिं अत्थे अविज्जाते विसंवादनस्स असिज्जनतो परस्स तदत्थविजाननम्पि एकसम्भारभावेन वुत्तं। केचि पन “अभूतवचनं, विसंवादनचित्तं, परस्स तदत्थविजानन”न्ति तयो सम्भारे वदन्ति। कायिकोव साहत्थिकोति कोचि मज्जेय्याति तं निवारणत्थं “सो कायेन वा”तिआदि वुत्तं। ताय चे किरियाय परो तमत्थं जानातीति तद्धणे वा दन्धताय विचारेत्वा पच्छ वा जाननं सन्धाय वुत्तं। अयन्ति विसंवादको। किरियसमुट्ठापिकचेतनाक्खणेयेवाति कायिकवाचसिककिरियसमुट्ठापिकाय चेतनाय पवत्तक्खणे एव। मुसावादकम्मुना बज्झतीति विसंवादनचेतनासङ्घातेन मुसावादकम्मुना सम्बन्धीयति, अल्लीयतीति वा अत्थो। सचेपि दन्धताय विचारेत्वा पच्छ चिरेनापि परो तदत्थं जानाति, सन्निट्ठापकचेतनाय निब्बत्तता तद्धणेयेव बज्झतीति वुत्तं होति।

“एको पयोगो साहत्थिकोवा”ति इदं पोराणट्ठकथासु आगतनयेन वुत्तन्ति इध सङ्गहट्ठकथाय सङ्गहकारस्स अत्तनो मतिभेदं दस्सेतुं “यस्मा पना”तिआदि वुत्तं। तत्थ “यथा...पे०... तथा”ति एतेन साहत्थिको विय आणत्तिकदादयोपि गहेतब्बा, अग्गहणे कारणं नत्थि परस्स विसंवादनभावेन तस्सदिसत्ताति दस्सेति, “इदमस्स...पे०... आणापेन्तोपी”ति आणत्तिकस्स गहणे कारणं, “पण्णं...पे०... निस्सज्जन्तोपी”ति निस्सगियस्स, “अयमत्थो...पे०... ठपेन्तोपी”ति थावरस्स। यस्मा विसंवादेतीति सब्बत्थ सम्बन्धो। पण्णं लिखित्वाति तालादीनं पण्णं अक्खरेण लिखित्वा, पण्णन्ति वा भुम्मत्थे उपयोगवचनं। तेन वुत्तं “तिरोकुट्टादीसू”ति [कुट्टादीसु (दी० नि० अट्ठ० १.८)] पण्णे अक्खरं लेखनिया लिखित्वाति अत्थो। वीमंसित्वा गहेतब्बाति अत्तनोमतिया सब्बदुब्बलत्ता अनत्तुककंसनेन वुत्तं। किज्हेत्थ विचारेतब्बकारणं अत्थि सयमेव विचारितत्ता।

सच्चन्ति वचीसच्चं, सच्चेन सच्चन्ति पुरिमेन वचीसच्चेन पच्छिमं वचीसच्चं। पच्चयवसेन धातुपदन्तलोपं सन्धाय “सन्दहती”ति वुत्तं। सद्विदू पन—

“विपुब्बो धा करोत्यत्थे, अभिपुब्बो तु भासने।
न्यासंपुब्बो यथायोगं, न्यासारोपनसन्धिसू”ति।।—

धा-सद्वमेव घटनत्थे पठन्ति । तस्मा परियायवसेन “सन्दहती”ति वुत्तन्तिपि दट्ठब्बं । तदधिप्पायं दस्सेति “न अन्तरन्तरा”तिआदिना । “यो ही”तिआदि तब्बिवरणं । अन्तरितत्ताति अन्तरा परिच्छिन्नत्ता । न तादिसोति न एवंवदनसभावो । जीवितहेतुपि, पगेव अज्जहेतूति अपि-सद्वो सम्भावनत्थो ।

“सच्चतो थेततो”तिआदीसु (म० नि० १.१९) विय थेत-सद्वो थिरपरियायो, थिरभावो च सच्चवादिताधिकारत्ता कथावसेन वेदितब्बोति आह “थिरकथोति अत्थो”ति । थितस्स भावोति हि थेतो, थिरभावो, तेन युत्तत्ता पुग्गलं इध थेतो नाम । हलिदीति सुवण्णवण्णकन्दनिप्फत्तको गच्छविसेसो । थुत्तो नाम धज्जत्तचो, धज्जपलासो च । कुम्भण्डन्ति महाफलो सूपसम्पादको लताविसेसो । इन्दखीलो नाम गम्भीरनेमो एसिकाथम्भो । यथा हलिद्विरागादयो अनवड्डितसभावताय न ठिता, एवं न ठिता कथा एतस्साति नठितकथो [नथिरकथो (दी० नि० अट्ठ० १.८)] यथा पासाणलेखादयो अवड्डितसभावताय ठिता, एवं ठिता कथा एतस्साति ठितकथोति [थिरकथो (दी० नि० अट्ठ० १.८)] हलिद्विरागादयो यथा कथाय उपमायो होन्ति, एवं योजेतब्बं । कथाय हि एता उपमायोति ।

पत्तिसङ्घाता सद्धा अयति पवत्तति एत्थाति पच्चयिकोति आह “पत्तियायितब्बको”ति । पत्तिया अयितब्बा पवत्तेतब्बाति पत्तियायितब्बा य-कारागमेन, वाचा । सा एतस्साति पत्तियायितब्बको, तेनाह “सद्धायितब्बको”ति । तदेवत्थं व्यतिरेकेन, अन्वयेन च दस्सेतुं “एकच्चो ही”तिआदि वुत्तं । वत्तब्बतं आपज्जति विसंवादनतो । इतरपक्खे च अविसंवादनतोति अधिप्पायो । “लोक”न्ति एतेन “लोकस्सा”ति एत्थ कम्मत्थे छट्ठीति दस्सेति ।

सतिपि पच्चेकं पाठकमे अज्जासु अभिधम्मडुकथा दीसु (ध० स० अट्ठ० अकुसलकम्मपथकथा; म० नि० १.८९) संवण्णनाक्कमेन तिण्णम्मि पदानं एकत्थसंवण्णनं कातुं “याय वाचाया”तिआदिमाह, याय वाचाय करोतीति सम्बन्धो । परस्साति यं भिन्दितुं तं वाचं भासति, तस्स । च-सद्वो अट्ठानपयुत्तो, सो द्वन्द्वगम्भभावं जोतेतुं कम्मद्वये पयुज्जितब्बो । सुज्जभावन्ति पियविरहितताय रित्तभावं । साति यथावुत्ता सद्वसभावा वाचा, एतेन पियज्ज सुज्जज्ज पियसुज्जं, तं करोति एतायाति पिसुणा निरुत्तिनयेनाति वचनत्थं दस्सेति, पिसतीति वा पिसुणा, समग्गे सत्ते अवयवभूते वग्गभिन्ने करोतीति अत्थो ।

फरुसन्ति सिनेहाभावेन लूखं । सयम्पि फरुसाति दोमनस्ससमुद्धितत्ता सभावेन सयम्पि कक्कसा । फरुससभावतो नेव कण्णसुखा । अत्थविपन्नताय न हृदयङ्गमा । एत्थ पन पठमनये फरुसं करोतीति वचनत्थेन वा फलूपचारेन वा वाचाय फरुससदृप्पवत्ति वेदितब्बा । दुतियनये मम्मच्छेदवसेन पवत्तिया एकन्तनिदुरताय रुद्धिसद्वसेन सभावेन, कारणूपचारेन वा वाचाय फरुससदृप्पवत्ति दट्ठब्बा ।

येनाति पलापसङ्घातेन निरत्थकवचनेन । सम्फन्ति “स”न्ति वुत्तं सुखं, हितञ्च फलति पहरति विनासेतीति अत्थेन “सम्फ”न्ति लद्धनामं अत्तनो, परेसञ्च अनुपकारकं यं किञ्चि अत्थं, तेनाह “निरत्थक”न्ति, इमिना सम्फं पलपति एतेनाति सम्फपलापोति वचनत्थं दस्सेति ।

“तेस”न्तिआदिना चेतनाय फलवोहारेन पिसुणादिसदृप्पवत्ति वुत्ता । “सा एवा”तिआदिना पन चेतनाय पवत्तिपरिकप्पनाय हेतुं विभावेति । तत्थ “पहाया”तिआदिवचनसन्निधानतो तस्सायेव च पहातब्बता युत्तितो अधिप्पेताति अत्थो ।

तत्थाति तासु पिसुणवाचादीसु । संकिलिद्वचित्तस्साति लोभेन, दोसेन वा विबाधितचित्तस्स, उपतापितचित्तस्स वा, दूसितचित्तस्साति वुत्तं होति, “चेतना”ति एतेन सम्बन्धो । येन सह परेसं भेदाय वदति, तस्स अत्तनो पियकम्यतायाति अत्थो । चेतना पिसुणवाचा नाम पिसुणं वदन्ति एतायाति कत्वा । समासविसये हि मुख्यवसेन अत्थो गहेतब्बो, ब्यासविसये उपचारवसेनाति दट्ठब्बं । यस्स यतो भेदं करोति, तेसु अभिन्नेसु अप्पसावज्जं, भिन्नेसु महासावज्जं । तथा किलेसानं मुदुतिब्बताविसेसेसुपि योजेतब्बं ।

यस्स पेसुज्जं उपसंहरति, सो भिज्जतु वा, मा वा, तस्स तदत्थविज्जापनमेव पमाणन्ति आह “तस्स तदत्थविजानन”न्ति । भेदपुरेकखारतापियकम्यतानमेकेकपक्खिपनेन चत्तारो । कम्मपथप्पत्ति पन भिन्ने एव । इमेसन्ति अनियमताय परम्मुखापवत्तानम्पि अत्तनो बुद्धियं परिवत्तमाने सन्धाय वुत्तन्ति दस्सेतुं “येस”न्तिआदिमाह । इतोति इध पदेसे, वुत्तानं येसं सन्तिके सुतन्ति योजेतब्बं ।

“द्धिन्न”न्ति निदस्सनवचनं बहूनम्पि सन्धानतो । “मित्तान”न्तिआदि “सन्धान”न्ति एत्थ कम्मं, तेन पाळियं “भिन्नान”न्ति एतस्स कम्मभावं दस्सेति । सन्धानकरणञ्च नाम

तेसमनुरूपकरणमेवाति वुत्तं “अनुकत्ता”ति । अनुप्यदाताति अनुबलप्यदाता, अनुवत्तनवसेन वा पदाता । कस्स पन अनुबलप्यदानं, अनुवत्तनञ्चाति ? “सहितान”न्ति वुत्तत्ता सन्धानस्साति विञ्जायतीति आह “सन्धानानुप्यदाता”ति । यस्मा पन अनुबलवसेन, अनुवत्तनवसेन च सन्धानस्स पदानं आदानं, रक्खणं वा दळ्हीकरणं होति, तस्मा वुत्तं “दळ्हीकम्मं कत्ता”ति । आरमन्ति एत्थाति आरामो । रमितब्बद्धानं समग्गोति हि तदधिद्धानानं वसेन तब्बिसेसनता वुत्ता । “समग्गे”तिपि पठन्ति, तदयुत्तं “यत्था”तिआदिवचनेन विरुद्धत्ता । यस्मा पन आकारेन विनापि अयमत्थो लब्धमिति, तस्मा “अयमेवेत्थ अत्थो”ति वुत्तं समग्गेसूति समग्गभूतेसु जनकायेसु, तेनाह “ते पहाया”तिआदि । तप्पकतियत्थोपि कत्तुअत्थोवाति दस्सेति “नन्दती”ति इमिना । तप्पकतियत्थेन हि “दिस्वापि सुत्वापी”ति वचनं सुपपन्नं होति । समग्गे करोति एतायाति समग्गकरणी । सायेव वाचा, तं भासिताति अत्थमाह “या वाचा”तिआदिना । ताय वाचाय समग्गकरणं नाम । “सुखा सङ्खस्स सामग्गी, समग्गानं तपो सुखो”तिआदिना (ध० प० १९४) समग्गानिसंसदस्सनमेवाति वुत्तं “सामग्गिगुणपरिदीपिकमेवा”ति । इतरन्ति तब्बिपरीतं भेदनिकं वाचं ।

मम्मानीति दुड्डारूनि, तस्सदिसताय पन इध अक्कोसवत्थूनि “मम्मानी”ति वुच्चन्ति । यथा हि दुड्डारूसु येन केनचि वत्थुना घटितेसु चित्तं अधिमत्तं दुक्खप्पत्तं होति, तथा तेसु दससुजातिआदीसु अक्कोसवत्थूसु फरुसवाचाय फुसितमत्तेसूति । तथा हि वुत्तं “मम्मानी विय मम्मानी, येसु फरुसवाचाय छुपितमत्तेसु दुड्डारूसु विय घटितेसु चित्तं अधिमत्तं दुक्खप्पत्तं होति, कानि पन तानि ? जातिआदीनि अक्कोसवत्थूनी”ति (दी० नि० टी० १.९) “यस्स सरीरप्पदेसस्स सत्थादिपटिहनेन भुसं रुज्जनं, सो मम्मं नाम । इध पन यस्स चित्तस्स फरुसवाचावसेन दोमनस्ससङ्घातं भुसं रुज्जनं, तं मम्मं वियाति मम्म”न्ति अपरे । तानि मम्मानी छिज्जन्ति भिज्जन्ति येनाति मम्मच्छेदको, स्वेव कायवचीपयोगो, तानि समुद्वापेतीति तथा । एकन्तफरुसचेतना फरुसा वाचा फरुसं वदन्ति एतायाति कत्वा । “फरुसचेतना” इच्चेव अवत्वा “एकन्तफरुसचेतना”ति वचनं दुड्डचित्तताय एव फरुसचेतना अधिप्पेता, न पन सवनफरुसतामत्तेनाति जापनत्थं । तस्साति एकन्तफरुसचेतनाय एव । आविभावत्थन्ति फरुसवाचाभावस्स पाकटकरणत्थं । तस्साति वा एकन्तफरुसचेतनाय एव, फरुसवाचाभावस्साति अत्थो । तथेवाति मातुवुत्ताकारेनेव, उड्डासि अनुबन्धितुन्ति अत्थो । सच्चकिरियन्ति यं “चण्डा तं महिंसी अनुबन्धतू”ति वचनं मुखेन कथेसि, तं मातुचित्ते नत्थि, तस्मा “तं मा होतु, यं पन उप्पलपत्तम्पि मय्हं उपरि न

पततू”ति कारणं चित्तेन चिन्तेसि, तदेव मातुचित्ते अत्थि, तस्मा “तमेव होतू”ति सच्चकरणं, कत्तब्बसच्चं वा । तत्थेवाति उट्टानट्टानेयेव । बद्धा वियाति योत्तादिना परिबन्धि विय । एवं मम्मच्छेदकोति एत्थ सवनफरुसतामत्तेन मम्मच्छेदकता वेदितब्बा ।

पयोगोति वचीपयोगो । चित्तसण्हतायाति एकन्तफरुसचेतनाय अभावमाह । ततोयेव हि फरुसवाचा न होति कम्मपथप्पत्ता, कम्मभावं पन न सक्का वारेतुन्ति दट्ठब्बं । “मातापितरो ही”तिआदिनापि तदेवत्थं समत्थेति । एवं व्यतिरेकवसेन चेतनाफरुसताय फरुसवाचाभावं साधेत्वा इदानीं तमेव अन्वयवसेन साधेतुं “यथा”तिआदि वुत्तं । अफरुसा वाचा न होति फरुसा वाचा होतियेवाति अत्थो साति फरुसवाचा । यन्ति पुग्गलं ।

एत्थापि कम्मपथभावं अप्पत्ता अप्पसावज्जा, इतरा महासावज्जा । तथा किलेसानं मुदुतिब्बताभेदेपि योजेतब्बं । केचि पन “यं उट्ठिस्स फरुसवाचा पयुज्जति, तस्स सम्मुखायेव सीसं एती”ति वदन्ति, एके पन “परम्मुखापि फरुसवाचा होतियेवा”ति । तत्थायमधिप्पायो युत्तो सिया, सम्मुखा पयोगे अगारवादीनं बलवभावतो सिया चेतना बलवती, परस्स च तदत्थविजाननं, न तथा परम्मुखा । यथा पन अक्कोसिते मते आळहने कता खमना उपवादान्तरायं निवत्तेति, एवं परम्मुखा पयुत्तापि फरुसवाचा होतियेवाति सक्का जातुन्ति, तस्मा उभयत्थापि फरुसवाचा सम्भवतीति दट्ठब्बं । तथा हि परस्स तदत्थविजाननमज्जत्र तयोव तस्सा सम्भारा अट्ठकथासु वुत्ताति । कुपितचित्तन्ति अक्कोसनाधिप्पायेनेव वुत्तं, न पन मरणाधिप्पायेन । मरणाधिप्पायेन हि सति चित्तकोपे अत्थसिद्धिया, तदभावे च यथारहं पाणातिपातब्यापादाव होन्ति ।

एलं वुच्चति दोसो इलति चित्तं, पुग्गलो वा कम्पति एतेनाति कत्वा । एत्थाति –

“नेलङ्गो सेतपच्छादो, एकारो वत्तती रथो ।

अनीघं पस्स आयन्तं, छिन्नसोतं अबन्धन”न्ति ।। (सं० नि० २.४.३४७; उदा० ६५; पेटको० २५) ।--

इमिस्सा उदानगाथाय । सीलज्जेत्थ निदोसताय “नेल”न्ति वुत्तं । तेनेवाह चित्तो गहपति आयस्मता कामभूथेरेन पुट्ठो संयुत्तागमवरे सळायतनवग्गे “नेलङ्ग”न्ति खो भन्ते सीलानमेतं अधिवचन”न्ति (सं० नि० २.४.३४७) वाचा नाम सदसभावा

तंतदत्थनिबन्धनाति सादुरससदिसत्ता मधुरमेव व्यञ्जनं, अत्थो च तब्भावतोति अत्थमेव सन्धाय **व्यञ्जनमधुरताय, अत्थमधुरताया**’ति च वुत्तं। विसेसनपरनिपातोपि हि लोके दिस्सति “अग्याहितो”तिआदीसु। अपिच अवयवापेक्खने सति “मधुरं व्यञ्जनं यस्सा”तिआदिना वत्तब्बो। **सुखा**ति सुखकरणी, सुखहेतूति वुत्तं होति। **कण्णसूलन्ति** कण्णसङ्कुं। कण्णसद्देन चेत्थ सोतविज्जाणपटिबद्धतदनुवत्तका विज्जाणवीथियो गहिता। वोहारकथा हेसा सुत्तन्तदेसना, तस्सा वण्णना च, तथा चेव वुत्तं “**सकलसरीरे कोपं, पेम**”न्ति च। न हि हृदयवत्थुनिस्सितो कोपो, पेमो च सकलसरीरे वत्तति। एस नयो ईदिसेसु। **सुखेन चित्तं पविसति** यथावुत्तकारणद्वयेनाति अत्थो, अलुत्तसमासो चेस यथा “अमतङ्गतो”ति। **पुरे**ति गुणपारिपुरे, तेनाह “**गुणपरिपुण्णताया**”ति। पुरे संवद्वा **पोरी**, तादिसा नारी वियाति वाचापि **पोरी**ति अत्थमाह “**पुरे**”तिआदिना। **सुकुमारा**ति सुतरुणा। उपमेय्यपक्खे पन अफरुसताय मुदुकभावो एव सुकुमारता। **पुरस्ता**ति एत्थ **पुर**-सद्दो तन्निवासीवाचको सहचरणवसेन “**गामो आगतो**”तिआदीसु विय, तेनेवाह “**नगरवासीन**”न्ति। **एसा**ति तंसम्बन्धीनिहेसा वाचा। **एवरूपी कथा**ति अत्थत्तयेन पकासिता कथा। **कन्ता**ति कामिता तुड्डा यथा “**पक्कन्तो**”ति, मान-सद्दस्स वा अन्तव्यप्यदेसो, कामियमानाति अत्थो। यथा “**अनापत्ति असमनुभासन्तस्सा**”ति (पारा० ४१६, ४३०, ४४१) **मनं** अप्पेति वट्ठेतीति **मनापा**, तेन वुत्तं “**चित्तवुट्ठिकरा**”ति। तथाकारिनीति अत्थो। अतो **बहुनो जनस्सा**ति इध सम्बन्धे सामिवचनं, न तु पुरिमस्मिं विय कत्तरि।

कामं तेहि वत्तुमिच्छितो अत्थो सम्भवति, सो पन अफलत्ता भासितत्थपरियायेन अत्थोयेव नाम न होतीति आह “**अनत्थविज्जापिका**”ति। अपिच पयोजनत्थाभावतो **अनत्था**, वाचा, तं विज्जापिकातिपि वट्ठति। **अकुसलचेतना सम्फप्पलापो** सम्फं पलपन्ति एतायाति कत्वा। **आसेवनं** भावनं बहुलीकरणं। यं जनं गाहापयितुं पवत्तितो, तेन अगगहिते अप्पसावज्जो, गहिते महासावज्जो। किलेसानं मुदुतिब्बतावसेनापि अप्पसावज्जमहासावज्जता योजेतब्बा। **भारतनामकानं** द्वेभातुकराजूनं **युद्धकथा**, दसगिरियक्खेन **सीताय** नाम देविया **आहरणकथा**, रामरज्जा पच्चाहरणकथा, यथा तं अधुना बाहिरकेहि परिचयिता सक्कटभासाय गण्ठिता रामपुराणभारतपुराणादिकथाति, एवमादिका निरत्थककथा सम्फप्पलापोति वुत्तं “**भारत...पे०... पुरेक्खारता**”ति।

“**कालवादी**”तिआदि सम्फप्पलापा पटिविरतस्स पटिपत्तिसन्दस्सनं यथा “**पाणातिपाता पटिविरतो**”तिआदि (दी० नि० १.८, १९४) पाणातिपातप्पहानस्स पटिपत्तिदस्सनं।

“पाणातिपातं पहाय विहरती”ति हि वुत्ते कथं पाणातिपातप्पहानं होतीति अपेक्खासम्भवतो “पाणातिपाता पटिविरतो होती”ति वुत्तं। सा पन विरति कथन्ति आह “निहितदण्डो निहित सत्थो”ति। तच्च दण्डसत्थनिधानं कथन्ति वुत्तं “लज्जी”तिआदि। एवं उत्तरुत्तरं पुरिमस्स पुरिमस्स उपायसन्दस्सनं। तथा अदिन्नादानादीसुपि यथासम्भवं योजेतब्बं। तेन वुत्तं “कालवादीतिआदि सम्फप्पलापा पटिविरतस्स पटिपत्तिसन्दस्सन”न्ति। अत्थसंहितापि हि वाचा अयुत्तकालपयोगेन अत्थावहा न सियाति अनत्थविज्जापनभावं अनुलोमेति, तस्मा सम्फप्पलापं पजहन्तेन अकालवादिता परिवज्जेतब्बाति दस्सेतुं “कालवादी”ति वुत्तं। काले वदन्तेनापि उभयत्थ असाधनतो अभूतं परिवज्जेतब्बन्ति आह “भूतवादी”ति। भूतञ्च वदन्तेन यं इधलोकपरलोकहितसम्पादनकं, तदेव वत्तब्बन्ति वुत्तं “अत्थवादी”ति। अत्थं वदन्तेनापि न लोकेयधम्मनिस्सितमेव वत्तब्बं, अत्थ खो लोकुत्तरधम्मनिस्सितम्पीति आह “धम्मवादी”ति। यथा च अत्थो लोकुत्तरधम्मनिस्सितो होति, तथा दस्सनत्थं “विनयवादी”ति वुत्तं।

पातिभोक्खसंवरो, सतिआणखन्तिवीरियसंवरोति हि पञ्चन्नं संवरविनयानं तदङ्गप्पहानं, विक्खम्भनसमुच्छेदपटिप्पस्सद्धिनिस्सरणप्पहानन्ति पञ्चन्नं पहानविनयानञ्च वसेन वुच्चमानो अत्थो निब्बानाधिगमहेतुभावतो लोकुत्तरधम्मसन्निस्सितो होति। एवं गुणविसेसयुत्तो च अत्थो वुच्चमानो देसनाकोसल्ले सति सोभति, किच्चकरो च होति, नाञ्जथाति दस्सेतुं “निधानवतिं वाचं भासिता”ति वुत्तं। इदानीं तमेव देसनाकोसल्लं विभावेतुं “कालेना”तिआदिमाह। अज्झासयडुप्पत्तीनं, पुच्छाय च वसेन ओत्तिण्णे देसनाविसये एकंसादिब्याकरणविभागं सल्लक्खेत्वा ठपनाहेतुदाहरणसंसन्दनानि तंतंकालानुरूपं विभावेन्तिया परिमितपरिच्छिन्नरूपाय गम्भीरुदानपहूतत्थवित्थारसङ्गाहिकाय देसनाय परे यथाज्झासयं परमत्थसिद्धियं पतिट्ठापेन्तो “देसनाकुसलो”ति वुच्चतीति एवमेत्थापि अत्थयोजना वेदितब्बा।

वत्तब्बयुत्तकालन्ति वत्तब्बवचनस्स अनुरूपकालं, तत्थ वा पयुज्जितब्बकालं। सभाववसेनेव भूतताति आह “सभावमेवा”ति। अत्थं वदतीति अत्थवादी। अत्थवदनञ्च तन्निस्सितवाचाकथनमेवाति अधिप्पायेन वुत्तं “दिट्ठधम्मिकसम्परायिकत्थसन्निस्सितमेव कत्वा”ति। धम्मवादी”तिआदीसुपि एसेव नयो।

निधेति सन्निधानं करोति एत्थाति निधानं। ठपनोकासो। “ठानवती”ति वुत्ते तस्मिं

ठाने ठपेतुं युत्तातिपि अत्थो सम्भवतीति आह “हृदये”तिआदि। निधानवतीपि वाचा कालयुत्ताव अत्थावहा, तस्मा “कालेना”ति इदं “निधानवति” वाचं भासिता”ति एतस्सापेक्खवचनन्ति दस्सेति “एवरूपि”न्तिआदिना। इच्छितत्थनिब्बत्तनत्थं अपदिसितब्बो, अपदिसीयति वा इच्छितत्थो अनेनाति अपदेसो, उपमा, हेतुदाहरणादिकारणं वा, तेन सह वत्ततीति सापदेसा, वाचा, तेनाह “सज्जमं सकारणन्ति अत्थो”ति। परिच्छेदं दस्सेत्वाति यावता परियोसानं सम्भवति, तावता मरियादं दस्सेत्वा, तेन वुत्तं “यथा...पे०... भासती”ति। सिखमप्पत्ता हि कथा अत्थावहा नाम न होति। अत्थसंहितन्ति एत्थ अत्थ-सद्दो भासितत्थपरियायोति वुत्तं “अनेकेहिपी”तिआदि। भासितत्थो च नाम सद्धानुसारेण अधिगतो सब्बोपि पक्कत्थपच्चयत्थभावत्थादिको, ततोयेव भगवतो वचनं एकगाथापदम्पि सङ्केपविथारादिएकत्तादिनन्दियावत्तादिनयेहि अनेकेहिपि निद्धारणक्खमताय परियादातुमसक्कुणेय्यं अत्थमावहतीति। एवं अत्थसामञ्जसो संवण्णेत्वा इच्छितत्थविसेसतोपि संवण्णेतुं “यं वा”तिआदिमाह। अत्थवादिना वत्तुमिच्छितत्थोयेव हि इध गहितो। ननु सब्बेसम्पि वचनं अत्तना इच्छितत्थसहितंयेव, किमेत्थ वत्तब्बं अत्थीति अन्तोलीनचोदनं परिसोधेति “न अज्ज”न्तिआदिना। अज्जमत्थं पठमं निक्खिपित्वा अननुसन्धिवसेन पच्छा अज्जमत्थं न भासति। यथानिक्खित्तानुसन्धिवसेनेव परियोसापेत्वा कथेतीति अधिप्पायो।

१०. एवं पटिपाटिया सत्तमूलसिक्खापदानि विभजित्वा सतिपि अभिज्झादिप्पहानस्स संवरसीलसङ्गहे उपरिगुणसङ्गहतो, लोकियपुथुज्जनाविसयतो च उत्तरिदेसनाय सङ्गहितुं तं परिहरित्वा पचुरजनपाकटं आचारसीलमेव विभजन्तो भगवा “बीजगामभूतगामसमारम्भा”तिआदिमाहाति पाळियं सम्बन्धो वत्तब्बो। तत्थ विजायन्ति विरुहन्ति एतेहीति बीजानि। पच्चयन्तरसमवाये सदिसफलुप्पत्तिया विसेसकारणभावतो विरुहनसमत्थानं सारफलादीनमेतं अधिवचनं। भवन्ति, अहुवुन्ति चाति भूता, जायन्ति वड्ढन्ति जाता, वड्ढिता चाति अत्थो। वड्ढमानकानं वड्ढित्वा, ठितानञ्च रुक्खगच्छादीनं यथाक्कममधिवचनं। विरुद्धमूलं हि नीलभावं आपज्जन्ता तरुणरुक्खगच्छा जायन्ति वड्ढन्तीति वुच्चन्ति। वड्ढित्वा ठिता महन्ता रुक्खगच्छा जाता वड्ढिताति। गामोति समूहो, सो च सुद्धट्ठकधम्मरासि, बीजानं, भूतानञ्च तथालद्धसमज्जानं अट्ठधम्मानं गामो, तेयेव वा गामोति तथा। अवयवविनिमुत्तस्स हि समुदायस्स अभावतो दुविधेनापि अत्थेन तेयेव तिणरुक्खलतादयो गहन्ति।

अपिच भूमियं पतिट्ठित्वा हरितभावमापन्ना रुक्खगच्छादयो देवता परिगगहन्ति,

तस्मा भूतानं निवासनद्वानताय गामोति भूतगामोतिपि वदन्ति, ते सरूपतो दस्सेतुं “मूलबीज”न्तिआदिमाह। मूलमेव बीजं मूलबीजं। सेसेसुपि अयं नयो। फलुबीजन्ति पब्बबीजं। पच्चयन्तरसमवाये सदिसफलुप्पत्तिया विसेसकारणभावतो विरुहनसमत्थे सारफले निरुळ्हो बीज-सद्दो तदत्थसिद्धिया मूलादीसुपि केसुचि पवत्ततीति मूलादितो निवत्तनत्थं एकेन बीज-सद्देन विसेसेत्वा “बीजबीज”न्ति वुत्तं यथा “रूपंरूपं, दुक्खदुक्ख”न्ति च। नीलतिणरुक्खादिकस्साति अल्लतिणस्स चेव अल्लरुक्खादिकस्स च। आदि-सद्देन ओसधिगच्छलतादयो वेदितब्बा। समारम्भो इध विकोपनं, तच्च छेदनादियेवाति वुत्तं “छेदनभेदनपचनादिभावेना”ति। ननु च रुक्खादयो चित्तरहितताय न जीवा, चित्तरहिता च परिप्फन्दनाभावतो, छिन्ने विरुहनतो, विसदिसजातिकभावतो, चतुर्योनिअपरियापन्नतो च वेदितब्बा। वुद्धि पन पवाळसिलालवणादीनम्मि विज्जतीति न तेसं जीवताभावे कारणं। विसयग्गहणच्च नेसं परिकप्पनामत्तं सुपनं विय चिच्चादीनं, तथा कटुकम्बिलासादिना दोहळादयो। तत्थ कस्मा बीजगामभूतगामसमारम्भा पटिविरति इच्छिताति? समणसारुप्पतो, तन्निस्सितसत्तानुकम्पनतो च। तेनेवाह आळवकानं रुक्खच्छेदनादिवत्थूसु “जीवसज्जिनो हि मोघपुरिसा मनुस्सा रुक्खस्मि”न्तिआदि (पारा० ८९)।

एकं भत्तं एकभत्तं, तमस्स अत्थि एकस्मिं दिवसे एकवारमेव भुज्जनतोति एकभत्तिको। तयिदं एकभत्तं कदा भुज्जितव्वन्ति सन्धाय वुत्तं “पातरासभत्त”न्तिआदि, द्वीसु भत्तेसु पातरासभत्तं सन्धायाहाति अधिप्पायो। पातो असितव्वन्ति पातरासं। सायं असितव्वन्ति सायमासं, तदेव भत्तं तथा। एक-सद्दो चेत्थ मज्झन्हिककालपरिच्छेदभावेन पयुत्तो, न तदन्तो गधवारभावेनाति दस्सेति “तस्मा”तिआदिना।

रत्तिया भोजनं उत्तरपदलोपतो रत्तिसद्देन वुत्तं, तद्धितवसेन वा तथायेवाधिप्पायसम्भवतो, तेनाह “रत्तिया”तिआदि। अरुणुग्गमनतो पड्डाय याव मज्झन्हिका अयं बुद्धादीनं अरियानं आचिण्णसमाचिण्णो भोजनस्स कालो नाम, तदज्जो विकालो। तत्थ दुतियपदेन रत्तिभोजनस्स पटिक्खित्तता अपरन्होव इध विकालोति पारिसेसनयेन ततियपदस्स अत्थं दीपेतुं “अतिक्कन्ते मज्झन्हिके”तिआदि वुत्तं। भावसाधनो चेत्थ भोजन-सद्दो अज्झोहरणत्थवाचकोति दीपेति “याव सूरियत्थझभना भोजन”न्ति इमिना। कस्स पन तदज्झोहरणन्ति? यामकालिकादीनमनुज्जातत्ता, विकालभोजनसद्दस्स च यावकालिकज्झोहरणेयेव निरुळ्हत्ता “यावकालिकस्सा”ति विज्जायति। अयं पनेत्थ अट्टकथावसेसो आचरियानं नयो – भुज्जितव्वद्देन भोजनं, यागुभत्तादि सब्बं

यावकालिकवत्थु। यथा च “रत्तूपरतो”ति एत्थ रत्तिभोजनं रत्तिसद्देन वुच्चति, एवमेत्थ भोजनज्झोहरणं भोजनसद्देन। विकाले भोजनं **विकालभोजनं**, ततो **विकालभोजना**। विकाले यावकालिकवत्थुस्स अज्झोहरणाति अत्थोति। ईदिसा गुणविभूति न बुद्धकालेयेवाति आह “**अनोमानदीतीरे**”तिआदि। अयं पन पाळियं अनुसन्धिक्कमो – एकस्मिं दिवसे एकवारमेव भुञ्जनतो “**एकभत्तिको**”ति वुत्ते रत्तिभोजनोपि सियाति तन्निवारणत्थं “**रत्तूपरतो**”ति वुत्तं। एवं सति सायन्हभोजीपि एकभत्तिको सियाति तदासङ्कानिवत्तनत्थं “**विरतो विकालभोजना**”ति वुत्तन्ति।

सङ्केपतो “सब्बपापस्स अकरण”न्तिआदि (दी० नि० २.९०; ध० प० १८३; नेत्ति० ३०, ५०, ११६, १२४) नयप्पवत्तं भगवतो सासनं सच्छन्दरागप्पवत्तितो नच्चादीनं दस्सनं नानुलोमेतीति आह “**सासनस्स अननुलोमत्ता**”ति। विसुचति सासनं विज्झति अननुलोमिकभावेनाति **विसूकं**, पटिविरुद्धन्ति वुत्तं होति। तत्र उपमं दस्सेति “**पटाणीभूत**”न्ति इमिना, पटाणीसङ्घातं कीलं विय भूतन्ति अत्थो। “**विसूक**”न्ति एतस्स **पटाणीभूत**न्ति अत्थमाहातिपि वदन्ति। अत्तना पयोजियमानं, परेहि पयोजापियमानञ्च नच्चं नच्चभावसामञ्जतो पाळियं एकेनेव नच्चसद्देन सामञ्जनिद्देसनयेन गहितं, एकसेसनयेन वा। तथा गीतवादितसद्देहि गायनगायापनवादनवादापनानीति आह “**नच्चननच्चापनादिवसेना**”ति। सुद्धहेतुताजोतनवसेन हि द्वाधिप्पायिका एते सद्दा। नच्चञ्च गीतञ्च वादितञ्च विसूकदस्सनञ्च **नच्चगीतवादितविसूकदस्सनं**, समाहारवसेनेत्थ एकत्तं। **अड्ढकथायं** पन यथापाठं वाक्यावत्थिकन्तवचनेन सह समुच्चयसमासदस्सनत्थं “**नच्चा चा**”तिआदि वुत्तं। एवं सब्बत्थ ईदिसेसु। (दस्सनविसये मयूरनच्चादिपटिक्खिपनेन नच्चापनविसयेपि पटिक्खिपनं दडुब्बं) “**नच्चादीनि ही**”तिआदिना यथावुत्तत्थसमत्थनं। दस्सनेन चेत्थ सवनम्पि सङ्गहितं विरूपेकसेसनयेन, यथासकं वा विसयस्स आलोचनसभावताय पञ्चत्रं विज्जाणानं सवनकिरियायपि दस्सनसङ्केपसम्भवतो “**दस्सना**” इच्चेव वुत्तं। तेनेवाह “पञ्चहि विज्जाणेहि न किञ्चि धम्मं पटिजानाति अज्जत्र अतिनिपातमत्ता”ति।

“**विसूकभूता दस्सना चा**”ति एतेन अविसूकभूतस्स पन गीतस्स सवनं कदाचि वट्ठतीति दस्सेति। तथा हि वुत्तं परमत्थजोतिकाय **खुट्ठकपाठड्ढकथायं** “धम्मूपसंहितम्पि चेत्थ गीतं न वट्ठति, गीतूपसंहितो पन धम्मो वट्ठती”ति (खु० पा० अड्ढ० पच्छिमपञ्चसिक्खापदवण्णना) कत्थचि पन न-कारविपरियायेन पाठो दिस्सति। उभयत्थापि

च गीतो चे धम्मानुलोमत्थपटिसंयुत्तोपि न वट्टति, धम्मो चे गीतसद्वपटिसंयुत्तोपि वट्टतीति अधिप्पायो वेदितब्बो । “न भिक्खवे, गीतस्सरेन धम्मो गायितब्बो, यो गायेय्य, आपत्ति दुक्कटस्सा”ति (चूळ० व० १४९) हि देसनाय एव पटिक्खेपो, न सवनाय । इमस्स च सिक्खापदस्स विसुं पज्जापनतो विज्जायति “गीतस्सरेन देसितोपि धम्मो न गीतो”ति । यच्च **सक्कपज्जसुत्तवण्णनायं** सेवितब्बासेवितब्बसद्वं निद्धरन्तेन “यं पन अत्थनिसितं धम्मनिसितं कुम्भदासिगीतम्पि सुणन्तस्स पसादो वा उप्पज्जति, निब्बिदा वा सण्ठाति, एवरूपो सद्वो सेवितब्बो”ति (दी० नि० अट्ठ० २.३६५) वुत्तं, तं असमादानसिक्खापदस्स सेवितब्बतामत्तपरियायेन वुत्तं । समादानसिक्खापदस्स हि एवरूपं सुणन्तस्स सिक्खापदसंवरं भिज्जति गीतसद्वभावतोति वेदितब्बं । तथा हि **विनयडुकथासु** वुत्तं “गीतन्ति नटादीनं वा गीतं होतु, अरियानं परिनिब्बानकाले रतनत्तयगुणूपसंहितं साधुकीळनगीतं वा, असंयतभिक्खून् धम्मभाणकगीतं वा, अन्तमसो दन्तगीतम्पि, यं “गायिस्सामा”ति पुब्बभागे ओकूजितं करोन्ति, सब्बमेतं गीतं नामा”ति (पाचि० अट्ठ० ८३५; वि० सङ्ग० अट्ठ० ३४.२५) ।

किञ्चापि **माला**-सद्वो लोके बद्धपुष्पवाचको, सासने पन रुळ्हिया अबद्धपुष्फेसुपि वट्टति, तस्मा यं किञ्चि पुष्पं बद्धमबद्धं वा, तं सब्बं “माला” त्वेव दट्ठव्वन्ति आह “यं किञ्चि पुष्प”न्ति । “यं किञ्चि गन्ध”न्ति चेत्थ वासचुण्णधूपादिकं विलेपनतो अज्जं यं किञ्चि गन्धजातं । वुत्तत्थं विय हि वुच्चमानत्थमन्तरेनापि सद्वो अत्थविसेसवाचको । **छविरागकरणन्ति** विलेपनेन छविया रज्जनत्थं पिसित्वा पटियत्तं यं किञ्चि गन्धचुण्णं । पिळन्धनं धारणं । ऊनट्टानपूरणं **मण्डनं** । गन्धवसेन, छविरागवसेन च सादियनं **विभूसनं** । तदेवत्थं पुगलाधिट्टानेन दीपेति “तत्थ पिळन्धन्तो”तिआदिना । तथा चेव **मज्झिमडुकथायम्पि** (म० नि० अट्ठ० ३.१४७) वुत्तं, परमत्थजोतिकायं पन **खुद्दकपाठडुकथायं** “मालादीसु धारणादीनि यथासङ्ख्यं योजेतब्बानी”ति (खु० पा० अट्ठ० पच्छिमपञ्चसिक्खापदवण्णना) एत्तकमेव वुत्तं । तत्थापि योजेन्तेन यथावुत्तनयेनेव योजेतब्बानि । किं पनेतं कारणन्ति आह “याया”तिआदि । याय दुस्सील्यचेतनाय करोति, सा इध **कारणं** । “ततो पटिविरतो”ति हि उभयत्थ सम्बन्धितब्बं, एतेनेव “माला...पे०... विभूसनानं ठानं, माला...पे०... विभूसनानेव वा ठान”न्ति समासम्पि दस्सेति । तदाकारप्पवत्तो चेतनादिधम्मोयेव हि धारणादिकिरिया । तत्थ च चेतनासम्पयुत्तधम्मानं कारणं सहजातादोपकारकतो, प्रधानतो च । “चेतयित्वा कम्मं करोति कायेन वाचाय मनसा”ति

(अ० नि० २.६.६३) हि वुत्तं। धारणादिभूता एव च चेतना ठानन्ति। ठान-सद्दो पच्चेकं योजेतब्बो द्वन्द्वपदतो सुय्यमानत्ता।

उच्चाति उच्चसद्देन अकारन्तेन समानत्थं आकारन्तं एकं सदन्तरं अच्चुग्गतवाचकन्ति आह “पमाणातिक्कन्त”न्ति। सेति एत्थाति सयनं, मज्जादि। समणसारुप्परहितत्ता, गहद्वेहि च सेट्ठसम्मत्तत्ता अकप्पियपच्चत्थरणं “महासयन”न्ति इधाधिप्पेतन्ति दस्सेतुं “अकप्पियत्थरण”न्ति वुत्तं। निसीदनं पनेत्थ सयनेनेव सङ्गहितन्ति दट्ठब्बं। यस्मा पन आधारे पटिक्खित्ते तदाधारकिरियापि पटिक्खित्ताव होति, तस्मा “उच्चासयनमहासयना” इच्चेव वुत्तं। अत्थतो पन तदुपभोगभूतनिसज्जानिपज्जनेहि विरति दस्सिताति वेदितब्बं। अथ वा “उच्चासयनमहासयना”ति एस निद्देसो एकसेसनयेन यथा “नामरूपपच्चया सळायतन”न्ति (म० नि० ३.१.२६; सं० नि० १.२.१; उदा० १) एतस्मिम्पि विकप्पे आसनपुब्बकत्ता सयनकिरियाय सयनग्गहणेनेव आसनम्पि गहितन्ति वेदितब्बं। किरियावाचकआसनसयनसद्दलेपतो उत्तरपदलोपनिद्देसोतिपि विनयटीकायं (विमति टी० २.१०६) वुत्तं।

जातमेव रूपमस्स न विप्पकारन्ति जातरूपं, सत्थुवण्णं। रज्जीयति सेतवण्णताय, रज्जन्ति वा एत्थ सत्ताति रजतं यथा “नेसं पदक्कन्त”न्ति। “चत्तारो वीहयो गुज्जा, द्वे गुज्जा मासको भवे”ति वुत्तलक्खणेन वीसतिमासको नीलकहापणो वा दुद्रदामकादिको वा तंतंदेसवोहारानुरूपं कतो कहापणो। लोहादीहि कतो लोहमासकादिको। ये वोहारं गच्छन्तीति परियादानवचनं। वोहारन्ति च कयविककयवसेन सब्बोहारं। अज्जेहि गाहापने, उपनिक्खित्तसादियने च पटिग्गहणत्थो लब्भतीति आह “न उग्गण्हापेति न उपनिक्खित्तं सादियती”ति। अथ वा तिविधं पटिग्गहणं कायेन वाचाय मनसा। तत्थ कायेन पटिग्गहणं उग्गहणं। वाचाय पटिग्गहणं उग्गहापनं। मनसा पटिग्गहणं सादियनं। तिविधम्पेतं पटिग्गहणं सामज्जनिद्देसेन, एकसेसनयेन वा गहेत्वा पटिग्गहणाति वुत्तन्ति आह “नेव नं उग्गण्हाती”तिआदि। एस नयो आमकधज्जपटिग्गहणातिआदीसुपि।

नीवारादिउपधज्जस्स सालियादिमूलधज्जन्तो गधत्ता “सत्तविधस्सापी”ति वुत्तं। सट्ठिदिनपरिपाको सुकधज्जविसेसो सालि नाम सलीयते सीलाघतेति कत्वा। दब्बगुणपकासे पन—

“अथ धज्जं तिधा सालि-सट्ठिकवीहिभेदतो ।
 सालयो हेमन्ता तत्र, सट्ठिका गिम्हजा अपि ।
 वीहयो त्वासळहाख्याता, वस्सकालसमुब्भ वा”ति ।।-

वुत्तं । वहति, ब्रूहेति वा सत्तानं जीवितन्ति **वीहि**, सस्सं । युवितब्बो मिस्सितब्बोति **यवो** ।
 सो हि अतिलूखताय अज्जेन मिस्सेत्वा परिभुज्जीयति । गुधति परिवेधति पलिबुद्धतीति
गोधूमो, यं “मिलक्खभोजन”न्तिपि वदन्ति । सोभनत्ता कमनीयभावं गच्छतीति **कहु**,
 अतिसुखुमधज्जविसेसो । वरीयति अतिलूखताय निवारीयति, खुद्दापटिविनयनतो वा
 भजीयतीति **वरको** । कोरं रुधिरं दूसतीति **कुदूसको**, वण्णसङ्क्रमनेन यो “गोवट्ठनो”तिपि
 वुच्चति । तानि सत्तपि सप्पभेदा निधाने पोसने साधुत्तेन “धज्जानी”ति वुच्चन्ति । “**न
 केवलज्जा**”तिआदिना सम्पटिच्छनं, परामसनज्ज इध पटिग्गहणसद्देन वुत्तन्ति दस्सेति ।
 एवमीदिसु । “अनुजानामि भिक्खवे, वसानि भेसज्जानि अछवसं मच्छवसं सुसुकावसं
 सूकरवसं गद्वभवस”न्ति (महा० व० २६२) वुत्तत्ता इदं पञ्चविधमपि भेसज्जं ओदिस्स
 अनुज्जातं नाम । तस्स पन “काले पटिग्गहित”न्ति वुत्तत्ता पटिग्गहणं वट्ठतीति आह
 “**अज्जत्र ओदिस्स अनुज्जाता**”ति । मंस-सद्देन मच्छानमपि मंसं गहितं एवाति दस्सेतुं
 “**आमकमंसमच्छान**”न्ति वुत्तं, तिकोटिपरिसुद्धं मच्छमंसं अनुज्जातं अदिट्ठं, असुतं,
 अपरिसङ्कितन्ति वा पयोगस्स दस्सनतो विरूपेकसेसनयो दस्सितो अनेनाति वेदितब्बं ।

कामं लोकिया -

“अट्ठवस्सा भवे गोरी, दसवस्सा तु कज्जका ।
 सम्पत्ते द्वादसवस्से, कुमारीतिभिधीयते”ति ।।-

वदन्ति । इध पन पुरिसन्तरगतागतवसेन इत्थिकुमारिकाभेदोति आह “**इत्थीति
 पुरिसन्तरगता**”तिआदि । **दासिदासवसेनेवाति** दासिदासवोहारवसेनेव । **एवं वुत्तेति** तादिसेन
 कप्पियवचनेन वुत्ते । विनयट्ठकथासु आगतविनिच्छयं सन्धाय “**विनयवसेना**”ति वुत्तं । सो
कुटिकारसिक्खापदवण्णनादीसु (पारा० अट्ठ० ३६४) गहेतब्बो ।

बीजं खिपन्ति एत्थ, खित्तं वा बीजं तायतीति **खेत्तं**, केदारोति आह “**यस्मिं
 पुब्बण्णं रुहती**”ति । अपरण्णस्स पुब्बे पवत्तमन्नं **पुब्बण्णं** न-कारस्स ण-कारं कत्वा,

सालिआदि। वसन्ति पतिद्वहन्ति अपरण्णानि एत्थाति वत्थूति अत्थं दस्सेति “वत्थु नामा”तिआदिना। पुब्बण्णस्स अपरं पवत्तमन्नं अपरण्णं वुत्तनयेन। एवं अट्ठकथानयानुरूपं अत्थं दस्सेत्वा इदानीं “खेत्तं नाम यत्थ पुब्बण्णं वा अपरण्णं वा जायती”ति (पारा० १०४) वुत्तविनयपाळिनयानुरूपमपि अत्थं दस्सेन्तो “यत्थ वा”तिआदिमाह। तदत्थायाति खेत्तत्थाय। अकत्तभूमिभागोति अपरिसङ्गतो तदुद्देसिको भूमिभागो। “खेत्तवत्थु सीसेना”तिआदिना निदस्सनमत्तमेतन्ति दस्सेति। आदि-सद्देन पोक्खरणीकूपादयो सङ्गहिता।

दूतस्स इदं, दूतेन वा कातुमरहतीति दूतेय्यं। पण्णन्ति लेखसासनं। सासनन्ति मुखसासनं। घरा घरन्ति अज्जस्मा घरा अज्जं घरं। खुद्दकगमनन्ति दूतेय्यगमनतो अप्पतरगमनं, अनद्धानगमनं रस्सगमनन्ति अत्थो। तदुभयेसं अनुयुज्जनं अनुयोगोति आह “तदुभयकरण”न्ति। तस्माति तदुभयकरणस्सेव अनुयोगभावतो।

कयनं कयो, परम्परा गहेत्वा अत्तनो धनस्स दानं। की-सद्दञ्चि दब्बविनिमये पठन्ति विक्कयनं विक्कयो, पठममेव अत्तनो धनस्स परेसं दानन्ति वदन्ति। सारत्थदीपनियादीसु पन “कय”न्ति परभण्डस्स गहणं। विक्कयन्ति अत्तनो भण्डस्स दान”न्ति (सारत्थ टी० २.५९४) वुत्तं। तदेव “कयितञ्च होति परभण्डं अत्तनो हत्थगतं करोन्तेन, विक्कीतञ्च अत्तनो भण्डं परहत्थगतं करोन्तेना”ति (पारा० अट्ठ० ५१५) विनयट्ठकथावचनेन समेति। वज्जनं मायाकरणं, पटिभानकरणवसेन उपायकुसलताय परसन्तकगहणन्ति वुत्तं होति। तुला नाम याय तुलीयति पमीयति, ताय कूटं “तुलाकूट”न्ति वुच्चति। तं पन करोन्तो तुलाय रूपअङ्गगहणाकारपटिच्छन्नसण्ठानवसेन करोतीति चतुब्बिधता वुत्ता। अत्तना गहेतब्बं भण्डं पच्छाभागे, परेसं दातब्बं पुब्बभागे कत्वा मिनेन्तीति आह “गण्हन्तो पच्छाभागे”तिआदि। अक्कमति निष्पीळति, पुब्बभागे अक्कमतीति सम्बन्धो। मूले रज्जुन्ति तुलाय मूले योजितं रज्जुं। तथा अग्गे। तन्ति अयचुण्णं।

कनति दिब्बतीति कंसो, सुवण्णरजतादिमया भोजनपानपत्ता। इध पन सोवण्णमये पानपत्तेति आह “सुवण्णपाती”ति। ताय वज्जनन्ति निकतिवसेन वज्जनं। “पतिरूपकं दस्सेत्वा परसन्तकगहणञ्चि निकति, पटिभानकरणवसेन पन उपायकुसलताय वज्जन”न्ति निकतिवज्जनं भेदतो कण्हजातकट्ठकथादीसु (जा० अट्ठ० ४.१०.१९; दी० नि० अट्ठ० १.१०; म० नि० अट्ठ० २.१४९; सं० नि० अट्ठ० ३.५.११६५; अ० नि० अट्ठ०

२.४.१९८ अत्थतो समानं) वुत्तं, इध पन तदुभयमि “वञ्चन”मिच्चेव । “कथ”न्तिआदिना हि पतिरूपकं दस्सेत्वा परसन्तकगहणमेव विभावेति । समग्घतरन्ति तासं पातीनं अञ्जमञ्जं समकं अग्घविसेसं । पासाणेति भूताभूतभावसञ्जाननके पासाणे । घंसनेनेव सुवण्णभावसञ्जापनं सिद्धन्ति “घंसित्वा”त्वेव वुत्तं ।

हृदयन्ति नाळिआदिमिननभाजनानं अब्भन्तरं, तस्मिं भेदो छिद्दकरणं हृदयभेदो । तिलादीनं नाळिआदीहि मिननकाले उस्सापिता सिखायेव सिखा, तस्सा भेदो हापनं सिखाभेदो ।

रज्जुया भेदो विसमकरणं रज्जुभेदो । तानीति सप्पितेलादीनि । अन्तोभाजनेति पठमं निक्खित्तभाजने । उस्सापेत्वाति उग्गमापेत्वा, उद्धं रासिं कत्वाति वुत्तं होति । छिन्दन्तोति अपनेन्तो ।

कत्तब्बकम्मतो उद्धं कोटनं पटिहननं उक्कोटनं । अभूतकारीनं लज्जगहणं, न पन पुन कम्माय उक्कोटनमत्तन्ति आह “अस्सामिके...पे०... गहण”न्ति । उपायेहीति कारणपतिरूपकेहि । तत्राति तस्मिं वञ्चने । “वत्थु”न्ति अवत्वा “एकं वत्थु”न्ति वदन्तो अज्जानिपि अत्थि बहूनीति दस्सेति । अज्जानिपि हि ससवत्थुआदीनि तत्थ तत्थ वुत्तानि । भिगन्ति महन्तं भिगं । तेन हीति भिगगहणे उय्योजनं, येन वा कारणेन “भिगं मे देही”ति आह, तेन कारणेनाति अत्थो । हि-सद्दो निपातमत्तं । योगवसेनाति विज्जाजप्पनादिपयोगवसेन । मायावसेनाति मन्तजप्पनं विना अभूतस्सापि भूताकारसञ्जापनाय चक्खुमोहनमायाय वसेन । याय हि अमणिआदयोपि मणिआदिआकारेन दिस्सन्ति । पामङ्गो नाम कुलाचारयुत्तो आभरणविसेसो, यं लोके “यज्जोपवित्त”न्ति वदन्ति । वक्कलित्थेरापदानेपि वुत्तं –

“पस्सथेतं माणवकं, पीतमट्ठनिवासनं ।

हेमयज्जोपवित्तङ्गं, जननेत्तमनोहर”न्ति ।। (अप० २.५४.४०) ।

तदट्ठकथायमि “पीतमट्ठनिवासनन्ति सिलिद्धसुवण्णवण्णवत्थे निवत्थन्ति अत्थो । हेमयज्जोपवित्तङ्गन्ति सुवण्णपामङ्गलगितगत्तन्ति अत्थो”ति (अप० अट्ठ० २.५४.४०) सवनं सठनं सावि, अनुजुक्ता, तेनाह “कुटिलयोगो”ति, जिम्हतायोगोति अत्थो ।

“एतेसंयेवा”तिआदिना तुल्याधिकरणतं दस्सेति । “तस्मा”तिआदि लद्धगुणदस्सनं । ये पन चतुन्नम्पि पदानं भिन्नाधिकरणतं वदन्ति, तेसं वादमाह “केची”तिआदिना । तत्थ “केची”ति सारसमासकारका आचरिया, उत्तरविहारवासिनो च, तेसं तं न युत्तं वञ्चनेन सङ्गहितस्सेव पुन गहितत्ताति दस्सेति “तं पना”तिआदिना ।

मारणन्ति मुट्ठिपहारकसाताळनादीहि हिंसनं विहेठनं सन्धाय वुत्तं, न तु पाणातिपातं । विहेठनत्थेपि हि वध-सद्दो दिस्सति “अत्तानं वधित्वा वधित्वा रोदेय्या”तिआदीसु (पाचि० ८८०) मारण-सद्दोपि इध विहेठनेयेव वत्ततीति दट्ठब्बो । केचि पन “पुब्बे पाणातिपातं पहाया”तिआदीसु सयंकारो, इध परंकारो”ति वदन्ति, तं न सक्का तथा वत्तुं “कायवचीपयोगसमुट्ठापिका चेतना, छ पयोगा”ति च वुत्तत्ता । यथा हि अप्पटिग्गाहभावसामञ्जेपि सति पब्बजित्तेहि अप्पटिग्गहितब्बवत्थुविसेसभावसन्दस्सनत्थं इत्थिकुमारिदासिदासादयो विभागेन वुत्ता । यथा च परसन्तकस्स हरणभावतो अदिन्नादानभावसामञ्जेपि सति तुलकूटादयो अदिन्नादानविसेसभावसन्दस्सनत्थं विभागेन वुत्ता, न एवं पाणातिपातपरियायस्स वधस्स पुन गहणे पयोजनं अत्थि तथाविभजितब्बस्साभावतो, तस्मा यथावुत्तोयेवत्थो सुन्दरतरोति ।

विपरामोसोति विसेसेन समन्ततो भुसं मोसापनं मुखनकरणं, थेननं वा । थेय्यं चोरिका मोसोति हि परियायो । सो कारणवसेन दुविधोति आह “हिमविपरामोसो”तिआदि । मुसन्तीति चोरेन्ति, मोसेन्ति वा मुखनं करोन्ति, मोसेत्वा तेसं सन्तकं गणहन्तीति वुत्तं होति । यन्ति च तस्सा किरियाय परामसनं । मग्गप्पटिपन्नं जनन्ति परपक्खेपि अधिकारो । आलोपनं विलुम्पनं आलोपो । सहसा करणं सहसाकारो । सहसा पवत्तिता साहसिका, साव किरिया तथा ।

एत्तावताति “पाणातिपातं पहाया”तिआदिना “सहसाकारा पटिविरतो”ति परियोसानेन एतप्परिमाणेन पाठेन । अन्तरभेदं अगगहेत्वा पाळियं यथारुतमागतवसेनेव छब्बीसतिसिक्खापदसङ्गहमेतं सीलं येभुय्येन सिक्खापदानमविभत्तत्ता चूळसीलं नामाति अत्थो । देसनावसेन हि इध चूळमज्झिमादिभावो वेदितब्बो, न धम्मवसेन । तथा हि इधसङ्घितेन उट्ठिद्धानं सिक्खापदानं अविभत्तानं विभजनवसेन मज्झिमसीलदेसना पवत्ता, तेनेवाह “मज्झिमसीलं वित्थारेन्तो”ति ।

चूळसीलवण्णना निट्ठिता ।

मज्झिमसीलवण्णना

११. “यथा वा पनेके भोन्तो”तिआदिदेसनाय सम्बन्धमाह “इदानी”तिआदिना । तत्थायमडुकथामुत्तको नयो – यथाति ओपम्मत्थे निपातो । वाति विकप्पनत्थे, तेन इममत्थं विकप्पेति “उस्साहं कत्वा मम वण्णं वदमानोपि पुथुज्जनो पाणातिपातं पहाय पाणातिपाता पटिविरतो”तिआदिना परानुद्देसिकनयेन वा सब्बथापि आचारसीलमत्तमेव वदेय्य, न तदुत्तरिं । “यथापनेके भोन्तो समणब्राह्मणभावं पटिजानमाना, परेहि च तथा सम्भाविमाना तदनुरूपपटिपत्तिं अजाननतो, असमत्थनतो च न अभिसम्भुणन्ति, न एवमयं । अयं पन समणो गोतमो सब्बथापि समणसारूपपटिपत्तिं पूरेसियेवा”ति एवं अज्जुद्देसिकनयेन वा सब्बथापि आचारसीलमत्तमेव वदेय्य, न तदुत्तरिन्ति । पनाति वचनालङ्कारे विकप्पनत्थेनेव उपन्यासादिअत्थस्स सिज्जनतो । एकेति अज्जे । “एकच्चे”तिपि वदन्ति । भोन्तोति साधूनं पियसमुदाहारो । साधवो हि परे “भोन्तो”ति वा “देवानं पिया”ति वा “आयस्मन्तो”ति वा समालपन्ति । समणब्राह्मणाति यं किञ्चि पब्बज्जं उपगतताय समणा । जातिमत्तेन च ब्राह्मणाति ।

सद्वा नाम इध चतुब्बिधेषु ठानेसूति आह “कम्मज्वा”तिआदि । कम्मकम्मफलसम्बन्धेनेव इधलोकपरलोकसद्दहनं दट्ठब्बं “एत्थ कम्मं विपच्चति, कम्मफलज्ज अनुभवितब्ब”न्ति । तदत्थं व्यतिरेकतो जापेति “अयं मे”तिआदिना । पटिकरिस्सतीति पच्चुपकारं करिस्सति । तदेव समत्थेतुं “एवंदिज्जानि ही”तिआदिमाह । देसनासीसमत्तं पधानं कत्वा निदस्सनतो । तेन चतुब्बिधम्मि पच्चयं निदस्सेतीति वुत्तं “अत्थतो पना”तिआदि ।

“सेय्यथिद”न्ति अयं सद्दो “सो कतमो”ति अत्थे एको निपातो, निपातसमुदायो वा, तेन च बीजगामभूतगामसमारम्भपदे सद्दक्कमेन अप्पधानभूतोपि बीजगामभूतगामो विभज्जितब्बट्ठाने पधानभूतो विय पटिनिहिसीयति । अज्जो हि सद्दक्कमो अज्जो अत्थक्कमोति आह “कतमो सो बीजगामभूतगामो”ति । तस्मिज्हि विभत्ते तब्बिसयसमारम्भोपि विभत्तोव होति । इममत्थज्हि दस्सेतुं “यस्स समारम्भं अनुयुत्ता विहरन्ती”ति वुत्तं । तेनेव च पाळियं “मूलबीज”न्तिआदिना सो निहिट्ठोति । मूलमेव बीजं मूलबीजं, मूलं बीजं एतस्सातिपि मूलबीजन्ति इध द्विधा अत्थो । सेसपदेसुपि एसेव नयो । अतो न चोदेतब्बमेतं “कस्मा पनेत्थ बीजगामभूतगामं पुच्छित्वा बीजगामो एव विभत्तो”ति । तत्थ हि पठमेन अत्थेन बीजगामो निहिट्ठो, दुत्तियेन भूतगामो, दुविधोपेस

सामञ्जनिद्देसेन वा मूलबीजञ्च मूलबीजञ्च मूलबीजन्ति एकसेसनयेन वा निदिद्घोति वेदितब्बो, तेनेव वक्खति “सब्बज्जेत”न्तिआदिं। अतीव विसति भेसज्जपयोगेसूति अतिविसं, अतिविता वा, या “महोसध”न्तिपि वुच्चति कच्छकोति काळकच्छको, यं “पिलक्खो”तिपि वदन्ति। कपित्थनोति अम्बिलङ्कुरफलो सेतरुक्खो। सो हि कम्पति चलतीति कपित्थनो थनपच्चयेन, कपीति वा मक्कटो, तस्स थनसदिसं फलं यस्साति कपित्थनो। “कपित्थनोति पिप्पलिरुक्खो”ति (विसुद्धि० टी० १.१०८) हि विसुद्धिमग्गटीकायं वुत्तं। फलुबीजं नाम पब्बबीजं। अज्जकन्ति सेतपण्णासं। फणिज्जकन्ति समीरणं। हिरिवेरन्ति वारं। पच्चयन्तरसमवाये सदिसफलुप्पत्तिया विसेसकारणभावतो विरुहनसमत्थे सारफले निरुळ्हो बीजसद्दोति दस्सेति “विरुहनसमत्थमेवा”ति इमिना। इतरज्झि अबीजसङ्ख्यं गतं, तज्ज खो रुक्खतो वियोजितमेव। अवियोजितं पन तथा वा होतु, अज्जथा वा “भूतगामो”त्वेव वुच्चति यथावुत्तेन दुतियट्ठेन। विनया (पाचि० ९१) नुरुपतो तेसं विसेसं दस्सेति “तथा”तिआदिना। यमेत्थ वत्तब्बं, तं हेट्ठा वुत्तमेव।

१२. सन्निधानं सन्निधि, ताय करीयतेति सन्निधिकारो, अन्नपानादि। एवं कार-सदस्स कम्मत्थतं सन्धाय “सन्निधिकारपरिभोग”न्ति वुत्तं। अयमपरो नयो— यथा “आचयं गामिनो”ति वत्तब्बे अनुनासिकलोपेन “आचयगामिनो”ति (ध० स० १०) निद्देसो कतो, एवमिधापि “सन्निधिकारं परिभोग”न्ति वत्तब्बे अनुनासिकलोपेन “सन्निधिकारपरिभोग”न्ति वुत्तं, सन्निधिं कत्वा परिभोगन्ति अत्थो। विनयवसेनाति विनयागताचारवसेन। विनयागताचारो हि उत्तरलोपेन “विनयो”ति वुत्तो, कायवाचानं वा विनयनं विनयो। सुत्तन्तनयपटिपत्तिया विसुं गहितत्ता विनयाचारोयेव इध लब्धति। सम्मा किलेसे लिखतीति सल्लेखोति च विनयाचारस्स विसुं गहितत्ता सुत्तन्तनयपटिपत्ति एव। पटिगगहितन्ति कायेन वा कायपटिबद्धेन वा पटिगगहितं। अपरज्जूति अपरस्मिं दिवसे। दत्त्वाति परिवत्तनवसेन दत्त्वा। ठपापेत्त्वाति च अत्तनो सन्तककरणेन ठपापेत्त्वा। तेसम्पि सन्तकं विस्सासग्गाहादिवसेन परिभुज्जितुं वट्ठति। सुत्तन्तनयवसेन सल्लेखो एव न होति।

यानि च तेसं अनुलोमानीति एत्थ सानुलोमधज्जरसं, मधुकपुप्फरसं, पक्कडाकरसज्ज ठपेत्त्वा अवसेसा सब्बेपि फलपुप्फपत्तरसा अनुलोमपानानीति दट्ठब्बं, यथापरिच्छेदकालं अनधिद्धितं अविकम्पितन्ति अत्थो।

सन्निधीयतेति सन्निधि, वत्थमेव। परियायति कप्पीयतीति परियायो,

कप्पियवाचानुसारेण पटिपत्ति, तस्स कथाति परियायकथा। तब्बिपरीतो निष्परियायो, कप्पियम्पि अनुपग्गम्म सन्तुड्ढिवसेन पटिपत्ति, परियाय-सद्दो वा कारणे, तस्मा कप्पियकारणवसेन वुत्ता कथा परियायकथा। तदपि अवत्वा सन्तुड्ढिवसेन वुत्ता निष्परियायो। “सचे”तिआदि अज्जस्स दानाकारदस्सनं। पाळिया उद्दिसनं उद्देसो। अत्थस्स पुच्छा परिपुच्छनं। “अदातुं न वट्ठी”ति इमिना अदाने सल्लेखकोपनं दस्सेति। अप्पहोन्तेति कातुं अप्पहोने सति। पच्चासायाति चीवरपटिलाभासाय। अनुज्जातकालेति अनत्थते कथिने एको पच्छिमकत्तिकमासो, अत्थते कथिने पच्छिमकत्तिकमासेन सह हेमन्तिका चत्तारो मासा, पिट्टिसमये यो कोचि एको मासोति एवं ततियकथिनसिक्खपदादीसु अनुज्जातसमये। सुत्तन्ति चीवरसिब्बनसुत्तं। विनयकम्मं कत्वाति मूलचीवरं परिक्खारचोळं अधिड्ढित्वा पच्चासाचीवरमेव मूलचीवरं कत्वा ठपेतब्बं, तं पुन मासपरिहारं लभति, एतेन उपायेन याव इच्छति, ताव अज्जमज्जं मूलचीवरं कत्वा ठपेतुं लब्भतीति वुत्तनयेन, विकप्पनावसेन वा विनयकम्मं कत्वा। कस्मा न वट्ठीतीति आह “सन्निधि च होति सल्लेखज्ज कोपेती”ति।

उपरि मण्डपसदिसं पदरच्छन्नं, सब्बपलिगुण्ठिमं वा छादेत्वा कतं वड्ढं। उभोसु पस्सेसु सुवण्णरजतादिमया गोपानसियो दत्वा गरुळपक्खकनयेन कता सन्दमानिता। फलकादिना कतं पीठकयानं सिविका। अन्तोलिकासङ्घाता पटपोटलिका पाटङ्की। “एकभिक्षुस्स ही”तिआदि तदत्थस्स समत्थनं। अरज्जत्थायाति अरज्जगमनत्थाय। धोतपादकत्थायाति धोवितपादानमनुरक्खणत्थाय। संहनितब्बा बन्धितब्बाति सङ्घाटा, उपाहनायेव सङ्घाटा तथा, युगलभूता उपाहनाति अत्थो। अज्जस्स दातब्बाति एत्थ वुत्तनयेन दानं वेदितब्बं।

मज्जेति निदस्सनमत्तं। सब्बेपि हि पीठभिसादयो निसीदनसयनयोग्गा गहेतब्बा तेसुपि तथापटिपज्जितब्बतो।

आबाधपच्चया एव अत्तना परिभुज्जितब्बा गन्धा वट्ठन्तीति दस्सेति “कण्डुकच्छुछविदोसादिआबाधे सती”ति इमिना। “लक्खणे हि सति हेतुत्थोपि कत्थचि सम्भवती”ति हेट्ठा वुत्तोयेव। तत्थ कण्डीति खज्जु। कच्छूति वितच्छिका। छविदोसोति किलासादि। आहरापेत्वाति आतिपवारिततो भिक्षाचारवत्तेन वा न येन केनचि वा आकारेण हरापेत्वा। भेसज्जपच्चयेहि गिलानस्स विज्जत्तिपि वट्ठति। “अनुजानामि

भिक्षुवे, गन्धं गहेत्वा कवाटे पञ्चङ्गुलिकं दातुं, पुष्पं गहेत्वा विहारे एकमन्तं निक्खिपितु'न्ति (चूळव० २६४) वचनतो “द्वारे”तिआदि वुत्तं। **घरधूपनं** विहारवासना, चेतियघरवासना वा। **आदि-सद्देन** चेतियपटिमापूजादीनि सङ्गणहाति।

किलेसेहि आमसितब्बतो **आमिसं**, यं किञ्चि उपभोगारहं वत्थु, तस्मा यथावुत्तानम्पि पसङ्गं निवारेतुं “**वुत्तावसेसं दट्ठब्बं**”न्ति आह, पारिसेसनयतो गहितत्ता वुत्तावसेसं दट्ठब्बन्ति अधिप्पायो। किं पनेतन्ति वुत्तं “**सेव्यधिद**”न्तिआदि। **तथारूपे कालेति** गामं पविसितुं दुक्करादिकाले। **वल्लूरोति** सुखमंसं। **भाजन-सद्दो** सप्पितेलगुलसद्देहि योजेतब्बो तदविनाभावित्ता। **कालस्सेवाति** पगेव। **उदककद्दमेति** उदके च कद्दमे च। निमित्ते चेतं भुम्मं, भावलक्खणे वा। **अच्छथाति** निसीदथ। **भुज्जन्तस्सेवाति** भुज्जतो एव भिक्षुनो, सम्पदानवचनं, अनादरत्थे वा सामिवचनं। किरियन्तरावच्छेदनयोगेन हेत्थ अनादरत्ता। **गीवायामकन्ति** भावनपुंसकवचनं, गीवं आयमेत्वा आयतं कत्वाति अत्थो, यथा वा भुत्ते अतिभुत्तताय गीवा आयमित्तब्बा होति, तथातिपि वट्ठति। **चतुमासम्पीति** वस्सानस्स चत्तारो मासेपि। **कुटुम्बं** वुच्चति धनं, तदस्सत्थीति **कुटुम्बिको**, मुण्डो च सो कुटुम्बिको चाति **मुण्डकुटुम्बिको**, तस्स जीविकं तथा, तं कत्वा जीवतीति अत्थो। नयदस्सनमत्तज्जेतं आमिसपदेन दस्सितानं सन्निधिवत्थूनन्ति दट्ठब्बं।

तब्बिरहितं समणपटिपत्तिं दस्सेन्तो “**भिक्षुनो पना**”तिआदिमाह। तत्थ “**गुलपिण्डो** तालपक्कप्पमाण”न्ति **सारत्थदीपनियं** वुत्तं। **चतुभागमत्तन्ति** कुटुम्बमत्तन्ति वुत्तं। “**एका तण्डुलनाळी**”ति वुत्तत्ता पन तस्सा चतुभागो एकपत्थोति वदन्ति। वुत्तज्ज—

“कुडुवो पसतो एको, पत्थो ते चतुरो सियुं।
आळ्हको चतुरो पत्था, दोणं वा चतुराळ्हक”न्ति॥

कस्माति वुत्तं “**ते ही**”तिआदि। **आहरापेत्वापि ठपेतुं वट्ठति**, पगेव यथालद्धं। “**अफासुककाले**”तिआदिना सुद्धचित्तेन ठपितस्स परिभोगो सल्लेखं न कोपेतीति दस्सेति। सम्मुतिकुटिकादयो चतस्सो, अवासागारभूतेन वा उपोसथागारादिना सह पञ्चकुटियो सन्धाय “**कप्पियकुटिय**”न्तिआदि वुत्तं। **सन्निधि नाम नत्थि** तत्थ अन्तोवुत्थअन्तोपक्कस्स अनुज्जातत्ता। “**तथागतस्सा**”तिआदिना अधिकारानुरूपं अत्थं पयोजेति। **पिलोतिकखण्डन्ति** जिण्णचोळखण्डं।

१३. “गीवं पसारेत्वा”ति एतेन सयमेव आपाथगमने दोसो नत्थीति दस्सेति । एतकम्पीति विनिच्छयविचारणा वत्थुक्तिनम्पि । पयोजनमत्तमेवाति पदत्थयोजनमत्तमेव । यस्स पन पदस्स वित्थारकथं विना न सक्का अत्थो विज्जातुं, तत्थ वित्थारकथापि पदत्थसङ्ग्रहमेव गच्छति ।

कुतूहलवसेन पेक्खितब्बतो पेक्खं, नटसत्थविधिना पयोगो । नटसमूहेन पन जनसमूहे कत्तब्बवसेन “नटसम्मज्ज”न्ति वुत्तं । जनानं सम्मद्दे समूहे कतन्ति हि सम्मज्जं । सारसमासे पन “पेक्खामह”न्तिपि वदन्ति, “सम्मज्जदस्सनुस्सव”न्ति तेसं मते अत्थो । भारतनामकानं द्वेभातुकराजूनं, रामरज्जो च युज्जनादिकं तप्पसुतेहि आचिक्खितब्बतो अक्खानं । गन्तुम्पि न वट्ठति, पगेव तं सोतुं । पाणिना ताळितब्बं सरं पाणिस्सरन्ति आह “कंसताळ”न्ति, लोहमयो तूरियजातिविसेसो कंसो, लोहमयपत्तो वा, तस्स ताळनसद्वन्ति अत्थो । पाणीनं ताळनसरन्ति अत्थं सन्धाय पाणिताळन्तिपि वदन्ति । घनसङ्घातानं तूरियविसेसानं ताळनं घनताळं नाम, दण्डमयसम्मताळं सिलातलाकताळं वा । मन्तेनाति भूताविसनमन्तेन । एकेति सारसमासाचरिया, उत्तरविहारवासिनो च, यथा चेत्य, एवमितो परेसुपि “एके”ति आगतट्ठानेसु । ते किर दीघनिकायस्सत्थविसेसवादिनो । चतुरस्सअम्बणकताळं नाम रुक्खसारदण्डादीसु येन केनचि चतुरस्सअम्बणं कत्वा चतूसु पस्सेसु धम्मेन ओनद्धित्वा वादितभण्डस्स ताळनं । तज्झि एकादसदोणप्पमाणमानविसेससण्ठानत्ता “अम्बणक”न्ति वुच्चति, बिम्बिसकन्तिपि तस्सेव नामं । तथा कुम्भसण्ठानताय कुम्भो, घटोयेव वा, तस्स धुननन्ति खुद्दकभाणका । अब्भोक्किरणं रङ्गबलिकरणं । ते हि नच्चट्ठाने देवतानं बलिकरणं नाम कत्वा कीळन्ति, यं “नन्दी”तिपि वुच्चति । इत्थिपुरिससंयोगादिकिलेसजनकं पटिभानचित्तं सोभनकरणतो सोभनकरं नाम । “सोभनघरक”न्ति सारसमासे वुत्तं । चण्डाय अलन्ति चण्डालं, अयोगुळकीळा । चण्डाला नाम हीनजातिका सुनखमंसभोजिनो, तेसं इदन्ति चण्डालं । साणे उदकेन तेमेत्वा अज्जमज्जं आकोटनकीळा साणधोवनकीळा । वंसेन कतं कीळनं वंसन्ति आह “वेळुं उस्सापेत्वा कीळन”न्ति ।

निखणित्वाति भूमियं निखातं कत्वा । नक्खत्तकालेति नक्खत्तयोगखणकाले । तमत्थं अङ्गुत्तरागमे दसकनिपातपाळिया (अ० नि० १०.१०६) साधेन्तो “वुत्तम्पिचेत”न्तिआदिमाह । तत्थाति तस्मिं अट्ठिधोवने । इन्दजालेनाति अट्ठिधोवनमन्तं परिजप्पेत्वा यथा परे अट्ठीनियेव पस्सन्ति, न मंसादीनि, एवं मंसादीनमन्तरधापनमायाय ।

इन्द्रस्स जालमिव हि पटिच्छादितुं समत्थनतो “इन्द्रजाल”न्ति माया वुच्चति इन्द्रचापादयो विय । अट्ठिधोवनन्ति अट्ठिधोवनकीला ।

हत्थिआदीहि सद्धिं युज्झितुन्ति हत्थिआदीसु अभिरुहित्वा अज्जेहि सद्धिं युज्झनं, हत्थिआदीहि च सद्धिं सयमेव युज्झनं सन्धाय वुत्तं, हत्थिआदीहि सद्धिं अज्जेहि युज्झितुं, सयं वा युज्झितुन्ति हि अत्थो । तेति हत्थिआदयो । अज्जमज्जं मथेन्ति विलोथेन्तीति मल्ला, बाहुयुद्धकारका, तेसं युद्धं । सम्पहारोति सङ्गामो । बलस्स सेनाय अगं गणनकोट्टासं करोन्ति एत्थाति बलगं, “एत्तका हत्थी, एत्तका अस्सा”तिआदिना बलगणनट्ठानं । सेनं वियूहन्ति एत्थ विभजित्वा ठपेन्ति, सेनाय वा एत्थ ब्यूहनं विन्यासोति सेनाब्यूहो, “इतो हत्थी होन्तु, इतो अस्सा होन्तु”तिआदिना युद्धत्थं चतुरङ्गबलाय सेनाय देसविसेसेसु विचारणट्ठानं, तं पन भेदतो सकटब्यूहादिवसेन । आदि-सद्देन चक्कपदुमब्यूहानं दण्डभोगमण्डलासंहतब्यूहानज्ज गहणं, “तयो हत्थी पच्छिमं हत्थानीकं, तयो अस्सा पच्छिमं अस्सानीकं, तयो रथा पच्छिमं रथानीकं, चत्तारो पुरिसा सरहत्था पत्ती पच्छिमं पत्तानीक”न्ति (पाचि० ३२४ उय्योधिकसिक्खापदे) कण्डविद्धसिक्खापदस्स पदभाजनं सन्धाय “तयो...पे०...आदिना नयेन वुत्तस्सा”ति आह । तज्ज खो “द्वादसपुरिसो हत्थी, तिपुरिसो अस्सो, चतुरपुरिसो रथो, चत्तारो पुरिसा सरहत्था पत्ती”ति (पाचि० ३१४ उय्युत्तसेनासिक्खापदे) वुत्तलक्खणतो हत्थिआदिगणनेनाति दट्ठब्बं, एतेन च “छ हत्थिनियो, एको च हत्थी इदमेक”न्ति (महा० व० अट्ठ० २४५) चम्मक्खन्धकवण्णनायं वुत्तमनीकं पटिक्खिपति ।

१४. कारणं नाम फलस्स ठानन्ति वुत्तं “पमादो...पे०... ठान”न्ति । पदानीति सारीआदीनं पतिट्ठानानि । अट्ठापदन्ति सज्जाय दीघता । “अट्ठपद”न्तिपि पठन्ति । दसपदं नाम द्वीहि पन्तीति वीसतिया पदेहि कीळनजूतं । अट्ठपददसपदेसूति अट्ठपददसपदफलकेसु । आकासेयेव कीळनन्ति “अयं सारी असुकपदं मया नीता, अयं असुकपद”न्ति केवलं मुखेनेव वदन्तानं आकासेयेव जूतस्स कीळनं । नानापथमण्डलन्ति अनेकविहितसारीमग्गपरिवट्ठं । परिहरितब्बन्ति सारियो परिहरितुं युत्तकं । इतो चित्तो च सरन्ति परिवत्तन्तीति सारियो, येन केनचि कतानि अक्खबीजानि । तत्थाति तासु सारीसु, तस्मिं वा अपनयनुपनयने । जूतखलिकेति जूतमण्डले । “जूतफलके”तिपि अधुना पाठो । पासकं वुच्चति छसु पस्सेसु एकेकं याव छक्कं दस्सेत्वा कतकीळनकं, तं वट्ठेत्वा

यथालब्धं एककादिवसेन सारियो अपनेन्तो, उपनेन्तो च कीळन्ति, पसति अट्टपदादीसु बाधति, फुसति चाति हि **पासको**, चतुब्बीसतिविधो अक्खो । यं सन्धाय वुत्तं -

“अट्टकं मालिकं वुत्तं, सावट्टञ्च छकं मतं ।

चतुक्कं बहुलं जेय्यं, द्वि बिन्दुसन्तिभद्रकं ।

चतुवीसति आया च, मुनिन्देन पकासिता”ति ।।

तेन कीळनमिध **पासककीळनं** । घटनं पहरणं, तेन कीळा **घटिका**ति आह “**दीघदण्डकेना**”तिआदि । घटेन कुम्भेन कीळा **घटिका**ति एके । **मज्झिङ्गिकाय** वाति मज्झिङ्गिसङ्घातस्स योजनवल्लिरुक्खस्स सारं गहेत्वा पक्ककसावं सन्धाय वदति । **सिथोदकेन** वाति [पिडोदकेन वा (अट्टकथायं)] च पक्कमधुसिथोदकं । **सलाकहत्थन्ति** तालहीरादीनं कलापस्सेतं अधिवचनं । बहूसु सलाकासु विसेसरहितं एकं सलाकं गहेत्वा तासु पक्खिपित्वा पुन तज्जेव उद्धरन्ता सलाकहत्थेन कीळन्तीति केचि । **गुळकीळा**ति गुळफलकीळा, येन केनचि वा कतगुळकीळा । पण्णेन वंसाकारेण कता नाळिका **पण्णनाळिका**, तेनेवाह “**तंथमन्ता**”ति । खुद्दके क-पच्चयोति दस्सेति “**खुद्दकनङ्गल**”न्ति इमिना । हत्थपादानं मोक्खेन मोचनेन चयति परिवत्तति एतायाति **मोक्खचिका**, तेनाह “**आकासे वा**”तिआदि । परिभमनत्तायेव तं चक्कं नामाति दस्सेतुं “**परिभमनचक्क**”न्ति वुत्तं ।

पण्णेन कता नाळि **पण्णनाळि**, इमिना पत्ताळहकपदद्वयस्स यथाक्कमं परियायं दस्सेति । तेन कता पन कीळा **पत्ताळहका**ति वुत्तं “**ताया**”तिआदि । खुद्दको रथो **रथको** क-सद्दस्स खुद्दकत्थवचनतो । एस नयो सेसपदेसुपि । आकासे वा यं आपेति, तस्स पिड्डियं वा यथा वा तथा वा अक्खरं लिखित्वा “**एवमिद**”न्ति जाननेन कीळा **अक्खरिका**, पुच्छन्तस्स मुखागतं अक्खरं गहेत्वा नट्टमुत्तिलाभादिजाननकीळातिपि वदन्ति । **वज्ज**-सद्दो अपराधत्थोति आह “**यथावज्जं नामा**”तिआदि । वादितानुरूपं नच्चनं, गायनं वा यथावज्जन्तिपि वदन्ति । “**एवं कते जयो भविस्सति, एवं कते पराजयो**”ति जयपराजयं पुरक्खत्वा पयोगकरणवसेन परिहारपथादीनम्पि जूतप्पमादङ्गानभावो वेदितब्बो, पङ्गचीरादीहि च वंसादीहि कत्तब्बा किच्चसिद्धि, असिद्धि चाति जयपराजयावहो पयोगो वुत्तो, यथावज्जन्ति च काणादीहि सदिसाकारदस्सनेहि जयपराजयवसेन जूतकीळिकभावेन वुत्तं ।

सब्बेपि हेते जोतेन्ति पकासेन्ति एतेहि तप्पयोगिका जयपराजयवसेन, जवन्ति च गच्छन्ति जयपराजयं एतेहीति वा अत्थेन जूतसद्वचनीयतं नातिवत्तन्ति ।

१५. पमाणातिक्कन्तासनन्ति “अट्ठङ्गुलपादकं कारेतब्बं सुगतङ्गुलेना”ति वुत्तप्पमाणतो अतिक्कन्तासनं । कम्मवसेन पयोजनतो “अनुयुत्ता विहरन्तीति पदं अपेक्खित्वा”ति वुत्तं । वाळरूपानीति आहरिमानि सीहब्यग्घादिवाळरूपानि । वुत्तञ्चि भिक्खुनिविभङ्गे “पल्लङ्को नाम आहरिमेहि वाळेहि कतो”ति (पाचि० ९८४) “अकप्पियरूपाकुलो अकप्पियमञ्चो पल्लङ्को”ति सारसमासे वुत्तं । दीघलोमको महाकोजवोति चतुरङ्गुलाधिकलोमो काळवण्णो महाकोजवो । कुवुच्चति पथवी, तस्सं जवति सोभनवित्थटवसेनाति कोजवो । “चतुरङ्गुलाधिकानि किर तस्स लोमानी”ति वचनतो चतुरङ्गुलतो हेट्ठा वट्ठतीति वदन्ति । उद्दलोमी एकन्तलोमीति विसेसदस्सनमेतं, तस्मा यदि तासु न पविसति, वट्ठतीति गहेतब्बं । वानविचित्तन्ति भित्तिच्छदादिआकारेण वानेन सिब्बनेन विचित्रं । उण्णामयत्थरणन्ति मिगलोमपकतमत्थरणं । सेतत्थरणोति धवलत्थरणो । सीतत्थिकेहि सेवितब्बत्ता सेतत्थरणो, “बहुमुदुलोमको”तिपि वदन्ति । घनपुष्फकोति सब्बथा पुष्फाकारसम्पन्नो । “उण्णामयत्थरणोति उण्णामयो लोहितत्थरणो”ति (सारत्थ टी० २५८) सारत्थदीपनियं वुत्तं । आमलकपत्ताकाराहि पुष्फपन्तीहि येभ्य्यतो कतत्ता आमलकपत्तोतिपि वुच्चति ।

तिण्णं तूलानन्ति रुक्खतूललतातूलपौटकीतूलसङ्घातानं तिण्णं तूलानं । उदितं द्वीसु लोमं दसा यस्साति उद्दलोमी इ-कारस्स अकारं, त-कारस्स लोपं, द्विभावञ्च कत्वा । एकस्मिं अन्ते लोमं दसा यस्साति एकन्तलोमी । उभयत्थ केचीति सारसमासाचरिया, उत्तरविहारवासिनो च । तेसं वादे पन उदितमेकतो उग्गतं लोममयं पुष्फं यस्साति उद्दलोमी वुत्तनयेन । उभतो अन्ततो एकं सदिसं लोममयं पुष्फं यस्साति एकन्तलोमीति वचनत्थो । विनयट्ठकथायं पन “उद्दलोमीति एकतो उग्गतलोमं उण्णामयत्थरणं । ‘उद्दलोमी’तिपि पाठो । एकन्तलोमीति उभतो उग्गतलोमं उण्णामयत्थरण”न्ति (महा० व० अट्ठ० २५४) वुत्तं, नाममत्तमेस विसेसो । अत्थतो पन अग्गहितावसेसो अट्ठकथाद्वयेपि नत्थीति दट्ठब्बो ।

कोसेय्यञ्च कट्टिस्सञ्च कट्टिस्सानि विरूपेकसेसवसेन । तेहि पकतमत्थरणं कट्टिस्सं । एतदेवत्थं दस्सेतुं “कोसेय्यकट्टिस्समयपच्चत्थरण”न्ति वुत्तं, कोसेय्यसुत्तानमन्तरन्तरं सुवण्णमयसुत्तानि पवेसेत्वा वीतमत्थरणन्ति वुत्तं होति । सुवण्णसुत्तं किर “कट्टिस्सं,

कस्सट”न्ति च वदन्ति । तेनेव “कोसेय्यकस्सटमय”न्ति आचरियधम्मपालत्थेरेन (दी० नि० टी० १.१५) वुत्तं । **कट्टिस्सं** नाम वाकविसेसोतिपि वदन्ति । **रतनपरिसिब्बितन्ति** रतनेहि संसिब्बितं, सुवण्णलित्तन्ति केचि । **सुद्धकोसेय्यन्ति** रतनपरिसिब्बनरहितं । **विनयेति** विनयट्ठकथं, विनयपरियायं वा सन्धाय वुत्तं । इध हि सुत्तन्तिकपरियाये “ठपेत्वा तूलिकं सब्बानेव गोनकादीनि रतनपरिसिब्बितानि वट्ठन्ती”ति वुत्तं । विनयपरियायं पन पत्वा गरुके ठातब्बत्ता सुद्धकोसेय्यमेव वट्ठति, नेतरानीति विनिच्छयो वेदितब्बो, सुत्तन्तिकपरियाये पन रतनपरिसिब्बनरहितापि तूलिका न वट्ठति, इतरानि वट्ठन्ति, सचेपि तानि रतनपरिसिब्बितानि, भूमत्थरणवसेन यथानुरूपं मञ्चपीठादीसु च उपनेतुं वट्ठन्तीति । सुत्तन्तदेसनाय गहट्टानम्पि वसेन वुत्तत्ता तेसं सङ्गणहनत्थं “**ठपेत्वा...पे०... न वट्ठन्तीति वुत्त**”न्ति अपरे । **दीघनिकायट्ठकथायन्ति** कथ्यचि पाठो, पोराणदीघनिकायट्ठकथायन्ति अत्थो । **नच्चयोगन्ति** नच्चित्तुं प्होनेकं । करोन्ति एत्थ नच्चन्ति **कुत्तकं**, तं पन उद्दलोमीएकन्तलोमीविसेसमेव । वुत्तञ्च -

“द्विदसेकदसान्युद्द-लोमीएकन्तलोमिनो ।

तदेव सोळसित्थीनं, नच्चयोगगज्झि कुत्तक”न्ति ।।

हत्थिनो पिड्डियं अत्थरं **हत्थत्थरं** । एवं सेसपदेसुपि । **अजिनचम्मेहीति** अजिनमिगचम्मेहि, तानि किर चम्मानि सुखुमतारानि, तस्मा दुपट्ठतिपट्ठानि कत्वा सिब्बन्ति । तेन वुत्तं “अजिनप्पवेणी”ति, उपरूपरि ठपेत्वा सिब्बनवसेन हि सन्ततिभूता “पवेणी”ति वुच्चति । **कदलीमिगोति** मञ्जाराकारमिगो, तस्स धम्मेन कतं पवरपच्चत्थरणं तथा । “**तं किरा**”तिआदि तदाकारदस्सनं, तस्मा सुद्धमेव कदलीमिगचम्मं वट्ठतीति वदन्ति । उत्तरं उपरिभागं छादेतीति **उत्तरच्छदो**, वितानं । तम्पि लोहितमेव इधाधिप्पेतन्ति आह “**रत्तवितानेना**”ति । “यं वत्तति, तं सउत्तरच्छेद”न्ति एत्थ सेसो, संसिब्बितभावेन सद्धिं वत्ततीति अत्थो । रत्तवितानेसु च कासावं वट्ठति, कुसुम्भादिरत्तमेव न वट्ठति, तञ्च खो सब्बरत्तमेव । यं पन नानावण्णं वानचित्तं वा लेपचित्तं वा, तं वट्ठति । पच्चत्थरणस्सेव पधानत्ता तप्पटिबद्धं सेतवितानम्पि न वट्ठतीति वुत्तं । **उभतोति** उभयत्थ मञ्चस्स सीसभागे, पादभागे चाति अत्थो । एत्थापि सउत्तरच्छदे विय विनिच्छयो । **पदुमवण्णं** वाति नातिरत्तं सन्धायाह । **विचित्रं** वाति पन सब्बथा कप्पियत्ता वुत्तं, न पन उभतो उपधानेसु अकप्पियत्ता । न हि **लोहितक**-सद्दो चित्ते वट्ठति । पटलिकगहणेनेव चित्तकस्सापि अत्थरणस्स सङ्गहेतव्बप्पसङ्गतो । **सचे पमाणयुत्तन्ति** वुत्तमेवत्थं ब्यतिरेकतो

समथेतुं आह “महाउपधानं पन पटिक्खित्त”न्ति । महाउपधानन्ति च पमाणातिक्कन्तं उपधानं । सीसप्पमाणमेव हि तस्स पमाणं । वुत्तञ्च “अनुजानामि भिक्खवे, सीसप्पमाणं बिब्बोहनं कातु”न्ति (चूळ० व० २९७) सीसप्पमाणञ्च नाम यस्स वित्थारतो तीसु कण्णेषु द्वित्रं कण्णानं अन्तरं मिनियमानं विदत्थि चेव चतुरङ्गुलञ्च होति । बिब्बोहनस्स मज्झद्वानं तिरियतो मुट्ठिरतनं होति, दीघतो पन दियड्ढरतनं वा द्विरतनं वा । तं पन अकप्पियत्तायेव पटिक्खित्तं, न तु उच्चासयनमहासयनपरियापन्नत्ता । द्वेपीति सीसूपधानं, पादूपधानञ्च । पच्चत्थरणं दत्ताति पच्चत्थरणं कत्वा अत्थरित्वाति अत्थो, इदञ्च गिलानमेव सन्धाय वुत्तं । तेनाह सेनासनक्खन्धकवण्णनायं “अगिलानस्सापि सीसूपधानञ्च पादूपधानञ्चाति द्वयमेव वट्ठति । गिलानस्स बिब्बोहनानि सन्थरित्वा उपरि पच्चत्थरणं कत्वा निपज्जितुम्पि वट्ठती”ति (चूळ० व० अट्ठ० २९७) वुत्तनयेनेवाति विनये भगवता वुत्तनयेनेव । कथं पन वुत्तन्ति आह “वुत्तञ्हेत”न्तिआदि । यथा अट्ठङ्गुलपादकं होति, एवं आसन्दिया पादच्छिन्दनं वेदितब्बं । पल्लङ्कस्स पन आहरिमानि वाळरूपानि आहरित्वा पुन अप्पटिबद्धताकारणम्पि भेदनमेव । विजटेत्वाति जटं निब्बेधेत्वा । बिब्बोहनं कातुन्ति तानि विजटिततूलानि अन्तो पक्खिपित्वा बिब्बोहनं कातुं ।

१६. “मातुकुच्छितो निक्खन्तदारकान”न्ति एतेन अण्डजजलाबुजानमेव गहणं, मातुकुच्छितो निक्खन्तत्ताति च कारणं दस्सेति, तेनेवायमत्थो सिज्झति “अनेकदिवसानि अन्तोसयनहेतु एस गन्धो”ति । उच्छादेन्ति उब्बट्ठेन्ति । सण्ठानसम्पादनत्थन्ति सुसण्ठानतासम्पादनत्थं । परिमहन्तीति समन्ततो मद्दन्ति ।

तेसंयेव दारकानन्ति पुज्जवन्तानमेव दारकानं । तेसमेव हि पकरणानुरूपताय गहणं । महामल्लानन्ति महत्तं बाहुयुद्धकारकानं । आदासो नाम मण्डनकपकतिकानं मनुस्सानं अत्तनो मुखछायापस्सनत्थं कंसलोहादीहि कतो भण्डविसेसो । तादिसं सन्धाय “यं किञ्चि...पे०... न वट्ठती”ति वुत्तं । अलङ्कारजनमेव न भेसज्जज्जनं । मण्डनानुयोगस्स हि अधिपेतत्ता तमिधानधिपेतं । लोके माला-सद्दो बद्धमालायमेव “माला माल्यं पुप्फदामे”ति वचनतो । सासने पन सुद्धपुप्फेसुपि निरुळ्होति आह “अबद्धमाला वा”ति । काळपीळकादीनन्ति काळवण्णपीळकादीनं । मत्तिककक्कन्ति ओसधेहि अभिसङ्गतं योगमत्तिकाचुण्णं । देन्तीति विलेपेन्ति । चलितेति विकारापज्जनवसेन चलनं पत्ते, कुपितेति अत्थो । तेनाति सासपकक्केन । दोसेति काळपीळकादीनं हेतुभूते लोहितदोसे । खादितेति अपनयनवसेन खादिते । सन्निसिन्नेति तादिसे दुट्ठलोहिते परिक्खीणे । मुखचुण्णकेनाति

मुखविलेपनेन । चुण्णेत्तीति विलिम्पेन्ति । तं सब्बन्ति मत्तिकाकक्कसासपतिलहलिद्विकक्क-
दानसङ्घातं मुखचुण्णं, मुखविलेपनञ्च न वड्ढति । अथानुक्कमसम्भवतो हि अयं पदद्वयस्स
वण्णना । मुखचुण्णसङ्घातं मुखविलेपनन्ति वा पदद्वयस्स तुल्याधिकरणवसेन अत्थविभावना ।

हत्थबन्धन्ति हत्थे बन्धितब्बमाभरणं, तं पन सङ्घकपालादयोति आह “हत्थे”तिआदि ।
सङ्घो एव कपालं तथा । “अपरे”तिआदिना यथाक्कमं “सिखाबन्ध”न्तिआदि पदानमत्थं
संवण्णेति । तत्थ सिखन्ति चूळं । चीरकं नाम येन चूळाय थिरकरणत्थं, सोभनत्थञ्च
विज्झति । मुत्ताय, मुत्ता एव वा लता मुत्तालता, मुत्तावळि । दण्डो नाम चतुहत्थोति वुत्तं
“चतुहत्थदण्डं वा”ति । अलङ्कृतदण्डकन्ति पन ततो ओमकं रथयट्ठिआदिकं सन्धायाह ।
भेसज्जनाळिकन्ति भेसज्जतुम्बं । पत्तादिओलम्बनं वामंसेयेव अचिण्णन्ति वुत्तं “वामपस्से
ओलगित”न्ति । कण्णिका नाम कूटं, ताय च रतनेन च परिक्खित्तो कोसो यस्स तथा ।
पञ्चवण्णसुत्तसिब्बितन्ति नीलपीतलोहितोदातमज्जिद्ववसेन पञ्चवण्णेहि सुत्तेहि सिब्बितं
तिविधम्पि छत्तं । रतनमुत्तायामं चतुरङ्गुलवित्थतन्ति तेसं परिचयनियामेन वा नलाटे बन्धितुं
पहोनकप्पमाणेन वा वुत्तं । “केसन्तपरिच्छेदं दस्सेत्वा”ति एतेन तदनज्झोत्थरणवसेन
बन्धनाकारं दस्सेति । मेघमुखेति अब्भन्तरे । “मणि”न्ति इदं सिरोमणिं सन्धाय वुत्तन्ति
आह “चूळामणि”न्ति, चूळायं मणिन्ति अत्थो । चमरस्स अयं चामरो, स्वेव वालो, तेन
कता बीजनी चामरवालबीजनी । अज्जासं पन मकसबीजनीवाकमयबीजनीउसीरमयबीजनी-
मोरपिञ्छमयबीजनीनं, विधूपनतालवण्टानञ्च कप्पियत्ता तस्सायेव गहणं दड्डब्बं ।

१७. दुग्गतितो, संसारतो च निव्याति एतेनाति निव्यानं, सग्गमग्गो, मोक्खमग्गो
च । तं निव्यानमरहति, तस्मिं वा निव्याने नियुत्ता, तं वा निव्यानं फलभूतं एतिस्साति
निव्यानिका, वचीदुच्चरितकिलेसतो निव्यातीति वा निव्यानिका ई-कारस्स रस्सत्तं, य-
कारस्स च क-कारं कत्वा । अनीय-सद्दो हि बहुला कत्वत्थाभिधायको । चेतनाय सद्धिं
सम्फप्पलापविरति इध अधिप्पेता । तप्पटिपक्खतो अनिव्यानिका, सम्फप्पलापो, तस्सा भावो
अनिव्यानिकत्तं, तस्मा अनिव्यानिकत्ता । तिरच्छानभूताति तिरोकरणभूता विबन्धनभूता । सोपि
नामाति एत्थ नाम-सद्दो गरहायं । कम्मद्धानभावेति अनिच्चतापटिसंयुत्तत्ता
चतुसच्चकम्मद्धानभावे । कामस्सादवसेनाति कामसङ्घातअस्सादवसेन । सह अत्थेनाति सात्थकं,
हितपटिसंयुत्तन्ति अत्थो । उपाहनाति यानकथासम्बन्धं सन्धाय वुत्तं । सुद्धु निवेसितब्बोति
सुनिविद्धो । तथा दुग्गिविद्धो । गाम-सद्देन गामवासी जनोपि गहितोति आह
“असुकगामवासिनो”तिआदि ।

सूरकथाति एत्थ सूर-सद्दो वीरवाचकोति दस्सेति “सूरो अहोसी”ति इमिना । विसिखा नाम मग्गसन्निवेशो, इध पन विसिखागहणेन तन्निवासिनोपि गहिता “सब्बो गामो आगतो”तिआदीसु विय, तेनेवाह “सद्दा पसन्ना”तिआदि ।

कुम्भस्स ठानं नाम उदकट्टानन्ति वुत्तं “उदकट्टानकथा”ति । उदकतित्थकथातिपि वुच्चति तत्थेव समवरोधतो । अपिच कुम्भस्स करणट्टानं कुम्भट्टानं । तदपदेसेन पन कुम्भदासियो वुत्ताति दस्सेति “कुम्भदासिकथा वा”ति इमिना । पुब्बे पेता कालङ्कताति पुब्बपेता । “पेतो परेतो कालङ्कतो”ति हि परियायवचनं । हेट्ठा वुत्तनयमतिदिसितुं “तत्था”तिआदि वुत्तं ।

पुरिमपच्छिमकथाहि विमुत्ताति इधागताहि पुरिमाहि, पच्छिमाहि च कथाहि विमुत्ता । नानासभावाति अत्त-सद्दस्स सभावपरियायभावमाह । असुकेन नामाति पजापतिना ब्रह्मना, इस्सरेन वा । उप्पत्तिठितिसम्भारादिवसेन लोकं अक्खायति एतायाति लोकक्खायिका, सा पन लोकायतसमञ्जे वितण्डसत्थे निस्सिता सल्लापकथाति दस्सेति “लोकायतवितण्डसल्लापकथा”ति इमिना । लोका बालजना आयतन्ति एत्थ उस्सहन्ति वादस्सादेनाति लोकायतं, लोको वा हितं न यतति न ईहति तेनाति लोकायतं । तज्झि गन्थं निस्साय सत्ता पुञ्जकिरियाय चित्तम्पि न उप्पादेन्ति । अञ्जमञ्जविरुद्धं, सग्गमोक्खविरुद्धं वा कथं तनोन्ति एत्थाति वितण्डो, विरुद्धेन वा वाददण्डेन ताळेन्ति एत्थ वादिनोति वितण्डो, सब्बत्थ निरुत्तिनयेन पदसिद्धि ।

सागरदेवेन खतोति एत्थ सागररञ्जो पुत्तेहि खतोतिपि वदन्ति । विज्जति पवेदनहेतुभूता मुद्धा यस्साति समुद्दो ध-कारस्स द-कारं कत्वा, सह-सद्दो चेत्थ विज्जमानत्थवाचको “सलोमकोसपक्खको”तिआदीसु विय । भवोति वुद्धि भवति वट्ठतीति कत्वा । विभवोति हानि तब्बिरहतो । द्वन्दतो पुब्बे सुय्यमानो इतिसद्दो पच्चेकं योजेतब्बोति आह “इति भवो इति अभवो”ति । यं वा तं वाति यं किञ्चि, अथ तं अनियमन्ति अत्थो । अभूतज्झि अनियमत्थं सह विकप्पेन यंतं-सद्देहि दीपेन्ति आचरिया । अपिच भवोति सस्सतो । अभवोति उच्छेदो । भवोति वा कामसुखं । अभवोति अत्तकिलमथो ।

इति इमाय छब्बिधाय इतिभवाभवकथाय सद्धिं बात्तिंस तिरच्छानकथा नाम होन्ति ।

अथ वा पाळियं सरूपतो अनागतापि अरञ्जपब्बतनदीदीपकथा इति-सद्देन सङ्गहेत्वा बत्तिंस तिरच्छानकथाति वुच्चन्ति । पाळियज्झि “इति वा”ति एत्थ इति-सद्दो पकारत्थो, वा-सद्दो विकप्पनत्थो । इदं वुत्तं होति “एवंपकारं, इतो अञ्जं वा तादिसं निरत्थककथं अनुयुत्ता विहरन्ती”ति, आदिअत्थो वा इति-सद्दो इति वा इति एवरूपा “नच्चगीतवादितविसूकदस्सना पटिविरतो”तिआदीसु (दी० नि० १.१०, १६४; म० नि० १.२९३, ४११; २.११, ४१८; ३.१४, १०२; अ० नि० ३.१०.९९) विय, इति एवमादिं अञ्जम्पि तादिसं कथमनुयुत्ता विहरन्तीति अत्थो ।

१८. विरुद्धस्स गहणं विग्गहो, सो येसन्ति विग्गाहिका, तेसं तथा, विरुद्धं वा गण्हाति एतायाति विग्गाहिका, सायेव कथा तथा । सारम्भकथाति उपारम्भकथा । सहितन्ति पुब्बापराविरुद्धं । ततोयेव सिलिद्धं । तं पन अत्थकारणयुत्ततायाति दस्सेतुं “अत्थयुत्तं कारणयुत्तन्ति अत्थो”ति वुत्तं । तन्ति वचनं । परिवत्तित्वा ठितं सपत्तगतो असमत्थो योधो विय न किञ्चि जानासि, किन्तु सयमेव पराजेसीति अधिप्पायो । बादो दोसोति परियायवचनं । तथा चर विचराति । तत्थ तत्थाति तस्मिं तस्मिं आचरियकुले । निब्बेधेहीति मया रोपितं वादं विस्सज्जेहि ।

१९. दूतस्स कम्मं दूतेय्यं, तस्स कथा तथा, तस्सं । इध, अमुन्नाति उपयोगत्थे भुम्मवचनं, तेनाह “असुकं नाम ठान”न्ति । वित्थारतो विनिच्छयो विनयट्ठकथायं (पारा० अट्ठ० ४३६-४३७) वुत्तोति सङ्गपतो इध दस्सेतुं “सङ्गपतो पना”तिआदि वुत्तं । गिहिसासनन्ति यथावुत्तविपरीतं सासनं । अञ्जेसन्ति गिहीनञ्जेव ।

२०. तिविधेनाति सामन्तजप्पनइरियापथसन्निस्सितपच्चयपटिसेवनभेदतो तिविधेन । विम्हापयन्तीति “अयमच्छरियपुरिसो”ति अत्तनि परेसं विम्हयं सम्पहंसनं अच्छरियं उप्पादेन्ति । विपुब्बज्झि म्हि-सद्दं सम्पहंसने वदन्ति सद्दविदू । सम्पहंसनाकारो च अच्छरियं । लपन्तीति अत्तानं वा दायकं वा उक्खिपित्वा यथा सो किञ्चि ददाति, एवं उक्काचेत्वा उक्खिपनवसेन दीपेत्वा कथेन्ति । निमित्तं सीलमेतेसन्ति नेमित्तिकाति तद्धितवसेन तस्सीलत्थो यथा “पंसुकूलिको”ति (महा० नि० ५२) अपिच निमित्तेन वदन्ति, निमित्तं वा करोन्तीति नेमित्तिका । निमित्तन्ति च परेसं पच्चयदानसञ्जुप्पादकं कायवचीकम्मं वुच्चति । निप्पेसो निप्पिसनं चुण्णं विय करणं । निप्पिसन्तीति वा निप्पेसा, निप्पेसायेव निप्पेसिका, निप्पिसनं वा निप्पेसो, तं करोन्तीतिपि निप्पेसिका । निप्पेसो च

नाम भटपुरिसो विय लाभसक्कारत्थं अवकोसनखुंसनुप्पण्डनपरपिट्ठिमंसिकता । लाभेन लाभन्ति इतो लाभेन अमुत्र लाभं । निजिगीसन्ति भग्गन्ति परियेसन्तीति परियायवचनं । कुहकादयो सद्वा कुहानादीनि निमित्तं कत्वा तंसमङ्गिपुग्गलेसु पवत्ताति आह “कुहना...पे०... अधिवचन”न्ति । अट्ठकथञ्चाति तंतंपाळिसंवण्णनाभूतं पोरणट्ठकथञ्च ।

मज्झिमसीलवण्णना निट्ठिता ।

महासीलवण्णना

२१. अङ्गानि आरब्ध पवत्तत्ता अङ्गसहचरितं सत्थं “अङ्ग”न्ति वुत्तं उत्तरपदलोपेन वा । निमित्तन्ति एत्थापि एसेव नयो, तेनाह “हत्थपादादीसू”तिआदि । केचि पन “अङ्गन्ति अङ्गविकारं परेसं अङ्गविकारदस्सनेनापि लाभालाभादिविजानन”न्ति वदन्ति । निमित्तसत्थन्ति निमित्तेन सज्जाननप्पकारदीपकं सत्थं, तं वत्थुना विभावेतुं “पण्डुराजा”तिआदिमाह । पण्डुराजाति च “दक्खिणारामाधिपति” इच्चेव वुत्तं । सीहळदीपे दक्खिणारामनामकस्स सङ्घारामस्स कारकोति वदन्ति । “दक्खिणमधुराधिपती”ति च कत्थचि लिखितं, दक्खिणमधुरनगरस्स अधिपतीति अत्थो । मुत्तायोति मुत्तिका । मुट्ठियाति हत्थमुट्ठाय । घरगोलिकायाति सरबुना । सो “मुत्ता”ति सज्जानिमित्तेनाह, सङ्घ्यानिमित्तेन पन “तिस्सो”ति ।

“महन्तान”न्ति एतेन अप्पकं निमित्तमेव, महन्तं पन उप्पादोति निमित्तुप्पादानं विसेसं दस्सेति । उप्पतितन्ति उप्पतनं । सुभासुभफलं पकासेन्तो उप्पज्जति गच्छतीति उप्पादो, उप्पातोपि, सुभासुभसूचिका भूतविकति । सो हि धूमो विय अग्गिस्स कम्मफलस्स पकासनमत्तमेव करोति, न तु तमुप्पादेतीति । इदन्ति इदं नाम फलं । एवन्ति इमिना नाम आकारेन । आदिसन्तीति निद्विसन्ति । पुब्बण्हसमयेति कालवसेन । इदं नामाति वत्थुवसेन वदति । यो वसभं, कुज्जरं, पासादं, पब्बतं वा आरुळ्हमत्तानं सुपिने पस्सति, तस्स “इदं नाम फल”न्तिआदिना हि वत्थुकित्तनं होति । सुपिनकन्ति सुपिनसत्थं । अङ्गसम्पत्तिविपत्तिदस्सनमत्तेन पुब्बे “अङ्ग”न्ति वुत्तं, इध पन महानुभावतादिनिप्फादकलक्खणविसेसदस्सनेन “लक्खण”न्ति अयमेतेसं विसेसो, तेनाह

“इमिना लक्खणेना”तिआदि। लक्खणन्ति हि अङ्गपच्चङ्गेषु दिस्समानाकारविसेसं सत्तिसिरिवच्छगदापासादादिकमधिप्पेतं तं तं फलं लक्खीयति अनेनाति कत्वा, सत्थं पन तप्पकासनतो लक्खणं। आहतेति पुराणे। अनाहतेति नवे। अहतेति पन पाठे वुत्तविपरियायेन अत्थो। इतो पट्टयाति देवरक्खसमनुस्सादिभेदेन यथाफलं परिकप्पितेन विविधवत्थभागे इतो वा एत्तो वा सञ्छिन्ने इदं नाम भोगादिफलं होति। एवरूपेन दारुनाति पलाससिरिफलादिदारुना, तथा दब्बिया। यदि दब्बिहोमादीनिपि अग्गिहोमानेव, अथ कस्मा विसुं वुत्तानीति आह “एवरूपाया”तिआदि। दब्बिहोमादीनि होमोपकरणादिविसेसेहि फलविसेसदस्सनवसेन वुत्तानि, अग्गिहोमं पन वुत्तावसेससाधनवसेन वुत्तन्ति अधिप्पायो। तेनाह “दब्बिहोमादीनी”तिआदि।

कुण्डकोति तण्डुलखण्डं, तिलस्स इदन्ति तेलं, समासतद्धितपदानि पसिद्धेसु सामञ्जभूतानीति विसेसकरणत्थं “तिलतेलादिक”न्ति वुत्तं। पक्खिपनन्ति पक्खिपनत्थं। “पक्खिपनविज्ज”न्तिपि पाठो, पक्खिपनहेतुभूतं विज्जन्ति अत्थो। दक्खिणक्खकजण्णुलोहितादीहीति दक्खिणक्खकलोहितदक्खिणजण्णुलोहितादीहि। “पुब्बे”तिआदिना अङ्गअङ्गविज्जानं विसेसदस्सनेन पुनरुत्तभावमपनेति। अङ्गुलिट्ठिं दिस्वाति अङ्गुलिभूतं, अङ्गुलिया वा जातं अट्ठिं पस्सित्वा, अङ्गुलिच्छविमत्तं अपस्सित्वा तदट्ठिविपस्सनवसेनेव व्याकरोन्तीति वुत्तं होति। “अङ्गुलिट्ठिन्ति सरीर”न्ति (दी० नि० टी० १.२१) पन आचरियधम्मपालत्थेरेन वुत्तं, एवं सति अङ्गपच्चङ्गानं विरुहनभावेन लट्ठिसदिसत्ता सरीरमेव अङ्गलट्ठीति विज्जायति। कुलपुत्तोति जातिकुलपुत्तो, आचारकुलपुत्तो च। दिस्वापीति एत्थ अपि-सद्दो अदिस्वापीति सम्पिण्डनत्थो। अब्भिनी सत्थं अब्भेय्यं। मासुरक्खेन कतो गन्थो मासुरक्खो। राजूहि परिभूतं सत्थं राजसत्थं। सब्बानिपेतानि खत्तविज्जापकरणानि। सिव-सद्दो सन्तिअत्थोति आह “सन्तिकरणविज्जा”ति, उपसगगूपसमनविज्जाति अत्थो। सिवा-सद्दमेव रस्सं कत्वा एवमहाति सन्धाय “सिङ्गालरुतविज्जा”ति वदन्ति, सिङ्गालानं रुते सुभासुभसञ्जाननविज्जाति अत्थो। “भूतवेज्जमन्तोति भूतवसीकरणमन्तो। भूरिघरेति अन्तोपथवियं कतघरे, मत्तिकामयघरे वा। “भूरिविज्जा सस्सबुद्धिकरणविज्जा”ति सारसमासे। सप्पाङ्गायनविज्जाति सप्पागमनविज्जा। विसवन्तमेव वाति विसवमानमेव वा। भावनिद्देसस्स हि मान-सद्दस्स अन्तब्यप्पदेसो। याय करोन्ति, सा विसविज्जाति योजना। “विसतन्त्रमेव वा”तिपि पाठो। एवं सति सरूपदस्सनं होति, विसविचारणगन्थोयेवाति अत्थो। तन्त्रन्ति हि गन्थस्स परसमञ्जा। सपक्खकअपक्खकद्विपदचतुप्पदानन्ति पिङ्गलमक्खिकादिसपक्खकघरगोलिकादिअपक्खकदेवमनुस्सचङ्कोरादिद्विपदककण्टससजम्बुकादि

चतुप्पदानं । रुतं वस्सितं । गतं गमनं, एतेन “सकुणविज्जा”ति इध मिगसदस्स लोपं, निदस्सनमतं वा दस्सेति । सकुणजाणन्ति सकुणवसेन सुभासुभफलस्स जाननं । ननु सकुणविज्जाय एव वायसविज्जापविट्ठाति आह “तं विसुज्जेव सत्थ”न्ति । तंतंपकासकसत्थानुरूपवसेन हि इध तस्स तस्स वचनन्ति दट्ठब्बं ।

परिपक्वगतभावो अत्तभावस्स, जीवितकालस्स च वसेन गहेतब्बोति दस्सेति “इदानी”तिआदिना । आदिद्विज्जानन्ति आदिसितब्बस्स जाणं । सररक्खणन्ति सरतो अत्तानं, अत्ततो वा सरस्स रक्खणं । “सब्बसङ्गाहिक”न्ति इमिना मिग-सदस्स सब्बसकुणचतुप्पदेसु पवत्तिं दस्सेति, एकसेसनहेसो वा एस चतुप्पदेस्वेव मिग-सदस्स निरुळ्हत्ता । सब्बेसम्पि सकुणचतुप्पदानं रुतजाननसत्थस्स मिगचक्कसमज्जा, यथा तं सुभासुभजाननप्पकारे सब्बतो भद्रं चक्कादिसमज्जाति आह “सब्ब...पे०... वुत्त”न्ति ।

२२. “सामिनो”तिआदि पसट्ठापसट्ठकारणवचनं । लक्खणन्ति तेसं लक्खणप्पकासकसत्थं । पारिसेसनयेन अवसेसं आवुधं । “यम्हि कुले”तिआदिना इमस्मिं ठाने तथाजाननहेतु एव सेसं लक्खणन्ति दस्सेति । अयं विसेसोति “लक्खण”न्ति हेट्ठा वुत्ता लक्खणतो विसेसो । तदत्थाविकरणत्थं “इदज्जेत्थ वत्थू”ति वुत्तं अग्गिं धममानन्ति अग्गिं मुखवातेन जालेत्तं । मक्खेसीति विनासेति । पिळ्ळन्थनकण्णिकायाति कण्णालङ्कारस्स । गेहकण्णिकायाति गेहकूटस्स, एतेन एकसेसनयं, सामज्जनिहेसं वा उपेतं । कच्छपलक्खणन्ति कुम्भलक्खणं । सब्बचतुप्पदानन्ति मिग-सदस्स चतुप्पदवाचकत्तमाह ।

२३. असुकदिवसेति दुतियाततियादितिथिवसेन वुत्तं । असुकनक्खत्तेनाति अस्सयुजभरणीकत्तिकारोहणीआदिनक्खत्तयोगवसेन । विप्पवुत्थानन्ति विप्पवसितानं सदेसतो निक्खन्तानं । उपसङ्कमनं उपयानं । अपयानं पटिक्कमनं । दुतियपदेपीति “बाहिरानं रज्जं...पे०... भविस्सती”ति वुत्ते दुतियवाक्येपि । “अब्भन्तरानं रज्जं जयो”तिआदीहि द्वीहि वाक्येहि वुत्ता जयपराजया पाकटायेव ।

२४. राहूति राहु नाम असुरिस्सरो असुरराजा । तथा हि महासमयसुत्ते असुरनिकाये वुत्तं -

“सतञ्च बलिपुत्तानं, सब्बे वेरोचनामका ।
सन्नद्धित्वा बलिसेनं, राहुभद्रमुपागमु”न्ति ।। (दी० नि० २.३३९) ।

तस्स चन्दिमसूरियानं गहणं संयुत्तनिकाये चन्दिमसुत्तसूरियसुत्तेहि दीपेतब्बं । इति-सद्दो चेत्थ आदिअत्थो “चन्दग्गाहादयो”ति वुत्तत्ता, तेन सूरियग्गाहनक्खत्तग्गाहा सङ्गहन्ति । तस्मा चन्दिमसूरियानमिव नक्खत्तानम्पि राहुना गहणं वेदितब्बं । ततो एव हि “अपि चा”तिआदिना नक्खत्तगाहे दुतियनयो वुत्तो । अङ्गारकादिगाहसमायोगोपीति अग्गहितग्गहणेन अङ्गारकससिपुत्तसूरगरुसुक्करविसुत्तेतुसङ्घातानं गाहानं समायोगो अपि नक्खत्तगाहोयेव सह पयोगेन गहणतो । सहपयोगोपि हि वेदसमयेन गहणन्ति वुच्चति । उक्कानं पतनन्ति उक्कोभासानं पतनं । वातसङ्घातेसु हि वेगेन अञ्जमञ्जं सङ्घट्टेन्तेसु दीपिकोभासो विय ओभासो उप्पज्जित्वा आकासतो पतति, तत्रायं उक्कापातवोहारो । जोतिसत्थेपि वुत्तं -

“महासिखा च सुक्खग्गा-रत्तानिलसिखोज्जला ।
पोरिसी च पमाणेन, उक्का नानाविधा मता”ति ।।

दिसाकालुसियन्ति दिसासु खोभनं, तं सरूपतो दस्सेति “अगिसिखधूमसिखादीहि आकुलभावो विया”ति इमिना, अगिसिखधूमसिखादीनं बहुधा पातुभावो एव दिसादाहो नामाति वुत्तं होति । तदेव “धूमकेतू”ति लोकिया वदन्ति । वुत्तञ्च जोतिसत्थे -

“केतु विय सिखावती, जोति उप्पातरूपिनी”ति ।

सुक्खवलाहकगज्जनन्ति वुट्ठिमन्तरेन वायुवेगचलितस्स वलाहकस्स नदनं । यं लोकिया “निघातो”ति वदन्ति । वुत्तञ्च जोतिसत्थे -

“यदान्तलिक्खे बलवा, मारुतो मारुताहतो ।
पतत्यधो स नीघातो, जायते वायुसम्भवो”ति ।।

उदयनन्ति लग्नमायूहनं ।

“यदोदेति तदा लग्नं, रासीनमन्वयं कमा”ति -

हि वुत्तं। अत्थङ्गमनम्पि ततो सत्तमरासिप्पमाणवसेन वेदितब्बं। अब्भा धूमो रजो राहूति इमेहि चतूहि कारणेहि अविसुद्धता। तब्बिनिमुत्तता वोदानं। वुत्तञ्च “चत्तारोमे भिक्खवे, चन्दिमसूरियानं उपक्किलेसा, येहि उपक्किलेसेहि उपक्किलिद्धा चन्दिमसूरिया न तपन्ति न भासन्ति न विरोचन्ति। कतमे चत्तारो? अब्भा भिक्खवे, चन्दिमसूरियानं उपक्किलेसा, येन...पे०... धूमो...पे०... रजो...पे०... राहु भिक्खवे...पे०... इमे खो...पे०... न विरोचन्ती”ति (अ० नि० १.४.५०)।

२५. देवस्साति मेघस्स। धारानुप्पवेच्छनं वस्सनं। अवग्गाहोति धाराय अवग्गहणं दुग्गहणं, तेनाह “वस्सविबन्धो”ति। हत्थमुद्वाति हत्थेन अधिप्पेतविज्जापनं, तं पन अङ्गुलिसङ्कोचनेन गणनायेवाति आचरियधम्मपालत्थेन (दी० नि० टी० १.२१) वुत्तं। आचरियसारिपुत्तत्थेन पन “हत्थमुद्वा नाम अङ्गुलिपब्बेसु सज्जं ठपेत्वा गणना”ति दस्सिता। गणना वुच्चति अच्छिद्दकगणना परिसेसजायेन, सा पन पादसिकमिलक्खकादयो विय “एकं द्वे”तिआदिना नवन्तविधिना निरन्तरगणनाति वेदितब्बा। समूहनं सङ्कलनं विसुं उप्पादनं अपनयनं पटुप्पादनं [सटुप्पादनं (अट्टकथायं)] “सदुप्पादन”न्तिपि पठन्ति, सम्मा उप्पादनन्ति अत्थो। आदि-सदेन वोकलनभागहारादिके सङ्गणहाति। तत्थ वोकलनं विसुं समूहकरणं, वोमिस्सनन्ति अत्थो। भागकरणं भागो। भुज्जनं विभजनं हारो। साति यथावुत्ता पिण्डगणना दिस्वाति एत्थ दिट्ठमत्तेन गणेत्वाति अत्थो गहेतब्बो।

पटिभानकवीति एत्थ अङ्गुत्तरागमे (अ० नि० १.४.२३१) वुत्तानन्ति सेसो, कवीनं कव्यकरणन्ति सम्बन्धो, एतेन कवीहि कतं, कवीनं वा इदं कावेय्यन्ति अत्थं दस्सेति। “अत्तनो चिन्तावसेना”तिआदि तेसं सभावदस्सनं। तथा हि वत्थुं, अनुसन्धिञ्च सयमेव चिरेन चिन्तेत्वा करणवसेन चिन्ताकवि वेदितब्बो। किञ्चि सुत्वा सुतेन असुतं अनुसन्धेत्वा करणवसेन सुतकवि, किञ्चि अत्थं उपधारेत्वा तस्स सङ्घिपनवित्थारणादिवसेन अत्थकवि, यं किञ्चि परेन कतं कब्बं वा नाटकं वा दिस्वा तंसदिसमेव अज्जं अत्तनो ठानुप्पत्तिकपटिभानेन करणवसेन पटिभानकवीति। तन्ति तमत्थं। तप्पटिभागन्ति तेन दिट्ठेन सदिसं। “कत्तब्ब”न्ति एत्थ विसेसनं, “करिस्सामी”ति एत्थ वा भावनपुंसकं। ठानुप्पत्तिकपटिभानवसेनाति कारणानुरूपं पवत्तनकजाणवसेन। जीविकत्थायाति पकरणाधिगतवसेनेव वुत्तं। कवीनं इदन्ति कव्यं, यं “गीत”न्ति वुच्चति।

२६. परिग्गहभावेन दारिकाय गण्हनं आवाहनं। तथा दानं विवाहनं। इध पन

तथाकरणस्स उत्तरपदलोपेन निद्देशो, हेतुगब्भवसेन वा, तेनाह “इमस्स दारकस्सा”तिआदि। इतीति एवंहोन्तेसु, एवंभावतो वा। उद्धानन्ति खेत्तादितो उप्पन्नमायं। इणन्ति धनवद्हनत्थं परस्स दिन्नं परियुदञ्चनं। पुब्बे परिच्छिन्नकाले असम्पत्तेपि उद्धरितमिणं उद्धानं, यथापरिच्छिन्नकाले पन सम्पत्ते इणन्ति केचि, तदयुत्तमेव इणगहणेनेव सिज्जनतो। परेसं दिन्नं इणं वा धनन्ति सम्बन्धो। थावरन्ति चिरद्वितिकं। देसन्तरे दिगुणतिगुणादिगहणवसेन भण्डप्पयोजनं पयोगो। तत्थ वा अज्जत्थ वा यथाकालपरिच्छेदं वड्ढिगहणवसेन पयोजनं उद्धारो। “भण्डमूलरहितानं वाणिजं कत्वा एत्तकेन उदयेन सह मूलं देथा”ति धनदानं पयोगो, तावकालिकदानं उद्धारो”तिपि वदन्ति। अज्ज पयोजितं दिगुणं चतुगुणं होतीति यदि अज्ज पयोजितं भण्डं, एवं अपरज्ज दिगुणं, अज्ज चतुगुणं होतीति अत्थो। सुभस्स, सुभेन वा गमनं पवत्तनं सुभगो, तस्स करणं सुभगकरणं, तं पन पियमनापस्स, सस्सिरीकस्स वा करणमेवाति आह “पियमनापकरण”न्तिआदि। सस्सिरीककरणन्ति सरीरसोभगकरणं। विलीनस्साति पतिट्ठित्वापि परिपक्कमपापुणित्वा विलोपस्स। तथा परिपक्कभावेन अट्ठितस्स। परियायवचनमेतं पदचतुक्कं। भेसज्जदानन्ति गब्भसण्ठापनभेसज्जस्स दानं। तीहि कारणेहीति एत्थ वातेन, पाणकेहि वा गब्भे विनस्सन्ते न पुरिमकम्मुना ओकासो कतो, तप्पच्चया एव कम्मं विपच्चति, सयमेव पन कम्मुना ओकासे कते न एकन्तेन वाता, पाणका वा अपेक्खितब्बाति कम्मस्स विसुं कारणभावो वुत्तोति दट्ठब्बं। विनयड्ठकथायं (वि० अट्ठ० २.१८५) पन वातेन पाणकेहि वा गब्भो विनस्सन्तो कम्मं विना न विनस्सतीति अधिप्पायेन तमज्जात्र द्वीहि कारणेहीति वुत्तं। निब्बापनीयन्ति उपसमकरं। पटिकम्मन्ति यथा ते न खादन्ति, तथा पटिकरणं।

बन्धकरणन्ति यथा जिं चालेतुं न सक्कोति, एवं अनालोळितकरणं। परिवत्तनत्थन्ति आवुधादिना सह उक्खित्तहत्थानं अज्जत्थ परिवत्तनत्थं, अत्तना गोपितट्ठाने अखिपेत्वा परत्थ खिपनत्थन्ति वुत्तं होति। खिपतीति च अज्जत्थ खिपतीति अत्थो। विनिच्छयट्ठानेति अट्ठविनिच्छयट्ठाने। इच्छितत्थस्स देवताय कण्णे कथनवसेन जप्पनं कण्णजप्पनन्ति च वदन्ति। देवतं ओतारेत्वाति एत्थ मन्तजप्पनेन देवताय ओतारणं। जीविकत्थायाति यथा पारिचरियं कत्वा जीवितवुत्ति होति, तथा जीवितवुत्तिकरणत्थाय। आदिच्चपारिचरियाति करमालाहि पूजं कत्वा सकलदिवसं आदिच्चाभिमुखावट्ठानेन आदिच्चस्स परिचरणं। “तथेवा”ति इमिना “जीविकत्थाया”ति पदमाकट्ठति। सिरिद्धायनन्ति ई-कारतो अ-कारलोपेन सन्धिनिद्देशो, तेनाह “सिरिया अद्दायन”न्ति। “सिरेना”ति पन ठानवसेन

अव्हायनाकारं दस्सेति । ये तु अ-कारतो अ-कारस्स लोपं कत्वा “सिरव्हायन”न्ति पठन्ति, तेसं पाठे अयमत्थो “मन्तं जप्पेत्वा सिरसा इच्छितस्स अत्थस्स अव्हायन”न्ति ।

२७. देवद्वानन्ति देवायतनं । उपहारन्ति पूजं । समिद्धिकालेति आयाचितस्स अत्थस्स सिद्धिकाले । सन्तिपटिस्सवक्कम्पन्ति देवतायाचनाय या सन्ति पटिकत्तब्बा, तस्सा पटिस्सवकरणं । सन्तीति चेत्थ मन्तजप्पनेन पूजाकरणं, ताय सन्तिया आयाचनप्पयोगोति अत्थो । तस्मिन्ति यं “सचे मे इदं नाम समिज्झिस्सती”ति वुत्तं, तस्मिं पटिस्सवफलभूते यथाभिपत्थितकम्मस्मिं । तस्साति यो “पणिधी”ति च वुत्तो, तस्स पटिस्सवस्स । यथापटिस्सवज्झि उपहारे कते पणिधिआयाचना कता निव्यातिता होतीति । गहितमन्तस्साति उग्गहितमन्तस्स । पयोगकरणन्ति उपचारकम्मकरणं । इतीति कारणत्थे निपातो, तेन वस्सवोस्स-सद्धानं पुरिसपण्डकेसु पवत्तिं कारणभावेन दस्सेति, पण्डकतो विसेसेन असति भवतीति वस्सो । पुरिसलिङ्गतो विरहेन अवअसति हीलितो हुत्वा भवतीति वोस्सो । विसेसो रागस्सवो यस्साति वस्सो । विगतो रागस्सवो यस्साति वोस्सोति निरुत्तिनयेन पदसिद्धीतिपि वदन्ति । वस्सकरणं तदनु रूपभेसज्जेन । वोस्सकरणं पन उद्धतबीजादिनापि, तेनेव जातकट्टकथायं “वोस्सवराति उद्धतबीजा ओरोधपालका”ति वुत्तं । अच्छन्दिकभावमत्तन्ति इत्थिया अकामभावमत्तं । लिङ्गन्ति पुरिसनिमित्तं ।

वत्थुबलिकम्मकरणन्ति घरवत्थुस्मिं बलिकम्मस्स करणं, तं पन उपद्ववपटिबाहनत्थं, वड्ढनत्थञ्च करोन्ति, मन्तजप्पनेन अत्तनो, अज्जेसज्ज मुखसुद्धिकरणं । तेसन्ति अज्जेसं । योगन्ति भेसज्जपयोगं । वमनन्ति पच्छिन्दनं । उद्धंविरेचनन्ति वमनभेदमेव “उद्धं दोसानं नीहरण”न्ति वुत्तत्ता । विरेचनन्ति पकतिविरेचनमेव । अधोविरेचनन्ति सुद्धवत्थिकसाववत्थिआदिवत्थिकिरिया “अधो दोसानं नीहरण”न्ति वुत्तत्ता । अथो वमनं उगिरणमेव, उद्धंविरेचनं दोसनीहरणं । तथा विरेचनं विरेकोव, अधोविरेचनं दोसनीहरणन्ति अयमेतेसं विसेसो पाकटो होति । दोसानन्ति च पित्तादिदोसानन्ति अत्थो । सेम्हनीहरणादि सिरोविरेचनं । कण्णबन्धनत्थन्ति छिन्नकण्णानं सङ्घटनत्थं । वणहरणत्थन्ति अरुपनयनत्थं । अक्खितप्पनतेलन्ति अक्खीसु उसुमस्स नीहरणतेलं । येन अक्खिम्मि अज्जिते उण्हं उसुमं निक्खमति । यं नासिकाय गण्हीयति, तं नत्थु । पटलानीति अक्खिपटलानि । नीहरणसमत्थन्ति अपनयनसमत्थं । खारज्जनन्ति खारकमज्जनं । सीतमेव सच्चं निरुत्तिनयेन, तस्स कारणं अज्जनं सच्चज्जनन्ति आह “सीतलभेसज्जज्जन”न्ति । सलाकवेज्जकम्मन्ति अक्खिरोगवेज्जकम्मं । सलाकसदिसत्ता सलाकसङ्घातस्स अक्खिरोगस्स

वेज्जकम्मन्ति हि **सालाकियं**। इदं पन वुत्तावसेसस्स अक्खिरोगपटिकम्मस्स सङ्गहणत्थं वुत्तं “तप्पनादयोपि हि सालाकियानेवा”ति। पटिविद्धस्स सालाकस्स निक्खमनत्थं वेज्जकम्मं सालाकवेज्जकम्मन्ति केचि, तं पन सल्लकत्तियपदेनेव सङ्गहितन्ति दट्ठब्बं।

सल्लस्स पटिविद्धस्स कत्तनं उब्बाहनं **सल्लकत्तं**, तदत्थाय वेज्जकम्मं **सल्लकत्तवेज्जकम्मं**। कुमारं भरतीति **कुमारभतो**, तस्स भावो **कोमारभच्चं**, कुमारो एव वा **कोमारो**, भतनं **भच्चं**, तस्स भच्चं तथा, तदभिनिष्फादकं वेज्जकम्मन्ति अत्थो। मूलानि पधानानि रोगूपसमने समत्थानि भेसज्जानि **मूलभेसज्जानि**, मूलानं वा ब्याधीनं भेसज्जानि तथा। मूलानुबन्धवसेन हि दुविधो ब्याधि। तत्र मूलब्याधिम्हि तिकिच्छित्ते येभ्य्येन इतरं वूपसमति, तेनाह “**कायतिकिच्छत्तं दस्सेती**”तिआदि। तत्थ **कायतिकिच्छत्तन्ति** मूलभावतो सरीरभूतेहि भेसज्जेहि, सरीरभूतानं वा रोगानं तिकिच्छकभावं। **खारादीनी**ति खारोदकादीनि। **तदनु रूपे वणे**ति वूपसमितस्स मूलब्याधिनो अनुच्छविके अरुम्हि। **तेसन्ति** मूलभेसज्जानं। **अपनयनं** अपहरणं, तेहि अतिकिच्छन्ति वुत्तं होति। इदञ्च कोमारभच्चसल्लकत्तसालाकियादिविसेसभूतानं तन्तीनं पुब्बे वुत्तत्ता पारिसेसवसेन वुत्तं, तस्मा तदवसेसाय तन्तिया इध सङ्गहो दट्ठब्बो, सब्बानि चेतानि आजीवहेतुकानियेव इधाधिप्पेतानि “**मिच्छाजीवेन जीविकं कप्पेन्ती**”ति (दी० नि० १.२१) वुत्तत्ता। यं पन तत्थ तत्थ पाळियं “**इति वा**”ति वुत्तं। तत्थ **इती**-ति पकारत्थे निपातो, **वा**-ति विकप्पनत्थे। इदं वुत्तं होति – इमिना पकारेन, इतो अज्जेन वाति। तेन यानि इतो बाहिरकपब्बजिता सिप्पायतनविज्जाङ्गानादीनि जीविकोपायभूतानि आजीविकपकता उपजीवन्ति, तेसं परिग्गहो कतोति वेदितब्बं।

महासीलवण्णना निट्ठिता।

पुब्बन्तकप्पिकसस्सतवादवण्णना

२८. इदानीं सुज्जतापकासनवारस्सत्थं वण्णेन्तो अनुसन्धिं पकासेतुं “**एव**”न्तिआदिमाह। तत्थ **वुत्तवण्णस्सा**ति सहत्थे छट्ठिवचनं, सामिअत्थे वा अनुसन्धि-सदस्स भावकम्मवसेन किरियादेसनासु पवत्तनतो। **भिक्खुसङ्गे**न **वुत्तवण्णस्सा**ति “यावज्जिदं तेन

भगवता'तिआदिना वुत्तवण्णस्स । तत्र पाळियं अयं सम्बन्धो – न भिक्खवे, एत्तका एव बुद्धगुणा ये तुम्हाकं पाकटा, अपाकटा पन “अत्थि भिक्खवे, अज्जे धम्मा”ति वित्थारो । “इमे दिट्ठिद्वाना एवं गहिता”तिआदिना सस्सतादिदिट्ठिद्वानानं यथागहिताकारस्स सुज्जभावप्पकासनतो, “तच्च पजाननं न परामसती”ति सीलादीनञ्च अपरामसनीयभावदीपनेन निच्चसारादिविरहप्पकासनतो, यासु वेदनासु अवीतरागताय बाहिरानं एतानि दिट्ठिविबन्धकानि सम्भवन्ति, तासं पच्चयभूतानञ्च सम्मोहादीनं वेदककारकसभावाभावदस्सनमुखेन सब्बधम्मानं अत्तत्तनियताविरहदीपनतो, अनुपादापरिनिब्बानदीपनतो च अयं देसना सुज्जताविभावनप्पधानाति आह “सुज्जतापकासनं आरभी”ति ।

परियत्तीति विनयादिभेदभिन्ना मनसा ववत्थापिता तन्ति । देसनाति तस्सा तन्ति या मनसा ववत्थापिताय विभावना, यथाधम्मं धम्माभिलापभूता वा पज्जापना, अनुलोमादिवसेन वा कथनन्ति परियत्तिदेसनानं विसेसो पुब्बेयेव ववत्थापितोति इममत्थं सन्धाय “देसनाय, परियत्तिय”न्ति च वुत्तं । एवमादीसूति एत्थ आदि-सद्देन सच्चसभावसमाधिपज्जापकतिपुज्जापत्तिजेय्यादयो सङ्गहन्ति । तथा हि अयं धम्म-सद्दे “चतुन्नं भिक्खवे, धम्मानं अननुबोधा”तिआदीसु (अ० नि० १.४.१) सच्चे पवत्तति, “कुसला धम्मा अकुसला धम्मा”तिआदीसु (ध० स० तिकमातिका १) सभावे, “एवंधम्मा ते भगवन्तो अहेसु”न्तिआदीसु (दी० नि० २.१३, १४, १४५; ३.१४२; म० नि० ३.१६७; सं० नि० ३.५.३७८) समाधिम्हि, “सच्चं धम्मो धिति चागो, स वे पेच्च न सोचति”तिआदीसु (सं० नि० १.१.२४६; सु० नि० १९०) पज्जायं, “जातिधम्मानं भिक्खवे, सत्तानं एवं इच्छा उप्पज्जती”तिआदीसु (म० नि० १.१३१; ३.३७३; पटि० म० १.३३) पकतियं, “धम्मो सुचिण्णो सुखमावहाती”तिआदीसु (सु० नि० १८४; थेरगा० ३०३; जा० १.१०.१०२; १५.३८५) पुज्जे, “चत्तारो पाराजिका धम्मा”तिआदीसु (पारा० २३३) आपत्तियं, “सब्बे धम्मा सब्बाकारेन बुद्धस्स भगवतो जाणमुखे आपाथमागच्छन्ती”तिआदीसु (महानि० १५६; चूळनि० ८५; पटि० म० ३.५) जेय्ये पवत्तति । धम्मा होन्तीति सत्तजीवतो सुज्जा धम्ममत्ता होन्तीति अत्थो । किमत्थियं गुणे पवत्तन्ति आह “तस्मा”तिआदि ।

मकसतुण्डसूचियाति सूचिमुखमक्खिकाय तुण्डसङ्घाताय सूचिया । अलब्भनेय्यपतिट्ठो वियाति सम्बन्धो । अज्जत्र तथागताति ठपेत्वा तथागतं । “दुद्दसा”ति पदेनेव तेसं धम्मानं

दुक्खोगाहता पकासिताति “अलब्भनेय्यपतिट्ठा” इच्चेव वुत्तं । लभितब्बाति लब्भनीया, सा एव लब्भनेय्या, लभीयते वा लब्भनं, तमरहतीति लब्भनेय्या, न लब्भनेय्या अलब्भनेय्या, पतिट्ठहन्ति एत्थाति पतिट्ठा, पतिट्ठहनं वा पतिट्ठा, अलब्भनेय्या पतिट्ठा एत्थाति अलब्भनेय्यपतिट्ठा । इदं वुत्तं होति – सचे कोचि अत्तनो पमाणं अजानन्तो जाणेन ते धम्मे ओगाहितुं उस्साहं करेय्य, तस्स तं जाणं अप्पतिट्ठमेव मकसतुण्डसूचि विय महासमुद्देति । ओगाहितुमसक्कुणेय्यताय “एत्तका एते ईदिसा वा”ति ते पस्सितुं न सक्काति वुत्तं “गम्भीरत्ता एव दुइसा”ति । ये पन दडुमेव न सक्का, तेसं ओगाहित्वा अनु अनु बुज्झने कथा एव नत्थीति आह “दुइसत्ता एव दुरनुबोधाति । सब्बकिलेसपरिळाहपटिप्पस्सद्धिसङ्घातअग्गफलमत्थके समुप्पन्नता, पुरेचरानुचरवसेन निब्बुत-सब्बकिलेसपरिळाहसमापत्तिसमोकिण्णत्ता च निब्बुतसब्बपरिळाहा । तब्भावतो सन्ताति अत्थो । सन्तारम्मणानि मग्गफलनिब्बानानि अनुपसन्तसभावानं किलेसानं, सङ्घारानञ्च अभावतो ।

अथ वा कसिणुग्घाटिमाकासतब्बिसयविज्जाणानं अनन्तभावो विय सुसमूहतविकखेपताय निच्चसमाहितस्स मनसिकारस्स वसेन तदारम्मणधम्मानं सन्तभावो वेदितब्बो । अविरज्झित्वा निमित्तपटिवेधो विय इस्सासानं अविरज्झित्वा धम्मानं यथाभूतसभावावबोधो सादुरसो महारसोव होतीति आह “अतित्तिकरणेना”ति, अतप्पनकरणसभावेनाति अत्थो । सोहिच्चं तित्ति तप्पनन्ति हि परियायो । अतित्तिकरणेनाति पत्थेत्वा सादुरसकरणेनातिपि अत्थं वदन्ति । पटिवेधप्पत्तानं तेषु च बुद्धानमेव सब्बाकारेन विसयभावूपगमनतो न तक्कबुद्धिया गोचराति आह “उत्तमजाणविसयत्ता”तिआदि । निपुणाति जेय्येसु तिवक्खप्पवत्तिया छेका । यस्मा पन सो छेकभावो आरम्मणे अप्पटिहत्तवुत्तिताय, सुखुमजेय्यग्गहणसमत्थताय च सुपाकटो होति, तस्मा वुत्तं “सण्हसुखुमसभावत्ता”ति । पण्डितेहिजेवाति अवधारणं समत्थेतुं “बालानं अविसयत्ता”ति आह ।

अयं अट्ठकथानयतो अपरो नयो – विनयपण्णत्तिआदिगम्भीरनेय्यविभावनतो गम्भीरा । कदाचियेव असङ्खयेय्ये महाकप्पे अतिक्कमित्वापि दुल्लभदस्सनताय दुइसा । दस्सनञ्चेत्थ पञ्चाचक्खुवसेनेव वेदितब्बं । धम्मन्वयसङ्घातस्स अनुबोधस्स कस्सचिदेव सम्भवतो दुरनुबोधा । सन्तसभावतो, वेनेय्यानञ्च सब्बगुणसम्पदानं परियोसानत्ता सन्ता । अत्तनो पच्चयेहि पधानभावं नीतताय पणीता । समधिगतसच्चलक्खणताय अतक्केहि पुग्गलेहि, अतक्केन वा जाणेन अवचरितब्बतो अतक्कावचरा । निपुणं, निपुणे वा अत्थे

सच्चपच्चयाकारादिवसेन विभावनतो निपुणा। लोके अग्गपण्डितेन सम्मासम्बुद्धेन वेदितब्बतो पकासितब्बतो पण्डितवेदनीया।

अनावरणजाणपटिलाभतो हि भगवा “सब्बविदूहमस्मि, (म० नि० १.१७८; २.३४२; ध० प० ३५३; महाव० ११) दसबलसमन्नागतो भिक्खवे, तथागतो”तिआदिना (सं० नि० १.२.२१; २.२२) अत्तनो सब्बज्जुतादिगुणे पकासेसि, तेनेवाह “सयं अभिज्जा सच्छिकत्वा पवेदेती”ति। सयं-सद्देन, निद्धारितावधारणेन वा निवत्तेतब्बमत्थं दस्सेतुं “अनज्जनेय्यो हुत्वा”ति वुत्तं, अज्जेहि अबोधितो हुत्वाति अत्थो। अभिज्जाति य-कारलोपो “अज्जाणता आपज्जती”तिआदीसु (परि० २९६) वियाति दस्सेति “अभिविसिट्ठेन जाणेना”ति इमिना। अपिच “सयं अभिज्जा”ति पदस्स अनज्जनेय्यो हुत्वाति अत्थवचनं, “सच्छिकत्वा”ति पदस्स पन सयमेव...पे०... कत्वाति। सयं-सद्दा हि सच्छिकत्वाति एत्थापि सम्बज्जितब्बो। अभिविसिट्ठेन जाणेनाति च तस्स हेतुवचनं, करणवचनं वा।

तत्थ किज्चापि सब्बज्जुतज्जाणं फलनिब्बानानि विय सच्छिकातब्बसभावं न होति, आसवक्खयजाणे पन अधिगते अधिगतमेव होति, तस्मा तस्स पच्चक्खकरणं सच्छिकिरियाति आह “अभिविसिट्ठेन जाणेन पच्चक्खं कत्वा”ति। हेतुअत्थे चेतं करणवचनं, अग्गमग्गजाणसङ्घातस्स अभिविसिट्ठजाणस्साधिगमहेतूति अत्थो। अभिविसिट्ठजाणन्ति वा पच्चवेक्खणाजाणे अधिप्पेते करणत्थे करणवचनम्पि युज्जतेव। पवेदनज्जेत्थ अज्जाविसयानं सच्चादीनं देसनाकिच्चसाधनतो, “एकोम्हि सम्मासम्बुद्धो”तिआदिना (महाव० ११; कथाव० ४०५) पटिजाननतो च वेदितब्बं। गुणधम्मोहीति गुणसङ्घातेहि धम्मोहि। यथाभूतमेव यथाभुच्चं सकत्थे ण्यपच्चयवसेन।

वदमानाति एत्थ सत्तिअत्थो मानसद्दो यथा “एकपुग्गलो भिक्खवे, लोके उप्पज्जमानो उप्पज्जती”ति, (अ० नि० १.१.१७०; कथाव० ४०५) तस्मा वत्तुं उस्साहं करोन्तोति अत्थो। एवंभूता हि वत्तुकामा नाम होन्ति, तेनाह “तथागतस्सा”तिआदि। सावसेसं वदन्तापि विपरीतवदन्ता विय सम्मा वदन्तीति न वत्तब्बाति यथा सम्मा वदन्ति, तथा दस्सेतुं “अहापेत्वा”तिआदि वुत्तं। तेन हि अनवसेसवदनमेव सम्मा वदनन्ति दस्सेति। “वत्तुं सक्कुण्ये”न्ति इमिना च “वदेय्यु”न्ति एतस्स समत्थनत्थभावमाह यथा “सो इमं विजट्ठे जट”न्ति (सं० नि० १.१.२३; पेटको० २२; मि० प० १.१.९) ये एवं भगवता थोमिता, ते धम्मा कतमेति योजना। “अत्थि भिक्खवे, अज्जेव

धम्मा”तिआदिपाळिया “सब्बञ्जुतञ्जाण”न्ति वुत्तवचनस्स विरोधिभावं चोदेन्तो “यदि एव”न्तिआदिमाह । तत्थ यदि एवन्ति एवं “सब्बञ्जुतञ्जाण”न्ति वुत्तवचनं यदि सियाति अत्थो । बहुवचननिहेसोति “अत्थि भिक्खवे”तिआदीनि सन्धाय वुत्तं । अत्थि-सद्दोपि हि इध बहुवचनोयेव “अत्थि खीरा, अत्थि गावो”तिआदीसु विय निपातभावस्सेव इच्छितत्ता । यदिपि तदिदं जाणं एकमेव सभावतो, तथापि सम्पयोगतो, आरम्भणतो च पुथुवचनप्पयोगमरहतीति विस्सज्जेति “पुथुचित्त...पे०... रम्भणतो”ति इमिना । पुथुचित्तसमायोगतोति पुथूहि चित्तेहि सम्पयोगतो । पुथूनि आरम्भणानि एतस्साति पुथुआरम्भणं, तब्भावतो सब्बारम्भणत्ताति वुत्तं होति ।

अपिच पुथु आरम्भणं आरम्भणमेतस्साति पुथुआरम्भणारम्भणन्ति एतस्मिं अत्थे “ओट्टमुखो, कामावचर”न्तिआदीसु विय एकस्स आरम्भणसद्वस्स लोपं कत्वा “पुथुआरम्भणतो”ति वुत्तं, तेनस्स पुथुजाणकिच्चसाधकत्तं दस्सेति । तथा हेतं जाणं तीसु कालेसु अप्पटिहतजाणं, चतुयोनिपरिच्छेदकजाणं, पञ्चगतिपरिच्छेदकजाणं, छसु असाधारणजाणेसु सेसासाधारणजाणानि, सत्तारियपुग्गलविभावनकजाणं, अट्टसु परिसासु अकम्पनजाणं, नवसत्तावासपरिजाननजाणं, दसबलजाणन्ति एवमादीनं अनेकसतसहस्सभेदानं जाणानं यथासम्भवं किच्चं साधेति, तेसं आरम्भणभूतानं अनेकेसम्पि धम्मानं तदारम्भणभावतोति दट्ठब्बं । “तज्जी”तिआदि यथाक्कमं तब्बिवरणं । “यथाहा”तिआदिना पटिसम्भिदामग्गपाळिं साधकभावेन दस्सेति । तत्थाति अतीतधम्मे । एकवारवसेन पुथुआरम्भणभावं निवत्तेत्वा अनेकवारवसेन कमप्पवत्तिया तं दस्सेतुं “पुनप्पुनं उप्पत्तिवसेना”ति वुत्तं । कमेनापि हि सब्बञ्जुतञ्जाणं विसयेसु पवत्तति, न तथा सकियेव । यथा बाहिरका वदन्ति “सकियेव सब्बञ्जू सब्बं जानाति, न कमेना”ति ।

यदि एवं अचिन्तेय्यापरिमेय्यप्पभेदस्स जेय्यस्स परिच्छेदवता एकेन जाणेन निरवसेसतो कथं पटिवेधोति, को वा एवमाह “परिच्छेदवन्तं सब्बञ्जुतञ्जाण”न्ति । अपरिच्छेदज्झि तं जाणं जेय्यमिव । वुत्तज्जेतं “यावतकं जाणं, तावतकं जेय्यं । यावतकं जेय्यं, तावतकं जाण”न्ति (महानि० ६९, १५६; चूलनि० ८५; पटि० म० ३.५ अधिप्पायत्थमेव गहितं विय दिस्सति) एवम्पि जातिभूमिसभावादिवसेन, दिसादेसकालादिवसेन च अनेकभेदभिन्ने जेय्ये कमेन गट्ठमाने अनवसेसपटिवेधो न सम्भवतियेवाति ? नयिदमेवं । यज्झि किञ्चि भगवता जातुमिच्छितं सकलमेकदेसो वा, तत्थ अप्पटिहतचारिताय पच्चक्खतो जाणं पवत्तति । विक्खेपाभावतो च भगवा सब्बकालं

समाहितोति जातुमिच्छितस्स पच्चक्खभावो न सक्का निवारेतुं। वुत्तज्झि “आकङ्खापटिबद्धं बुद्धस्स भगवतो जाण”न्तिआदि, (महानि० ६९, १५६; चूलनि० ८५; पटि० म० ३.५) ननु चेत्थ दूरतो चित्तपटं पस्सन्तानं विय, “सब्बे धम्मा अनत्ता”ति विपस्सन्तानं विय च अनेकधम्मावबोधकाले अनिरूपितरूपेन भगवतो जाणं पवत्ततीति गहेतब्बन्ति ? न गहेतब्बं अचिन्तेय्यानुभावताय बुद्धजाणस्स। तेनेवाह “बुद्धविसयो अचिन्तेय्यो”ति, (अ० नि० १.४.७७) इदं पनेत्थ सन्निट्ठानं – सब्बाकारेन सब्बधम्मावबोधनसमत्थस्स आकङ्खापटिबद्धवुत्तिनो अनावरणजाणस्स पटिलाभेन भगवा सन्तानेन सब्बधम्मपटिवेधसमत्थो अहोसि सब्बनेय्यावरणस्स प्हाणतो, तस्मा सब्बज्जू, न सक्कियेव सब्बधम्मावबोधतो यथासन्तानेन सब्बस्स इन्धनस्स दहनसमत्थताय पावको “सब्बभू”ति वुच्चतीति।

कामज्वायमत्थो पुब्बे विथारितोयेव, पकारन्तरेन पन सोतुजनानुगहकामताय, इमिस्सा च पोरणसंवण्णनाविसोधनवसेन पवत्तत्ता पुन विभावितोति न चेत्थ पुनरुत्तिदोसो परियेसितब्बो, एवमीदिसेसु। एत्थ च किज्चापि भगवतो दसबलादिजाणानिपि अनज्जसाधारणानि, सब्बदेसविसयत्ता पन तेसं जाणानं न तेहि बुद्धगुणा अहापेत्वा गहिता नाम होन्ति। सब्बज्जुतज्जाणस्स पन निप्पदेसविसयत्ता तस्मिं गहिते सब्बेपि बुद्धगुणा गहिता एव नाम होन्ति, तस्मा पाळिअत्थानुसारेण तदेव जाणं गहितन्ति वेदितब्बं। पाळियम्पि हि “येहि तथागतस्स यथाभुच्चं वण्णं सम्मा वदमाना वदेय्यु”न्ति तमेव पकासितं तमन्तरेन अज्जस्स निप्पदेसविसयस्स अभावतो, निप्पदेसविसयेनेव च यथाभुच्चं सम्मा वदनसम्भवतोति।

अज्जेवाति एत्थ एव-सद्दो सन्निट्ठापनत्थोति दस्सेतुं “अज्जेवाति इदं पनेत्थ ववत्थापनवचन”न्ति वुत्तं, ववत्थापनवचनन्ति च सन्निट्ठापनवचनन्ति अत्थो, सन्निट्ठापनज्ज अवधारणमेव। कथन्ति आह “अज्जेवा”तिआदि। “न पाणातिपाता वेरमणिआदयो”ति इमिना अवधारणेन निवत्तितं दस्सेति। अयज्ज एव-सद्दो अनियतदेसताय च-सद्दो विय यत्थ वुत्तो, ततो अज्जत्थापि वचनिच्छावसेन उपतिट्ठतीति आह “गम्भीरावा”तिआदि। इति-सद्देन च आदिअत्थेन दुद्दसाव न सुदसा, दुरनुबोधाव न सुरनुबोधा, सन्ताव न दरथा, पणीताव न हीना, अतक्कावचराव न तक्कावचरा, निपुणाव न लूखा, पण्डितवेदनीयाव न बालवेदनीयाति निवत्तितं दस्सेति। सब्बपदेहीति याव “पण्डितवेदनीया”ति इदं पदं, ताव सब्बपदेहि।

एवं निवत्तेतब्बतं युत्तिया दळ्हीकरोन्तो “सावकपारमिजाण”न्तिआदिमाह । तथ
 सावकपारमिजाणन्ति सावकानं दानादिपारमिपारिपूरिया निप्फन्नं
 विज्जत्तयछलभिज्जाचतुपटिसम्भिदाभेदं जाणं, तथा पच्चेकबुद्धानं पच्चेकबोधिजाणं । ततोति
 सावकपारमिजाणतो । तत्थाति सावकपारमिजाणे । ततोपीति अनन्तरनिदिद्धतो
 पच्चेकबोधिजाणतोपि । अपि-सद्देन, पि-सद्देन वा को पन वादो सावकपारमिजाणतोति
 सम्भावेति । तत्थापीति पच्चेकबोधिजाणेपि । इतो पनाति सब्बज्जुतज्जाणतो पन, तस्मा
 एत्थ सब्बज्जुतज्जाणे ववत्थानं लब्भतीति अधिप्पायो । गम्भीरेसु विसेसा, गम्भीरानं वा
 विसेसेन गम्भीरा । अयच्च गम्भीरो अयच्च गम्भीरो इमे इमेसं विसेसेन गम्भीराति वा
 गम्भीरतरा । तरसद्देनेवेत्थ व्यवच्छेदनं सिद्धं ।

एत्थायं योजना – किञ्चापि सावकपारमिजाणं हेट्ठिमं हेट्ठिमं सेक्खजाणं
 पुथुज्जनजाणञ्च उपादाय गम्भीरं, पच्चेकबोधिजाणं पन उपादाय न तथा गम्भीरन्ति
 “गम्भीरमेवा”ति न सक्का व्यवच्छिज्जितुं, तथा पच्चेकबोधिजाणम्पि यथावुत्तं जाणमुपादाय
 गम्भीरं, सब्बज्जुतज्जाणं पन उपादाय न एवं गम्भीरन्ति “गम्भीरमेवा”ति न सक्का
 व्यवच्छिज्जितुं, तस्मा तत्थ ववत्थानं न लब्भति । सब्बज्जुतज्जाणधम्मा पन
 सावकपारमिजाणादीनमिव किञ्चि उपादाय गम्भीराभावाभावतो “गम्भीरा एवा”ति
 ववत्थानं लब्भतीति । यथा चेत्थ ववत्थानं दस्सितं, एवं सावकपारमिजाणं दुद्दसं ।
 “पच्चेकबोधिजाणं पन ततो दुद्दसतरन्ति तत्थ ववत्थानं नत्थी”तिआदिना ववत्थानसम्भवो
 नेतब्बो, तेनेवाह “तथा दुद्दसाव...पे०... वेदितब्ब”न्ति ।

पुच्छाविस्सज्जनन्तिपि पाठो, तस्सा पुच्छाय विस्सज्जनन्ति अत्थो । एतन्ति यथावुत्तं
 विस्सज्जनवचनं । एवन्ति इमिना दिट्ठीनं विभजनाकारेण । एत्थायमधिप्पायो – भवतु ताव
 निरवसेसबुद्धगुणविभावनुपायभावतो सब्बज्जुतज्जाणमेव एकम्पि पुथुनिस्सयारम्मणजाण-
 किच्चसिद्धिया “अत्थि भिक्खवे, अज्जेव धम्मा”तिआदिना (दी० नि० १.१८)
 बहुवचनेन उद्दिष्टं, तस्स पन विस्सज्जनं सच्चपच्चयाकारादिविसयविसेसवसेन
 अनज्जसाधारणेन विभजननयेन अनारभित्वा सनिस्सयानं दिट्ठिगतानं विभजननयेन कस्मा
 आरद्धन्ति ? तत्थ यथा सच्चपच्चयाकारादीनं विभजनं अनज्जसाधारणं सब्बज्जुतज्जाणस्सेव
 विसयो, एवं निरवसेसदिट्ठिगतविभजनम्पीति दस्सेतुं “बुद्धानज्जी”तिआदि आरद्धं, तत्थ
 ठानानीति कारणानि । गज्जितं महन्तं होतीति देसेतब्बस्स अत्थस्स अनेकविधताय,
 दुब्बिज्जेय्यताय च नानानयेहि पवत्तमानं देसनागज्जितं महन्तं विपुलं, बहुप्पभेदञ्च

होति । जाणं अनुपविसतीति ततो एव च देसनाजाणं देसेतब्बधम्मो विभागसो कुरुमानं अनुपविसति, ते अनुपविसित्वा ठितं विय होतीति अत्थो ।

बुद्धजाणस्स महन्तभावो पज्जायतीति एवंविधस्स नाम धम्मस्स देसकं, पटिवेधकज्वाति बुद्धानं देसनाजाणस्स, पटिवेधजाणस्स च उलारभावो पाकटो होति । देसना गम्भीरा होतीति सभावेन गम्भीरानं तेसं चतुब्बिधानम्मि देसना देसेतब्बवसेन गम्भीराव होति, सा पन बुद्धानं देसना सब्बत्थ, सब्बदा च यानत्तयमुखेनेवाति वुत्तं “तिलक्खणाहता सुज्जतापटिसंयुता”ति, तीहि लक्खणेहि आहता, अत्तत्तनियतो सुज्जभावपटिसज्जुत्ता चाति अत्थो । एत्थ च किज्वापि “सब्बं वचीकम्मं बुद्धस्स भगवतो जाणपुब्बङ्गमं जाणानुपरिवत्ती”ति (महानि० ६९, १५६; चूलनि० ८५; पटि० म० ३.५; नेत्ति० १५) वचनतो सब्बापि भगवतो देसना जाणरहिता नाम नत्थि, समसमपरक्कमनवसेन सीहसमानवुत्तिताय च सब्बत्थ समानुस्साहप्पवत्ति, देसेतब्बधम्मवसेन पन देसना विसेततो जाणेन अनुपविट्ठा, गम्भीरतरा च होतीति दट्ठब्बं ।

कथं पन विनयपण्णत्तिं पत्वा देसना तिलक्खणाहता, सुज्जतापटिसज्जुत्ता च होती, ननु तत्थ विनयपण्णत्तिमत्तमेवाति ? न तत्थ विनयपण्णत्तिमत्तमेव । तत्थापि हि सन्निस्सन्नपरिसाय अज्झासयानुरूपं पवत्तमाना देसना सङ्कारानं अनिच्चतादिविभाविनी सब्बधम्मानं अत्तत्तनियता, सुज्जभावप्पकासिनी च होति, तेनेवाह “अनेकपरियायेन धम्मिं कथं कत्वा”तिआदि । विनयपज्जत्तिन्ति विनयस्स पज्जापनं । ज्ज-कारस्स पन ण्ण-कारे कते विनयपण्णत्तिन्तिपि पाठो । भूमन्तरन्ति धम्मानं अवत्थाविसेसज्ज ठानविसेसज्ज । भवन्ति धम्मा एत्थाति भूमीति हि अवत्थाविसेसो, ठानज्ज वुच्चति । तत्थ अवत्थाविसेसो सतिआदिधम्मानं सतिपट्टानिन्द्रियबलबोज्झङ्गमग्गङ्गादिभेदो “वच्छो, दम्मो, बलीबद्दो”ति आदयो विय । ठानविसेसो कामावचरादिभेदो । पच्चयाकार-सदस्स अत्थो हेट्ठा वुत्तोयेव । समयन्तरन्ति दिट्ठिविसेसं, नानाविहिता दिट्ठियोति अत्थो, अज्जसमयं वा, बाहिरकसमयन्ति वुत्तं होति । विनयपज्जत्तिं पत्वा महन्तं गज्जितं होतीतिआदिना सम्बन्धो । तस्माति यस्मा गज्जितं महन्तं...पे०... पटिसंयुत्ता, तस्मा । छेज्जगामिनीति अतेकिच्छगामिनी ।

एवं ओतिण्णे वत्थुस्मिन्ति यथावुत्तनयेन लहुकगरुकादिवसेन तदनुरूपे वत्थुम्हि ओतरन्ते । यं सिक्खापदपज्जापनं नाम अत्थि, तत्थाति सम्बन्धो । थामोति जाणसामत्थियं । बलन्ति अकम्पनसङ्घातो वीरभावो । थामो बलन्ति वा सामत्थियवचनमेव

पच्चवेक्खणादेसनाजाणवसेन योजेतब्बं । पच्चवेक्खणाजाणपुब्बङ्गमज्झि देसनाजाणं । एसाति सिक्खापदपज्जापनमेव वुच्चमानपदमपेक्खित्वा पुल्लिङ्गेन निद्विसति, एसो सिक्खापदपज्जापनसङ्घातो विसयो अज्जेसं अविसयोति अत्थो । इतीति तथाविसयाविसयभावस्स हेतुभावेन पटिनिद्वेसवचनं, निदस्सनत्थो वा इति-सद्दो, तेन “इदं लहुकं, इदं गरुक”न्तिआदिनयं निद्विसति । एवमपरत्थापि यथासम्भवं ।

यदिपि कायानुपस्सनादिवसेन सतिपट्टानादयो सुत्तन्तपिटके (दी० नि० २.३७४; म० नि० १.१०७) विभत्ता, तथापि सुत्तन्तभाजनीयादिवसेन अभिधम्मयेव ते विसेसतो विभत्ताति आह “इमे चत्तारो सतिपट्टाना...पे०... अभिधम्मपिटकं विभजित्वा”ति । तत्थ सत्त फस्साति सत्तविज्जाणधातुसम्पयोगवसेन वुत्तं । तथा “सत्त वेदना”तिआदिपि । लोकुत्तरा धम्मा नामाति एत्थ इति-सद्दो आदिअत्थो, पकारत्थो वा, तेन वुत्तावसेसं अभिधम्मे आगतं धम्मानं विभजितब्बाकारं सङ्गणहाति । चतुवीसतिसमन्तपट्टानानि एत्थाति चतुवीसतिसमन्तपट्टानन्ति बाहिरत्थसमासो । “अभिधम्मपिटक”न्ति एतस्स हि इदं विसेसनं । एत्थ च पच्चयनयं अगगहेत्वा धम्मवसेनेव समन्तपट्टानस्स चतुवीसतिविधता वुत्ता । यथाह –

“तिकज्च पट्टानवरं दुक्कुत्तमं,

दुकतिकज्चेव तिकदुकज्च ।

तिकतिकज्चेव दुकदुकज्च,

छ अनुलोममिह नया सुगम्भीरा...पे०...

छ पच्चनीयमिह...पे०... अनुलोमपच्चनीयमिह...पे०...

पच्चनीयानुलोममिह नया सुगम्भीरा”ति ।। [पट्ठ०

१.१.४१(क), ४४(ख), ४८(ग), ५२(घ)] ।

एवं धम्मवसेन चतुवीसतिभेदेसु तिकपट्टानादीसु एकेकं पच्चयनयेन अनुलोमादिवसेन चतुब्धिं होतीति छन्नवुतिसमन्तपट्टानानि । तत्थ पन धम्मानुलोमे तिकपट्टाने कुसलत्तिके पटिच्चवारे पच्चयानुलोमे हेतुमूलके हेतुपच्चयवसेन एकूनपज्जास पुच्छानया सत्त विस्सज्जननयातिआदिना दस्सियमाना अनन्तभेदा नयाति आह “अनन्तनय”न्ति ।

नवहाकारेहीति उप्पादादीहि नवहि पच्चयाकारेहि । तं सरूपतो दस्सेतुं “उप्पादो हुत्वा”तिआदि वुत्तं । तत्थ उप्पज्जति एतस्मा फलन्ति उप्पादो, फलुप्पत्तिया कारणभावो ।

सति च अविज्जाय सङ्कारा उपपज्जन्ति, नासति । तस्मा अविज्जा सङ्कारानं उप्पादो हुत्वा पच्चयो होति, तथा पवत्तति धरति एतस्मिं फलन्ति **पवत्तं** । निमीयति फलमेतस्मिन्ति **निमित्तं** । (निददाति फलं अत्तनो पच्चयुप्पन्नं एतेनाति निदानं ।) (एत्थन्तरे अट्ठकथाय न समेति) आयूहति फलं अत्तनो पच्चयुप्पन्नपत्तिया घटेति एतेनाति **आयूहनं** । संयुज्जति फलं अत्तनो पच्चयुप्पन्नेन एतस्मिन्ति **संयोगो** । यत्थ सयं उपपज्जति, तं पलिबुद्धति फलमेतेनाति **पलिबोधो** । पच्चयन्तरसमवाये सति फलमुदयति एतेनाति **समुदयो** । हिनोति कारणभावं गच्छतीति हेतु । अविज्जाय हि सति सङ्कारा पवत्तन्ति, धरन्ति च, ते अविज्जाय सति अत्तनो फलं (निददन्ति) (पटि० म० १.४५; दी० नि० टी० १.२८ पस्सितब्बं) भवादीसु खिपन्ति, आयूहन्ति अत्तनो फलुप्पत्तिया घटेन्ति, अत्तनो फलेन संयुज्जन्ति, यस्मिं सन्ताने सयं उपपन्ना तं पलिबुद्धन्ति, पच्चयन्तरसमवाये उदयन्ति उपपज्जन्ति, हिनोति च सङ्कारानं कारणभावं गच्छति, तस्मा अविज्जा सङ्कारानं पवत्तं हुत्वा...पे०... पच्चयो हुत्वा पच्चयो होति । एवं अविज्जाय सङ्कारानं कारणभावूपगमनविसेसा उप्पादादयो वेदितब्बा । सङ्कारादीनं विज्जाणादीसुपि एसेव नयो ।

तमत्थं पटिसम्भिदामग्गपाळिया साधेन्तेन “**यथाहा**”तिआदि वुत्तं । तत्थ तिट्ठति एतेनाति **ठिति**, पच्चयो, उप्पादो एव ठिति **उप्पादट्ठिति** । एवं सेसेसुपि । यस्मा पन “आसवसमुदया अविज्जासमुदयो”ति (म० नि० १.१०३) वुत्तत्ता आसवाव अविज्जाय पच्चयो, तस्मा वुत्तं “**उभोपेते धम्मा “पच्चयसमुप्पन्ना”**ति, अविज्जा च सङ्कारा च उभोपेते धम्मा पच्चयतो एव समुप्पन्ना, न विना पच्चयेनाति अत्थो । **पच्चयपरिग्गहे पज्जाति** सङ्कारानं, अविज्जाय च उप्पादादिके पच्चयाकारे परिच्छिन्दित्वा गहणवसेन पवत्ता पज्जा । **धम्मट्ठित्तिजाणन्ति** पच्चयुप्पन्नधम्मानं पच्चयभावतो धम्मट्ठितिसङ्घाते पटिच्चसमुप्पादे जाणं । “द्वादस पटिच्चसमुप्पादा”ति वचनतो हि द्वादस पच्चया एव पटिच्चसमुप्पादो । अयञ्च नयो न पच्चुप्पन्ने एव, अथ खो अतीतानागतेसुपि, न च अविज्जाय एव सङ्कारेसु, अथ खो सङ्कारादीनं विज्जाणादीसुपि लब्धतीति परिपुण्णं कत्वा पच्चयाकारस्स विभत्तभावं दस्सेतुं “**अतीतप्पि अद्धान**”न्तिआदि पाळिमाहरि । **पट्टाने** (पट्ट० १.१) पन दस्सिता हेतादिपच्चयाएवेत्थ उप्पादादिपच्चयाकारेहि गहिताति तेपि यथासम्भवं नीहरित्वा योजेतब्बा । अतिविथारभयेन पन न योजयिम्ह, अत्थिकेहि च विसुद्धिमग्गादितो (विसुद्धि० २.५९४) गहेतब्बा ।

तस्स तस्स धम्मस्साति सङ्कारादिपच्चयुप्पन्नधम्मस्स । तथा तथा पच्चयभावेनाति

उप्पादादिहेतादिपच्चयसत्तिया । कम्मकिलेसविपाकवसेन तीणि वट्ठानि यस्साति **तिवट्ठं** । अतीतपच्चुप्पन्नानागतवसेन तयो अट्ठा काला एतस्साति **तियट्ठं** । हेतुफलफलहेतुहेतुफलवसेन तयो सन्धयो एतस्साति **तिसन्धि** । सङ्घिप्पन्ति एत्थ अविज्जादयो, विज्जाणादयो चाति **सङ्खेपा**, हेतु, विपाको च । अथ वा हेतु विपाकोति सङ्घिप्पन्तीति **सङ्खेपा** । अविज्जादयो, विज्जाणादयो च कोट्टासपरियायो वा **सङ्खेपसट्ठो** । अतीतहेतुसङ्खेपादिवसेन चत्तारो सङ्खेपा यस्साति **चतुसङ्खेपं** । सरूपतो अवुत्तापि तस्मिं तस्मिं सङ्खेपे आकिरीयन्ति अविज्जासङ्घारादिग्गहणेहि पकासीयन्तीति **आकारा**, अतीतहेतुआदीनं पकारा । ते सङ्खेपे पञ्च पञ्च कत्वा वीसति आकारा एतस्साति **वीसताकारं** ।

खत्तियादिभेदेन अनेकभेदभिन्नापि सस्सतवादिनो जातिसतसहस्सानुस्सरणादिकस्स अभिनिवेसहेतुनो वसेन चत्तारोव होन्ति, न ततो उट्ठं, अधो वाति सस्सतवादीनं परिमाणपरिच्छेदस्स अनञ्जविसयतं दस्सेतुं **“चत्तारो जना”**तिआदिमाह । एस नयो इतरेसुपि । तत्थ **चत्तारो जना**ति चत्तारो जनसमूहाति अत्थो गहेतब्बो तेसु एकेकस्सापि अनेकप्पभेदतो । तेति द्वासट्ठिदिट्ठिगतवादिनो । **इदं निस्साया**ति इदप्पच्चयताय सम्मा अग्गहणं । तत्थापि च हेतुफलभावेन सम्बन्धानं धम्मनं सन्ततिघनस्स अभेदितत्ता परमत्थतो विज्जमानम्पि भेदनिबन्धनं नानत्तनयं अनुपधारेत्वा गहितं एकत्तग्गहणं निस्साय । **इदं गण्हन्तीति** इदं सस्सतग्गहणं अभिनिविस्स वोहरन्ति, इमिना नयेन एकच्चसस्सतवादादयोपि यथासम्भवं योजेत्वा वत्तब्बा । **भिन्दित्वा**ति “आतप्पमन्वाया”तिआदिना विभजित्वा, “तयिदं भिक्खवे तथागतो पजानाती”तिआदिना (दी० नि० १.३६) वा विधमित्वा । **निज्जटन्ति** अनोनद्धं । **निगुम्बन्ति** अनावुटं । अपिच वेळुआदीनं हेट्ठुपरियसंसिब्बनट्ठेन **जटा** । कुसादीनं ओवरणट्ठेन **गुम्बो** । तस्सदिसताय दिट्ठिगतानं ब्याकुला पाकटता **“जटा, गुम्बो”**ति च वुच्चति, दिट्ठिजटाविजटनेन, दिट्ठिगुम्बविवरणेन च निज्जटं निगुम्बं कत्वाति अत्थो ।

“तस्मा”तिआदिना बुद्धगुणे आरब्भ देसनाय समुट्ठितत्ता सब्बज्जुतज्जाणं उट्ठिसित्वा देसनाकुसलो भगवा समयन्तरं विग्गहणवसेन सब्बज्जुतज्जाणमेव विस्सज्जेतीति दस्सेति ।

२९. अत्थि परियायो **सन्ति**-सट्ठो, सो च संविज्जन्तिपरियायो, संविज्जमानता च जाणेन उपलब्धमानताति आह **“सन्ती”**तिआदि । संविज्जमानपरिदीपनेन पन **“सन्ती”**ति इमिना पदेन तेसं दिट्ठिगतिकानं विज्जमानताय अविच्छिन्नतं, ततो च नेसं मिच्छागाहतो

सिथिलकरणविवेचनेहि अत्तनो देसनाय किच्चकारितं, अवितथतच्च दीपेति धम्मराजा । अत्थीति च सन्तिपदेन समानत्थो पुथुवचनविसयो एको निपातो “अत्थि इमस्मिं काये केसा”तिआदीसु (दी० नि० २.३७७; म० नि० १.११०; ३.१५४; सं० नि० २.४.१२७) विय । आलपनवचनन्ति बुद्धालपनवचनं । भगवायेव हि “भिक्षवे, भिक्षवो”ति च आलपति, न सावका । सावका पन “आवुसो, आयस्मा”तिआदिसम्बन्धनेनेव । “एके”ति वुत्ते एकच्चेति अत्थो एव सङ्ख्यावाचकस्स एक-सदस्स नियतेकवचनत्ता, न समितबहितपापताय । समणब्राह्मणाति आह “पब्बज्जूपगतभावेना”तिआदि । तथा वा होन्तु, अज्जथा वा, सम्मुतिमत्तेनेव इधाधिप्पेताति दस्सेति “लोकेना”तिआदिना । सस्सतादिवसेन पुब्बन्तं कप्पेन्तीति पुब्बन्तकप्पिका । यस्मा पन तेसं पुब्बन्तं पुरिमसिद्धेहि तण्हादिट्ठिकप्पेहि कप्पेत्वा आसेवनबलवताय, विचित्रवुत्तिताय च विकप्पेत्वा अपरभागसिद्धेहि अभिनिवेसभूतेहि तण्हादिट्ठिगाहेहि गण्हन्ति अभिनिविसन्ति परामसन्ति, तस्मा वुत्तं “पुब्बन्तं कप्पेत्वा विकप्पेत्वा गण्हन्ती”ति । पुरिमभागपच्छिमभागसिद्धानं वा तण्हाउपादानानं वसेन यथाक्कमं कप्पनगहणानि वेदितब्बानि । तण्हापच्चया हि उपादानं सम्भवति । पहुतपसंसानिन्दातिसयसंसग्गनिच्च-योगादिविसयेसु इध निच्चयोगवसेन विज्जमानत्थो सम्भवतीति वुत्तं “पुब्बन्त कप्पो वा”तिआदि वुत्तञ्च –

“पहुते च पसंसायं, निन्दायज्वातिसयने ।

निच्चयोगे च संसग्गे, होन्तिमे मन्तुआदयो”ति ।।

कोट्ठासेसूति एत्थ कोट्ठासादीसूति अत्थो वेदितब्बो आदि-सद्वलोपेन, निदस्सननयेन च वुत्तत्ता । पदपूरणसमीपउम्मग्गादीसुपि हि अन्त-सद्वो दिस्सति । तथा हि “इद्ध ताव सुत्तन्ते वा गाथायो वा अभिधम्मं वा परियापुणस्सु, (पाचि० ४४२) सुत्तन्ते ओकासं कारापेत्वा”तिआदीसु (पाचि० १२२१) च पदपूरणे अन्त-सद्वो वत्तति, “गामन्तसेनासन”न्तिआदीसु (विसुद्धि० १.३१) समीपे, “कामसुखल्लिकानुयोगो एको अन्तो, अत्थीति खो कच्चान अयमेको अन्तो”तिआदीसु (सं० नि० १.२५८; सं० नि० २.११०) च उम्मगेति ।

अन्तपूरोति महाअन्तअन्तगुणेहि पूरो । “सा हरितन्तं वा पन्थन्तं वा”ति (म० नि० १.३०४) मज्झिमनिकाये महाहत्थिपदोपमसुत्तन्तपाळि । तत्थ साति तेजोधातु । हरितन्तन्ति

हरिततिणरुक्खमरियादं । पन्थन्तन्ति मग्गमरियादं । आगम्म अनाहारा निब्बायतीति सेसो । “अन्तमिदं भिक्खवे, जीविकानं यदिदं पिण्डोत्थं”न्ति (सं० नि० २.३.८०; इतिवु० ९१) पिण्डियालोपसुत्तन्तपाळि । तत्थ पिण्डं उलति गवेसतीति पिण्डोलो, पिण्डाचारिको, तस्स भावो पिण्डोत्थं, पिण्डचरणेन जीविकताति अत्थो । एसेवाति सब्बपच्चयसङ्ख्यभूतो निब्बानधम्मो एव, तेनाह “सब्ब...पे०... वुच्चती”ति । एतेन सब्बपच्चयसङ्ख्यनतो असङ्खतं निब्बानं सङ्खतभूतस्स वट्टदुक्खस्स परभागं परियोसानभूतं, तस्मा एत्थ परभागोव अत्थो युत्तोति दस्सेति । सक्कायोति सक्कायगाहो ।

कप्पोति लेसो । कप्पकतेनाति तिण्णं दुब्बण्णकरणानं अज्जतरदुब्बण्णकतेन । आदि-सद्देन चेत्थ कप्प-सद्दो महाकप्पसमन्तभावकिलेसकामवितक्ककालपज्जत्तिसदिसभावादीसुपि वत्ततीति दस्सेति । तथा हेस “चत्तारिमानि भिक्खवे, कप्पस्स असङ्खयेय्यानी”तिआदीसु (अ० नि० १.४.१५६) महाकप्पे वत्तति, “केवलकप्पं वेलुवनं ओभासेत्वा”तिआदीसु (सं० नि० १.९४) समन्तभावे, “सङ्कप्पो कामो रागो कामो सङ्कप्परगो कामो”तिआदीसु (महानि० १; चूलनि० ८) किलेसकामे, “तक्को वितक्को सङ्कप्पो”तिआदीसु वितक्के, “येन सुदं निच्चकप्पं विहरामी”तिआदीसु (म० नि० १.३८७) काले, “इच्चायस्मा कप्पो”तिआदीसु (सु० नि० १०१८) पज्जत्तियं, “सत्थुकप्पेन वत किर भो सावकेन सद्धिं मन्तयमाना न जानिम्हा”तिआदीसु (म० नि० १.२६०) सदिसभावेति ।

तण्हादिट्ठीसु पवत्तिं महानिद्देसपाळिया (महानि० २८) साधेन्तो “वुत्तप्पि चेत”न्तिआदिमाह । तत्थ उद्धानतोति सङ्केपतो । “तस्मा”तिआदि यथावुत्ताय अत्थवण्णनाय गुणवचनं । तण्हादिट्ठिवसेनाति उपनिस्सयसहजातभूताय अभिनन्दनसङ्घाताय तण्हाय चैव सस्सतादिआकारेण अभिनिविसन्तस्स मिच्छागाहस्स च वसेन । पुब्बे निवुत्थधम्मविसयाय कप्पनाय इध अधिप्पेतत्ता अतीतकालवाचकोयेव पुब्ब-सद्दो, न पन “मनोपुब्बङ्गमा धम्मा”तिआदीसु विय पधानादिवाचको, रूपादिखन्धविनिमुत्तस्स कप्पनवत्थुनो अभावा अन्त-सद्दो च कोट्टासवाचको, न पन अब्भन्तरादिवाचकोति दस्सेतुं “अतीतं खन्धकोट्टास”न्ति वुत्तं । कप्पेत्वाति च तस्मिं पुब्बन्ते तण्हायनाभिनिवेसनानं समत्थनं परिनिट्ठापनमाह । टिताति तस्सा लद्धिया अविजहनं, पुब्बन्तमेव अनुगता दिट्ठि तेसमत्थीति योजना । अत्थिता, अनुगतता च नाम पुनप्पुनं पवत्तियाति दस्सेति “पुनप्पुनं उप्पज्जनवसेना”ति इमिना । “ते एव”न्तिआदिना “पुब्बन्तं आरब्भा”तिआदिपाळिया अत्थं संवण्णेति । तत्थ आरब्भाति आलम्बित्वा । विसयो हि तस्सा दिट्ठिया पुब्बन्तो । विसयभावतो हेस तस्सा

आगमनङ्गानं, आरम्भणपच्चयो चाति वुत्तं “आगम्प पटिच्चा”ति। तदेतं अज्जेसं पत्तिट्ठापनदस्सनन्ति आह “अज्जम्पि जनं दिट्ठिगतितं करोन्ता”ति।

अधिवचनपथानीति [अधिवचनपअदानि (अट्ठकथायं)] रुळ्हिमत्तेन पज्जत्तिपथानि। दासादीसु हि सिरिवट्ठकादिसद्दा विय वचनमत्तमेव अधिकारं कत्वा पवत्तिया तथा पण्णत्तियेव **अधिवचनं**, सा च बोहारस्स पथोति। अथ वा **अधि-सद्दो** उपरिभागे, वुच्चतीति **वचनं**। अधि उपरिभागे वचनं **अधिवचनं**। उपादानियभूतानं रूपादीनं [उपादाभूतरूपादीनं (दी० नि० टी० १.२९)] उपरि पज्जापियमाना उपादापज्जत्ति, तस्मा पज्जत्तिदीपकपथानीति अत्थो दट्ठब्बो। पज्जत्तिमत्तज्जेतं वुच्चति, यदिदं “अत्ता, लोको”ति च, न रूपवेदनादयो विय परमत्थोति। **अधिमुत्ति-सद्दो** चेत्थ अधिवचन-सद्देन समानत्थो “निरुत्तिपथो”तिआदीसु (ध० स० १०७ दुक्कमातिका) विय उत्तिसद्दस्स वचनपरियायत्ता। “**भूतं अत्थ**”न्तिआदिना पन भूतसभावतो अतिरेकं। तमतिधावित्वा वा मुच्चन्तीति **अधिमुत्तियो**, तासं पथानि तद्दीपकत्ताति अत्थं दस्सेति, अधिकं वा सस्सतादिकं मुच्चन्तीति **अधिमुत्तियो**। अधिकज्झि सस्सतादिं, पकतिआदिं, दब्बादिं, जीवादिं, कायादिज्ज अभूतं अत्थं सभावधम्मेसु अज्झारोपेत्वा दिट्ठियो पवत्तन्ति।

३०. अभिवदन्तीति “इदमेव सच्चं, मोघमज्ज”न्ति अभिनिविसित्वा वदन्ति। “अयमेव धम्मो, नायं धम्मो”तिआदिना अभिभवित्वापि वदन्ति। अभिवदनकिरियाय अज्जापि अविच्छेदभावदस्सनत्थं वत्तमानवचनं कतन्ति अयमेत्थ पाळिवण्णना। कथेतुकम्पताय हेतुभूताय पुच्छित्वाति सम्बन्धो। मिच्छा पस्सतीति **दिट्ठि**, दिट्ठि एव **दिट्ठिगतं** “मुत्तगतं, (अ० नि० ३.९.११) सङ्खारगत”न्तिआदीसु (महानि० ४१) विय गत-सद्दस्स तब्भाववुत्तितो, गन्तब्बाभावतो वा दिट्ठिया गतमत्तन्ति **दिट्ठिगतं**। दिट्ठिया गहणमत्तमेव, नत्थज्जं अवगन्तब्बन्ति अत्थो, दिट्ठिपकारो वा **दिट्ठिगतं**। लोकिया हि विधयुत्तगतपकारसद्दे समानत्थे इच्छन्ति। एकस्मिंयेव खन्धे “अत्ता”ति च “लोको”ति च गहणविसेसं उपादाय पज्जापनं होतीति आह “**रूपादीसु अज्जतरं अत्ताति च लोकोति च गहेत्वा**”ति। **अमरं निच्चं धुवन्ति** सस्सतवेवचनानि, मरणाभावेन वा **अमरं**। उप्पादाभावेन सब्बदापि अत्थिताय **निच्चं**। थिरट्ठेन विकाराभावेन **धुवं**। “**यथाहा**”तिआदिना महानिद्देस पटिसम्भिदामग्गपाळीहि यथावुत्तमत्थं विभावेति। तत्थ “रूपं गहेत्वा”ति पाठसेसेन सम्बन्धो। अयं पनत्थो – “रूपं अत्ततो समनुपस्सति। वेदनं, सज्जं, सङ्खारे, विज्जाणं अत्ततो समनुपस्सती”ति इमिस्सा पच्चविधाय सक्कायदिट्ठिया वसेन वुत्तो, “रूपवन्तं अत्तान”न्तिआदिकाय पन

पञ्चदसविधायपि तदवसेसाय सक्कायदिट्ठिया वसेन चत्तारो खन्धे “अत्ता”ति गहेत्वा तदज्जो “लोको”ति पञ्जपेत्तीति अयम्पि अत्थो लब्धतेव । तथा एकं खन्धं “अत्ता”ति गहेत्वा अज्जो अत्तनो उपभोगभूतो “लोको”ति च । ससन्ततिपतिते खन्धे “अत्ता”ति गहेत्वा तदज्जो परसन्ततिपतितो “लोको”ति च पञ्जपेत्तीति एवम्पेत्य अत्थो दट्ठब्बो । एत्थाह – “सस्सतो वादो एतेस”न्ति कस्मा हेट्ठा वुत्तं, ननु तेसं अत्ता च लोको च सस्सतोति अधिप्पेतो, न वादोति ? सच्चमेतं, सस्सतसहचरितताय पन वादोपि सस्सतोति वुत्तो यथा “कुत्ता पचरन्ती”ति, सस्सतो इति वादो एतेसन्ति वा तत्थ इति-सद्वलोपो दट्ठब्बो । सस्सतं वदन्ति “इदमेव सच्चं, मोघमज्ज”न्ति अभिनिविस्स वोहरन्तीति सस्सतवादा तिपि युज्जति ।

३१. आतापनभावेनाति विबाधनस्स भावेन, विबाधनट्ठेन वा । पहानज्जेत्थ विबाधनं । पदहनवसेनाति समादहनवसेन । समादहनं पन कोसज्जपक्खे पतितुमदत्त्वा चित्तस्स उस्साहनं । यथा समाधि विसेसभागियतं पापुणाति, एवं वीरियस्स बहुलीकरणं अनुयोगो । इति पदत्तयेन वीरियमेव वुत्तन्ति आह “एवं तिप्पभेदं वीरिय”न्ति । यथाक्कमज्झिह तीहि पदेहि उपचारप्पनाचित्तपरिदमनवीरियानि दस्सेति । न पमज्जति एतेनाति अप्पमादो, सतिया अविप्पवासो । सो पन सतिपट्ठाना चत्तारो खन्धा एव । सम्मा उपायेन मनसि करोति कम्मट्ठानमेतेनाति सम्मामनसिकारो, सो पन जाणमेव, न आरम्भणवीथिजवनपटिपादका, तेनाह “अत्थतो जाण”न्ति । पथमनसिकारोति कारणमनसिकारो । तदेवत्थं समत्थेति “यस्मिज्जी”तिआदिना । तत्थ यस्मिं मनसिकारेति कम्मट्ठानमनसिकरणूपायभूते जाणसङ्घाते मनसिकारे । “इमस्मिं ठाने”ति इमिना सदन्तरसम्पयोगादिना विय पकरणवसेनापि सदो विसेसविसयोति दीपेति । वीरियज्जाति यथावुत्तेहि तीहि पदेहि वुत्तं तिप्पभेदं वीरियज्ज । एत्थाति “आतप्प...पे०... मनसिकारमन्वाया”ति इमस्मिं पाठे, सीलविसुद्धिया सद्धिं चतुन्नं रूपावचरज्ज्ञानानं अधिगमनपटिपदा इध वत्तब्बा, सा पन विसुद्धिमग्गे (विसुद्धि० २.४०१) वित्थारतो वुत्ताति आह “सङ्खेपत्थो”ति । तथाजातिकन्ति तथासभावं, एतेन चुद्धसविधेहि चित्तपरिदमनेहि रूपावचरचतुत्थज्ज्ञानस्स पगुणतापादनेन दमिततं दस्सेति । चेतसो समाधि चेतोसमाधि, सो पन अट्ठङ्गसमन्नागतरूपावचरचतुत्थज्ज्ञानस्सेव समाधि । यथा-सदो “येना”ति अत्थे निपातोति आह “येन समाधिना”ति ।

विजम्भनभूतेहि लोकियाभिज्जासङ्घातेहि ज्ञानानुभावेहि सम्पन्नोति ज्ञानानुभावसम्पन्नो ।

सो दिट्ठिगतिको एवं वदतीति वत्तमानवचनं, तथावदनस्स अविच्छेदभावेन सब्बकालिकतादस्सनत्थन्ति वेदितब्बं। अनियमिते हि कालविसेसे विप्पकतकालवचनन्ति। वनति याचति पुत्तन्ति वज्झा झ-पच्चयं, न-कारस्स च निग्गहितं कत्वा, वधति पुत्तं, फलं वा हनतीतिपि वज्झा सपच्चयध्य-कारस्स झ-कारं, निग्गहितागमज्ज कत्वा। सा विय कस्सचि फलस्स अजनेनाति वज्झो, तेनाह “वज्झापसू”तिआदि। एवं पदत्थवता इमिना कीदिसं सामत्थियत्थं दस्सेतीति अन्तोलीनचोदनं परिहरितुं “एतेना”तिआदिमाह। ज्ञानलाभिस्स विसेसेन ज्ञानधम्मा आपाथमागच्छन्ति, तम्मुखेन पन सेसधम्मापीति इममत्थं सन्धाय “ज्ञानादीन”न्ति वुत्तं। रूपादिजनकभावन्ति रूपादीनं जनकसामत्थियं। पटिक्खिपतीति “नयिमे किञ्चि जनेन्ती”ति पटिक्खिपति। कस्माति चे? सति हि जनकभावे रूपादिधम्मानं विय, सुखादिधम्मानं विय च पच्चयायत्तवुत्तिताय उप्पादवन्तता विज्जायति, उप्पादे च सति अवस्संभावी निरोधोति अनवकासाव निच्चता सिया, तस्मा तं पटिक्खिपतीति।

ठित्तीति निच्चलं पतिट्ठितो, कूटङ्ग-सद्दोयेव वा लोके अच्चन्तं निच्चे निरुळ्ळो दड्ढो। तिट्ठतीति ठायी, एसिका च सा ठायी चाति एसिकट्ठायी, विसेसनपरनिपातो चेस, तस्मा गम्भीरनेमो निच्चलट्ठितिको इन्दखीलो वियाति अत्थो, तेनाह “यथा”तिआदि। “कूटङ्गो”ति इमिना चेत्थ अनिच्चताभावमाह। “एसिकट्ठायी ठितो”ति इमिना पन यथा एसिका वातप्पहारादीहि न चलति, एवं न केनचि विकारमापज्जतीति विकाराभावं, विकारोपि अत्थतो विनासोयेवाति वुत्तं “उभयेनापि लोकस्स विनासाभावं दस्सेती”ति।

एवमट्ठकथावादं दस्सेत्वा इदानीं केचिवादं दस्सेतुं “केचि पना”तिआदि वुत्तं। मुज्जतोति [मुज्जे (अट्ठकथायं)] मुज्जतिणतो। ईसिकाति कळीरो। यदिदं अत्तसङ्घातं धम्मजातं जायतीति वुच्चति, तं सत्तिरूपवसेन पुब्बे विज्जमानमेव ब्यत्तिरूपवसेन निक्खमति, अभिब्यत्तिं गच्छतीति अत्थो। “विज्जमानमेवा”ति हि एतेन कारणे फलस्स अत्थिभावदस्सेनेन ब्यत्तिरूपवसेन अभिब्यत्तिवादं दस्सेति। सालिगब्भे संविज्जमानं सालिसीसं विय हि सत्तिरूपं, तदभिनिक्खन्तं विय ब्यत्तिरूपन्ति। कथं पन सत्तिरूपवसेन विज्जमानोयेव पुब्बे अनभिब्यत्तो ब्यत्तिरूपवसेन अभिब्यत्तिं गच्छतीति? यथा अन्धकारेन पटिच्छन्नो घटो आलोकेन अभिब्यत्तिं गच्छति, एवमयम्पीति।

इदमेत्थ विचारेतब्बं— किं करोन्तो आलोको घटं पकासेतीति वुच्चति, यदि

घटविसयं बुद्धिं करोन्तो पकासेति, अनुप्पन्नाय एव बुद्धिया उप्पत्तिदीपनतो अभिव्यत्तिवादो हायति। अथ घटविसयाय बुद्धिया आवरणभूतं अन्धकारं विधमन्तो पकासेति, एवम्पि अभिव्यत्तिवादो हायतेव। सति हि घटविसयाय बुद्धिया कथं अन्धकारो तस्सा आवरणं होतीति। यथा च घटस्स अभिव्यत्ति न युज्जति, एवं दिट्ठिगतिकपरिकप्पितस्स अत्तनोपि अभिव्यत्ति न युज्जतियेव। तत्थापि हि यदि इन्द्रियविसयादिसन्निपातेन अनुप्पन्ना एव बुद्धि उप्पन्ना, उप्पत्तिवचनेनेव अभिव्यत्तिवादो हायति अभिव्यत्तिमत्तमतिक्कम्म अनुप्पन्नाय एव बुद्धिया उप्पत्तिदीपनतो। तथा सस्सतवादोपि तेनेव कारणेन। अथ बुद्धिप्पवत्तिया आवरणभूतस्स अन्धकारद्वानियस्स मोहस्स विधमनेन बुद्धि उप्पन्ना। एवम्पि सति अत्थविसयाय बुद्धिया कथं मोहो तस्सा आवरणं होतीति, हायतेव अभिव्यत्तिवादो, किञ्च भिद्यो – भेदसम्भावतोपि अभिव्यत्तिवादो हायति। न हि अभिव्यज्जनकानं चन्दिमसूरियमणिपदीपादीनं भेदेन अभिव्यज्जितब्बानं घटादीनं भेदो होति, होति च विसयभेदेन बुद्धिभेदो यथाविसयं बुद्धिया सम्भवतोति भिद्योपि अभिव्यत्ति न युज्जतियेव, न चेत्थ विज्जमानताभिव्यत्तिवसेन वुत्तिकप्पना युत्ता विज्जमानताभिव्यत्तिकिरियासङ्घाताय वुत्तिया वुत्तिमतो च अनज्जथानुजाननतो। अनज्जायेव हि तथा वुत्तिसङ्घाता किरिया तब्बन्तवत्थुतो, यथा फस्सादीहि फुसनादिभावो, तस्मा वुत्तिमतो अनज्जाय एव विज्जमानताभिव्यत्तिसङ्घाताय वुत्तिया परिकप्पितो केसज्जि अभिव्यत्तिवादो न युत्तो एवाति। ये पन “ईसिकट्टायी ठितो”ति पठित्वा यथावुत्तमत्थमिच्छन्ति, ते तदिदं कारणभावेन गहेत्वा “ते च सत्ता सन्धावन्ति संसरन्ति चवन्ति उपपज्जन्ती”ति पदेहि अत्थसम्बन्धमि करोन्ति, न अट्ठकथायमिव असम्बन्धन्ति दस्सेन्तो “यस्मा चा”तिआदिमाह। ते च सत्ता सन्धावन्तीति एत्थ ये इध मनुस्सभावेन अवट्ठिता, तेयेव देवभावादुपगमनेन इतो अज्जत्थ गच्छन्तीति अत्थो। अज्जत्था कतस्स कम्मस्स विनासो, अकतस्स च अब्भागमो आपज्जेय्याति अधिप्पायो।

अपरापरन्ति अपरस्मा भवा अपरं भवं, अपरमपरं वा, पुनप्पुनन्ति अत्थो। “चवन्ती”ति पदमुल्लिङ्गत्वा “एवं सङ्ख्यं गच्छन्ती”ति अत्थं विवरति, अत्तनो तथागहितस्स निच्चसभावत्ता न चुत्तूपपत्तियो। सब्बव्यापिताय नापि सन्धावनसंसरणानि, धम्मानयेव पन पवत्तिविसेसेन एवं सङ्ख्यं गच्छन्ति एवं वोहरीयन्तीति अधिप्पायो। एतेन “अवट्ठितसभावस्स अत्तनो, धम्मिनो च धम्ममत्तं उप्पज्जति चेव विनस्सति चा”ति इमं विपरिणामवादं दस्सेति। यं पनेत्थ वत्तब्बं, तं इमिस्सं सस्सतवादविचारणायमेव

“एवंगतिका”ति पदत्थविभावने वक्खाम। इदानी अट्ठकथायं वुत्तं असम्बन्धमत्तं दस्सेतुं “अट्ठकथायं पना”तिआदि वुत्तं। सन्धावन्तीतिआदिना वचनेन अत्तनो वादं भिन्दति विनासेति सन्धावनादिवचनसिद्धाय अनिच्चताय पुब्बे अत्तना पटिज्जातस्स सस्सतवादस्स विरुद्धभावतोति अत्थो। “दिट्ठिगतिकस्सा”तिआदि तदत्थसमत्थनं। न निबद्धन्ति न थिरं। “सन्धावन्ती”तिआदिवचनं, सस्सतवादञ्च सन्धाय “सुन्दरमि असुन्दरमि होतियेवा”ति वुत्तं। सब्बदा सरन्ति पवत्तन्तीति सस्सतियो र-कारस्स स-कारं, द्विभावञ्च कत्वा, पथवीसिनेरुचन्दिमसूरिया, सस्सतीहि समं सदिसं तथा, भावनपुंसकवचनञ्चेत्तं। “अत्ता च लोको चा”ति हि कत्तुअधिकारो। सस्सतिसमन्ति वा लिङ्गव्यत्ययेन कत्तुनिद्देशो। सस्सतिसमो अत्ता च लोको च अत्थि एवाति अत्थो, इति-सद्दो चेत्थ पदपूरणमत्तं। एव-सद्दस्स हि ए-कारे परे इति-सद्दे इ-कारस्स व-कारमिच्छन्ति सद्दविदू। सस्सतिसमन्ति सस्सतं थावरं निच्चकालन्तिपि अत्थो, सस्सतिसम-सद्दस्स सस्सतपदेन समानत्थतं सन्धाय टीकायं (दी० नि० टी० १.३१) वुत्तो।

हेतुं दस्सेन्तोति येसं “सस्सतो”ति अत्तानञ्च लोकञ्च पज्जपेति, तेसं हेतुं दस्सेन्तो अयं दिट्ठिगतिको आहाति सम्बन्धो। न हि अत्तनो दिट्ठिया पच्चक्खकतमत्थं अत्तनोयेव साधेति, अत्तनो पन पच्चक्खकतेन अत्थेन अत्तनो अप्पच्चक्खभूतमि अत्थं साधेति, अत्तना च यथानिच्छित्तं अत्थं परेपि विज्जापेति, न अनिच्छित्तं, इदं पन हेतुदस्सनं एतेसु अनेकेसु जातिसतसहस्सेसु एकोवायं मे अत्ता च लोको च अनुस्सरणसम्भवतो। यो हि यमत्थं अनुभवति, सो एव तं अनुस्सरति, न अज्जो। न हि अज्जेन अनुभूतमत्थं अज्जो अनुस्सरितुं सक्कोति यथा तं बुद्धरक्खितेन अनुभूतं धम्मरक्खितो। यथा चेतासु, एवं इतो पुरिमतरासुपि जातीसु, तस्मा “सस्सतो मे अत्ता च लोको च, यथा च मे, एवं अज्जेसमि सत्तानं सस्सतो अत्ता च लोको चा”ति सस्सतवसेन दिट्ठिगहणं पक्खन्दन्तो दिट्ठिगतिको परेपि तत्थ पतिट्ठपेति। पाळियं पन “अनेकविहितानि अधिमुत्तिपथानि अभिवदन्ति, सो एवमाहा”ति वचनतो परानुगाहापनवसेन इध हेतुदस्सनं अधिप्पेतन्ति विज्जायति। एतन्ति अत्तनो च लोकस्स च सस्सतभावं। “न केवल”न्तिआदि अत्थतो आपन्नदस्सनं। ठान-सद्दो कारणे, तज्ज खो इध पुब्बेनिवासानुस्सतियेवाति आह “इद”न्तिआदि। कारणञ्च नामेतं तिविधं सम्पापकं निब्बत्तकं आपकन्ति। तत्थ अरियमग्गो निब्बानस्स सम्पापककारणं, बीजं अङ्कुरस्स निब्बत्तककारणं, पच्चयुप्पन्नतादयो अनिच्चतादीनं आपककारणं, इधापि आपककारणमेव अधिप्पेतं। आपको हि अत्थो आपेतब्बत्थविसयस्स जाणस्स हेतुभावतो कारणं।

तदायत्तवुत्तिताय तं जाणं तिड्ढति एत्थाति ठानं, वसति तं जाणमेत्थ तिड्ढतीति “वत्थू”ति च वुच्चति । तथा हि भगवता वत्थु-सद्देन उद्दिस्सित्वापि ठान-सद्देन निदिड्ढन्ति ।

३२-३३. दुतियततियवारानं पठमवारतो विसेसो नत्थि ठपेत्वा कालभेदन्ति आह “उपरि वारद्वयेपि एसेव नयो”ति । तदेतं कालभेदं यथापाळिं दस्सेतुं “केवलञ्ही”तिआदि वुत्तं । इतरेण दुतियततियवारा याव दससंवट्टविवट्टकप्पा, याव चत्तालीससंवट्टविवट्टकप्पा च अनुस्सरणवसेन वुत्ताति अधिप्पायो । यदेवं कस्मा सस्सतवादो चतुधा विभत्तो, ननु तिधा कालभेदमकत्वा अधिच्चसमुप्पत्तिकवादो विय दुविधेनेव विभजितब्बो सियाति चोदनं सोधेतुं “मन्दपज्जा ही”तिआदिमाह । मन्दपज्जादीनं तिण्णं पुब्बेनिवासानुस्सतिजाणलाभीनं वसेन तिधा कालभेदं कत्वा तक्कनेन सह चतुधा विभत्तोति अधिप्पायो । ननु च अनुस्सवादिवसेन तक्किकानं विय मन्दपज्जादीनम्पि विसेसलाभीनं हीनादिवसेन अनेकभेदसम्भवतो बहुधा भेदो सिया, अथ कस्मा सब्बेपि विसेसलाभिनो तयो एव रासी कत्वा वुत्ताति ? उक्कट्टपरिच्छेदेन दस्सेतुकामत्ता । तीसु हि रासीसु ये हीनमज्झिमपज्जा, ते वुत्तपरिच्छेदतो ऊनकमेव अनुस्सरन्ति । ये पन उक्कट्टपज्जा, ते वुत्तपरिच्छेदं अतिक्कमित्वा नानुस्सरन्तीति तत्थ तत्थ उक्कट्टपरिच्छेदेन दस्सेतुकामतो अनेकजातिसतसहस्सदसचत्तारीससंवट्टविवट्टानुस्सरणवसेन तयो एव रासी कत्वा वुत्ताति । न ततो उद्दन्ति यथावुत्तकालत्तयतो, चत्तारीससंवट्टविवट्टकप्पतो वा उद्धं नानुस्सरति, कस्मा ? दुब्बलपज्जत्ता । तेसज्हि नामरूपपरिच्छेदविरहतो दुब्बला पज्जा होतीति अट्ठकथासु वुत्तं ।

३४. तप्पकतियत्तोपि कत्तुत्थोयेवाति आह “तक्कयती”ति । तप्पकतियत्तत्ता एव हि दुतियनयोपि उपपन्नो होति । तत्थ तक्कयतीति ऊहयति, सस्सतादिआकारेण तस्मिं तस्मिं आरम्मणे चित्तं अभिनिरोपयतीति अत्थो । तक्कोति आकोटनलक्खणो, विनिच्छयलक्खणो वा दिट्ठिद्वानभूतो वितक्को । तेन तेन परियायेन तक्कनं सन्धाय “तक्केत्वा वितक्केत्वा”ति वुत्तं वीमंसाय समन्नागतोति अत्थवचनमत्तं । निब्बचनं पन तक्किपदे विय द्विधा वत्तब्बं । वीमंसा नाम विचारणा, सा च दुविधा पज्जा चेव पज्जापतिरूपिका च । इध पन पज्जापतिरूपिकाव, सा चत्थतो लोभसहगतचित्तुप्पादो, मिच्छाभिनिवेससङ्घातो वा अयोनिमोमनसिकारो । पुब्बभागे वा मिच्छादस्सनभूतं दिट्ठिविप्फन्दितं, तदेतमत्थत्तयं दस्सेतुं “तुलना रुच्चना खमना”ति वुत्तं । “तुलयित्वा”तिआदीसुपि यथाक्कमं “लोभसहगतचित्तुप्पादेना”तिआदिना योजेतब्बं । समन्ततो, पुनप्पुनं वा आहननं परियाहतं,

तं पन वितक्कस्स आरम्भणं ऊहनमेव, भावनपुंसकञ्चेतं पदन्ति दस्सेति “तेन तेन परियायेन तक्केत्वा”ति इमिना। **परियायेना**ति च कारणेनाति अत्थो। **वुत्तप्पकाराया**ति तिधा वुत्तप्पभेदाय। **अनुविचरित**न्ति अनुपवत्तितं, वीमंसानुगतेन वा विचारेण अनुमज्जितं। तदनुगतधम्मकिच्चम्पि हि पधानधम्मे आरोपेत्वा तथा वुच्चति। पटिभाति दिस्सतीति **पटिभानं**, यथासमाहिताकारविसेसविभावको दिट्ठिगतसम्पयुत्तचित्तुप्पादो, ततो जातन्ति **पटिभानं**, तथा पज्जायनं, सयं अत्तनो पटिभानं **सयंपटिभानं**, तेनेवाह “**अत्तनो पटिभानमत्तसज्जात**”न्ति। **मत्त**-सद्देन चेत्थ विसेसाधिगमादयो निवत्तेति। अनामड्ढकालवचने वत्तमानवसेनेव अत्थनिद्देसो उपपन्नोति आह “**एवं वदती**”ति।

पाळियं “तक्की होति वीमंसी”ति सामज्जनिद्देसेन, एकसेसेन वा वुत्तं तक्कीभेदं विभजन्तो “**तत्थ चतुब्बिधो**”तिआदिमाह। परेहि पुन सवनं **अनुस्सुति**, सा यस्सायं **अनुस्सुतिको**। पुरिमं अनुभूतपुब्बं जातिं सरतीति **जातिस्सरो**। लब्धतेति **लाभो**, यं किञ्चि अत्तना पटिलद्धं रूपादि, सुखादि च, न पन ज्ञानादिविसेसो, तेनेवाह पाळियं “सो तक्कपरियाहतं वीमंसानुविचरितं सयंपटिभानं एवमाहा”ति। अट्ठकथायम्पि वुत्तं “अत्तनो पटिभानमत्तसज्जात”न्ति। **आचरियधम्मपालत्थेरोपि** वदति “मत्त-सद्देन विसेसाधिगमादयो निवत्तेती”ति (दी० नि० टी० १.३४) सो एतस्साति **लाभी**। सुद्धेन पुरिमेहि असम्मिस्सेन, सुद्धं वा तक्कनं **सुद्धतक्को**, सो यस्सायं **सुद्धतक्किक्को**। **तेन** हीति उय्योजनत्थे निपातो, तेन तथा वेस्सन्तररज्जोव भगवति समानेति दिट्ठिग्गाहं उय्योजेति। **लाभिताया**ति रूपादिसुखादिलाभीभावतो। “**अनागतेपि एवं भविस्सती**”ति इदं लाभीतक्किनो एवम्पि सम्भवतीति सम्भवदस्सनवसेन इधाधिप्पेतं तक्कनं सन्धाय वुत्तं। अनागतंसतक्कनेनेव हि सस्सतग्गाही भवति। “**अतीतेपि एवं अहोसी**”ति इदं पन अनागतंसतक्कनस्स उपनिस्सयनिदस्सनमत्तं। सो हि “यथा मे इदानी अत्ता सुखी होति, एवं अतीतेपीति पठमं अतीतंसानुतक्कनं उपनिस्साय अनागतेपि एवं भविस्सती”ति तक्कयन्तो दिट्ठिं गण्हाति। “**एवं सति इदं होती**”ति इमिना अनिच्चेसु भावेसु अज्जो करोति, अज्जो पटिसंवेदेतीति दोसो आपज्जति, तथा च सति कतस्स विनासो अकतस्स च अज्झागमो सिया। निच्चेसु पन भावेसु अज्जो करोति, अज्जो पटिसंवेदेतीति दोसो नापज्जति। एवञ्च सति कतस्स अविनासो, अकतस्स च अनज्झागमो सियाति तक्किक्कस्स युत्तिगवेसनाकारं दस्सेति।

तक्कमत्तेनेवाति सुद्धतक्कनेनेव। **मत्त**-सद्देन हि आगमादीनं, अनुस्सवादीनञ्च

अभावं दस्सेति । “ननु च विसेसलाभिनोपि सस्सतवादिनो विसेसाधिगमहेतु अनेकेसु जातिसतसहस्सेसु, दससु संवट्टविवट्टेसु, चत्तालीसाय च संवट्टविवट्टेसु यथानुभूतं अत्तनो सन्तानं, तप्पटिबद्धञ्च धम्मजातं “अत्ता, लोको”ति च अनुस्सरित्वा ततो पुरिमतरासुपि जातीसु तथाभूतस्स अत्थितानुवितक्कनमुखेन अनागतेपि एवं भविस्सतीति अत्तनो भविस्समानानुतक्कनं, सब्बेसम्पि सत्तानं तथाभावानुतक्कनञ्च कत्वा सस्सताभिनिवेसिनो जाता, एवञ्च सति सब्बोपि सस्सतवादी अनुस्सुतिकजातिस्सरलाभीतक्किका विय अत्तनो उपलद्धवत्थुनिमित्तेन तक्कनेन पवत्तवादत्ता तक्कीपक्खेयेव तिट्ठेय्य, तथा च सति विसेसभेदरहितत्ता एकोवायं सस्सतवादो ववत्थितो भवेय्य, अवस्सञ्च वुत्तप्पकारं तक्कनमिच्छितब्बं, अञ्जथा विसेसलाभी सस्सतवादी एकच्चसस्सतिकपक्खं, अधिच्चसमुप्पन्निकपक्खं वा भजेय्याति ? न खो पनेतं एवं दट्ठब्बं । विसेसलाभीनज्झि खन्धसन्तानस्स दीघदीघतरं दीघतमकालानुस्सरणं सस्सतग्गाहस्स असाधारणकारणं । तथा हि “अनेकविहितं पुब्बेनिवासं अनुस्सरामि । इमिनामहं एतं जानामी”ति अनुस्सरणमेव पधानकारणभावेन दस्सितं । यं पन तस्स “इमिनामहं एतं जानामी”ति पवत्तं तक्कनं, न तं इध पधानं अनुस्सरणं पटिच्च तस्स अपधानभावतो, पधानकारणेन च असाधारणेन निट्ठेसो सासने, लोकेपि च निरुळ्हो यथा “चक्खुविज्जाणं यवङ्कुरो”तिआदि ।

एवं पनायं देसना पधानकारणविभाविनी, तस्मा सतिपि अनुस्सवादिवसेन, तक्किकानं हीनादिवसेन च मन्दपज्जादीनं विसेसलाभीनं बहुधा भेदे अञ्जतरभेदसङ्गहवसेन भगवता चत्तारिद्वानानि विभजित्वा ववत्थिता सस्सतवादानं चतुब्बिधता । न हि, इध सावसेसं धम्मं देसेति धम्मराजाति । यदेवं अनुस्सुतिकादीसुपि अनुस्सवादीनं पधानभावो आपज्जतीति ? न तेसं अञ्जाय सच्छिकिरियाय अभावेन तक्कपधानत्ता, “पधानकारणेन च असाधारणेन निट्ठेसो सासने, लोकेपि च निरुळ्हो”ति वुत्तोवायमत्थोति । अथ वा विसेसाधिगमनिमित्तरहितस्स तक्कनस्स सस्सतग्गाहे विसुं कारणभावदस्सनत्थं विसेसाधिगमो विसुं सस्सतग्गाहकारणभावेन वत्तब्बो, सो च मन्दमज्झिमतिकवपज्जावसेन तिविधोति तिधा विभजित्वा, सब्बतक्किनो च तक्कीभावसामञ्जतो एकज्झं गहेत्वा चतुधा एव ववत्थापितो सस्सतवादो भगवताति ।

३५. “अञ्जतरेना”ति एतस्स अत्थं दस्सेतुं “एकेना”ति वुत्तं । अट्ठानपयुत्तस्स पन वा-सहस्स अनियमत्थतं सन्धायाह “द्वीहि वा तीहि वा”ति, तेन चतूसु वत्थूसु यथारहमेकच्चं एकच्चस्स पज्जापने सहकारीकारणन्ति दस्सेति । “बहिद्धा”ति

बाह्यत्थवाचको कत्तुनिहिद्धो निपातोति दस्सेतुं “बही”तिआदि वुत्तं । एत्थाह – किं पनेतानि वत्थूनि अत्तनो अभिनिवेसस्स हेतु, उदाहु परेसं पतिट्ठापनस्साति । किञ्चेत्थ, यदि ताव अत्तनो अभिनिवेसस्स हेतु, अथ कस्मा अनुस्सरणतक्कनानियेव गहितानि, न सज्जाविपल्लासादयो । तथा हि विपरीतसज्जाअयोनिमनसिकारअसप्पुरिसूपनिस्सय-असद्धम्मस्सवनादीनिपि दिट्ठिया पवत्तनट्ठेन दिट्ठिट्ठानानि । अथ पन परेसं पतिट्ठापनस्स हेतु, अनुस्सरणहेतुभूतो अधिगमो विय, तक्कनपरियेड्ढिभूता युत्ति विय च आगमोपि वत्थुभावेन वत्तब्बो, उभयथापि च यथावुत्तस्स अवसेसकारणस्स सम्भवतो “नत्थि इतो बहिद्धा”ति वचनं न युज्जतेवाति ? नो न युज्जति, कस्मा ? अभिनिवेसपक्खे ताव अयं दिट्ठिगतिको असप्पुरिसूपनिस्सयअसद्धम्मस्सवनेहि अयोनिमो उम्मुज्जित्वा विपल्लाससज्जो रूपादिधम्मानं खणे खणे भिज्जनसभावस्स अनवबोधतो धम्मयुत्तिं अतिधावन्तो एकत्तनयं मिच्छा गहेत्वा यथावुत्तानुस्सरणतक्कनेहि खन्धेसु “सस्सतो अत्ता च लोको चा”ति (दी० नि० ३१) अभिनिवेसं उपनेसि, इति आसन्नकारणत्ता, पधानकारणत्ता च तग्गहणेनेव च इतरेसम्पि गहितत्ता अनुस्सरणतक्कनानियेव इध गहितानि । पतिट्ठापनपक्खे पन आगमोपि युत्तियमेव ठितो विसेसेन निरागमानं बाहिरकानं तक्कग्गाहिभावतो, तस्मा अनुस्सरणतक्कनानियेव सस्सतग्गाहस्स वत्थुभावेन गहितानि ।

किञ्च भिय्यो – दुविधं परमत्थधम्मानं लक्खणं सभावलक्खणं, सामज्जलक्खणञ्च । तत्थ सभावलक्खणावबोधो पच्चक्खजाणं, सामज्जलक्खणावबोधो अनुमानजाणं । आगमो च सुतमयाय पज्जाय साधनतो अनुमानजाणमेव आवहति, सुतानं पन धम्मानं आकारपरिवितक्कनेन निज्झानक्खन्तियं ठितो चिन्तामयपज्जं निब्बत्तेत्वा अनुक्कमेन भावनाय पच्चक्खजाणं अधिगच्छतीति एवं आगमोपि तक्कनविसयं नातिक्कमति, तस्मा चेस तक्कग्गहणेन गहितोवाति वेदितब्बो । सो अट्ठकथायं अनुस्सुतितक्कग्गहणेन विभावितो, एवं अनुस्सरणतक्कनेहि असङ्गहितस्स अवसिट्ठस्स कारणस्स असम्भवतो युत्तमेविदं “नत्थि इतो बहिद्धा”ति वचनन्ति वेदितब्बं । “अनेकविहितानि अधिमुत्तिपदानि अभिवदन्ती”ति, (दी० नि० १.२९) “सस्सतं अत्तानञ्च लोकञ्च पज्जपेन्ती”ति (दी० नि० १.३०) च वचनतो पन पतिट्ठापनवत्थूनियेव इध देसितानि तंदेसनाय एव अभिनिवेसस्सापि सिज्जनतो । अनेकभेदेसु हि देसितेसु यस्मिं देसिते तदज्जेपि देसिता सिद्धा होन्ति, तमेव देसेतीति दट्ठब्बं । अभिनिवेसपतिट्ठापनेसु च अभिनिवेसे देसितेपि पतिट्ठापनं न सिज्जति अभिनिवेसस्स पतिट्ठापने अनियमतो । अभिनिवेसिनोपि हि केचि

पतिट्ठापेन्ति, केचि न पतिट्ठापेन्ति। पतिट्ठापने पन देसिते अभिनिवेशोपि सिज्झति पतिट्ठापनस्स अभिनिवेशे नियमतो। यो हि यत्थ परे पतिट्ठापेति, सोपि तमभिनिविसतीति।

३६. तयिदन्ति एत्थ त-सद्धेन “सस्सतं अत्तानञ्च लोकञ्च पञ्जपेन्ती”ति एतस्स परामसनन्ति आह “तं इदं चतुब्बिधमि दिट्ठिगत”न्ति। ततोति तस्मा पकारतो जाननत्ता। परमवज्जताय अनेकविहितानं अनत्थानं कारणभावतो दिट्ठियो एव ठाना दिट्ठिद्वाना। यथाह “मिच्छादिट्ठिपरमाहं भिक्खवे, वज्जं वदामी”ति तदेवत्थं सन्धाय “दिट्ठियोव दिट्ठिद्वाना”ति वुत्तं। दिट्ठीनं कारणमि दिट्ठिद्वानमेव दिट्ठीनं उप्पादाय समुद्धानट्टेन। “यथाहा”तिआदि पटिसम्भिदापाळिया (पटि० म० १.१२४) साधनं। तत्थ खन्थापि दिट्ठिद्वानं आरम्भणट्टेन। वुत्तज्झि “रूपं अत्ततो समनुपस्सती”तिआदि, (सं० नि० २.३.८१) अविज्जापि उपनिस्सयादिभावेन। यथाह “अस्सुतवा भिक्खवे, पुथुज्जनो अरियानं अदस्सावी अरियधम्मस्स अकोविदो”तिआदि (म० नि० १.२; पटि० म० १.१३१) फस्सोपि फुसित्वा गहणूपायट्टेन। तथा हि वुत्तं “तदपि फस्सपच्चया (दी० नि० १.११८) फुस्स फुस्स पटिसंवेदेन्ती”ति (दी० नि० १.१४४) सज्जापि आकारमत्तगहणट्टेन। वुत्तज्जेतं “सज्जानिदाना हि पपञ्चसङ्गा”ति (सु० नि० ८८०; महा० नि० १०९) पथविं पथवितो सज्जत्वा”ति (म० नि० १.२) च आदि। वितक्कोपि आकारपरिवितक्कनट्टेन। तेन वुत्तं “तक्कञ्च दिट्ठीसु पक्कप्पयित्वा, सच्चं मुसाति द्वयधम्ममाहू”ति, (सु० नि० ८९२; महानि० १२१) “तक्की होति वीमंसी”ति (दी० नि० १.३४) च आदि। अयोनिसो मनसिकारोपि अकुसलानं साधारणकारणट्टेन। तेनाह “तस्स एवं अयोनिसो मनसि करोतो छन्नं दिट्ठीनं अज्जतरा दिट्ठि उप्पज्जति। अत्थि मे अत्ता”ति वा अस्स सच्चतो थेततो दिट्ठिउप्पज्जती”तिआदि (म० नि० १.१९) पापमित्तोपि दिट्ठानुगति आपज्जनट्टेन। वुत्तमि च “बाहिरं भिक्खवे, अज्झन्ति करित्वा नाज्जं एकङ्गमि समनुपस्सामि, यं एवं महतो अनत्थाय संवत्तति, यथयिदं भिक्खवे, पापमित्तता”तिआदि (अ० नि० १.१.११०) परतोघोसोपि दुरक्खातधम्मस्सवनट्टेन। तथा चेव वुत्तं “द्वेमे भिक्खवे, पच्चया मिच्छादिट्ठिया उप्पादाय। कतमे द्वे? परतो च घोसो, अयोनिसो च मनसिकारो”तिआदि (अ० नि० २.१२६) परेहि सुता, देसिता वा देसना परतोघोसो।

“खन्था हेतू”तिआदिपाळि तदत्थविभाविनी। तत्थ जनकट्टेन हेतु, उपत्थम्भकट्टेन पच्चयो। उपादायाति उपादियित्वा, पटिच्चाति अत्थो। “उप्पादाया”तिपि पाठो,

उप्पज्जनायाति अत्थो । समुद्वाति एतेनाति **समुद्धानं**, खन्धादयो एव । इध पन समुद्धानभावोयेव समुद्धान-सद्देन वुत्तो भावलोपत्ता, भावप्पधानत्ता च । **आदिन्ना** सकसन्ताने । **पवत्तिता** सपरसन्तानेसु । **पर-**सद्दो अभिण्हत्थोति वुत्तं “**पुनप्पुन**”न्ति । **परिनिट्ठापिताति** “इदमेव दस्सनं सच्चं, अज्जं पन मोघं तुच्छं मुसा”ति अभिनिवेसस्स परियोसानं मत्थकं पापिताति अत्थो । **आरम्भणवसेनाति** अट्ठसु दिट्ठिद्वानेसु खन्धे सन्धायाह । **पवत्तनवसेनाति** अविज्जाफस्ससज्जावितक्कायोनिमोमनसिकारे । **आसेवनवसेनाति** पापमित्तपरतोघोसे । यदिपि सरूपत्थवसेन वेवचनं, सङ्केतत्थवसेन पन एवं वत्तब्बोति दस्सेतुं “**एवंविधपरलोका**”ति वुत्तं । येन केनचि हि विसेसनेनेव वेवचनं सात्थकं सिया । परलोको च कम्मवसेन अभिमुखो सम्परेति गच्छति पवत्तति एत्थाति **अभिसम्परायोति** वुच्चति । “इति खो आनन्द, कुसलानि सीलानि अनुपुब्बेन अग्गाय परेन्ती”तिआदीसु (अ० नि० ३.१०.२) विय हि चुरादिगणवसेन **पर-**सद्दं गतियमिच्छन्ति सद्दविद्दू, अयमेत्थ अट्ठकथातो अपरो नयो ।

एवंगतिकाति एवंगमना एवंनिट्ठा, एवमनुयुज्जनेन भिज्जननस्सनपरियोसानाति अत्थो । **गति-**सद्दो चेत्थं “येहि समन्नागतस्स महापुरिसस्स द्वेव गतियो भवन्ती”तिआदीसु (दी० नि० १.२५८; २.३३, ३५; ३.१९९, २००; म० नि० २.३८४, ३९७) विय निट्ठानत्थो । इदं वुत्तं होति – इमे दिट्ठिसङ्घाता दिट्ठिद्वाना एवं परमत्थतो असन्तं अत्तानं, सस्सतभावञ्च तस्मिं अज्झारोपेत्वा गहिता, परामट्ठा च समाना बाल्लपनायेव हुत्वा याव पण्डिता न समनुयुज्जन्ति, ताव गच्छन्ति, पातुभवन्ति च, पण्डितेहि समनुयुज्जियमाना पन अनवट्ठितवत्थुका अविमद्दक्खमा सूरियुग्गमने उस्सावबिन्दू विय, खज्जोपनका विय च भिज्जन्ति, विनस्सन्ति चाति ।

तत्थायं अनुयुज्जने सङ्केपकथा – यदि हि परेहि कप्पितो अत्ता लोको वा सस्सतो सिया, तस्स निब्बिकारताय पुरिमरूपाविजहनतो कस्सचि विसेसाधानस्स कातुमसक्कुण्येयताय अहिततो निवत्तनत्थं, हिते च पटिपज्जनत्थं उपदेसो एव सस्सतवादिनो निष्पयोजनो सिया, कथं वा तेन सो उपदेसो पवत्तीयति विकाराभावतो । एवञ्च सति परिकप्पितस्स अत्तनो अजटाकासस्स विय दानादिकिरिया, हिंसादिकिरिया च न सम्भवति, तथा सुखस्स, दुक्खस्स च अनुभवननिबन्धो एव सस्सतवादिनो न युज्जति कम्मबद्धाभावतो । जातिआदीनञ्च असम्भवतो विमोक्खो न भवेय्य, अथ पन धम्ममत्तं तस्स उप्पज्जति चेव विनस्सति च, यस्स वसेनायं किरियादिवोहारोति वदेय्य,

एवम्पि पुरिमरूपाविजहनेन अवट्टितस्स अत्तनो धम्ममत्तन्ति न सक्का सम्भावेतुं, ते वा पनस्स धम्मा अवत्थाभूता, तस्मा तस्स उप्पन्ना अज्जे वा सियुं अनज्जे वा, यदि अज्जे, न ताहि अवत्थाहि तस्स उप्पन्नाहिपि कोचि विसेसो अत्थि, याहि करोति पटिसंवेदेति चवति उप्पज्जति चाति इच्छितं, एवञ्च धम्मकप्पनापि निरत्थका सिया, तस्मा तदवत्थो एव यथावुत्तदोसो, अथानज्जे, उप्पादविनासवन्तीहि अवत्थाहि अनज्जस्स अत्तनो तासं विय उप्पादविनाससम्भावतो कुतो भवेय्य निच्चतावकासो, तासम्पि वा अत्तनो विय निच्चतापवति, तस्मा बन्धविमोक्खानं असम्भवो एवाति न युज्जतियेव सस्सतवादो, न चेत्थ कोचि वादी धम्मानं सस्सतभावे परिसुदं युत्तिं वत्तुं समत्थो भवेय्य, युत्तिरहितञ्च वचनं न पण्डितानं चित्तं आराधेति, तेनावोचुम्ह “याव पण्डिता न समनुयुज्जन्ति, ताव गच्छन्ति, पातुभवन्ति चा”ति ।

सकारणं सगतिकन्ति एत्थ सह-सद्दो विज्जमानत्थो “सलोमको सपक्खको”तिआदीसु विय, न पन समवायत्थो च-सद्देन “तयिदं भिक्खवे, तथागतो पजानाती”ति वुत्तस्स दिट्ठिगतस्स समुच्चिनितत्ता, “तञ्च तथागतो पजानाती”ति इमिना च कारणगतीनमेव पजाननभावेन वुत्तत्ता । इदं वुत्तं होति – तयिदं भिक्खवे, कारणवन्तं गतिवन्तं दिट्ठिगतं तथागतो पजानाति, न केवलञ्च तदेव, अथ खो तस्स कारणगतिसङ्घातं तञ्च सब्बन्ति । “ततो...पे०... पजानाती”ति वुत्तवाक्यस्स अत्थं वुत्तनयेन संवण्णेति “ततो चा”तिआदिना । सब्बज्जुतज्जाणस्सेविध विभजनन्ति पकरणानुरूपमत्थं आह “सब्बज्जुतज्जाणञ्चा”ति, तस्मिं वा वुत्ते तदधिद्वानतो आसवक्खयजाणं, तदविनाभावतो वा सब्बम्पि दसबलादिजाणं गहितमेवातिपि तदेव वुत्तं ।

एवंविधन्ति “सीलज्जा”तिआदिना एवंवुत्तप्पकारं । **पजानन्तोपीति** एत्थ पि-सद्देन, अपि-सद्देन वा “तज्जा”ति वुत्त च-सद्दस्स सम्भावनत्थभावं दस्सेति, तेन ततो दिट्ठिगततो उत्तरितरं सारभूतं सीलादिगुणविसेसम्पि तथागतो नाभिनिविसति, को पन वादो वट्ठामिसेति सम्भावेति । “अह”न्ति दिट्ठिमानवसेन परामसनाकारदस्सनं । **पजानामीति** एत्थ इति-सद्देन पकारत्थेन, निदस्सनत्थेन वा । “मम”न्ति तण्हावसेन परामसनाकारं दस्सेति । **तण्हादिट्ठिमानपरामासवसेनाति** तण्हादिट्ठिमानसङ्घातपरामासवसेन । धम्मसभावमतिक्कमित्वा “अहं मम”न्ति परतो अभूततो आमसनं **परामासो**, तण्हादयो एव । न हि तं अत्थि, यं खन्धेसु “अह”न्ति वा “मम”न्ति वा गहेतब्बं सिया, अपरामसतो अपरामसन्तस्स अस्स तथागतस्स निब्बुति विदिताति सम्बन्धो । “अपरामसतो”ति चेदं निब्बुतिपवेदनाय

(निब्बुतिवेदनस्स दी० नि० टी० १.३६) हेतुगम्भविसेसनं । “विदिता”ति पदमपेक्खित्वा कत्तरि सामिवचनं । अपरामसतो परामासरहितपटिपत्तिहेतु अस्स तथागतस्स कत्तुभूतस्स निब्बुति असङ्गतधातु विदिता, अधिगताति वा अत्थो । “अपरामसतो”ति हेदं हेतुम्हि निस्सक्कवचनं ।

“अपरामासपच्चया”ति पच्चत्तज्जेव पवेदनाय कारणदस्सनं । अस्साति कत्तारं वत्वापि पच्चत्तज्जेवाति विसेसदस्सनत्थं पुन कत्तुवचनन्ति आह “सयमेव अत्तनायेवा”ति । सयं, अत्तनाति वा भावनपुंसकं । निपातपदज्हेतं । “अपरामसतो”ति वचनतो परामासानमेव निब्बुति इध देसिता, तंदेसनाय एव तदज्जेसम्पि निब्बुतिया सिज्जनतोति दस्सेति “तेसं परामासकिलेसान”न्ति इमिना, परामाससङ्घातानं किलेसानन्ति अत्थो । अपिच कामं “अपरामसतो”ति वचनतो परामासानमेव निब्बुति इध देसिताति विज्जायति, तंदेसनाय पन तदवसेसानम्पि किलेसानं निब्बुति देसिता नाम भवति पहानेकट्टतादिभावतो, तस्मा तेसम्पि निब्बुति निद्धारेत्वा दस्सेतब्बाति वुत्तं “तेसं परामासकिलेसान”न्ति, तण्हादिट्ठिमानसङ्घातानं परामासानं, तदज्जेसज्च किलेसानन्ति अत्थो । गोबलीबद्दनयो हेस । निब्बुतीति च निब्बायनभूता असङ्गतधातु, तज्ज भगवा बोधिमूलेयेव पत्तो, तस्मा सा पच्चत्तज्जेव विदिताति ।

यथापटिपन्नेनाति येन पटिपन्नेन । तप्पटिपत्तिं दस्सेतुं “तासंयेव...पे०... आदिमाहा”ति अनुसन्धिदस्सनं । कस्मा पन वेदनानज्जेव कम्मङ्गानमाचिक्खतीति आह “यासू”तिआदि, इमिना देसनाविलासं दस्सेति । देसनाविलासप्पत्तो हि भगवा देसनाकुसलो खन्धायतनादिवसेन अनेकविधासु चतुसच्चदेसनासु सम्भवन्तीसुपि दिट्ठिगतिका वेदनासु मिच्छापटिपत्तिया दिट्ठिगहनं पक्खन्दाति दस्सनत्थं तथापक्खन्दनमूलभूता वेदनायेव परिज्जाभूमिभावेन उद्धरतीति । इधाति इमस्मिं वादे । एवं एत्थातिपि । कम्मङ्गानन्ति चतुसच्चकम्मङ्गानं । एत्थ हि वेदनागहणेन गहिता पञ्चुपादानक्खन्धा दुक्खसच्चं । वेदनानं समुदयगहणेन गहितो अविज्जासमुदयो समुदयसच्चं, अत्थङ्गमनिस्सरणपरियायेहि निरोधसच्चं, “यथाभूतं विदित्वा”ति एतेन मग्गसच्चन्ति एवं चत्तारि सच्चानि वेदितब्बानि । “यथाभूतं विदित्वा”ति इदं विभज्जब्याकरणत्थपदन्ति तदत्थं विभज्ज दस्सेतुं “तत्था”तिआदि वुत्तं । विसेसतो हि “अविज्जासमुदया वेदनासमुदयो”तिआदिलक्खणानं वसेन समुदयादीसु अत्थो यथारहं विभज्ज दस्सेतब्बो । अविसेसतो पन वेदनाय समुदयादीनि विपस्सनापज्जाय आरम्मणपटिवेधवसेन, मग्गपज्जाय असम्मोहपटिवेधवसेन

जानित्वा पटिविज्झित्वाति अत्थो। **पच्चयसमुदयद्वेनाति** “इमस्मिं सति इदं होति, इमस्सुप्पादा इदं उप्पज्जती”ति (म० नि० १.४०४; सं० नि० १.२.२१; उदा० १) वुत्तलक्खणेन अविज्जादीनं पच्चयानं उप्पादेन चेव मग्गेन असमुग्घाटेन च। याव हि मग्गेन न समुग्घाटीयति, ताव पच्चयोति वुच्चति। **निब्बत्तिलक्खणन्ति** उप्पादलक्खणं, जातिन्ति अत्थो। **पच्चन्नं लक्खणानन्ति** एत्थ च चतुन्नम्पि पच्चयानं उप्पादलक्खणमेव अगगहेत्वा पच्चयलक्खणम्पि गहेतब्बं समुदयं पटिच्च तेसं यथारहं उपकारकत्ता। तथा चेव संवण्णितं “मग्गेन असमुग्घाटेन चा”ति। **पच्चयनिरोधद्वेनाति** “इमस्मिं निरुद्धे इदं निरुद्धं होति, इमस्स निरोधा इदं निरुज्जती”ति (म० नि० १.४०६; उदा० ३; सं० नि० १.२.४१) वुत्तलक्खणेन अविज्जादीनं पच्चयानं निरोधेन चेव मग्गेन समुग्घाटेन च। **विपरिणामलक्खणन्ति** निरोधलक्खणं, भङ्गन्ति अत्थो। **वयन्ति** निरोधं। **यन्ति** यस्मा पच्चयभावसङ्घातहेतुतो। **वेदनं पटिच्चाति** पुरिमुप्पन्नं आरम्भणादिपच्चयभूतं वेदनं लभित्वा। **सुखं सोमनस्सन्ति** सुखञ्चेव सोमनस्सञ्च। **अयन्ति** पुरिमवेदनाय यथारहं पच्छिमुप्पन्नानं सुखसोमनस्सानं पच्चयभावो। **अस्सादो** नाम अस्सादितब्बोति कत्वा।

अपरो नयो – यन्ति सुखं, सोमनस्सञ्च। **अयन्ति** च नपुंसकलिङ्गेन निदिद्दं सुखसोमनस्समेव अस्सादपदमपेक्खित्वा पुल्लिङ्गेन निदिसीयति, इमस्मिं पन विकप्पे सुखसोमनस्सानं उप्पादोयेव तेहि उप्पादवन्तेहि निदिद्दो, सत्तिया, सत्तिमतो च अभिन्नत्ता। न हि सुखसोमनस्समन्तरेण तेसं उप्पादो लब्धति। इति पुरिमवेदनं पटिच्च सुखसोमनस्सुप्पादोपि पुरिमवेदनाय **अस्सादो** नाम अस्सादीयतेति कत्वा। अयज्हेत्थ सङ्केपत्थो – पुरिममुप्पन्नं वेदनं आरब्ध सोमनस्सुप्पत्तियं यो पुरिमवेदनाय पच्चयभावसङ्घातो अस्सादेतब्बाकारो, सोमनस्सस्स वा उप्पादसङ्घातो तदस्सादनाकारो, अयं पुरिमवेदनाय अस्सादोति। कथं पन वेदनं आरब्ध सुखं उप्पज्जति, ननु फोड्ढारम्मणन्ति? चेतसिकसुखस्सेव आरब्ध पवत्तियमधिप्पेतत्ता नायं दोसो। आरब्ध पवत्तियज्झि विसेसनमेव सोमनस्सगहणं सोमनस्सं सुखन्ति यथा “रुक्खो सीसपा”ति अज्जपच्चयवसेन उप्पत्तियं पन कायिकसुखम्पि अस्सादोयेव, यथालाभकथा वा एसाति दट्ठब्बं।

“**या वेदना अनिच्चा**”तिआदिना सत्तिमता सत्ति निदस्सिता। तत्रायमत्थो – या वेदना हुत्वा अभावद्वेन अनिच्चा, उदयब्बयपटिपीळनद्वेन दुक्खा, जराय, मरणेन चाति द्विधा विपरिणामेतब्बद्वेन विपरिणामधम्मा। तस्सा एवंभूताय अयं

अनिच्चदुक्खविपरिणामभावो वेदनाय सब्बायपिआदीनवोति । आदीनं परमकारुज्जं वाति पवत्तति एतस्माति हि आदीनवो । अपिचआदीनं अतिविय कपणं पवत्तनट्ठेन कपणमनुस्सो **आदीनवो**, अयम्पि एवंसभावोति तथा वुच्चति । सत्तिमता हि सत्ति अभिन्ना तदविनाभावतो ।

एत्थ च “**अनिच्चा**”ति इमिना सङ्खारदुक्खतावसेन उपेक्खावेदनाय, सब्बासु वा वेदनासुआदीनवमाह, “**दुक्खा**”ति इमिना दुक्खदुक्खतावसेनदुक्खवेदनाय, “**विपरिणामधम्मा**”ति इमिना विपरिणामदुक्खतावसेन सुखवेदनाय । अविसेसेन वा तीणिपि पदानि तिस्सन्नम्पि वेदनानं वसेन योजेतब्बानि । **छन्दरागविनयो**ति छन्दसङ्घातरागविनयनं विनासो । “अत्थवसा लिङ्गविभत्तिविपरिणामो”ति वचनतो यं छन्दरागप्पहानन्ति योजेतब्बं । परियायवचनमेविदं पदद्वयं । **यथाभूतं विदित्वा**ति मग्गस्स वुत्तता मग्गनिब्बानवसेन वा यथाक्कमं योजनापि वट्ठति । **वेदनाया**ति निस्सक्कवचनं । **निस्सरणन्ति** नेक्खम्मं । याव हि वेदनापटिबद्धं छन्दरागं नप्पजहति, तावायं पुरिसो वेदनाय अल्लीनोयेव होति । यदा पन तं छन्दरागं पजहति, तदायं पुरिसो वेदनाय निस्सटो विसंयुत्तो होति, तस्मा छन्दरागप्पहानं वेदनाय निस्सरणं वुत्तं । तब्बचनेन पन वेदनासहजातनिस्सयारम्मणभूता रूपारूपधम्मा गहिता एव होन्तीतिपि पज्जहि उपादानक्खन्धेहि निस्सरणवचनं सिद्धमेव । वेदनासीसेन हि देसना आगता, तत्थ पन कारणं हेट्ठा वुत्तमेव । लक्खणहारवसेनापि अयमत्थो विभावेतब्बो । वुत्तज्झि आयस्सता **महाकच्चानत्थेरेन** –

“वुत्तम्हि एकधम्मो, ये धम्मा एकलक्खणा केचि ।

वुत्ता भवन्ति सब्बो, सो हारो लक्खणो नामा”ति ।। (नेत्ति० ४८५) ।

कामुपादानमूलकत्ता सेसुपादानानं पहीने च कामुपादाने उपादानसेसाभावतो “**विगतछन्दरागताय अनुपादानो**”ति वुत्तं, एतेन “**अनुपादाविमुत्तो**”ति एतस्सत्थं सङ्खेपेन दस्सेति । इदं वुत्तं होति – विगतछन्दरागताय अनुपादानो, अनुपादानत्ता च अनुपादाविमुत्तोति । तमत्थं वित्थारेतुं, समत्थेतुं वा “**यस्मि**”न्तिआदि वुत्तं । तत्थ **यस्मिं उपादाने**ति सेसुपादानमूलभूते कामुपादाने । **तस्सा**ति कामुपादानस्स । **अनुपादियित्वा**ति छन्दरागवसेन अनादियित्वा, एतेन “**अनुपादाविमुत्तो**”ति पदस्स य-कारलोपेन समासभावं, ब्यासभावं वा दस्सेति ।

३७. “इमे खो”तिआदि यथापुट्टस्स धम्मस्स विस्सज्जितभावेन निगमनवचनं, “पजानाती”ति वुत्तपजाननमेव च इम-सहेन निदिट्ठन्ति दस्सेतुं “ये ते”तिआदिमाह। ये ते सब्बज्जुतज्जाणधम्मो...पे०... अपुच्छिं, येहि सब्बज्जुतज्जाणधम्मोहि...पे०... वदेय्युं, तज्ज...पे०... पजानातीति एवं निदिट्ठा इमे सब्बज्जुतज्जाणधम्मा गम्भीरा...पे०... पण्डितवेदनीया चाति वेदितब्बाति योजना। “एव”न्तिआदि पिण्डत्यदस्सनं। तत्थ किञ्चापि “अनुपादाविमुत्तो भिक्खवे, तथागतो”ति इमिना अगमग्गफलुप्पत्तिं दस्सेति, “वेदनानं, समुदयज्जा”तिआदिना च चतुसच्चकम्मद्वानं। तथपि यस्सा धम्मधतुया सुप्पटिविद्धत्ता इमं दिट्ठितं सकारणं सगतिकं पभेदतो विभजितुं समत्थो होति, तस्सा पदद्वानेन चैव सद्धिं पुब्बभागपटिपदाय उप्पत्तिभूमिया च तदेव पाकटतरं कतुकामो धम्मराजा एवं दस्सेतीति वुत्तं “तदेव नित्यातित”न्ति, निगमितं निट्ठापितन्ति अत्थो। अन्तराति पुच्छितविस्सज्जितधम्मदस्सनवचनानमन्तरा दिट्ठियो विभत्ता तस्स पजाननाकारदस्सनवसेनाति अत्थो।

पठमभागवारवण्णनाय लीनत्थप्पकासना।

एकच्चसस्सतवादवण्णना

३८. “एकच्चसस्सतिका”ति तद्धितपदं समासपदेन विभावेतुं “एकच्चसस्सतवादा”ति वुत्तं। सत्तेसु, सङ्घारेसु च एकच्चं सस्सतमेतस्साति एकच्चसस्सतो, वादो, सो एतेसन्ति एकच्चसस्सतिका तद्धितवसेन, समासवसेन पन एकच्चसस्सतो वादो एतेसन्ति एकच्चसस्सतवादा। एस नयो एकच्चअसस्सतिकपदेपि। ननु च “एकच्चसस्सतिका”ति वुत्ते तदज्जेसं एकच्चअसस्सतिकभावसन्निधानं सिद्धमेवाति? सच्चं अत्थतो, सद्गतो पन असिद्धमेव तस्मा सद्गतो पाकटतरं कत्वा दस्सेतुं तथा वुत्तं। न हि इध सावसेसं कत्वा धम्मं देसेति धम्मस्सामी। “इस्सरो निच्चो, अज्जे सत्ता अनिच्चा”ति एवंपवत्तवादा सत्तेकच्चसस्सतिका सेय्यथापि इस्सरवादा। तथा “निच्चो ब्रह्मा, अज्जे अनिच्चा”ति एवंपवत्तवादापि। “परमाणवो निच्चा, द्विअणुकादयो अनिच्चा”ति (विसिसिकदस्सने सत्तमपरिच्छेदे पठमकण्डे पस्सितब्बं) एवंपवत्तवादा सङ्घारेकच्चसस्सतिका सेय्यथापि काणादा। तथा “चक्खादयो अनिच्चा, विज्जाणं निच्च”न्ति (न्यायदस्सने,

विसेसिकदस्सने च पस्सितब्बं) एवंपवत्तवादापि। इधाति “एकच्चसस्सतिका”ति इमस्मिं पदे, इमिस्सा वा देसनाय। गहिताति वुत्ता, देसितब्बभावेन वा देसनाजाणेन समादिन्ना तथा चेव देसितत्ता। तथा हि इध पुरिमका तयो वादा सत्तवसेन, चतुत्थो सङ्खारवसेन देसितो। “सङ्खारेकच्चसस्सतिका”ति इदं पन तेहि सस्सतभावेन गय्हमानानं धम्मनं याथावसभावदस्सनवसेन वुत्तं, न पन एकच्चसस्सतिकमतदस्सनवसेन। तस्स हि सस्सताभिमतं असङ्गतमेवाति लद्धि। तेनेवाह पाळियं “चित्तन्ति वा...पे०... ठस्सती”ति। न हि यस्स सभावस्स पच्चयेहि अभिसङ्गतभावं पटिजानाति, तस्सेव निच्चधुवादिभावो अनुम्मतकेन सक्का पटिजानितुं, एतेन च “उप्पादवयधुवतायुत्ता सभावा सिया निच्चा, सिया अनिच्चा, सिया न वत्तब्बा”तिआदिना (दी० नि० टी० १.३८) पवत्तसत्तभङ्गवादस्स अयुत्तता विभाविता होति।

तत्रायं अयुत्तताविभावना -- यदि हि “येन सभावेन यो धम्मो अत्थीति वुच्चति, तेनेव सभावेन सो धम्मो नत्थी”ति वुच्चेय्य, सिया अनेकन्तवादो। अथ अज्जेन, न सिया अनेकन्तवादो। न चेत्थ देसन्तरादिसम्बन्धभावो युत्तो वत्तुं तस्स सब्बलोकसिद्धत्ता, विवादाभावतो च। ये पन वदन्ति “यथा सुवण्णघटेन मकुटे कते घटभावो नस्सति, मकुटभावो उप्पज्जति, सुवण्णभावो तिड्ढतियेव, एवं सब्बसभावानं कोचि धम्मो नस्सति, कोचि धम्मो उप्पज्जति, सभावो एव तिड्ढती”ति। ते वत्तब्बा “किं तं सुवण्णं, यं घटे, मकुटे च अवट्ठितं, यदि रूपादि, सो सद्दो विय अनिच्चो। अथ रूपादिसमूहो सम्मुत्तिमत्तं, न तस्स अत्थिता वा नत्थिता वा निच्चता वा लब्धती”ति, तस्मा अनेकन्तवादो न सिया। धम्मनज्ज धम्मिनो अज्जथानज्जथा च पवत्तियं दोसो वुत्तोयेव सस्सतवादविचारणायं। तस्मा सो तत्थ वुत्तनयेन वेदितब्बो। अपिच न निच्चानिच्चनवत्तब्बरूपो अत्ता, लोको च परमत्थतो विज्जमानतापरिजाननतो यथा निच्चादीनं अज्जतरं रूपं, यथा वा दीपादयो। न हि रूपादीनं उदयब्बयसभावानं निच्चानिच्चनवत्तब्बसभावता सक्का विज्जातुं, जीवस्स च निच्चादीसु अज्जतरं रूपं सियाति, एवं सत्तभङ्गो विय सेसभङ्गानम्पि असम्भवोयेवाति सत्तभङ्गवादस्स अयुत्तता वेदितब्बा (दी० नि० टी० १.३८)।

ननु च “एकच्चे धम्मा सस्सता, एकच्चे असस्सता”ति एतस्मिं वादे चक्खादीनं असस्सतभावसन्निधानं यथासभाववबोधो एव, अथ एवंवादीनं कथं मिच्छादस्सनं सियाति, को वा एवमाह “चक्खादीनं असस्सतभावसन्निधानं मिच्छादस्सनं”न्ति? असस्सतेसुयेव

पन केसज्जि धम्मानं सस्सतभावसन्निट्ठानं इध मिच्छादस्सनन्ति गहेतब्बं, तेन पन एकवादे पवत्तमानेन चक्खादीनं असस्सतभावावबोधो विदूसितो संसट्ठभावतो विससंसट्ठो विय सप्पिपिण्डो, ततो च तस्स सकिच्चकरणासमत्थताय सम्मादस्सनपक्खे ठपेतब्बतं नारहतीति। असस्सतभावेन निच्छितापि वा चक्खुआदयो समारोपितजीवसभावा एव दिट्ठिगतिकेहि गहन्तीति तदवबोधस्स मिच्छादस्सनभावो न सक्का निवारेतुं। तेनेवाह पाळियं “चक्खुं इतिपि...पे०... कायो इतिपि अयं अत्ता”तिआदि। एवञ्च कत्वा असङ्घताय, सङ्घताय च धातुया वसेन यथाक्कमं “एकच्चे धम्मा सस्सता, एकच्चे असस्सता”ति एवंपवत्तो विभज्जवादोपि एकच्चसस्सतवादोयेव भवेय्याति एवम्पकारा चोदना अनवकासा होति अविपरीतधम्मसभावपटिपत्तिभावतो। अविपरीतधम्मसभावपटिपत्तियेव हेस वुत्तनयेन असंसट्ठता, अनारोपितजीवसभावत्ता च।

एथाह – पुरिमस्मिप्पिसस्सतवादे असस्सतानं धम्मानं “सस्सता”ति गहणं विसेसतो मिच्छादस्सनं भवति। सस्सतानं पन “सस्सता”ति गाहो न मिच्छादस्सनं यथासभावग्गाहभावतो। एवञ्च सति इमस्स वादस्स वादन्तरता न वत्तब्बा, इध विय पुरिमपि एकच्चेस्वेव धम्मेसु सस्सतग्गाहसम्भवतोति, वत्तब्बायेव असस्सतेस्वेव “केचिदेव धम्मा सस्सता, केचि असस्सता”ति परिकप्पनावसेन गहेतब्बधम्मेसु विभागप्पवत्तिया इमस्स वादस्स दस्सितत्ता। ननु च एकदेसस्स समुदायन्तो गधत्ता अयं सप्पदेससस्सतग्गाहो पुरिमस्मिं निप्पदेससस्सतग्गाहे समोधानं गच्छेय्याती? तथापि न सक्का वत्तुं वादी तब्बिसयविसेसवसेन वादद्वयस्स पवत्तत्ता। अज्जे एव हि दिट्ठिगतिका “सब्बे धम्मा सस्सता”ति अभिनिविट्ठा, अज्जे “एकच्चेव सस्सता, एकच्चे असस्सता”ति। सङ्घारानं अनवसेसपरियादानं, एकदेसपरिग्गहो च वादद्वयस्स परिब्यत्तोयेव। किञ्च भिय्यो – अनेकविधसमुस्सये, एकविधसमुस्सये च खन्धपबन्धेन अभिनिवेसभावतो तथा न सक्का वत्तुं। चतुब्बिधोपि हि सस्सतवादी जातिविसेसवसेन नानाविधरूपकायसन्निस्सये एव अरूपधम्मपुज्जे सस्सताभिनिवेसी जातो अभिज्जाणेन, अनुस्सवादीहि च रूपकायभेदगहणतो। तथा च वुत्तं “ततो चुतो अमुत्र उदपादि”न्ति, (दी० नि० १.२४४; म० नि० १.१४८; पारा० १२) “चवन्ति उपपज्जन्ती”ति (दी० नि० १.२५५; म० नि० १.१४८; पारा० १२) च आदि। विसेसलाभी पन एकच्चसस्सतिको अनुपधारितभेदसमुस्सये धम्मपबन्धे सस्सताकारगहणेन अभिनिवेसं जनेसि एकभवपरियापन्नखन्धसन्तानविसयत्ता तदभिनिवेसस्स। तथा हि तीसुपि वादेसु “तं पुब्बेनिवासं अनुस्सरति, ततो परं नानुस्सरती”ति एत्तकमेव वुत्तं। तक्कीनं पन

उभिन्नमि सस्सतेकच्यसस्तवादीनं सस्सताभिनिवेसविसेसो रूपारूपधम्मविसयताय सुपाकटोयेवाति ।

३९. संवट्टट्टायीविवट्टट्टायीसङ्घातानं तिण्णमि असङ्खयेय्यकप्पानमतिक्कमेन पुन संवट्टनतो, अट्टा-सट्टस्स च कालपरियायत्ता एवं वुत्तन्ति आह “दीघस्सा”तिआदि । अतिक्कम्म अयनं पवत्तनं अच्चयो । अनेकथत्ता धातूनं, उपसग्गवसेन च अत्थविसेसवाचकत्ता सं-सद्देन युत्तो वट्ट-सट्टो विनासवाचीति वुत्तं “विनस्सती”ति, वट्ट-सट्टो वा गतियमेव । सङ्खयत्थजोतकेन पन सं-सद्देन युत्तत्ता तदत्थसम्बन्धनेन विनासत्थो लब्धतीति दस्सेति “विनस्सती”ति इमिना । सङ्खयवसेन वत्ततीति हि सट्टतो अत्थो, त-कारस्स चेत्थ ट-कारादेसो । विपत्तिकरमहामेघसमुप्पत्तित्तो हि पट्टाय याव अणुसहगतोपि सङ्घारो न होति, ताव लोको संवट्टतीति वुच्चति । पाळियं लोकोति पथवीआदिभाजनलोको अधिप्पेतो तदवसेसस्स बाहुल्लतो, तदेव सन्धाय “येभ्य्येना”ति वुत्तन्ति दस्सेति “ये”तिआदिना । उपरिब्रह्मलोकेसूति आभस्सरभूमितो उपरिभूमीसु । अग्निना कप्पवुट्ठानज्झि इधाधिप्पेतं, तेनेवाह पाळियं “आभस्सरसंवत्तनिका होन्ती”ति । कस्मा तदेव वुत्तन्ति चे ? तस्सेव बहुलं पवत्तनतो । अयज्झि वारनियमो –

“सत्तसत्तग्गिना वारा, अट्टमे अट्टमे दका ।

चतुसट्ठि यदा पुण्णा, एको वायुवरो सिया”ति ।।
(अभिधम्मत्थविभावनीटीकायपञ्चमपरिच्छेदवण्णनायमि) ।

आरुप्पेसु वाति एत्थ विकप्पनत्थेन वा-सद्देन संवट्टमानलोकधातूहि अज्जलोकधातूसु वाति विकप्पेति । न हि सब्बे अपायसत्ता तदा रूपारूपभवेसु उप्पज्जन्तीति सक्का विज्जातुं अपायेसु दीघतरायुकानं मनुस्सलोकूपपत्तिया असम्भवतो, मनुस्सलोकूपपत्तिञ्च विना तदा तेसं तत्रूपपत्तिया अनुपपत्तितो । नियतमिच्छादिट्ठिकोपि हि संवट्टमाने कप्पे निरयतो न मुच्चति, पिट्ठिक्कवाळेयेव निब्बत्ततीति अट्टकथासु (अ० नि० अट्ट० १.३११) वुत्तं । सतिपि सब्बसत्तानं पुज्जापुज्जाभिसङ्कारमनसा निब्बत्तभावे बाहिरपच्चयेहि विना मनसाव निब्बत्तत्ता रूपावचरसत्ता एव “मनोमया”ति वुच्चन्ति, न पन बाहिरपच्चयपटियत्ता तदज्जेति दस्सेतुं “मनेन निब्बत्तत्ता मनोमया”ति आह । यदेवं कामावचरसत्तानमि ओपपातिकानं मनोमयभावो आपज्जतीति ? नापज्जति, अधिकत्तभूतेन अतिसयमनसा निब्बत्तसत्तेसुयेव मनोमयवोहारतीति दस्सेन्तेन ज्ञान-सद्देन

विसेसेत्वा “ज्ञानमनेना”ति वुत्तं। एवम्पि अरूपावचरसत्तानं मनोमयभावो आपज्जतीति ? न तत्थ बाहिरपच्चयेहि निब्बत्तेतब्बतासङ्काय अभावेन मनसा एव निब्बत्ताति अवधारणासम्भवतो। निरुद्धोवायं लोके मनोमयवोहारो रूपावचरसत्तेसु। तथा हि अन्नमयो पानमयो मनोमयो आनन्दमयो विज्जाणमयोति पञ्चधा अत्तानं वेदवादिनो परिकपेन्ति। उच्छेदवादेपि वक्खति “दिब्बो रूपी मनोमयो”ति, (दी० नि० १.८७) ते पन ज्ञानानुभावतो पीतिभक्खा सयंपभा अन्तलिक्खचराति आह “पीति तेस”न्तिआदि, तेसं अत्तनोव पभा अत्थीति अत्थो। सोभना वा ठायी सभा एतेसन्ति सुभट्ठायिनोतिपि युज्जति। उक्कंसेनाति आभस्सरे सन्धाय वुत्तं। परिताभाप्पमाणाभा पन द्वे, चत्तारो च कप्पे तिड्ढन्ति। अट्ट कप्पेति चतुन्नमसङ्ख्येयकप्पानं समुदायभूते अट्ट महाकप्पे।

४०. विनासवाचीयेव वट्ट-सट्ठो पटिसेधजोतकेन उपसग्गेन युत्तत्ता सण्ठाहनत्थजापकोति आह “सण्ठाती”ति, अनेकत्थत्ता वा धातूनं निब्बत्तति, वट्ठतीति वा अत्थो। सम्पत्तिमहामेघसमुप्पत्तितो हि पट्ठाय पथवीसन्धारकुदकतंसन्धारकवायुआदीनं समुप्पत्तिवसेन याव चन्दिमसूरियानं पातुभावो, ताव लोको विवट्ठतीति वुच्चति। पकतियाति सभावेन, तस्स “सुज्ज”न्ति इमिना सम्बन्धो। तथासुज्जताय कारणमाह “निब्बत्तसत्तानं नत्थिताया”ति। पुरिमतरं अज्जेसं सत्तानमनुप्पन्नत्ताति भावो, तेन यथा एकच्चानि विमानानि तत्थ निब्बत्तसत्तानं छड्ढितत्ता सुज्जानि, न एवमिदन्ति दस्सेति।

अपरो नयो – सककम्मस्स पठमं करणं पकति, ताय निब्बत्तसत्तानन्ति सम्बन्धो, तेन यथा एतस्स अत्तनो कम्मबलेन पठमं निब्बत्ति, न एवं अज्जेसं तस्स पुरिमतरं, समानकाले वा निब्बत्ति अत्थि, तथा निब्बत्तसत्तानं नत्थिताय सुज्जमिदन्ति दस्सेति। ब्रह्मपारिसज्जब्रह्मपुरोहितमहाब्रह्मानो इध ब्रह्मकायिका, तेसं निवासताय भूमिपि “ब्रह्मकायिका”ति वुत्ता, ब्रह्मकायिकभूमीति पन पाठेब्रह्मकायिकानं सम्बन्धिनी भूमीति अत्थो। कत्ता सयं कारको। कारेता परेसं आणापको। विसुद्धिमग्गे पुब्बेनिवासजाणकथायं (विसुद्धि० २.४०८) वुत्तनयेन, एतेन निब्बत्तक्कमं कम्मपच्चयउतुसमुद्धानभावे च कारणं दस्सेति। कम्मं उपनिस्सयभावेन पच्चयो एतिस्साति कम्मपच्चया। अथ वा तत्थ निब्बत्तसत्तानं विपच्चनककम्मस्स सहकारीकारकभावतो कम्मस्स पच्चयाति कम्मपच्चया। उतु समुद्धानमेतिस्साति उतुसमुद्धाना। “कम्मपच्चयउतुसमुद्धाना”तिपि समासवसेन पाठो कम्मसहायो पच्चयो, वुत्तनयेन वा कम्मस्स सहायभूतो पच्चयोति कम्मपच्चयो, सो एव उतु तथा, सोव समुद्धानमेतिस्साति कम्मपच्चयउतुसमुद्धाना। रतनभूमीति

उक्कंसगतपुञ्जकम्मानुभावतो रतनभूता भूमि, न केवलं भूमियेव, अथ खो तप्परिवारापीति आह “पकती”तिआदि। पकतिनिब्बत्तद्धानेति पुरिमकप्पेसु पुरिमकानं निब्बत्तद्धाने। एत्थाति “ब्रह्मविमान”न्ति वुत्ताय ब्रह्मकायिकभूमिया। सामञ्जविसेसवसेन चेतं आधारद्वयं। कथं पणीताय दुतियज्झानभूमिया ठितानं हीनाय पठमज्झानभूमिया उपपत्ति होतीति आह “अथ सत्तान”न्तिआदि, निकन्तिवसेन पठमज्झानं भावेत्वाति वुत्तं होति, पकतिया सभावेन निकन्ति तण्हा उपपज्जतीति सम्बन्धो। वसितद्धानेति वुत्थपुब्बद्धाने। ततो ओतरन्तीति उपपत्तिवसेन दुतियज्झानभूमितो पठमज्झानभूमि अपसक्कन्ति, गच्छन्तीति अथो। अप्पायुकेति यं उळारपुञ्जकम्मं कत्तं, तस्स उपज्जनारहविपाकपबन्धतो अप्पपरिमाणायुके। तस्स देवलोकस्साति तस्मिं देवलोके, निस्सयवसेन वा सम्बन्धनिद्देसो। आयुप्पमाणेनेवाति परमायुप्पमाणेनेव। परित्तन्ति अप्पकं। अन्तराव चवन्तीति राजकोट्टागारे पक्खित्ततण्डुलनाळि विय पुञ्जक्खया हुत्वा सककम्मप्पमाणेन तस्स देवलोकस्स परमायुअन्तरा एव चवन्ति।

किं पनेतं परमायु नाम, कथं वा तं परिच्छिन्नप्पमाणन्ति? वुच्चते – यो तेसं तेसं सत्तानं तस्मिं तस्मिं भवविसेसे विपाकप्पबन्धस्स ठितिकालनियमो पुरिमसिद्धभवपत्थनूपनिस्सयवसेन सरीरावयववण्णसण्ठानप्पमाणादिविसेसा विय तंतंगतिनिकायादीसु येभुय्येन नियतपरिच्छेदो होति, गम्भसेय्यककामावचरदेव-रूपावचरसत्तानं सुक्कसोणितादिउतुभोजनादिउतुआदिपच्चयुप्पन्नपच्चयूपत्थम्भितो च, सो आयुहेतुक्ता कारणूपचारेन आयु, उक्कंसपरिच्छेदवसेन परमायूति च वुच्चति। यथासकं खणमत्तावद्वायीनम्पि हि अत्तना सहजातानं रूपारूपधम्मानं ठपनाकारवुत्तिताय पवत्तकानि रूपारूपजीवितिन्द्रियानि न केवलं नेसं खणड्डितिया एव कारणभावेन अनुपालकानि, अथ खो याव भङ्गुपच्छेदा [भवङ्गुपच्छेदा (दी० नि० टी० १.४०)] अनुपबन्धस्स अविच्छेदहेतुभावेनापि। तस्मा चेस आयुहेतुकोयेव, तं पन देवानं, नेरयिकानञ्च येभुय्येन नियतपरिच्छेदं, उत्तरकुरुकानं पन एकन्तनियतपरिच्छेदमेव। अवसिद्धमनुस्सपेततिरच्छानगतानं पन चिरद्वितिसंवत्तनिककम्मबहुले काले तंकम्मसहित-सत्तानजनितसुक्कसोणितपच्चयानं, तम्मूलकानञ्च चन्दिमसूरियसमविसमपरिवत्तनादिजनित-उतुआहारादिसमविसमपच्चयानं वसेन चिराचिरकालताय अनियतपरिच्छेदं, तस्स च यथा पुरिमसिद्धभवपत्थनावसेन तंतंगतिनिकायादीसु वण्णसण्ठानादिविसेसनियमो सिद्धो, दस्सनानुस्सवादीहि तथायेव आदितो गहणसिद्धिया, एवं तासु तासु उपपत्तीसु

निब्बत्तसत्तानं येभुय्येन समप्पमाणं ठितिकालं दस्सनानुस्सवेहि लभित्वा तं परमतं अज्झोसाय पवत्तितभवपत्थनावसेन आदितो परिच्छेदनियमो वेदितब्बो ।

यस्मा पन कम्मं तासु तासु उपपत्तीसु यथा तंतंउपपत्तिनिस्सितवण्णादिनिब्बत्तने समत्थं, एवं नियतायुपरिच्छेदासु उपपत्तीसु परिच्छेदातिक्कमेन विपाकनिब्बत्तने समत्थं न होति, तस्मा वुत्तं “आयुष्माणेनेव चवन्ती”ति । यस्मा पन उपत्थम्भकपच्चयसहायेहि अनुपालकपच्चयेहि उपादिन्नकखन्धानं पवत्तेतब्बाकारो अत्थतो परमायुकस्स होति यथावुत्तपरिच्छेदानतिक्कमनतो, तस्मा सतिपि कम्मावसेसे ठानं न सम्भवति, तेन वुत्तं “अत्तनो पुञ्जबलेन ठातुं न सक्कोन्ती”ति । “आयुक्खया वा पुञ्जक्खया वा आभस्सरकाया चवित्वा”ति वचनतो पनेत्थ कामावचरदेवानं विय ब्रह्मकायिकानम्पि येभुय्येनेव नियतायुपरिच्छेदभावो वेदितब्बो । तथा हि देवलोक्तो देवपुत्ता आयुक्खयेन पुञ्जक्खयेन आहारक्खयेन कोपेनाति चतूहि कारणेहि चवन्तीति अइक्कथासु (ध० प० अट्ठ० १. अप्पमादवग्गे) वुत्तं । कप्पं वा उपइक्कप्पं वाति एत्थ असङ्खयेय्यकप्पो अधिप्पेतो, सो च तथारूपो कालोयेव, वा-सद्दो पन कप्पस्स ततियभागं वा ततो ऊनमधिकं वाति विकप्पनत्थो ।

४१. अनभिरतीति एककविहारेन अनभिरमणसङ्घाता अज्जेहि समागमिच्छायेव । तत्थ “एककस्स दीघरत्तं निवसितत्ता”ति पाळियं वचनतोति वुत्तं “अपरस्सापी”तिआदि । एवमन्वयमत्थं दस्सेत्वा ननु उक्कण्ठितापि सियाति चोदनासोधनवसेन ब्यतिरेकं दस्सेति “या पना”तिआदिना । पियवत्थुविरहेन, पियवत्थुअलाभेन वा चित्तविग्घातो उक्कण्ठिता, सा पनत्थतो दोमनस्सचित्तुप्पादोव, तेनाह “पटिघसम्पयुत्ता”ति । सा ब्रह्मलोके नत्थि झानानुभावपहीनत्ता । तण्हादिट्टिसङ्घाता चित्तस्स पुरिमावत्थाय उब्बिज्जना फन्दना एव इध परितस्सना । सा हि दीघरत्तं झानरतिया ठितस्स यथावुत्तानभिरतिनिमित्तं उप्पन्ना “अहं मम”न्ति गहणस्स च कारणभूता । तेन वक्खति “तण्हातस्स नापि दिट्ठितस्सनापि वट्ठती”ति (दी० नि० अट्ठ० १.४१) ननु वुत्तं अत्थुद्धारे इमंयेव पाळिं नीहरित्वा “अहो वत अज्जेपि सत्ता इत्थत्तं आगच्छेय्युन्ति अयं तण्हातस्सना नामा”ति ? सच्चं, तं पन दिट्ठितस्सनाय विसुं उदाहरणं दस्सेन्तेन तण्हातस्सनमेव ततो निद्धारेत्वा वुत्तं, न पन एत्थ दिट्ठितस्सनाय अलब्भमानत्ताति न दोसो । इदानीं समानसद्दवचनीयानं अत्थानमुद्धरणं कत्वा इधाधिप्पेतं विभावेतुं “सा पनेसा”तिआदिमाह । पटिघसङ्घातो चित्तुत्तासो एव तासतस्सना । एवमज्जत्थापि यथारहं । “जातिं पटिच्चा”तिआदि विभङ्गपाळि, (विभं० ९२१)

तत्रायमत्थकथा – जातिं पटिच्च भयन्ति जातिपच्चया उप्पन्नभयं । भयानकन्ति आकारनिद्वेसो । छम्भितन्ति भयवसेन गत्तकम्पो, विसेसतो हृदयमंसचलनं । लोमहंसोति लोमानं हंसनं, भित्तिं नागदन्तानमिव उद्धग्गभावो, इमिना पदद्वयेन किच्चतो भयं दस्सेत्वा पुन चेत्तो उत्रासोति सभावतो दस्सितन्ति । टीकायं पन “भयानकन्ति भेरवारम्मणनिमित्तं बलवभयं, तेन सरीरस्स थद्धभावो छम्भितत्त”न्ति (दी० नि० टी० १.४१) वुत्तं, अनेनेव भयन्ति एत्थ खुद्दकभयं दस्सितं, इति एत्थ पयोगे अयं तस्सनाति एवं सब्बत्थ अत्थो । परितस्सितविष्फन्दितमेवाति एत्थ “दिट्ठिसङ्घातेन च तण्हासङ्घातेन च परितस्सितेन विष्फन्दितमेव चलितमेव कम्पितमेवा”ति (दी० नि० अट्ठ० १.१०५-११७) अट्ठकथायमत्थं वक्खति । तेन विज्जायति लब्भमानम्पि तण्हातस्सनमन्तरेन दिट्ठितस्सनायेव निहयाति । “तेपी”तिआदि सीहोपमसुत्तन्तपाळि (अ० नि० १.४.३३) तत्थ तेपीति दीघायुका देवापि । भयन्ति भङ्गानुपस्सनापरिचिण्णन्ते सब्बसङ्खारतो भायनवसेन उप्पन्नं भयजाणं । संवेगन्ति सहोत्तप्पजाणं, ओत्तप्पमेव वा । सन्तासन्ति आदीनवनिब्बिदानुपस्सनाहि सङ्घारेहि सन्तासनजाणं । उपपत्तिवसेनाति पटिसन्धिवसेनेव ।

सहव्यतन्ति सहायभावमिच्छेव सद्गतो अत्थो सहव्य-सद्दस्स सहायत्थे पवत्तनतो । सो हि सह व्यायति पवत्तति, दोसं वा पटिच्छादेतीति सहव्योति वुच्चति, तस्स भावो सहव्यता । सहायभावो पन सहभावोयेव नामाति अधिप्पायतो अत्थं दस्सेतुं “सहभाव”न्ति वुत्तं । ससाधनसमवायत्थो वा सह-सद्दो अधिकिच्चपदे अधिसद्दो विय, तस्मा सह एकतो वत्तमानस्स भावो सहव्यं यथा “दासव्य”न्ति तदेव सहव्यता, सकत्थवुत्तिवसेन इममेवत्थं सन्धायाह “सहभाव”न्ति । अपिच सह वाति पवत्ततीति सहवो, तस्स भावो सहव्यं यथा “वीरस्स भावो वीरिय”न्ति, तदेव सहव्यताति एवं विमानट्ठकथायं (वि० व० अट्ठ० १७२) वुत्तं, तस्मा तदत्थं दस्सेतुं एवं वुत्तन्तिपि दट्ठब्बं ।

४२. इमे सत्ते अभिभवित्वाति सेसो । अभिभवना चेत्थ पापसभावेन जेड्ढभावेन “ते सत्ते अभिभवित्वा ठितो”ति अत्तनो मज्जनायेवाति वुत्तं “जेड्ढकोहमस्मी”ति । अज्जदत्थूति दस्सने अन्तरायाभाववचनेन, दसोति एत्थ दस्सनेय्यविसेसपरिगहाभावेन च अनावरणदस्सावितं पटिजानातीति आह “सब्बं पस्सामीति अत्थो”ति । दस्सनेय्यविसेसस्स हि पदेसभूतस्स अगगहणे सति गहेतब्बस्स निष्पदेसता विज्जायति यथा “दिक्खितो न ददाती”ति, देय्यधम्मविसेसस्स चेत्थ पदेसभूतस्स अगगहणतो पब्बजितो सब्बम्पि न ददातीति गहेतब्बस्स देय्यधम्मस्स निष्पदेसता विज्जायति । एवमीदिसेसु । वसे वत्तेमीति

वसवत्ती। अहं-सद्वयोगतो हि सब्बत्थ अम्हयोगेन वचनत्थो। सत्तभाजनभूतस्स लोक्कस्स निम्माता चाति सम्बन्धो। “पथवी”तिआदि चेत्थ भाजनलोक्कवसेन अधिप्पायकथनं। सजिताति रचिता, विभजिता वा, तेनाह “त्वं खत्तियो नामा”तिआदि। चिण्णवसितायाति समाचिण्णपञ्चविधवसिभावतो। तत्थाति भूतभब्येसु। अन्तोवत्थिहीति अन्तोगब्भासये। पठमचित्तक्खणेति पटिसन्धिचित्तक्खणे। दुतियतोति पठमभवङ्गचित्तक्खणतो। पठमइरियापथेति येन पटिसन्धिं गण्हाति, तस्मिं इरियापथे। इति अतीतवसेन, भूत-सद्वस्स वत्तमानवसेन च भब्य-सद्वस्स अत्थो दस्सितो। टीकायं (दी० नि० टी० १.४२) पन भब्य-सद्वत्थो अनागतवसेनापि वुत्तो। अहेसुन्ति हि भूता। भवन्ति, भविस्सन्ति चाति भब्या तब्बानीया विय ण्यपच्चयस्स कत्तरिपि पवत्तनतो।

“इस्सरो कत्ता निम्माता”ति वत्त्वापि पुन “मया इमे सत्ता निम्मिता”ति वचनं किमत्थियन्ति आह “इदानी कारणवसेना [कारणतो (अट्ठकथायं)]”तिआदि, कारणवसेन साधेतुकामताय पटिञ्जाकरणत्थन्ति वुत्तं होति। ननु चेस ब्रह्मा अनवड्डितदस्सनत्ता पुथुज्जनस्स पुरिमतरजातिपरिचितम्पि कम्मस्सकताजाणं विस्सज्जेत्वा विकुब्बनिद्धिवसेन चित्तुप्पादमत्तपटिबद्धेन सत्तनिम्मानेन विपल्लद्धो “मया इमे सत्ता निम्मिता”तिआदिना इस्सरकुत्तदस्सनं पक्खन्दमानो अभिनिविसनवसेन पतिट्ठितो, न पन पतिट्ठापनवसेन। अथ कस्मा कारणवसेन साधेतुकामो पटिञ्जं करोतीति वुत्तन्ति? न चेवं दट्ठब्बं। तेसम्पि हि “एवं होती”तिआदिना पच्छा उप्पज्जन्तानम्पि तथाअभिनिवेसस्स वक्खमानत्ता परेसं पतिट्ठापनक्कमेनेव तस्स सो अभिनिवेसो जातो, न तु अभिनिविसनमत्तेन, तस्मा एवं वुत्तन्ति दट्ठब्बं। तेनेवाह “तं किस्स हेतू”तिआदि। पाळियं मनसो पणिधीति मनसो पत्थना, तथा चित्तुप्पत्तिमत्तमेवाति वुत्तं होति।

इत्थभावन्ति इदम्पकारभावं। यस्मा पन सो पकारो ब्रह्मत्तभावोयेविधाधिप्पेतो, तस्मा “ब्रह्मभाव”न्ति वुत्तं। अयं पकारो इत्थं, तस्स भावो इत्थत्तन्ति हि निब्बचनं। केवलन्ति कम्मस्सकताजाणेन असम्मिस्सं सुद्धं। मज्जनामत्तेनेवाति दिट्ठिमज्जनामत्तेनेव, न अधिमानवसेन। वड्ढिदेन वड्ढाणी विय ओनमित्वा वड्ढलद्धिकेन वड्ढलद्धिका ओनमित्वा तस्सेव ब्रह्मनो पादमूलं गच्छन्ति, तंपक्खका भवन्तीति अत्थो। ननु च देवानं उपपत्तिसमनन्तरं “इमाय नाम गतिया चवित्वा इमिना नाम कम्मुना इधूपपन्ना”ति पच्चवेक्खणा होति, अथ कस्मा तेसं एवं मज्जना सियाति? पुरिमजातीसु कम्मस्सकताजाणे सम्मदेव निविट्ठज्झासयानमेव तथापच्चवेक्खणाय पवत्तितो। तादिसानमेव

हि तथापच्चवेक्खणा सम्भवति, सा च खो येभ्यवसेन, इमे पन पुरिमासुपि जातीसु इस्सरकुत्तदिट्ठिवसेन निबद्धाभिनिवेसा एवमेव मज्जमाना अहेसुन्ति । तथा हि पाळियं वुत्तं “इमिना मय”न्तिआदि ।

४३. ईसति अभिभवतीति ईसो, महन्तो ईसो महेसो, सुप्पतिट्ठितमहेसताय परेहि “महेसो” इति अक्खायतीति महेसक्खो, महेसक्खानं अतिसयेन महेसक्खोति महेसक्खतरोति वचनत्थो । सो पन महेसक्खतरभावो आधिपतेय्यपरिवारसम्पत्तिया कारणभूताय विज्जायतीति वुत्तं “इस्सरियपरिवारवसेन महायसतरो”ति ।

४४. किं पनेतं कारणन्ति अनुयोगेनाह “सो ततो”तिआदि, तेन “इत्थत्तं आगच्छती”ति वुत्तं इधागमनमेव कारणन्ति दस्सेति । इधेव आगच्छतीति इमस्मिं मनुस्सलोके एव पटिसन्धिवसेन आगच्छति । एतन्ति “ठानं खो पनेतं भिक्खवे, विज्जती”ति वचनं । पाळियं यं अज्जतरो सत्तोति एत्थ यन्ति निपातमत्तं, कारणत्थे वा एस निपातो, हेतुम्हि वा पच्चत्तनिद्देशो, येन ठानेनाति अत्थो, किरियापरामसनं वा एतं । “इत्थत्तं आगच्छती”ति एत्थ यदेतं इत्थत्तस्स आगमनसङ्घातं ठानं, तदेतं विज्जतीति अत्थो । एस न सो पब्बजति, चेतोसमार्धिं फुसति, पुब्बेनिवासं अनुस्सतीति एतेसुपि पदेसु । “ठानं खो पनेतं भिक्खवे, विज्जति, यं अज्जतरो सत्तो”ति हि इमानि पदानि “पब्बजती”तिआदीहिपि पदेहि पच्चेकं योजेतब्बानि । न गच्छतीति अगारं, गेहं, अगारस्स हितं आगारियं, कसिगोरक्खादिकम्मं, तमेत्थ नत्थीति अनागारियं, पब्बज्जा, तेनाह “अगारस्मा”तिआदि । प-सद्देन विसिद्धो वज-सद्दो उपसङ्कमनेति वुत्तं “उपगच्छती”ति । परन्ति पच्छा, अतिसयं वा, अज्जं पुब्बेनिवासन्तिपि अत्थो । “न सरती”ति वुत्तेयेव अयमत्थो आपज्जतीति दस्सेति “सरितु”न्तिआदिना । अपस्सन्तोति पुब्बेनिवासानुस्सतिजाणेन अपस्सनहेतु, पस्सितुं असक्कोन्तो हुत्वातिपि वट्टति । मान-सद्दो विय हि अन्त-सद्दो इध सामत्थियत्थो । सदाभावतोति सब्बदा विज्जमानत्ता । जरावसेनापीति एत्थ पि-सद्देन मरणवसेनापीति सम्पिण्डेति ।

४५. खिड्ढापदोसिनोति कत्तुवसेन पदसिद्धि, खिड्ढापदोसिकाति पन सकत्थवुत्तिवसेन, सहमनपेक्खित्वा पन अत्थमेव दस्सेतुं “खिड्ढाया”तिआदि वुत्तं । “खिड्ढापदोसका”ति वा वत्तब्बे इ-कारागमवसेन एवं वुत्तं । पदुस्सनं वा पदोसो, खिड्ढाय पदोसो खिड्ढापदोसो, सो एतेसन्ति खिड्ढापदोसिका । “पदूसिकातिपि पाळिं लिखन्ती”ति अज्जनिकायिकानं पमादलेखतं

दस्सेति । महाविहारवासीनिकायिकानञ्चि वाचनामग्गवसेन अयं संवण्णना पवत्ता । अपिच तेन पोत्थकारुळ्हकाले पमादलेखं दस्सेति । तम्पि हि पदत्थसोधनाय अट्ठकथाय सोधितनियामेनेव गहेतब्बं, तेनाह “सा अट्ठकथायं नत्थी”ति । वेलं अतिक्कन्तं अतिवेलं, तं । भावनपुंसकज्जेतं, तेनाह “अतिचिर”न्ति, आहारूपभोगकालं अतिक्कमित्वाति वुत्तं होति । रतिधम्म-सद्दो हस्सखिड्डा-सद्देहि पच्चेकं योजेतब्बो “हस्सखिड्डासु रतिधम्मो रमणसभावो”ति । हसनं हस्सो, केळिहस्सो । खेडनं कीळनं खिड्डा, कायिकवाचसिककीळा । अनुयोगवसेन तंसमापन्नाति दस्सेन्तो आह “हस्सरतिधम्मज्जेवा”तिआदि । कीळा येसं ते केळिनो, तेसं हस्सो तथा । कीळाहस्सपयोगेन उप्पज्जनकसुखज्जेत्थ केळिहस्ससुखं । तदवसिड्ढकीळापयोगेन उप्पज्जनकं कायिकवाचसिककीळासुखं ।

“ते किरा”तिआदि वित्थारदस्सनं । किर-सद्दो हेत्थ वित्थारजोतकोयेव, न तु अनुस्सवनारुचियादिजोतको तथायेव पाळियं, अट्ठकथासु च वुत्तत्ता । सिरिविभवेनाति सरीरसोभग्गादिसिरिया, परिवारादिसम्पत्तिया च । नक्खत्तन्ति छणं । येभुय्येन हि नक्खत्तयोगेन कतत्ता तथायोगो वा होतु, मा वा, नक्खत्तमिच्चेव वुच्चति । आहारन्ति एत्थ को देवानमाहारो, का च तेसमाहारवेलाति ? सब्बेसम्पि कामावचरदेवानं सुधाहारो । द्वादसपापधम्मविग्घातेन हि सुखस्स धारणतो देवानं भोजनं “सुधा”ति वुच्चति । सा पन सेता सङ्खुपमा अतुल्यदस्सना सुचि सुगन्धा पियरूपा । यं सन्धाय सुधाभोजनजातके वुत्तं—

“सङ्खुपमं सेत’मतुल्यदस्सनं,
सुचि सुगन्धं पियरूप’मब्भुतं ।
अदिट्ठपुब्बं मम जातु चक्खुभि,
का देवता पाणिसु किं सुधो’दही”ति ।। (जा० २.२१.२२७) ।

“भुत्ता च सा द्वादसहन्ति पापके,
खुद्दं पिपासं अरतिं दरक्कलं ।
कोधूपनाहज्ज विवादपेसुणं,
सीतुण्ह तन्दिज्ज रसुत्तमं इद”न्ति च ।। (जा० २.२१.२२९) ।

सा च हेट्ठिमेहि हेट्ठिमेहि उपरिमानं उपरिमानं पणीततमा होति, तं यथासकं

परिमितदिवसवसेन दिवसे दिवसे भुज्जन्ति । केचि पन वदन्ति “बिळारपदप्पमाणं सुधाहारं ते भुज्जन्ति, सो जिह्वाय ठपितमत्तो याव केसगगनखग्गा कायं फरति, यथासकं गणितदिवसवसेन सत्त दिवसे यापनसमत्थो होती”ति । केचिवादे पनेत्थ **बिळारपद**-सद्दो सुवण्णसङ्घातस्स सङ्घयाविसेसस्स वाचको । पमाणतो पन उदुम्बरफलप्पमाणं, यं पाणितलं कबळगहन्तिपि वुच्चति । वुत्तज्झि **मधुकोसे** -

“पाणिरक्खो पिचु चापि, सुवण्णकमुदुम्बरं ।

बिळारपदकं पाणि-तलं तं कबळगह”न्ति ।।

“**निरन्तरं खादन्तापि पिवन्तापी**”ति इदं परिकप्पनावसेन वुत्तं, न पन एवं नियमवसेन तथा खादनपिवनानमनियमभावतो । **कम्मजतेजस्स बलवभावो** उळारपुज्जनिसब्बत्ता, उळारगरुसिनिद्धसुधाहारजीरणतो च । **करजकायस्स मन्दभावो** पन सुखुमालभावतो । तेनेव हि भगवा इन्दसालगुहायं पकतिपथवियं पतिट्ठातुं असक्कोन्तं सक्कं देवराजानं “ओळारिकं कायं अधिट्ठेही”ति अवोच । मनुस्सानं पन कम्मजतेजस्स मन्दभावो, करजकायस्स बलवभावो च वुत्तविपरीतेन वेदितब्बो । **करजकायो**ति एत्थ को वुच्चति सरीरं, तत्थ पवत्तो । रजो **करजो**, किं तं ? सुक्कसोणितं । तज्झि “रागो रजो न च पन रेणु वुच्चती”ति (महानि० २०९; चूळनि० ७४) एवं वुत्तरागरजफलत्ता सरीरवाचकेन क-सद्देन विसेसेत्वा कारणवोहारेण “करजो”ति वुच्चति । तेन सुक्कसोणितसङ्घातेन करजेन सम्भूतो कायो करजकायोति आचरिया । तथा हि कायो मातापेत्तिकसम्भवोति वुत्तो । **महाअस्सपूरसुत्तन्तटीकायं** पन “करीयति गम्भासये खिपीयतीति करो, सम्भवो, करतो जातोति करजो, मातापेत्तिकसम्भवोति अत्थो । मातुआदीनं सण्ठापनवसेन करतो हत्थतो जातोति करजोति अपरे । उभयथापि करजकायन्ति चतुसन्ततिरूपमाहा”ति वुत्तं । करोति पुत्ते निब्बत्तेतीति करो, सुक्कसोणितं, तेन जातो करजोतिपि वदन्ति । तथा असम्भूतोपि च देवादीनं कायो तब्बोहारेण “**करजकायो**”ति वुच्चति यथा “पूतिकायो, जरसिङ्गालो”ति । तेसन्ति मनुस्सानं । **अच्छयागु** नाम पसन्ना अकसटा यागु । वत्थुन्ति करजकायं । **एकं आहारवेलन्ति** एकदिवसमत्तं, केसज्जि मतेन पन सत्ताहं ।

एवं अन्वयतो व्यतिरेकतो च दस्सेत्वा उपमावसेनपि तमाविकरोन्तो “**यथा नामा**”तिआदिमाह । **तत्तपासाणे**ति अच्चुण्हपासाणे । रत्तसेतपदुमतो अवसिड्ढं **उप्पलं** ।

अट्टकथायन्ति महाअट्टकथायं । अविसेसेनाति “देवान”न्ति अविसेसेन, देवानं कम्मजतेजो बलवा होति, करजं मन्दन्ति वा कम्मजतेजकरजकायानं बलवमन्दतासङ्घात कारणसामञ्जेन । तदेतज्झि कारणं सब्बेसम्पि देवानं समानमेव, तस्मा सब्बेपि देवा गहेतब्बाति वुत्तं होति । कबलीकारभूतं सुधाहारं उपनिस्साय जीवन्तीति कबलीकाराहारूपजीविनो । केचीति अभयगिरिवासिनो । “खिड्ढापदुस्सनमत्तेनेव हेते खिड्ढापदोसिकाति वुत्ता”ति अयं पाठो “तेयेव चवन्तीति वेदितब्बा”ति एतस्सानन्तरे पठितब्बो तदनुसन्धिकत्ता । अयज्हेत्थानुसन्धि – यदि सब्बेपि एवं करोन्ता कामावचरदेवा चवेय्युं, अथ कस्मा “खिड्ढापदोसिका”ति नामविसेसेन भगवता वुत्ताति ? विचारणाय एवमाहाति, एतेन इममत्थं दस्सेति “सब्बेपि देवा एवं चवन्तापि खिड्ढाय पदुस्सनसभावमत्तं पति नामविसेसेन तथा वुत्ता”ति । यदेके वदेय्युं “केचिवादपटिड्ढापकोयं पाठो”ति, तदयुत्तमेव इति-सद्वन्तरिकत्ता, अन्ते च तस्स अविज्जमानत्ता । अत्थिकेहि पन तस्स केचिवादसमवरोधनं अन्ते इतिसद्दो योजेतब्बोति ।

४७-४८. मनोपदोसिनोति कत्तुवसेन पदसिद्धि, मनोपदोसिकाति च सकत्थवुत्तिवसेन, अत्थमत्तं पन दस्सेतुं “मनेना”तिआदि वुत्तं । “मनोपदोसिका”ति वा वत्तब्बे इ-कारागमवसेन एवं वुत्तं । मनेनाति इस्सापकतत्ता पदुड्ढेन मनसा । अपरो नयो – उसूयनवसेन मनसा पदोसो मनोपदोसो, विनासभूतो सो एतेसमत्थीति मनोपदोसिकाति । “ते अज्जमज्जम्हि पदुड्ढचित्ता किलन्तकाया किलन्तचित्ता ते देवा तम्हा काया चवन्ती”ति वचनतो “एते चातुमहाराजिका”ति आह । मनेन पदुस्सनमत्तेनेव हेते मनोपदोसिकाति वुत्ता । “तेसु किरा”तिआदि वित्थारो । रथेन वीथिं पटिपज्जतीति उपलक्खणमत्तं अज्जेहि अज्जत्थापि पटिपज्जनसम्भवतो । एतन्ति अत्तनो सम्पत्तिं । उद्धुमातो वियाति पीतिया करणभूताय उन्नतो विय । भिज्जमानो वियाति ताय भिज्जन्तो विय, पीतिया वा कत्तुभूताय भज्जितो विय । कुद्धा नाम सुविजानना होन्ति, तस्मा कुद्धभावमस्स जत्वाति अत्थो ।

अकुद्धो रक्खतीति कुद्धस्स सो कोधो इतरस्मिं अकुज्झन्ते अनुपादानो चेव एकवारमत्तं उप्पत्तिया अनासेवनो च हुत्वा चावेतुं न सककोति, उदकन्तं पत्वा अग्निं विय निब्बायति, तस्मा अकुद्धो इतरं चवनतो रक्खति । उभोसु पन कुद्धेसु भिय्यो भिय्यो अज्जमज्जम्हि परिवट्ठनवसेन तिखिणसमुदाचारो निस्सयदहनरसो कोधो उप्पज्जमानो हृदयवत्थुं निदहन्तो अच्चन्तसुखुमालकरजकायं विनासेति, ततो सकलोपि अत्तभावो

अन्तरधायति, तमत्वं दस्सेतुमाह “उभोसु पना”तिआदि। तथा चाह पाळियं “ते अज्जमज्झमि पदुच्चित्ता किलन्तकाया किलन्तचित्ता ते देवा तम्हा काया चवन्ती”ति। एकस्स कोधो इतरस्स पच्चयो होति, तस्सपि कोधो इतरस्स पच्चयो होतीति एत्थ कोधस्स भिय्यो भिय्यो परिवड्ढनाय एव पच्चयभावो वेदितब्बो, न चवनाय निस्सयदहनरसेन अत्तनोयेव कोधेन हृदयवत्थुं निदहन्तेन अच्चन्तसुखुमालस्स करजकायस्स चवन्तो। कन्दन्तानंयेव ओरोधानन्ति अनादरत्थे सामिवचनं। अयमेत्थ धम्मताति अयं तेसं करजकायमन्दताय, तथाउप्पज्जनकस्स च कोधस्स बलवताय ठानसो चवन्भावो एतेसु देवेसु रूपारूपधम्मानं धम्मनियामो सभावोति अत्थो।

४९-५२. चक्खादीनं भेदं पस्सतीति विरोधिपच्चयसन्निपाते विकारापत्तिदस्सनतो, अन्ते च अदस्सनूपगमनतो विनासं पस्सति ओळारिकत्ता रूपधम्मभेदस्स। पच्चयं दत्त्वाति अनन्तरपच्चयादिवसेन पच्चयसत्तिं दत्त्वा, पच्चयो हुत्वाति वुत्तं होति, तस्मा न पस्सतीति सम्बन्धो, बलवतरम्पि समानं इमिना कारणेन न पस्सतीति अधिप्पायो। बलवतरन्ति च चित्तस्स लहुतरभेदं सन्धाय वुत्तं। तथा हि एकस्मिं रूपे धरन्तेयेव सोळस चित्तानि भिज्जन्ति। चित्तस्स भेदं न पस्सतीति एत्थ खणे खणे भिज्जन्तम्पि चित्तं परस्स अनन्तरपच्चयभावेनेव भिज्जति, तस्मा पुरिमचित्तस्स अभावं पटिच्छादेत्वा विय पच्छिमचित्तस्स उप्पत्तितो भावपक्खो बलवतरो पाकटोव होति, न अभावपक्खोति इदं कारणं दस्सेतुं “चित्तं पना”तिआदि वुत्तन्ति दड्ढब्बं। अयञ्चत्थो अलाभचक्कनिदस्सनेन दीपेतब्बो। यस्मा पन तक्कीवादी नानत्तनयस्स दुरवधानताय, एकत्तनयस्स च मिच्छागहितत्ता “यदेविदं विज्जाणं सब्बदापि एवरूपेन पवत्तति, अयं मे अत्ता निच्चो”तिआदिना अभिनिवेसं जनेसि, तस्मा तमत्वं “सो तं अपस्सन्तो”तिआदिना सह उपमाय विभावेति।

अन्तानन्तवादवर्णना

५३. अन्तानन्तसहचरितो वादो अन्तानन्तो यथा “कुन्ता पचरन्ती”ति, अन्तानन्तसन्निस्सयो वा यथा “मज्जा उक्कुट्ठिं करोन्ती”ति, सो एतेसन्ति अन्तानन्तिकीति अत्थं दस्सेतुं “अन्तानन्तवादा”ति वुत्तं। वुत्तनयेन अन्तानन्तसहचरितो, तन्निस्सयो वा, अन्तानन्तेसु वा पवत्तो वादो एतेसन्ति अन्तानन्तवादा। इदानी “अन्तवा अयं लोको”तिआदिना वक्खमानपाठानुरूपं अत्थं विभजन्तो “अन्तं वा”तिआदिमाह। अमति

गच्छति भावो ओसानमेत्याति हि अन्तो, मरियादा, तप्पटिसेधनेन अनन्तो। अन्तो च अनन्तो च अन्तानन्तो च नेवन्तानन्तो च अन्तानन्तो त्वेव वुत्तो सामञ्जनिद्देसेन, एकसेसेनवा “नामरूपपच्चया सळायतन”न्तिआदीसु (म० नि० ३.१२६; सं० नि० १.२.१; उदा० १) विय। चतुत्थपदज्हेत्थ ततियपदेन समानत्थन्ति अन्तानन्तपदेनेव यथावुत्तनयद्वयेन चतुधा अत्थो विज्जायति। कस्स पनायं अन्तानन्तोति? लोकीयति संसारनिस्सरणत्थिकेहि दिट्ठिगतिकेहि अवपस्सीयति, लोकियन्ति वा एत्थ तेहि पुज्जापुज्जानि, तब्बिपाको चाति “लोको”ति सङ्ख्यं गतस्स अत्तनो। तेनाह पाळियं “अन्तानन्तं लोकस्स पज्जपेन्ती”ति। को पनेसो अत्ताति? ज्ञानविसयभूतं कसिणनिमित्तं। अयज्हि दिट्ठिगतिको पटिभागनिमित्तं चक्कवाळपरियन्तं, अपरियन्तं वा वड्डनवसेन, तदनुस्सवादिदवसेन च तत्थ लोकसज्जी विहरति, तथा च अट्ठकथायं वक्खति “तं ‘लोको’ति गहेत्वा”ति (दी० नि० अट्ठ० १.५४-६०) केचि पन वदन्ति “ज्ञानं, तंसम्पयुत्तधम्मा च इध अत्ता, लोकोति च गहिता”ति, तं अट्ठकथाय न समेति।

एत्थाह – युत्तं ताव पुरिमानं तिण्णम्पि वादीनं अन्तानन्तिकत्तं अन्तज्ज अनन्तज्ज अन्तानन्तज्ज आरब्भ पवत्तवादत्ता, पच्छिमस्स पन तक्किक्कस्स तदुभयपटिसेधनवसेन पवत्तवादत्ता कथं अन्तानन्तिकत्तन्ति? तदुभयपटिसेधनवसेन पवत्तवादत्ता एव। अन्तानन्तपटिसेधनवादोपि हि सो अन्तानन्तविसयोयेव तमारब्भ पवत्तत्ता। एतदत्थमेव हि सन्धाय अट्ठकथायं “अन्तं वा अन्तन्तं वा अन्तानन्तं वा नेवन्तानानन्तं वा आरब्भ पवत्तवादा”ति वुत्तं। अथ वा यथा ततियवादे देसपभेदवसेन एकस्सेव लोकस्स अन्तवता, अनन्तवता च सम्भवति, एवमेत्थ तक्कीवादेपि कालपभेदवसेन एकस्सेव तदुभयसम्भवतो अज्जमज्जपटिसेधेन तदुभयज्जेव वुच्चति, द्विन्नम्पि च पटिसेधानं परियुदासता। कथं? अन्तवन्तपटिसेधेन हि अनन्तवा वुच्चति, अनन्तवन्तपटिसेधेन च अन्तवा। द्विपटिसेधो हि पकतियत्थजापको। इति पटिसेधनवसेन अन्तानन्तसङ्घातस्स उभयस्स वुत्तत्ता युत्तोयेव तब्बिसयस्स पच्छिमस्सापि अन्तानन्तिकभावोति। यदेवं सो अन्तानन्तिकवादभावतो ततियवादसमवरोधेयेव सियाति? न, कालपभेदस्स अधिप्पेतत्ता। देसपभेदवसेन हि अन्तानन्तिको ततियवादी विय पच्छिमोपि तक्किक्को कालपभेदवसेन अन्तानन्तिको होति। कथं? यस्मा अयं लोकसज्जितो अत्ता अनन्तो कदा चि सक्खिदिट्ठोति अधिगतविसेसेहि महेसीहि अनुसुय्यति, तस्मा नेवन्तवा। यस्मा पनायं अन्तवा कदाचि, सक्खिदिट्ठोति तेहियेव अनुसुय्यति, तस्मा नानन्तवाति। अयं तक्किक्को अवट्ठितभावपुब्बकत्ता पटिभागनिमित्तानं वट्ठितभावस्स उभयथा लब्भमानस्स परिकप्पितस्स अत्तनो

अप्पच्चक्खकारिताय अनुस्सवादिमत्ते ठत्वा वहित्तकालवसेन “नेवन्तवा”ति पटिक्खपति, अवहित्तकालवसेन पन “नानन्तवा”ति, न पन अन्ततानन्ततानं अच्चन्तमभावेन यथा तं “नेवसज्जानासज्जा”ति । यथा चानुस्सुतिकतक्किनो, एवं जातिस्सरतक्किआदीनम्पि वसेन यथासम्भवं योजेतब्बं ।

केचि पन यदि पनायं अत्ता अन्तवा, एवं सति दूरदेसे उपपज्जनानुस्सरणादिकिच्चनिब्बत्ति न सिया । अथ अनन्तवा, एवञ्च इध ठितस्सेव देवलोकनिरयादीसु सुखदुखानुभवनं सिया । सचे पन अन्तवा चेव अनन्तवा च, एवम्पि तदुभयदोससमायोगो सिया । तस्मा “अन्तवा, अनन्तवा”ति च अब्बाकरणीयो अत्ताति एवं तक्कनवसेन चतुत्थवादप्पवत्तिं वण्णेन्ति । यदि पनेस वुत्तनयेन अन्तानन्तिको भवेय्य, अथ कस्मा “ये ते समणब्राह्मणा एवमाहंसु ‘अन्तवा अयं लोको परिवट्ठुमो’ति, तेसं मुसा”तिआदिना (दी० नि० १.५७) तस्स पुरिमवादत्तयपटिक्खेपो वुत्तोति ? पुरिमवादत्तयस्स तेन यथाधिप्पेतप्पकारविलक्खणभावतो । तेनेव हि कारणेन तथा पटिक्खेपो वुत्तो, न पन तस्स अन्तानन्तिकत्ताभावेन, न च परियन्तरहितदिट्ठिवाचाहि पटिक्खेपेन, अवस्सज्जेतं एवमेव जातब्बं । अज्जथा हेस अमराविक्खेपपक्खज्जेव भजेय्य चतुत्थवादो । न हि अन्तताअनन्ततातदुभयविनिमुत्तो अत्तनो पकारो अत्थि, तक्कीवादी च युत्तिमग्गकोयेव । कालभेदवसेन च एकस्मिम्पि लोके तदुभयं नो न युज्जतीति । भवतु ताव पच्छिमवादीद्वयस्स अन्तानन्तिकभावो युत्तो अन्तानन्तानं वसेन उभयविसयत्ता तेसं वादस्स । कथं पन पुरिमवादीद्वयस्स पच्चेकं अन्तानन्तिकभावो युत्तो सिया एकेकविसयत्ता तेसं वादस्साति ? वुच्चते – समुदाये पवत्तमान-सदस्स अवयवेपि उपचारवुत्तितो । समुदितेसु हि अन्तानन्तवादीसु पवत्तमानो अन्तानन्ति क-सदो तत्थ निरुद्धताय तदवयवेसुपि पच्चेकं अन्तानन्तिकवादीसु पवत्तति यथा “अरूपज्ज्ञानेसु पच्चेकं अट्ठविमोक्खपरियायो”, यथा च “लोके सत्तासयो”ति । अथ वा अभिनिवेसतो पुरिमकाले पवत्तवितक्कवसेन अयं तत्थ वोहारो कतो । तेसज्झि दिट्ठिगतिकानं तथारूपचेतोसमाधिसमधिगमतो पुब्बकाले “अन्तवा नु खो अयं लोको, उदाहु अनन्तवा”ति उभयाकारावलम्बिनो वितक्कस्स वसेन निरुद्धो अन्तानन्तिकभावो पच्छा विसेसलभेन तेसु अन्तानन्तवादेसु एकस्सेव वादस्स सज्जहे उप्पन्नेपि पुरिमसिद्धरुद्धिहया वोहारीयति यथा “सब्बे सत्ता मरणधम्मा”तिआदीसु (सं० नि० १.१.१३३) अरहति सत्तपरियायो, यथा च भवन्तरगतेपि मण्डूकादिवोहारोति ।

५४-६०. पटिभागनिमित्तवहुनाय हेट्ठा, उपरि, तिरियञ्च चक्कवाळपरियन्तगतागतवसेन अन्तानन्तभावोति दस्सेतुं “पटिभागनिमित्त”न्तिआदि वुत्तं । तन्ति पटिभागनिमित्तं । उद्धमधो अबहेत्वा तिरियं वहेत्वाति एत्थापि “चक्कवाळपरियन्तं कत्वा”ति अधिकारवसेन योजेतब्बं । वुत्तनयेनाति “तक्कयतीति तक्की”तिआदिना (दी० नि० अट्ठ० १.३४) सद्दतो, “चतुब्बिधो तक्की”तिआदिना (दी० नि० अट्ठ० १.३४) अत्थतो च सस्सतवादे वुत्तनयेन । दिट्ठपुब्बानुसारेनाति दस्सनभूतेन विज्जाणेन उपलब्धपुब्बस्स अन्तवन्तादिनो अनुस्सरणेन, एवञ्च कत्वा अनुस्सुतितक्कीसुद्धतक्कीनम्पि इध सङ्गहो सिद्धो होति । अथ वा दिट्ठगहणेनेव “नच्चगीतवादितविसूकदस्सना”तिआदीसु (दी० नि० १.१०, १९४) विय सुतादीनम्पि गहितभावो वेदितब्बो । “अन्तवा”तिआदिना इच्छितस्स अत्तनो सब्बदाभावपरामसनवसेनेव इमेसं वादानं पवत्तनतो सस्सतदिट्ठिसङ्गहो दट्ठब्बो । तथा हि वक्खति “सत्तेव उच्छेददिट्ठियो, सेसा सस्सतदिट्ठियो”ति (दी० नि० अट्ठ० १.९७, ९८) ।

अमराविकखेपवादवण्णना

६१. न मरतीति “एवमेवा”ति सन्निट्ठानाभावेन न उपच्छिज्जति, अनेकन्तिकार्येव होतीति वुत्तं होति । परियन्तरहिताति ओसानविगता, अनिट्ठिताति अत्थो । विविधोति “एवम्पि मे नो”तिआदिना नानप्पकारो । खेपोति सकवादेन परवादानं खिपनं । को पनेसो अमराविकखेपोति ? तथापवत्तो दिट्ठिप्पधानो तादिसाय वाचाय समुट्ठापको चित्तुप्पादोयेव । अमराय दिट्ठिया, वाचाय च विक्खिपन्ति, विविधमपनेन्तीति वा अमराविकखेपिनो, तेयेव “अमराविकखेपिका”तिपि युज्जति । “मच्छजाति” च्चेव अवत्वा “एका”ति वदन्तो मच्छजातिविसेसो एसोति दस्सेति । इतो चित्तो च सन्धावति एकस्मिं सभावे अनवट्ठानतो । यथा गाहं न उपगच्छति, तथा सन्धावनतो, एतेन अमराय विकखेपो तथा, सो वियाति अमराविकखेपोति अत्थमाह “सा उम्मुज्जननिमुज्जनादिवसेना”तिआदिना विकखेपपदत्थेन उपमितत्ता । अयमेव हि अत्थो आचरियसारिपुत्तत्थेरेनापि सारत्थदीपनियं (सारत्थ टी० १.ततियसङ्गीतिकथावण्णना) वुत्तो । अमरा विय विकखेपो अमराविकखेपोति केचि । अथ वा अमरा विय विक्खिपन्तीति अमराविकखेपिनो, तेयेव अमराविकखेपिका ।

६२. विकखेपवादिनो उत्तरिमनुस्सधम्मं, अब्बाकतधम्मं च (अकुसलधम्मपि दी० नि० टी० १.६२) सभावभेदवसेन पटिविज्झितुं जाणं नत्थीति कुसलाकुसलपदानं

कुसलाकुसलकम्पपथवसेनेव अथो वुत्तो । विधातो विहेसा कायिकदुक्खं “विप्पटिसारुप्पत्तिया”ति दोमनस्सस्स हेतुभावेन वचनतो, तेनाह “दुक्खं भवेय्या”ति । मुसावादेति निमित्ते भुम्मवचनं, निस्सक्कत्थे वा । मुसावादहेतु, मुसावादतो वा ओत्तप्पेन चेव हिरिया चाति अथो । कीदिसं अमराविकल्पेपमापज्जतीति आह “अपरियन्तविकल्पे”न्ति, तेन अमरासदिसविकल्पेपसङ्घातं दुतियनयं निवत्तेति । यथावुत्ते हि नयद्वये पठमनयवसेनायमत्थो दस्सितो, दुतियनयवसेन पन अमरासदिसविकल्पेपं दस्सेतुं “इदं कुसलन्ति पुट्ठो”तिआदिवचनं वक्खति ।

“एवन्तिपि मे नो”ति यं तया पुट्ठं, तं एवन्तिपि मे लद्धि नो होतीति अथो । एवं सब्बत्थ यथारहं । अनियमितविकल्पेपोति सस्सतादीसु एकस्मिम्पि पकारे अट्ठत्वा विकल्पेपकरणं, परवादिना यस्मिं किस्मिञ्चि पकारे पुच्छिते तस्स पटिकल्पेपविकल्पेपोति वुत्तं होति । अथ वा अपरियन्तविकल्पेपदस्सनयेव अट्ठकथायं कतं “एवन्तिपि मे नोति अनियमितविकल्पेपो”तिआदिना, “इदं कुसलन्ति वा अकुसलन्ति वा पुट्ठो”तिआदिना च । “एवन्तिपि मे नो”तिआदिना हि अनियमेत्वा, नियमेत्वा च सस्सतेकच्चसस्सतुच्छेदतक्कीवादानं पटिसेधनेन तं तं वादं पटिक्खपतेव अपरियन्तविकल्पेपवादत्ता । “अमराविकल्पेपिनो”ति दस्सेत्वा अत्तना पन अनवट्ठितवादत्ता न किस्मिञ्चि पक्खे अवतिट्ठतीति इममत्थं दस्सेतुं “सयं पन इदं...पे०... न ब्याकरोती”ति आह । इदानि कुसलदीनं अब्याकरणेन तदेव अनवट्ठानं विभावेति “इदं कुसलन्ति पुट्ठो”तिआदिना । तेनेवाह “एकस्मिम्पि पक्खे न तिट्ठती”ति । किं नो नोति ते लद्धीति नेव न होतीति तव लद्धि होति किन्ति अथो । नो नोतिपि मे नोति नेव न होतीतिपि मे लद्धि नो होति ।

६३. अत्तनो पण्डितभावविसयानञ्जेव रागादीनं वसेन योजनं कातुं “अजानन्तोपी”तिआदिमाह । सहसाति अनुपधारेत्वा वेगेन । “भद्रमुखाति पण्डितानं समुदाचिण्णमालपनं, सुन्दरमुखाति अथो । तत्थाति तस्मिं ब्याकरणे, निमित्ते चेत्तं भुम्मं । छन्दरागपदानं समानत्थभावेपि विकप्पनजोतकेन वा-सहेन योग्यत्ता गोबलीबद्धादिनयेन भिन्नत्थताव युत्ताति आह “छन्दो दुब्बलरागो, रागो बलवरागो”ति । दोसपटिघेसुपि एसेव नयो । एत्तकम्पि नामाति एत्थ अपि-सद्दो सम्पिण्डने वत्तति, नाम-सद्दो गरहायं । न केवलं इतो उत्तरितरमेव, अथ खो एत्तकम्पि न जानामि नाम, पगेव तदुत्तरिजाननेति अथो । परेहि कतसक्कारसमानविसयानं पन रागादीनं वसेन अयं योजना — कुसलाकुसलं

यथाभूतं अपजानन्तोपि येसमहं समवायेन कुसलमेव “कुसल”न्ति, अकुसलमेव “अकुसल”न्ति च व्याकरेय्यं, तेसु तथा व्याकरणहेतु “अहो वत रे पण्डितो”ति सक्कारसम्मानं करोन्तेसु मम छन्दो वा रागो वा अस्साति। **दोसपटिघेसुपि** वुत्तविपरियायेन योजेतब्बं। “तं ममस्स उपादानं, सो ममस्स विघातो”ति इदं अभिधम्मनयेन (ध० स० १२१९ आदयो) यथालाभवचनं यथासम्भवं योजेतब्बन्ति आह **“छन्दरागद्वय”**न्तिआदि। तण्हादिद्वियो एव हि “उपादान”न्ति अभिधम्मे वुत्ता (ध० स० १२१९ आदयो) इदानीं सुत्तन्तनयेन अविसेसयोजनं दस्सेति **“उभयम्पि वा”**तिआदिना। सुत्तन्ते हि दोसोपि “उपादान”न्ति वुत्तो “कोधुपादानविनिबन्धा विघातं आपज्जन्ती”तिआदीसु (दी० नि० टी० १.६३) **“उभयम्पी”**ति च अत्थतो वुत्तं, न सद्वतो चतुन्नम्पि सद्धानमत्थद्वयवाचकत्ता। **दब्बहगहणन्ति** अमुच्चनगहणं। पटिघोपि हि आरम्भणं न मुञ्चति उपनाहादिवसेन पवत्तनतो, लोभस्सेव उपादानभावेन पाकटत्ता दोसस्सापि उपादानभावं दस्सेतुं इदं वुत्तं। **विहननं** विहिसनं विबाधनं। रागोपि हि परिळाहवसेन सारद्धवुत्तिताय निस्सयं विहनति। **“रागो ही”**तिआदिना रागदोसानं उपादानभावे विसेसदस्सनमुखेन तदत्थसमत्थनं। विनासेतुकामताय आरम्भणं गण्हातीति सम्बन्धो। **इतीति** तस्मा गहणविहननतो।

६४. पडति सभावधम्मे जानाति, यथासभावं वा गच्छतीति **पण्डा**, सा येसं ते पण्डिताति अत्थं दस्सेति **“पण्डिच्चेना”**तिआदिना। पण्डितस्स भावो **पण्डिच्चं**, पज्जा। येन हि धम्मेन पवत्तिनिमित्तभूतेन युत्तो “पण्डितो”ति वुच्चति, सोयेव धम्मो **पण्डिच्चं**। तेन सुत्तचिन्तामयपज्जा वुत्ता तासमेव विसयभावतो। समापत्तिलाभिनो हि भावनामयपज्जा। “निपुणा”ति इमिना पन कम्मनिब्बत्तं पटिसन्धिपज्जासङ्घातं साभाविकआणं वुत्तन्ति आह **“सण्हसुखुमबुद्धिनो”**ति। अत्थन्तरन्ति अत्थनानत्तं, अत्थमेव वा। **“विज्जातपरम्पवादा”**ति एतेन कत-सद्वस्स किरियासामञ्जवाचकत्ता “कतविज्जो”तिआदीसु विय कत-सद्वो आणानुयुत्तत्तं वदतीति दस्सेति। **“कतवादपरिचया”**ति एतेन पन “कतसिप्पो”तिआदीसु विय समुदाचिण्णवादत्तं। उभिन्नमन्तरा पन समुच्चयद्वयेन सामञ्जनिद्देसं, एकसेसं वाति दट्ठब्बं। वालवेधीनं रूपं सभावो विय रूपमेतेसन्ति **वालवेधिरूपाति** आह **“वालवेधिधनुग्गहसदिसा”**ति। सतथा भिन्नस्स वालग्गस्स अंसुकोटिवेधकधनुग्गहसदिसाति अत्थो। तादिसोयेव हि **“वालवेधी”**ति अधिप्पेतो। **मज्जे**-सद्वो उपमाजोतकोति वुत्तं **“भिन्दन्ता विया”**ति। **पज्जागतेनाति** पज्जापभेदेन, पज्जाय एव वा। समनुयुज्जना लद्धिया पुच्छा। समनुगाहना तंकारणस्साति दस्सेति **“किं कुसल”**न्तिआदिना।

समनुभासनापि ओवादवसेन समनुयुञ्जनायेवाति आह “समनुयुञ्जेयु”न्ति। “न सम्पायेय्य”न्ति एत्थ द-कारस्स य-कारादेसत्तं, एय्य-सदस्स च सामत्थियत्थत्तं दस्सेतुं “न सम्पादेय्य”न्तिआदि वुत्तं।

६५-६६. मन्दा अतिक्खा पज्जा यस्साति मन्दपज्जो, तेनाह “अपज्जस्सेवेतं नाम”न्ति। “मोहमूहो”ति वत्तब्बे ह-कारलोपेन “मोमूहो”ति वुत्तं, तच्च अतिसयत्थदीपकं परियायद्वयस्स अतिरेकत्थभावतोति यथा “पदद्धान”न्ति वुत्तं “अतिसम्मूहो”ति। सिद्धे हि सति पुनारम्भो नियमाय वा होति, अत्थन्तरविज्जापनाय वा। यथा पुब्बे कम्मुना आगतो, तथा इधापीति तथागतो, सत्तो। एत्थ च कामं पुरिमानम्पि तिण्णं कुसलादिधम्मसभावानवबोधतो अत्थेव मन्दभावो, तेसं पन अत्तनो कुसलादिधम्मानवबोधस्स अवबोधनतो विसेसो अत्थीति। पच्छिमोयेव तदभावतो मन्दमोमूहभावेन वुत्तो। ननु च पच्छिमस्सापि अत्तनो धम्मानवबोधस्स अवबोधो अत्थियेव “अत्थि परो लोको”ति इति चे मे अस्स, ‘अत्थि परो लोको’ति इति ते नं ब्याकरेय्यं, एवन्तिपि मे नो’तिआदिवचनतोति? किञ्चापि अत्थि, न पन तस्स पुरिमानं विय अपरिज्जातधम्मव्याकरणनिमित्तमुसावादादिभायनजिगुच्छनाकारो अत्थि, अथ खो महामूहोयेवाति तथावेस वुत्तो। अथ वा “एवन्तिपि मे नो”तिआदिना पुच्छाय विक्खेपकरणत्थं “अत्थि परो लोको”ति इति चे मं पुच्छसीति पुच्छठपनमेव तेन दस्सीयति, न अत्तनो धम्मानवबोधावबोधोति अयमेव विसेसेन “मन्दो मोमूहो”ति वुत्तो। तेनेव हि तथावादीनं सच्चयं बेलद्वपुत्तं आरब्ध “अयञ्च इमेसं समणब्राह्मणानं सब्बबालो सब्बमूहो”ति (दी० नि० १.१८१) वुत्तं। तत्थ “अत्थि परो लोको”ति सस्सतदस्सनवसेन, सम्मादिट्ठिवसेन वा पुच्छ। यदि हि दिट्ठिगतिको सस्सतदस्सनवसेन पुच्छेय्य, यदि च सम्मादिट्ठिको सम्मादस्सनवसेनाति द्विधापि अत्थो वट्ठति। “नत्थि परो लोको”ति नत्थिकदस्सनवसेन, सम्मादिट्ठिवसेन वा, “अत्थि च नत्थि च परो लोको”ति उच्छेददस्सनवसेन, सम्मादिट्ठिवसेन वा, “नेवत्थि न नत्थि परो लोको”ति वुत्तपकारत्तयपटिक्खेपे सति पकारन्तरस्स असम्भवतो अत्थितानत्थिताहि न वत्तब्बाकारो परो लोकोति विक्खेपज्जेव पुरक्खारेन, सम्मादिट्ठिवसेन वा पुच्छ। सेसचतुक्कत्तयेपि वुत्तनयानुसारेण अत्थो वेदितब्बो। पुज्जसङ्गारत्तिको विय हि कायसङ्गारत्तिकेन पुरिमचतुक्कसङ्गहितो एव अत्थो सेसचतुक्कत्तयेन सत्तपरामासपुज्जादिसफलताचोदनानयेन (अत्तपरामासपुज्जादिसफलताचोदनानयेन दी० नि० टी० १.६५, ६६) सङ्गहितो। एत्थ हि

ततियचतुक्केन पुज्जादिकम्मसफलताय, सेसचतुक्कत्तयेन च सत्तपरामासताय चोदनानयो वुत्तोति दट्ठब्बं ।

अमराविकखेपिको पन सस्सतादीनं अत्तनो अरुच्चनताय सब्बत्थ “एवन्तिपि मे नो”तिआदिना विक्खेपज्जेव करोति । तत्थ “एवन्तिपि मे नो”तिआदि तत्थ तत्थ पुच्छिताकारपटिसेधनवसेन विक्खेपाकारदस्सनं । कस्मा पन विक्खेपवादिनो पटिक्खेपोव सब्बत्थ वुत्तो । ननु विक्खेपपक्खस्स “एवमेव”न्ति अनुजाननम्पि विक्खेपपक्खे अवट्ठानतो युत्तरूपं सियाति ? न, तत्थापि तस्स सम्मूळहत्ता, पटिक्खेपवसेनेव च विक्खेपवादस्स पवत्तनतो । तथा हि सज्जयो बेलट्टपुत्तो रज्जा अजातसत्तुना सन्दिट्ठिकं सामञ्जफलं पुट्ठो परलोकत्थितादीनं पटिसेधनमुखेनेव विक्खेपं ब्याकासि ।

एत्थाह – ननु चायं सब्बोपि अमराविकखेपिको कुसलादयो धम्मे, परलोकत्थितादीनि च यथाभूतं अनवबुज्झमानो तत्थ तत्थ पज्जं पुट्ठो पुच्छाय विक्खेपनमत्तं आपज्जति, अथ तस्स कथं दिट्ठिगतिकभावो सिया । न हि अवत्तुकामस्स विय पुच्छितत्थमजानन्तस्स विक्खेपकरणमत्तेन दिट्ठिगतिकता युत्ताति ? वुच्चते – न हेव खो पुच्छाय विक्खेपकरणमत्तेन तस्स दिट्ठिगतिकता, अथ खो मिच्छाभिनिवेसवसेन । सस्सताभिनिवेसवसेन हि मिच्छाभिनिवेदोयेव पुग्गलो मन्दबुद्धिताय कुसलादिधम्मे, परलोकत्थितादीनि च याथावतो अप्पटिबुज्झमानो अत्तना अविज्जातस्स अत्थस्स परं विज्जापेतुमसक्कुण्येय्यताय मुसावादभयेन च विक्खेपमापज्जतीति । तथा हि वक्खति “यासं सत्तेव उच्छेददिट्ठियो, सेसा सस्सतदिट्ठियो”ति (दी० नि० अट्ठ० १.९७, ९८) अथ वा पुज्जपापानं, तब्बिपाकानञ्च अनवबोधेन, असद्वहनेन च तब्बिसयाय पुच्छाय विक्खेपकरणमेव सुन्दरन्ति खन्तिं रुचिं उप्पादेत्वा अभिनिविसन्तस्स उप्पन्ना विसुंयेवेसा एका दिट्ठि सत्तभङ्गदिट्ठि वियाति दट्ठब्बं । तथा च वुत्तं “परियन्तरहिता दिट्ठिगतिकस्स दिट्ठि चेव वाचा” चाति (दी० नि० अट्ठ० १.६१) । यं पनेतं वुत्तं “इमेपि चत्तारो पुब्बे पवत्तधम्मानुसारेनेव दिट्ठिया गहितत्ता पुब्बन्तकप्पिकेसु पविट्ठा”ति, तदेतस्स अमराविकखेपवादस्स सस्सतदिट्ठिसङ्गहवसेनेव वुत्तं । कथं पनस्स सस्सतदिट्ठिसङ्गहोति ? उच्छेदवसेन अनभिनिवेसनतो । नत्थि हि कोचि धम्मनं यथाभूतवेदी विवादबहुलत्ता लोकस्स । “एवमेव”न्ति पन सद्वन्तरेन धम्मनिज्ज्ञानना अनादिकालिका लोके, तस्मा सस्सतलेस्स एत्थ लब्धनतो सस्सतदिट्ठिया एतस्स सङ्गहो दट्ठब्बो ।

अधिच्चसमुप्पन्नवादवण्णना

६७. अधिच्च यदिच्छकं यं किञ्चि कारणं कस्सचि बुद्धिपुब्बं विना समुप्पन्नोति अत्तलोकसज्जितानं खन्धानं अधिच्चुप्पत्तिआकारारम्मणदस्सनं **अधिच्चसमुप्पन्नं** तदाकारसन्निस्सयेनेव पवत्तितो, तदाकारसहचरिततो च यथा “मज्जा घोसन्ति, कुन्ता पचरन्ती”ति, अधिच्चसमुप्पन्नदस्सनं वा अन्तपदलोपेन **अधिच्चसमुप्पन्नं** यथा “रूपभवो रूप”न्ति, इममत्थं सन्धाय “**अधिच्चसमुप्पन्नो**”तिआदि वुत्तं। **अकारणसमुप्पन्नन्ति** कारणमन्तरेण यदिच्छकं समुप्पन्नं।

६८-७३. असज्जसत्ताति एत्थ एतं असज्जावचनन्ति अत्थो। **देसनासीसन्ति** देसनाय जेड्ढकं पधानभावेन गहितत्ता, तेन सज्जं धुरं कत्वा भगवता अयं देसना कता, न पन तत्थ अज्जेसं अरूपधम्मनम्मि अत्थितायाति दस्सेति, तेनेवाह “**अचित्तुप्पादा**”तिआदि। भगवा हि यथा लोकुत्तरधम्मं देसेन्तो समाधिं, पज्जं वा धुरं कत्वा देसेति, एवं लोकियधम्मं देसेन्तो चित्तं, सज्जं वा। तत्थ “यस्मिं समये लोकुत्तरं ज्ञानं भावेति, (ध० स० २७७) पज्जङ्गिको सम्मासमाधि (दी० नि० ३.३५५) पज्जजाणिको सम्मासमाधि, (दी० नि० ३.३५५; विभं० ८०४) पज्जाय चस्स दिस्वा आसवा परिकखीणा होन्ती”ति, तथा “यस्मिं समये कामावचरं कुसलं चित्तं उप्पन्नं होति, (ध० स० १) किं चित्तो त्वं भिक्खु (पारा० १४६, १८०) मनोपुब्बङ्गमा धम्मा, (ध० प० १; नेत्ति० ९०; पेटको० ८३, ८४) सन्ति भिक्खवे, सत्ता नानत्तकाया नानत्तसज्जिनो, (दी० नि० ३.३३२, ३४१, ३५७; अ० नि० २.७.४४; अ० नि० ३.९.२४; चूळनि० ८३) नेवसज्जानासज्जायतन”न्ति (दी० नि० ३.३५८) च एवमादीनि सुत्तानि एतस्सत्थस्स साधकानि। **तित्थं** वुच्चति मिच्छालब्धि तत्थेव बाहुल्लेन परिब्भमनतो तरन्ति बाला एत्थाति कत्वा, तदेव अनप्पकानमनत्थानं तित्थियानञ्च सज्जातिदेसङ्गेन, निवासङ्गेन वा आयतनन्ति **तित्थायतनं**, तस्मिं, अज्जतित्थियसमयेति अत्थो। तित्थिया हि उपपत्तिविसेसे विमुत्तिसज्जिनो, सज्जाविरागाविरागेसु आदीनवानिसंसदस्साविनो च हुत्वा असज्जसमापत्तिं निब्बत्तेत्वा अक्खणभूमियं उपपज्जन्ति, न सासनिका, तेन वुत्तं “**एकच्चो तित्थायतने पब्बजित्वा**”ति। **वायोकसिणे परिकम्मं** कत्वाति चतुत्थे भूतकसिणे पठमादीनि तीणि ज्ञानानि निब्बत्तेत्वा ततियज्ज्ञाने चिण्णवसी हुत्वा ततो वुड्ढाय चतुत्थज्ज्ञानाधिगमाय परिकम्मं कत्वा, तेनेवाह “**चतुत्थज्ज्ञानं निब्बत्तेत्वा**”ति।

कस्मा पनेत्थ वायोकसिणेयेव परिकम्पं वुत्तन्ति ? वुच्चते – यथेव हि रूपपटिभागभूतेसु कसिणविसेसेसु रूपविभावेनेन रूपविरागभावनासङ्घातो अरूपसमापत्तिविसेसो सच्छिकरीयति, एवं अपरिब्यत्तविग्गहताय अरूपपटिभागभूते कसिणविसेसे अरूपविभावेनेन अरूपविरागभावनासङ्घातो रूपसमापत्तिविसेसो अधिगमीयति, तस्मा एत्थ “सज्जा रोगो सज्जा गण्डो”तिआदिना, (म० नि० ३.२४) “धि चित्तं, धिब्वते तं चित्तं”न्तिआदिना (दी० नि० टी० १.६८-७३) च नयेन अरूपपवत्तिया आदीनवदस्सनेन, तदभावे च सन्तपणीतभावसन्निधानेन रूपसमापत्तिया अभिसङ्करणं, रूपविरागभावना पन सद्धिं उपचारेन अरूपसमापत्तियो विसेसेन पठमारुप्पज्झानं। यदि एवं “परिच्छिन्नाकासकसिणेपी”ति वत्तब्बं। तस्सापि हि अरूपपटिभागता लब्धतीति ? वत्तब्बमेवेतं केसज्जि, अवचनं पन पुब्बाचरियेहि अग्गहितभावेन। यथा हि रूपविरागभावना विरज्जनीयधम्मभावमत्ते परिनिब्बिन्दा (विरज्जनीयधम्म भावमत्तेन परिनिष्फन्ना दी० नि० टी० १.६-७३) विरज्जनीयधम्मपटिभागभूते च विसयविसेसे पातुभवति, एवं अरूपविरागभावनापीति वुच्चमाने न कोचि विरोधो। तिथियेहेव पन तस्सा समापत्तिया पटिपज्जितव्वताय, तेसज्ज विसयपदेसनिमित्तस्सेव तस्स ज्ञानस्स पटिपत्तितो तं कारणं पस्सन्तेहि पुब्बाचरियेहि चतुत्थेयेव भूतकसिणे अरूपविरागभावनापरिकम्पं वुत्तन्ति दट्ठब्बं। किञ्च भिय्यो – वण्णकसिणेसु विय पुरिमभूतकसिणत्तयेपि वण्णपटिच्छायाव पण्णत्तिआरम्भणं ज्ञानस्स लोकवोहारानुरोधेनेव पवत्तितो, एवञ्च कत्वा **विमुद्धिमग्गे** (विमुद्धि० १.९६) पथवीकसिणस्स आदासचन्दमण्डलूपमावचनञ्च समत्थितं होति। चतुत्थे पन भूतकसिणे भूतपटिच्छाया एव ज्ञानस्स गोचरभावं गच्छतीति तस्सेव अरूपपटिभागता युत्ता, तस्मा वायोकसिणेयेव परिकम्पं वुत्तन्ति वेदितब्बं।

कथं पस्सतीति आह “चित्ते सती”तिआदि। सन्तोति निब्बुतो, दिट्ठधम्मनिब्बानमेतन्ति वुत्तं होति। कालं कत्वाति मरणं कत्वा, यो वा मनुस्सलोके जीवनकालो उपत्थम्भकपच्चयेहि करीयति, तं करित्वातिपि अत्थो। असज्जसत्तेसु निब्बत्ततीति असज्जसत्तसङ्घाते सत्तनिकाये रूपपटिसन्धिवसेनेव उपपज्जति, अज्जेसु वा चक्कवालेसु तस्सा भूमिया अत्थिताय अनेकविधभावं सन्धाय पुथुवचननिद्देशोतिपि दट्ठब्बं। इधेवाति पञ्चवोकारभवेयेव। तत्थाति असज्जीभवे। यदि रूपक्खन्धमत्तमेव असज्जीभवे पातुभवति, कथं अरूपसन्निस्सयेन विना तत्थ रूपं पवत्तति, ननु सिया अरूपसन्निस्सितायेव रूपक्खन्धस्स उप्पत्ति इधेव पञ्चवोकारभवे तथा उप्पत्तिया

अदस्सनतोति ? नायमनुयोगो अज्जत्थापि अप्पविट्ठो, कथं पन रूपसन्निस्सयेन विना अरूपधातुया अरूपं पवत्ततीति । इदम्पि हि तेन समानजातियमेव । कस्मा ? इधेव अदस्सनतो, कथञ्च कबळीकाराहारेण विना रूपधातुया रूपं पवत्ततीति । इदम्पि च तंसभावमेव, किं कारणा ? इध अदस्सनतोयेव । इति अज्जत्थापि तथा पवत्तिदस्सनतो, किमेतेन अज्जनिदस्सनेन इधेव अनुयोगेन । अपिच यथा यस्स चित्तसन्तानस्स निब्बत्तिकारणं रूपे अविगततण्हं, तस्स सह रूपेण सम्भवतो रूपं निस्साय पवत्ति रूपसापेक्खताय कारणस्स । यस्स पन निब्बत्तिकारणं रूपे विगततण्हं, तस्स विना रूपेण पवत्ति रूपनिरपेक्खताय कारणस्स, एवं यस्स रूपप्पबन्धस्स निब्बत्तिकारणं अरूपे विगततण्हं, तस्स विना अरूपेण पवत्ति अरूपनिरपेक्खताय कारणस्स, एवं भावनाबलाभावतो पञ्चवोकारभवे रूपारूपसम्भवो विय, भावनाबलेन चतुवोकारभवे अरूपस्सेव सम्भवो विय च । असज्जीभवेपि भावनाबलेन रूपस्सेव सम्भवो दट्ठब्बोति ।

कथं पन तत्थ केवलो रूपप्पबन्धो पच्चुप्पन्नपच्चयरहितो चिरकालं पवत्ततीति पच्चेतब्बं, कित्तकं वा कालं पवत्ततीति चोदनं मनसि कत्वा “यथा नामा”तिआदिमाह । तेन न केवलं इध चेव अज्जत्थ च वुत्तो आगमोयेव एतदत्थजापने, अथ खो अयं पनेत्थ युत्तीति दस्सेति । जियावेगुक्खितोति धनुजियाय वेगेन खिपितो । ज्ञानवेगो नाम ज्ञानानुभावो फलदाने समत्थता । तत्तकमेव कालन्ति उक्कंसतो पञ्च महाकप्पसतानि । तिट्ठन्तीति यथानिब्बत्तिरियापथमेव चित्तकम्मरूपकसदिसा हुत्वा तिट्ठन्ति । ज्ञानवेगेति असज्जसमापत्तिपरिक्खिते चतुत्थज्ज्ञानकम्मवेगे, पञ्चमज्ज्ञानकम्मवेगे वा । अन्तरधायतीति पच्चयनिरोधेन निरुज्झति न पवत्तति । इधाति कामावचरभवेति अत्थो अज्जत्थ तेसमनुप्पत्तितो । पटिसन्धिसज्जाति पटिसन्धिचित्तुप्पादोयेव सज्जासीसेन वुत्तो । कथं पन अनेककप्पसतमतिक्वमेन चिरनिरुद्धतो विज्जाणतो इध विज्जाणमुप्पज्जति । न हि निरुद्धे चक्खुपसादे चक्खुविज्जाणमुप्पज्जमानं दिट्ठन्ति ? नयिदमेकन्ततो दट्ठब्बं । निरुद्धम्पि हि चित्तं समानजातिकस्स अन्तरा अनुप्पज्जनतो समनन्तरपच्चयमतं होतियेव, न बीजं । बीजं पन कम्ममेव, तस्मा कम्मतो बीजभूततो आरम्भणादीहि पच्चयेहि असज्जीभवतो चुतानं कामधातुया उपपत्तिविज्जाणं होतियेव, तेनाह “इध पटिसन्धिसज्जा उप्पज्जती”ति । एत्थ च यथा नाम उत्तुनियामेन पुप्फग्गहणे नियतकालानं रुक्खानं विदारणसङ्घाते वेखे दिन्ने वेखबलेन अनियमता होति पुप्फग्गहणस्स, एवमेव पञ्चवोकारभवे अविप्पयोगेन वत्तमानेसु रूपारूपधम्मेसु रूपारूपविरागभावनासङ्घाते वेखे दिन्ने तस्स समापत्तिवेखबलस्स

अनुरूपतो अरूपभवे, असञ्जभवे च यथाक्कमं रूपरहिता, अरूपरहिता च खन्धानं पवति होतीति वेदितव्वं ।

कस्मा पनेत्थ पुन सञ्जुप्पादा च पन “ते देवा तम्हा काया चवन्ती”ति सञ्जुप्पादो तेसं चवनस्स कारणभावेन वुत्तो, “सञ्जुप्पादा”ति वचनं वा किमत्थदस्सनन्ति चोदनाय “यस्मा पना”तिआदिमाह । इध पटिसन्धिसञ्जुप्पादेन तेसं चवनस्स पञ्जायनतो आपकहेतुभावेन वुत्तो, “सञ्जुप्पादा”ति वचनं वा तेसं चवनस्स पञ्जायनभावदस्सनन्ति अधिप्पायो । “सञ्जुप्पादा”ति हि एतस्स सञ्जुप्पादेन हेतुभूतेन चवन्ति, सञ्जुप्पादा वा उप्पादसञ्जा ते देवाति सम्बन्धो । सन्तभावायाति निब्बानाय । ननु चेत्थ जातिसतसहस्सदससंवट्टादीनमत्थके, तदब्भन्तरे वा पवत्ताय असञ्जूपपत्तिया वसेन लाभीअधिच्चसमुप्पन्निकवादोपि लाभीसस्सतवादो विय अनेकभेदो सम्भवतीति ? सच्चमेव, अनन्तरत्ता पन आसन्नाय असञ्जूपपत्तिया वसेन लाभीअधिच्चसमुप्पन्निकवादो नयदस्सनवसेन एकोव दस्सितोति दट्ठव्वं । अथ वा सस्सतदिट्ठिसङ्गहो अधिच्चसमुप्पन्निकवादस्स सस्सतवादे आगतो सब्बोपि देसनानयो यथासम्भवं अधिच्चसमुप्पन्निकवादेपि गहेतव्वोति इमस्स विसेसस्स दस्सनत्थं भगवता लाभीअधिच्चसमुप्पन्निकवादो अविभजित्वा दस्सितो, अवस्सज्जस्स सस्सतदिट्ठिसङ्गहो इच्छितव्वो संकिलेसपक्खे सत्तानमज्झासयस्स सस्सतुच्छेदवसेनेव दुविधत्ता, तेसु च उच्छेदप्पसङ्गाभावतो । तथा हि अट्ठकथायं आसय-सहस्स अत्थुद्धारवसेन वुत्तं “सस्सतुच्छेददिट्ठि चा”ति, तथा च वक्खति “यासं सत्तेव उच्छेददिट्ठियो, सेसा सस्सतदिट्ठियो”ति (दी० नि० अट्ठ० १.९७, ९८) ।

ननु च अधिच्चसमुप्पन्निकवादस्स सस्सतदिट्ठिसङ्गहो न युत्तो “अहज्झि पुब्बे नाहोसि”न्तिआदिवसेन पवत्तनतो अपुब्बसत्तपातुभावगाहकत्ता । सस्सतदिट्ठि पन अत्तनो, लोकस्स च सदाभावगाहिनी “अत्थित्वेव सस्सतिसम”न्ति पवत्तनतोति ? नो न युत्तो अनागतकोटिअदस्सनेन सस्सतग्गाहसमवरोधत्ता । यदिपि हि अयं वादो “सोम्हि एतरहि अहुत्वा सन्तताय परिणतो”ति (दी० नि० १.६८) अत्तनो, लोकस्स च अतीतकोटिपरामसनवसेन पवत्तो, तथापि वत्तमानकालतो पट्ठाय न तेसं कत्थचि अनागते परियन्तं पस्सति, विसेसेन च पच्चुप्पन्नानागतकालेसु अपरियन्तदस्सनपभावितो सस्सतवादो, यथाह “सस्सतिसमं तथेव ठस्सती”ति (दी० नि० १.३१ अत्थतो समानं) यदेवं सिया इमस्स च वादस्स, सस्सतवादादीनञ्च पुब्बन्तकप्पिकेसु सङ्गहो न युत्तोयेव

अनागतकालपरामसनवसेन पवत्तत्ताति ? युत्तो एव समुदागमस्स अतीतकोट्टासिकत्ता । तथा हि नेसं समुदागमो अतीतंसपुब्बेनिवासजाणेहि, तप्पतिरूपकानुस्सवादिपभावितेहि च तक्कनेहि सङ्गहितोति, तथा चेव संवण्णितं । अथ वा सब्बत्थ अप्पटिहतजाणचारेन धम्मस्सामिना निरवसेसतो अगतिं, गतिञ्च यथाभूतं सयं अभिज्जा सच्छिकत्वा पवेदिता एता दिट्ठियो, तस्मा यावतिका दिट्ठियो भगवता देसिता, यथा च देसिता, तावतिका तथा चेव सन्निट्ठानतो सम्पटिच्छितब्बा, न चेत्थ युत्तिविचारणा कातब्बा बुद्धविसयत्ता । अचिन्तेय्यो हि बुद्धानं बुद्धविसयो, तथा च वक्खति “तत्थ न एकन्तेन कारणं परियेसितब्ब”न्ति (दी० नि० अट्ठ० १.७८-८२) ।

दुतियभाणवारवण्णना निट्ठिता ।

अपरन्तकपिकवादवण्णना

७४. “अपरन्तेजाणं (ध० स० १०६७), अपरन्तानुदिट्ठिनो”तिआदीसु (दी० नि० १.७४) विय अपरन्त—सद्धानं यथाक्कमं अनागतकालकोट्टासवाचकत्वं सन्धायाह “अनागतकोट्टाससङ्घात”न्ति । “पुब्बन्तं कप्पेत्वा”तिआदीसु वुत्तनयेन “अपरन्तं कप्पेत्वा”तिआदीसुपि अत्थो वेदितब्बो । विसेसमत्तमेव चेत्थ वक्खाम ।

सज्जीवादवण्णना

७५. आघातना उद्धन्ति उद्धमाघातनं, मरणतो उद्धं पवत्तो अत्ताति अत्थो । “उद्धमाघातन”न्ति पवत्तो वादो उद्धमाघातनो सहचरणवसेन, तद्धितवसेन च, अन्तलोपनिदेसो वा एस । सो एतेसन्ति उद्धमाघातनिका । एवं सदतो निप्फन्नं अत्थतो एव दस्सेतुं “उद्धमाघातना अत्तानं वदन्ती”ति वुत्तं, आघातना उद्धं उपरिभूतं अत्तभावन्ति अत्थो । ते हि दिट्ठिगतिका “उद्धं मरणतो अत्ता निब्बिकारो”ति वदन्ति । “सो एतेस”न्तिआदिना अस्सत्थियत्थं दस्सेति यथा “बुद्धमस्स अत्थीति बुद्धो”ति । अयं अट्ठकथातो अपरो नयो— सज्जीति पवत्तो वादो सज्जी सहचरणादिनयेन, सज्जी वादो एतेसन्ति सज्जीवादा समासवसेन । सज्जीवादो एव वादो एतेसन्ति हि अत्थो ।

७६-७७. रूपी अत्ताति एत्थ कसिणरूपं “अत्ता”ति कस्मा वुत्तं, ननु रूपविनिमुत्तेन अत्तना भवितव्वं “रूपमस्स अत्थी”ति वुत्ते सज्जाय विय रूपस्सापि अत्तनियत्ता। न हि “सज्जी अत्ता”ति एत्थ सज्जा एव अत्ता, अथ खो “सज्जा अस्स अत्थी”ति अत्थेन अत्तनियाव, तथा च वुत्तं “तत्थ पवत्तसज्जज्वस्स ‘सज्जा’ति गहेत्वा”ति ? न खो पनेतमेवं दट्ठव्वं “रूपमस्स अत्थीति रूपी”ति, अथ खो “रूपनसीलो रूपी”ति। रूपनज्चेत्थ रूपसरिक्खताय कसिणरूपस्स वड्ढितावड्ढितकालवसेन विसेसापत्ति। सा हि “नत्थी”ति न सक्का वत्तुं परित्तविपुलतादिविसेससम्भावतो। यदेवं सिया “रूपनसीलो रूपी”ति, अथ इमस्स वादस्स सस्सतदिट्ठिसङ्गहो न युज्जति रूपनसीलस्स भेदसम्भावतोति ? युज्जतेव कायभेदतो उद्धं परिकप्पितस्स अत्तनो निब्बिकारताय तेन अधिप्पेतत्ता। तथा हि वुत्तं “अरोगो परं मरणा”ति। अथ वा “रूपमस्स अत्थीति रूपी”ति वुत्तेपि न कोचि दोसो कप्पनासिद्धेन भेदेन अभेदस्सापि निद्देसदस्सनतो यथा “सिलापुत्तकस्स सरीर”न्ति।

अपिच अवयववसेन अवयविनो तथानिद्देसनिदस्सनतो यथा “काये कायानुपस्सी”ति, (सं० नि० ३.५.३९०) रूपनं वा रूपं, रूपसभावो, तदस्स अत्थीति रूपी, अत्ता “रूपिनो धम्मा”तिआदीसु (ध० सं० ११.दुकमातिका) विय, एवञ्च कत्वा अत्तनो रूपसभावत्ता “रूपी अत्ता”ति वचनं आयागतमेवाति वुत्तं “कसिणरूपं अत्ता”ति। “गहेत्वा”ति एतेन चेतस्स सम्बन्धो। तत्थाति कसिणरूपे। अस्साति परिकप्पितस्स अत्तनो, आजीवकादयो तक्कमत्तेन पज्जपेन्ति वियाति अत्थो। आजीवका हि तक्किकायेव, न लाभिनो। नियतवादिताय हि कम्मफलपटिक्खेपतो नत्थि तेसं ज्ञानसमापत्तिलाभो। तथा हिकण्हाभिजातिआदीसु कालकादिरूपं “अत्ता”ति एकच्चे आजीवका पटिजानन्ति। पुरिमनयेन चेत्य लाभीनं दस्सेति, पच्छिमनयेन पन तक्किकं। एवमीदिसेसु। रोग-सद्दो भङ्गपरियायो भङ्गस्सापि रुज्जनभावतो, एवञ्च कत्वा अरोग-सद्दस्स निच्चपरियायता उपपन्ना होति, तेनाह “निच्चो”ति। रोग-सद्दो वा ब्याधिपरियायो। अरोगोति पन रोगरहिततासीसेन निब्बिकारताय निच्चतं दिट्ठिगतिको पटिजानातीति दस्सेतुं “निच्चो”ति वुत्तं। कसिणुग्घाटिमाकासपठमारुप्पविज्जाणनत्थिभावा-किञ्चज्जायतनानि यथारहमरूपसमापत्तिनिमित्तं नाम। निम्बपण्णे तप्परिमाणो तित्तकरसो विय सरीरप्परिमाणो अरूपी अत्ता सरीरे तिड्ढतीति तक्कमत्तेनेव निगण्ठा “अरूपी अत्ता सज्जी”ति पज्जपेन्तीति आह “निगण्ठादयो विया”ति।

ततिया पनाति “रूपी च अरूपी च अत्ता”ति लद्धि। मिस्सकगाहवसेनाति रूपारूपसमापत्तीनं यथावुत्तानि निमित्तानि एकज्झं कत्वा एकोव “अत्ता”ति, तत्थ पवत्तसज्जञ्चस्स “सज्जा”ति गहणवसेन। अयज्झि दिट्ठिगतिको रूपारूपसमापत्तिलाभी तासं निमित्तं रूपभावेन, अरूपभावेन च “अत्ता”ति गहेत्वा “रूपी च अरूपी चा”ति अभिनिवेसं जनेसि अथेतवादिनो विय, तक्कमत्तेनेव वा रूपारूपधम्मानं मिस्सकगहणवसेन “रूपी च अरूपी च अत्ता”ति अभिनिविस्स अट्ठासि। चतुत्थाति “नेव अरूपी च नारूपी च अत्ता”ति लद्धि। तक्कगाहेनेवाति सङ्घारसेससुखुमभावप्पत्तधम्मा विय अवचन्तसुखुमभावप्पत्तिया सकिच्चसाधनासमत्थताय खम्भकुच्छि [थम्भकुट्ट (दी० नि० टी० १७६-७७)] हत्थपादादिसङ्घातो विय नेव रूपी, रूपसभावानतिवत्तनतो न च अरूपीति एवं पवत्ततक्कगाहेनेव।

अयं अट्ठकथामुत्तको नयो – नेवरूपी नारूपीति एत्थ हि अन्तानन्तिकचतुत्थवादे विय अज्जमज्जपटिवखेपवसेन अत्थो वेदितब्बो। सतिपि च ततियवादेन इमस्स समानत्थभावे तत्थ देसकालभेदवसेन विय इध कालवत्थुभेदवसेन ततियचतुत्थवादानं विसेसो दट्ठब्बो। कालभेदवसेन हि इध ततियवादस्स पवत्ति रूपारूपनिमित्तानं सहअनुपट्ठानतो। चतुत्थवादस्स पन वत्थुभेदवसेन पवत्ति रूपारूपधम्मसमूहभावतोति। दुतियचतुक्कं अन्तानन्तिकवादे वुत्तनयेन वेदितब्बं सब्बथा सदत्थतो समानत्थत्ता। यं पनेत्थ वत्तब्बं, तम्पि “अमति गच्छति भावो ओसानमेत्था”तिआदिना अम्हेहि वुत्तमेव, केवलं पन तत्थ पुब्बन्तकप्पनावसेन पवत्तो, इध अपरन्तकप्पनावसेनाति अयं विसेसो पाकटोयेव। कामज्ज नानत्तसज्जी अत्ताति अयम्पि वादो समापन्नकवसेन लब्धति। अट्ठसमापत्तिलाभिनी दिट्ठिगतिकस्स वसेन सज्जाभेदसम्भवतो। तथापि समापत्तियं एकरूपेनेव सज्जाय उपट्ठानतो लाभीवसेन एकत्तसज्जिता सातिसयं युत्ताति आह “समापन्नकवसेन एकत्तसज्जी”ति। एकसमापत्तिलाभिनी एव वा वसेन अत्थो वेदितब्बो। सतिपि च समापत्तिभेदतो सज्जाभेदसम्भवे बहिद्धा पुत्थुत्तारम्मणेयेव सज्जानानत्तस्स ओळारिकस्स सम्भवतो तक्कवीवसेनेव नानत्तसज्जितं दस्सेतुं “असमापन्नकवसेन नानत्तसज्जी”ति वुत्तं। परित्तकसिणवसेनाति अवट्ठितत्ता अप्पककसिणवसेन, कसिणग्गहणज्वेत्थ सज्जाय विसयदस्सनं। विसयवसेन हि सज्जाय परित्तता, इमिना च सतिपि सज्जाविनिमुत्तधम्मे “सज्जायेव अत्ता”ति वदतीति दस्सेति। एस नयो विपुलकसिणवसेनाति एत्थापि। एवज्ज कत्वा अन्तानन्तिकवादे चेव इध च अन्तानन्तचतुक्के पठमदुतियवादेसु सदत्थमत्ततो समानेसुपि सभावतो तेहि द्वीहि वादेहि इमेसं द्वित्रं वादानं विसेसो सिद्धो होति,

अञ्जथा वुत्तप्पकारेसु वादेसु सतिपि पुब्बन्तापरन्तकप्पनभेदमत्तेन केहिचि विसेसे केहिचि अविसेसोयेव सियाति ।

अयं पन अट्ठकथामुत्तको नयो – “अङ्गुट्ठप्पमाणो अत्ता, अणुमत्तो अत्ता”तिआदिलद्धिवसेन परित्तो च सो सञ्जी चाति **परित्तसञ्जी** कापिलकाणादपभुतयो [कपिलकाणादादयो (दी० नि० टी० १.७६-७७)] विय । अत्तनो सब्बगतभावपटिजाननवसेन अप्पमाणो च सो सञ्जी चाति **अप्पमाणसञ्जी**ति ।

दिब्बचक्खुपरिभण्डत्ता यथाकम्मूपगजाणस्स दिब्बचक्खुपभावजनितेन यथाकम्मूपगजाणेन दिस्समानापि सत्तानं सुखादिसमङ्गिता दिब्बचक्खुनाव दिट्ठा नामाति आह “**दिब्बेन चक्खुना**”तिआदि । चतुक्कनयं, पञ्चकनयञ्च सन्धाय **तिकचतुक्कज्ज्ञानभूमिय**’न्ति वुत्तं । दिट्ठिगतिकविसयासु हि पञ्चवोकारज्ञानभूमीसु वेहप्फलभूमिं ठपेत्वा अवसेसा यथारहं चतुक्कनये तिकज्ज्ञानस्स, पञ्चकनये च चतुक्कज्ज्ञानस्स विपाकट्टानत्ता **तिकचतुक्कज्ज्ञानभूमियो** नाम । सुद्धावासा पन तेसमविसया । **निब्बत्तमानन्ति** उपपज्जमानं । ननु च “एकन्तसुखी अत्ता”तिआदिना पवत्तवादानं अपरन्तदिट्ठिभावतो “निब्बत्तमानं दिस्वा”ति पच्चुप्पन्नवचनं अनुपपन्नमेव सिया । अनागतविसया हि एते वादाति ? उपपन्नमेव अनागतस्स एकन्तसुखीभावादिकस्स पकप्पनाय पच्चुप्पन्ननिब्बत्तिदस्सनेन अधिप्पेतत्ता । तेनेवाह “निब्बत्तमानं दिस्वा ‘एकन्तसुखी’ति गण्हाती”ति । एत्थ च तस्सं तस्सं भूमियं बाहुल्लेन सुखादिसहितधम्मप्पवत्तिदस्सनं पटिच्च तेसं “एकन्तसुखी”तिआदिगहणतो तदनुरूपायेव भूमि वुत्ताति दट्ठब्बं । सद्दन्तराभिसम्बन्धवसेन विय हि अत्थपकरणादिवसेनपि अत्थविसेसो लब्धति । “एकन्तसुखी”तिआदीसु च एकन्तभावो बहुलं पवत्तिमत्तं पति पयुत्तो । तथापवत्तिमत्तदस्सनेन तेसं एवं गहणतो । अथ वा हत्थिदस्सकअन्धा विय दिट्ठिगतिका यं यदेव पस्सन्ति, तं तदेव अभिनिविस्स वोहरन्ति । वुत्तज्हेतं भगवता उदाने “अञ्जतिथिया भिक्खवे, परिब्बाजका अन्धा अचक्खुका”तिआदि, (उदा० ५५) तस्मा अलमेत्थ युत्तिमग्गनाति । “दिब्बेन चक्खुना दिस्वा”ति वुत्तमत्थं समत्थेतुं “**विसेसतो ही**”तिआदि वुत्तं ।

असञ्जीनेवसञ्जीनासञ्जीवादवण्णना

७८-८३. अथ न कोचि विसेसो अत्थीति चोदनं सोधेति “केवलञ्ही”तिआदिना । “असञ्जी”ति च “नेवसञ्जीनासञ्जी”ति च गणहन्तानं ता दिट्ठियोति सम्बन्धो । कारणन्ति विसेसकारणं, दिट्ठिसमुदागमकारणं वा । सतिपि किञ्चि कारणपरियेसनसम्भवे दिट्ठिगतिकवादानं अनादरियभावं दस्सेतुं “न एकन्तेन कारणं परियेसितब्ब”न्ति वुत्तं । कस्माति आह “दिट्ठिगतिकस्सा”तिआदि, एतेन परियेसनक्खमाभावतोति अपरियेसितब्बकारणं दस्सेति । इदं वुत्तं होति – असञ्जीवादे असञ्जीभवे निब्बत्तसत्तवसेन पवत्तो पठमवादो, “सञ्जं अत्ततो समनुपस्सती”ति एत्थ वुत्तनयेन सञ्जंयेव “अत्ता”ति गहेत्वा तस्स किञ्चनभावेन ठिताय अञ्जाय सञ्जाय अभावतो “असञ्जी”ति पवत्तो दुतियवादो, तथा सञ्जाय सह रूपधम्मे, सब्बे एव वा रूपारूपधम्मे “अत्ता”ति गहेत्वा पवत्तो ततियवादो, तक्कगाहवसेनेव चतुत्थवादो पवत्तो ।

दुतियचतुक्केपि कसिणरूपस्स असञ्जाननसभावताय असञ्जीति कत्वा अन्तानन्तिकवादे वुत्तनयेन चत्तारो विकप्पा पवत्ता । नेवसञ्जीनासञ्जीवादे पन नेवसञ्जीनासञ्जीभवे निब्बत्तसत्तस्सेव चुतिपटिसन्धीसु, सब्बत्थ वा पटुसञ्जाकिच्चं कातुं असमत्थाय सुखुमाय सञ्जाय अत्थिभावपटिजाननवसेन पठमवादो, असञ्जीवादे वुत्तनयेन सुखुमाय सञ्जाय वसेन, सञ्जाननसभावतापटिजाननवसेन च दुतियवादादयो पवत्ताति । एवं केनचि पकारेण सतिपि कारणपरियेसनसम्भवे दिट्ठिगतिकवादानं परियेसनक्खमाभावतो आदरं कत्वा महुस्साहेन तेसं कारणं न परियेसितब्बन्ति । एतेसं पन सञ्जीअसञ्जीनेवसञ्जीनासञ्जीवादानं सस्सतदिट्ठिसङ्गहो “अरोगो परं मरणा”ति वचनतो पाकटोयेव ।

उच्छेदवादवण्णना

८४. अविज्जमानस्स विनासासम्भवतो अत्थिभावहेतुको उच्छेदोति दस्सेतुं विज्जमानवाचकेन सन्त-सद्देन “सतो”ति पाळियं वुत्तन्ति आह “विज्जमानस्सा”ति । विज्जमानतापयुत्तो चेस दिट्ठिगतिकवादविसयो सत्तोयेव इध अधिप्पेतोति दस्सनत्थं पाळियं “सत्तस्सा”ति वुत्तं, तेन इममत्थं दस्सेति – यथा हेतुफलभावेन पवत्तमानानं सभावधम्मानं सतिपि एकसन्तानपरियापन्नानं भिन्नसन्ततिपतितेहि विसेसे हेतुफलभूतानं परमत्थतो

भिन्नसभावत्ता भिन्नसन्तानपतितानं विय अच्चन्तं भेदसन्निधानेन नानत्तनयस्स मिच्छागहणं उच्छेदाभिनिवेसस्स कारणं, एवं हेतुफलभूतानं विज्जमानेपि सभावभेदे एकसन्ततिपरियापन्नताय एकत्तनयेन अच्चन्तमभेदगहणम्पि कारणमेवाति । सन्तानवसेन हि पवत्तमानेसु खन्धेसु घनविनिब्भोगाभावेन तेसं इध सत्तगाहो, सत्तस्स च अत्थिभावगाहहेतुको उच्छेदवादो, अनुपुब्बनिरोधवसेन पन निरन्तरविनासो इध “उच्छेदो”ति अधिप्पेतो यावायं अत्ता उच्छिज्जमानो भवति, तावायं विज्जतियेवाति गहणतोति आह “उपच्छेद”न्ति । उ-सद्दो हि उप-सद्दपरियायो, सो च उपसङ्कमनत्थो, उपसङ्कमनज्जेत्थ अनुपुब्बमुप्पज्जित्वा अपरापरं निरोधवसेन निरन्तरता । अपिच पुनानुप्पज्जमानवसेन निरुदयविनासोयेव उच्छेदो नाम यथावुत्तनयेन गहणतोति आह “उपच्छेद”न्ति । उ-सद्दो, हि उप-सद्दो च एत्थ उपरिभागत्थो । निरुद्धतो परभागो च इध उपरिभागोति वुच्चति ।

निरन्तरवसेन, निरुदयवसेन वा विसेसेन नासो विनासो, सो पन मंसचक्खुपज्जाचक्खूनं दस्सनपथातिककमनतो अदस्सनमेवाति आह “अदस्सन”न्ति । अदस्सने हि नास-सद्दो लोके निरुद्धो “द्वे चापरे वण्णविकारनासा”तिआदीसु (कासिका ६-३-१०९ सुत्तं पस्सितब्बं) विय । भावविगमन्ति सभावापगमं । यथाधम्मं भवनं भावोति हि अत्थेन इध भाव-सद्दो सभाववाचको । यो पन निरन्तरं निरुदयविनासवसेन उच्छिज्जति, सो अत्तनो सभावेन ठातुमसक्कुणेय्यताय “भावापगमो”ति वुच्चति । “तत्था”तिआदिना उच्छेदवादस्स यथापाठं समुदागमं निदस्सनमत्तेन दस्सेति, तेन वक्खति “तथा च अज्जथा च विकप्पेत्वावा”ति । तत्थाति “सतो सत्तस्स उच्छेदं विनासं विभवं पज्जपेन्ती”ति वचने । लाभीति दिब्बचक्खुजाणलाभी । तदवसेसलाभी चेव सब्बसो अलाभी च इध अपरन्तकप्पिकद्धाने “अलाभी” त्वेव वुच्चति ।

चुतिन्ति सेक्खपुथुज्जनानम्पि चुतिमेव । एस नयो चुतिमत्तमेवाति एत्थापि । उपपत्तिं अपस्सन्तोति दद्दुं समत्थेपि सति अनोलोकनवसेन अपस्सन्तो । न उपपातन्ति पुब्बयोगाभावेन, परिकम्माकरणेन वा उपपत्तिं दद्दुं न सक्कोति, एवञ्च कत्वा नयद्वये विसेसो पाकटो होति । को परलोकं जानाति, न जानातियेवाति नत्थिकवादवसेन उच्छेदं गणहातीति सह पाठसेसेन सम्बन्धो, नत्थिकवादवसेन महामूळहभावेनेव “इतो अज्जो परलोको अत्थी”ति अनवबोधनतो इमं दिट्ठिं गणहातीति अधिप्पायो । “एत्तकोयेव विसयो, ख्वायं इन्द्रियगोचरो”ति अत्तनो धीतुया हत्थगणहनकराजा विय कामसुखाभिरत्ततायपि गणहातीति आह “कामसुखगिद्धताय वा”ति । वण्टतो पतितपण्णानं वण्टेन

अपटिसन्धिकभावं सन्धाय “न पुन विरुहन्ती”ति वृत्तं। एवमेव सत्ताति यथा पण्डुपलासो बन्धना पवृत्तो पुन न पटिसन्धीयति, एवमेव सब्बेपि सत्ता अप्पटिसन्धिका मरणपरियोसाना अपोनोब्भविका अप्पटिसन्धिकमरणमेव निगच्छन्तीति अत्थो। उदकपुब्बुळकूपमा हि सत्ता पुन अनुप्पज्जमानतीति तस्स लद्धि। तथाति “लाभी अनुस्सरन्तो”तिआदिना [अरहतो (अङ्ग)] निदस्सनवसेन वृत्तप्पकारेण। अज्जथाति तक्कनस्स अनेकप्पकारसम्भवतो ततो अज्जेनपि पकारेण। लाभिनोपि चुतितो उद्धं उपपातस्स अदस्सनमत्तं पति तक्कनेनेव इमा दिट्ठियो उप्पज्जन्तीति वृत्तं “विकप्पेत्वावा”ति। तथा च विकप्पेत्वाव उप्पन्ना अज्जथा च विकप्पेत्वाव उप्पन्नाति हि सम्बन्धो। तथ “द्वे जना”तिआदिना उच्छेदग्गाहकप्पभेददस्सनेन इममत्थं दस्सेति। यथा अमराविकखेपिकवादा एकन्तअलाभीवसेनेव देसिता, यथा च उद्धमाघातनिकसज्जीवादे चतुत्थचतुक्के सज्जीवादा एकन्तलाभीवसेनेव देसिता, नयिमे। इमे पन सस्सतेकच्चसस्सतवादादयो विय लाभीअलाभीवसेनेव देसिताति। यदेवं कस्मा सस्सतवादादीसु विय लाभीवसेन, तक्कीवसेन च पच्चेकं देसनमक्त्वा सस्सतवादादिदेसनाहि अज्जथा इध देसना कताति? वुच्चते – देसनाविलासप्पत्तितो। देसनाविलासप्पत्ता हि बुद्धा भगवन्तो, ते वेनेय्यज्झासयानुरूपं विविधेनाकारेण धम्मं देसेन्ति, न अज्जथा। यदि हि इधापि च तथादेसनाय निबन्धनभूतो वेनेय्यज्झासयो भवेय्य, तथारूपमेव भगवा वदेय्य, कथं? “इध भिक्खवे, एकच्चो समणो वा ब्राह्मणो वा आतप्पमन्वाय...पे०... यथा समाहिते चित्ते सत्तानं चुतूपपातजाणाय चित्तं अभिनिन्नामेति, सो दिब्बेन चक्खुना विसुद्धेन अतिक्कन्तमानुसकेन अरहतो चुतिचित्तं पस्सति, पुथूनं वा परसत्तानं, न हेव खो तदुद्धं उपपत्तिं। सो एवमाह ‘यतो खो भो अयं अत्ता रूपी चातुमहाभूतिको मातापेत्तिकसम्भवो कायस्स भदो उच्छिज्जति विनस्सति, न होति परं मरणा’तिआदिना” विसेसलाभिनो, तक्किनो च विसुं कत्वा। यस्मा पन तथादेसनाय निबन्धनभूतो वेनेय्यज्झासयो न इध भवति, तस्मा देसनाविलासेन वेनेय्यज्झासयानुरूपं सस्सतवादादिदेसनाहि अज्जथायेवायं देसना कताति दट्ठब्बं।

अथ वा सस्सतेकच्चसस्सतवादादीसु विय न इध तक्कीवादतो विसेसलाभीवादी भिन्नाकारो, अथ खो समानप्पकारताय समानाकारोयेवाति इमस्स विसेसस्स पकासनत्थं अयमुच्छेदवादो भगवता पुरिमवादेहि विसिद्धाकारभावेन देसितो। सम्भवति हि इध तक्किनोपि अनुस्सवादिवसेन अधिगमवतो विय अभिनिवेसो। अपिच न इमा दिट्ठियो भगवता अनागते एवंभावीवसेन देसिता, नापि एवमेते भवेय्युन्ति परिकप्पनावसेन, अथ

खो यथा यथा दिट्ठिगतिकेहि “इदमेव सच्चं, मोघमज्ज”न्ति (म० नि० २.१८७, २०३, ४२७; ३.२७, २८; उदा० ५५) मज्जिता, तथा तथायेव इमे दिट्ठिगता यथाभुच्चं सब्बज्जुतज्जाणेन परिच्छिन्दित्वा पकासिता, येहि गम्भीरादिप्पकारा अपुथुज्जनगोचरा बुद्धधम्मा पकासन्ति, येसज्च परिकित्तनेन तथागता सम्मदेव थोमिता होन्ति ।

अपरो नयो – यथा उच्छेदवादीहि दिट्ठिगतिकेहि उत्तरुत्तरभवदस्सीहि अपरभवदस्सीनं तेसं वादपटिसेधवसेन सकसकवादा पतिट्ठापिता, तथायेवायं देसना कताति पुरिमदेसनाहि इमिस्सा देसनाय पवत्तिभेदो न चोदेतब्बो, एवज्च कत्वा अरूपभवभेदवसेन उच्छेदवादो चतुधा विभजित्वा विय कामरूपभवभेदवसेनापि अनेकधा विभजित्वायेव वत्तब्बो, एवं सति भगवता वुत्तसत्तकतो बहुतरभेदो उच्छेदवादो आपज्जतीति, अथ वा पच्चेकं कामरूपभवभेदवसेन विय अरूपभववसेनापि न विभजित्वा वत्तब्बो, एवमपि सति भगवता वुत्तसत्तकतो अप्पतरभेदोव उच्छेदवादो आपज्जतीति च एवंपकारापि चोदना अनवकासा एव होति । दिट्ठिगतिकानज्झि यथाभिमत्तं देसना पवत्ताति ।

८५. मातापितॄन् एतन्ति तंसम्बन्धनतो एतं मातापितॄन् सन्तकन्ति अत्थो । सुक्कसोणितन्ति पितु सुक्कं, मातु सोणितज्च, उभिन्नं वा सुक्कसङ्घातं सोणितं । मातापेत्तिकेति निमित्ते चेत्तं भुम्मं । इतीति इमेहि तीहि पदेहि । “रूपकायवसेना”ति अवत्वा “रूपकायसीसेना”ति वदन्तो अरूपमपि तेसं “अत्ता”ति गहणं आपेति । इमिना पकारेण इत्थन्ति आह “एवमेके”ति । एवं-सद्दो हेत्थ इदमत्थो, इमिना पकारेणाति अत्थो । एकेति एकच्चे, अज्जे वा ।

८६. मनुस्सानं पुब्बे गहितत्ता, अज्जेसज्च असम्भवतो “कामावचरो”ति एत्थ उक्कामावचरदेवपरियापन्नोति अत्थो । कबळीकारो चेत्थ यथावुत्तसुधाहारो ।

८७. ज्ञानमनेन निब्बत्तोति एत्थ यं वत्तब्बं, तं हेट्ठा वुत्तमेव । महावयवो अज्जो, तत्थ विसुं पवत्तो पच्चज्जो, सब्बेहि अज्जपच्चज्जेहि युत्तो तथा । तेसन्ति चक्खुसोतिन्द्रियानं । इतरेसन्ति घानजिक्काकायिन्द्रियानं । तेसमपि इन्द्रियानं सण्ठानं पुरिसवेसवसेनेव वेदितब्बं । तथा हि अट्ठकथासु वुत्तं “समानेपि तत्थ उभयलिङ्गाभावे पुरिससण्ठानाव तत्थ ब्रह्मानो, न इत्थिसण्ठाना”ति ।

८८-९२. आकासानज्वायतन-सद्दो इध भवेयेवाति आह
 “आकासानज्वायतनभव”न्ति। एत्थाह— युत्तं ताव पुरिमेसु तीसु वादेसु “कायस्स भेदा”ति वत्तुं पच्चवोकारभवपरियापन्नं अत्तभावमारब्ध पवत्तत्ता तेसं वादानं, चतुवोकारभवपरियापन्नं पन अत्तभावं निस्साय पवत्तेसु चतुत्थादीसु चतूसु वादेसु कस्मा “कायस्स भेदा”ति वुत्तं। न हि अरूपीनं कायो विज्जति। यो भेदोति वुच्चेय्याति? सच्चमेतं, रूपत्तभावे पन पवत्तवोहारेनेव दिट्ठिगतिको अरूपत्तभावेपि कायवोहारं आरोपेत्वा एवमाह। लोकस्मिहि दिस्सति अज्जत्थभूतोपि वोहारो तदज्जत्थसमारोपितो यथा तं “ससविसाणं, खं पुप्फ”न्ति। यथा च दिट्ठिगतिका दिट्ठियो पज्जपेन्ति, तथायेव भगवापि देसेतीति। अपिच नामकायभावतो फस्सादिधम्मसमूहभूते अरूपत्तभावे कायनिद्वेसो दट्ठब्बो। समूहद्वेनपि हि “कायो”ति वुच्चति “हत्थिकायो अस्सकायो”तिआदीसु विय। एत्थ च कामावचरदेवत्तभावादिनिरवसेसविभवपतिट्ठापकानं दुतियादिवादानं अपरन्तकप्पिकभावो युत्तो होतु अनागतद्धविसयत्ता तेसं वादानं, कथं पन दिट्ठिगतिकस्स पच्चक्खभूतमनुस्सत्तभावापगमपतिट्ठापकस्स पठमवादस्स अपरन्तकप्पिकभावो युज्जेय्य पच्चुप्पन्नद्धविसयत्ता तस्स वादस्स। दुतियवादादीनज्झि पुरिमपुरिमवादसङ्गहितस्सेव अत्तनो अनागते तदुत्तरिभवूपपन्नस्स समुच्छेदबोधनतो युज्जति अपरन्तकप्पिकता, तथा चेव वुत्तं “नो च खो भो अयं अत्ता एत्तावता सम्मा समुच्छिन्नो होती”तिआदि (दी० नि० १.८५) यं पन तत्थ वुत्तं “अत्थि खो भो अज्जो अत्ता”ति, (दी० नि० १.८७) तं मनुस्सत्तभावादिहेट्ठिमत्तभावविसेसापेक्खाय वुत्तं, न सब्बथा अज्जभावतो। पठमवादस्स पन अनागते तदुत्तरिभवूपपन्नस्स अत्तनो समुच्छेदबोधनाभावतो, “अत्थि खो भो अज्जो अत्ता”ति एत्थ अज्जभावेन अगगहणतो च न युज्जतेव अपरन्तकप्पिकताति? नो न युज्जति इधलोकपरियापन्नत्तेपि पठमवादविसयस्स अनागतकालिकस्सेव तेन अधिप्पेतत्ता। पठमवादिनापि हि इधलोकपरियापन्नस्स अत्तनो परं मरणा उच्छेदो अनागतकालवसेनेव अधिप्पेतो, तस्मा चस्स अपरन्तकप्पिकताय न कोचि विरोधोति।

दिदृधम्मनिब्बानवादवण्णना

९३. जाणेन दट्ठब्बोति दिट्ठो, दिट्ठो च सो सभावद्वेन धम्मो चाति दिदृधम्मो, दस्सनभूतेन जाणेन उपलद्धसभावोति अत्थो। सो पन अक्खानमिन्द्रियानं अभिमुखीभूतो विसयोयेवाति वुत्तं “पच्चक्खधम्मो वुच्चती”ति। तत्थ यो अनिन्द्रियविसयो, सोपि सुपाकटभावेन इन्द्रियविसयो विय होतीति कत्वा तथा वुत्तन्ति दट्ठब्बं, तेनेवाह “तत्थ

तत्थ पटिलद्धत्तभावस्सेतं अधिवचन'न्ति, तस्मिं तस्मिं भवे यथाकम्मं पटिलभितब्बत्तभावस्स वाचकं पदं, नामन्ति वा अत्थो। निब्बानञ्चेत्थ दुक्खवूपसमनमेव, न अग्गफलं, न च असङ्गतधातु तेसमविसयत्ताति आह “दुक्खवूपसमन”न्ति। दिट्ठधम्मनिब्बाने पवत्तो वादो एतेसन्ति दिट्ठधम्मनिब्बानवादातिपि युज्जति।

९४. कामनीयत्ता कामा च ते अनेकावयवानं समूहभावतो सत्तानञ्च बन्धनतो गुणा चाति कामगुणाति अत्थं सन्धायाह “मनापियरूपादीही”तिआदि। याव फोट्टब्बारम्मणञ्चेत्थ आदि-सद्देन सङ्गण्हाति। सुदु अण्णितोति सम्मा ठपितो। ठपना चेत्थ अल्लीयनाति आह “अल्लीनो”ति। परितो तत्थ तत्थ कामगुणेषु यथासकं इन्द्रियाणि चारेति गोचरं गण्हापेतीति अत्थं दस्सेतुं “तेसू”तिआदि वुत्तं, तेनाह “इतो चित्तो च उपनेती”ति। परि-सद्दविसिद्धो वा इध चर-सद्दो कीळयन्ति वुत्तं “पलळती”तिआदि [लळति (अट्टकथायं)]। पलळतीति हि पकारेण लळति, विलासं करोतीति अत्थो। “एत्थ चा”तिआदिना उत्तमकामगुणिकानमेव दिट्ठधम्मनिब्बानं पज्जपेन्तीति दस्सेति। मन्धातुमहाराजवसवत्तीदेवराजकामगुणा हि उत्तमताय निदस्सिता, कस्माति आह “एवरूपे”तिआदि।

९५. अज्जथाभावाति कारणे निस्सक्कवचनं। वुत्तनयेनाति सुत्तपदेसु देसितनयेन, एतेन सोकादीनमुप्पज्जनाकारं दस्सेति। जातिभोगरोगसीलदिट्ठिब्यसनेहि फुट्टस्स चेतसो अब्भन्तरं निज्झायनं सोचनं अन्तोनिज्झायनं, तदेव लक्खणमेतस्साति अन्तोनिज्झायनलक्खणो। तस्मिं सोके समुद्धानहेतुभूते निस्सितं तन्निस्सितं। भुसं विलपनं लालप्पनं, तन्निस्सितमेव लालप्पनं, तदेव लक्खणमस्साति तन्निस्सितलालप्पनलक्खणो। पसादसङ्घाते काये निस्सितस्स दुक्खसहगतकायविज्जाणस्स पटिपीळनं कायपटिपीळनं, ससम्भारकथनं वा एतं यथा “धनुना विज्जती”ति तदुपनिस्सयस्स वा अनिट्ठरूपस्स पच्छा पवत्तनतो “रूपकायस्स पटिपीळन”न्तिपि वट्ठति। पटिघसम्पयुत्तस्स मनसो विहेसनं मनोविधातं। तदेव लक्खणमस्साति सब्बत्थ योजेतब्बं। जातिब्यसनादिना फुट्टस्स परिदेवनायपि असक्कुणन्तस्स अन्तोगतसोकसमुद्दितो भुसो आयासो उपायासो। सो पन चेतसो अप्पसन्नाकारो एवाति आह “विसादलक्खणो”ति। सादनं पसादनं सादो, पसन्नता। अनुपसग्गोपि हि सद्दो सउपसग्गो विय यथावुत्तस्स अत्थस्स बोधको यथा “गोत्रभू”ति। एवं सब्बत्थ। ततो विगमनं विसादो, अप्पसन्नभावो।

९६. वितक्कनं वितक्कितं, तं पनत्थतो वितक्कोव, तथा विचारितन्ति एत्थापि, तेन वुत्तं “अभिनिरोपनवसेन पवत्तो वितक्को”तिआदि। एतेनाति वितक्कविचारे परामसित्वा करणनिद्वेसो, हेतुनिद्वेसो वा। तेनेतमत्थं दीपेति “खोभकरसभावत्ता वितक्कविचारानं तंसहितम्पि ज्ञानं तेहि सउप्पीळनं विय होती”ति, तेनाह “सकण्टकं [भकण्डकं (अट्टकथायं)] विय खायती”ति। ओळारिकभावो हि वितक्कविचारसङ्घातेन कण्टकेन सह पवत्तकथा। कण्टकसहितभावो च सउप्पीळनता एव, लोके हि सकण्टकं फरुसकं ओळारिकन्ति वदन्ति।

९७. पीतिगतं पीतियेव “दिड्ढिगत”न्तिआदीसु (ध० स० ३८१; महानि० १२) विय गत-सद्वस्स तब्भाववुत्तितो। अयज्झि संवण्णकानं पकति, यदिदं अनत्थकपदं, तुल्याधिकरणपदञ्च ठपेत्वा अत्थवण्णना। तथा हि तत्थ तत्थ दिस्सति। “योपनाति यो यादिसो, (पारा० ४५) निब्बानधातूति निब्बायनमत्त”न्ति च आदि। याय निमित्तभूताय उब्बिलावनपीतिया उप्पन्नाय चित्तं उब्बिलावितं नाम, सायेव उब्बिलावितत्तं भाववाचकस्स निमित्ते पवत्तनतो। इति पीतिया उप्पन्नाय एव चित्तस्स उब्बिलावनतो तस्स उब्बिलावितभावो पीतिया कतो नामाति आह “उब्बिलभावकरण”न्ति।

९८. आभुजं मनसिकरणं आभोगो। सम्मा अनुक्कमेन, पुनप्पुनं वा आरम्मणस्स आहारो समन्नाहारो। अयं पन टीकायं (दी० नि० टी० १.९८) वुत्तनयो— चित्तस्स आभुग्गभावो आरम्मणे अभिनतभावो आभोगो। सुखेन हि चित्तं आरम्मणे अभिनतं होति, न दुक्खेन विय अपनतं, नापि अदुक्खमसुखेन विय अनभिनतं, अनपनतञ्चाति। एत्थ च “मनुज्जभोजनादीसु खुप्पिपासादिअभिभूतस्स विय कामेहि विवेचियमानस्स उपादारम्मणपत्थनाविसेसतो अभिवड्ढति, मनुज्जभोजनं भुत्ताविनो विय पन उल्लारकामरसस्स यावदत्थं निचितस्स सहितस्स भुत्तकामताय कामेसु पातब्बता न होति, विसयानभिगिद्धनतो विसयेहि दुम्मोचियेहि जलूका विय सयमेव मुच्चती”ति च अयोनिसो उम्मुज्जित्वा कामगुणसन्तप्पितताय संसारदुक्खवूपसमं ब्याकासि पठमवादी। कामादीनं आदीनवदस्सिताय, पठमादिज्ञानसुखस्स सन्तभावदस्सिताय च पठमादिज्ञानसुखतित्तिया संसारदुक्खुपच्छेदं ब्याकंसु दुतियादिवादिनो। इधापि उच्छेदवादेव वुत्तप्पकारो विचारो यथासम्भवं आनेत्वा वत्तब्बो। अयं पनेत्थ विसेसो— एकस्मिम्पि अत्तभावे पञ्च वादा लब्धन्ति। पठमवादे यदि कामगुणसमप्पितो अत्ता, एवं सो दिद्वधम्मनिब्बानप्पत्तो। दुतियादिवादेसु यदि पठमवादसङ्गहितो सोयेव अत्ता

पठमज्झानादिसमङ्गी, एवं सति दिट्ठधम्मनिब्बानप्पत्तोति । तेनेव हि उच्छेदवादे विय इध पाळियं “अज्जो अत्ता”ति अज्जग्गहणं न कतं । कथं पन अच्चन्तनिब्बानपज्जापकस्स अत्तनो दिट्ठधम्मनिब्बानवादस्स सस्सतदिट्ठिया सङ्गहो, न उच्छेददिट्ठियाति ? तंतंसुखविसेससमङ्गितापटिलद्धेन बन्धविमोक्खेन सुद्धस्स अत्तनो सकरूपेनेव अवट्टानदीपनतो । तेसज्हि तथापटिलद्धेन कम्मबन्धविमोक्खेन सुद्धो हुत्वा दिट्ठधम्मनिब्बानप्पत्तो अत्ता सकरूपेनेव अवट्टासीति लद्धि । तथा हि पाळियं “एत्तावता खो भो अयं अत्ता परमदिट्ठधम्मनिब्बानं पत्तो होती”ति सस्सतभावजापकच्छायाय एव तेसं वाददस्सनं कतन्ति ।

“एत्तावता”तिआदिना पाळियत्थसम्पिण्डनं । तत्थ यासन्ति यथावुत्तानं दिट्ठिनं अनियमनिद्देसवचनं । तस्स इमा द्वासट्ठि दिट्ठियो कथिताति नियमनं, नियतानपेक्खवचनं वा एतं “यं सन्धाय वुत्त”न्ति आगतद्धाने विय । सेसाति पच्चपज्जास दिट्ठियो । तासु अन्तानन्तिकवादादीनं सस्सतदिट्ठिसङ्गहभावो तत्थ तत्थ पकासितोयेव । किं पनेत्थ कारणं, पुब्बन्तापरन्ता एव दिट्ठाभिनिवेसस्स विसयभावेन दस्सिता, न पन तदुभयमेकज्झन्ति ? असम्भवो एवेत्थ कारणं । न हि पुब्बन्तापरन्तेसु विय तदुभयविनिमुत्ते मज्झन्ते दिट्ठिकप्पना सम्भवति तदुभयन्तरमत्तेन इत्तरकालत्ता । अथ पन पच्चुप्पन्नत्तभावो तदुभयवेमज्झं, एवं सति दिट्ठिकप्पनाक्खमो तस्स उभयसभावो पुब्बन्तापरन्तेसुयेव अन्तोगधोति कथं तदुभयमेकज्झं अदस्सितं सिया । अथ वा पुब्बन्तापरन्तवन्तताय “पुब्बन्तापरन्तो”ति मज्झन्तो वुच्चति, सोपि “पुब्बन्तकप्पिका च अपरन्तकप्पिका च पुब्बन्तापरन्तकप्पिका चा”ति उपरि वदन्तेन भगवता पुब्बन्तापरन्तेहि विसुं कत्वा वुत्तोयेवाति दट्ठब्बो । अट्ठकथायम्पि “सब्बेपि ते पुब्बन्तापरन्तकप्पिके”ति एतेन सामज्जनिद्देसेन, एकसेसेन वा सङ्गहितोति वेदितब्बं । अज्जथा हि सङ्गट्ठित्वा वुत्तवचनस्स निरवसेससङ्गट्ठनाभावतो अनत्थकता आपज्जेय्याति । के पन ते पुब्बन्तापरन्तकप्पिकाति ? ये अन्तानन्तिका हुत्वा दिट्ठधम्मनिब्बानवादाति एवमादिना उभयसम्बन्धाभिनिवेसिनो वेदितब्बा ।

१००-१०४. “इदानी”तिआदिना अप्पनावचनद्वयस्स विसेसं दस्सेति । तत्थ एकज्झन्ति रासिकरणत्थे निपातो । एकधा करोतीति एकज्झन्तिपि नेरुत्तिका, भावनपुंसकज्जेतं । इति-सद्दो इदमत्थो, इमिना पकारेन पुच्छित्वा विस्सज्जेसीति अत्थो ।

अज्झासयन्ति सस्सतुच्छेदवसेन दिडिज्झासयं । तदुभयवसेन हि सत्तानं संकिलेसपक्खे
दुविधो अज्झासयो । तथा हि वुत्तं -

“सस्सतुच्छेददिडि च, खन्ति चेवानुलोमिका ।
यथाभूतञ्च यं जाणं, एतं आसयसद्वित”न्ति ।। (विसुद्धि० टी० १.१३६;
दी० नि० टी० १.पठममहासङ्गीतिकथावण्णना; सारत्थ टी०
१.पठममहासङ्गीतिकथावण्णना, वेरज्जकण्डवण्णना; विमति टी०
१.वेरज्जकण्डवण्णनापि पस्सितब्बं) ।

तच्च भगवा अपरिमाणासु लोकधातूसु अपरिमाणानं सत्तानं अपरिमाणे एव
जेय्यविसेसे उप्पज्जनवसेन अनेकभेदभिन्नमि “चत्तारो जना सस्सतवादा”तिआदिना
द्वासट्ठिया पभेदेहि सङ्गहनवसेन सब्बज्जुतज्जाणेन परिच्छिन्दित्वा दस्सेन्तो पमाणभूताय
तुलाय धारयमानो विय होतीति आह “तुलाय तुलयन्तो विया”ति । तथा हि वक्खति
“अन्तोजालीकता”तिआदि (दी० नि० अट्ठ० १.१४६) “सिनेरुपादतो वालुकं उद्धरन्तो
विया”ति पन एतेन सब्बज्जुतज्जाणतो अज्जस्स जाणस्स इमिस्सा देसनाय
असक्कुणेय्यतं दस्सेति परमगम्भीरतावचनतो ।

एत्थ च “सब्बे ते इमेहेव द्वासट्ठिया वत्थूहि, एतेसं वा अज्जतरेन, नत्थि इतो
बहिद्धा”ति वचनतो, पुब्बन्तकप्पिकादित्तयविनिमुत्तस्स च कस्सचि दिडिगतिकस्स अभावतो
यानि तानि सामज्जफलादिसुत्तन्तरेसु वुत्तप्पकारानि अकिरियाहेतुकनत्थिकवादादीनि, यानि
च इस्सरपकतिपजापतिपुरिसकालसभावनियतियदिच्छावादादिप्पभेदानि दिडिगतानि (विसुद्धि०
१.१६०-१६२; विभं० अनु टी० २.१९४-१९५ वाक्यखन्धेसु पस्सितब्बं) बहिद्धापि
दिस्समानानि, तेसं एत्थेव सङ्गहतो अन्तोगधता वेदितब्बा । कथं ? अकिरियवादो ताव
“वज्झो कूटट्ठो”तिआदिना किरियाभावदीपनतो सस्सतवादे अन्तोगधो, तथा “सत्तिमे
काया”तिआदि (दी० नि० १.१७४) नयप्पवत्तो पकुधवादो, “नत्थि हेतु नत्थि पच्चयो
सत्तानं संकिलेसाया”तिआदि (दी० नि० १.१६८) नयप्पवत्तो अहेतुकवादो च
अधिच्चसमुप्पन्नवादे । “नत्थि परो लोको”तिआदि (दी० नि० १.१७१) नयप्पवत्तो
नत्थिकवादो उच्छेदवादे । तथा हि तत्थ “कायस्स भेदा उच्छिज्जती”तिआदि (दी० नि०
१.८५) वुत्तं । पठमेन आदि-सद्देन निगण्ठवादादयो सङ्गहिता ।

यदिपि पाळियं (दी० नि० १.१७७) नाटपुत्तवादभावेन चातुयामसंवरो आगतो, तथापि सत्तवतातिक्कमेन विक्खेपवादिताय नाटपुत्तवादोपि सञ्चयवादो विय अमराविक्खेपवादेसु अन्तोगधो । “तं जीवं तं सरीरं, अज्जं जीवं अज्जं सरीर”न्ति (दी० नि० १.३७७; म० नि० २.१२२; सं० नि० १.२.३५) एवंपकारा वादा पन “रूपी अत्ता होति अरोगो परं मरणा”तिआदिवादेसु सङ्गहं गच्छन्ति । “होति तथागतो परं मरणा, अत्थि सत्ता ओपपातिका”ति एवंपकारा सस्सतवादे । “न होति तथागतो परं मरणा, नत्थि सत्ता ओपपातिका”ति एवंपकारा उच्छेदवादे । “होति च न होति च तथागतो परं मरणा, अत्थि च नत्थि च सत्ता ओपपातिका”ति एवंपकारा एकच्चसस्सतवादे । “नेव होति न न होति तथागतो परं मरणा, नेवत्थि न नत्थि सत्ता ओपपातिका”ति एवंपकारा अमराविक्खेपवादे । इस्सरपकतिपजापतिपुरिसकालवादा एकच्चसस्सतवादे । कणादवादो, सभावनियतियदिच्छावादा च अधिच्चसमुप्पन्नवादे सङ्गहं गच्छन्ति । इमिना नयेन सुत्तन्तरेसु, बहिद्धा च अज्जतिथियसमये दिस्समानानं दिट्ठिगतानं इमासुयेव द्वासड्डिया दिट्ठीसु अन्तोगधता वेदितब्बा । ते पन तत्थ तत्थागतनयेन वुच्चमाना गन्थविथारकरा, अतिथे च पक्खन्दनमिव होतीति न विथारयिम्ह । इध पाळियं अत्थविचारणाय अट्ठकथायं अनुत्तानत्थपकासनमेव हि अम्हाकं भारोति ।

“एवमयं यथानुसन्धिवसेन देसना आगता”ति वचनप्पसङ्गेन सुत्तस्सानुसन्धयो विभजितुं “तयो ही”तिआदिमाह । अत्थन्तरनिसेधनत्थज्झि विसेसनिद्धारणं । तत्थ अनुसन्धनं **अनुसन्धि**, सम्बन्धमत्तं, यं देसनाय कारणट्ठेन “समुद्धान”न्तिपि वुच्चति । पुच्छादयो हि देसनाय बाहिरकारणं तदनुरूपेण देसनापवत्तनतो । तंसम्बन्धोपि तन्निस्सितत्ता कारणमेव । अब्भन्तरकारणं पन महाकरुणादेसनाज्जाणादयो । अयमत्थो उपरि आवि भविस्सति । पुच्छाय कतो अनुसन्धि **पुच्छानुसन्धि**, पुच्छं अनुसन्धिं कत्वा देसितत्ता सुत्तस्स सम्बन्धो पुच्छाय कतो नाम होति । पुच्छासङ्घातो अनुसन्धि **पुच्छानुसन्धी**तिपि युज्जति । पुच्छानिस्सितेन हि अनुसन्धिना तन्निस्सयभूता पुच्छापि गहिताति । अथ वा अनुसन्धहतीति **अनुसन्धि**, पुच्छासङ्घातो अनुसन्धि एतस्साति **पुच्छानुसन्धि**, तंतंसुत्तपदेसो । पुच्छाय वा अनुसन्धीयतीति **पुच्छानुसन्धि**, पुच्छं वचनसम्बन्धं कत्वा देसितो तंसमुद्धानिको तंतंसुत्तपदेसोव । **अज्झासयानुसन्धि**मिहि एसेव नयो । अनुसन्धीयतीति अनुसन्धि, यो यो अनुसन्धि, अनुसन्धिनो अनुरूपं वा **यथानुसन्धि** ।

पुच्छाय, अज्झासयेन च अननुसन्धिको आदिमिहि देसितधम्मस्स अनुरूपधम्मवसेन वा

तप्पटिपक्खधम्मवसेन वा पवत्तो उपरिसुत्तपदेसो । तथा हि सो “येन पन धम्मेन...पे०... ककचूपमा आगता”तिआदिना (दी० नि० अट्ठ० १.१००-१०४) अट्ठकथायं वुत्तो, यथापाळिमयं विभागोति दस्सेति “तत्था”तिआदिना । तत्थ “एवं वुत्ते नन्दो गोपालको भगवन्तं एतदवोचा”ति पठन्ति, तं न सुन्दरं सुत्ते तथा अभावतो । “एवं वुत्ते नन्दगोपालकसुत्ते भगवन्तं एतदवोचा”ति पन पठितब्बं तस्मिं सुत्ते “अञ्जतरो भिक्खु भगवन्तं एतदवोचा”ति अत्थस्स उपपत्तितो । इदञ्चि संयुत्तागमवरे **सत्तायतनवगो** सङ्गीतसुत्तं । गङ्गाय वुहमानं दारुक्खन्धं उपमं कत्वा सत्तापब्बजिते कुलपुत्ते देसिते नन्दो गोपालको “अहमिमं पटिपत्तिं पूरेस्सामी”ति भगवतो सन्तिके पब्बज्जं, उपसम्पदञ्च गहेत्वा तथापटिपज्जमानो नचिरस्सेव अरहतं पत्तो । तस्मा “नन्दगोपालकसुत्त”न्ति पञ्जायित्थ । “किं नु खो भन्ते”तिआदीनि पन अञ्जतरोयेव भिक्खु अवोच । वुत्तञ्चि तत्थ “एवं वुत्ते अञ्जतरो भिक्खु भगवन्तं एतदवोच ‘किं नु खो भन्ते, ओरिमं तीर’न्तिआदि” ।

तत्रायमत्थो – **एवं वुत्ते**ति “सचे खो भिक्खवे, दारुक्खन्धो न ओरिमं तीरं उपगच्छती”तिआदिना गङ्गाय वुहमानं दारुक्खन्धं उपमं कत्वा सत्तापब्बजिते कुलपुत्ते देसिते । **भगवन्तं एतदवोचा**ति अनुसन्धिकुसलताय “किं नु खो भन्ते”तिआदिवचनमवोच । तथागतो हि “इमिस्सं परिसति निसिञ्जो अनुसन्धि कुसलो अत्थि, सो मं पञ्चं पुच्छिस्सती”ति एत्तकेनेव देसनं निट्ठापेसि । **ओरिमं तीरन्ति** ओरिमभूतं तीरं । तथा **पारिमं तीरन्ति** । **मज्जे संसीदो**ति वेमज्जे संसीदनं निम्मुज्जनं । **थले उस्सादो**ति जलमज्जे उट्ठिते थलस्मिं उस्सारितो आरुळ्हो । **मनुस्सगाहो**ति मनुस्सानं सम्बन्धीभूतानं, मनुस्सेहि वा गहणं । तथा **अमनुस्सगाहो**ति **आवट्ठगाहो**ति उदकावट्ठेन गहणं । **अन्तोपूती**ति वक्कहदयादीसु अपूतिकस्सापि गुणानं पूतिभावेन अब्भन्तरंपूतीति ।

“अथ खो अञ्जतरस्स भिक्खुनो”तिआदि मज्झिमागमवरे उपरिपण्णासके **महापुण्णमसुत्तं** (म० नि० ३.८८-९०) तत्रायमत्थो – **इति किरा**ति एत्थ **किर**-सद्दो अरुचियं, तेन भगवतो यथादेसिताय अत्तसुञ्जताय अत्तनो अरुचियभावं दीपेति । **भो**ति धम्मालपनं, अम्भो सभावधम्माति अत्थो । यदि रूपं अनत्ता...पे०... विज्जाणं अनत्ता । एवं सतीति सपाठसेसयोजना । **अनत्तकतानी**ति अत्तना न कतानि, अनत्तभूतेहि वा खन्धेहि कतानि । **कमत्तानं फुसिस्सन्ती**ति कीदिसमत्तभावं फुसिस्सन्ति । असति अत्तनि खन्धानञ्च खणिकत्ता तानि कम्मनि कं नाम अत्तानं अत्तनो फलेन फुसिस्सन्ति, को

कम्मफलं पटिसंवेदिसतीति वुत्तं होति । तस्स भिक्खुनो चेतोपरिवितक्कं अत्तनो चेतसा चेतो – परियजाणसम्पयुत्तेन सब्बज्जुतज्जाणसम्पयुत्तेन वा अज्जाय जानित्वाति सम्बन्धो ।

अविद्वाति सुतादिविरहेन अरियधम्मस्स अकोविदताय अपण्डितो । **विद्वाति** हि पण्डिताधिवचनं विदति जानातीति कत्वा । **अविज्जागतो**ति अविज्जाय उपगतो, अरियधम्मे अविनीतताय अप्पहीनाविज्जोति अत्थो । **तण्हाधिपतेयेन चेतसा**ति “यदि अहं नाम कोचि नत्थि, एवं सति मया कतस्स कम्मस्स फलं को पटिसंवेदेति, सति पन तस्मिं सिया कम्मफलूपभोगो”ति तण्हाधिपतितो आगतेन अत्तवादुपादानसहगतेन चेतसा । **अतिधावितब्बन्ति** अतिक्कमित्वा धावितब्बं । इदं वुत्तं होति – खणिकत्तेपि सङ्कारानं यस्मिं सन्ताने कम्मं कतं, तत्थेव फलूपपत्तितो धम्मपुज्जमतस्सेव सिद्धे कम्मफलसम्बन्धे एकत्तनयं मिच्छा गहेत्वा एकेन कारकवेदकभूतेन भवितब्बं, अज्जथा कम्मकम्मफलानमसम्बन्धो सियाति अत्तत्तनियसुज्जतापकासनं सत्थुसासनं अतिक्कमितब्बं मज्जेय्याति । इदानी अनतिधावितब्बतं विभावेतुं “**तं किं मज्जथा**”तिआदिमाह ।

उपरि देसनाति देसनासमुद्धानधम्मदीपिकाय हेट्ठिमदेसनाय उपरि पवत्तिता देसना । देसनासमुद्धानधम्मस्स अनुरूपपटिपक्खधम्मप्पकासनवसेन दुविधेसु यथानुसन्धीसु अनुरूपधम्मप्पकासनवसेन यथानुसन्धिदस्सनमेतं “**उपरि छ अभिज्जा आगता**”ति । तदवसेसं पन सब्बम्पि पटिपक्खधम्मप्पकासनवसेन । मज्झिमागमवरे मूलपण्णासकेयेव चेतानि सुत्तानि । **किलेसेना**ति “लोभो चित्तस्स उपक्किलेसो”तिआदिना किलेसवसेन । **भण्डनेना**ति विवादेन । **अक्खन्ति**याति कोपेन । **कक्कचूपमा**ति खरपन्तिउपमा । **इमस्मिम्पी**ति पि-सद्दो अपेक्खायं “अयम्पि पाराजिको”तिआदीसु (वि० १.७२-७३, १६७, १७१, १९५, १९७) विय, सम्पिण्डने वा, तेन यथा वत्थसुत्तादीसु पटिपक्खधम्मप्पकासनवसेन यथानुसन्धि, एवं इमस्मिम्पि ब्रह्मजालेति अपेक्खनं, सम्पिण्डनं वा करोति । तथा हि निच्चसारादिपज्जापकानं दिट्ठिगतानं वसेन उट्ठितायं देसना निच्चसारादिसुज्जतापकासनेन निट्ठापिताति । “**तेना**”तिआदिना यथावुत्तसंवण्णनाय गुणं दस्सेति ।

परितस्सितविप्फन्दितवारवण्णना

१०५-११७. **मरियादविभागदस्सनत्थन्ति** दिट्ठिगतिकानं तण्हादिट्ठिपरामासस्स तथागतानं जाननपस्सनेन, सस्सतादिमिच्छादस्सनस्स च सम्मादस्सनेन सङ्कराभाव-विभागप्पकासनत्थं ।

तण्हादिट्ठिपरामासोयेव तेसं, न तु तथागतानमिव यथाभूतं जाननपस्सनं । तण्हादिट्ठिविष्फन्दनमेवेतं मिच्छादस्सनवेदयितं, न तु सोतापन्नस्स सम्मादस्सनवेदयितमिव निच्चलन्ति च हि इमाय देसनाय मरियादविभागं दस्सेति । तेन वक्खति “येन दिट्ठिअस्सादेन...पे०... तं वेदयित”न्ति, “दिट्ठिसङ्घातेन चैव...पे०... दस्सेती”ति च । “तदपी”ति वुत्तत्ता येन सोमनस्सजाता पञ्जपेन्तीति अत्थो लब्भतीति दस्सेतुं “येना”तिआदि वुत्तं । सामत्थियतो हि अवगतत्थस्सेवेत्थ त-सद्देन परामसनं । दिट्ठिअस्सादेनाति दिट्ठिया पच्चयभूतेन अस्सादेन । “दिट्ठिसुखेना”तिआदि तस्सेव वेवचनं । अजानन्तानं अपस्सन्तानं तेसं भवन्तानं समणब्राह्मणानं तदपि वेदयितं तण्हागतानं वेदयितन्ति सम्बन्धो ।

“यथाभूतधम्मनं सभाव”न्ति च अविसेसेन वुत्तं । न हि सङ्गतधम्मसभावं अजाननमत्तेन मिच्छा अभिनिविसन्ति । सामञ्जजोतना च विसेसे अवतिट्ठति । तस्मायमेत्थ विसेसयोजना कातब्बा – “सस्सतो अत्ता च लोको चा”ति इदं दिट्ठिद्वानं एवंगहितं एवंपरामद्वं एवंगतिकं होति एवंअभिसम्परायन्ति यथाभूतमजानन्तानं अपस्सन्तानं अथ वा यस्मिं वेदयिते अवीततण्हाय एवंदिट्ठितं उपादीयति, तं वेदयितं समुदयअथङ्गमादितो यथाभूतमजानन्तानं अपस्सन्तानन्ति । एवं विसेसयोजनाय हि यथा अनावरणजाणसमन्तचक्खूहि तथागतानं यथाभूतमेत्थ जाननं, पस्सनञ्च होति, न एवं दिट्ठितिकानं, अथ खो तेसं तण्हादिट्ठिपरामासोयेवाति इममत्थं इमाय देसनाय दस्सेतीति पाकटं होति । एवम्पि चायं देसना मरियादविभागदस्सनत्थं जाता ।

वेदयितन्ति “सस्सतो अत्ता च लोको चा”ति (दी० नि० १.३१) दिट्ठिपञ्जापनवसेन पवत्तं दिट्ठिस्सादसुखपरियायेन वुत्तं, तदपि अनुभवनं । तण्हागतानन्ति तण्हाय उपगतानं, पवत्तानं वा तदेव वुत्तिनयेन विवरति “क्खेलं...पे०... वेदयित”न्ति । तञ्च खो पनेतन्ति च यथावुत्तं वेदयितमेव पच्चासति, तेनेतं दीपेति – “तदपि वेदयितं तण्हागतानं वेदयितमेवा”ति वच्छिन्दित्वा “तदपि वेदयितं परितस्सितविष्फन्दितमेवा”ति पुन सम्बन्धो कातब्बोति । तदपि ताव न सम्पापुणातीति हेट्ठिमपरिच्छेदेन मरियादविभागं दस्सेतुं “न सोतापन्नस्स दस्सनमिव निच्चल”न्ति वुत्तं । दस्सनन्ति च सम्मादस्सनसुखं, मग्गफलसुखन्ति वुत्तं होति । कुतो चायमत्थो लब्भतीति एव-सद्दसामत्थियतो । “परितस्सितविष्फन्दितमेवा”ति हि वुत्तेन मग्गफलसुखं विय अविष्फन्दितं हुत्वा एकरूपे अवतिट्ठति, अथ खो तं वट्ठामिसभूतं दिट्ठितण्हासल्लानुविद्धताय सउप्पीळत्ता

विष्फन्दितमेवाति अत्थो आपन्नो होति, तेनेवाह “परितस्सितेना”तिआदि। अयमेत्थ अट्ठकथामुत्तकोससम्बन्धनयो।

एवं विसेसकारणतो द्वासट्ठि दिट्ठिगतानि विभजित्वा इदानि अविसेसकारणतो तानि दस्सेतुं “तत्र भिक्खवे”तिआदिका देसना आरब्धा। सब्बेसज्झि दिट्ठिगतानं वेदना, अविज्जा, तण्हा च अविसेसिड्डकारणं। तत्थ तदपीति “सस्सतं अत्ता नञ्च लोकञ्च पज्जापेन्ती”ति एत्थ यदेतं “सस्सतो अत्ता च लोको चा”ति पज्जापनहेतुभूतं सुखादिभेदं तिविधम्पि वेदयितं, तदपि यथाक्कमं दुक्खसल्लानिच्चतो, अविसेसेन समुदयत्थङ्गमस्सादादीनवनिस्सरणतो वा यथाभूतमजानन्तानं अपस्सन्तानं होति, ततो एव च सुखादिपत्थनासम्भवतो, तण्हाय च उपगतत्ता तण्हागतानं तण्हापरितस्सितेन दिट्ठिविष्फन्दितमेव दिट्ठिचलनमेव। “असति अत्तनि को वेदनं अनुभवती”ति कायवचीद्वारेसु दिट्ठिया चोपनप्पत्तिमत्तमेव, न पन दिट्ठिया पज्जापेतब्बो कोचि धम्मो सस्सतो अत्थीति अधिप्पायोति। एकच्चसस्सतादीसुपि एस नयो।

फस्सपच्चयवारवण्णना

११८. परम्परपच्चयदस्सनत्थन्ति यं दिट्ठिया मूलकारणं, तस्सापि कारणं, पुन तस्सपि कारणन्ति एवं पच्चयपरम्परदस्सनत्थं। येन हि तण्हापरितस्सितेन एतानि दिट्ठिगतानि पवत्तन्ति, तस्स वेदयितं पच्चयो, वेदयितस्सापि फस्सो पच्चयोति एवं पच्चयपरम्परविभाविनी अयं देसना। किमत्थियं पन पच्चयपरम्परदस्सनन्ति चे? अत्थन्तरविज्जापनत्थं। तेन हि यथा दिट्ठिसङ्घातो पज्जापनधम्मो, तप्पच्चयधम्मा च यथासकं पच्चयवसेनेव उप्पज्जन्ति, न पच्चयेहि विना, एवं पज्जापेतब्बधम्मापि रूपवेदनादयो, न एत्थ कोचि सस्सतो अत्ता वा लोको वाति एवमत्थन्तरं विज्जापितं होति। तण्हादिट्ठिपरिफन्दितं तदपि वेदयितं दिट्ठिकारणभूताय तण्हाय पच्चयभूतं फस्सपच्चया होतीति अत्थो।

१३१. तस्स पच्चयस्साति तस्स फस्ससङ्घातस्स पच्चयस्स। दिट्ठिवेदयिते दिट्ठिया पच्चयभूते वेदयिते, फस्सपधानेहि अत्तनो पच्चयेहि निष्फादेतब्बे। साधेतब्बे चेत्तं भुम्मं। बलवभावदस्सनत्थन्ति बलवकारणभावदस्सनत्थं। तथा हि विनापि चक्खादिवत्थूहि, सम्पयुत्तधम्मेहि च केहिचि वेदना उप्पज्जति, न पन कदाचिपि फस्सेन विना, तस्मा

फस्सो वेदनाय बलवकारणं । न केवलं वेदनाय एव, अथ खो सेससम्पयुत्तधम्मानम्पि । सन्निहितोपि हि विसयो सचे चित्तुप्पादो फुसनाकारविरहितो होति, न तस्स आरम्भणपच्चयो भवतीति फस्सो सब्बेसम्पि सम्पयुत्तधम्मानं विसेसपच्चयो । तथा हि भगवता धम्मसङ्गणीपकरणे चित्तुप्पादं विभजन्तेन “फस्सो होती”ति फस्सस्सेव पठममुद्धरणं कृतं, वेदनाय पन सातिसयमधिद्वानपच्चयो एव । “पटिसंवेदिस्सन्ती”ति वुत्तत्ता “तदपी”ति एत्थाधिकारोति आह “तं वेदयित”न्ति । गम्यमानत्थस्स वा-सद्वस्स पयोगं पति कामचारत्ता, लोपत्ता, सेसत्तापि च एस न पयुत्तो । एवमीदिसु । होति चेत्थ –

“गम्यमानाधिकारतो, लोपतो सेसतो चाति ।
कारणेहि चतूहिपि, न कत्थचि रवो युत्तो”ति ।।

“यथा ही”तिआदिना फस्सस्स बलवकारणतादस्सनेन तदत्थं समत्थेति । तत्थ पततोति पतन्तस्स । थूणाति उपत्थम्भकदारुस्सेतं अधिवचनं ।

दिट्ठिगतिकाधिद्वानवट्टकथावण्णना

१४४. किञ्चापि इमस्मिं ठाने पाळियं वेदयितमनागतं, हेट्ठा पन तीसुपि वारेसु अधिकतत्ता, उपरि च “फुस्स फुस्स पटिसंवेदेन्ती”ति वक्खमानत्ता वेदयितमेवेत्थ पधानन्ति आह “सब्बदिट्ठिवेदयितानि सम्पिण्डेती”ति । “येपि ते”ति तत्थ तत्थ आगतस्स च पि-सद्वस्स अत्थं सन्धाय “सम्पिण्डेती”ति वुत्तं । ये ते समणब्राह्मणा सस्सतवादा...पे०... सब्बेपि ते छहि फस्सायतनेहि फुस्स फुस्स पटिसंवेदेन्तीति हि वेदयितकिरियावसेन तंतंदिट्ठिगतिकानं सम्पिण्डितत्ता वेदयितसम्पिण्डनमेव जातं । सब्बम्पि हि वाक्यं किरियापधानन्ति । उपरि फस्से पक्खिपनत्थायाति “छहि फस्सायतनेही”ति वुत्ते उपरि फस्से पक्खिपनत्थं, पक्खिपनञ्चेत्थ वेदयितस्स फस्सपच्चयतादस्सनमेव । “छहि फस्सायतनेहि फुस्स फुस्स पटिसंवेदेन्ती”ति इमिना हि छहि अज्झत्तिकायतनेहि छळारम्भणपटिसंवेदनं एकन्ततो छफस्सहेतुकमेवाति दस्सितं होति, तेन वुत्तं “सब्बे ते”तिआदि ।

कम्बोजोति एवंनामकं रट्ठं । तथा दक्खिणापथो । “सज्जातिद्वाने”ति इमिना सज्जायन्ति एत्थाति अधिकरणत्थो सज्जाति-सद्वोति दस्सेति । एवं समोसरण-सद्वो । आयतन-सद्वोपि तदुभयत्थे । आयतनेति समोसरणभूते चतुमहापथे । नन्ति महानिग्रोधरुक्खं । इदज्झि

अङ्गुत्तरागमे पञ्चनिपाते सद्धानिसंससुत्तपदं । तत्थ च सेय्यथापि भिक्खवे सुभूमियं चतुमहापथे महानिग्रोधो समन्ता पक्खीनं पटिसरणं होती'ति (अ० नि० २.५.३८) तन्निद्वेसो वुत्तो । सति सतिआयतनेति सतिसङ्घाते कारणे विज्जमाने, तत्र तत्रेव सक्खितब्बतं पापुणातीति अत्थो । आयतन्ति एत्थ फलानि तदायत्तवुत्तिताय पवत्तन्ति, आयभूतं वा अत्तनो फलं तनोति पवत्तेतीति आयतनं, कारणं । सम्मन्तीति उपसम्मन्ति अस्सासं जनेन्ति । आयतन-सद्दो अज्जेसु विय न एत्थ अत्थन्तरावबोधकोति आह "पण्णत्तिमत्ते"ति, तथा तथा पञ्चत्तिमत्तेति अत्थो । रुक्खगच्छसमूहे पण्णत्तिमत्ते हि अरज्जवोहारो, अरज्जमेव च अरज्जायतनन्ति । अत्थत्तयेपीति एत्थ पि-सद्देन आकरनिवासाधिद्वानत्थे सम्पिण्डेति । "हिरज्जायतनं सुवण्णायतन"न्तिआदीसु हि आकरे, "इस्सरायतनं वासुदेवायतन"न्तिआदीसु निवासे, "कम्मायतनं सिप्पायतन"न्तिआदीसु अधिद्वाने पवत्तति, निस्सयेति अत्थो ।

आयतन्ति एत्थ आकरोन्ति, निवसन्ति, अधिद्वहन्तीति यथाक्कमं वचनत्थो । चक्खादीसु च फस्सादयो आकिण्णा, तानि च नेसं वासो, अधिद्वानज्ज निस्सयपच्चयभावतो । तस्मा तदेतम्पि अत्थत्तयमिध युज्जतियेव । कथं युज्जतीति आह "चक्खादीसु ही"तिआदि । फस्सो वेदना सज्जा चेतना चित्तन्ति इमे फस्सपञ्चमका धम्मा उपलक्खणवसेन वुत्ता अज्जेसम्पि तंसम्पयुत्तधम्मानं आयतनभावतो, पधानवसेन वा । तथा हि चित्तुप्पादं विभजन्तेन भगवता तेयेव "फस्सो होति, वेदना, सज्जा, चेतना, चित्तं होती"ति पठमं विभत्ता । सज्जायन्ति तन्निस्सयारम्मणभावेन तत्थेव उप्पत्तितो । समोसरन्ति नत्थ तत्थ वत्थुद्वारारम्मणभावेन समोसरणतो । तानि च नेसं कारणं तेसमभावे अभावतो । अयं पन यथावुत्तो सज्जातिदेसादिअत्थो रुळ्ळिवसेनेव तत्थ तत्थ निरुळ्ळताय एव पवत्तत्ताति आचरियआनन्दत्थेरेन वुत्तं । अयं पन पदत्थविवरणमुखेन पवत्तो अत्थो-आयतनतो, आयानं तननतो, आयतस्स च नयनतो आयतनं । चक्खादीसु हि तन्तद्वारारम्मणा चित्तचेतसिका धम्मा सेन सेन अनुभवनादिकिच्चेन आयतन्ति उद्वहन्ति घटेन्ति वायमन्ति, आयभूते च धम्मे एतानि तनोन्ति वित्थारेन्ति, आयतज्ज संसारदुक्खं नयन्ति पवत्तेन्तीति । इति इमिना नयेनाति एत्थ आदिअत्थेन इति सद्देन "सोतं पटिच्चा"तिआदिपाळिं सङ्गणहाति ।

तत्थ तिण्णन्ति चक्खुपसादरूपारम्मणचक्खुविज्जाणादीनं तिण्णं विसयिन्द्रियविज्जाणानं । तेसं समागमनभावेन गहेतब्बतो "फस्सो सङ्गती"ति वुत्तो । तथा

हि सो “सन्निपातपच्चुपट्टानो”ति वुच्चति । इमिना नयेन आरोपेत्वाति सम्बन्धो । तेन इममत्थं दस्सेति— यथा “चक्खुपटिच्च...पे०... फस्सो”ति (म० नि० १.२०४; ३.४२१, ४२५, ४२६; सं० नि० १.२.४३, ४५; २.४.६१; कथाव० ४६५) एतस्मिं सुत्ते विज्जमानेसुपि सञ्जादीसु सम्पयुत्तधम्मेषु वेदनाय पधानकारणभावदस्सनत्थं फस्ससीसेन देसना कता, एवमिधापि “फस्सपच्चया वेदना”तिआदिना फस्सं आदिं कत्वा अपरन्तपटिसन्धानेन पच्चयपरम्परं दस्सेतुं “छहि फस्सायतनेही”ति च “फुस्स फुस्सा”ति च फस्ससीसेन देसना कताति । **फस्सायतनादीनीति आदि-सद्देन “फुस्स फुस्सा”ति वचनं सङ्गहाति ।**

“**किञ्चापी**”तिआदिना सद्वमततो चोदनालेसं दस्सेत्वा “**तथापी**”तिआदिना अत्थतो तं परिहरति । न आयतनानि फुसन्ति रूपानमनारम्भणभावतो । फस्सो अरूपधम्मो विसमानो एकदेसेन आरम्भणं अनल्लियमानोपि फुसनाकारेण पवत्तो फुसन्तो विय होतीति आह “**फस्सोव तं तं आरम्भणं फुसती**”ति । तेनेव सो “**फुसनलक्खणो, सङ्खट्टनरसो**”ति च वुच्चति । “छहि फस्सायतनेहि फुस्स फुस्सा”ति अफुसनकिच्चानिपि निस्सितवोहारेण फुसनकिच्चानि कत्वा दस्सनमेव फस्से उपनिक्खिपनं नाम यथा “मञ्चा घोसन्ती”ति । **उपनिक्खिपित्वाति** हि फुसनकिच्चारोपनवसेन फस्सस्मिं पवेसेत्वाति अत्थो । फस्सगतिकानि कत्वा फस्सुपचारं आरोपेत्वाति वुत्तं होति । उपचारो नाम वोहारमत्तं, न तेन अत्थसिद्धि अतंसभावतो । अत्थसिज्जनको पन तंसभावोयेव अत्थो गहेतब्बोति दस्सेतुं “**तस्मा**”तिआदिमाह । यथाहु—

“अत्थज्झि नाथो सरणं अवोच,
न ब्यज्जनं लोकहितो महेसी”ति ।।

अत्तनो पच्चयभूतानं छन्नं फस्सानं वसेन चक्खुसम्फस्सजा याव मनोसम्फस्सजाति सङ्केपतो छब्बिधं सन्धाय “**छफस्सायतनसम्भवा वेदना**”ति वुत्तं । वित्थारतो पन—

“फस्सतो छब्बिधापेता, उपविचारभेदतो ।
तिधा निस्सिततो द्वीहि, तिधा कालेन वट्ठिता”ति ।।—

अट्ठसत्तपरियाये वुत्तनयेन अट्ठसत्तप्पभेदा । महाविहारवासिनो चेत्थ यथा विज्जाणं नामरूपं

सळायतनं, एवं फस्सं, वेदनञ्च पच्चयपच्चयुप्पन्नम्पि ससन्ततिपरियापन्नं दीपेन्तो विपाकमेव इच्छन्ति, अञ्जे पन यथा तथा वा पच्चयभावो सति न सक्का वज्जेतुन्ति सब्बमेव इच्छन्ति। साति यथावुत्तप्पभेदा वेदना। रूपतण्हादिभेदायाति “सेट्ठिपुत्तो ब्राह्मणपुत्तो”ति पितुनामवसेन विय आरम्मणनामवसेन वुत्ताय रूपतण्हा याव धम्मतण्हाति सङ्खेपतो छब्बिधाय। वित्थारतो पन –

“रूपतण्हादिका काम-तण्हादीहि तिधा पुन।
सन्तानतो द्विधा काल-भेदेन गुणिता सियु”न्ति।।-

एवं वुत्तअट्ठसतप्पभेदाय। उपनिस्सयकोटियाति उपनिस्सयसीसेन। कस्मा पनेत्थ उपनिस्सयपच्चयोव उद्धटो, ननु सुखा वेदना, अदुक्खमसुखा च तण्हाय आरम्मणमत्तआरम्मणाधिपतिआरम्मणूपनिस्सयपकतूपनिस्सयवसेन चतुधा पच्चयो, दुक्खा च आरम्मणमत्तपकतूपनिस्सयवसेन द्विधाति? सच्चमेतं, उपनिस्सये एव पन तं सब्बम्पि अन्तोगधन्ति एवमुद्धटो। युत्तं ताव आरम्मणूपनिस्सयस्स उपनिस्सयसामञ्जतो उपनिस्सये अन्तोगधता, कथं पन आरम्मणमत्तआरम्मणाधिपतीनं तत्थ अन्तोगधभावो सियाति? तेसम्पि आरम्मणसामञ्जतो आरम्मणूपनिस्सयेन सङ्गहितत्ता आरम्मणूपनिस्सयवसमोधानभूतेव उपनिस्सये एव अन्तोगधता होति। एतदत्थमेव हि सन्धाय “उपनिस्सयेना”ति अवत्वा “उपनिस्सयकोटिया”ति वुत्तं। सिद्धे हि सत्थारम्भो नियमाय वा होति अत्थन्तरविज्जापनाय वाति। एवमीदिसेसु।

चतुब्बिधस्साति कामुपादानं याव अत्तवादुपादानन्ति चतुब्बिधस्स। ननु च तण्हाव कामुपादानं, कथं सायेव तस्स पच्चयो सियाति? सच्चं, पुरिमतण्हाय पन उपनिस्सयपच्चयेन पच्छिमतण्हाय दळ्ळभावतो पुरिमायेव तण्हा पच्छिमाय पच्चयो भवति। तण्हादळ्ळत्तमेव हि “कामुपादानं उपायासो उपकट्ठा”तिआदीसु विय उप-सट्ठस्स दळ्ळत्थे पवत्तनतो। अपिच दुब्बला तण्हा तण्हायेव, बलवती तण्हा कामुपादानं। अथ वा अपत्तविसयपत्थना तण्हा तमसि चोरानं हत्थपसारणं विय, सम्पत्तविसयगगहणं कामुपादानं चोरानं हत्थगतभण्डगगहणं विय। अप्पिच्छतापटिपक्खा तण्हा। सन्तुट्ठितापटिपक्खं कामुपादानं। परियेसनदुक्खमूलं तण्हा, आरक्खदुक्खमूलं कामुपादानं। अयम्पि तेसं विसेसो केचिवादवसेन आचरियधम्मपालत्थेरेन (दी० नि० टी० १.१४४) दस्सितो पुरिमनयस्सेव विसुद्धिमग्गे (विसुद्धि० १.१४४) सकवाद्भावेन वुत्तत्ता।

असहजातस्स उपादानस्स उपनिस्सयकोटिया, सहजातस्स पन सहजातकोटियाति यथालाभमत्थो गहेतब्बो। तत्थ असहजाता अनन्तरनिरुद्धा अनन्तरसमनन्तर अनन्तरूपनिस्सयनत्थिविगतासेवनपच्चयेहि छधा पच्चयो। आरम्भणभूता पन आरम्भणमत्तआरम्भणाधिपतिआरम्भणूपनिस्सयेहि तिधा, तं सब्बम्पि वुत्तनयेन उपनिस्सयेनेव सङ्गहेत्वा “उपनिस्सयकोटिया”ति वुत्तं। यस्मा च तण्हाय रूपादीनि अस्सादेत्वा कामेसु पातब्बतं आपज्जति, तस्मा तण्हा कामुपादानस्स उपनिस्सयकोटिया पच्चयो। तथा रूपादिभेदे सम्मूळ्हो “नत्थि दिन्न”न्तिआदिना (दी० नि० १.१७१; म० नि० १.४४५; २.९४-९५, २२५; ३.९१, ११६, १३६; सं० नि० २.३.२१०; अ० नि० ३.१०.१७६, २१७; ध० सं० १२२१; विभं० ९०७, ९२५, ९७१) मिच्छादस्सनं, संसारतो मुच्चितुकामो असुद्धिमग्गे सुद्धिमग्गपरामसनं, खन्धेसु अत्तत्तनियगाहभूतं सक्कायदस्सनञ्च गण्हाति। तस्मा इतरेसम्पि तिण्णं तण्हा उपनिस्सयकोटिया पच्चयोति दट्ठब्बं। सहजाता पन सहजातअञ्जमञ्जनिस्सयसम्पयुत्तअत्थिअविगतहेतुवसेन सत्तथा सहजातानं पच्चयो। तम्पि सब्बं सहजातपच्चयेनेव सङ्गहेत्वा “सहजातकोटिया”ति वुत्तं।

भवस्साति कम्मभवस्स चेव उपपत्तिभवस्स च। तत्थ चेतनादिसङ्घातं सब्बं भवगामिकम्मं कम्मभवो। कामभवादिनवविधो उपपत्तिभवो। तेसु उपपत्तिभवस्स चतुब्बिधम्पि उपादानं उपपत्तिभवहेतुभूतस्स कम्मभवस्स कारणभावतो, तस्स च सहायभावूपगमनतो पकतूपनिस्सयवसेन पच्चयो। कम्मआरम्भणकरणकाले पन कम्मसहजातमुपादानं उपपत्तिभवस्स आरम्भणवसेन पच्चयो। कम्मभवस्स पन सहजातस्स सहजातमुपादानं सहजातअञ्जमञ्जनिस्सयसम्पयुत्तअत्थिअविगतवसेन चेव हेतुमग्गवसेन च अनेकधा पच्चयो। असहजातस्स पन अनन्तरस्स असहजातमुपादानं अनन्तरसमनन्तरअनन्तरूपनिस्सयनत्थिविगतासेवनवसेन, इतरस्स च नानन्तरस्स पकतूपनिस्सयवसेन, सम्मसनादिकालेसु आरम्भणादिवसेन च पच्चयो। तत्थ अनन्तरादिके उपनिस्सयपच्चये, सहजातादिके च सहजातपच्चये पक्खिपित्वा तथाति वुत्तं, रूपूपहारत्थो वा हेस अनुकट्ठनत्थो वा। तेन हि उपनिस्सयकोटिया चेव सहजातकोटिया चाति अत्थं दस्सेति।

भवो जातियाति एत्थ भवोति कम्मभवो अधिप्पेतो। सो हि जातिया पच्चयो, न उपपत्तिभवो। जातियेव हि उपपत्तिभवोति, सा च पठमाभिनिब्बत्तखन्धा। तेन वुत्तं “जातीति पनेत्थ सविकारा पञ्चक्खन्धा दट्ठब्बा”ति, तेनायं चोदना निवत्तिता “ननु

जातिपि भवोयेव, कथं सो जातिया पच्चयो'ति, कथं पनेतं जानितब्बं "कम्मभवो जातिया पच्चयो'ति चे ? बाहिरपच्चयसमत्तेपि कम्मवसेनेव हीनपणीतादिविसेसदस्सनतो । यथाह भगवा "कम्मं सत्ते विभजति यदिदं हीनपणीतताया'ति (म० नि० ३.२८९) **सविकारा**ति निब्बत्तिविकारेण सविकारा, न अज्जेहि, ते च अत्थतो उपपत्तिभवोयेव, सो एव च तस्स कारणं भवितुमयुत्तो तण्हाय कामुपादानस्स पच्चयभावे विय पुरिमपच्छिमादिविसेसानमसम्भवतो, तस्मा कम्मभवोयेव उपपत्तिभवसङ्गाताय जातिया कम्मपच्चयेन चैव पकतूपनिस्सयपच्चयेन च पच्चयोति अत्थं दस्सेतुं "कम्मपच्चयं उपनिस्सयेनेव सङ्गहेत्वा उपनिस्सयकोटिया पच्चयो'ति वुत्तं । यस्मा पन जातिया सति जरामरणं, जरामरणादिना फुट्ठस्स च बालस्स सोकादयो सम्भवन्ति, नासति, तस्मा जातिजरामरणादीनं उपनिस्सयवसेन पच्चयोति आह **"जाति...पे०... पच्चयो"**ति वित्थारतो अत्थविनिच्छयस्स अकतत्ता, सहजातूपनिस्सयसीसेनेव पच्चयविचारणाय च, दस्सितत्ता, अङ्गादिविधानस्स च अनामहुत्ता **"अयमेत्थ सङ्गेपो"**तिआदि वुत्तं । महाविसयत्ता पटिच्चसमुप्पादविचारणाय निरवसेसा अयं कुतो लद्धब्बाति चोदनमपनेति **"वित्थारतो"**तिआदिना । **"इध पनस्सा"**तिआदिना पाळियम्पि पटिच्चसमुप्पादकथा एकदेसेनेव कथिताति दस्सेति । तत्थ **इधाति** इमस्मिं ब्रह्मजाले । **अस्साति** पटिच्चसमुप्पादस्स । **पयोजनमत्तमेवाति** दिट्ठिया कारणभूतवेदनावसेन एकदेसमत्तं पयोजनमेव । **"मत्तमेवा"**ति हि अवधारणत्थे परियायवचनं **"अप्पं वस्ससतं आयु, इदानीतरहि विज्जती"**तिआदीसु विय अज्जमज्जत्थावबोधनवसेन सपयोजनत्ता, **मत्त-सद्दो** वा पमाणे, पयोजनसङ्गातं पमाणमेव, न तदुत्तरीति अत्थो । **"मत्त-सद्दो** अवधारणे **एव-सद्दो** सन्निट्ठाने'तिपि वदन्ति । एवं सब्बत्थ । होति चेत्थ -

“मत्तमेवाति एकत्थं, मत्तपदं पमाणके ।

मत्तावधारणे वा, सन्निट्ठानम्हि चेत'र'न्ति ॥

एकदेसेनेविध पाळियं कथितत्ता पटिच्चसमुप्पादस्स तथा कथने सद्धिं उदाहरणेन कारणं दस्सेन्तो **"भगवा ही"**तिआदिमाह । तेन इममधिप्पायं दस्सेति **"वट्ठकथं कथेन्तो** भगवा अविज्जा-तण्हा-दिट्ठीनमज्जतरसीसेन कथेसि, तेसु इध दिट्ठिसीसेनेव कथेन्तो वेदनाय दिट्ठिया बलवकारणत्ता वेदनामूलकं एकदेसमेव पटिच्चसमुप्पादं कथेसी'ति । एतानि च गुणानि अङ्गुत्तरनिकाये दसनिपाते (अ० नि० ३.१०.६१ वाक्यखन्धे) तत्थ **पुरिमकोटि न पज्जायतीति** असुकस्स नाम सम्मासम्बुद्धस्स, चक्कवत्तिनो वा काले अविज्जा उपपन्ना, न

ततो पुब्बेति एवं अविज्जाय पुरिमो आदिमरियादो अप्पटिहतस्स मम सब्बज्जुतज्जाणस्सापि न पज्जायति तता मरियादस्स अविज्जमानत्ताति अत्थो । एवञ्चेतन्ति इमिना मरियादाभावेन अयं अविज्जा कामं वुच्चति । अथ च पनाति एवं कालनियमेन मरियादाभावेन वुच्चमानापि । इदप्पच्चयाति इमस्मा पच्चनीवरणसङ्घातपच्चया अविज्जा सम्भवतीति एवं धम्मनियामेन अविज्जाय कोटि पज्जायतीति अत्थो । “को चाहारो अविज्जाय, ‘पच्च नीवरणा’ तिस्स वचनीय”न्ति (अ० नि० ३.१०.६१) हि तत्थेव वुत्तं, टीकायं पन “आसवपच्चया”ति (दी० नि० टी० १.१४४) आह, तं उदाहरणसुत्तेन न समेति । अयं पच्चयो इदप्पच्चयो म-कारस्स द-कारादेसवसेन । सद्दविदू पन “ईदिसस्स पयोगस्स दिस्सनतो इद-सद्दोयेव पकती”ति वदन्ति, अयुत्तमेवेतं वण्णविकारादिवसेन नानापयोगस्स दिस्समानत्ता । यथा हि वण्णविकारेन “अमू”ति वुत्तेपि “असू”ति दिस्सति, “इमेसू”ति वुत्तेपि “एसू”ति, एवमिधापि वण्णविकारो च वाक्ये विय समासेपि लब्धतेव यथा “जानिपति तुदम्पती”ति । किमेत्थ वत्तब्बं, पभिन्नपटिसम्भिदेन आयस्मता महाकच्चायनत्थेरेन वुत्तमेव पमाणन्ति दट्ठब्बं ।

भवतण्हायाति भवसज्जोजनभूताय तण्हाय । इदप्पच्चयाति इमस्मा अविज्जापच्चया । “को चाहारो भवतण्हाय, ‘अविज्जा’ तिस्स वचनीय”न्ति हि वुत्तं । भवदिट्ठियाति सस्सतदिट्ठिया । इदप्पच्चयाति इध पन वेदनापच्चयात्वेव अत्थो । ननु दिट्ठियो एव कथेतब्बा, किमत्थियं पन पटिच्चसमुप्पादकथनन्ति अनुयोगेनाह “तेना”तिआदि । इदं वुत्तं होति – अनुलोमेन पटिच्चसमुप्पादकथा नाम वट्टकथा, तं कथनेनेव भगवा एते दिट्ठिगतिका याविदं मिच्छादस्सनं न पटिनिस्सज्जन्ति, ताव इमिना पच्चयपरम्परेन वट्टेयेव निमुज्जन्तीति दस्सेसीति । इतो भवादितो । एत्थ भवादीसु । एस नयो सेसपदद्वयेपि । इमिना अपरियन्तं अपरापरुप्पत्तिं दस्सेति । विपन्नद्वाति विविधेन नासिता ।

विवट्टकथादिवण्णना

१४५. दिट्ठिगतिकाधिद्वानन्ति दिट्ठिगतिकानं मिच्छागाहदस्सनवसेन अधिद्वानभूतं, दिट्ठिगतिकवसेन पुग्गलाधिद्वानन्ति वुत्तं होति । पुग्गलाधिद्वानधम्मदेसना हेसा । युत्तयोगभिक्षुअधिद्वानन्ति युत्तयोगानं भिक्खूनमधिद्वानभूतं, भिक्खुवसेन पुग्गलाधिद्वानन्ति वुत्तं होति । विवट्टन्ति वट्टतो विगतं । “येही”तिआदिना दिट्ठिगतिकानं मिच्छादस्सनस्स कारणभूताय वेदनाय पच्चयभूतं हेद्वा वुत्तमेव फस्सायतनमिध गहितं देसनाकुसलेन

भगवताति दस्सेति । वेदनाकम्ममुदयानेति “वेदनानं समुदय”न्तिआदिकं इमं पाळिं सन्धाय वुत्तं । किञ्चिमत्तमेव विसेसोति आह “यथा पना”तिआदि । तन्ति “फस्ससमुदया, फस्सनरोधा”ति वुत्तं कारणं । “आहारसमुदया”तिआदीसु कबळीकारो आहारो वेदितब्बो । सो हि “कबळीकारो आहारो इमस्स कायस्स आहारपच्चयेन पच्चयो”ति (पट्ठा० ४२९) पट्ठाने वचनतो कम्मसमुदयानानमि चक्खादीनं उपत्थम्भकपच्चयो होतियेव । “नामरूपसमुदया”तिआदीसु वेदनादिक्खन्धत्तयमेव नामं । ननु च “नामरूपपच्चया सळायतन”न्ति वचनतो सब्बेसु छसु फस्सायतनेसु “नामरूपसमुदया नामरूपनरोधा” इच्चेव वत्तब्बं, अथ कस्मा चक्खायतनादीसु “आहारसमुदया आहारनरोधा”ति वुत्तन्ति ? सच्चमेतं अविसेसेन, इध पन एवमि चक्खादीसु सम्भवतीति विसेसतो दस्सेतुं तथा वुत्तन्ति दट्ठब्बं ।

उत्तरितरजाननेनेव दिट्ठिगतस्स जाननमि सिद्धन्ति कत्वा पाळियमनागतेपि “दिट्ठिञ्च जानाती”ति वुत्तं । सीलसमाधिपञ्जायो लोकियलोकुत्तरमिस्सका, विमुत्ति पन इद हेट्ठिमा फलसमापत्तियो “याव अरहत्ता” तिअग्गफलस्स विसुं वचनतो । पच्चक्खानुमानेन चेत्य पजानना, तेनेवाह “बहुस्सुतो गन्धधरो भिक्खु जानाती”तिआदि, यथालाभं वा योजेतब्बं । देसना पनाति एत्थ पन-सद्दो अरुचियत्थो, तेनिमं दीपेति – यदिपि अनागामिआदयो यथाभूतं पजानन्ति, तथापि अरहतो उक्कंसगतिविजाननवसेन देसना अरहत्तनिकूटेन निट्ठापिताति । सुवण्णगेहो विय रतनमयकणिकाय देसना अरहत्तकणिकाय निट्ठापिताति अत्थो । एत्थ च “यतो खो...पे०... पजानाती”ति एतेन धम्मस्स निव्यानिकभावेन सद्धिं सद्धस्स सुप्पटिपत्तिं दस्सेति, तेनेव अट्ठकथायं “को एवं जानातीति ? खीणासवो जानाति, याव आरद्धविपस्सको जानाती”ति परिपुण्णं कत्वा भिक्खुसद्धो दस्सितो, तेन यदेतं हेट्ठा वुत्तं “भिक्खुसद्धवसेनापि दीपेतु”न्ति, (दी० नि० अट्ठ० १.८) तं यथारुतवसेनेव दीपितं होतीति दट्ठब्बं ।

१४६. “देसनाजालविमुत्तो दिट्ठिगतिको नाम नत्थी”ति दस्सनं देसनाय केवलपरिपुण्णतं आपेतुन्ति वेदितब्बं । अन्तो जालस्साति अन्तोजालं, दब्बपवेसनवसेन अन्तोजाले अकतापि तन्निस्सितवादप्पवेसनवसेन कताति अन्तोजालीकता, अन्तो जालस्स तिट्ठन्तीति वा अन्तोजाला, दब्बवसेन अनन्तोजालापि तन्निस्सितवादवसेन अन्तोजाला कताति अन्तोजालीकता । अभूततब्भावे करासभूयोगे विकारवाचकतो ईपच्चयो, अन्तसरस्स वा ईकारादेसोति सद्दविदू यथा “धवलीकारो, कबळीकारो”ति, (सं० नि० १.१.१८१)

इममत्थं दस्सेतुं “इमस्सा”तिआदि वुत्तं । निस्सिता अवसिताव हुत्वा उम्मुज्जमाना उम्मुज्जन्तीति अत्थो । मान-सद्दो चेत्थ भावेनभावलक्खणत्थो अप्पहीनेन उम्मुज्जनभावेन पुन उम्मुज्जनभावस्स लक्खितत्ता, तथा “ओसीदन्ता”तिआदीसुपि अन्त-सद्दो । उम्मुज्जनेनेव अवुत्तस्सापि निमुज्जनस्स गहणन्ति दस्सेति “ओसीदन्ता”तिआदिना । तत्थ अपायूपपत्तिवसेन अधो ओसीदनं, सम्पत्तिभववसेन उद्धमुग्गमनं । तथा परित्तभूमिमहग्गतभूमिवसेन, दिट्ठिया ओलीनतातिधावनवसेन, पुब्बन्तानुदिट्ठिअपरन्तानुदिट्ठिवसेन च यथाक्कमं योजेतब्बं । परियापन्नाति अन्तोगधा । तब्भावो च तदाबद्धेनाति वुत्तं “एतेन आबद्धा”ति । “न हेत्था”तिआदिना यथावुत्तपाळिया आपन्नत्थं दस्सेति ।

इदानी उपमासंसन्दनमाह “केवट्टो विया”तिआदिना । के उदके वट्टति परिचरतीति केवट्टो, मच्छबन्धो । कामं केवट्टन्तेवासीपि पाळियं वुत्तो, सो पन तदनुगतिकोवाति तथा वुत्तं । दससहस्सिलोकधातूति जातिक्खेत्तं सन्धायाह तत्थेव पटिवेधसम्भवतो, अज्जेसज्ज तग्गहणेनेव गहितत्ता । अज्जत्थापि हि दिट्ठिगतिका एत्थ परियापन्ना अन्तोजालीकताव । ओळारिकाति पाकटभावेन थूला । तस्साति परित्तोदकस्स ।

१४७. “सब्बदिट्ठिनं सङ्गहितत्ता”ति एतेन वादसङ्गहणेन पुग्गलसङ्गहोति दस्सेति । अत्तनो...पे०... दस्सेन्तोति देसनाकुसलताय यथावुत्तेसु दिट्ठिगतिकानं उम्मुज्जननिमुज्जनद्वानभूतेसु कत्थचिपि भवादीसु अत्तनो अनवरोधभावं दस्सेन्तो । नयन्तीति सत्ते इच्छितद्वानमावहन्ति, तं पन तथाआकट्टनवसेनाति आह “गीवाया”तिआदि । “नेत्तिसदिसताया”ति इमिना सदिसवोहारं, उपमातद्धितं वा दस्सेति । “सा ही”तिआदि सदिसताविभावना । गीवायाति एत्थ महाजनानन्ति सम्बन्धीनिद्देसो नेतीति एत्थापि कम्मभावेन सम्बज्झितब्बो नी-सद्दस्स द्विकम्मिकत्ता, आख्यातपयोगे च बहुलं सामिवचनस्स कत्तुकम्मत्थजोतकत्ता । अस्साति अनेन भगवता, सा भवनेत्ति उच्छिन्नाति सम्बन्धो । पुन अप्पटिसन्धिकभावाति सामत्थियत्थमाह । जीवितपरियादाने वुत्तेयेव हि पुन अप्पटिसन्धिकभावो वुत्तो नाम तस्सेव अदस्सनस्स पधानकारणत्ता । “न दक्खन्ती”ति एत्थ अनागतवचनवसेन पदसिद्धि “यत्र हि नाम सावको एवरूपं जस्सति वा दक्खति वा सक्खिं वा करिस्सती”तिआदीसु (पारा० २२८; सं० नि० १.२.२०२) वियाति दस्सेति “न दक्खिस्सन्ती”ति इमिना । किं वुत्तं होतीति आह “अपण्णत्तिकभावं गमिस्सन्ती”ति । अपण्णत्तिकभावन्ति च धरमानकपण्णत्तिया एव अपण्णत्तिकभावं, अतीतपण्णत्तिया पन

तथागतपण्णत्ति याव सासनन्तरधाना, ततो उद्धम्पि अज्जबुद्धुप्पादेसु पवत्तति एव यथा अधुना विपस्सिआदीनं। तथा हि वक्खति “वोहारमत्तमेव भविस्सती”ति (दी० नि० अट्ठ० १.१४७) पज्जाय चेत्थ पण्णादेसोति नेरुत्तिका।

कायोति अत्तभावो, यो रूपारूपधम्मसमूहो। एवज्झिस्स अम्बरुक्खसदिसता, तदवयवानज्ज रूपक्खन्धचक्खायतनचक्खुधातादीनं अम्बपक्कसदिसता युज्जति। तन्ति कायं। पञ्चपक्कद्वादसपक्कअट्टारसपक्कपरिमाणाति पञ्चपक्कपरिमाणा एका, द्वादसपक्कपरिमाणा एका, अट्टारसपक्कपरिमाणा एकाति तिविधा पक्कम्बफलपिण्डी विय। पिण्डो एतस्साति पिण्डी, थवको। तदन्वयानीति वण्टानुगतानि, तेनाह “तंयेव वण्टं अनुगतानी”ति।

मण्डूककण्टकविससम्फस्सन्ति विसवन्तस्स भेकविसेसस्स कण्टकेन, तदज्जेन च विसेन सम्फस्सं, मण्डूककण्टके विज्जमानस्स विसस्स सम्फस्सं वा। सकण्टको जलचारी सत्तो इध मण्डूको नाम, यो “पासाणकच्छपो”ति वोहरन्ति, तस्स नङ्गुट्टे अगगकोटियं ठितो कण्टकोतिपि वदन्ति। एकं विसमच्छकण्टकन्तिपि एके। किराति अनुस्सवनत्थे निपातो। एत्थ च वण्टच्छेदे वण्टूपनिबन्धानं अम्बपक्कानं अम्बरुक्खतो विच्छेदो विय भवनेतिच्छेदे तदुपनिबन्धानं खन्धादीनं सन्तानतो विच्छेदोति एत्तावताव पाळियमागतं ओपम्मं, तदवसेसं पन अत्थतो लद्धमेवाति दट्ठब्बं।

१४८. बुद्धबलन्ति बुद्धानं जाणबलं। कथितसुत्तस्स नामाति एत्थ नाम-सद्दो सम्भावने निपातो, तेन “एवम्पि नाम कथितसुत्तस्सा”ति वुत्तनयेन सुत्तस्स गुणं सम्भावेति। हन्दाति वोस्सगत्थे। तेन हि अधुनाव गण्हापेस्सामि। न पपज्जं करिस्सामीति वोस्सगं करोति।

धम्मपरियायेति धम्मदेसनासङ्घाताय पाळिया। इत्थत्थोति दिट्ठधम्महितं। परत्थोति सम्परायहितं, तदुभयत्थो वा। भासितत्थोपि युज्जति “धम्मजाल”न्ति एत्थ तन्तिधम्मस्स गहितत्ता। इहाति इध सासने। नन्ति निपातमत्तं “न नं सुतो समणो गोतमो”तिआदीसु विय। तन्ति धम्माति पाळिधम्मा। सब्बेन सब्बं सङ्गणहनतो अत्थसङ्घातं जालमेत्थाति अत्थजालं। तथा धम्मजालं ब्रह्मजालं दिट्ठिजालन्ति एत्थापि। सङ्गामं विजिनाति एतेनाति सङ्गामविजयो, सङ्गामो चेत्थ पज्चहि मारेहि समागमनं अभियुज्जनन्ति आह “देवपुत्तमारम्पी”तिआदि। अत्थसम्पत्तिया हि अत्थजालं। व्यज्जनसम्पत्तिया,

सीलादिअनवज्जधम्मनिद्देसतो च **धम्मजालं** । सेट्ठेन ब्रह्मभूतानं मग्गफलनिब्बानानं विभत्तत्ता **ब्रह्मजालं** । दिट्ठिविवेचनमुखेन सुज्जतापकासनेन सम्मादिट्ठिया विभत्तत्ता **दिट्ठिजालं** । तिथियवादनम्मद्दनुपायत्ता **अनुत्तरो सङ्गमविजयो**ति एवम्पेत्थ अत्थयोजना वेदितब्बा ।

निदानावसानतोति “अथ भगवा अनुप्पत्तो”ति वचनसङ्घातनिदानपरियोसानतो । मरियादावधिवचनज्हेतं । अपिच **निदानावसानतो**ति निदानपरियोसाने वुत्तत्ता निदानावसानभूततो “ममं वा भिक्खवे, परे अवण्णं भासेय्यु”न्तिआदि (दी० नि० १.५, ६) वचनतो । आभिविधिअवधिवचनज्हेतं । इदञ्च “**अवोचा**”ति किरियासम्बन्धनेन वुत्तं । “निदानेन आदिकल्याण”न्ति वचनतो पन निदानम्मि निगमनं विय सुत्तपरियापन्नमेव । **अलब्ध...पे०... गम्भीरन्ति** सब्बज्जुतज्जाणस्स विसेसनं ।

१४९. यथा अनत्तमना अत्तनो अनत्थचरताय परमना वेरिमना नाम होन्ति, यथाह धम्मराजा **धम्मपदे, उदाने च**—

“दिसो दिसं यं तं कयिरा, वेरी वा पन वेरिनं ।

मिच्छापणिहितं चित्तं, पापियो नं ततो करे”ति ।। (ध० प० ४२; उदा० ३३) ।

न एवमिमे अनत्तमना, इमे पन अत्तनो अत्थचरताय **अत्तमना** नाम होन्तीति आह “**सकमना**”ति । सकमनता च पीतिया गहितचित्तत्ताति दस्सेति “**बुद्धगताया**”तिआदिना ।

अयं पन अट्ठकथातो अपरो नयो— **अत्तमना**ति समत्तमना, इमाय देसनाय परिपुण्णमनसङ्कप्पाति अत्थो । **देसनाविलासो** देसनाय विजम्भनं, तज्ज देसनाकिच्चनिष्फादकं सब्बज्जुतज्जाणमेव । करवीकस्स रुतमिव मज्जुमधुरस्सरो यस्साति **करवीकरुतमज्जू**, तेन । **अमताभिसेकसदिसेना**ति कायचित्तदरथवूपसमकं सब्बसम्भाराभिसङ्गतं उदकं दीघायुक्तासंवत्तनतो **अमतं** नाम । तेनाभिसेकसदिसेन । ब्रह्मनो सरो विय अट्ठङ्गसमन्नागतो सरो यस्साति**ब्रह्मस्सरो**, तेन । **अभिनन्दतीति** तण्हायति, तेनाह “**तण्हायम्मि आगतो**”ति । अनेकत्थत्ता धातूनं **अभिनन्दन्तीति** उपगच्छन्ति सेवन्तीति अत्थोति आह “**उपगमनेपी**”ति ।

तथा अभिनन्दन्तीति सम्पटिच्छन्तीति अत्यमाह “सम्पटिच्छनेपी”ति । अभिनन्दित्वाति वुत्तोयेवत्थो “अनुमोदित्वा”ति इमिना पकासितोति सन्धाय “अनुमोदनेपी”ति वुत्तं ।

इममेवत्थं गाथाबन्धवसेन दस्सेतुं “सुभासित”न्तिआदिमाह । तत्थ सदत्तो सुभासितं, अत्यतो सुलपितं । सीलप्पकासनेन वा सुभासितं, सुज्जतापकासनेन सुलपितं । दिट्ठिविभजनेन वा सुभासितं, तन्निब्बेधकसब्बज्जुतज्जाणविभजनेन सुलपितं । एवं अवण्णवण्णनिसेधनादीहिपि इध दस्सितप्पकारेहि योजेतब्बं । तादिनोति इट्ठानिट्ठेसु समपेक्खनादीहि पज्जहि कारणेहि तादिभूतस्स । इमस्स पदस्स वित्थारो “इट्ठानिट्ठे तादी, चत्तावीति तादी, वन्तावीति तादी”तिआदिना (महानि० ३८) महानिदेसे वुत्तो, सो उपरि अट्ठकथायम्पि आविभवित्थसि । किञ्चापि “कतमञ्च तं भिक्खवे”तिआदिना (दी० नि० १.७) तत्थ तत्थ पवत्ताय कथेतुकम्प्यतापुच्छाय विस्सज्जनवसेन वुत्तत्ता इदं सुत्तं वेय्याकरणं नाम भवति । व्याकरणमेव हि वेय्याकरणं, तथापि पुच्छाविस्सज्जनावसेन पवत्तं सुत्तं सगाथकं चे, गेय्यं नाम भवति । निग्गाथकं, चे अङ्गन्तरहेतुरहितञ्च, वेय्याकरणं नाम । इति पुच्छाविस्सज्जनावसेन पवत्तस्सापि गेय्यसाधारणतो, अङ्गन्तरहेतुरहितस्स च निग्गाथकभावस्सेव अनज्जसाधारणतो पुच्छाविस्सज्जन-भावमनपेक्खित्वा निग्गाथकभावमेव वेय्याकरणहेतुताय दस्सेन्तो “निग्गाथकत्ता हि इदं वेय्याकरण”न्ति आह ।

कस्माति चोदनं सोधेति “भज्जमानेति हि वुत्त”न्ति इमिना । उभयसम्बन्धपदज्हेतं हेट्ठा, उपरि च सम्बज्जनतो । इदं वुत्तं होति – “भज्जमाने”ति वत्तमानकालवसेन वुत्तत्ता न केवलं सुत्तपरियोसानेयेव, अथ खो द्वासट्ठिया ठानेसु अकम्पित्थाति वेदितब्बाति । यदेवं सकलेपि इमस्मिं सुत्ते भज्जमाने अकम्पित्थाति अत्थोयेव सम्भवति, न पन तस्स तस्स दिट्ठिगतस्स परियोसाने परियोसानेति अत्थोति ? नायमनुयोगो कत्थचिपि न पविसति सम्भवमत्तेनेव अनुयुज्जनतो, अयं पन अत्थो न सम्भवमत्तेनेव वुत्तो, अथ खो देसनाकाले कम्पनाकारेनेव आचरियपरम्पराभतेन । तेनेव हि आकारेनायमत्थो सङ्गीतिमारुहो, तथारुहहनयेनेव च सङ्गहकारेन वुत्तोति निट्ठमेत्थ गन्तब्बं, इतरथा अतक्कावचरस्स इमस्सत्थस्स तक्कपरियाहतकथनं अनुपपन्नं सियाति । एवमीदिसेसु । “धातुक्खोभेना”तिआदीसु अत्थो महापरिनिब्बानसुत्तवण्णनाय (दी० नि० अट्ठ० २.१७१) गहेतब्बो ।

अपरेसुपीति एत्थ पि सद्देन पारमिपविचयनं सम्पिण्डेति । वुत्तञ्जि बुद्धवंसे –

“इमे धम्मे सम्मसतो, सभावसरसलक्खणे ।

धम्मतेजेन वसुधा, दससहस्सी पकम्पथा”ति ।। (बु० वं० १६६) ।

तथा सासनपतिट्ठानन्तरधानादयोपि । तत्थ सासनपतिट्ठाने ताव भगवतो वेळुवनपटिग्गहणे, महामहिन्दत्थेरस्स महामेघवनपटिग्गहणे, महाअरिड्ढत्थेरस्स विनयपिटकसज्झायनेति एवमादीसु सासनस्स मूलानि ओतिण्णानीति पीतिवसं गता नच्चन्ता विय अयं महापथवी कम्पित्थ । सासनन्तरधाने पन “अहो ईदिसस्स सद्धम्मस्स अन्तरधान”न्ति दोमनस्सप्पत्ता विय यथा तं कस्सपस्स भगवतो सासनन्तरधाने । वुत्तञ्जेतमपदाने –

“तदायं पथवी सब्बा, अचला सा चलाचला ।

सागरो च ससोकोव, विनदी करुणं गिर”न्ति ।। (अप० २.५४.१३१) ।

बोधिमण्डूपसङ्क्रमनेति विसाखापुण्णमदिवसे पठमं बोधिमण्डूपसङ्क्रमने । पंसुकूलगहणेति पुण्णं नाम दासिं पारुपित्वा आमकसुसाने छड्डितस्स साणमयपंसुकूलस्स तुम्बमत्ते पाणे विधुनित्वा महाअरियवंसे ठत्वा गहणे । पंसुकूलधोवनेति तस्सेव पंसुकूलस्स धोवने । काळकारामसुत्तं (अ० नि० १.४.२४) अङ्गुत्तरागमे चतुक्कनिपाते । गोतमकसुत्तम्पि (अ० नि० १.३.१७६) तत्थेव तिकनिपाते । वीरियबलेनाति महाभिनिक्खमने चक्कवत्तिसिरिपरिच्चागहेतुभूतवीरियप्पभावेन । बोधिमण्डूपसङ्क्रमने –

“कामं तचो च न्हारु च, अट्ठि च अवसिस्सतु ।

उपसुस्सतु निस्सेसं, सरीरे मंसलोहित”न्ति ।। (म० नि० २.१८४; सं० नि० १.२.२२, २३७; अ० नि० १.२.५; ३.८.१३; महानि० १९६; अविदूरेनिदानकथा) ।

वुत्तचतुरङ्गसमन्नागतवीरियानुभावेनाति यथारहमत्थो वेदितब्बो । अच्छरियवेगाभिहताति विम्हयावहकिरियानुभावघट्टिता । पंसुकूलधोवने भगवतो पुञ्जतेजेनाति वदन्ति । पंसुकूलगहणे यथा अच्छरियवेगाभिहताति युत्तं विय दिस्सति, तं पन कदाचि पवत्तत्ता

“अकालकम्पनेना”ति वुत्तं । वेस्सन्तरजातके (जा० २.२२.१६५५) पन पारमीपूरणपुञ्जतेजेन अनेकक्खत्तुं कम्पितत्ता अकालकम्पनं नाम भवति । सक्खिनिदस्सने कथेतब्बस्स अत्थस्सानुरूपतो सक्खि विय भवतीति वुत्तं “सक्खिभावेना”ति यथा तं मारविजयकाले (जा० अट्ठ० १.अविदूरेनिदानकथा) । साधुकारदानेनाति पकरणानुरूपवसेन वुत्तं यथा तं धम्मचक्कप्पवत्तनसङ्गीतिकालादीसु (सं० नि० ३.५.१०८१; महाव० १३; पटि० म० ३.३०१) ।

“न केवल”न्तिआदिना अनेकत्थपथवीकम्पनदस्सनमुखेन इमस्स सुत्तस्स महानुभावतायेव दस्सिता । तत्थ जोतिवनेति नन्दवने । तज्झि सासनस्स जाणालोकसङ्घाताय जोतिया पातुभूतद्धानत्ता जोतिवनन्ति वुच्चतीति विनयसंवण्णनायं वुत्तं । धम्मन्ति अनमतग्गसुत्तादिधम्मं । पाचीनअम्बलङ्किद्धानन्ति पाचीनदिसाभागे तरुणम्बरुक्खेन लक्खितद्धानं ।

एवन्ति भगवता देसितकालादीसु पथवीकम्पनमतिदिसति । अनेकसोति अनेकधा । सयम्भुना देसितस्स ब्रह्मजालस्स यस्स सुत्तसेट्ठस्साति योजना । इधाति इमस्मिं सासने । योनिसोति मिच्छादिट्ठिप्पहानसम्मादिट्ठिसमादानादिना जायेन उपायेन पटिपज्जन्तूति अत्थो । अयं तावेत्थ अट्ठकथाय लीनत्थविभावना ।

पकरणनयवण्णना

“इतो परं आचरिय-धम्मपालेन या कता ।
समुद्धानादिहारादि-विविधत्थविभावना ॥

न सा अम्हेहुपेक्खेय्या, अयज्झि तब्बिसोधना ।
तस्मा तम्पि पवक्खाम, सोतूनं जाणवुद्धिया ॥

अयज्झि पकरणनयेन पाळिया अत्थवण्णना – पकरणनयोति च तम्बपण्णिभासाय वण्णनानयो । “नेत्तिपेटकप्पकरणे धम्मकथिकानं योजनानयोतिपि वदन्ती”ति अभिधम्मटीकायं वुत्तं । यस्मा पनायं देसनाय समुद्धानपयोजनभाजनेसु, पिण्डल्येसु च पठमं निद्धारितेसु सुकरा, होति सुविज्जेय्या च, तस्मा –

समुद्धानं पयोजनं, भाजनञ्चापि पिण्डत्वं ।
निद्धारेत्वान पण्डितो, ततो हारादयो संसे ।।

तत्थ समुद्धानं नाम देसनानिदानं, तं साधारणमसाधारणन्ति दुविधं, तथा साधारणम्पि अज्झत्तिकबाहिरतो । तत्थ साधारणं अज्झत्तिकसमुद्धानं नाम भगवतो महाकरुणा । तां हि समुत्साहितस्स लोकनाथस्स वेनेय्यानं धम्मदेसनाय चित्तं उदपादि, तं सन्धाय वुत्तं “सत्तेसु कारुज्जतं पटिच्च बुद्धचक्खुना लोकं वोलेकेसी”तिआदि । एत्थ च तिविधावत्थायपि महाकरुणाय सङ्गहो दट्ठब्बो यावदेव सद्धम्मदेसनाहत्थदानेहि संसारमहोधतो सत्तसन्तारणत्थं तदुप्पत्तितो । यथा च महाकरुणा, एवं सब्बज्जुतज्जाणदसबलजाणादयोपि देसनाय साधारणमज्झत्तिकसमुद्धानं नाम । सब्बज्झि जेय्यधम्मं तेसं देसेतब्बाकारं, सत्तानं आसयानुसयादिकच्च याथावतो जानन्तो भगवा ठानाद्धानादीसु कोसल्लेन वेनेय्यज्झासयानुरूपं विचित्रनयदेसनं पवत्तेसि । बाहिरं पन साधारणसमुद्धानं दससहस्सिमहाब्रह्मपरिवारस्स सहम्पतिब्रह्मणो अज्झेसनं । तदज्झेसनज्झि पति धम्मगम्भीरतापच्चवेक्खणाजनितां अप्पोस्सुक्कतं पटिप्पस्सम्भेत्वा धम्मस्सामी धम्मदेसनाय उस्साहजातो अहोसि ।

असाधारणम्पि अज्झत्तिकबाहिरतो दुविधमेव । तत्थ अज्झत्तिकं याय महाकरुणाय, येन च देसनाजाणेन इदं सुत्तं पवत्तितं, तदुभयमेव । सामज्जावत्थाय हि साधारणम्पि समानं महाकरुणादिविसेसावत्थाय असाधारणं भवति, बाहिरं पन असाधारणसमुद्धानं वण्णावण्णभणनन्ति अट्ठकथायं वुत्तं । अपिच निन्दापसंसासु सत्तानं वेनेय्याघातानन्दादिभावमनापत्ति । तत्थ च अनादीनवदस्सनं बाहिरमसाधारणसमुद्धानमेव, तथा निन्दापसंसासु पटिपज्जनक्कमस्स, पसंसाविसयस्स च खुद्दकादिवसेन अनेकविधस्स सीलस्स, सब्बज्जुतज्जाणस्स च सस्सतादिदिट्ठिद्वाने, तदुत्तरि च अप्पटिहत्तचारताय, तथागतस्स च कत्थचिपि भवादीसु अपरियापन्नताय सत्तानमनवबोधोपि बाहिरमसाधारणसमुद्धानं ।

पयोजनम्पि साधारणासाधारणतो दुविधं । तत्थ साधारणं अनुपादापरिनिब्बानं विमुत्तिरसत्ता सब्बायपि भगवतो देसनाय, तेनेवाह “एतदत्था कथा, एतदत्था मन्तना”तिआदि (परि० ३६६) असाधारणं पन बाहिरसमुद्धानतो विपरियायेन वेदितब्बं । निन्दापसंसासु हि सत्तानन्वेनेय्याघातानन्दादिभावप्पत्तिआदिकं इमिस्सा देसनाय फलभूतं

कारणभावेन इमं देसनं पयोजेति । फलज्झि तदुप्पादकसत्तिया कारणं पयोजेति नाम फले सतियेव ताय सत्तिया कारणभावप्पत्तितो । अथ वा यथावुत्तं फलं इमाय देसनाय भगवन्तं पयोजेतीति **आचरियसारिपुत्तत्थेन** वुत्तं । यज्झि देसनाय साधेतब्बं फलं, तं आकङ्खितब्बत्ता देसनाय देसकं पयोजेति नाम । अपिच कुहनलपनादिनानाविधमिच्छाजीवविद्धंसनं, द्वासट्ठिदिट्ठिजालविनिवेठनं, दिट्ठिसीसेन पच्चयाकारविभावनं, छफस्सायतनवसेन चतुसच्चकम्मट्टाननिद्वेसो, सब्बदिट्ठिगतानं अनवसेसपरियादानं, अत्तनो अनुपादापरिनिब्बानदीपनञ्च पयोजनमेव ।

भाजनं पन देसनाधिष्ठानं । ये हि वण्णावण्णनिमित्तानुरोधविरोधवन्तचित्ता कुहनादिविविधमिच्छाजीवनिरता सस्सतादिदिट्ठिपङ्कनिमुग्गा सीलकखन्धादीसु अपरिपूरकारिनो अबुद्धगुणविसेसजाणा वेनेय्या, ते इमिस्सा देसनाय भाजनं ।

पिण्डत्थो पन इध लब्धमानपदेहि, समुदायेन च सुत्तपदेन यथासम्भवं सङ्गहितो अत्थो । आघातादीनं अकरणीयतावचनेन हि दस्सितं पटिज्जानुरूपं समणसज्जाय नियोजनं, तथा खन्तिसोरच्चानुष्ठानं, ब्रह्मविहारभावनानुयोगो, सद्धापज्जासमायोगो, सतिसम्पज्जाधिष्ठानं, पटिसङ्खानभावनाबलसिद्धि, परियुद्धानानुसयप्पहानं, उभयहितपटिपत्ति, लोकधम्मोहि अनुपलेपो च –

पाणातिपातादीहि पटिविरतिवचनेन दस्सिता सीलविसुद्धि, ताय च हिरोत्तप्पसम्पत्ति, मेत्ताकरुणासमङ्गिता, वीतिककमप्पहानं, तदङ्गप्पहानं, दुच्चरितसंकिलेसप्पहानं, विरतित्तयसिद्धि, पियमनापगरुभावनीयतानिप्पत्ति, लाभसक्कारसिलोकसमुदागमो, समथविपस्सनानं अधिष्ठानभावो, अकुसलमूलतनुकरणं, कुसलमूलरोपनं, उभयानत्थदूरीकरणं, परिसासु विसारदता, अप्पमादविहारो, परेहि दुप्पधंसियता, अविप्पटिसारादिसमङ्गिता च –

“गम्भीरा”तिआदिवचनेहि दस्सितं गम्भीरधम्मविभावनं, अलब्भनेय्यपटिड्ढता, कप्पानमसङ्खयेय्येनापि दुल्लभपातुभावता, सुखुमेनपि जाणेन पच्चक्खतो पटिविज्झितुमसक्कुणेय्यता, धम्मन्वयसङ्घातेन अनुमानजाणेनापि दुरधिगमनीयता, पस्सद्धसब्बदरथता, सन्तधम्मविभावनं, सोभनपरियोसानता, अतित्तिकरभावो, प्रधानभावप्पत्ति, यथाभूतजाणगोचरता, सुखुमसभावता, महापज्जाविभावना च । दिट्ठिदीपकपदेहि दस्सिता समासतो सस्सतउच्छेददिट्ठियो लीनतातिधावनविभावनं,

उभयविनिबन्धनिद्देशो, मिच्छाभिनिवेसकित्तनं, कुम्मग्गपटिपत्तिप्पकासनं,
विपरियेसग्गाहजापनं, परामासपरिग्गहो, पुब्बन्तापरन्तानुदिट्ठिपतिट्ठापना,
भवविभवदिट्ठिविभागा, तण्हाविज्जापवत्ति, अन्तवानन्तवादिट्ठिनिद्देशो, अन्तद्वयावतारणं,
आसवोघयोगकिलेसगन्थसंयोजनुपादानविसेसविभजनञ्च -

तथा “वेदनानं समुदय”न्ति आदिवचनेहि दस्सिता चतुन्नमरियसच्चां
अनुबोधपटिबोधसिद्धि, विक्खम्भनसमुच्छेदप्पहानं तण्हाविज्जाविगमो,
सद्धम्मट्ठितिनिमित्तपरिग्गहो, आगमाधिगमसम्पत्ति, उभयहितपटिपत्ति, तिविधपज्जापरिग्गहो,
सतिसम्पज्जानुद्धानं, सद्धापज्जासमायोगो, वीरियसमतानुयोजनं, समथविपस्सनानिप्फत्ति
च -

“अजानतं अपस्सत”न्ति पदेहि दस्सिता अविज्जासिद्धि, तथा “तण्हागतानं
परितस्सितविप्फन्दित”न्ति पदेहि तण्हासिद्धि, तदुभयेन च नीवरणसज्जोजनद्वयसिद्धि,
अनमतग्गसंसारवट्ठानुपच्छेदो, पुब्बन्ताहरणापरन्तानुसन्धानानि, अतीतपच्चुप्पन्नकालवसेन
हेतुविभागो, अविज्जातण्हाणं अज्जमज्जानतिवत्तनं, अज्जमज्जूपकारिता,
पज्जाविमुत्तिचेतोविमुत्तीनं पटिपक्खनिद्देशो च -

“तदपि फस्सपच्चया”ति पदेन दस्सिता सस्सतादिपज्जापनस्स पच्चयाधीनवुत्तिता,
तेन च धम्मानं निच्चतापटिसेधो, अनिच्चतापटिट्ठापनं, परमत्थतो कारकादिपटिक्खेपो,
एवंधम्मतानिद्देशो, सुज्जतापकासनं समथनिरीह पच्चयलक्खणविभावनञ्च -

“उच्छिन्नभवनेत्तिको”ति आदिना दस्सिता भगवतो पहानसम्पत्ति,
विज्जाविमुत्तिवसीभावो, सिक्खत्तयनिप्फत्ति, निब्बानधातुद्वयविभागो, चतुरधिट्ठानपरिपूरणं,
भवयोनिआदीसु अपरियापन्नता च -

सकलेन पन सुत्तपदेन दस्सितो इट्ठानिट्ठेसु भगवतो तादिभावो, तत्थ च परेसं
पटिट्ठापनं, कुसलधम्मानं आदिभूतधम्मद्वयनिद्देशो सिक्खत्तयूपदेसो, अत्तन्तपादिपुग्गल-
चतुक्कसिद्धि, कण्हकण्हविपाकादिकम्मचतुक्कविभागो, चतुरप्पमज्जाविसयनिद्देशो,
समुदयत्थङ्गमादिपञ्चकस्स यथाभूतावबोधो, छसारणीयधम्मविभावना, दसनाथकर-
धम्मपटिट्ठापनन्ति एवमादयो यथासम्भवं सङ्गहेत्वा दस्सेतब्बा अत्था पिण्डत्थो ।

सोळसहारवण्णना

देसनाहारवण्णना

इदानी नेत्तिया, पेटकोपदेसे च वुत्तनयवसेन हारादीनं निद्धारणं। तत्थ “अत्ता, लोको”ति च दिट्ठिया अधिष्ठानभावेन, वेदनाफस्सायतनादिमुखेन च गहितेसु पञ्चसु उपादानक्खन्धेसु तण्हावज्जिता पञ्चुपादानक्खन्धा दुक्खसच्चं। तण्हा समुदयसच्चं। तं पन “परितस्सनागहणेन तण्हागतान”न्ति, “वेदनापच्चया तण्हा”ति च पदेहि समुदयगहणेनञ्च पाळियं सरूपेन गहितमेव। अयं ताव सुत्तन्तनयो।

अभिधम्मे पन विभङ्गप्पकरणे आगतनयेन आघातानन्दादिवचनेहि, “आतप्पमन्वाया”तिआदिपदेहि, चित्तपदोसवचनेन, सब्बदिट्ठिगतिकपदेहि, कुसलाकुसलगहणेन, भवगहणेन, सोकादिगहणेन, दिट्ठिगहणेन, तत्थ तत्थ समुदयगहणेन चाति सङ्केपतो सब्बलोकियकुसलाकुसलधम्मविभावनपदेहि गहिता धम्मकिलेसा समुदयसच्चं। तदुभयेसमप्पवत्ति निरोधसच्चं। तस्स पन तत्थ तत्थ वेदनानं अत्थङ्गमनिस्सरणपरियायेहि पच्चत्तं निब्बुतिवचनेन, अनुपादाविमुत्तिवचनेन च पाळियं गहणं वेदितब्बं। निरोधपजानना पटिपदा मगसच्चं। तस्सपि तत्थ तत्थ वेदनानं समुदयादीनि यथाभूतपटिवेधनापदेसेन छत्रं फस्सायतनानं समुदयादीनि यथाभूतपजाननपरियायेन, भवनेत्तिया उच्छेदवचनेन च गहणं वेदितब्बं।

तत्थ समुदयेन अस्सादो, दुक्खेन आदीनवो, मगनिरोधेहि निस्सरणन्ति एवं चतुसच्चवसेन, यानि पाळियं सरूपेनेव आगतानि अस्सादादीनवनिस्सरणानि, तेसञ्च वसेन इध अस्सादादयो वेदितब्बा। वेनेय्यानं तादिभावापत्तिआदि फलं। यज्झि देसनाय साधेतब्बं हेट्ठा वुत्तं पयोजनं। तदेव फलन्ति वुत्तोवायमत्थो। तदत्थज्झि इदं सुत्तं भगवता देसितं। आघातादीनमकरणीयता, आघातादिफलस्स च अनञ्जसन्तानभाविता निन्दापसंसासु यथासभावं पटिजानननिब्बेठनानीति एवं तंतंपयोजनाधिगमहेतु उपायो। आघातादीनं करणपटिसेधनादिअपदेसेन अत्थकामेहि ततो चित्तं साधुकं रक्खितब्बन्ति अयं आणारहस्स धम्मराजस्स आणत्तीति। अयं अस्सादादीनवनिस्सरणफलूपायाणत्तिवसेन छब्बिधधम्मसन्दस्सनलक्खणोदेसनाहारो नाम। वुत्तञ्च -

“अस्सादादीनवता, निस्सरणम्पि च फलं उपायो च ।
आणत्ती च भगवतो, योगीनं देसनाहारो”ति ।।

विचयहारवण्णना

कप्पनाभावेपि वोहारवसेन, अनुवादवसेन च “मम”न्ति वुत्तं । नियमाभावतो विकप्पनत्थं वाग्गहणं । तंगुणसमङ्गिताय, अभिमुखीकरणाय च “भिक्षवे”ति आमन्तनं । अज्जभावतो, पटिविरुद्धभावतो च “परे”ति वुत्तं, वण्णपटिपक्खतो, अवण्णनीयतो च “अवण्ण”न्ति, ब्यत्तिवसेन, वित्थारवसेन च “भासेय्यु”न्ति, धारणसभावतो, अधम्मपटिपक्खतो च “धम्मस्सा”ति, दिट्ठिसीलेहि संहतभावतो, किलेसानं सङ्घातकरणतो च “सङ्घस्सा”ति, वुत्तपटिनिद्वेसतो, वचनुपन्यासतो च “तत्रा”ति, सम्मुखीभावतो, पुथुभावतो च “तुम्हेही”ति, चित्तस्स हननतो, आरम्मणाभिघाततो च “आघातो”ति, आरम्मणे सङ्कीचवुत्तिया अनभिमुखताय, अतुट्ठाकारताय च “अप्पच्चयो”ति, आरम्मणचिन्तनतो, निस्सयतो च “चेतसो”ति, अत्थस्स असाधनतो, अनु अनु अनत्थसाधनतो च “अनभिरद्धी”ति, कारणानरहत्ता, सत्थुसासने

ठितेहि कातुमसक्कुण्ययत्ता च “न करणीया”ति वुत्तं । एवं तस्मिं तस्मिं अधिप्पेतत्थे पवत्ततानिदस्सनेन, अत्थसो च –

ममन्ति सामिनिद्विड्ढं सब्बनामपदं । वाति विकप्पननिद्विड्ढं निपातपदं । भिक्षवेति आलपननिद्विड्ढं नामपदं । परेति कत्तुनिद्विड्ढं नामपदं । अवण्णन्ति कम्मनिद्विड्ढं नामपदं । भासेय्युन्ति किरियानिद्विड्ढं आख्यातपदं । धम्मस्स, सङ्घस्साति च सामिनिद्विड्ढं नामपदं । तत्राति आधारनिद्विड्ढं सब्बनामपदं । तुम्हेहीति कत्तुनिद्विड्ढं सब्बनामपदं । न-इति पटिसेधनिद्विड्ढं निपातपदं । आघातो, अप्पच्चयो, अनभिरद्धीति च कम्मनिद्विड्ढं नामपदं । चेतसोति सामिनिद्विड्ढं नामपदं । करणीयाति किरियानिद्विड्ढं नामपदन्ति । एवं तस्स तस्स पदस्स विसेसतानिदस्सनेन, ब्यज्जनसो च विचयनं पदविचयो । अतिवित्थारभयेन पन सक्कायेव अट्ठकथं, तस्सा च लीनत्थविभावनं अनुगन्त्वा अयमत्थो विज्जुना विभावेतुन्ति न वित्थारयिम्ह ।

“तत्र चे तुम्हे अस्सथ कुपिता वा अनत्तमना वा, अपि नु तुम्हे परेसं सुभासितं

दुब्भासितं आजानेय्याथा'ति अयं **अनुमतिपुच्छा**। सत्ताधिद्वाना, अनेकाधिद्वाना, परमत्थविसया, पच्चुप्पन्नविसयाति एवं सब्बत्थ यथासम्भवं पुच्छाविचयनं **पुच्छाविचयो**। “नो हेतं भन्ते”ति इदं विस्सज्जनं एकंसब्बाकरणं, निरवसेसं, सउत्तरं, लोकियन्ति एवं सब्बस्सापि विस्सज्जनस्स यथारहं विचयनं **विस्सज्जनाविचयो**।

“ममं वा भिक्खवे परे अवण्णं भासेय्युं...पे०... न चेतसो अनभिरद्धि करणीया”ति इमाय पठमदेसनाय “ममं वा...पे०... तुम्हयेवस्स तेन अन्तरायो”ति अयं दुतियदेसना संसन्दति। कस्मा? पठमाय मनोपदोसं निवारेत्वा दुतियाय तत्थादीनवस्स दस्सितत्ता। तथा इमाय दुतियदेसनाय “ममं वा...पे०... अपि नु तुम्हे परेसं सुभासितं दुब्भासितं आजानेय्याथा”ति अयं ततियदेसना संसन्दति। कस्मा? दुतियाय तत्थादीनवं दस्सेत्वा ततियाय वचनत्थसल्लक्खणमत्तेपि असमत्थभावस्स दस्सितत्ता। तथा इमाय ततियदेसनाय “ममं वा...पे०... न च पनेतं अम्हेसु संविज्जती”ति अयं चतुत्थदेसना संसन्दति। कस्मा? ततियाय मनोपदोसं सब्बथा निवारेत्वा चतुत्थाय अवण्णद्वाने पटिपज्जितब्बाकारस्स दस्सितत्ताति इमिना नयेन पुब्बेन अपरं संसन्दित्वा विचयनं **पुब्बापरविचयो**। अस्सादविचयादयो वुत्तनयाव। तेसं लक्खणसन्दस्सनमत्तमेव हेत्थ विसेसो।

“अपि नु तुम्हे परेसं सुभासितं दुब्भासितं आजानेय्याथा”ति इमाय पुच्छाय “नो हेतं भन्ते”ति अयं विस्सज्जना समेति। कुपितो हि नेव बुद्धपच्चेकबुद्धअरियसावकानं न मातापितूनं न पच्चत्थिकानं सुभासितदुब्भासितस्स अत्थं आजानाति। “कतमञ्च तं भिक्खवे, अप्पमत्तकं...पे०... तथागतस्स वण्णं वदमानो वदेय्या”ति इमाय पुच्छाय “पाणातिपातं पहाय पाणातिपाता पटिविरतो”तिआदिका अयं विस्सज्जना समेति। भगवा हि अनुत्तरेण पाणातिपातविरमणादिगुणेन समन्नागतो, तञ्च खो समाधिं, पञ्चञ्च उपनिधाय अप्पमत्तकं ओरमत्तकं सीलमत्तकं। “कतमे च ते भिक्खवे, धम्मा गम्भीरा दुद्दसा”तिआदिकाय पुच्छाय “सन्ति भिक्खवे, एके समणब्राह्मणा पुब्बन्तकप्पिका”तिआदिका विस्सज्जना समेति। सब्बञ्जुतञ्जाणगुणा हि अञ्जत्र तथागता अञ्जेसं जाणेन अलब्भनेय्यपतिट्ठता गम्भीरा दुद्दसा दुरनुबोधा सन्ता पणीता अतक्कावचरा निपुणा पण्डितवेदनीयाति इमिना नयेन विस्सज्जनाय पुच्छानुरूपताविचयनमेव इध सङ्गहगाथाय अभावतो **अनुगीतिविचयो**ति। अयं पदपञ्हादिएकादसधम्मविचयनलक्खणो **विचयहारो** नाम। वुत्तञ्च “यं पुच्छितञ्च विस्सज्जितञ्चा”तिआदि (नेत्ति० ४.२)।

युत्तिहारसंवण्णना

ममन्ति सामिनिद्देशो युज्जति सभावनिरुत्तिया तथापयोगदिस्सनतो, अवण्णस्स च तदपेक्खत्ता। वाति विकप्पनत्थनिद्देशो युज्जति नेपातिकानमनेकत्थत्ता, एत्थ च नियमाभावतो। भिक्खवेति आमन्तननिद्देशो युज्जति तदत्थेयेव एतस्स पयोगस्स दिस्सनतो, देसकस्स च पटिग्गाहकापेक्खतोति एवमादिना व्यञ्जनतो च –

सब्बेन सब्बं आघातादीनमकरणं तादिभावाय संवत्ततीति युज्जति इट्ठानिट्ठेसु सम्पवत्तिसम्भावतो। यस्मिं सन्ताने आघातादयो उप्पन्ना, तन्निमित्तका अन्तराया तस्सेव सम्पत्तिविबन्धाय संवत्तन्तीति युज्जति कम्मानं सन्तानन्तरेसु असङ्कमनतो। चित्तमभिभवित्वा उप्पन्ना आघातादयो सुभासितदुब्भासितसल्लक्खणेपि असमत्थताय संवत्तन्तीति युज्जति कोधलोभानं अन्धतमसभावतो। पाणातिपातादिदुस्सील्यतो वेरमणी सब्बसत्तानं पामोज्जपासंसाय संवत्ततीति युज्जति सीलसम्पत्तिया महतो कित्तिसद्दस्स अब्भुगतत्ता। गम्भीरतादिविसेसयुत्तेन गुणेन तथागतस्स वण्णना एकदेसभूतापि सकलसब्बज्जुगुणगगहणाय संवत्ततीति युज्जति अनञ्जसाधारणत्ता। तज्जाअयोनिमोमनसिकारपरिक्खतानि अधिगमतक्कनानि सस्सतवादादिअभिनिवेसाय संवत्तन्तीति युज्जति कप्पनजालस्स असमुग्घाटितत्ता। वेदनादीनं अनवबोधेन वेदनापच्चया तण्हा वड्ढतीति युज्जति अस्सादानुपस्सनासम्भावतो, सति च वेदयितभावे (वेदयितरागे (दी० नि० टी० १.१४९) तत्थ अत्तत्तनियगाहो, सस्सतादिगाहो च विपरिप्फन्दतीति युज्जति कारणस्स सन्निहितत्ता। तण्हापच्चया हि उपादानं सम्भवति। सस्सतादिवादे पञ्जपेत्तानं, तदनुच्छविकञ्च वेदनं वेदयन्तानं फस्सो हेतूति युज्जति विसयिन्द्रियविज्जाणसङ्गतिया विना तदभावतो। छफस्सायतननिमित्तं वड्ढस्स अनुपच्छेदोति युज्जति तत्थ अविज्जातण्हानं अप्पहीनत्ता। छन्नं फस्सायतनानं समुदयत्थङ्गमादिपजानना सब्बदिट्ठिगतिकसञ्चं अतिच्च तिड्ढतीति युज्जति चतुसच्चपटिवेधभावतो। इमाहियेव द्वासट्ठिया सब्बदिट्ठिगतानं अन्तोजालीकतभावोति युज्जति अकिरियवादादीनं, इस्सरवादादीनञ्च तदन्तो गधत्ता, तथा चेव हेट्ठा संवण्णितं। उच्छिन्नभवनेत्तिको तथागतस्स कायोति युज्जति भगवतो अभिनीहारसम्पत्तिया चतूसु सतिपट्टानेसु ठत्वा सत्तन्नं बोज्झङ्गानं यथाभूतं भावितत्ता। कायस्स भेदा परिनिब्बुतं न दक्खन्तीति युज्जति अनुपादिसेसनिब्बानप्पत्तियं रूपादीसु कस्सचिपि अनवसेसतोति इमिना नयेन अत्थतो च सुत्ते व्यञ्जनत्थानं

युत्तिताविभावनलक्खणो युत्तिहारो नाम यथाह “सब्बेसं हारानं, या भूमी”तिआदि (नेत्ति० ४.३) ।

पदद्वानहारवण्णना

वण्णारहावण्णदुब्बण्णतानादेय्यवचनतादि विपत्तीनं पदद्वानं ।
 वण्णारहवण्णसुब्बण्णतासद्धेय्यवचनतादि सम्पत्तीनं पदद्वानं । तथा आघातादयो
 निरयादिदुक्खस्स पदद्वानं । आघातादीनमकरणं सग्गसम्पत्तियादिसब्बसम्पत्तीनं पदद्वानं ।
 पाणातिपातादिपटिविरति अरियस्स सीलक्खन्धस्स पदद्वानं, अरियो सीलक्खन्धो अरियस्स
 समाधिक्खन्धस्स पदद्वानं । अरियो समाधिक्खन्धो अरियस्स पज्जाक्खन्धस्स पदद्वानं ।
 गम्भीरतादिविसेसयुत्तं भगवतो पटिवेधप्पकारजाणं देसनाजाणस्स पदद्वानं । देसनाजाणं
 वेनेय्यानं सकलवट्टदुक्खनिस्सरणस्स पदद्वानं । सब्बायपि दिट्ठिया दिट्ठुपादानभावतो सा
 यथारहं नवविधस्सपि भवस्स पदद्वानं । भवो जातिया । जाति जरामरणस्स, सोकादीनञ्च
 पदद्वानं । वेदनानं यथाभूतं समुदयत्थङ्गमादिपटिवेधना चतुन्नं अरियसच्चां अनुबोधपटिवेधो
 होति । तत्थ अनुबोधो पटिवेधस्स पदद्वानं । पटिवेधो चतुब्बिधस्स सामञ्जफलस्स पदद्वानं ।
 “अजानतं अपस्सत”न्ति अविज्जागहणं । तत्थ अविज्जा सङ्कारानं पदद्वानं, सङ्कारा
 विज्जाणस्स । याव वेदना तण्हाय पदद्वानन्ति नेत्वा तेसं “वेदनापच्चया तण्हा”तिआदिना
 पाळियमागतनयेन सम्बज्झितब्बं । “तण्हागतानं परितस्सितविप्फन्दित”न्ति एत्थ तण्हा
 उपादानस्स पदद्वानं । “तदपि फस्सपच्चया”ति एत्थ सस्सतादिपज्जापनं परेसं
 मिच्छाभिनिवेसस्स पदद्वानं । मिच्छाभिनिवेसो सद्धम्मस्सवनसप्पुरिसूपनिस्सय-
 योनिमनसिकारधम्मानुधम्मपटिपत्तीहि विमुखताय असद्धम्मस्सवनादीनञ्च पदद्वानं ।
 “अज्जत्र फस्सा”तिआदीसु फस्सो वेदनाय पदद्वानं । छ फस्सायतनानि फस्सस्स,
 सकलस्स च वट्टदुक्खस्स पदद्वानं । छन्नं फस्सायतनानं यथाभूतं समुदयादिपजाननं
 निब्बिदाय पदद्वानं, निब्बिदा विरागस्सातिआदिना याव अनुपादापरिनिब्बानं नेतब्बं ।
 भगवतो भवनेत्तिसमुच्छेदो सब्बज्जुताय पदद्वानं, तथा अनुपादापरिनिब्बानस्स चाति । अयं
 सुत्ते आगतधम्मानं पदद्वानधम्मा, तेसञ्च पदद्वानधम्माति यथासम्भवं
 पदद्वानधम्मनिद्धारणलक्खणो पदद्वानहारो नाम । वुत्तञ्चि “धम्मं देसेति जिनो, तस्स च
 धम्मस्स यं पदद्वान”न्तिआदि (नेत्ति० ४.४) ।

लक्खणहारवण्णना

आघातादिग्गहणेन कोधूपनाहमक्खपलासइस्सामच्छरियसारम्भपरवम्भनादीनं सङ्गहो पटिघचित्तुप्पादपरियापन्नताय एकलक्खणत्ता । आनन्दादिग्गहणेन अभिज्झाविसमलोभमानातिमानमदप्पमादानं सङ्गहो लोभचित्तुप्पादपरियापन्नताय एकलक्खणत्ता । तथा आघातग्गहणेन अवसिद्धगन्धनीवरणानं सङ्गहो कायगन्धनीवरणलक्खणेन एकलक्खणत्ता । आनन्दग्गहणेन फस्सादीनं सङ्गहो सङ्खारक्खन्धलक्खणेन एकलक्खणत्ता । सीलग्गहणेन अधिचित्ताधिपज्जासिक्खानं सङ्गहो सिक्खालक्खणेन एकलक्खणत्ता । दिट्ठिग्गहणेन अवसिद्धउपादानानं सङ्गहो उपादानलक्खणेन एकलक्खणत्ता । “वेदनान”न्ति एत्थ वेदनाग्गहणेन अवसिद्धउपादानक्खन्धानं सङ्गहो उपादानक्खन्धलक्खणेन एकलक्खणत्ता । तथा धम्मायतनधम्मधातुपरियापन्नवेदनाग्गहणेन सम्मसनुपगानं सब्बेसम्पि आयतनानं, धातूनञ्च सङ्गहो आयतनलक्खणेन, धातुलक्खणेन च एकलक्खणत्ता । “अजानतं अपस्सत”न्ति एत्थ अविज्जाग्गहणेन हेतुआसवोघयोगनीवरणादीनं सङ्गहो हेतादिलक्खणेन एकलक्खणत्ता, तथा “तण्हागतानं परितस्सितविप्फन्दित”न्ति एत्थ तण्हाग्गहणेनपि । “तदपि फस्सपच्चया”ति एत्थ फस्सग्गहणेन सज्जासङ्खारविज्जाणानं सङ्गहो विपल्लासहेतुभावेन, खन्धलक्खणेन च एकलक्खणत्ता । छफस्सायतनग्गहणेन अवसिद्धखन्धायतनधातिन्द्रियादीनं सङ्गहो फस्सुप्पत्तिनिमित्तताय, सम्मसनीयभावेन च एकलक्खणत्ता । भवनेत्तिग्गहणेन अविज्जादीनं संकिलेसधम्मानं सङ्गहो वट्टहेतुभावेन एकलक्खणत्ताति । अयं सुत्ते अनागतेपि धम्मे एकलक्खणत्तादिना आगते विय निद्धारणलक्खणो लक्खणहारो नाम । तथा हि वुत्तं “वुत्तम्हि एकधम्मे, ये धम्मा एकलक्खणा”तिआदि (नेत्ति० ४.५) ।

चतुब्बूहहारवण्णना

ममन्ति अनेरुत्तपदं, तथा वाति च । भिक्खनसीला भिक्खू । परेन्तिविरुद्धभावमुपगच्छन्तीति परा, अज्जत्थे पनेतं अनेरुत्तपदन्ति एवमादिना नेरुत्तं, तं पन “एव”न्तिआदिनिदानपदानं, “मम”न्तिआदिपालिपदानञ्च अडुकथावसेन, तस्सा लीनत्थविभावनीवसेन च सुविज्जेय्यत्ता अतिवित्थारभयेन न वित्थारयिम्ह । ये ते निन्दापसंसाहि सम्माकम्पितचेतसा मिच्छाजीवतो अनोरता सस्सतादिमिच्छाभिनिवेसिनो सीलादिधम्मक्खन्धेसु अप्पतिट्ठिता सम्मासम्बुद्धगुणरसस्सादविमुखा वेनेय्या, ते कथं नु खो

यथावुत्तदोसविनिमुत्ता सम्मापटिपत्तिया उभयहितपरा भवेय्युन्ति अयमेत्थ भगवतो अधिण्यायो। एवमधिप्पेता पुग्गला, देसनाभाजनट्टाने च दस्सिता इमिस्सा देसनाय निदानं।

पुब्बापरानुसन्धि पन पदसन्धिपदत्थनिद्देसनिक्खेपसुत्तदेसनासन्धिवसेन छब्बिधा। तत्थ “मम”न्ति एतस्स “अवण्ण”न्ति इमिना सम्बन्धोतिआदिना पदस्स पदन्तरेन सम्बन्धो **पदसन्धि**। “मम”न्ति वुत्तस्स भगवतो “अवण्ण”न्ति वुत्तेन परेहि उपवदितेन अगुणेनसम्बन्धोतिआदिना पदत्थस्स पदत्थन्तरेन सम्बन्धो **पदत्थसन्धि**। “ममं वा भिक्खवे, परे अवण्णं भासेय्यु”न्तिआदिदेसना सुप्पियेन परिब्बाजकेन वुत्तअवण्णानुसन्धिवसेन पवत्ता। “ममं वा भिक्खवे, परे वण्णं भासेय्यु”न्तिआदिदेसना ब्रह्मदत्तेन माणवेन वुत्तवण्णानुसन्धिवसेन पवत्ता। “अत्थि भिक्खवे, अज्जेव धम्मा गम्भीरा दुद्दसा दुरनुबोधा”तिआदिदेसना भिक्खूहि वुत्तवण्णानुसन्धिवसेन पवत्ताति एवं नानानुसन्धिकस्स सुत्तस्स तंतदनुसन्धीहि, एकानुसन्धिकस्स च पुब्बापरभागेहि सम्बन्धो **निद्देससन्धि**। **निक्खेपसन्धि** पन चतुब्बिधसुत्तनिक्खेपवसेन। **सुत्तसन्धि** च तिविधसुत्तानुसन्धिवसेन अट्ठकथायं एव विचारिता, अम्हेहि च पुब्बे संवण्णिता। एकिस्सा देसनाय देसनान्तरेहि सद्धिं संसन्दनं **देसनासन्धि**, सा पनेवं वेदितब्बा – “ममं वा भिक्खवे...पे०... न चेतसो अनभिरद्धि करणीया”ति अयं देसना “उभतोदण्डकेन चेपि भिक्खवे, ककचेन चोरा ओचरका अङ्गमङ्गानि ओकन्तेय्युं, तत्रपि यो मनो पदूसेज्ज, न मे सो तेन सासनकरो”ति (म० नि० १.२३२) इमाय देसनाय सद्धिं संसन्दति। “तुम्हंयेवस्स तेन अनन्तरायो”ति अयं “कम्मस्सका माणव सत्ता कम्मदायादा कम्मयोनी कम्मबन्धू कम्मपटिसरणा कम्मं सत्ते विभजति, यदिदं हीनपणीतताया”ति (म० नि० ३.२८९-२९७) इमाय, “अपि नु तुम्हे...पे०... आजानेय्याथा”ति अयं –

“कुद्धो अत्थं न जानाति, कुद्धो धम्मं न पस्सति।

अन्धं तमं तदा होति, यं कोधो सहते नर”न्ति।। (अ० नि० ७.६४; महानि० ५, १५६, १९५)।-

इमाय, “ममं वा भिक्खवे, परे वण्णं...पे०... न चेतसो उब्बिलावितत्तं करणीय”न्ति अयं “धम्मापि वो भिक्खवे, पहातब्बा, पगेव अधम्मा”ति, (म० नि० १.२४०) “कुल्लूपमं वो भिक्खवे, धम्मं देसेस्सामि नित्थरणत्थाय, नो गहणत्थाया”ति (म० नि० १.२४०) च इमाय, “तत्र चे तुम्हे...पे०... तुम्हंयेवस्स तेन अन्तरायो”ति अयं –

“लुद्धो अत्थं न जानाति, लुद्धो धम्मं न पस्सति ।

अन्धं तमं तदा होति, यं लोभो सहते नर”न्ति ।। (इतिवु० ८८; महानि० ५, १५६; चूळनि० १२८) च-

“कामन्धा जालसञ्छन्ना, तण्हाछदनछादिता ।

पमत्तबन्धुनाबद्धा, मच्छाव कुमीनामुखे ।

जरामरणमन्वेन्ति, वच्छो खीरपकोव मातर”न्ति ।। (उदा० ६४; नेत्ति० २७, १०; पेटको० १४) च-

इमाय, “अप्पमत्तकं खो पनेतं सीलमत्तक”न्ति अयं “विविच्चेव कामेहि...पे०... पठमं ज्ञानं उपसम्पज्ज विहरति, अयम्पि खो ब्राह्मण यज्जो पुरिमेहि यज्जेहि अप्पट्ठतरो च अप्पसमारम्भतरो च महप्फलतरो च महानिसंसतरो चा”ति (दी० नि० १.३५३) इमाय पठमज्ज्ञानस्स सीलतो महप्फलमहानिसंसतरतावचनेन ज्ञानतो सीलस्स अप्पफलअप्पानिसंसतरभावदीपनतो ।

“पाणातिपातं पहाया”तिआदिदेसना “समणो खलु भो गोतमो सीलवा अरियसीलेन समन्नागतो”तिआदिदेसनाय, (दी० नि० १.३०४) “अज्जेव धम्मा गम्भीरा”तिआदिदेसना “अधिगतो खो म्यायं धम्मो गम्भीरो दुद्दसो दुरनुबोधो”तिआदिदेसनाय, (दी० नि० २.६७; म० नि० १.२८१; २.३३७; सं० नि० १.१७२; म० व० ७, ८) गम्भीरतादिविसेसयुत्तधम्मपटिवेधेन हि जाणस्स गम्भीरादिभावो विज्जायति ।

“सन्ति भिक्खवे, एके समणब्राह्मणा पुब्बन्तकप्पिका”तिआदिदेसना “सन्ति भिक्खवे, एके समणब्राह्मणा पुब्बन्तकप्पिका...पे०... अभिवदन्ति सस्सतो अत्ता च लोको च, इदमेव सच्चं, मोघमज्जन्ति इत्थेके अभिवदन्ति, असस्सतो, सस्सतो च असस्सतो च, नेवसस्सतो च नासस्सतो च, अन्तवा, अनन्तवा, अन्तवा च अनन्तवा च, नेवन्तवा च नानन्तवा च अत्ता च लोको च, इदमेव सच्चं, मोघमज्जन्ति इत्थेके अभिवदन्ती”तिआदिदेसनाय (म० नि० ३.२७) ।

तथा “सन्ति भिक्खवे, एके समणब्राह्मणा अपरन्तकप्पिका”तिआदिदेसना “सन्ति

भिक्षवे...पे०... अभिवदन्ति सज्जी अत्ता होति अरोगो परं मरणा । इत्थेके अभिवदन्ति असज्जी, सज्जी च असज्जी च, नेवसज्जी च नासज्जी च अत्ता होति अरोगो परं मरणा । इत्थेके अभिवदन्ति सतो वा पन सत्तस्स उच्छेदं विनासं विभवं पञ्जपेन्ति, दिट्ठधम्मनिब्बानं वा पनेके अभिवदन्ती”न्तिआदिदेसनाय, (म० नि० ३.२१) “वेदनानं समुदयञ्च...पे०... तथागतो”तिआदिदेसना “तदिदं सङ्गतं ओळारिकं, अत्थि खो पन सङ्कारानं निरोधो, अत्थेतन्ति इति विदित्वा तस्स निस्सरणदस्सावी तथागतो तदुपातिवत्तो”तिआदिदेसनाय, (म० नि० ३.२९) “तदपि तेसं...पे०... विप्फन्दितमेवा”ति अयं “इदं तेसं वत अज्जत्रेव सद्वाय अज्जत्र रुचिया अज्जत्र अनुस्सवा अज्जत्र आकारपरिवितक्का अज्जत्र दिट्ठिनिज्झानक्खन्तिया पच्चत्तयेव जाणं भविस्सति परिसुद्धं परियोदात”न्ति नेतं ठानं विज्जति । पच्चत्तं खो पन भिक्षवे, जाणे असति परिसुद्धे परियोदाते यदपि ते भोन्तो समणब्राह्मणा तत्थ जाणभावमत्तमेव परियोदापेन्ति, तदपि तेसं भवतं समणब्राह्मणानं उपादानमक्खायती”तिआदिदेसनाय, (सं० नि० २.४३) “तदपि फस्सपच्चया”ति अयं “चक्खुञ्च पटिच्च रूपे च उप्पज्जति चक्खुविज्जाणं, तिण्णं सङ्गति फस्सो, फस्सपच्चया वेदना, वेदनापच्चया तण्हा, तण्हापच्चया उपादान”न्ति, (सं० नि० १.२.४५) “छन्दमूलका इमे आवुसो धम्मा मनसिकारसमुद्धाना फस्ससमोधाना वेदनासमोसरणा”ति (परियेसितब्बं) च आदिदेसनाय, “यतो खो भिक्षवे, भिक्षु छत्रं फस्सायतनान”न्तिआदिदेसना “यतो खो भिक्षवे, भिक्षु नेव वेदनं अत्ततो समनुपस्सति, न सज्जं, न सङ्कारे, न विज्जाणं अत्ततो समनुपस्सति, सो एवं असमनुपस्सन्तो न किञ्चि लोके उपादियति, अनुपादियं न परितस्सति, अपरितस्सं पच्चत्तयेव परिनिब्बायती”तिआदिदेसनाय, “सब्बेते इमेहेव द्वासट्ठिया वत्थूहि अन्तोजालीकता”तिआदिदेसना “ये हि केचि भिक्षवे...पे०... अभिवदन्ति, सब्बेते इमानेव पञ्च कायानि अभिवदन्ति एतेसं वा अज्जतर”न्तिआदिदेसनाय, (म० नि० ३.२६) “कायस्स भेदा...पे०... देवमनुस्सा”ति अयं –

“अच्ची यथा वातवेगेन खित्ता, (उपसिवाति भगवा)

अत्थं पलेति न उपेति सङ्गं ।

एवं मुनी नामकाया विमुत्तो,

अत्थं पलेति न उपेति सङ्ग”न्ति ।। (सु० नि० १०८०) –

आदिदेसनाय सद्धिं संसन्दतीति । अयं नेरुत्तमधिप्पायदेसनानिदानपुब्बापरानुसन्धीनं चतुन्नं विभावनलक्खणो **चतुब्बूहहारो** नाम । वुत्तप्पि चेतं “नेरुत्तमधिप्पायो”तिआदि (नेत्ति० ४.६) ।

आवत्तहारवण्णना

आघातादीनमकरणीयतावचनेन खन्तिसोरच्चानुद्धानं । तत्थ खन्तिया सद्धापज्जापरापकारदुक्खसहगतानं सङ्गहो, तथा सोरच्चेन सीलस्स । सद्धादिग्गहणेन च सद्धिन्द्रियादिसकलबोधिपक्खियधम्मा आवत्तन्ति । सीलग्गहणेन अविप्पटिसारादयो सब्बेपि सीलानिसंसधम्मा आवत्तन्ति । पाणातिपातादीहि पटिविरतिवचनेन अप्पमादविहारो, तेन सकलं सासनब्रह्मचरियं आवत्तति । गम्भीरतादिविसेसयुत्तधम्मग्गहणेन महाबोधिपकित्तनं । अनावरणजाणपदद्धानज्झि आसवक्खयजाणं, आसवक्खयजाणपदद्धानज्च अनावरणजाणं महाबोधीति वुच्चति, तेन दसबलादयो सब्बे बुद्धगुणा आवत्तन्ति । सस्सतादिदिट्ठिग्गहणेन तण्हाविज्जानं सङ्गहो, ताहि अनमतग्गं संसारवट्ठं आवत्तति । वेदनानं यथाभूतं समुदयादिपटिवेधनेन भगवतो परिज्जात्तयविसुद्धि, ताय पज्जापारमिमुखेन सब्बापि पारमियो आवत्तन्ति । “अजानतं अपस्सत”न्ति एत्थ अविज्जाग्गहणेन अयोनिशोमनसिकारपरिग्गहो, तेन च नव अयोनिशोमनसिकारमूलका धम्मा आवत्तन्ति । “तण्हागतानं परितस्सितविप्फन्दित”न्ति एत्थ तण्हाग्गहणेन नव तण्हामूलका धम्मा आवत्तन्ति । “तदपि फस्सपच्चया”तिआदि सस्सतादिपज्जापनस्स पच्चयाधीनवुत्तिदस्सनं, तेन अनिच्चतादिलक्खणत्तयं आवत्तति । छन्नं फस्सायतनानं यथाभूतं पजाननेन विमुत्तिसम्पदानिद्देशो, तेन सत्तपि विसुद्धियो आवत्तन्ति । “उच्छिन्नभवनेत्तिको तथागतस्स कायो”ति तण्हापहानं वुत्तं, तेन भगवतो सकलसंकिलेसप्पहानं आवत्ततीति अयं देसनाय गहितधम्मानं सभागविसभागधम्मवसेन आवत्तनलक्खणो **आवत्तहारो** नाम । यथाह “एकम्हि पदद्धाने, परियेसति सेसकं पदद्धान”न्तिआदि (नेत्ति० ४.७) ।

विभत्तिहारवण्णना

आघातानन्दादयो अकुसला धम्मा, तेसं अयोनिशोमनसिकारादि पदद्धानं । येहि पन धम्मेहि आघातानन्दादीनं अकरणं अप्पवत्ति, ते अब्बापादादयो कुसला धम्मा, तेसं योनिशोमनसिकारादि पदद्धानं । तेसु आघातादयो कामावचराव, अब्बापादादयो चतुभूमका,

तथा पाणातिपातादीहि पटिविरति कुसला वा अब्याकता वा, तस्सा हिरोत्तप्पादयो धम्मा पदद्धानं। तत्थ कुसला सिया कामावचरा, सिया लोकुत्तरा। अब्याकता लोकुत्तराव। “अत्थि भिक्खवे, अज्जेव धम्मा गम्भीरा”ति वुत्तधम्मा सिया कुसला, सिया अब्याकता। तत्थ कुसलानं वुद्धानगामिनिविपस्सना पदद्धानं। अब्याकतानं मग्गधम्मा, विपस्सना, आवज्जना वा पदद्धानं। तेसु कुसला लोकुत्तराव, अब्याकता सिया कामावचरा, सिया लोकुत्तरा, सब्बापि दिट्ठियो अकुसलाव कामावचराव, तासं अविसेसेन मिच्छाभिनिवेसे अयोनिसोमनसिकारो पदद्धानं। विसेसतो पन सन्ततिघनविनिब्भोगाभावतो एकत्तनयस्स मिच्छागाहो अतीतजातिअनुस्सरणतक्कसहितो सस्सतदिट्ठिया पदद्धानं। हेतुफलभावेन सम्बन्धभावस्स अग्गहणतो नानत्तनयस्स मिच्छागाहो तज्जासमन्नाहारसहितो उच्छेददिट्ठिया पदद्धानं। एवं सेसदिट्ठीनम्पि यथासम्भवं वत्तब्बं।

“वेदनान”न्ति एत्थ वेदना सिया कुसला, सिया अकुसला, सिया अब्याकता, सिया कामावचरा, सिया रूपावचरा, सिया अरूपावचरा, तासं फस्सो पदद्धानं। वेदनानं यथाभूतं वेदनानं समुदयादिपटिवेधनं मग्गजाणं, अनुपादाविमुत्ति च फलजाणं, तेसं “अज्जेव धम्मा गम्भीरा”ति एत्थ वुत्तनयेन धम्मादिविभागो नेतब्बो। “अजानतं अपस्सत”न्तिआदीसु अविज्जातण्हा अकुसला कामावचरा, तासु अविज्जाय आसवा, अयोनिसोमनसिकारो एव वा पदद्धानं। तण्हाय संयोजनियेसु धम्मेसु अस्साददस्सनं पदद्धानं। “तदपि फस्सपच्चया”ति एत्थ फस्सस्स वेदनाय विय धम्मादिविभागो वेदितब्बो। इमिना नयेन फस्सायतनादीनम्पि यथारहं धम्मादिविभागो नेतब्बोति अयं संकिलेसधम्मे, वोदानधम्मे च साधारणासाधारणतो, पदद्धानतो, भूमितो च विभजनलक्खणो विभत्तिहारो नाम। यथाह “धम्मज्ज पदद्धानं, भूमिज्ज विभज्जते अयं हारो”तिआदि (नेत्ति० ४.८)।

परिवत्तनहारवण्णना

आघातादीनमकरणं खन्तिसोरच्चानि अनुब्रूहेत्वा पटिसङ्खानभावनाबलसिद्धिया उभयहितपटिपत्तिमावहति। आघातादयो पन पवत्तियमाना दुब्बण्णतं, दुक्खसेय्यं, भोगहानिं, अकित्तिं, परेहि दुरुपसङ्कमनतज्ज निष्फादेन्ता निरयादीसु महादुक्खमावहन्ति। पाणातिपातादिपटिविरति अविप्पटिसारादिकल्याणं परम्परमावहति। पाणातिपातादि पन विप्पटिसारादिकल्याणं परम्परमावहति। गम्भीरतादिविसेसयुत्तं जाणं वेनेय्यानं यथारहं विज्जाभिज्जादिगुणविसेसमावहति सब्बज्जेय्यस्स यथासभावावबोधतो। तथा

गम्भीरतादिविसेसरहितं पन जाणं जेय्येसु साधारणभावतो यथावुत्तगुणविसेसं नावहति । सब्बापि चेता दिट्ठियो यथारहं सस्सतुच्छेदभावतो अन्तद्वयभूता सक्कायतीरं नातिवत्तन्ति अनिय्यानिकसभावत्ता । सम्मादिट्ठि पन सपरिक्खारा मज्झिमपटिपदाभूता सक्कायतीरमतिक्कम्म पारं गच्छति निय्यानिकसभावत्ता । वेदनानं यथाभूतं समुदयादिपटिवेधना अनुपादाविमुत्तिमावहति मग्गभावतो । वेदनानं यथाभूतं समुदयादिअसम्पटिवेधो संसारचारकावरोधमावहति सङ्खारानं पच्चयभावतो । वेदयितसभावपटिच्छादको सम्मोहो तदभिनन्दनमावहति, यथाभूतावबोधो पन तत्थ निब्बेधं, विरागञ्च आवहति । मिच्छाभिनिवेसे अयोनिसोमनसिकारसहिता तण्हा अनेकविहितं दिट्ठिजालं पसारति । यथावुत्ततण्हासमुच्छेदो पठममग्गो तं दिट्ठिजालं सङ्कोचेति । सस्सतवादादिपज्जापनस्स फस्सो पच्चयो असति फस्से तदभावतो । दिट्ठिबन्धनबद्धानं फस्सायतनादीनमनिरोधनेन फस्सादिअनिरोधो संसारदुक्खस्स अनिवत्तियेव याथावतो फस्सायतनादिपरिज्जा सब्बदिट्ठिदस्सनानि अतिवत्तति, तेसं पन तथा अपरिज्जा दिट्ठिदस्सनं नातिवत्तति । भवनेत्तिसमुच्छेदो आयतिं अत्तभावस्स अनिब्बत्तिया संवत्तति, असमुच्छिन्नाय भवनेत्तिया अनागते भवप्पबन्धो परिवत्ततियेवाति अयं सुत्ते निदिट्ठानं धम्मनं पटिपक्खतो परिवत्तनलक्खणो **परिवत्तनहारो** नाम । किमाह “कुसलाकुसले धम्मे, निदिट्ठे भाविते पहीने चा”तिआदि ।

वेवचनहारवण्णना

“ममं मम मे”ति परियायवचनं । ‘वा यदि चा’ति परियायवचनं । “भिक्षवे समणा तपस्सिनो”ति परियायवचनं । “परे अज्जे पटिविरुद्धा” ति...पे०... नं । “अवण्णं अकित्तिं निन्दं” ति...पे०... नं । “भासेय्युं भण्येय्युं कथेय्युं” ति...पे०... नं । “धम्मस्स विनयस्स सत्थुसासनस्सा” ति...पे०... नं । “सङ्खस्स समूहस्स गणस्सा” ति...पे०... नं । “तत्र तत्थ तेसू” ति...पे०... नं । “तुम्हेहि वो भवन्तेही” ति...पे०... नं । “आघातो दोसो ब्यापादो” ति...पे०... नं “अप्पच्चयो दोमनस्सं चेतसिकदुक्खं” ति...पे०... नं । “चेतसो चित्तस्स मनसो” ति...पे०... नं । “अनभिरद्धि ब्यापत्ति मनोपदोसो” ति...पे०... नं । “न नो अ मा” ति...पे०... नं । “करणीया उप्पादेतब्बा पवत्तेतब्बा”ति परियायवचनं । इमिना नयेन सब्बपदेसु वेवचनं वत्तब्बन्ति अयं तस्स तस्स अत्थस्स तंतंपरियायसद्वयोजनालक्खणो **वेवचनहारो** नाम । वुत्तज्जेतं “वेवचनानि बहूनि तु, सुत्ते वुत्तानि एकधम्मस्सा”तिआदि (नेत्ति० ४.१०) ।

पञ्जतिहारवण्णना

आघातो वत्थुवसेन दसविधेन, एकूनवीसतिविधेन वा पञ्जत्तो । अपच्चयो उपविचारवसेन छधा पञ्जत्तो । आनन्दो पीतिआदिवसेन वेवचनेन नवधा पञ्जत्तो । पीति सामञ्जत्तो पन खुट्टिकादिवसेन पञ्चधा पञ्जत्तो । सोमनस्सं उपविचारवसेन छधा, सीलं वारित्तचारित्तादिवसेन अनेकधा, गम्भीरतादिवसेसयुत्तं जाणं चित्तुप्पादवसेन चतुधा, द्वादसधा वा, विसयभेदतो अनेकधा च, दिट्ठिसस्सतादिवसेन द्वासट्ठिया भेदेहि, तदन्तो गधविभागेन अनेकधा च, वेदना छधा, अट्ठसतधा, अनेकधा च, तस्सा समुदयो पञ्चधा, तथा अत्थङ्गमोपि, अस्सादो दुविधेन, आदीनवो तिविधेन, निस्सरणं एकधा, चतुधा च, अनुपादाविमुत्ति दुविधेन, “अजानतं अपस्सत”न्ति वुत्ता अविज्जा विसयभेदेन चतुधा, अट्ठधा च, “तण्हागतान”न्तिआदिना वुत्ता तण्हा छधा, अट्ठसतधा, अनेकधा च, फस्सो निस्सयवसेन छधा, उपादानं चतुधा, भवो द्विधा, अनेकधा च, जाति वेवचनवसेन छधा, तथा जरा सत्तधा, मरणं अट्ठधा, नवधा च, सोको पञ्चधा, परिदेवो छधा, दुक्खं चतुधा, तथा दोमनस्सं, उपायासो चतुधा पञ्जत्तोति अयं पभेदपञ्जत्ति, समूहपञ्जत्ति च ।

“समुदयो होती”ति पभवपञ्जत्ति, “यथाभूतं पजानाती”ति दुक्खस्स परिज्जापञ्जत्ति, समुदयस्स पहानपञ्जत्ति, निरोधस्स सच्छिकिरियापञ्जत्ति, मग्गस्स भावनापञ्जत्ति । “अन्तोजालीकता”तिआदिसब्बदिट्ठिनं सङ्गहपञ्जत्ति । “उच्छिन्नभवनेत्तिको”तिआदि दुविधेन परिनिब्बानपञ्जत्तीति एवं आघातादीनं पभवपञ्जत्तिपरिज्जापञ्जत्तिआदिवसेन । तथा “आघातो”ति ब्यापादस्स वेवचनपञ्जत्ति । “अप्पच्चयो”ति दोमनस्सस्सवेवचनपञ्जत्तीतिआदिवसेन च पञ्जत्तिभेदो विभज्जितब्बोति अयं एकेकस्स धम्मस्स अनेकाहि पञ्जत्तीहि पञ्जपेतब्बाकारविभावनलक्खणो पञ्जत्तिहारो नाम, तेन वुत्तं “एकं भगवा धम्मं, पण्णत्तीहि विविधाहि देसेती”तिआदि (नेत्ति० ४.११) ।

ओतरणहारवण्णना

आघातगहणेन सङ्कारखन्धसङ्गहो, तथा अनभिरद्धिगहणेन । अप्पच्चयगहणेन वेदनाखन्धसङ्गहोति इदं **खन्धमुखेन ओतरणं** । तथा आघातादिगहणेन धम्मायतनं, धम्मधातु, दुक्खसच्चं, समुदयसच्चं वा गहितन्ति इदं **आयतनमुखेन, धातुमुखेन, सच्चमुखेन** च

ओतरणं। तथा आघातादीनं सहजाता अविज्जा हेतुसहजातअज्जमज्जनिस्सय-
सम्पयुत्तअत्थिअविगतपच्चयेहि पच्चयो, असहजाता पन अनन्तरनिरुद्धा
अनन्तरसमनन्तरअनन्तरूपनिस्सयनत्थिविगतासेवनपच्चयेहि पच्चयो। अनन्तरा पन
उपनिस्सयवसेनेव पच्चयो। तण्हाउपादानादि फस्सादीनम्पि तेसं सहजातानं,
असहजातानञ्च यथारहं पच्चयभावो वत्तब्बो। कोचि पनेत्थ अधिपतिवसेन, कोचि
कम्मवसेन, कोचि आहारवसेन, कोचि इन्द्रियवसेन, कोचि ज्ञानवसेन कोचि मगगवसेनापि
पच्चयोति अयम्पि विसेसो वेदितब्बोति इदं **पटिच्चसमुप्पादमुखेन ओतरणं।** इमिनाव नयेन
आनन्दादीनम्पि खन्धादिमुखेन ओतरणं विभावेतब्बं।

तथा सीलं पाणातिपातादीहि विरतिचेतना, अब्यापादादिचेतसिकधम्मा च,
पाणातिपातादयो चेतनाव, तेसं, तदुपकारकधम्मानञ्च लज्जादयादीनं
सङ्गारक्खन्धधम्मायतनादीसु सङ्गहतो पुरिमनयेनेव खन्धादिमुखेन ओतरणं विभावेतब्बं। एस
नयो जाणदिट्ठिवेदनाअविज्जातण्हादिग्गहणेसुपि। निस्सरणानुपादाविमुत्तिग्गहणेसु पन
असङ्गतधातुवसेनपि धातुमुखेन ओतरणं विभावेतब्बं, तथा “वेदनानं...पे०...
अनुपादाविमुत्तो”ति एतेन भगवतो सीलादयो पञ्चधम्मक्खन्धा, सतिपट्टानादयो च
बोधिपक्खियधम्मा पकासिता होन्तीति तंमुखेनपि ओतरणं वेदितब्बं। “तदपि
फस्सपच्चया”ति सस्सतादिपज्जापनस्स पच्चयाधीनवुत्तितादीपनेन अनिच्चतामुखेन ओतरणं,
तथा एवंधम्मताय **पटिच्चसमुप्पादमुखेन ओतरणं।** अनिच्चस्स दुक्खानत्तभावतो
अप्पणिहितमुखेन, सुज्जतामुखेन च ओतरणं। सेसपदेसुपि एसेव नयो। अयं
पटिच्चसमुप्पादादिमुखेहि सुत्तत्थस्स ओतरणलक्खणो **ओतरणहारो** नाम। तथा हि वुत्तं “यो
च पटिच्चुप्पादो, इन्द्रियक्खन्धा च धातुआयतना”तिआदि (नेत्ति० ४.१२)।

सोधनहारवण्णना

“ममं वा भिक्खवे, परे अवण्णं भासेय्यु”न्ति आरम्भो। “धम्मस्स वा अवण्णं
भासेय्युं सङ्गस्स वा अवण्णं भासेय्यु”न्ति पदसुद्धि, नो आरम्भसुद्धि। “तत्र तुम्हेहि न
आघातो, न अप्पच्चयो, न चेतसो अनभिरुद्धि करणीया”ति पदसुद्धि चेव आरम्भसुद्धि
च। दुत्तियनयादीसुपि एसेव नयो, तथा “अप्पमत्तकं खो पनेत”न्तिआदि आरम्भो।
“कतम”न्तिआदि पुच्छा। “पाणातिपातं पहाया”तिआदि पदसुद्धि, नो आरम्भसुद्धि। नो
च पुच्छासुद्धि। “इदं खो”तिआदि पुच्छासुद्धि चेव पदसुद्धि च, आरम्भसुद्धि।

तथा “अत्थि भिक्खवे”तिआदि आरम्भो । “कतमे च ते”तिआदि पुच्छ । “सन्ति भिक्खवे”तिआदि आरम्भो । “किमागम्मा”तिआदि आरम्भपुच्छ । “यथा समाहिते”तिआदि पदसुद्धि, नो आरम्भसुद्धि, नो च पुच्छसुद्धि । “इमे खो”तिआदि पदसुद्धि च पुच्छसुद्धि च आरम्भसुद्धि च । इमिना नयेन सब्बत्थ आरम्भादयो वेदितव्वा । अयं पदारम्भानं सोधितासोधितभावविचारणलक्खणो **सोधनहारो** नाम, वुत्तप्पि च “विस्सज्जितम्हि पण्हे, गाथायं पुच्छितायमारम्भा”तिआदि (नेत्ति० ४.१३) ।

अधिद्धानहारवण्णना

“अवण्ण”न्ति सामञ्जतो अधिद्धानं । तमविकप्पेत्वा विसेसवचनं “ममं वा”ति । धम्मस्स वा सङ्गस्स वाति पक्खेपि एस नयो । तथा “सील”न्ति सामञ्जतो अधिद्धानं । तमविकप्पेत्वा विसेसवचनं “पाणातिपाता पटिविरतो”तिआदि । “अज्जेव धम्मा”तिआदि सामञ्जतो अधिद्धानं, तमविकप्पेत्वा विसेसवचनं “तयिदं भिक्खवे, तथागतो पजानाती”तिआदि, तथा “पुब्बन्तकप्पिका”तिआदि सामञ्जतो अधिद्धानं । तमविकप्पेत्वा विसेसवचनं “सस्सतवादा”तिआदि । इमिना नयेन सब्बत्थ यथादेसितमेव सामञ्जविसेसा निद्धारेतव्वा । अयं सुत्तागतानं धम्मानं अविकप्पनावसेन यथादेसितमेव सामञ्जविसेसनिद्धारणलक्खणो **अधिद्धानहारो** नाम, यथाह “एकत्तताय धम्मा, येपि च वेमत्तताय निद्दिट्ठा”तिआदि (नेत्ति० ४.१४) ।

परिक्खारहारवण्णना

आघातादीनं “अनत्थं मे अचरी”तिआदीनि (ध० स० १२३७; विभ० ९०९) एकूनवीसति आघातवत्थूनि हेतु । आनन्दादीनं आरम्भणाभिसिनेहो हेतु । सीलस्स हिरिओत्तप्पं, अप्पिच्छतादयो च हेतु । “गम्भीरा”तिआदिना वुत्तधम्मस्स सब्बापि पारमियो हेतु । विसेसेन पज्जापारमी । दिट्ठीनं असप्पुरिसूपनिस्सयो, असद्धम्मस्सवनं मिच्छाभिनिवेसेन अयोनिमोमनसिकारो च अविसेसेन हेतु । विसेसेन पन सस्सतवादादीनं अतीतजातिअनुस्सरणादि हेतु । वेदनानं अविज्जा, तण्हा, कम्मादिफस्सो च हेतु । अनुपादाविमुत्तिया अरियमग्गो हेतु । अज्जाणस्स अयोनिमोमनसिकारो हेतु । तण्हाय संयोजनियेसु अस्सादानुपस्सना हेतु । फस्सस्स सळायतनानि हेतु । सळायतनस्स नामरूपं हेतु । भवनेत्तिमुच्छेदस्स विसुद्धिभावना हेतूति अयं परिक्खारसङ्काते हेतुपच्चये

निद्धारेत्वा संवण्णनालक्खणो **परिक्खारहारो** नाम, तेन वुत्तं “ये धम्मा यं धम्मं, जनयन्तिप्पच्चया परम्परतो”तिआदि ।

समारोपनहारवण्णना

आघातादीनमकरणीयतावचनेन खन्तिसम्पदा दस्सिता होति । “अप्पमत्तकं खो पनेत”न्तिआदिना सोरच्चसम्पदा । “अत्थि भिक्खवे”तिआदिना जाणसम्पदा । “अपरामसतो चस्स पच्चत्तञ्जेव निब्बुति विदिता”ति, “वेदनानं...पे०... यथाभूतं विदित्वा अनुपादाविमुत्तो”ति च एतेहि समाधिसम्पदाय सद्धिं विज्जाविमुत्तिवसीभावसम्पदा दस्सिता । तत्थ खन्तिसम्पदा पटिसङ्खानबलसिद्धितो सोरच्चसम्पदाय पदद्धानं, सोरच्चसम्पदा पन अत्थतो सीलमेव, सीलं समाधिसम्पदाय पदद्धानं । समाधि जाणसम्पदाय पदद्धानन्ति अयं **पदद्धानसमारोपना** ।

पाणातिपातादीहि पटिविरतिवचनं सीलस्स परियायविभागदस्सनं । सस्सतवादादिविभागदस्सनं पन दिट्ठिया परियायवचनन्ति अयं **वेवचनसमारोपना** ।

सीलेन वीतिक्कमप्पहानं, तदङ्गप्पहानं, दुच्चरितसंकिलेसप्पहानञ्च सिज्झति । समाधिना परियुद्धानप्पहानं, विक्खम्भनप्पहानं, तण्हासंकिलेसप्पहानञ्च सिज्झति । पञ्जाय दिट्ठिसंकिलेसप्पहानं, समुच्छेदप्पहानं, अनुसयप्पहानञ्च सिज्झतीति अयं **पहानसमारोपना** ।

सीलादिधम्मक्खन्धेहि समथविपस्सनाभावनापारिपूरिं गच्छति पहानत्तयसिद्धितोति अयं **भावनासमारोपना** । अयं सुत्ते आगतधम्मानं पदद्धानवेवचनपहानभावना-समारोपनविचारणलक्खणो **समारोपनहारो** नाम । वुत्तञ्जेतं “ये धम्मा यं मूला, ये चेकत्था पकासिता मुनिना”तिआदि, (नेत्ति० ४.१६) अयं सोळसहारयोजना ।

सोळसहारवण्णना निट्ठिता ।

पञ्चविधनयवण्णना

नन्दियावट्टनयवण्णना

आघातादीनमकरणवचनेन तण्हाविज्जासङ्कोचो दस्सितो । सति हि अत्तत्तनियवत्थूसिनेहे, सम्मोहे च “अनत्थं मे अचरी”तिआदिना आघातो जायति, नासति । तथा “पाणातिपाता पटिविरतो”तिआदिवचनेहि “पच्चत्तज्जेव निब्बुति विदिता, अनुपादाविमुत्तो, छत्रं फस्सायत्तनानं...पे०... यथाभूतं पजानाती”तिआदिवचनेहि च तण्हाविज्जानं अच्चन्तप्पहानं दस्सितं होति । तासं पन पुब्बन्तकप्पिकादिपदेहि, “अजानतं अपस्सत”न्तिआदिपदेहि च सरूपतोपि दस्सितानं तण्हाविज्जानं रूपधम्मा, अरूपधम्मा च अधिद्धानं । यथाक्कमं समथो च विपस्सना च पटिपक्खो, तेसं पन चेतोविमुत्ति, पज्जाविमुत्ति च फलं । तत्थ तण्हा समुदयसच्चं, तण्हाविज्जा वा, तदधिद्धानभूता रूपारूपधम्मा दुक्खसच्चं, तेसमप्पवत्ति निरोधसच्चं, निरोधपजानना समथविपस्सना मग्गसच्चन्ति एवं, चतुसच्चयोजना वेदितव्वा ।

तण्हाग्गहणेन चेत्य मायासाठेय्यमानातिमानमदपमादपापिच्छतापापमित्तता-अहिरिकानोत्तप्पादिवसेन सब्बोपि अकुसलपक्खो नेतव्वो । तथा अविज्जाग्गहणेनपि विपरीतमनसिकारकोधुपनाहमक्खपळासइस्सामच्छरियसारम्भ दोवचस्सता भवदिट्ठिविभवदिट्ठादिवसेन । वुत्तविपरियायेन पन अमायाअसाठेय्यादिवसेन, अविपरीतमनसिकारादिवसेन च सब्बोपि कुसलपक्खो नेतव्वो । तथा समथपक्खियानं सद्धिन्द्रियादीनं, विपस्सनापक्खियानञ्च अनिच्चसज्जादीनं वसेनाति अयं तण्हाविज्जाहि संकिलेसपक्खं सुत्तत्थं समथविपस्सनाहि च वोदानपक्खं चतुसच्चयोजनमुखेन नयनलक्खणस्स नन्दियावट्टनयस्स भूमि । वुत्तहि “तण्हज्ज अविज्जम्पि च, समथेन विपस्सनाय यो नेती”तिआदि ।

तिपुक्खलनयवण्णना

आघातादीनमकरणवचनेन अदोससिद्धि, तथा पाणातिपातफरुसवाचाहि पटिविरतिवचनेनापि । आनन्दादीनमकरणवचनेन पन अलोभसिद्धि, तथा अब्रह्मचरियो पटिविरतिवचनेनापि । अदिन्नादानादीहि पन पटिविरतिवचनेन तदुभयसिद्धि । “तयिदं

भिक्षवे, तथागतो पजानाती'तिआदिना अमोहसिद्धि । इति तीहि अकुसलमूलेहि गहितेहि तप्पटिपक्खतो आघातादीनमकरणवचनेन च तीणि कुसलमूलानि सिद्धानियेव होन्ति । तत्थ तीहि अकुसलमूलेहि तिविधदुच्चरितसंकिलेसमलविसमाकुसलसज्जावितक्कपज्जादिवसेन सब्बोपि अकुसलपक्खो वित्थारेतब्बो । तथा तीहि कुसलमूलेहि तिविधसुचरितवोदान-समकुसलसज्जावितक्कपज्जासद्धम्मसमाधिविमोक्खमुखविमोक्खादिवसेन सब्बोपि कुसलपक्खो विभावेतब्बो ।

एत्थ चायं सच्चयोजना – लोभो समुदयसच्चं, सब्बानि वा कुसलाकुसलमूलानि, तेहि पन निब्बत्ता तेसमधिद्वानगोचरभूता उपादानक्खन्धा दुक्खसच्चं, तेसमप्पवत्ति निरोधसच्चं, निरोधपजानना विमोक्खादिका मग्गसच्चन्ति । अयं अकुसलमूलेहि संकिलेसपक्खं, कुसलमूलेहि च वोदानपक्खं चतुसच्चयोजनमुखेन नयनलक्खणस्स तिपुक्खलनयस्स भूमि । तथा हि वुत्तं –

“यो अकुसले समूलेहि,
नेति कुसले च कुसलमूलेही'तिआदि ।। (नेत्ति० ४.१८) ।

सीहविककीलितनयवण्णना

आघातानन्दादीनमकरण-वचनेन सतिसिद्धि । मिच्छाजीवापटिविरतिवचनेन वीरियसिद्धि । वीरियेन हि कामब्बापादविहिंसावितक्के विनोदेति, वीरियसाधनञ्च आजीवपारिसुद्धिसीलन्ति । पाणातिपातादीहि पटिविरतिवचनेन सतिसिद्धि । सतिया हि सावज्जानवज्जो दिट्ठो होति । तत्थ च आदीनवानिससे सल्लक्खेत्वा सावज्जं पहाय अनवज्जं समादाय वत्तति । तथा हि सा “निय्यातनपच्चुपट्टाना”ति वुच्चति । “तयिदं भिक्षवे, तथागतो पजानाती”तिआदिना समाधिपज्जासिद्धि । पज्जवा हि यथाभूतावबोधो समाहितो च यथाभूतं पजानातीति ।

तथा “निच्चो धुवो”तिआदिना अनिच्चे “निच्च”न्ति विपल्लासो, “अरोगो परं मरणा, एकन्तसुखी अत्ता, दिट्ठधम्मनिब्बानप्पत्तो”ति च एवमादीहि असुखे “सुख”न्ति विपल्लासो । “पज्चहि कामगुणेहि समप्पितो”तिआदिना असुभे “सुभ”न्ति विपल्लासो । सब्बेहेव दिट्ठिप्पकासनपदेहि अनत्तनि “अत्ता”ति विपल्लासोति एवमेत्थ चत्तारो विपल्लासा

सिद्धा होन्ति, तेसं पटिपक्खतो चत्तारि सतिपट्टानानि सिद्धानेव । तत्थ चतूहि यथावुत्तेहि इन्द्रियेहि चत्तारो पुग्गला निद्विसितब्बा । कथं दुविधो हि तण्हाचरितो मुदिन्द्रियो तिक्विन्द्रियोति, तथा दिट्ठिचरितोपि । तेसु पठमो असुभे “सुभ”न्ति विपल्लत्थदिट्ठिको सतिबलेन यथाभूतं कायसभावं सल्लक्खेत्वा सम्मत्तनियामं ओक्कमति । दुतियो असुखे “सुख”न्ति विपल्लत्थदिट्ठिको “उप्पन्नं कामवितक्कं नाधिवासेती”तिआदिना (म० नि० १.२६; अ० नि० १.४.१४; २.६.५८) वुत्तेन वीरियसंवरसङ्घातेन वीरियबलेन तं विपल्लासं विधमति । ततियो अनिच्चे “निच्च”न्ति विपल्लत्थदिट्ठिको समाधिबलेन समाहितभावतो सङ्घारानं खणिकभावं यथाभूतं पटिविज्झति । चतुथो सन्ततिसमूहकिच्चारम्मणघनविचित्तता फस्सादिधम्मपुज्जमत्ते अनत्तनि “अत्ता”ति विपल्लत्थदिट्ठिको चतुकोटिकसुज्जतामनसिकारेण तं मिच्छाभिनिवेसं विद्धंसेति । चतूहि चेत्थ विपल्लासेहि चतुरासवोधयोगगन्थअगतितण्हुप्पादुपादानसत्तविज्जाणट्ठितिअपरिज्जादिवसेन सब्बोपि अकुसलपक्खो नेतब्बो । तथा चतूहि सतिपट्टानेहि चतुब्बिधज्ञानविहाराधिद्वान-सुखभागियधम्मअप्पमज्जासम्मप्पधानइद्धिपादादिवसेन सब्बोपि वोदानपक्खो नेतब्बो ।

एत्थ चायं सच्चयोजना – सुभसज्जासुखसज्जाहि, चतूहिपि वा विपल्लासेहि **समुदयसच्चं**, तेसमधिद्वानारम्मणभूता पञ्चुपादानकखन्धा **दुक्खसच्चं**, तेसमप्पवत्ति **निरोधसच्चं**, निरोधपजानना सतिपट्टानादिका **मग्सच्चन्ति** । अयं विपल्लासेहि संकिलेसपक्खं, सद्धिन्द्रियादीहि वोदानपक्खं चतुसच्चयोजनमुखेन नयनलक्खणस्स **सीहविककीळितनयस्स भूमि**, यथाह “यो नेति विपल्लासेहि, किलेसे इन्द्रियेहि सद्धम्मे”तिआदि (नेत्ति० ४.१९) ।

दिसालोचनअङ्कुसनयद्वयवण्णना

इति तिण्णं अत्थनयानं सिद्धिया वोहारनयद्वयम्पि सिद्धमेव होति । तथा हि अत्थनयत्तयदिसाभूतधम्मनं समालोचनमेव **दिसालोचननयो** । तेसं समानयनमेव **अङ्कुसनयो** । तस्मा यथावुत्तनयेन अत्थनयानं दिसाभूतधम्मसमालोकननयनवसेन तम्पि नयद्वयं योजेतब्बन्ति, तेन वुत्तं “वेय्याकरणेसु हि ये, कुसलकुसला”तिआदि (नेत्ति० ४.२०) । अयं पञ्चनययोजना ।

पञ्चविधनयवण्णना निड्ठिता ।

सासनपट्टानवण्णना

इदं पन सुत्तं सोळसविधे सासनपट्टाने संकिलेसवासनासेक्खभागियं तण्हादिट्ठादिसंकिलेसानं सीलादिपुञ्जकिरियस्स, असेक्खसीलादिक्खन्धस्स च विभत्तत्ता, संकिलेसवासनानिब्बेधासेक्खभागियमेव वा यथावुत्तत्थानं सेक्खसीलक्खन्धादिकस्स च विभत्तत्ता । अट्ठवीसतिविधे पन सासनपट्टाने लोकियलोकुत्तरं सत्तधम्माधिट्ठानं जाणजेय्यं दस्सनभावनं सकवचनपरवचनं विस्सज्जनीयाविस्सज्जनीयं कम्मविपाकं कुसलाकुसलं अनुज्जातपटिक्खित्तं भवो च लोकियलोकुत्तरादीनमत्थानं इध विभत्तत्ताति । अयं सासनपट्टानयोजना ।

पकरणनयवण्णना निट्ठिता ।

इति सुमङ्गलविलासिनिया दीघनिकायट्ठकथाय परमसुखुमगम्भीरदुरनुबोधत्थपरिदीपनाय सुविमलविपुलपञ्जावेय्यत्तियजननाय अज्जवमद्ववसोरच्चसत्त्वासतिधितिबुद्धिखन्ति-
वीरियादिधम्मसमङ्गिना साट्ठकथे पिटकत्तये असङ्गासंहीरविसारदजाणचारिना अनेकप्पभेद-
सकसमयसमयन्तरगहनज्झोगाहिना महागणिना महावेय्याकरणेन
जाणाभिवंसधम्मसेनापतिनामथेरेन महाधम्मराजाधिराजगरुना कताय साधुविलासिनिया नाम
लीनत्थपकासिनिया ब्रह्मजालसुत्तवण्णनाय लीनत्थविभावना ।

ब्रह्मजालसुत्तवण्णना निट्ठिता ।

पठमो भागो निट्ठितो ।

सदानुक्कमणिका

अ

अकतभूमिभागोति - ३०९
 अकतब्बतावादो - १६२
 अकतब्बभावकारणवचनं - १४५
 अकप्पियसमादानसिक्खापदं - ३७
 अकम्पनजाणानि - १४
 अकारणन्ति - १६२
 अकारणभावहेतुदस्सनत्थं - १६२
 अ-कारो - ८९
 अकालोति - ६३
 अकिच्छलाभी - २४५
 अकुतूहलता - २४९
 अकुप्पामिति - १०१
 अकुसलकम्पपथेहि - २४४
 अकुसलचित्तुप्पादो - ५६
 अकुसलवेतना - ८४, ३०१
 अकुसलधम्मोहि - २४४
 अकुसलन्ति - ८४, ३७७, ३७८
 अकुसलविपाकसञ्जा - २७१
 अकुसलाति - २८७
 अक्खणभूमियं - ३८१
 अक्खन्तियाति - ४००
 अक्खरिका - ३१८
 अक्खलितपटिवेधलक्खणा - २२०
 अक्खातोति - ८०, ८३
 अक्खानमिन्द्रियानं - ३९३

अक्खानं - ३१६
 अक्खितप्पनतेलन्ति - ३३१
 अक्खिरोगवेज्जकम्मं - ३३१
 अखीणासवो - ६२
 अगदोति - २७८
 अगारं - १७१, १८४, ३६९
 अग्गतन्ति - २०३
 अग्गपुग्गलोति - १६२
 अग्गफलसम्पत्तिञ्च - २४१
 अग्गफलं - ३९४
 अग्गिक्खन्धउदकक्खन्धापि - २०७
 अग्गिक्खन्धो - ७२, २०६
 अग्गिसिखधूमसिखादीनं - ३२८
 अग्गिहोमं - ३२६
 अग्गोति - ५, ५१, २६८
 अङ्गअङ्गविज्जानं - ३२६
 अङ्गन्ति - १०८, ३२५, ३५४
 अङ्गसम्पत्तिविपत्तिदस्सनमत्तेन - ३२५
 अङ्गुट्टुप्पमाणो - ३८८
 अङ्गुत्तरटीकायं - २१४, २६६, २६८
 अङ्गुत्तरट्टकथायं - ७६
 अङ्गुत्तरनिकाये - ४०८
 अङ्गुलिमालदमनपक्कुसातिअभिग्गमनादीसु - १६८
 अचलसमादानाधिद्धानो - २३३
 अचलाधिद्धानो - २२४, २६०
 अचित्तुप्पादातिआदि - ३८१
 अचिन्तेय्यानीति - १०६
 अचिन्तेय्योति - १७६, ३३७

अच्चन्तसंयोगत्थसम्भवदस्सं - १५३
 अच्चन्तसुखुमभावप्पत्तिया - ३८७
 अच्चन्तसुखुमालकरजकायं - ३७३
 अच्चयो - ३६३
 अच्चारद्धन्ति - ६८
 अच्छथाति - ३१५
 अच्छन्दिकभावमत्तन्ति - ३३१
 अच्छयागु - ३७१
 अच्छरियब्भुतधम्मपटिसंयुत्तं - ११७
 अच्छरियब्भुतधम्मो - २२२
 अच्छरियवेगाभिहताति - ४१५
 अच्छरियानि - १२२
 अच्छरियं - १७३, १९१, ३२४
 अजितमाणवकपुच्छ - ११३
 अजिनचम्मेहीति - ३२०
 अज्जकन्ति - ३१३
 अज्जगाति - ७७
 अज्जत्तिकधम्मे - २५०
 अज्जत्तिकबलं - २२५
 अज्जत्तिकसमुद्धानं - ४१७
 अज्जाचारो - ८०
 अज्जासयन्ति - १९१, ३९७
 अज्जासयसुद्धिया - १०२
 अज्जासयानुसन्धिम्हिपि - ३९८
 अज्जोसन्नाति - २१३
 अज्जलिकम्मं - २४६
 अज्जतरभेदसङ्गहवसेन - ३५२
 अज्जतिथिया - ३८८
 अज्जतिथियानं - १७४
 अज्जदत्थूति - २७८, ३६७
 अज्जातन्ति - २८२
 अज्जासिकोण्डज्जत्थेरस्स - ३३
 अट्ठक्खणविनिमुत्तो - १५०
 अट्ठक्खसमन्नागतारूपावचरचतुत्थज्ज्ञानस्सेव - ३४६
 अट्ठक्खसमोधानसम्पादितो - २२६
 अट्ठधम्मसमोधानसम्पादितो - २२१

अट्ठविमोक्खपरियायो - ३७५
 अट्ठसमापत्तिलाभिणो - ३८७
 अट्ठापदन्ति - ३१७
 अट्ठारसपक्कपरिमाण - ४१२
 अट्ठारसावेणिकबुद्धधम्मवसेन - १७७
 अट्ठिधोवनन्ति - ३१७
 अट्ठकथायन्ति - ३७२
 अट्ठयोजनम्पि - १५९
 अणुसहगतेति - २७२
 अण्डन्ति - २०३
 अतक्कावचरा - ३३४, ४२२
 अतित्येनाति - १६६
 अतिधावितब्बन्ति - ४००
 अतिपाततो - २८३
 अतिविसुद्धेनाति - १७४
 अतिविसं - ३१३
 अतिवेलं - ३७०
 अति-सदो - ८५, २८३
 अतिसुखुमसुत्तं - १०४
 अतीतसत्थुकन्ति - १५६
 अतीतानागतधम्मानं - १७५
 अतीतोति - १२, १६३, २७९
 अतीतंसपुब्बेनिवासजाणेहि - ३८५
 अतुलितन्ति - २८२
 अत्थकुसलोति - १३१
 अत्थक्कमोति - १०, ३१२
 अत्थचतुक्कं - २७९
 अत्थचरिया - २६१
 अत्थजालं - ४१२, ४१३
 अत्थज्जू - १०६
 अत्थपज्जसिया - ८०
 अत्थपटिसम्भिताति - ९३
 अत्थबोधकोति - १५४
 अत्थवादीति - ३०२
 अत्थवेदं - ४, २२
 अत्थसिद्धिया - ३००

अस्थि-सहोपि - ३३६
 अत्युद्धारोति - १६१
 अत्तकिरियासिद्धि - २८५
 अत्तपरिच्चागतो - २५७
 अत्तभावन्ति - ३८५
 अत्तमनोति - ४६
 अत्तसम्पापणीधि - १५१
 अत्तमुञ्जताय - ३९९
 अत्तहिताय - १०४, २२३
 अत्ताति - १३१, २२९, ३४५, ३४६, ३५४, ३७४,
 ३७५, ३८५, ३८६, ३८७, ३८९, ३९२, ३९३,
 ३९६, ४३७, ४३८
 अत्तादानपरिदीपनन्ति - २०५
 अत्तुपकरणपरिच्चागचेतना - २२०
 अदण्डारहो - २९०
 अदिन्नादानं - २८६, २८७
 अद्धनियं - ४१
 अद्धाति - ६७
 अधम्माति - ४२६
 अधम्मो - ३८, ४९, २९४
 अधिकरणत्थोति - १५०
 अधिचित्तसिक्खाति - ८९
 अधिच्चसमुप्पन्नवादे - ३९७, ३९८
 अधिच्चसमुप्पन्नं - ३८१
 अधिद्वानपारमी - २२०, २५५
 अधिद्वानं - २१७, २१८, २१९, २२१, २२७, २३९,
 २४६, २५५, ४३४, ४३६
 अधिपञ्चाधम्मविपस्सना - २७२
 अधिपतीति - ३२५
 अधिप्पेतविज्जापनं - ३२९
 अधिमुत्तचित्तानं - २४१
 अधिमुत्तिजाणन्ति - १८५
 अधिमुत्तियो - ३४५
 अधिमुत्ति-सहो - ३४५
 अधिमोक्खो - २७३
 अधिवचनन्ति - १४४, १५६, १९२, १९८, २१५,

२७१, ३००, ३२५, ३९४
 अधि-सहो - ३४५
 अधिसीलसिक्खाति - ८९
 अधिसीलसिक्खानमधिद्वानभावतो - २९२
 अधोविरेचनन्ति - ३३१
 अनग्धानि - ६६
 अनञ्जथानि - २७५
 अनत्था - २६०, ३०१
 अनत्तकतानीति - ३९९
 अनधिकं - २७७
 अननुभवनं - १००
 अननुलोमपटिपदन्ति - १६३
 अनन्तरसमनन्तरअनन्तरूपनिस्सयनस्थिविगतासेवन-
 पच्चयेहि - ४०७, ४३३
 अनन्तवाति - ३७५
 अनपकट्टकायचित्तो - ४७
 अनभिभूतो - २७८
 अनयो - १६३
 अनवज्जसीलवतगुणपरिसुद्धसमाचारा - २४९
 अनवद्वितचित्ताय - २८७
 अनवसेसपटिवेधो - १७६, ३३६
 अनागामिफलं - १६५
 अनागारियं - ३६९
 अनाचारी - २९२
 अनाथपिण्डिकस्स - ७९
 अनादरियभावं - ३८९
 अनावत्तिधम्मो - २३५
 अनावरणजाणपटिलाभो - २५७
 अनावरणजाणं - ९, ७५, १७४, ४२९
 अनावरणन्ति - २६९
 अनासत्तिपच्चुपट्टानं - २२०
 अनाहतेति - ३२६
 अनिच्चतादिलक्खणत्तयं - ४२९
 अनिच्चतापतिद्वापनं - ४१९
 अनिच्चदुक्खविपरिणामभावो - ३५९
 अनिच्चन्ति - २७२

अनिच्चसञ्जा - २४४
 अनिच्चानुपस्सना - २७२
 अनिन्द्रियविसयो - ३९३
 अनिब्बिसं - ७६
 अनिवत्तिधम्मो - २२५
 अनुकम्पकोति - २८९
 अनुजानामि - ३०८, ३१४, ३२१
 अनुज्जातकालेति - ३१४
 अनुज्जातभावो - ६३
 अनुत्तरो - ४१३
 अनुत्तरं - १४, १७, ७५, १७४, २२१, २२२, २३६,
 २४०
 अनुनयपटिघविष्णहीनो - १९८
 अनुपक्विलिद्धो - १७९
 अनुपदधम्मविपस्सनावसेन - २११
 अनुपपरिक्खतन्ति - ९९
 अनुपवज्जं - २७७
 अनुपस्सतीति - २७६
 अनुपस्सनाय - २७२
 अनुपादापरिनिब्बानं - ४१७, ४२४
 अनुपादायाति - ६८
 अनुपादाविमुत्ति - ४३०, ४३२
 अनुपादाविमुत्तोति - ३५९, ४३३, ४३५
 अनुपादियित्वाति - ३५९
 अनुपादिसेसनिब्बानधातु - ३५
 अनुप्पदाताति - २९९
 अनुप्पादो - २७४
 अनुबुद्धेहीति - १७०
 अनुबोधपटिबोधसिद्धि - ४१९
 अनुबोधपटिवेधो - ४२४
 अनुब्यञ्जनसम्पत्तिया - २४२
 अनुभवतीति - ४०२
 अनुमज्जनं - २७३
 अनुमानजाणं - ३५३
 अनुयोगोति - ३०९
 अनुराधपुरस्स - ३४

अनुरुद्धत्येरोपि - ६०
 अनुरूपधम्मप्पकासनवसेन - ४००
 अनुरूपफलुप्पादननियतेसु - २८५
 अनुरूपोति - २९६
 अनुविचरितन्ति - २७६, ३५१
 अनुसन्धि - १२४, १२५, ३९८, ३९९
 अनुसन्धिदस्सनं - ३५७
 अनुसन्धीति - १२५, २०१
 अनुसयप्पहानञ्च - ४३५
 अनुसया - ८८, ९०
 अनुसासनीपाटिहारियहि - १२९
 अनुस्सवो - १६६
 अनुस्सुतिको - ३५१
 अनूनं - ९६, २७७
 अनेकच्छरियपातुभावदस्सनेन - १२१
 अनेकजातिसंसारन्ति - ७६, ७७
 अनेकत्थपथवीकम्पनदस्सनमुखेन - ४१६
 अनेरुत्तपदन्ति - ४२५
 अन्तताअनन्ततातदुभयविनिमुत्तो - ३७५
 अन्तपूरोति - ३४३
 अन्तरतोति - १५८, १९४
 अन्तरधानन्ति - ४१५
 अन्तरधायतीति - ३८३
 अन्तरायिकधम्मे - १७५
 अन्तरायिका - १०४
 अन्तरायोति - १९३, १९९, ४२२, ४२६
 अन्तरिकायाति - १५८
 अन्तरितत्ताति - २९७
 अन्तलिक्खचराति - ३६४
 अन्त-सद्दो - १३०, १४३, १५६, ३४३, ३४४, ३६९,
 ४११
 अन्तानन्तवादाति - ३७३
 अन्तानन्ति - ३७५
 अन्तानन्तिकाति - ३७३
 अन्तानन्तोति - ३७४
 अन्तोति - १६१

अन्तोजटाबहिजटासङ्घातं - २०४
 अन्तोजालीकता - ४१०
 अन्तोजालं - ४१०
 अन्तोनिज्झायनलक्खणो - ३९४
 अन्तोनिज्झायनं - ३९४
 अन्तोपूतीति - ३९९
 अन्तोभाजनेति - ३१०
 अन्तोवत्थिमीति - ३६८
 अन्तोहृदयं - ११३
 अन्तं - ३७४
 अन्धतमसभावतो - ४२३
 अन्नदानजिह्वा - २४२
 अन्नमयो - ३६४
 अपकट्टकायचित्तो - ४७
 अपकस्स - ४६
 अपण्डितो - ४००
 अपदेसो - ३०३
 अपनयनसमत्थं - ३३१
 अपनयनं - ३२९, ३३२
 अपनेतव्वन्ति - ७१
 अपयिरुपासना - २४९
 अपरज्जूति - ३१३
 अपरन्तकप्पिकाति - ३९३
 अपरन्तकप्पिका - ३९६
 अपराजितपल्लङ्को - २७७
 अपराजितो - २७७
 अपरामसतोति - ३५७
 अपरिमितपुञ्जानुभावतो - २१०
 अपरियन्तविक्षेपन्ति - ३७७
 अपरिसुद्धं - २९३
 अपरिहानीया - ५
 अपायगमनीयो - ५६
 अपायभयपच्चवेक्खणा - २३७
 अपायादीनवपच्चवेक्खणा - २३७
 अपुब्बं - १८१, २९०
 अपोन्नोद्भविका - ३९१

अप्पगम्भोति - ४६
 अप्पच्चयोति - १९३, ४२१, ४३२
 अप्पटिपुग्गलो - २४५
 अप्पटिसन्धिकभावाति - ४११
 अप्पत्तञ्चाति - ६७
 अप्पनावचनद्वयस्स - ३९६
 अप्पमत्तकन्ति - २०१
 अप्पमाणसञ्जीति - ३८८
 अप्पमादविहारी - २४६
 अप्पमादो - २२८, ३४६
 अप्पाटिहीरप्पवेसनेन - १८१
 अप्पातङ्गन्ति - १२७
 अप्पाबाधन्ति - १२७
 अप्पायुकेति - ३६५
 अप्पिच्छताति - १५९
 अप्पितोति - ३९४
 अप्पेति - ३०१
 अफरुसा - ३००
 अबुद्धगुणविसेसजाणा - ४१८
 अब्भाचिक्खतीति - १०५
 अब्भुतधम्मसञ्जा - ११०
 अब्भुतधम्मं - ११७
 अब्भेय्यं - ३२६
 अब्भोविकरणं - ३१६
 अब्बाकतधम्मे - ३७६
 अब्बापन्नचित्तो - २२४, २४४
 अब्बापादादिचेतसिकधम्मा - ४३३
 अब्बापादेन - २४५
 अब्रह्मचरियं - २९२, २९३
 अभयगिरिवासिनो - ३७२
 अभयदानं - २३९, २४१, २४५
 अभिञ्जाता - ८४
 अभिञ्जाति - ३३५
 अभिञ्जापटिसम्भिदानम्पि - १०३
 अभिञ्जायोति - २८
 अभिधम्मटीकायं - ६७, ४१६

अभिधम्मट्ठकथाय - ९६१, ३७	अरहन्ति - १०४, १७४
अभिधम्मनयेन - ३७८	अरियजाणदस्सनं - १६२
अभिधम्मपिटके - ७५, ८९	अरियधम्मस्साति - १५६
अभिधम्मसद्देपि - ८५	अरियमग्गपञ्जाय - ९०, १७४
अभिधम्मनुटीकायं - २९४	अरियमग्गो - ३४९, ४३४
अभिनतभावो - ३९५	अरियसङ्घं - २०
अभिनन्दतीति - ४१३	अरियसच्चानीति - २७४
अभिनन्दन्तीति - ४१३, ४१४	अरियसीलेन - ४२७
अभिनिवेसन्ति - २७२	अरिया - १८, २०, २४, १६०
अभिनीहारचित्तुप्पत्ति - २५२	अरियानीति - २८
अभिभू - २७८	अरीनन्ति - १७४
अभिलापोति - ९४	अरोगो - ३८६, ३८९, ३९८, ४२८, ४३७
अभिवादनसीलस्सि - ४	अरोगोति - ३८६
अभिसङ्गारलक्खणा - २७३	अरूपज्झानेसु - ३७५
अभि-सद्दो - ८३, ८४, ८५	अरूपधम्मपुञ्जे - ३६२
अभिसम्परायोति - ३५५	अरूपधम्मो - ४०५
अभिसम्बुद्धोति - १७४, २७९	अरूपधातुया - ३८३
अभिसम्बोधितोति - २०५	अरूपविरागभावनापीति - ३८२
अभूतपुब्बं - १७३	अरूपविरागभावनासङ्घातो - ३८२
अभोजनेय्यन्ति - १३२	अरूपसमापत्तियो - ३८२
अमतनिब्बानन्ति - ७६	अरूपावचरज्झानानि - २८
अमतरसो - ६२	अलगद्धत्थिकोति - ९८
अमराविकखेपवादे - ३९८	अलगद्धसुत्ते - ९८, १०१
अमराविकखेपिका - ३७६	अलगद्धोति - ९७
अमरं - ३४५	अलग्गचित्तो - २४५
अमायावी - २२४, २६४	अलङ्कतदण्डकन्ति - ३२२
अमोघता - २०१	अलङ्करोतीति - १०२
अम्बट्ठो - ७४	अलङ्कनेय्यपत्तिट्ठा - ९३, ३३४
अम्बरुक्खो - ७४	अलङ्कनेय्यो - ९३
अम्बलट्ठिकाति - ७४, १७१	अलमरियजाणदस्सनो - १६२
अयोनिमनसिकारमूलका - ४२९	अलोभादोसयुगलसिद्धि - २५५
अयोनिमनसिकारो - ३५०, ४३०, ४३४	अलोभादोसामोहगुणयोगतो - २३८
अरहता - १७५, १७७	अवक्खलितन्ति - २७७
अरहत्तफलक्खणे - ६८, १६५	अवग्गाहोति - ३२९
अरहत्तफलं - ७६, ७७, १९१	अवण्णभूमियन्ति - १९७
अरहत्तसमापत्तिया - ६८	अवण्णेयेवाति - १९७

अवधारणफलं - १३३
 अवधारणविपल्लासो - १०३
 अवबोधोति - ९५
 अवसिद्धउपादानकखन्धानं - ४२५
 अवसिद्धगन्थनीवरणानं - ४२५
 अवसिद्धबलजाणेहि - १८२
 अवहसन्तमिवाति - ६५
 अविक्रवेपेनाति - २७०
 अविगततण्हं - ३८३
 अविच्छेदभावेन - ३४७
 अविज्जागतोति - ४००
 अविज्जातण्हा - ४३०
 अविज्जाति - ९५
 अविज्जापच्चया - ९५, २७३, ४०९
 अविज्जासमुदयोति - ३४१
 अवितक्कअविचारन्ति - १७८
 अवितक्कविचारमत्तं - १७८
 अवितथानि - २७५
 अविद्वाति - ४००
 अविनयोति - ५०
 अविपरीतनिब्बानगामिनिपटिपदाय - ७८
 अविलोमेन्तोति - २७
 अविसुद्धता - ३२९
 अविसंवादनलक्खणं - २२१
 अवीततण्हाय - ४०१
 अवीतरागो - १९९
 अवीतिककमो - ८९
 असङ्गतधातु - ३५, ३५७, ३९४
 असञ्जीति - ३८९
 असति - १६, १७५, १८५, २२८, २३४, २३५, २३९,
 २४९, २५७, २८४, ३३१, ३९९, ४०२, ४२८,
 ४३१
 असत्त्ववाची - ८४
 अ-सद्दो - २९१
 असद्धम्मस्सवनं - ४३४
 असद्धम्मो - १४४, २९२

असप्पुरिसभूमिन्ति - १४३
 असमा - १६५
 असमाहितभूमियं - २५२
 असम्मोहतोति - ९५
 असिधारन्ति - १६३
 असुद्धिमग्गे - ४०७
 असेक्खा - २१, ५६, ८९
 असेक्खो - ५२
 असंकिलिद्धचित्तस्स - २४१
 असंवरो - ८९
 अस्सत्यदुमराजा - २१०
 अस्सत्थो - २१०, २२१
 अस्ससिस्सामि - ६८
 अस्साददस्सनं - ४३०
 अस्सादानुपस्सना - ४३४
 अस्सादोति - ३५८
 अहिरिकानोत्तप्पदोसमोहविहिंसादयो - २८६
 अहेतुकवादो - ३९७

आ

आकारपरिवितक्को - १६६
 आकासानञ्चायतन-सद्दो - ३९३
 आकासानञ्चायतनभवन्ति - ३९३
 आकासोति - ६२, २७३
 आगदनन्ति - २७७
 आगमवरो - २४
 आगमो - २४, १७९, ३५३
 आघातविनयनरसा - २२१
 आचयगामिनोति - ३१३
 आचरियआनन्दत्थेरेन - ४०४
 आचरियधम्मपालत्थेरो - २६, ७५, १५९, १८०
 आचरियसारिपुत्तत्थेरो - १८०
 आचरियुपज्झायपलिबोधो - ६०
 आचारगोचरसम्पन्नो - २४७
 आचारसीलमत्तकन्ति - २९०

आचारोति - २९२
 आचिण्णवसितायाति - २०७
 आजीवपारिसुद्धियं - २४६
 आणण्यं - ४७, ४८
 आणत्तिकोति - २८५
 आणाचक्कं - ६५
 आणाधम्मसभावे - ८२
 आणाबाहुल्लतोति - ८८
 आणारहो - ८७
 आतापी - २०४
 आदानन्ति - २७२, २९०
 आदिकल्याणन्ति - ४१३
 आदिच्चपारिचरियाति - ३३०
 आदिच्चबन्धूति - २१२
 आदिट्ठजानन्तिआदिसितब्बस्स - ३२७
 आदितो - २३, २५, १२५, २४४, २७७, २८७, ३६५,
 ३६६
 आदिदेसनाय - ४२८, ४२९
 आधारोति - १५०
 आधावन्तीति - १६८
 आधिपतेय्यलक्खणं - २७४
 आनन्दत्थेरेन - ७७, ७८, ११३, ११८, १८८, २६९
 आनन्दत्थेरो - ५३, ६३, ७९
 आनन्दो - ५५, ६२, ६४, ७८, ७९, ११३, ११७,
 १३९, १४४, १४५, १९९, ४३२
 आनिसंसाति - २६५
 आनुभावसम्पत्तिया - २४६
 आनुभावो - ५१
 आभस्सरकाया - ३६६
 आभुजित्वाति - २१०
 आभोगो - ३९५
 आमन्तयामीति - ७८
 आमन्तेसीति - ७०
 आमिसदानं - २३९, २४१
 आमिसपटिग्गहणधम्मदानादिना - २५३
 आमिसं - ३१५

आयतनन्ति - ३८१
 आयतनलक्खणेन - ४२५
 आयस्मन्तोति - ३१२
 आयुवण्णसुखबलवद्हनतो - ४
 आयूहन्ति - ३४१
 आरक्खदुक्खमूलं - ४०६
 आरद्धविपस्सको - ४१०
 आरद्धवीरियो - १३१, २२४, २२५, २४७
 आरम्मणचिन्तनतो - ४२१
 आरम्मणन्ति - २८८
 आरम्मणवीथिजवनपटिपादका - ३४६
 आराचारी - २४४
 आरामो - १४७, २९९
 आरोपितवादो - १००
 आलयरता - २७२
 आलयो - २७२
 आलोकसञ्जायाति - २७०
 आलोपो - ३११
 आवज्जनपटिबद्धं - १७९
 आवज्जनपरिकम्मचित्तानि - २०७
 आवज्जनपरिकम्माधिद्धानानं - २०६
 आवज्जेसीति - ६७
 आवट्ठग्गाहोति - ३९९
 आवरणभूतं - ३४८
 आवाहनं - ३२९
 आविभावत्यन्ति - २९९
 आवुताति - २१४
 आवेळा - १६९
 आ-सद्धो - २७७
 आसनन्ति - २१०
 आसनारहं - ६६
 आसभिन्ति - २६८
 आसभं - २६८
 आसयन्ति - ८८
 आसयसुद्धिया - १४१, २३७
 आसयानुसयजाणेन - १७४

आसवक्खयजाणं - १७८, ३५६
 आसवेहि - ६८
 आसेवनं - ३०१
 आहतेति - ३२६
 आहरणकथा - ३०१
 आहारनिरोधाति - ४१०
 आहारन्ति - ३७०

इ

इक्खा - ५२
 इज्झन्तीति - १०३
 इणन्ति - ३३०
 इतिपीति - २००
 इतिवुत्तकं - ११६
 इतिवुत्तन्ति - ११६
 इतीति - ७९, १४१, १७०, २१३, २७८, ३३०, ३३१,
 ३४०, ३७८, ३९२
 इत्यत्तं - ३६६, ३६९
 इत्यभावन्ति - ३६८
 इत्थिफस्सो - १०३
 इत्थीति - ३०८
 इदप्पच्चयाति - ४०९
 इद्धिआदेसनानुसासनियो - १२९
 इद्धिमयोति - २८६
 इद्धिविधजाणं - २५०
 इधत्थोति - ४१२
 इन्दखीलो - २९७, ३४७
 इन्दजालन्ति - ३१७
 इन्दजालेनाति - ३१६
 इन्दधनु - १६९
 इन्द्रियखन्धा - ४३३
 इन्द्रियगोचरोति - ३९०
 इमस्सुप्पादा - ३५८
 इस्सरपकतिपजापतिपुरिसकालवादा - ३९८
 इस्सरवादा - ३६०

इस्सावसेनाति - १७२

ई

ईसिकाति - ३४७
 ईसो - ३६९

उ

उक्कण्ठिता - ३६६
 उक्कण्ठितं - १५६
 उक्का - १६९, ३२८
 उक्कोटनं - ३१०
 उक्कोटेय्याति - ५७
 उक्कपो - ६४
 उग्गहो - २१२
 उग्घटितञ्जू - २६२
 उच्चासयनमहासयनाति - ३०७
 उच्छादेन्ति - ३२१
 उच्छिज्जितब्बतावादो - १६२
 उच्छेददिट्ठियाति - ३९६
 उच्छेदवादो - ३९०, ३९२
 उच्छेदोति - ३८९, ३९०
 उजुगतचित्तो - २१
 उजुविपच्चनीकवादाति - १६६
 उट्ठानन्ति - ३३०
 उट्ठासि - २९९
 उण्णामयत्थरणन्ति - ३१९
 उण्हसमयो - १४६
 उत्तुसमुट्ठाना - ३६४
 उत्तमवीरियानुयोगं - २०८
 उत्तरच्छदो - ३२०
 उत्तराभिमुखन्ति - ६६
 उत्तरिमनुस्सधम्मोति - ४४
 उत्तानो - ८१
 उदककद्दमेति - ३१५

उदकपरियन्तन्ति - ७२, १२१
 उदकफुसितानीति - १८०
 उदपादीति - १७७
 उदयनन्ति - ३२८
 उदयब्बयसभावानं - ३६१
 उदानगाथन्ति - ७७
 उदानन्ति - ७७, ११३, ११४, ११५
 उदानवचनं - ११५
 उदासीनचित्तो - २२४
 उदासीनपुग्गलो - २२९
 उद्दलोमीति - ३१९
 उद्दानतोति - ३४४
 उद्देसो - ३१४
 उद्धच्चावहायाति - १९८
 उद्धमाघातनन्ति - ३८५
 उद्धमाघातनिकसञ्जीवादे - ३९१
 उद्धमाघातनिका - ३८५
 उद्धारो - ३३०
 उद्धुमातो - ३७२
 उद्धिरेचनन्ति - ३३१
 उपकट्टायाति - ६४
 उपकरणअङ्गजीविततण्हं - २५४
 उपकारवचनो - ५३
 उपक्कमो - २८४, २९०
 उपक्किलेसा - ३२९
 उपगतो - १७२, १८४, ४००
 उपचारकम्मकरणं - ३३१
 उपचारप्पनाभेदेन - ९०
 उपद्धानसाला - १७३, १८१
 उपट्ठासि - २७६
 उपट्ठसङ्घोति - ६०
 उपत्थम्भनरसं - २२१
 उपनिधापञ्जत्तिभावतो - २०४
 उपनिधाय - १३७, २०४, २०५, ४२२
 उपपत्तिवसेनाति - ३६७
 उपपत्तिविज्जाणं - ३८३

उपपरिखन्तीति - ९९
 उपयोगवचनन्ति - १५९
 उपयोगो - १५०
 उपरिमकायतो - २०६
 उपरिमन्ति - २०५
 उपवत्तनन्ति - ३४
 उप-सद्दो - ३९०
 उपसमाधिद्धानसमुदागतस्स - २५७, २५८
 उपसमाधिद्धानं - २५५, २५६, २५७
 उपसमो - २५६, २५७
 उपादानक्खन्धेसु - ४२०
 उपादानन्ति - ३७८, ४२८
 उपादापञ्जत्ति - १३७, ३४५
 उपादि - ३५
 उपादिन्नकफस्सो - १०३
 उपायकोसल्लं - २२६, २५१
 उपायासो - ३९४, ४०६, ४३२
 उपायेहीति - ३१०
 उपायोति - २५९
 उपारम्भो - ९९
 उपालि - ७१
 उपालित्थेरं - ७३
 उपेक्खकोति - २१९
 उपेक्खाति - २३९
 उपेक्खानिमित्तं - २१९
 उपेक्खापारमियोति - २५४
 उपेक्खापारमी - २२०, २३७, २५५
 उपेक्खावेदनाय - ३५९
 उपपत्तिनन्ति - ३२५
 उपपन्नचित्तानं - ११२
 उपपन्नपीतिसोमनस्सेन - ११४
 उपपलं - १६९, ३७२
 उपपादट्ठिति - ३४१
 उपपादलक्खणं - ३५८
 उपपादसञ्जा - ३८४
 उपपादोति - ३२५

उब्बिलभावकरणन्ति - ३९५
 उब्बिलयतीति - १९८
 उब्बिलापना - १९८
 उब्बिलावितं - १९८, ३९५
 उभतोविभङ्गो - ४०
 उभयसुद्धिया - २३७
 उम्मीलितपञ्चाचक्खुका - २३२
 उम्मुज्जननिमुज्जनट्ठानभूतेसु - ४११
 उम्मुज्जित्वाति - १६४
 उरुवेलकस्सपो - ३६
 उरुवेलगामे - २०८
 उरुवेलायं - २०८
 उस्सन्नधातुकन्ति - ६२
 उस्सादोति - ३९९
 उस्साहलक्खणं - २२१
 उळारपुञ्जकम्मं - ३६५

ए

एकग्गचित्तो - २२५
 एकचरिया - २६६
 एकच्चसस्सतवादाति - ३६०
 एकच्चसस्सत्तिकाति - ३६०, ३६१
 एकज्झन्ति - ३९६
 एकतुलायाति - २७७
 एकत्तसञ्जीति - ३८७
 एकनाळिका - १२४
 एकनाळियाति - २७७
 एकन्तफरुसचेतनाति - २९९
 एकन्तभेदनविकिरणविद्धंसनधम्मेषु - २२९
 एकन्तलोमीति - ३१९
 एकन्तसुखीति - ३८८
 एकपुग्गलोति - १६५
 एकभत्तिकोति - ३०५
 एकमुद्दिकायाति - २७७
 एकरसो - २७४

एकसालकोति - १४७
 एकानुसन्धिकन्ति - ११८
 एकायाति - १६६
 एकीभावो - २६१
 एकेति - ७०, ३१२, ३१६, ३४३, ३९२
 एकंसन्ति - ६८, ६९
 एत्तावं - ९६
 एवंअभिसम्परायन्ति - ४०१
 एवंगत्तिकाति - ३४९, ३५५
 एवंजातिकेति - १५३
 एवंभूतस्साति - २७८
 एसिकट्ठायी - ३४७

ओ

ओजा - २०९
 ओत्तप्पधम्मं - २४४
 ओपपात्तिकाति - ३९८
 ओरतो - २०२, २८७
 ओरतोति - २८७
 ओरन्ति - २०२
 ओरमत्तकन्ति - २०२
 ओरसा - १८
 ओलुज्जतीति - ५४
 ओळारिकन्ति - ३९५
 ओळारिकेति - २७२

क

ककचदन्त - १६३
 ककचूपमसुत्ते - ८६
 ककचूपमाति - ४००
 कक्खळत्तं - २७३
 कङ्कावितरणविसुद्धि - २५०
 कङ्गु - ३०८
 कच्छकोति - ३१३

कच्छपलकखणन्ति - ३२७
 कच्छूति - ३१४
 कट्टिस्सं - ३१९, ३२०
 कणादवादो - ३९८
 कण्डम्बरुक्खमूलेति - २०५
 कण्डूति - ३१४
 कण्णजप्पनन्ति - ३३०
 कण्णबन्धनत्थन्ति - ३३१
 कण्णसूलन्ति - ३०१
 कण्णिका - १७०, १७३, ३२२
 कतकम्मेहीति - १६१
 कतञ्जुता - १४
 कतञ्जू - २२४
 कतपाटिहारियेहि - २०५
 कतपुञ्जो - ६८, १४१
 कतबुद्धकिच्चेति - ३४
 कत्तरदण्डो - १७०, २८८
 कत-सद्दो - ३७८
 कत्ताति - २९९
 कत्तुकामो - ५, ६, २८, ७३, ३६०
 कत्तुवोहारसिद्धितो - २८५
 कथनन्ति - ९५, ३३३
 कथाति - ८६, ८७, १५९, १६८, ३०१, ३१४
 कथादोसोति - ६८
 कथाधम्मोति - १७३
 कथावत्थुप्पकरणन्ति - २००
 कथेतुकम्पतापुच्छातिपि - २८२
 कदलीमिगोति - ३२०
 कन्ताति - ३०१
 कन्दरो - २१२
 कपित्थनोति - ३१३
 कपिथनो - ३१३
 कपीति - ३१३
 कप्पकतेनाति - ३४४
 कप्पेत्वाति - ३४४
 कप्पोति - ३४४

कप्पं - ३६६
 कब्बं - ३२९
 कमलं - १६४, १६९
 कम्बोजोति - ४०३
 कम्मकिरियदस्सना - २६४
 कम्मक्खयजाणेन - २८६
 कम्मजतेजो - ३७२
 कम्मद्वानन्ति - ३५७
 कम्मदायादा - ४२६
 कम्मद्वयं - ७१
 कम्मपच्चयउतुसमुद्धानातिपि - ३६४
 कम्मपच्चया - ३६४
 कम्मपटिसरणा - ४२६
 कम्मबन्धू - ४२६
 कम्मभवो - ४०७, ४०८
 कम्मयोनी - ४२६
 कम्मवाचा - ५९
 कम्मविपाको - १०६
 कम्मसमुद्धानानम्पि - ४१०
 कम्मस्सकताजाणे - ३६८
 कम्मस्सकाति - १६४
 कयो - ३०९
 करजकायोति - ३७१
 करजोति - ३७१
 करणसीलाति - १०४
 करणं - २३, ६२, १०७, १३५, १४८, १५०, १५३,
 १८६, १९८, २९५, ३११, ३२४, ३३०, ३३१,
 ३६४
 करुणा - ६, ७, ८, १४, १५, २१८, २२७, २३६
 करुणाकिच्चपरहितपटिपत्तिधम्मिकथासमयो - १४९
 करुणाखेत्ते - २५८
 करुणाधिद्वानतोपि - २३६
 करुणाभावना - २२७
 करुणाविहारोति - १५३
 करुणासीतलहदयन्ति - १३
 कलापोसमूहोति - ६४

कल्याणधम्मोति - २३१
 कल्याणमित्तलखणं - २२५
 कल्याणमित्तोति - २२८
 कसिगोरक्खादिकम्मं - ३६९
 कसिणनिमित्तं - ३७४
 कस्सपसंयुते - ४१, ४४, ५३
 कस्सपोति - ३६
 क-सद्दो - ३७५
 कहापणो - ३०७
 काकच्छमानाति - १७२
 काजदण्डकेति - १७०
 काम-तण्हादीहि - ४०६
 कामगुणपरिभोगरसं - १०४
 कामगुणाति - ३९४
 कामच्छन्दादिनीवरणप्पहानेन - २७०
 कामन्धा - ४२७
 कामरागादयो - ८८, ९०
 कामसुखल्लिकानुयोगो - ३४३
 कामावचरकिरियसञ्जाति - २७१
 कामावचरकुसलसञ्जा - २७१
 कामावचरदेवा - ३७२
 कामावचरपटिसन्धि विपाका - ९२
 कामावचरोति - ३९२
 कामुपादाने - ३५९
 कामोधादयो - २१३
 कायचित्तं - १९८
 कायतिकिच्छतन्ति - ३३२
 कायन्ति - १५६
 कायपटिपीळनं - ३९४
 कायपयोगो - २९५
 कायबलं - ४२, १२७
 कायवचीचित्तानं - २८०
 कायवचीपयोगो - २९५, २९९
 कायवचीविज्जसियो - २९५
 कायसक्खिं - ४७
 कायानुपस्सीति - ३८६

कायिकदुक्खं - ३७७
 कायिकवाचसिककीळासुखं - ३७०
 कायिकाति - २८७
 कायूपगानि - १८०
 कारणभूतवेदनावसेन - ४०८
 कारेता - २५०, ३६४
 कारुणिकोति - ५२
 कालत्थो - १५०
 कालभेदन्ति - ३५०
 काल-भेदेन - ४०६
 कालवादीति - ३०२
 कालसम्पदा - १५७
 कालमसुत्ते - ८६
 कावेय्यन्ति - ३२९
 काळपक्खस्साति - ६८
 किच्चसिद्धि - ३१८
 किरियधम्मं - २१८
 किरियवादीनं - २४९
 किलन्तकाया - ३७२, ३७३
 किलन्तचित्ता - ३७२, ३७३
 किलेसक्खयो - २७४
 किलेसवूपसमो - २७४
 किलेसानन्ति - ८९, ९०, ३५७
 किलेसारीनं - १७४, १७५
 कुकतं - १७२
 कुक्कुच्चं - १७२, २४७
 कुच्छितकिरिया - १७२
 कुटिलयोगोति - ३१०
 कुटुम्बिको - ३१५
 कुट्टस्स - १७४
 कुट्टिमो - ६६
 कुण्डकोति - ३२६
 कुण्डिका - १७०
 कुत्तकन्ति - ३२०
 कुदालपिटकमादायाति - ८६
 कुदालं - ८६

कुद्रूसको - ३०८
 कुमारभतो - ३३२
 कुम्भो - ३१६
 कुरुमानाति - ६४
 कुलपुत्तोति - ३२६
 कुलवंसप्पतिट्ठापकन्ति - ४८
 कुलूपघातं - ५४
 कुसलकम्मपथा - ४४
 कुसलकिरियासु - २५३
 कुसलचित्तविभजनत्थं - ११९
 कुसलचित्तुप्पत्ति - २४८
 कुसल-धम्मभावे - २५५
 कुसलधम्मनं - ३१, २५६, ४१९
 कुसलन्ति - ३७७, ३७८
 कुसलमूलानि - १०५, ४३७
 कुसलविपाककिरियाधम्मवसेन - ८१
 कुसावहारो - २९१
 कुसिनारन्ति - ३४
 कुसोब्भो - २१२
 कुहनाति - ७३
 कूटागारसाला - १७३
 केदारोति - ३०८
 केवड्डो - ४११
 केवलपरिपुण्णं - ७८
 केसरं - १७०
 केलिनो - ३७०
 कोजवो - ३१९
 कोण्डञ्जोति - ११५
 कोधनिमित्तं - २३५
 कोपाति - १५८
 कोमारभच्चं - ३३२
 कोलम्बो - २१२

ख

खण्डितिया - ३६५

खणेति - १४६
 खण्डन्ति - ६४
 खन्तिपारमी - २२०
 खन्तिसम्पत्तिया - २३३, २३४
 खन्धकन्ति - ७२
 खन्धकुसलो - २१२
 खन्धपरिनिब्बानं - १५६
 खमनलक्खणा - २२१
 खयधम्मता - २६०
 खयोति - २७४
 खरोदकन्ति - १६४
 खादितेति - ३२१
 खारज्जनन्ति - ३३१
 खिड्डा - ३७०
 खिड्डापदोसिकाति - ३६९, ३७२
 खिपतीति - ३३०
 खीणासवभावतो - ६७
 खीणासवभूमि - २७६
 खीणासवाति - ५१
 खीणासवोति - १०१
 खुद्दकगमनन्ति - ३०९
 खुद्दकनिकायोति - ११२
 खुद्दकपाठद्वकथायं - ३०६
 खेतं - ३०८, ३०९
 खेपोति - ३७६

ग

गङ्गाय - ३९९
 गण्हं - ५२
 गतियो - १२, २१३, २२५, ३५५
 गतिविमुत्तो - १२
 गतोति - ६०, ६७, ६९, ११२, १४७, १८४, २०३, २७०, २७९
 गतं - ११, १७, ७४, ७६, १४१, २७८, ३१३, ३२७
 गत्तानीति - १८२

गथिताति - २१३
 गन्धगरुकभावं - २८
 गन्धधरो - ४१०
 गन्थिता - १६४, २१३
 गन्धकुटी - १८२
 गन्धजाता - २०४
 गन्धमालादिहत्या - ६१
 गन्धोति - २०४, ३२१
 गमनवीथिपच्चवेक्खणा - २३७
 गम्भीरधम्मविभावने - ४१८
 गम्भीरभावो - ८७, ९०, ९३
 गम्भीराति - ९२, ३३८, ४३०
 गम्भीरो - ८१, ९३, ३३८, ४२७
 गरहणं - १२६
 गरु - १०, १५४, २२५, २३०, २६४
 गरुकम्पं - १८५
 गरुकुलन्ति - ३६
 गरुति - १०, १५४
 गहितधम्मानं - ४२९
 गहितमन्तस्साति - ३३१
 गाथाभिगीतन्ति - १३२
 गामधम्मातिपि - २९२
 गामवासीनन्ति - २९२
 गामोति - १७१, ३०३, ३०४
 गारवयुत्तोति - १५४
 गिद्धाति - २१३
 गिरि - १६८
 गीतन्ति - ३०६, ३२९
 गीवायामकन्ति - ३१५
 गुणधम्महीति - ३३५
 गुणूपसज्जितन्ति - १६५
 गुळकीळाति - ३१८
 गूळ्हो - ८१
 गोचरभावं - ३८२
 गोचरो - ५७, १४७
 गोतमोति - २८७

गोत्तजातको - २१२
 गोत्तबन्धु - २१२
 गोत्तसम्बन्धताय - २१२
 गोत्रभूति - ३९४
 गोधूमो - ३०८
 गोपकमोगल्लानसुत्ते - ५२, ११८

घ

घटिकाति - ३१८
 घटेति - २१२, ३४१
 घनताळं - ३१६
 घनपथवियं - १६८
 घनपुप्फकोति - ३१९
 घनसज्जा - २७२
 घनीभूता - १६८
 घरगोलिकायाति - ३२५
 घरावासकिच्चानि - ५८
 घरुघरुपस्सासिनोति - १७२
 घातेतीति - २९०
 घानजिह्वाकायिन्द्रियानं - ३९२

च

चक्कवत्तिनो - ४०८
 चक्कवाळमहासमुदो - २१२
 चक्खुदानं - २४२
 चक्खुपसादरूपारम्पणचक्खुविज्जाणादीनं - ४०४
 चक्खुसम्पस्सजा - २७३, ४०५
 चक्खुसोतिन्द्रियानं - ३९२
 चङ्कमेनाति - ६८
 चण्डालं - ३१६
 चतुत्थज्झानमग्गेहि - १२९
 चतुत्थज्झानं - १२९, ३८१
 चतुत्थदेसना - ४२२
 चतुत्थपुगलभावं - १४

चतुत्थो - २२३, २६०, ३६१, ४३८
 चतुत्तिससुत्तसङ्गहो - ३१, ३२
 चतुन्नमरियसच्चानं - ४१९
 चतुपटिसम्भिदाजाणं - १४
 चतुपुरिसो - ३१७
 चतुयोनिपरिच्छेदकजाणं - ३३६
 चतुरङ्गयोगो - २५९
 चतुरङ्गवीरियं - २११
 चतुराधिद्वानपरिपूरणन्ति - २५७
 चतुराधिद्वानं - २५७, २५८
 चतुरस्सा - १२४
 चतुरासीतिधम्मखन्धसहस्सेसु - ११८
 चतुवेसारज्जजाणं - १४
 चतुसङ्खेपं - ३४२
 चतुसच्चकम्मद्वानं - ३५७, ३६०
 चतुसच्चजाणं - १४
 चतुसच्चपटिवेधभावतो - ४२३
 चत्तालीससंवट्टविवट्टकप्पा - ३५०
 चन्दिमाति - २८५
 चन्दूपमाति - ४६
 चरणधम्मा - २३७
 चलितेति - ३२१
 च-सद्दो - १६, २७, ३२, ४७, ९०, १००, १३८, १८५,
 २७६, २९७, ३३७
 चागवीरियसतिसमाधिपञ्जासम्पन्नो - २२५
 चागसुतयुगलसिद्धि - २५५
 चागाधिद्वानपरिपूरणं - २५८
 चाटि - २१२
 चातुमहाराजिकाति - ३७२
 चातुयामसंवरो - ३९८
 चामरवालबीजनी - ३२२
 चामरी - २६९
 चामरो - ३२२
 चारित्तसीले - २४६
 चिक्खल्लिका - १०७
 चिण्णवसितायाति - ३६८

चितकायाति - ५८
 चित्तचेतसिककलापस्स - २८५
 चित्तचेतसिकानं - २७३
 चित्तन्ति - ४६, १०७, ३६१, ४०४
 चित्तपटिबद्धता - १९८
 चित्तविकारे - २३६
 चित्तविसुद्धीति - २५०
 चित्तवूपसमनतो - २५६
 चित्तसण्हतायाति - ३००
 चित्ताभिसङ्खारे - २५९
 चित्तुत्रासो - ३६६
 चित्तुप्पादोति - २८२
 चित्तुप्पादं - ९५, ४०३, ४०४
 चिन्तामयपञ्जं - ३५३
 चिन्तामया - २५०
 चिन्तेति - ८०
 चिरद्वायिकम्पं - ५७
 चिरद्वितिकं - ४१, ३३०
 चीनदेसे - १६९
 चीनपिट्ठं - १६९
 चीवरन्ति - ६९
 चुण्णेन्तीति - ३२२
 चुत्तिचित्तं - ३९१
 चुत्तिन्ति - ३९०
 चुत्तूपपातदिब्बचक्खुजाणेहि - १७७
 चुद्दसहत्थोति - २११
 चूळकम्मविभङ्ग - ६३
 चूळनिद्देसोति - १११
 चेतकत्थेरेनाति - ६४
 चेतकोति - ६४
 चेतनाति - २९५, २९८
 चेतनाफरुसताय - ३००
 चेतनालक्खणन्ति - २७३
 चेतनासम्पयुत्तधम्मानं - ३०६
 चेतसाति - ४००
 चेतसिकदुक्खं - ४३१

चेतसिकसुखं - १९८
 चेतोपरियजाणं - २५०
 चेतोविमुक्ति - ४३६
 चेतोसमाधि - ३४६
 चोदिता - १६१
 चोरकम्मं - २९०

छ

छकामावचरदेवपरियापन्नोति - ३९२
 छड्डितपतितउक्लापाति - ६४
 छन्दमूलका - २७४, ४२८
 छन्दरागप्पहानन्ति - ३५९
 छन्दागमनं - ५६
 छन्दो - ३७७, ३७८
 छब्बण्णरस्मियोति - १८०
 छब्धिधम्मसन्दस्सनलक्खणो - ४२०
 छम्भितत्तन्ति - ३६७
 छविदोसोति - ३१४
 छविरागकरणन्ति - ३०६
 छलभिञ्जाचतुपटिसम्भिदानं - १०३
 छायूदकसम्पन्नन्ति - १७१
 छिन्दन्तोति - ३१०
 छेज्जगामिनीति - ३३९

ज

जनकट्ठेन - ३५४
 जनाति - १७२, ३४२
 जनोति - २१३, २१४
 जम्बुदीपवासीनमेव - २७
 जरुदपानन्ति - ४७
 जागरियानुयोगो - २३७, २४१
 जाणुसोणिसुत्ते - २९३
 जातकबुद्धवंसादीसु - २६४
 जातरूपपरजतं - ८४

जातरूपं - ३०७
 जातिक्खेत्तं - ४११
 जातिधम्मनं - ३३३
 जातिपच्चया - २७५, ३६७
 जातिस्सरो - ३५१
 जातीति - ४०७
 जानता - १७४, १७५, १७७, १८८, २७५
 जाननपस्सनं - ४०१
 जानातीति - ५४, ६३, १४७, २७६, २९६, ४००,
 ४१०
 जालं - ७३, २४३
 जिनचक्के - १०४
 जिनोति - २६१
 जियावेगुक्खित्तोति - ३८३
 जिक्काग्गे - ५२
 जीवकम्बवनेति - ७४
 जीवन्तीति - ३७२
 जीवसञ्जिनो - ३०४
 जीविकत्थायाति - ३२९, ३३०
 जीवितमदो - १५७
 जीवितिन्द्रियन्ति - २८३
 जुतिन्धरो - २८०
 जूतखलिकेति - ३१७
 जूतप्पमादद्धानभावो - ३१८
 जेड्डनक्खत्तं - ५९
 जेड्डमूलसुक्कपक्खपञ्चमी - ६०
 जेतवनविहारं - ६३
 जोतिवनेति - ४१६

झ

ज्ञान-सद्देन - ३६३
 ज्ञानानुभावतो - ३६४
 ज्ञानानुभावसम्पन्नो - ३४६
 ज्ञानानुयोगो - २५३
 झे-सद्दे - ९९

ज

जाणदस्सनविसुद्धीति - २५०

जाणबलं - ४१२

जाणसच्चं - २१९

जाणसम्पदाय - ४३५

जाणं - १६, २७, ६७, ७६, ८८, ८९, ९३, ९४, ९५,
११७, १७५, १७६, १७९, २११, २२०, ३२७,
३३४, ३३६, ३३७, ३३८, ३३९, ३४१, ३५०,
३७६, ३९७, ४२८, ४३०, ४३१, ४३२

आतपरिज्जायं - २७०

आयपटिपत्तियं - २३०

अेय्यधम्मं - ४१७

ट

टीकायं - २८७, ३४९, ३६७, ३६८, ३९५, ४०९

ठ

ठानन्ति - ३०६, ३०७, ३१७, ३२४

ठानाठानकुसलताय - २२३

ठानानीति - ३३८

ठायी - ३४७, ३६४

ठिताति - २५२, ३४४

ठिति - २८, ४१, ३४१

त

तक्कपरियाहत्तं - १६२, ३५१

तक्की - ३५१, ३५४

तक्कीवादी - ३७३, ३७५

तज्जितोति - १९९, २००

तण्हागतानन्ति - ४०१, ४२०

तण्हाजटाय - १७०

तण्हाति - ४२०

तण्हादिट्ठिपरिफन्दितं - ४०२

तण्हापरितस्सितेन - ४०२

तण्हामूलका - ४२९

तण्हासिद्धि - ४१९

ततियपाराजिकादीसु - १५२

ततियविज्जासिद्धि - १०२

ततुत्तरि - २७४

तथआणतो - २८१

तथधम्मा - २७४

तथलक्खणं - २१४, २७४

तथागत-सद्दोति - २७९

तथागतप्पवेदितं - ३, १३०, १४३

तथागतो - १४४, १५४, १८४, २६७, २७६, २७७,
२७८, २७९, २८०, २८१, ३४२, ३५६, ३७९,
३९८, ३९९, ४२८, ४३४, ४३७

तथागतोति - २१४, २१५, २७६, २७८, २७९, २८०,
३६०

तथाजातिकन्ति - ३४६

तथानि - २७५, २८१

तदङ्गप्पहानन्ति - ९०

तदादायको - २९०

तद्धितपदं - ३६०

तन्ति - ८, २६, ३९, ६२, ७५, ७९, ८०, ९१, ९२,
९४, १००, १३४, १३७, १६४, १६९, १७१,
१९४, १९९, २५५, ३०९, ३२४, ३२९, ३३३,
३७६, ४१०, ४१२

तन्तिदेसना - ९२

तन्तिनयानुच्छविका - २६

तन्तिं - ७९, १०२

तपनीयधम्मानुयोगतोति - २३४

तम्बपणिदीपवासीनम्पि - २७

तरुणसूरियपभासम्फस्सेन - ६९

तरुणोति - १६१

तादिलक्खणन्ति - १९७, १९८

तादिसइद्धियोगेन - २९१

तादीति - १९७, १९८
 तारा - १६९
 तासतस्सना - ३६६
 तिकचतुक्कज्झानभूमियन्ति - ३८८
 तिकोटिपरिसुद्धं - ३०८
 तिक्विन्द्रियो - २२५
 तितिक्खसिद्धितो - २१९
 तित्थायतनं - ३८१
 तित्थियवादिनिम्महनुपायत्ता - ४१३
 तिदण्डो - १७०
 तिपिटकं - ५१
 तिम्बरूसकरुक्खपन्तिया - १४७
 तियद्धं - ३४२
 तिरच्छानभूताति - १८६, ३२२
 तिरो - १७४
 तिरोकरणभूता - १८६, ३२२
 तिरोकुट्टं - २९३
 तिवग्गसङ्गहानि - १०६
 तिवग्गोति - १०७
 तिवट्ठं - ३४२
 तिविधपञ्चापरिग्गहो - ४१९
 तिसन्धि - २१०, ३४२
 तिसन्धिपल्लङ्को - २१०
 तीरणपरिज्जायाति - २७९
 तुट्ठचित्तो - ६८
 तुण्हीभावोति - १४९
 तुलायाति - १७८
 तुलोति - २७८
 तुवट्ठकसुत्तं - ११२
 तेभूमकधम्मानं - २७२
 तेलं - ३६, ३२६
 तेविज्जा - ५१
 तेविज्जादिभेदा - ५१
 तंसमङ्गिनो - १४७, १९८
 तंसमङ्गीपुग्गलो - १९८

थ

थम्भपन्ति - १७३
 थामोति - ३३९
 थावरकम्मन्ति - ५७
 थावरन्ति - ३३०
 थावरोति - २८५
 थावरं - ३४९
 थेतो - २४५, २९७
 थेय्यचित्तेन - ८४
 थेय्यचेतना - ८४, २९०
 थेय्यावहारो - २९१
 थेय्यं - २९०, ३११
 थेरानं - ६०, ६९, ७२, १७०
 थेरिकाति - १२२
 थेरोति - ७१

द

दक्खिणुत्तरेनाति - २०९
 दक्खिणुत्तरो - २०९
 दट्ठब्बसारमण्डो - ६६
 दन्तकट्टं - २८८
 दन्तखचितन्ति - ६६
 दयापन्नचित्तेन - २४४
 दया-सद्दो - २८९
 दसजाणबलधरस्स - १४४
 दसपदं - ३१७
 दसबलजाणन्ति - १७८, ३३६
 दसबलधरो - १५६
 दससहसिलोकधातुपकम्पनं - १६७
 दससंवट्ठविवट्ठकम्पा - ३५०
 दसोति - ३६७
 दस्सनपहातब्बा - २७२
 दळ्ळग्गहणन्ति - ३७८

दळ्हीकम्मं - २९९
 दानउपपारमी - २५४
 दानपरमत्थपारमी - २५४
 दानपारमी - २२०, २२८, २५४
 दानसीलखन्तिवीरियज्ञानपञ्जासभावेन - २५५
 दिट्ठधम्मनिब्बानवादाति - ३९६
 दिट्ठधम्मनिब्बानं - ३९४, ४२८
 दिट्ठधम्मसुखविहारसमयो - १४९
 दिट्ठधम्मिको - ८१
 दिट्ठधम्मो - ३९३
 दिट्ठिगतन्ति - ३५४
 दिट्ठिगतिकाधिष्ठानन्ति - ४०९
 दिट्ठिजालन्ति - ४१२
 दिट्ठिष्ठानाति - ३५४
 दिट्ठितण्हासल्लानुविद्धताय - ४०१
 दिट्ठिमानतण्हावसेन - ८९
 दिट्ठिविनिवेठनाति - ८९
 दिट्ठिविप्फन्दितमेव - ४०२
 दिट्ठिविसुद्धि - २५०, २७४
 दिट्ठिवेदयिते - ४०२
 दिट्ठिसम्पन्नो - १६०
 दिट्ठिसीलसामञ्जसङ्घातो - १६०
 दिट्ठिसीलदीनं - १६०
 दिट्ठिसंकिलेसप्पहानं - ४३५
 दिट्ठेकट्ठेति - २७२
 दिप्पतीति - ४९
 दिब्बचक्खुजाणलाभी - ३९०
 दिब्बचक्खुन्ति - २११
 दिब्बब्रह्मअरियविहारे - १५५
 दिब्बसोतधातुजाणं - २५०
 दियङ्गं - १०८
 दिवाविहारं - १७१
 दिसाकालुसियन्ति - ३२८
 दिसादाहो - ३२८
 दीघनिकायट्ठकथायन्ति - ३२०
 दीघनिकायोति - १०७

दीघमग्गन्ति - १५९
 दीघसुत्तङ्कितस्सातिआदीसु - ११०
 दीपको - ९१
 दीपो - २५
 दुक्खक्खयाय - १६०
 दुक्खन्ति - ९८
 दुक्खसहगतकायविज्ञाणस्स - ३९४
 दुक्खोगाहो - ९३
 दुग्गहिताति - ९७, १००
 दुच्चरितसंकिलेसप्पहानं - ४१८
 दुच्चरितं - ९०
 दुतियज्ज्ञानभूमिया - ३६५
 दुतियसंवच्छरे - २०५
 दुहसाति - ३३३, ३३४
 दुप्पञ्जेहि - ९६
 दुमराजा - २१०
 दुरक्खातोति - १६३
 दुरनुबोधाति - ३३४
 दुविधोति - ३११
 दुस्सील्यचेतना - २८६
 दूतेय्यं - ३०९, ३२४
 दूरचारीति - २९२
 देन्तीति - ३२१
 देय्यधम्मं - २३९, २४०
 देवद्वानन्ति - ३३१
 देवस्साति - ३२९
 देवोति - ४९
 देसना - १८, २९, ४०, ७७, ८६, ८७, ९१, ९२, ९४,
 १२९, १३१, १६१, १८४, १८७, १८९, १९१,
 २०२, २८७, २८८, ३३३, ३३९, ३५२, ३५४,
 ३५९, ३८१, ३९१, ३९२, ३९८, ४००, ४०१,
 ४०२, ४०५, ४१०, ४२६
 देसनाजालविमुत्तो - ४१०
 देसनाधिष्ठानं - ४१८
 देसनासीसन्ति - ३८१
 देहधारणा - ६२

दोमनस्सचित्तुप्पादोव - ३६६
 दोमनस्ससमुद्धितत्ता - २९८
 दोसनीहरणन्ति - ३३१
 दोसानन्ति - ३३१
 दोसेति - ३२१
 दोहनकिरियाय - १५१
 द्रवभावो - २७३
 द्वादसपापधम्मविग्घातेन - ३७०
 द्वादसायतनानि - ४१, २५०
 द्वेळ्ळकजातो - २८२

ध

धतरद्दो - १७०
 धम्मकथिको - १०३
 धम्मकथं - ६३, २२४, २२५, २४३
 धम्मकामो - २२४
 धम्मकायन्ति - १५६
 धम्मकोसो - १३९
 धम्मक्खन्धाति - ५२
 धम्मचक्कन्ति - ६५
 धम्मचिन्तन्ति - १०५
 धम्मजालन्ति - ४१२
 धम्मट्ठित्तिआणन्ति - ३४१
 धम्मतण्हाति - ४०६
 धम्मतेजेन - ४१५
 धम्मदेसना - १८, १२९, १६२
 धम्मधातूति - २७८
 धम्मनियामो - ३७३
 धम्मनिरुत्तिं - ९४
 धम्मन्ति - ९९, १६२, १९४, ४१६
 धम्मभण्डागारिकस्स - ११५
 धम्मभण्डागारिको - १३९
 धम्मभाणकगीतं - ३०६
 धम्मरक्खितो - ३४९
 धम्मरतनानुपालको - ९७

धम्मराजाति - ३५२
 धम्मवादीति - ३०२
 धम्मविनयसङ्गायनाति - ४७
 धम्मविनयसङ्गीतिया - ६९, ७०
 धम्मवेदं - ४, २२
 धम्मसङ्गणीपकरणे - ४०३
 धम्मसद्दो - ७६, ९४
 धम्मसद्दो - ३३३
 धम्मसरीरं - १५६
 धम्मसेनापतिसारिपुत्तत्थेरेन - १११
 धम्मसंवेगं - ६७
 धम्मस्सवनं - २४३
 धम्मस्साभावतो - २७४
 धम्मनुभावसिद्धता - २८८
 धम्माभिलापोति - ९४
 धम्मायतनधम्मधातुपरियापन्नवेदनाग्गहणेन - ४२५
 धम्मासनन्ति - ६६
 धम्मिकं - २४७
 धम्मी - ६१, १४९
 धम्मूपसंहितम्पि - ३०५
 धम्मो - ५, ६, १७, ३८, ४०, ५०, ७३, ७६, ८४, ९१, ९२, ९३, ९४, ९९, ११७, १२०, १३२, १३४, १३५, १५६, १९५, २१७, २३१, २७४, २९२, ३०५, ३०६, ३३३, ३४५, ३६१, ३७८, ३९३, ४०२, ४२७
 धम्मोजपञ्चाय - २२४
 धाताति - १४३
 धातुलक्खणेन - ४२५
 धातुसोति - १७७
 धारणबलन्ति - १३१
 धारणं - २१२, ३०६
 धारानुप्पवेच्छनं - ३२९
 धित्तिमन्तो - १३०
 धीरो - २७, १४७
 धुतङ्गधम्मा - २३७
 धुतधम्माति - २८

धुननन्ति - ३१६
 धुवन्ति - ३४५
 धुवसञ्जन्ति - २७२
 धूमकेतूति - ३२८

न

नक्खत्तन्ति - ३७०
 नक्खत्तयोगछणकाले - ३१६
 नक्खत्तयोगेन - ३७०
 नच्चयोग्गन्ति - ३२०
 नठितकथो - २९७
 नत्थिकवादो - ३९७
 नत्थु - ३३१
 नदीविदुग्गन्ति - ४७
 नन्दन्ति - २७२
 नयनविहङ्गनन्ति - ६५
 नयन्तीति - ४११
 नयोति - १५४, ३५०
 नरकपपातन्ति - १६४
 नवङ्ग - ५०, १०९, १६६
 नागसेनत्थेरेन - १८१
 नाटपुत्तवादोपि - ३९८
 नानत्तसञ्जाति - २७१
 नानत्तसञ्जीति - ३८७
 नानाओघेहि - २१३
 नानाधिमुत्तिकताजाणन्ति - १७८
 नानानया - १२८
 नानापथमण्डलन्ति - ३१७
 नामन्ति - १९२, १९६, २०१, ३७९, ३९४
 नामरूपनिरोधा - ४१०
 नामरूपपरिच्छेदो - ८९
 नामरूपसमुदया - ४१०
 नाम-सदो - १५६, ३२२, ३७७, ४१२
 नालकत्थेरो - ११३
 नालकसुत्तन्ति - ११३

नालियाति - १७८
 निकायसदो - १०७
 निक्खमनचित्तुप्पादो - २२०
 निक्खमनलक्खणं - २२०
 निक्खित्तदण्डो - २८८
 निखणित्वाति - ३१६
 निगण्ठादयो - ३८६
 निगुम्बन्ति - ३४२
 निग्रोधमूले - २०८
 निग्रोधारामे - २०५
 निच्चनवकाति - ४६
 निच्चसञ्जन्ति - २७२
 निच्चोति - ३८६
 निच्चं - ४, १३, ४६, ५०, १७३, ३४५
 निच्छन्दरागेषु - २९२
 निज्जटन्ति - ३४२
 निज्झानं - ९९, २३५, २५०
 निज्झामतण्हा - २६३
 निदानं - ३२, ३३, ९८, १२२, १२५, १८६, १८८,
 ३४१, ४२६
 निद्दासीलता - २४९
 निद्धारणलक्खणो - ४२५
 निधानं - ३०२
 निधेति - ३०२
 निन्नपोणपब्भारचित्तेन - २४९
 निपातोति - ३४६, ३५३
 निपुणस्स - २४
 निपुणाति - ३३४, ३७८
 निप्परियायो - ३१४
 निप्पेसिका - ३२४
 निप्पेसो - ३२४
 निब्बत्तिलक्खणन्ति - ३५८
 निब्बसनानीति - ४२, ४३
 निब्बानगामिनिपटिपदं - ७८
 निब्बानधम्मो - ११४, ३४४
 निब्बानधातुद्वयविभागो - ४१९

निब्बानधातुयाति - ३५
 निब्बानमहानगरस्स - २३०
 निब्बानसुखस्स - २४१
 निब्बानारम्मणो - ९५
 निब्बापनीयन्ति - ३३०
 निब्बिदानुपस्सनायाति - २७२
 निब्बुति - ३५७, ४३५, ४३६
 निब्बुतिपवेदनाय - ३५७
 निब्बेठनं - १९७
 निमित्तन्ति - २३४, २७२, ३२४, ३२५
 निमित्तपटिवेधो - ३३४
 निमित्तसत्यन्ति - ३२५
 निम्माताति - ३६८
 निम्मितबुद्धेन - ११२, १२९
 नियतपरिच्छेदो - ३६५
 निर्यायनिकधम्मजाणेन - १७५
 निर्यायनिका - १६०, ३२२
 निर्यायनिको - १६३
 निर्यायनं - १६३, २७४, ३२२
 निरामिसचित्तो - २४०
 निरोधलक्खणं - ३५८
 निरोधसच्चं - ३५७, ४२०, ४३६, ४३७, ४३८
 निरोधसमापत्तिया - ४४
 निरोधानुपस्सनायाति - २७२
 निरोधोति - ३४७
 निरुज्झतीति - ३५८
 निरुत्तिपटिसम्भिदाति - ९४
 निरुत्तिलक्खणं - १५४
 निरुत्तिं - २७७
 नित्तालितजिह्वाति - १७२
 निवत्तेतीति - ३५१
 निवुताति - २१४
 निसिन्नवत्तिका - १२४
 निस्सग्गियोति - २८५
 निस्सरणत्था - ९७, ९८, १०१, १०२
 निस्सरणं - ९७, १६३, २७४, ३५९, ४३२

निस्सिरीकतन्ति - १७१
 नीतो - ८१
 नीलरस्मिअत्थाय - २०७
 नीवरणसज्जोजनद्वयसिद्धि - ४१९
 नीवरणानि - २४९, २७१
 नीहरणसमत्थन्ति - ३३१
 नेक्खम्मपारमियं - २३२, २४९
 नेक्खम्मस्सितन्ति - १९९
 नेक्खम्ममेनाति - २७०
 नेत्ति - १४४
 नेत्तिट्ठकथायं - ५६
 नेमित्तिका - ३२४
 नेय्योति - २६२
 नेवसज्जानासज्जायतनन्ति - ३८१
 नेवसज्जीनासज्जीवादे - ३८९

प

पकतिपथवियं - ३७१
 पकतीति - ४०९
 पकतूपनिस्सयवसेन - ४०७
 पकासिताति - १३, ३१८, ३३४
 पकुधवादो - ३९७
 पक्खित्तदिब्बोजो - २०९
 पक्खिपनं - ७२
 पक्खिपितब्बन्ति - ७२
 पग्गहं - ३७
 पग्घरणं - २७३
 पग्घरापेतीति - ८२
 पचुरापराधा - ८८
 पच्चक्खजाणं - ३५३
 पच्चक्खधम्मो - ३९३
 पच्चज्जो - ३९२
 पच्चत्थरणानि - ६६
 पच्चनीकपटिपदन्ति - १६३
 पच्चयाकारो - २९

पच्चयिकोति - २९७
 पच्चयुप्पन्नधम्मानं - ३४१
 पच्चयोति - २२१, २२६, २२७, २३५, २३७, ३५८,
 ३६४, ४०२, ४०७, ४०८, ४१०, ४३३
 पच्चवेक्खणाजाणे - ३३५
 पच्चवेक्खणं - २१२
 पच्चासायाति - ३१४
 पच्चुपट्टानं - १२५, २२०
 पच्चूसो - ३५
 पच्चेकबुद्धभासितं - ११४
 पच्चेकबोधिजाणं - ३३८
 पच्छानुतापी - २४२
 पच्छाभत्तं - १६७, १८१
 पच्छासमणेनाति - ६४
 पच्छिमचित्तस्स - ३७३
 पच्छिमतण्हाय - ४०६
 पच्छिमबोधीति - २७७
 पजानातीति - ४, ८, १०२, ३५६, ३६०, ४१०, ४३२,
 ४३७
 पञ्चकखन्धा - ४१, २५०, ४०७
 पञ्चगतिपरिच्छेदकजाणं - ३३६
 पञ्चगरुजातकं - १०८
 पञ्चचक्खुपटिलाभाय - २४१
 पञ्चजाणिको - ३८१
 पञ्चधम्मकखन्धा - ४३३
 पञ्चनीवरणसङ्घातपच्चया - ४०९
 पञ्चपक्कपरिमाणा - ४१२
 पञ्चलोकियाभिज्जासङ्घाता - २५०
 पञ्चविधएतदग्गट्टानेन - १३१
 पञ्चविधकिच्चपयोजनन्ति - १८३
 पञ्चवोकारज्ञानभूमीसु - ३८८
 पञ्च-सद्देन - १६०
 पञ्चसिक्खापदक्कमे - २९३
 पञ्चाभिज्जायो - ४४
 पञ्चिन्द्रियानि - ४०
 पञ्चुपादानकखन्धा - १९१, ३५७, ४२०, ४३८

पञ्जति - ८८, ९४, १३७
 पञ्जतिमतज्हेतं - ३४५
 पञ्जत्तियोति - ७२
 पञ्जवा - २३३, २६१, ४३७
 पञ्जाक्खन्धो - १५
 पञ्जागुणे - २३३
 पञ्जाति - ३४१
 पञ्जाधिकसद्धाधिकवीरियाधिकवसेन - २६२
 पञ्जानुभावेन - २३३, २६२
 पञ्जापच्चुपट्टानो - २१९
 पञ्जापज्जोतविहतमोहतमन्ति - १३, १४
 पञ्जापदट्टानसमाधिहेतुत्ता - ४
 पञ्जापनधम्मो - ४०२
 पञ्जापरिसुद्धा - २५६
 पञ्जापारमी - २२०, २३३, ४३४
 पञ्जापारिसुद्धिया - २३३
 पञ्जाबलेन - २३३
 पञ्जाभावना - २२७
 पञ्जाविमुत्ति - ४३६
 पञ्जाविमुत्तिचेतोविमुत्तीनं - ४१९
 पञ्जासङ्कलनविनिच्छयो - २८
 पञ्जासम्पदा - १०२
 पटलानीति - ३३१
 पटाणीभूतन्ति - ३०५
 पटिकम्मन्ति - ३३०
 पटिकरिस्सतीति - ३१२
 पटिकुज्जिताति - २१४
 पटिग्गहितं - ५२, ३१३
 पटिघसञ्जाति - २७१
 पटिच्छन्नाति - २१४
 पटिच्छन्नावहारो - २९१
 पटिच्छन्नो - ८१, १७३, ३४७
 पटिजानातीति - १३८, ३६७, ३८६
 पटिनिस्सग्गानुपस्सना - २७२
 पटिपज्जिन्ति - ४२
 पटिपत्तिधम्मपटिवेधधम्मानम्पि - २८

पटिपत्तीति - ११२, २३९, २५३
 पटिपदन्ति - २७९
 पटिपदाजाणदस्सनविसुद्धि - २५०
 पटिभागनिमित्तं - ३७४, ३७६
 पटिभानचित्तविचित्तन्ति - १७१
 पटिभानचित्तं - ३१६
 पटिभानं - ३५१
 पटिमानेन्तीति - १८०
 पटिवसतीति - १४७
 पटिविरतभावो - २८७
 पटिवेदेसुन्ति - ६५
 पटिवेधपञ्जायाति - १७४
 पटिवेधोति - ९५, ३३६
 पटिवेधं - ९५
 पटिसङ्करणं - ६४
 पटिसङ्कानुपस्सना - २७२
 पटिसन्धिचित्तक्खणे - ३६८
 पटिसन्धिसञ्जाति - ३८३
 पटिसम्भिदाति - ९३
 पटिसम्भिमामगो - २०६
 पटिसम्भिदाविभङ्गे - ९३
 पटिसंवेदेतीति - ३५१
 पटुप्पादनं - ३२९
 पठमचित्तक्खणेति - ३६८
 पठमज्झानभूमिया - ३६५
 पठमज्झानं - ४४, ३६५
 पठमपाराजिकन्ति - ७२
 पठमबुद्धवचनन्ति - ७६, ७७
 पठमबोधीति - २७७
 पठमभवङ्गचित्तक्खणातो - ३६८
 पठममगो - ४३१
 पठममहासङ्कीर्तियं - ३२
 पठमवचनं - १२५
 पठमारुप्पज्झानं - ३८२
 पठमं ज्ञानं - ४३, ४२७
 पणिधिन्ति - २७२

पणिधीति - ३३१, ३६८
 पणीता - ३३४, ४२२
 पण्डा - १४७, ३७८
 पण्डिच्चं - ३७८
 पण्डितवेदनीयाति - ३३७, ४२२
 पण्डितोति - ३७८
 पण्णनाळि - ३१८
 पण्णनाळिका - ३१८
 पण्णं - ५४, २९६
 पतिट्ठाति - २८
 पतिट्ठानलक्खणं - २२०
 पतिट्ठो - ९३
 पतिरूपदेसवासो - १५१
 पत्तपरिवारितन्ति - १७०
 पत्तियायितब्बा - २९७
 पथवीकम्पनं - ७२
 पथवीचलनं - १२१
 पदद्वानधम्माति - ४२४
 पदविभागोति - १२३
 पदहनं - २७४
 पदानीति - २७०, ३१७
 पदुद्धचित्ता - ३७२, ३७३
 पदुमपुष्फानि - १८०
 पदोसो - ३६९, ३७२
 पधानधम्मे - ३५१
 पधानमनुयुज्जाति - ६८
 पधानयोगन्ति - २०८
 पन्थन्तन्ति - ३४४
 पपञ्चसूदनियम्पि - ५५
 पब्बतविसमन्ति - ४७
 पभिन्नमदो - १६३
 पभेदपञ्जति - ४३२
 पमुखलक्खणं - २७४
 पमोक्खो - १००
 पयोगसुद्धिं - २१८
 पयोगोति - ३००

परतोघोसो - ३५४
 परत्योति - ४१२
 परमकल्याणो - २२१
 परमत्यजोतिकाय - ३०५
 परमत्यपारमियोति - २५३, २५४
 परमत्यवचनं - १०५
 परमत्योति - ८१, १३७, ३४५
 परमदिदुधम्मनिब्बानं - ३९६
 परमो - २१६, २१७, २२८, २३०
 परलोकानुगमनतो - २३१
 परस्स - ८०, १००, २४०, २४७, २९५, २९६, ३००,
 ३३०, ३७३
 परहितज्झानेन - २१९
 परामसतीति - १७४, १९२, ३३३
 परामासो - ३५६
 परिकप्पावहारो - २९१
 परिकिलेसविमुत्तिया - २४८
 परिचिताति - १४३
 परिच्चागलक्खणं - २२०
 परिच्चागसीलो - २४५
 परिच्चागो - २३२
 परिच्छेदभावो - २७३
 परिज्जातक्खन्धो - १०१
 परिज्जातयविसुद्धि - ४२९
 परितस्सना - ३६६
 परितन्ति - ३६५
 परित्तभावो - २५९
 परित्तसज्जी - ३८८
 परिदेवित्थाति - ३९
 परिनिब्बानकालेति - १९९, २००
 परिनिब्बानपज्जतीति - ४३२
 परिनिब्बानसुत्तन्तपालियं - ६०
 परिनिब्बानं - ३७
 परिनिब्बुतोति - ३४
 परिपुच्छनं - २१२, ३१४
 परिपुच्छा - २१२

परिपुण्णेति - २८६
 परिमद्वन्तोति - ३२१
 परियत्ति - ५०, ९६, ९७, ९८, १०१, १०२, १४१
 परियत्तिधम्मपटिपत्तिधम्मोहि - १५
 परियत्तिधम्मो - २८
 परियत्तिभाननत्थन्ति - ८५
 परियत्तिभेदोति - ९६
 परियत्तोति - ५७
 परियन्तरहिताति - ३७६
 परियापन्नाति - ४११
 परियापुणन्ति - ९८, १००
 परियायकथा - १२४, १९६, १९७, ३१४
 परियायो - १६१, १९६, ३११, ३१३, ३३४, ३४२
 परियाहतं - ३५१
 परियुद्धानं - ४६, ९०
 परियोदातेनाति - ६९
 परिवट्टुमोति - ३७५
 परिवत्तनलक्खणो - ४३१
 परिवितक्को - १४४, १८३
 परिवेणा - ६४
 परिसुद्धभावदस्सनं - २९१
 परिहरथाति - ७५
 परिहरितब्बन्ति - ३१७
 परिळाहसमयो - १४६
 परं - २४, ४९, ५०, ५९, ७०, ८७, १६१, १७४,
 १७८, २१३, २१६, २१७, २२४, २५९, २८६,
 ३६२, ३८०, ३८६, ३८९, ३९१, ३९३, ३९८,
 ४२८, ४३७
 पलळतीति - ३९४
 पल्लिबुद्धतीति - ३०८
 पल्लिबुद्धाति - २१३, २१४
 पल्लिबोधो - ६०, ३४१
 पल्लङ्कोति - २७७, ३१९
 पवत्तधम्मं - ७५
 पवत्तनं - ३३, ५६, १८०, २७३, २८९, ३३०, ३६३
 पवत्तसज्जिनो - ८९

पवत्तितधम्मानन्ति - ७७
 पवत्तं - ३९, १५०, १९०, १९२, १९५, २०२, २११,
 २६९, २८२, ३४१, ३५२, ४०१, ४१४
 पविवेकज्झासयो - २२४
 पवेणीति - ३२०
 पसन्नचित्तो - २४०
 पसन्ना - २१, ४७, ३७१
 पसय्हावहारो - २९१
 पसाधनकिरिया - २०३
 पसिब्बकं - १७०
 पसेनदिरज्जो - १४७, २०५
 पस्सताति - १७४, २७५
 पस्सद्धकायो - ४
 पस्सद्धि - २७४
 प्हानपञ्जति - ४३२
 प्हानसम्पदा - १३
 प्होन्तेनाति - १६६
 पाचीनअम्बलट्टिकट्टानन्ति - ४१६
 पाटवसिद्धि - ४
 पाटिहारियकिच्चं - २०८
 पाटिहारियन्ति - १२८, १२९, १८०
 पाणघातहेतुभूतो - २८६
 पाणभूतेति - २८९
 पाणसङ्घातजीवितिन्द्रियस्स - ८४
 पाणसज्जिनोति - २८३
 पाणातिपातकम्मबद्धोति - २८५
 पाणातिपातचेतनाति - २८४
 पाणातिपातदुस्सील्यतो - २८६
 पाणातिपातोति - २८४
 पाणिस्सरन्ति - ३१६
 पातरासो - १६७
 पातरासं - ३०४
 पातिमोक्खसंवरआजीवपारिसुद्धिसीलानि - २०२
 पातिमोक्खानि - ७९
 पातियन्ति - २१२
 पादकं - २११

पापकम्मं - २४५
 पापधम्मोहि - ६८, २२४
 पापभिक्षु - १३०, १४३
 पायासो - २०९
 पारमिताफलस्स - २२७
 पारमीकथा - २१५
 पारायनवगो - ११३
 पारिसुद्धिं - २३१
 पावचनं - ३९, १५६
 पासको - ३१८
 पासाणेति - ३१०
 पाळिधम्मो - १३१
 पाळिधम्मं - ९९
 पाळीति - ९१
 पिटकन्ति - ७३, ८५
 पिटकसद्दो - ८५
 पिटकं - ७३, ८५, ८६
 पिट्ठं - १६९
 पिण्डोलो - ३४४
 पिण्डोल्यन्ति - ३४४
 पिण्डं - ३४४
 पिप्पलिरुक्खोति - ३१३
 पियपुग्गलो - २२९
 पियमनापकरणन्तिआदि - ३३०
 पियवादी - २२४, २४०, २४७
 पिलोतिकखण्डन्ति - ३१५
 पिसुणवाचा - २९८
 पिसुणा - २९७
 पिहिताति - २१४
 पीताति - ६३
 पीतिभक्खा - ३६४
 पुग्गलवोहारोति - १३४
 पुग्गलाधिद्वानधम्मदेसना - ४०९
 पुच्छासुद्धि - ४३३, ४३४
 पुञ्जकिरिया - १२६
 पुञ्जवखया - ३६५, ३६६

पुञ्ज - ५, २१, २२, ५३, ६८, २२९, २५१, २७९
 पुण्डरीकन्ति - १७०
 पुण्णमा - ३५
 पुण्णो - ३५, ८३
 पुत्ता - १८
 पुथु-सद्दो - २१३
 पुथुज्जनआणञ्च - ३३८
 पुनब्भवोति - २६८
 पुप्फगन्धोति - २०४
 पुप्फपूजा - ६६
 पुप्फूपहारो - ६६
 पुब्बन्तकप्पिका - ३४३, ३९६
 पुब्बन्तापरन्तकप्पिकाति - ३९६
 पुब्बपदं - २९०
 पुब्बपेता - ३२३
 पुब्बभागभावनापञ्चा - २५०
 पुब्बेनिवासजाणकथायं - ३६४
 पुब्बेनिवासन्ति - २११
 पुब्बेनिवासविज्जासिद्धि - १०२
 पुब्बेनिवासानुस्सतिजाणं - २५०
 पुरिमवचनं - १४४, १४५
 पुरिमवेदनं - ३५८
 पुरिमसिद्धरुद्धिहया - ३७५
 पुरिसो - ४६, ४७, ६३, ९७, १६२, २०३, २३२,
 २४०, ३५९
 पुरे - ९, ४९, ५३, २९५, ३०१
 पुरेक्खारो - २९५
 पुरे-सद्दो - ४९
 पूजारहाति - ८५
 पूजितेति - ८४
 पूरणकथा - २९५
 पेक्खनं - ९९
 पेय्यालं - १२१
 पोणिकनिकायो - १०७
 पोराणाति - १५३, २६९
 पोरीति - ३०१

पंसुकूलधोवनेति - ४१५

फ

फणिज्जकन्ति - ३१३
 फरणं - २७३
 फरित्वाति - ८५
 फरुसन्ति - २९८
 फलजाणं - ४३०
 फलन्ति - ८२, २६५, ३४०, ३४१, ४२०
 फस्सनिरोधाति - ४१०
 फस्सपच्चयाति - ४१९, ४२४, ४२५, ४२८, ४३०,
 ४३३
 फस्ससमुदया - ४१०
 फलुबीजन्ति - ३०४
 फासुका - ७६, ७७
 फासुविहारन्ति - १२७
 फुसनलक्खणो - ४०५
 फुसिस्सन्तीति - ३९९
 फोट्टब्बारम्मणन्ति - ३५८

ब

बन्धकरणन्ति - ३३०
 बलन्ति - ४, १००, १२७, ३३९
 बलवतीति - २९१
 बलिकम्मं - २०८
 बहुपरिस्सयोति - १७२
 बहुस्सुतोति - ५२
 बावीसतिन्द्रियानि - ४१, २५०
 बाहिरकधम्मे - २५०
 बाहिरबलं - २२५
 बीजगामभूतगामसमारम्भा - ३०४
 बीजनी - ३२२
 बुद्धकरधम्मसिद्धि - १४
 बुद्धकारकधम्मा - २२६

बुद्धगुणपरिच्छेदनं - १५
 बुद्धगुणानं - १५, १७७
 बुद्धचक्रवृत्ति - १८२
 बुद्धचक्रवृत्ति - १८२
 बुद्धतपच्युपदाना - २२०
 बुद्धधम्मा - १४, २३५, ३९२
 बुद्धबलन्ति - ४१२
 बुद्धभूमि - २२१
 बुद्धरस्मियो - १६८
 बुद्धलीलाय - १९६
 बुद्धवचनन्ति - ७१
 बुद्धसिरियाति - १६८
 बुद्धानुबुद्धा - २४
 बुद्धानुभावपटिसंयुत्तं - २२३
 बुद्धिचरिया - २६७
 बुद्धुप्पादक्खणो - १५०
 बुद्धुप्पादो - १५७
 बुद्धेनादिच्चबन्धुना - ५०
 बुद्धोति - १६, १२४, १९९, ३८५
 बेलहुत्तो - ३८०
 बोज्झङ्गा - ४०
 बोधि - २०९
 बोधिपक्खियधम्मा - ४१४३३
 बोधिमण्डो - २१०
 बोधिरुक्खमूले - ७७
 बोधिसत्तभूमियं - २५४
 बोधिसत्तोति - २२२
 ब्यञ्जनन्ति - १३१
 ब्यसनं - १६३
 ब्यामप्पभाति - १६८
 ब्यासनुपनिपातकारणा - २४८
 ब्रह्मकायिकभूमिया - ३६५
 ब्रह्मकायिकभूमीति - ३६४
 ब्रह्मकायिकाति - ३६४
 ब्रह्मचरियन्ति - २७४
 ब्रह्मचारी - २९२

ब्रह्मजालं - १३९, १८७, ४१२, ४१३
 ब्रह्मदत्तो - १६१, १६६
 ब्रह्म-सद्दो - २९२
 ब्रह्मनो - ३६८, ४१३
 ब्रूहेत्वाति - २६७

भ

भगवाति - ३४, ३८, ४२, १५४, १५५, १६७, १८८,
 १९५, २२२
 भग्गवाति - १५५
 भग्गा - ७६
 भङ्गन्ति - ३५८
 भङ्गपरियायो - ३८६
 भङ्गानुपस्सनापरिचिण्णन्ते - ३६७
 भङ्गुप्पच्छेदा - ३६५
 भण्डनेनाति - ४००
 भण्डागारिकपरियत्तियं - १३०
 भण्डागारिकोति - १०२, १३९
 भद्दियसुत्ते - १५८
 भयजाणं - ३६७
 भयन्ति - ३६७
 भयभेरवसुत्ते - ८३
 भवगामिकम्मं - ४०७
 भवङ्गपतनस्साति - २०७
 भवतण्हायाति - ४०९
 भवोति - ५२, ३२३, ४०७
 भागो - ३२९, ४३९
 भारतनामकानं - ३०१, ३१६
 भावनापञ्जा - २५०, २५१
 भावविगमन्ति - ३९०
 भावेतीति - ८५
 भावेत्वाति - १६, १७, २६७, ३६५
 भावोति - १६, १२५, २१६, २९७, ३९०
 भिक्खुसङ्गोति - १५९
 भिक्खूति - ४६, ५१, ८७

भुत्तपातरासो - १६७
 भुसागारकं - ३७
 भूतवादीति - ३०२
 भूतवेज्जमन्तोति - ३२६
 भूता - ३०३, ३६८
 भूमन्तरन्ति - ३३९
 भूरिघरेति - ३२६
 भेदं - २९८, ३७३
 भेसज्जकरणयोग्यताय - ६२
 भेसज्जदानन्ति - ३३०
 भेसज्जनाळिकन्ति - ३२२
 भेसज्जपयोगं - ३३१
 भेसज्जपानं - ६३
 भेसज्जरुक्खा - २३२
 भोगो - ९८
 भोजन-सद्दो - ३०४
 भोजनन्ति - ३०४
 भोज्जयागु - ३७

म

मक्खेसीति - ३२७
 मग्गजाणं - १३, ७५, ४३०
 मग्गधम्मो - ४३०
 मग्गनिरोधेहि - ४२०
 मग्गपटिपत्तिया - १६०
 मग्गफलसम्मोदिद्धि - ५२
 मग्गफलसुखन्ति - ४०१
 मग्गसच्चन्ति - ३५७, ४३६, ४३७, ४३८
 मग्गामग्गजाणदस्सनविसुद्धि - २५०
 मग्गेनमग्गपटिपत्तिसमुद्घापिका - २९३
 मग्गोति - २९, ४०
 मच्छेरमलपरियुद्धितचित्तानं - २२८
 मज्झिमपटिपदाभूता - ४३१
 मज्झिमबोधि - २७७
 मज्झिमभाणका - ६९, ७५

मज्झिमसीलदेसना - ३११
 मज्झिमागमवरे - २७१, ३९९, ४००
 मज्झिद्वपभस्सररस्मियो - २०७
 मज्जुसाति - १७१
 मज्जनामत्तेनेवाति - ३६८
 मज्जे-सद्दो - ३७८
 मणिकोट्टिमं - ६६
 मण्डनेति - २०३
 मण्डनं - ६६, २०३, ३०६
 मण्डपो - ६६, २०५
 मण्डलमाळोति - १७२
 मत्थकन्ति - २७७
 मत्तिककक्कन्ति - ३२१
 मदमानोति - १६४
 मधुकपुष्परसं - ३१३
 मधुपायासो - २०९
 मनापाति - २२९
 मनुस्सग्गाहोति - ३९९
 मनुस्सधम्मो - ४४
 मनूति - ६३
 मनेनाति - ३७२
 मनोपदोसिकाति - ३७२
 मनोपुब्बङ्गमा - १३८, ३४४, ३८१
 मनोमयाति - ३६३
 मनोविघातं - ३९४
 मन्तजप्पनं - ३१०
 मन्तसद्दो - ७०
 मन्तेनाति - ३१६
 मन्दपज्जो - ३५०, ३७९
 ममच्चयेनाति - ४०
 मम्मच्छेदकोति - ३००
 मरूति - १०, २७०
 मल्लपामोक्खा - ५८
 मल्ला - ३१७
 महाउपधानन्ति - ३२१
 महाकच्चायनो - १०९

महाकरुणासमापत्तिजाणस्स - १४
 महाकस्सपत्थेरो - ५३, ६०
 महाकस्सपोति - ३६, ४७
 महाकारुणिको - २६१
 महाकुम्भी - २१२
 महागोचरं - ५७
 महाति - १५९
 महाथेराति - ६०, १७०
 महादानं - २६३
 महानिग्रोधो - ४०४
 महापञ्जा - २६१
 महापथवी - ४२, ४३, ४१५
 महापदानसुत्ते - २६९
 महापनादजातके - २११
 महापरिनिब्बानसुत्ते - ४०
 महापुरिसलक्खणानि - १६९
 महाबोधीति - ४२९
 महावजिरजाणन्ति - २११
 महाविपस्सनाहि - २७०
 महाविहारवासिनो - २७, ४०५
 महाविहारो - २७
 महासङ्गीति - ३३
 महेसक्खत्तरोति - ३६९
 महेसक्खोति - ३६९
 महोघोति - ११३
 मातुचित्ते - २९९, ३००
 मानवो - ६३
 मानोति - १४६
 मायावसेनाति - ३१०
 मारणन्ति - ३११
 मारबलन्ति - २११
 मारसेनमथना - १९
 मारसेनमह्नानन्तिपि - १९
 मारो - १८
 मासुरक्खो - ३२६
 माळोति - १७३

मिच्छाचारोति - २९३
 मिच्छादिद्विया - ३५४
 मिच्छावितक्को - २२९
 मुखचुण्णकेनाति - ३२१
 मुखरा - १७०, १७१
 मुखवरेनाति - ६९
 मुखविलेपनन्ति - ३२२
 मुखसुद्धिकरणं - ३३१
 मुच्छिताति - २१३
 मुञ्चन्ताति - १८०
 मुञ्जतोति - ३४७
 मुट्टियाति - ३२५
 मुण्डकुटुम्बिको - ३१५
 मुत्ताति - ६७, ३२५
 मुत्तायोति - ३२५
 मुत्तालता - ३२२
 मुदुगतवाताति - १८०
 मुसन्तीति - ३११
 मुसावादकम्मुना - २९६
 मुसावादलक्खणं - २९५
 मुसावादोति - २९५
 मूलनक्खत्तं - ५९
 मूलबीजन्ति - ३१२, ३१३
 मूलब्धाधिनो - ३३२
 मूलभेसज्जानि - ३३२
 मूललक्खणन्तिआदि - २७४
 मेघमुखेति - ३२२
 मेघवण्णं - १७०, १७९
 मेतन्ति - ६७
 मेत्तचित्तो - २८९
 मेत्ताकम्मद्धानं - २०९, २१०
 मेत्ताखेत्ते - २५८
 मेत्तापारमी - २२०, २५५
 मेत्ताभावना - २२७
 मेत्ताविहारी - २१९, २४५
 मेधुनधम्मो - २९२

मेथुनविरतिं - २९२
 मोक्खचिका - ३१८
 मोघपुरिसाति - ९९
 मोनेय्यपटिपदं - ११३
 मोहतण्हाविगमो - २२६
 मोहतमो - ८
 मंसचक्खुना - १७४
 मंसचक्खुपञ्जाचक्खुनं - ३९०
 मंसादिगन्धो - ६७

य

यथाकामकारी - २९०
 यथाधम्मन्ति - ८९३४
 यथानुलोमन्ति - ८९
 यथानुसन्धि - ३९८४००
 यथापराधन्ति - ८८
 यथाभासितन्ति - २९
 यथाभूतजाणन्ति - ८८
 यथाभूतजाणं - ८८
 यथाभूतदस्सनपदङ्गाना - २२१
 यथाभूतपटिवेधनापदेसेन - ४२०
 यथाभूतवेदी - ३८०
 यथावुड्ढन्ति - ६९
 यथावुत्तकालभेदेन - २६२
 यथासभावपटिवेधलक्खणा - २२०
 यथासभावं - ८, ८१, ३७८, ४२०
 यमकपाटिहारियन्ति - २०५
 यवो - ३०८
 याचयोगो - २४२, २५९, २६०
 यावदे - ४३, ४४
 युगनद्धा - २७४
 युत्तयोगभिक्षुअधिद्धानन्ति - ४०९
 युद्धकथा - ३०१
 योगकम्मस्स - २८
 योगन्ति - ३३१

योगवसेनाति - ३१०
 योगी - २०३
 योनिस्सोति - १६४, ४१६
 योनिस्सोमनसिकारादि - ४२९

र

रजतं - ३०७
 रज्जुभेदो - ३१०
 रतनपरिसिब्बितन्ति - ३२०
 रतनावेळातिआदि - १६९
 रतनं - २१, २२
 रतिधम्मो - ३७०
 रत्ताति - २१३
 रत्तिङ्गानं - १८१
 रम्मसुरम्मसुभसङ्गाता - २०८
 रसं - ७५, २०९
 रस्मियोति - २०७
 राजगहन्ति - ५७
 राजद्वारेति - ६५
 राजभवनविभूतिन्ति - ६५
 राजसत्थं - ३२६
 राजागारकन्ति - ७४, १७१
 राजाभिराजाति - ८३
 राहु - ३२७, ३२९
 रुक्खमूले - ४१, ४९
 रुतं - ३२७
 रूपनसीलो - ३८६
 रूपकाये - १५७
 रूपक्खन्धचक्खायतनचक्खुधातादीनं - ४१२
 रूपजीवितिन्द्रिये - २८३
 रूपज्झाने - २७१
 रूपतण्हा - ४०६
 रूपधम्मभेदस्स - ३७३
 रूपसज्जं - २७१
 रूपारूपजीवितिन्द्रियानि - ३६५

रूपारूपधम्मसमूहो - २८५, ४१२
 रूपावचरचतुत्थज्ज्ञानस्स - ३४६
 रूपीति - ३८६

ल

लक्खणं - २५, ७७, १६५, १९८, २७४, २९५, ३२६,
 ३५३
 लग्गाति - २१३
 लद्धाति - ११७
 लपनाति - ७३
 लपन्ति - १७२
 लब्भनेय्या - ३३४
 लहुद्धानन्ति - १२७
 लाभीति - ३९०
 लाभीसस्सतवादो - ३८४
 लाभो - १९, १०७, ३५१
 लालप्पनं - ३९४
 लिङ्गन्ति - ३३१
 लिङ्गविपल्लासेन - ७१
 लीनत्थपकासनियं - ४४
 लेपचित्तं - ३२०
 लोकधम्महि - ४१८
 लोकन्ति - २७९, २९७
 लोकहितो - १०, ४०५
 लोकायतं - ३२३
 लोकीयजाणं - ९५
 लोकीयधम्मं - ३८१
 लोकीयपुथुज्जनो - २९०
 लोकुत्तरजाणं - ९५
 लोकुत्तरधम्मं - ३८१
 लोकुत्तरन्ति - १७८
 लोभदोसमोहपटिपक्खं - २३८
 लोभधम्मो - २४०
 लोभविद्धंसनरसं - २२०
 लोभसहगतचित्तुप्पादो - ३५०

लोमहंसोति - ३६७

व

वचनं - ३९, ४१, ४२, ४८, ५३, ५९, ६०, ६१, ६३,
 ६४, ७५, ९४, १०६, १२५, १४४, १४५, १५०,
 १५४, १५६, १७०, १८०, १८३, १८४, १९०,
 १९२, १९४, १९५, १९९, २००, २०३, २०७,
 २३२, २६९, २७७, २९९, ३०३, ३२४, ३४५,
 ३५३, ३५६, ३६८, ३६९, ३८४, ३८६, ४०५
 वचीपयोगो - २९५, ३००
 वजिरबुद्धित्थेरो - ५५, ७४, ९३, १०३
 वञ्चनन्ति - ३०९
 वञ्चनाति - २२९
 वट्टुपच्छेदो - १६५
 वट्ठेत्वाति - २११, ३७६
 वणहरणत्थन्ति - ३३१
 वण्णपोक्खरतायाति - १६४
 वण्णवादी - ६४
 वण्णावण्णेति - ७४, १९१
 वण्णितन्ति - ६५, १९९
 वण्णो - ४, १५, ७४, १६३, १६४, १६५, १६६,
 १९१, २६६, २८०, २८८
 वत्थुबलिकम्मकरणन्ति - ३३१
 वधकचेतनाय - २८४
 वनन्तरं - १६९
 वन्दनीयभावं - १४
 वन्देति - ११, १५, २०
 वमनन्ति - ३३१
 वयधम्माति - ७८
 वरको - ३०८
 वरुणनगरन्ति - ७४
 वल्लूरोति - ३१५
 वसवत्ती - २७८, ३६८
 वसितट्ठानेति - ३६५
 वसिनो - २५

वस्सूपनायिका - ६४
 वस्सो - ३३१
 वादोति - १००, २९५, ३४६
 वानचित्तं - ३२०
 वानविचित्तन्ति - ३१९
 वायोक्सिणे - ३८१
 वारिजं - १६४
 वालग्गमत्तम्पीति - २७७
 वालबीजनिं - २६९
 वालवेधिरूपाति - ३७८
 वालरूपातीति - ३१९
 विकालभोजनाति - ३०५
 विकालभोजनं - ३०५
 विकिण्णवाचा - १७१
 विककमीति - २७०
 विककयो - ३०९
 विक्खम्मनप्पहानं - ९०, ४३५
 विक्खित्तचित्तो - १५६, २३५
 विगततण्हं - ३८३
 विगतदोसा - २६
 विगतलोमहंसो - १८३
 विग्गहो - २०२, ३२४
 विग्गाहिका - ३२४
 विघातोति - ३७८
 विचयनं - ४२१, ४२२
 विचिकिच्छाय - २२७
 विजटये - २०४, २८०, ३३५
 विजटितजटा - १७०
 विजटेत्वाति - ३२१
 विज्जमानगुणे - ५६
 विज्जाचरणसिद्धि - २२६
 विज्जाधरा - २८६
 विज्जामयोति - २८५
 विज्जासम्पत्तिं - १४
 विज्जु - १६९
 विज्जाणवीथि - १३३

विज्जाणं - १०५, ३४५, ३६०, ३७३, ३९९, ४०५,
 ४२८
 विज्जातधम्मधरो - १३२
 विज्जू - २३१
 वितक्कविचारे - ३९५
 वितक्कितं - ३९५
 वितण्डो - ३२३
 वित्थम्भनं - २७३
 विद्वाति - ४००
 विधावन्तीति - १६८
 विनयकम्मं - ३१४
 विनयगण्ठपदे - २७७
 विनयटीकायं - १६८, ३०७
 विनयधरानन्ति - ७१
 विनयनतोति - ८०
 विनयनं - ३४, ८०, ८६, २३०, ३१३
 विनयपज्जतिन्ति - ३३९
 विनयाभिधम्मपरियत्ति - १०९
 विनासो - ३४८, ३५१, ३५९, ३९०
 विनिच्छयद्धानेति - ३३०
 विनिच्छयोति - २७, ९६
 विपरामोसोति - ३११
 विपरिणामधम्माति - ३५९
 विपरिणामलक्खणन्ति - ३५८
 विपस्सना - २९, ५१, ९९, २५१, ४३०, ४३६
 विपस्सनागम्भभावो - २११
 विपस्सनाजाणं - ८८
 विपस्सनानुयोगो - २४१
 विपस्सनापज्जाय - ३५८
 विपस्सनासहगतो - १७४
 विपस्सनं - ७८, १०१, २११
 विपस्सन्तीति - ८५
 विपस्सी - २१५, २७०
 विपाकक्खन्धा - ३५
 विपाकोति - ३४२
 विपुलकसिणवसेनाति - ३८७

विष्पलपत्तीति - १७२
 विबाधितचित्तस्स - २९८
 विभङ्गपाणि - ३६६
 विभत्यन्तपतिरूपको - ७१
 विभत्तिपयोगो - १५९
 विभत्तिविपरिणामो - १५४
 विभावनलक्खणो - ४२९
 विभूसनं - २०३, ३०६
 विमतिच्छेदना - २८२
 विमानन्ति - ६६
 विमुत्ति - ७५, ४१०
 विमुत्तिजाणदस्सनं - १७०
 विमुत्तियाति - २७८
 विमुत्तिरसो - ७६
 विमुत्तिरसं - ७५
 विमुत्तिसज्जिनो - ३८१
 विमोक्खो - ३५५
 विम्हापयन्तीति - ३२४
 विरतिचेतना - ४३३
 विरतोति - २८७
 विरत्तचित्तो - २२६
 विरागानुपस्सनायाति - २७२
 विराजेत्वाति - २७१
 विरेचनन्ति - ३३१
 विलीनस्साति - ३३०
 विवट्टन्ति - ४०९
 विवट्टानुपस्सना - २७२
 विवाहनं - ३२९
 विवित्तासनेति - १७९
 विवेकजं - ४३
 विसगन्धोति - ६७
 विसङ्गतं - ७६
 विसङ्कारगतं - ७७
 विसङ्गाति - ६५
 विसदजाणो - २२३
 विसदिन्द्रियो - २२३

विसभागपुग्गलो - ५७
 विसरुक्खआणित्ति - १६७
 विसाखापुण्णमो - ३५
 विसादो - ३९४
 विसिद्धभावं - ८४
 विसुद्धपयोगो - २२६
 विसुद्धिभावना - ४३४
 विसुद्धिमग्गो - २००, २४८, २४९, २५१, ३४६, ३६४,
 ३८२, ४०६
 विसूकभूता - ३०५
 विसेसमग्गफलं - ६८
 विसंवादनचित्तं - २९५, २९६
 विसंवादनं - २९५
 विस्सकम्मुनाति - ६५
 विस्सगन्धो - ६७
 विस्सट्टसिक्खो - ५२
 विस्सत्थोति - ५३
 विस्समिस्सामीति - ६८
 विहनन्ति - २१३
 विहारोति - १५३
 विहेठनभावतोति - २८८
 वीतमलं - १६
 वीतिनामेत्वाति - १७९
 वीमंसा - ९९, ३५०
 वीमंसानुचरितन्ति - १६२
 वीरियपारमी - २२०, २५२
 वीरियबलेनाति - ४१५
 वीरियसम्पत्ति - २३४
 वीसताकारं - ३४२
 वीहि - ३०८
 वुत्तधम्मन्ति - १५०
 वुद्धिभावोति - २९
 वूपसमलक्खणं - २७३
 वेदनाकम्मट्ठानेति - ४१०
 वेदनाक्खन्धो - १९८, २५१
 वेदनाट्टस्स - १२०

वेदनाति - ४०५
 वेदनानन्ति - ४२५, ४३०
 वेदनापच्चया - १८४, ४२०, ४२३, ४२४, ४२८
 वेदनापटिबद्धं - ३५९
 वेदनाफस्सायतनादिमुखेन - ४२०
 वेदनामूलकं - ४०८
 वेदनाविक्खम्भनतो - ३६
 वेदनासमुदयोतिआदिलखणानं - ३५७
 वेदनासमोसरणाति - २७४, ४२८
 वेदनासहजातनिस्सारम्मणभूता - ३५९
 वेदनासीसेन - ३५९
 वेदयितन्ति - ४०१, ४०३
 वेदल्लसज्जा - ११०
 वेदवादिनो - ३६४
 वेदसद्दो - ११७
 वेय्याकरणन्ति - १०९, ११०, ४१४
 वेरीपुगलो - २२९
 वेस्सन्तरजातके - ४१६
 वोकलनं - ३२९
 वोदानधम्म - ४३०
 वोस्सोति - ३३१
 वोहरन्ति - ६८, ९२, ३४२, ३८८, ४१२
 वोहारोति - ९५
 वंसन्ति - ३१६
 वंसोति - १०१

स

सकम्माकम्मकिरियानुयोगं - १०५
 सकरणीयो - ५२
 सकलकुसलधम्मपटिपत्तिया - २७९
 सकलनवङ्गं - ५०
 सकलसासनरतनं - ३८
 सकुणजाणन्ति - ३२७
 सक्कपञ्चसुते - २००
 सक्कायदिट्ठियो - २१३

सक्कायोति - ३४४
 सक्खिभावेनाति - ४१६
 सक्खीति - १०८
 सक्क्यमुनी - २८०
 सग्गकथा - २४१
 सङ्कप्परागो - ३४४
 सङ्कम्पि - १२१
 सङ्कलनं - ३२९
 सङ्कतट्ठो - १४७
 सङ्कतधम्म - २७२
 सङ्गारक्खन्धो - १९८, २५१
 सङ्खियधम्मो - १७७
 सङ्खेपा - ३४२
 सङ्गहितानीति - ८३
 सङ्गामविजयोति - ४१३
 सङ्गीति - ३३
 सङ्गीतिकाले - ११३, १२०
 सङ्गीतिपाळियं - ६४
 सङ्गीतियोति - ७३
 सङ्गाया - ३१४
 सङ्घो - ६, २०, ३६, १९५
 सङ्घोति - ५, १६०
 सच्चकिरियन्ति - २९९
 सच्चचागपज्जाधिष्ठानानि - २५६
 सच्चज्जनन्ति - ३३१
 सच्चधम्मातिक्कमे - २३५
 सच्चपारमी - २२०, २५५
 सच्चवादी - २२४
 सच्चं - १८, १०५, १४५, १५१, २०२, २१७, २१८, २१९, २२१, २३९, २४४, २५६, २८०, २८८, ३३१, ३३३, ३४५, ३४६, ३५४, ३५५, ३६०, ३६६, ३९२, ४०६, ४२७
 सच्छिक्कत्वाति - १६, १७, ३३५
 सच्छिकिरियाति - ३३५
 सजिताति - ३६८
 सज्जयवादो - ३९८

सञ्चयो - ३८०
 सञ्चयं - ३७९
 सञ्जाननकिरियाय - ३५
 सञ्जाक्खन्धो - २५१
 सञ्जाति - ३८६, ३८७
 सञ्जाविनिमुत्तधम्मे - ३८७
 सञ्जीवादा - ३८५, ३९१
 सञ्जुप्पादाति - ३८४
 सतिआयतनेति - ४०४
 सतिपट्टानविभङ्गकथायं - ५९
 सतिपरिसुखिजउपेक्खासुखुप्पत्तियो - २५८
 सतिबलं - १०२
 सतिसम्पजञ्जबलेन - १०२, २४६
 सतिसम्पजञ्जाधिष्ठानं - ४१८
 सतिसम्पजञ्जं - २३७
 सतिसम्मोसेन - २४४
 सतीति - ४०, ५३, ११०, १३२, १५१, ३१४, ३९९
 सतोति - ३८९
 सत्थाति - १५६, २००
 सत्थं - २८८, २८९, ३२५, ३२६
 सत्तपञ्जति - २८३
 सत्तपण्णिगुहायं - ४२
 सत्तपणी - ६५
 सत्तपदं - २६९
 सत्तपरियायो - ३७५
 सत्तभङ्गदिट्ठि - ३८०
 सत्तविञ्जाणधातुसम्पयोगवसेन - ३४०
 सत्तवोहारो - २९२
 सत्ताहं - ३६, ५८, ३७१
 सत्तिपञ्जरं - ५८
 सत्तो - ९, १६१, २३५, ३७९, ४१२
 सदाभावतोति - ३६९
 सद्दनयोति - १७३
 सद्धम्मसवन - १२६
 सद्धम्मो - १४४
 सद्धम्मं - १, १७

सद्धापञ्जा - २७४
 सद्धापञ्जासमायोगो - ४१८, ४१९
 सद्धापटिलाभाय - २४७
 सद्धासम्पत्तीति - १८१
 सद्धासम्पन्नो - २२५
 सनरामरलोकगरुन्तिआदिना - १४
 सनरामरलोकगरुं - १०
 सनरामरा - ११
 सन्तकन्ति - ८९, ३९२
 सन्तकायचित्तो - २४५
 सन्तभावायाति - ३८४
 सन्ताति - ३३४
 सन्तापट्ठो - १४७
 सन्तारम्मणानि - ३३४
 सन्तासन्ति - ३६७
 सन्तोति - ३८२
 सन्धम्मित्वाति - ६२
 सन्धागारन्ति - ५८
 सन्धाविस्सन्ति - ७६, ७७
 सन्निधि - ३१३, ३१४, ३१५
 सन्निधिकारो - ३१३
 सन्निज्जुतञ्जानन्ति - ६५
 सन्निज्जुतञ्जानन्ति - ३२१
 सपञ्जो - २०४
 सप्पभेनाति - ६९
 सप्परजवण्णन्ति - १६४
 सप्पाटिहारियं - १०१
 सप्पाट्ठायनविज्जाति - ३२६
 सप्पीतिकतण्हं - २७२
 सब्बञ्जुतञ्जाणे - ३३८
 सब्बञ्जुतञ्जाणं - ७, ९, १४, ७६, १७८, १८३, १८५,
 ३३५, ३३६, ३३८, ३४२
 सब्बतिलियानं - ७८
 सब्बदेय्यधम्मपरिच्चागो - २५३
 सब्बधम्मतीरणं - २७२
 सब्बधम्मनन्ति - १७४, १७५

सब्बपारमीति - २६४
 सब्बपालिफुल्लं - १६९
 सब्बबुद्धकारकधम्मानं - २४६
 सब्बबुद्धगुणेति - २११
 सब्बमूळहीति - ३७९
 सब्बलोकहिताय - २२९
 सब्बलोकियगुणसम्पत्ति - १४
 सत्त्वावतो - २५, ८७
 सभावधम्माति - ३९९
 सभावनिरुत्तिं - ९४
 समग्गेसूति - २९९
 समग्घतरन्ति - ३१०
 समणोति - २८७
 समत्ताति - १२७, १८६
 समथविपस्सनाभावनापारिपूर्ति - ४३५
 समथानुयोगो - २४१
 समनुज्जोति - २९०
 समन्तचक्खुना - १७४, २८१
 समन्ताति - १६८
 समन्नाहारो - २८२, ३९५
 समयप्पवादकोति - १४७
 समवायेति - १४६
 समस्सासितो - १८१
 समस्सासेतुन्ति - ६३
 समा - १८०, २७०
 समादिन्नाति - १२७
 समाधानलक्खणं - २२०
 समाधिकक्खन्धो - १५४२४
 समाधिजाणेहि - २८०
 समाधिनाति - ३४६
 समाधिपञ्जं - २०५
 समाधिपदद्वाना - १७४, २१८, २२१
 समाधियतीति - ४
 समाधिसम्पदा - १०२, २३३
 समानत्ततासिद्धि - २६१
 समापत्तियो - ४४, ४५

समाहितचित्तो - २२५
 समिद्धिकालेति - ३३१
 समुच्छेदनलक्खणं - २७४
 समुच्छेदप्पहानं - ९०, १४७, ४३५
 समुद्धानलक्खणाति - २७३
 समुद्धानं - १२५, २७३, ३५५, ४१७
 समुदयसत्त्वं - ३५७, ४२०, ४३२, ४३६, ४३७, ४३८
 समुदयोति - १४८
 समुदायोति - १४८
 समूहत्थो - ११, १५०
 समूहो - २०, २२, १४८, १५०, १५६, १७०, ३०३
 समेन्तीति - १७७
 समो - १६५
 समोधानलक्खणं - २७४
 समोधानं - १४८, १७३, २७४, ३६२
 सम्पकम्पीति - १२१
 सम्पज्जबलेन - १०२
 सम्पजानो - २५७, २६४
 सम्पजानोति - ६२
 सम्पत्तिकिच्चं - ७५
 सम्पयुत्तधम्मा - २७४
 सम्परायो - १४७
 सम्पवेधीति - १२१
 सम्पहारोति - ३१७
 सम्फप्पलापोति - २९८, ३०१
 सम्फस्सो - १०३
 सम्बुद्धो - १०५, २७६
 सम्बोधिपरायणोति - १६०
 सम्भवतोति - १५०, ३४८
 सम्भारा - २५४, २८४, २९४, ३००
 सम्भारो - ९६
 सम्मज्जं - ३१६
 सम्मन्तीति - ४०४
 सम्माकम्पितचेतसा - ४२५
 सम्मादिट्ठि - ४३१
 सम्मापटिपत्तिया - ३, ४०, ७८, १६३, ४२६

सम्माननसिकारो - ३४६
 सम्मावाचा - २७३
 सम्मासमाधि - ३८१
 सम्मासम्बुद्धो - ४६, १७५, १७७, १९६, २२३
 सम्मासम्बोधि - १३, १७४, २६०, २६२, २६३, २८०
 सम्मासम्बोधीति - १४, १७४
 सम्मोहो - १९५, ४३१
 सयम्भू - १६, १२४, १३०
 सयंपटिभानं - ३५१
 सयंपभा - ३६४
 सररक्खणन्ति - ३२७
 सलोमको - ३५६
 सल्लकतवेज्जकम्मं - ३३२
 सल्लकत्तं - ३३२
 सल्लेखोति - ३१३
 सवर्नं - १२९, १३४, १३९, १६६, २१२, ३०५, ३१०, ३५१
 सविकाराति - ४०८
 सवितक्कसविचारं - १७८
 सस्सघातं - ५४
 सस्सतउच्छेददिट्ठियो - ४१८
 सस्सतदिट्ठियोति - ३७६, ३८०, ३८४
 सस्सतवादा - ३४६
 सस्सतियो - ३४९
 सस्सतिसमन्ति - ३४९, ३८४
 सस्सतोति - ३४६, ३४९
 सस्सिरिकेनाति - ६९
 सस्सिरीककरणन्ति - ३३०
 सहब्ब्यताति - ३६७
 सहब्ब्योति - ३६७
 सहब्ब्यं - ३६७
 सहवो - ३६७
 सहसाकारो - ३११
 सहसाति - ३७७
 सहितन्ति - ३२४
 सहोत्तप्पजाणं - ३९, ३६७

सळायतनन्ति - ३०७, ४१०
 साणधोवनकीळा - ३१६
 साणानि - ४२, ४३
 सात्थकं - १७९, १९६, ३२२, ३५५
 सादो - ३९४
 साधकवचनं - १०८
 साधारणपरिभोगो - ४३
 सापदेसा - ३०३
 सामणेरभूमियं - ३७
 सायमासं - ३०४
 सारफलकेति - १६७
 सारभूतो - ६६
 सारिपुत्तत्थेरेन - ११७
 सारियो - ३१७, ३१८
 सालाकियं - ३३२
 सावकपारमिजाणन्ति - ३३८
 सावकबोधिं - २०८
 सावत्थिनगरद्वारेति - २०५
 सावि - ३१०
 सासनं - १, ३८, ३९, ४१, ४२, ५०, ७८, ८६, १८८, ३०५, ३२४
 साहत्थिकोति - २८५, २९६
 सिक्खतीति - ५२
 सिक्खाति - ८९
 सिखन्ति - १८६, ३२२
 सिखाभेदो - ३१०
 सिद्धोति - १२६, १८५, २७४
 सिरिया - ६९, १६९, ३३०
 सिरिविभवेनाति - ३७०
 सिरिक्कायनन्ति - ३३०
 सिरोविरेचनं - ३३१
 सिविका - ३१४
 सीतलं - ७
 सीलकथाति - २८
 सीलगुणा - २३०
 सीलथोमनसुत्तं - २०३

सीलनलक्खणं - २२०
 सीलन्ति - ५२, २३१, ४३४
 सीलपारमी - २२०
 सीलपारिसुद्धिं - २३२
 सीलमत्तकन्ति - २०२, ४२७
 सीलविसुद्धि - २५०, ४१८
 सीलसमाधिपञ्चायो - ४१०
 सीलसम्पत्तिसिद्धितो - २१८
 सीलसम्पदा - १०२, २३१, २३३
 सीलसंवरो - २३७, २४१
 सीलेनाति - ६९, ९८, २०३
 सीसानुलोकिनोति - १६७
 सीहसेय्या - ६१
 सीहळगण्ठिपदे - ९६
 सीहळदीपे - ३२५
 सीहोति - १८३, १८४
 सुक्कसोणितन्ति - ३९२
 सुक्खवलाहकगज्जनन्ति - ३२८
 सुक्खविपस्सकखीणासवभिक्षूति - ५०
 सुक्खविपस्सका - ५१
 सुखकरणी - ३०१
 सुखन्ति - १९, ३५८, ४३७, ४३८
 सुखवेदनाय - ३५९
 सुखसम्फस्सानि - १०३
 सुखसीलो - २२४, २४५
 सुखाति - ३०१
 सुगतसद्देन - १३, १४
 सुगतो - ११, १२, २१७
 सुगम्भीराति - ३४०
 सुचरितकम्मुना - ६६
 सुञ्जतापकासनं - ३३३, ४१९
 सुञ्जतालक्खणं - २७४
 सुञ्जन्ति - ३६४
 सुञ्जभावन्ति - २९७
 सुतचिन्तामयपञ्जा - ३७८
 सुतधरोति - १३२

सुता - १४३, ३५४
 सुतन्तदेसनाति - ८२
 सुतन्तनयपटिपत्ति - ३१३
 सुतन्ताभिधम्मसङ्गीति - ७३
 सुत्तं - ३४, ५२, ७४, ७८, ८०, ८१, ९८, १०८, १०९,
 ११०, ११२, ११७, ११८, १३४, १३८, १८९,
 २७६, ३९०, ४१४, ४१७, ४२०, ४३९
 सुत्तेन - ८०, ८१, ८३
 सुद्धकोसेय्यन्ति - ३२०
 सुद्धचित्तेन - ३१५
 सुद्धतक्को - ३५१
 सुद्धावासा - ३८८
 सुद्धि - १४१, २७३
 सुनिविद्धो - ३२२
 सुपरिसुद्धनिपुणनयाति - २९
 सुपरिसुद्धसमाचारो - २४४
 सुपरिसुद्धं - २९
 सुपिनकन्ति - ३२५
 सुभगकरणं - ३३०
 सुभद्दोति - ३६
 सुभासितं - ४१४, ४२१, ४२२
 सुभो - ६३
 सुमनपुण्फं - २०४
 सुमनोति - ४५, ४६
 सुरभिगन्धो - २३०
 सुलपितं - ४१४
 सुविसुद्धा - २६४
 सेक्खजाणं - ३३८
 सेक्खपुग्गलो - ५३
 सेक्खोति - ५६
 सेतत्थरणोति - ३१९
 सेतरुक्खो - ३१३
 सेना - १८, १९
 सेनाब्यूहो - ३१७
 सेय्यथापि - ४५, ४६, १२७, १९६, २२९, २३२, ३६०,
 ४०४

सेवनचित्तं - २९४
 सोकसल्लसमप्पितन्ति - ६०
 सोतद्वारन्ति - १२९
 सोतपथो - १२९
 सोतविज्जेय्यन्ति - १३२
 सोतापन्नस्स - ४०१
 सोमनस्सचित्तो - ६८
 सोमनस्सन्ति - ३५८
 सोरच्चसम्पदा - ४३५
 सोवण्णमये - ३०९
 संकिलिद्धचित्तस्साति - २९८
 संकिलेसधम्म - ४३०
 संकिलेसमलतो - १०२, २१७
 संकिलेसो - ९, ९०, २१५, २३८, २४१
 संयोगो - १५३, ३४१
 संयोजनभावतो - १४८
 संवण्णनालक्खणो - ४३५
 संवरभेदोति - २८३
 संवरसीलसङ्गहे - ३०३
 संवरो - ८९
 संविभागसीलो - २२४
 संवुत्तिन्द्रियो - २४७
 संवेगन्ति - ६७, ३६७
 संवेजेतीति - १५७
 संवेजेसीति - ६२
 संसन्दति - २६, ४८, ४२२, ४२६
 संसरन्ति - ३४८
 संसारदुक्खन्ति - २९२
 संसीदोति - ३९९
 स्वायन्ति - १६३

ह

हट्टतुट्टचित्तोति - ६८
 हत्थकम्मन्ति - ६५
 हत्थकिरियं - ६५

हत्थतलं - २५०
 हत्थत्थरं - ३२०
 हत्थबन्धन्ति - ३२२
 हत्थमुद्दाति - ३२९
 हत्थेति - ६१, २११
 हृदयङ्गमा - २९८
 हृदयन्ति - ७, ३१०
 हृदयभेदो - ३१०
 हृदयमंसचलनं - ३६७
 हृदयवत्थु - ७, २८८
 हृदयवत्थुनिस्सयं - २८८
 हनतीति - १६४, १७४, २९०
 हरितन्तन्ति - ३४३
 हलाहलन्ति - १६४
 हलिहीति - २९७
 हस्सो - ३७०
 हानभागिया - २४७
 हारो - ३२९, ३५९
 हिरिओत्तप्पं - ४३४
 हिरिधम्मं - २४४
 हिरिवेरन्ति - ३१३
 हीनमज्झिमपज्जा - ३५०
 हेड्डिमन्ति - २०५
 हेतुफलं - ९३
 हेतुमूलके - ३४०
 हेतूति - ९३, ९८, १००, २२५, ४२३, ४३४
 हंसराजा - १७०
 हंसवट्टकच्छन्नेनाति - १७३

गाथानुक्कमणिका

अ

अकुसला किलेसा च-२३८
 अच्छी यथा वातवेगेन खित्ता-४२८
 अट्टकं मालिकं वुत्तं-३१८
 अट्टकखरा एकपदं-७२
 अट्टवस्सा भवे गोरी-३०८
 अत्थज्झि नाथो सरणं अवोचं-१०, ४०५
 अथ धज्जं तिधा सालि-सट्टिकवीहिभेदतो-३०८
 अनागते सन्निच्छये-४९
 अनेकभेदासुपि लोकधातूसु-२८१
 अनेकसाखज्ज सहस्समण्डलं-२६९
 अभिनीहारो च तासं-२२१
 अभिवादनसीलिस्स-४
 अविज्जा मुद्धाति जानाहि-९
 अवीचिम्हि नुप्पज्जन्ति-२६३
 असङ्खयेय्यानि नामानि-२१४
 अस्सादादीनवता-४२१

आ

आचरियधम्मपाल-त्थेरेनेवाभिसङ्गता-२
 आदितो तस्स निदानं-१२५

इ

इतो परं आचरियधम्मपालेन या कता-४१६

इमे धम्मे सम्मसतो-४१५

उ

उत्तरस्मिं पदे ब्यग्घपुङ्गवोसभकुञ्जरा -१८३
 उम्मुग्घातो पदज्जेव-१२५

ए

एकनालिका कथा च-१२४
 एवादिसत्तिया चेव-१३३
 एवं सब्बङ्गसम्पन्ना-२६३
 एस देवमनुस्सानं-५
 एसा नमुचि ते सेना-१९

क

कति छिन्दे कति जहे-११८
 कथेतब्बस्स अत्थस्स-८७
 कप्पकसायकलियुगे-१५७
 का पनेता पारमियो-२१५
 कामज्ज सा तथाभूता-२
 कामन्था जालसञ्जन्ना-४२७
 कामा ते पठमा सेना-१९
 कामं कामयमानस्स-१११
 कामं तचो च न्हारु च-४१५
 कायेन संवुता आसिं-११५

कारणे चेव चित्ते च-६७
 किकीव अण्डं चमरीव वालधि-२०४
 कित्तेकेन सम्पादनं-२१६
 कुडुवो पसतो एको-३१५
 कुद्धो अत्थं न जानाति-४२६
 केनस्सु निवुतो लोको-१११
 को पच्चयो-२१५

ग

गच्छं समाहितो नागो-१७५
 गम्यमानाधिकारतो-४०३
 गाथासतसमाकिण्णो-११२

च

चक्काभिवुड्ढिकामानं-२
 चित्तीकतं महग्घज्ज-२२

त

तण्हादीहि अघातता-२३८
 तण्हादीहि परामद्गभावो तासं किलिस्सनं-२३८
 तण्हामानादिमज्जत्र-२१६
 तथज्जधातायतनादिलक्खणं-२८०
 तथाकारेन यो धम्मे-२७६
 तथानि सच्चानि समन्तचक्खुना-२८१
 तदायं पथवी सब्बा-४१५
 तदेव तु अवत्थान-१९७
 तस्मा वोहारकुसलस्स-१०५
 तस्स गम्भीरजाणेहि-२३
 तिकज्ज पट्टानवरं दुकुत्तमं-३४०
 ते तादिसे पूजयतो-५
 तेजो उस्साहमन्ता च-२३
 तं निस्साय ममेसोपि-२

द

दस्सनं दीपनज्जापि-१४५
 दस्सितो परम्पराय-१४५
 दानाकारादयो एव-२३९
 दानं सीलज्ज नेक्खम्मं-२१७
 दिसो दिसं यं तं कयिरा-४१३
 दुवे पुथुज्जना वुत्ता-५०
 दुवे सच्चानि अक्खासि-१०५
 देसकस्स वसेनेत्थ-८७
 देसकानं सुकरत्थं-१९७
 देसनाचिरद्वितत्थं-१८८
 द्विदसेकदसान्युद्द-लोमीएकन्तलोमिनो-३२०

न

नपुंसकेन लिङ्गेन-११
 न भवन्ति परियापन्ना-२६३
 न सा अम्हेहुपेक्खेय्या-४१६
 न होन्ति खुद्दका पाणा-२६३
 नेकत्थवुत्तिया सद्दो-१९६
 नेल्लो सेतपच्छदो-३००

प

पज्जमं थिनमिद्धं ते-१९
 पज्ज छिन्दे पज्ज जहे-११९
 पज्जाधिकादिभेदेन-२६२
 पठमं समादानता-वसेनायं कमो रुतो-२१८
 पदन्तरवचनीय-स्सत्थस्स विसेसनाय-२०२
 पयोजनज्ज पिण्डत्थो-१२४
 परमो उत्तमद्वेन-२१६
 परेसमनुग्गाहणं-२२०
 पस्सथेतं माणवकं-३१०

पहाय कामादिमले यथा गता-२८०
 पहुते च पसंसायं-३४३
 पाणिरक्खो पिचु चापि-३७१
 पारमीति महासत्तो-२१६
 पारे मज्जति सोधेति-२१६
 पियो गरु भावनीयो-२२५
 पुब्बापरञ्जू अत्थञ्जू-१०६
 पुमे पण्डे च काकोल-१६४
 पुरेयावपुरायोगे-५०
 पूजारहे पूजयतो-५
 पूरेति मवति परे-२१६

फ

फस्सतो छब्बिधापेता-४०५

ब

बहुस्सुतोधम्मधरो-१३९
 बात्तिसक्खरगन्थानं-७२
 बुद्धोपि बुद्धस्स भण्येय वण्णं-१५, १६६, २६६,
 २८०
 बुद्धत्तं पच्चुपट्टानं-२२०

भ

भुत्ता च सा द्वादसहन्ति पापके-३७०
 भेदकथा तत्वकथा-१२४

म

मक्कटी वज्जिपुत्ता च-१२१
 मत्तमेवाति एकत्थं-४०८
 मन्दानञ्च अमूळ्हत्थं-१९७
 मयेव मुखसोभास्से-१६९
 महाकारुणिको सत्था-२६१

महासिखा च सुक्खग्गा-रत्तानिलसिखोज्जला-३२८
 मातापिताचरियेसु-१०
 मिच्छादिट्ठिं न सेवन्ति-२६४

य

यञ्चत्थवतो सदेकसेसतो वापि सुय्यते-५१
 यतो च धम्मं तथमेव भासति-२८१
 यथा च युत्ता सुगता पुरातना-२८१
 यथा वाचा गता यस्स-२७८
 यथा विभागतो तिस-विधा सङ्गहतो दस-२५५
 यथा हि अङ्गसम्भारा-२८३
 यथापि पुण्फरासिम्हा-१२६
 यथाभिनीहारमतो यथारुचि-२८१
 यथावुत्तस्स दोसस्स-१०९
 यदान्तल्लिक्खे बलवा-३२८
 यम्हि सच्चञ्च धम्मो च-२७
 यस्सन्तरतो न सन्ति कोपा-१५८
 यस्स येन हि सम्बन्धो-४३
 यायत्थमभिवण्णेन्ति-२५
 येन केनचि अत्थस्स-१९६
 येन देवूपपत्यस्स-१२
 येन येन निमित्तेन-१६
 यो अकुसले समूलेहि-४३७
 यो देसेत्वान सद्धम्मं-१
 यो निन्दियं पसंसति-१६३
 यो नेकसेतनागिन्दो-२

र

रूपतण्हादिका काम-तण्हादीहि तिधा पुन-४०६

ल

लाभो सिलोको सक्कारो-१९

लुद्धो अत्थं न जानाति - ४२७

व

वण्णगमो वण्णविपरियायो - १५४
 वण्णनं आरभिस्सामि - २
 वत्तमानाय पञ्चम्यं - ११
 वायुपित्तकफा दोसा - ६२
 विनेय्यज्झासये छेकं - १
 विपुब्बो धा करोत्यत्थे - २९६
 विरत्तो सब्बधम्मेषु - २६१
 वुत्तम्हि एकधम्मे - ३५९
 वेनेय्यानं तत्थ बीजवापनत्थञ्च अत्तनो - १९७

स

सङ्केतवचनं सच्चं - १०५
 सङ्कपमं सेत'मतुल्यदस्सनं - ३७०
 सङ्केपता च सोत्तूहि - २
 सङ्गीतित्तयमारुळ्हा - १
 सच्चो चागी उपसन्तो - २६१
 सत्तञ्च बलिपुत्तानं - ३२८
 सत्थुसम्पत्तिया चेव - १८९
 सत्तसत्तसहस्सानि - ३६
 सत्तसत्तग्गिना वारा - ३६३
 सद्दो धम्मो देसना च - ९२
 सब्बदा सब्बसत्तानं - २६१
 सब्बसङ्गतधम्मेषु - ३९
 सब्बसाधारणतादि-कारणेहिपि ईरितं - २१८
 सब्बासं पन तासम्पि - २५९
 सब्बेषु भूतेषु निधाय दण्डं - १११, ११४
 सब्बो रागो पहीनो मे - ११४
 समासो च तद्धितो च - ३६
 समुद्धानं पदत्थो च - १२५
 समुद्धानं पयोजनं - ४१७

सम्मासम्बुद्धता तासं - २६५

सरीरदूसना दोसा - ६३
 सस्सतुच्छेददिट्ठि च - ३९७
 सस्सतुच्छेददिट्ठी च - ८८
 सा मागधी मूलभासा - २६
 सामञ्जभेदतो एता - २५३
 सामञ्जवचनीयतं - १४८
 सुत्तन्ति सामञ्जविधि - १०९
 सुद्धावासेसु देवेषु - २६४
 सुद्धोदनो धोतोदनो - ५५
 सोतवेकल्लता नत्थि - २६३

ह


हन्द बुद्धकरे धम्मे - २२२

*May the merits and virtues
earned by the donors and selfless workers of
Vipassana Research Institute, Igatpuri
be shared by all beings.*



*May all those
who come in contact with
the Buddha Dhamma through
this meritorious deed put the Dhamma
into practice and attain the best
fruits of the Dhamma.*

DEDICATION OF MERIT



May the merit and virtue
accrued from this work
adorn the Buddha's Pure Land,
repay the four great kindnesses above,
and relieve the suffering of
those on the three paths below.

May those who see or hear of these efforts
generate Bodhi-mind,
spend their lives devoted to the Buddha Dharma,
and finally be reborn together in
the Land of Ultimate Bliss.
Homage to Amita Buddha!

NAMO AMITABHA

Printed and Donated for free distribution by
The Corporate Body of the Buddha Educational Foundation
11th Floor, 55 Hang Chow South Road Sec 1, Taipei, Taiwan R.O.C.

Tel: 886-2-23951198 , Fax: 886-2-23913415

Email: overseas@budaedu.org.tw

Printed in Taiwan

1998 , 1200 copies

IN046-2010

